

**შიხაკო წერეთელი**

# **ერი და კაცობრიობა**

**(სოციალური ანალიზი)**



**თბილისის უნივერსიტეტის გამომცემლობა  
თბილისი 1990**

მ. წერეთლის ნაშრომი „ერი და კაცობრიობა“ 1910 წელს გამოვიდა. მასში შევიდა ავტორის ნააზრევი ერის პრობლემებზე, რომელსაც ის წერილების სახით აქვეყნებდა რამდენიმე წლის განმავლობაში. ნაშრომი მრავალ საინტერესო და აზრონიარულ მოსაზრებას შეიცავს და, შეიძლება ითქვას, პირველი მონოგრაფიაა ქართული სოციოლოგიის ისტორიაში. ერის საკითხებზე მ. წერეთლის ნააზრევი დღესაც ისევე საინტერესოა, როგორც ამ რვა ათეული წლის წინ. ნაშრომი იბეჭდება შეუცვლელად როგორც შინაარსობრივი, ისე ენობრივი თვალსაზრისით.

წიგნში დანართის სახით იბეჭდება მისაკო წერეთლის პუბლიცისტური და ეპისტოლარული ხასიათის მასალა, აგრეთვე მოგონებები მის შესახებ.

გათვალისწინებულია ფილოსოფოსების, სოციოლოგების, ისტორიკოსების და, საერთოდ, ფართო მკითხველისათვის.

რედაქტორი ე. კოდუა  
რეცენზენტები: ზ. ანჯაფარიძე  
ვ. ერქომაიშვილი

⊗ თბილისის უნივერსიტეტის, გამომცემლობა, 1990

0302020000  
II \_\_\_\_\_  
608(06) 90

ISBN 5-511-00385-9

## მიხაკო წერეთელი და მისი ნაშრომი

### „ერი და კაცობრიობა“

ქართულ გვარებს შორის ერთ-ერთი წარჩინებულია წერეთელოა საგვარეულო. ხანგრძლივი ისტორიის მქონე ეს გვარი დღემდე წარმოჩენილი ქართულ ხელოვნებასა და მეცნიერებაში, საერთოდ ჩვენი ერის ინტელექტუალურ ცხოვრებაში, განსაკუთრებით XIX - XX საუკუნეებში, ამიტომაცაა, რომ ქართულ საბჭოთა ენციკლოპედიაში წერეთლების საგვარეულო ყველა დანარჩენზე ფართოდაა წარმოდგენილი. სამწუხაროდ, მათ უოველთვის ჯეროვნად დაფასება როლი რეგბიან. გავიხსენოთ მსოფლიო მნიშვნელობის მეცნიერის — გრიგოლ ფილიმოვის ძე წერეთლის ბედი; პოლიტიკიდან ძალზე შორს მდგომი, რეპრესიათა ტალღის მსხვერპლი გახდა და დღემდე მისი არც ერთი ნაშრომი არ გამოცემულა საქართველოში, უცხოეთში კი მისი ბევრი გამოცემა არსებობს. ამთ რიცხვში, ვინც ღირსეულ დაფასებას ელოდება ჩვენი საზოგადოებასაგან, პირველთაგანია მიხეილ (მიხაკო) გიორგის ძე წერეთელი. ეს მრავალმხრივი მოღვაწე, მეცნიერი და პოლიტიკოსი დაიწყო მისი მშობლიური, არადა დღევანდელია სწორედ მისი ნააზრევს საკურობის. უკანასკნელ პერიოდში გარკვეულად „დაიძრა ყინული“, გამოქვეყნდა ორი მებრძოლ საუბრალებო წერილი „ლიტერატურულ საქართველოში“, გერამ შარაძის „მიხაკო წერეთელი“ და გ. ყორანაშვილის „მიხაკო წერეთლის ნააზრევი ერის შესახებ“ (1968 წლის 18 იანვარს).

მიხაკო წერეთლის ცხოვრება წინააღმდეგობებით არის აღსაუსე, მაგრამ გი შიშველადღებულ პიროვნებად წარმოგვიდგება ცხოვრების ყველა ეტაპზე. მიხაკო წერეთელი დაიბადა შორაპნის მაზრის სოფელ ცხრუკეთში, გიორგი წერეთლის ოჯახში. ის უმცროსი შვილი იყო, უფროსმა, ვასილ წერეთელმა, ქართულ კულტურაში მნიშვნელოვანი კვალი დატოვა როგორც საკუთარი მოღვაწეობით, ისე თავისი მეშვიდრეებით — გიორგი და თინა წერეთლებით. ვასილ წერეთელმა (1862—1937) თავისი საზოგადოებრივ-პოლიტიკური მოღვაწეობით საქმალ გავლენა მოახდინა მიხაკოზე. ქუთაისის ქართული გიმნაზიის დამთავრების შემდეგ, ვასილი 1884 წელს შევიდა ოდესის უნივერსიტეტის საბუნებისმეტყველო ფაკულტეტზე. ის ხალხისური მოძრაობის ერთ-ერთი აქტიური წევრი იყო, რის გამოც დააპატიმრეს და გადაასახლეს ოდესიდან. 1893 წელს კვლავ დაუბრუნდა უმაღლეს სასწავლებელს და დაამთავრა კიევის უნივერსიტეტის სამკურნალო ფაკულტეტი. მან, როგორც ექიმმა, დიდი ამაგი დასწო ქართულ სამკურნალო დაწესებულებებს საქართველოს სხვადასხვა ქალაქში, იყო აქტიური პუბლიცისტი, წერილებს წერდა შრავლ და რკში — იყო ჯერ ფედერალისტური, შემდეგ კი ეროვნულ-დემოკრატიული პარტიის წევრი. როგორც ამ პარტიის წარმომადგენელი, იყო საქართველოს დამფუძნებელი კრების წევრი, რედაქტორობდა გაზეთ „საქართველოს“. საქართველოში საბჭოთა ხელისუფლების დამყარებამ წერტილი დაუსვა მის პოლიტიკურ მოღვაწეობას.

მიხაკო წერეთელი დაიბადა 1878 წლის 23 დეკემბერს, გარდაიცვალა მიუნხენში 1965 წლის 2 მარტს. სრულიად ახალგაზრდა, გიმნაზიის წლებში ჩაება რევოლუციური ბრძოლაში. ზოგიერთი ბიოგრაფი აღნიშნავს, რომ იგი მიემხრო მარქსისტულ მოძრაობას. ეს არ არის სწორი, მიხაკო არასდროს ყოფილა მარქსისტი, ის ცარიზმის წინააღმდეგ იბრძოდა გიმნაზიიდანვე, მაგრამ არა მარქსიზმის პოზიციებიდან. 1899 წლიდან სწავლობს კიევის უნივერსიტეტში, მაგრამ რევოლუციური საქმიანობის გამო იძულებული გახდა თავი დაენებებინა სწავლისათვის და საზღვარგარეთ წასულიყო ცოდნის გასაღრმავებლად.

ერთხანს პარიზის უნივერსიტეტში სწავლობდა, მაგრამ მისი ლტოლვა ანარქისტული რევოლუციური მოძრაობისაკენ და შემდგომ ანარქისტულ დემონსტრაციებში მონაწილეობის მი-

ლება გახდა საბაზო მისი დაპატიმრებისა და პარიზიდან გადასახლებისა. იგი გადავიდა ლონდონში, სადაც დაუახლოვდა ვარლამ ჩერქეზიშვილს, რომელმაც არსებითი გავლენა მოახდინა მიხაკო წერეთლის პოლიტიკური მსოფლმხედველობის საბოლოოდ ჩამოყალიბებაზე. მიხაკო წერეთელი თავისი პოლიტიკური მრწამსით ანარქისტი იყო. მისი თეორიული მსოფლმხედველობა ჩამოყალიბდა როგორც ბიოლოგიზმის, აგრძოდ ორგანიციზმისა და სოციალ-დარვინიზმის ერთ-ერთი მიმართულება. ამას მოწმობს მისი ერთ-ერთი პირველი წერილი „საზოგადოებრიობა და არსებობისათვის ბრძოლა“ (1904 წელი). სანგალას ფსევდონიმით 1907 წელს გამოქვეყნდა ნაშრომი საფრანგეთის რევოლუციური ისტორიაზე, ხოლო 1910 წელს Balonis ფსევდონიმით — „ერი და კაცობრიობა“. ეს იყო მიხაკო წერეთლის პირველი დიდი სოციოლოგიური შრომა და არსებითად პირველი სოციოლოგიური მონოგრაფია საქართველოში.

როგორც მიხაკო წერეთელი აღნიშნავს, მისი მეცნიერული ინტერესების განვითარებაზე არსებითი გავლენა მოუხდენია ექვთიმე თაყაიშვილს, რომელსაც უსაყვედურია ანარქიზმის იდეებით გატაცება და ურჩევია სწავლა-განათლების გაგრძელება. ამან უზიძგა წერეთელს, გამგზავრბოლყო ლონდონს, სადაც ასირიოლოგიას სწავლობდა, შემდეგ გადასულა ლაიფციგში და ბოლოს ჰაიდელბერგის უნივერსიტეტში დაუმთავრებია სწავლა. 1920 წელს იფანე ჭავჭავაძის თხოვნით მიხაკო წერეთელი მოიწვია თბილისის უნივერსიტეტში ასირიოლოგიისა და აღმოსავლეთის ისტორიის კათედრის გამგედ. უცხოეთში გამგზავრბების შემდეგ იგი ასირიოლოგიისა და ქართული ენის კათედრებს განაგებდა ბრიუსელისა და ბერლინის უნივერსიტეტებში. ემიგრაციის შემდეგ მიხაკო წერეთელი მალე ჩამოშორდა პოლიტიკურ სარბიელს. მისი უკანასკნელი პოლიტიკური აქცია იყო გერმანიის წყაღქევა ნავით გამოგზავრბება საქართველოს პოლიტიკური საბოძების მოსაგვარებლად. 20-იანი წლების დასასრულისათვის მიხაკო წერეთლის მოღვაწეობა თლიანად მეცნიერულ კვლევა-ძიებას ეთმობა. იგი ქართული კულტურის პრობლემებს მსოფლიო კულტურასთან მიმართებაში იკვლევს, მას ქართული კულტურისათვის არასდროს უღალატნია. თავისი ცხოვრების საზრისს ქართველი ერის სამსახურში ხედავდა, ამიტომ მართებულა გურამ შარაძის მტკიცება: „მიხაკო წერეთლის ღრმა მეცნიერული მემკვიდრეობის სათანადოდ შესწავლა, დაფასება და გამოცემა ჩვენი მამაშვილური ვალაია“. მიხაკო წერეთლის ნააზრვეი და ნაღვაწი ერის გარშემო ტრიალებს, — მაშინაც, როცა ერზე წერს მონოგრაფიას და მაშინაც, როდესაც მსოფლიო კულტურის საკითხებს განიხილავს, ამიტომ მართებულად მიგვაჩნია გურამ ყორანაშვილის მოსაზრება: „მიხაკო წერეთლის შეხედულებანი ერის საკითხში სულაც არ იყო მხოლოდ პოლიტიკური კონუნკტურით ნაკარნახვეი და გამომდინარეობდა საკითხის ნამდვილად მეცნიერული ფილოსოფიური გააზრებიდან, დაფუძნებული იყო თანამედროვე სოციოლოგიისა და ისტორიოგრაფიის (კერძოდ ქართული), ასევე ერის თეორიების კარგ ცოდნაზე, ამიტომაც მისი თეორიული მემკვიდრეობა ერის საკითხის თაობაზე წარუვალი მნიშვნელობისა და „ერისა და კაცობრიობის“ ხელახალი გამოცემა ჩვენი კულტურული ცხოვრების გადაუდებელ საქმეს წარმოადგენს“.

მიხაკო წერეთელს მემკვიდრეები არ დარჩენია, მაგრამ დატოვა ბრწყინვალე ნააზრვეი, რომლის წარმოჩენა: ქართული საზოგადოებისათვის ცხადს გახდის მკვლევარის უკვდავებას, ეს წიგნი პირველი ნაბიჯი იქნება მიხაკო წერეთლას მრავალმხრივი მემკვიდრეობის გამომზეურების გზაზე.

მიხაკო წერეთელი სამოღვაწეო ასპარეზზე გამოდის როგორც სოციალურ-პოლიტიკური მოღვაწეობის ერთ-ერთი წარმომადგენელი, უკვე ქუთაისის გიმნაზიაში ებმება რევოლუციურ მოძრაობაში. მისი რევოლუციური მრწამსი სოციალიზმისაკენ სწრაფვია ანარქიზმის გზით. ახალგაზრდობის პერიოდში იგი ანარქიზმის მესვეურთა დიდ გავლენას განიცდიდა. ის ახლოს გავცნობა ბაკუნინის, კროპოტკინის, რეკლიუს, ჩერქეზიშვილის იდეებს, განსაკუთრებით მოსწონდა ამ უკანასკნელის მსოფლმხედველობა, რადგან მხოლოდ ის იყო აგებული ეროვნულ ნიადაგზე. მიხაკო წერეთელმა თავისი ნაშრომი „ერი და კაცობრიობა“ სწორედ ვ. ჩერქეზიშვილს მიუძღვნა შემდეგი წარწერით: „ძვირფას მასწავლებელს და მეგობარს ვარლამ ჩერქეზიშვილს, რომელმაც კაცობრიობის ოლიმპზე თავისი პატარა საქართველოც ცნო ღირსად თავისუფალი ცხოვრებისა“.

მ. წერეთლის მსოფლმხედველობის ჩამოყალიბება გაბატონებულ სოციალურ იდეათა კრიტიკული ანალიზის საფუძველზე წარმოებდა. ყოველ შემთხვევაში, მან ადრევე გადალახა დოგმატიზმი, რომელიც უკრიტიკოდ იღებდა მარქსის, ენგელსის, კაუტსის, მერე ბაკუნინის, კროპოტ-

1 გურამ ყორანაშვილი, მიხაკო წერეთლის ნააზრვეი ერის შესახებ, „ლიტერატურული საქართველო“, 1988 წლის 18 ნოემბერი.

ციხის და ოკუპირებული იდეებს. დარწმუნება, რომ „ვერსალის“ კრიტიკულად უნდა მოეკიდოს და სოციალიზმის დედასა, რათა ქვემოთი კლასი დაიწინაურდეს.

მიხაკო წერეთლის მოღვაწეობა ათა ეროვნულ-მშენებლობაში. უკვე აღინიშნა, რომ იგი სამოღვაწეო ასპარეზზე გამოვიდა როგორც სოციალური მოძრაობის წარმომადგენელი, სწორედ ამ პერსონაჟს ეკუთვნის მისი მსოფლმხედველობა, ძირითადად სოციალ-ფილოსოფიურ და სოციალური ხასიათისა. მ. წერეთელი პრაქტიკულად (კარხმის) საწინააღმდეგო მოძრაობაში უკვე გიმნაზიის წლებში ემბეჭა, სრულიად ახალგაზრდა იწყებს წერილობით და წიგნების გამოქვეყნებას სოციალური მოძრაობის საკითხებზე. მისი შრომები ახვალახზე ფაქტობრივად იმეტილებოდა: „სანგალა“, აღარაიღეოდა „Baton“. მისი პირველი წერილები ეძღვნება სოციალური მოძრაობის და პოლიტიკური ცხოვრების საკითხებს. 1904 წელს გამოქვეყნდა წერილი „სახოგადოება და არსებობისათვის ბრძოლა“, შემდეგ „რევოლუცია და რეაქცია“, „სახელმწიფო ძალის ბელში ჩაგდება და სოციალური რევოლუცია“ და სხვა. ცალკე გამოცემული წიგნებიდან აღსანიშნავია „სანგალა“ ფსევდონიმით დახვედლი „მუშათა მოძრაობა საფრანგეთში 1789 წლამდე“ და 1910 წელს Baton-ის ფსევდონიმით გამოქვეყნებული „ეგრი და კაცობრიობა“, რომელიც პირველ სოციალური შრომა წარმოადგენს XX საუკუნის საქართველოში.

როგორც ითქვა, ჩვენს პრესაში გამოქმეულია მოსახრება, რომ გიმნაზიელი მ. წერეთელი მიემხრო მარქსისტულ მოძრაობას, რომ მიხაკო წერეთელი მალე გამოეთხოვა ანარქისტულ იდეებს და წმინდა ეროვნულ ნიადაგზე დადგა, რასაც მოწმობს 1910 წ. გამოცემული მისი წიგნი „ეგრი და კაცობრიობა“<sup>1</sup>. თუმცა ამ წიგნის ავტორი მ. წერეთელზე ძრავალ საინტერესო ცნობას გვაწვდის, ორივე ზეოროგამოქმეული დებულება: მდინარეა: მ. წერეთელი მარქსისტულ მოძრაობას არ ემხრობოდა და არც „ეგრი და კაცობრიობა“ ანარქიზმის იდეების გადალახვის მაჩვენებელი. მ. წერეთლის მსოფლმხედველობას როგორც დასაწყისში, ისე „ეგრი და კაცობრიობის“ გამოსვლის დროსაც განსაზღვრავდა ანარქისტული თვალსაზრისი, სწორედ იმიტომ შეარჩია თავის მასწავლებლად ე. ჩერეზიშვილი, რომ მის ნაზრეკში დაინახა საკუთარი თვალთახედვის მფორმირებელი პრინციპები, ეკროდა, მ. წერეთლისთვის მთავარი იყო ანარქიზმის იდეების დაკავშირება ეროვნულ ყოფასთან. ეს კი, როგორც თვითონ აღნიშნავს, მხოლოდ ჩერეზიშვილისათვის იყო დამახასიათებელი. მ. წერეთლისავე აღიარებით, იგი უკვე ჩამოკლებულა ანარქიზტი ჩაეიდა პარჩხსა და ეგნევაში და თვალს ადევნებდა სოციალურ მოძრაობას. „სოციალ-დემოკრატიულმა სოციალიზმმა კერძო მიზნად, რადგან ჩემი იდეალი უფრო მაღალი იყო და ანარქიზმი უკეთ მამაყოფილებდა. იგი უკეთ წყვეტდა ადამიანის პიროვნებისა და საზოგადოებრივი ორგანიზაციის საკითხებს. მაგრამ ეგრე აქ ვნახე სამართალი ქართველმა“<sup>2</sup>.

მიხაკო წერეთლის ბიოგრაფია — ეს არის ერთი იდეალისადმი სამსახური; მხედველობაში გვაქვს მისი პოლიტიკური მოღვაწეობა. რა არის მისი არსება და საზრისი? — ამ კითხვებზე პასუხის გაცემაში დაგვეხმარება 1906 წელს Baton-ის ფსევდონიმით გამოშვებული მისი ბროშურა „პასუხი პროტესტანტებს“, ავტორი კოველგვარი თეორიის კრიტიკის წინამძღვრად მიიჩნევს განთავისუფლებას წინააღმდეგ აკვირებული და შეუმოწმებელი აზრებისაგან, რომელთაც ცრურწმენის ძალა აქვთ. ამ ბროშურაში ის მიმართავს სოციალ-დემოკრატებს, მუშებს და ახალგაზრდებს. პირველთა მიმართ ფიქრობს, რომ ისინი იგუბიტები არიან და მათთვის ქვემოთების შთავსება შეუძლებელია. მეორეთ არწმუნებს საკუთარი იდელების სისწორეში, მესამეთ კი მოუწოდებს თვითონ გაიზარონ, განსაჯონ და ისე იმსჯელონ. ის, რასაც აქ მიხაკო წერეთელი ამტკიცებს, ანარქიზმის ძირითადი პრინციპების ანალიზი და მათი დაპირისპირება სოციალ-დემოკრატიული პრინციპებისადმი. მიხაკო წერეთელი საყვედურობს სოციალ-დემოკრატიულ პროპაგანდას აყოლილ მუშებს და ახალგაზრდებს, რომ მათ არ ესმით ანარქიზმის იდეალი და არ იციან, რომელი მიმართულება გამოხატავს მათ ნამდვილ ინტერესებს. ანარქიზმის იდეალი, რომლის წარმომადგენელი მიხაკო წერეთელია, სოციალიზმი, მაგრამ სოციალ-დემოკრატიული სოციალიზმისაგან განსხვავებული. მიხაკო წერეთლის აზრით, ეს უკანასკნელი ამბობს ძველთა ბატონობას და ამკვიდრებს ახალ ბიუროკრატთა ბატონობას საზოგადოებაში. ეს არის ბელმ-ღვანელთა ერთი კასტის შეცვლა მეორით. მიხაკო წერეთელი არ ცნობს არცერთ ტიპის ბელმ-ღვანელს და არც გარეშე გამათავისუფლებელ ძალას. მუშის განთავისუფლება თვითონ მუ-

<sup>1</sup> Baton, ეგრი და კაცობრიობა, განხილული სოციალური მხრით, თბ., 1910, გვ. XX.  
<sup>2</sup> გუტრამ შარაძე, მიხაკო წერეთელი, „ლიტერატურული საქართველო“, 1987, 25 სექტემბერი.  
<sup>3</sup> Baton, ეგრი და კაცობრიობა, გვ. XXV.

ზის საქმედ. სხვათა ხელმძღვანელობით. გარეშე. ამი, მაგალითად, მუშის ყველა ეგრედ წოდებულნი „ხელმძღვანელებით“ მებრუნება, რადგანაც ვიცი მათი საქმეები, თუ რა ჩაუდენიათ შუშათა მამართ მთელი ერთი საუკუნის განმავლობაში, — ვიცი ეს და მიტოვაც არის ჩემი იდეალი: განთავისუფლდე: მუშა ყოველ ამგვარ ხელმძღვანელთაგან და თავისი შეგნებით, თავისივე ძალდონით განთავისუფლდე ყოველგვარ გაბერილ ხელმძღვანელთაგანაც და ყოველ სხვა ბატონთაგანაც. მე მართლაც მწამს თვით მუშების დევიზი, — მუშათა განთავისუფლება უნდა მარტო! თვით მუშათა მიერ, — და ამიტომ არა ვთვლი ნამდვილ სოციალისტად არც ერთ „სოციალისტურ“ პარტიას, რომელსაც მიზნად გაუხდია მუშათა „ხელმძღვანელობა“, ე. ი. მათი ხელში ჩაგდება, მათი გაფანატოცება, მათ ზურგზე თავისი დიდების აშენება და პირადი თავმოყვარობის დაქაყმადება“<sup>1</sup>.

ანარქიზმი მოითხოვს ცხოვრების ისეთ წესს, რომელსაც უშუალოდ მუშა და გლეხი წარმოართავს. სახელმწიფო აპარატი, პოლიციის, კანონებისა და დაქვის გარეშე. მუშის განთავისუფლებაც და მისი ცხოვრებაც მთლიანად მის ხელში უნდა იყოს. აქედან გამომდინარე, წერეთლის აზრით, შეუძლებელია, თუნდაც ყველაზე დემოკრატიული სახელმწიფო იმსახურებდეს ყოფილებლას აღამიანურ სამყაროში. ანარქისტები არ მოითხოვენ დემოკრატიის მანდატებს და წინააღმდეგნი არიან ამ მანდატთა სისტემის არსებობისა. წერეთლის აზრით, გურიის გლეხთა აჯანყებდა სწორედ მმართველებისაგან თავისუფალი საზოგადოების განხორციელება იყო. მიზაკო წერეთელი საყვილურობს სოციალ-დემოკრატებს იმის გამო, რომ მათ ანარქიზმი გამოაცხადეს საზოგადოებრივი ანარქიისა და არეულ-დარეულობის თეორიად. სინამდვილეში ანარქიზმი ქაოსს კი არ ქადაგებს, არამედ უარყოფს ადამიანებზე მალა მღვარ ინსტიტუტებს. არათუ დიქტატურა, დემოკრატიაც მიუღებელია მათთვის. ჩვენ უარსა ვყოფთ ყოველივე სახელმწიფოებრივ დაწესებულებას, რომელიც დამყარებული იქნება საყოველთაო და ფართო კენჭის ყრახტად კი. მამადამდე ოქვენი კენჭის მოხარბე არა ვართ, ჩვენ არ გვიონდა თქვენი არჩევნები, რომ შემდეგ ისევე ზურგზედ დაგაჭდეთ ჩვენი გამოცემული კანონებით და სარჩენად გაგიხდეთ. ამა თუ გახსოვთ როდისმე, რომ სადმე კენჭის ყუთი დაგვედგას, ან შეგახეწოლით, — ჩვენ, ანარქისტები ამოგვიჩიეთ-მეთქი. ჩვენთვის არც ქალაქის საბჭოში სადამუტატოდ მოვიცითა. ხმა, არც პარლამენტებში, არც რუსეთის სახელმწიფო სათათბიროში. ჩვენ არც გვითხოვია არავითარი დიდება მუშის ხალხისთვის, არც ახლა ვითხოვთ, და არც არასოდეს<sup>2</sup>.

მიზაკო წერეთლის აზრით, სოციალიზმი და კომუნისმი, რომელსაც სოციალ-დემოკრატები გეთავაზობენ, სახელმწიფო აპარატითა და მმართველი წრეებით. ვერასოდეს იქნება შესაბამის ცნებათა შინაარსის გამოხატველი. ნამდვილი სოციალიზმი და კომუნისმი ანარქისტების იდეალია. ჩვენი სოციალიზმი ისეთია, როგორც იდეალად ჰქონდათ დასახული საერთაშორისო პუნქტთა კავშირის წყარებს. — მუშებს: ყველა საწარმოო იარაღები, — მიწა და სამრეწველო ქარხნები და ფაბრიკები მუშათა თავისუფალ კავშირთა ხელში იქნება. ეს კავშირები შეეკრიბიან ერთმანეთს ფედერატიულად და თავისუფლად მოაწყობენ წარმოებას. აღარ იქნება აღარც მმართველები და მგლეგელები, აღარც სახელმწიფო, ე. ი. ქარი, პოლიცია, მსაჯული, საპყრობილე და ჭალატი. — არამედ თავისუფალი კავშირი მშვენიერად, მეცნიერულად აღზრდილ მწარმოებელთა შორის, რომელთაც ძალდატანება და კოჟერში ცემა აღარ დასჭირდებათ, რომ ცხოვრობის საერთო მიმდინარეობაში მიიღონ გონიერი მონაწილეობა. ეს არის ანარქია, და არა არეულ-დარევა, როგორც გვეუბნებიან მუდამ თქვენი, „პარტიოსანი“ და სხვისი აზრის „პარტიისმკემელი“ ხელმძღვანელი სოციალ-დემოკრატები. მოიგონეთ გურიის მოძრაობა. იქ თითოეული სოფელსა ჰქონდა თავისი ბატარა თავისუფლება: აღარც პოლიციელი, აღარც მღვდლის ბატონობა, — აღარც მემამულისა, აღარც მსაჯულისა — ყოველივე გაქრა. სახელმწიფო უარყოფილ იქნა. წარმოადგინეთ, რომ ამგვარად მოაწყეს საქმე ყველა სოფლებში და მერე შეერთდნენ თავისუფლად. ეს თქვათ, რომ ქალაქებშიდაც იგივე მოახდინეს მუშებში და ასე, ამგვარად მთელ ქვეყანას, ან მარტო ვერძობს მოედო ამგვარი წესი ცხოვრებისა. თვითოეული თემი თავის წარმოების სახსარით მიხედვით თავისუფლად აწარმოებს და იმავე დროს შეკავშირებულია სხვა მწარმოებელ თემებთან წარმოებითი კავშირით. მათ შორის მუდმივი დამოკიდებულებაა, მუდმივი ცემა წარმოებისა, საწარმოო იარაღითა და აგრეთვე აზრთა; მათ შორის ძალ-დამტანებელი არა არის რა, არამედ ბუნებრივ, თავისუფალი და მოთხოვნილებათა მიერ გამოწვეული ათასნაირი ურთაქრობანია. — აღდეთ ამგვარად მოწყობილი საზოგადოება და ეს არის ის, რასაც ჩვენ კომუნისმი ვუწოდებთ.

გურიაში ხომ აღარ იყო არც პოლიციელი, არც მსაჯული, არც საპყრობილე და წამება ადა-

<sup>1</sup> B a t o n, „სახელი პროტესტანტებს, თბ., 1906, გვ. 11—12.

<sup>2</sup> იქვე, გვ. 12-13.

მიანისა, — შემდეგ, ზემოხსენებულ საზოგადოებაში სრულიად მოსპეს, ძირიანად ამოგდეს ყველა დაწესებულებანი, რომელნიც გურულებმა უარქვეეს, — და ეს იქნება ანარქია, ე. ო. ის წესი ცხოვრებისა, როდესაც აღარც პოლიცია, აღარც ჭარი, მსაჯული და ციხე აღარ იქნება. ერთი სიტყვით, — ჩვენს სოციალიზმი — კომუნისტური და ანარქულია, და ეს არის ჩვენი იდეალი<sup>1</sup>.

როგორც ვხედავთ, იდეალი — სოციალიზმი და კომუნისმი — ანარქისტებისა და სოციალ-დემოკრატებისათვის ერთი და იგივეა; მაგრამ განსხვავებულ მიზნებს ღებენ მათში, ანარქისტებისათვის არ არსებობს გარდამავალი ხანა. მათ უნდათ პირდაპირი ნახტომი კაპიტალიზმიდან სოციალიზმზე დემოკრატიული გარდაქმნების გარეშე. იდეალის განხორციელების ერთი გზა აქვთ ანარქისტებს და სოციალ-დემოკრატებს — რევოლუცია, მაგრამ არსებითი დამპირისპირებაა რევოლუციის გაგებაში. სოციალ-დემოკრატია რევოლუციის პირველ ეტაპზე მუშათა კლასს მოუწოდებს დაეხმარონ ბურჟუაზიას ბურჟუაზიული რევოლუციის ამოცანების განხორციელებაში. პროგრამა მინიმუმის ამოცანაა პროლეტარიატის მონაწილეობით ბურჟუაზიულ-დემოკრატიული რესპუბლიკის დამყარება. ანარქიზმს ეს ზედმეტად მოაჩნია წერეთელი კოხტულობა — რატომ უნდა იბრძოლოს მუშამ იმისათვის, რომ ბურჟუაზიას ჩააბაროს ხელისუფლება და ფეოდალის ნაცვლად ბურჟუის უღელი დაიდგას?

მუშამ უნდა იბრძოლოს იმისათვის, რომ საერთოდ მოსპოს ყოველგვარი ბატონობა და ხელისუფლება. სოციალ-დემოკრატებსა და ანარქისტებს შორის რევოლუციური ბრძოლის ფორმების დღევანდელი დამირისპირებაა. წერეთელს მოაჩნია, რომ სოციალ-დემოკრატთა ხელს იღებს რევოლუციური მოქმედების ისეთ ფორმებზე, როგორცაა შეიარაღებული აჯანყება, საყოველთაო გაფიცვა და ტერორი. ანარქისტებისათვის „საერთო გაფიცვა მუშათა, ორგანიზაცია სახელმწიფოს გარეშე, სახელმწიფოსთან და ბურჟუაზიასთან ბრძოლა ძირითადი პრინციპებია“<sup>2</sup>. მიხაკო წერეთლის აზრით, ნამდვილი რევოლუცია „უარყოფდა სახელმწიფოსი და ევროპული საკუთრების“<sup>3</sup>. „მიწა გლხნს, ქარხანა მუშას, სრული თავისუფლება ყველას — აი, რა არის ნამდვილი შინაარსი რევოლუციისა“<sup>4</sup>. სოციალ-დემოკრატების პროგრამა-მინიმუმს მიხაკო წერეთელი უპირისპირებს პროგრამა-მაქსიმუმს, რის გამოც სოციალ-დემოკრატები ანარქიზმს მთიანევედ უტოვობად. წერეთელი არ ეთანხმება იმ მოსაზრებას, თითქოს საზოგადოებას სოციალიზმისთვის მომზადება სჭირდებოდეს, საჭირო იყოს დემოკრატიული საზოგადოება. „რა არის სოციალიზმი? საწარმოო საშუალებათა საზოგადო მფლობელობა, თავისუფალ მშრომელთა მიერ წარმოების მოწყობა, ამხანაგურად და თავისუფლად, ისე, რომ აღარც პოლიციელი და მსაჯული, აღარც მღვდელი და მემამულე, აღარც კაპიტალისტი და სახელმწიფო აღარ გაუწიებდეთ“<sup>5</sup>, ამ საქმისთვის საზოგადოება მზადაა და ფაქტურად სახელმწიფო და მისი ინსტიტუტები მუშებს არაერთარ დახმარებას არ უწევენ. თუ მმართველი ფენა ჩამოშორდება საზოგადოებას, ეს იქნება რევოლუცია და სოციალიზმი. მუშებმა და გლეხებმა ბურჟუაზია არ უნდა გააყარონ რევოლუციას და არც ხელისუფლება უნდა დაუთმონ. რევოლუცია ყოველგვარი ბატონობის მოსპობაა და სრული თავისუფლების დამყარება. ამიტომ არ უნდა გაბატონდეს ისიც, ვინც რევოლუციაში დებულობს მონაწილეობას, რადგან თავისუფლება ყოველგვარი ბატონობის საწინააღმდეგოა ამდენად მიხაკო წერეთლის აზრით, სოციალიზმის მხოლოდ ანარქიული ფორმაა მისიადები.

მიხაკო წერეთელი ყველა ანარქისტს ერთნაირად არ აფასებს. ადამიანის ადამიანობა, მისი პიროვნება არ დგას ერის გარეშე, ადამიანის თავისუფლების საკითხი უნდა გადაწყდეს ერის თავისუფლების ნიადაგზე. ასეთი შეხედულებისანი არ იყენენ არც სოციალ-დემოკრატები და არც ანარქისტები. მხოლოდ ჩერკეზიშვილმა მისცა, მ. წერეთლის აზრით, საწყისი სოციალური მოძრაობის ერთან დაჯავშირებას. არც „კრაპოტკინს და არც რეკლუსს არ გაურჩევიათ ერის და კაცობრიობის ცნებები. ეს ნაწილობრივ გააყეთა ჩერკეზიშვილმა“. აქედან ამოდის მიხაკო წერეთლის მსოფლმხედველობა, საკუთარ საპროგრამო პრინციპებს ის ამგვარად გეგმავს „მე ქართველი ანარქისტი ვარ. ჩემთვის ერთეული საკითხი ყოფნა არყოფნის საკითხია, რომლის გარეშე ანარქიზმიც არაა. მე ჩემი ერის უფლებას ვამტკიცებ და ამისთვის დამპირდა ერის, კაცობრიობის და ინტერნაციონალიზმის განსაზღვრა“<sup>6</sup>.

როგორც ვხედავთ, მ. წერეთელს არათუ არ გადაუღალავს ანარქიზმი. არც დაუსაზავს მსგავ-

<sup>1</sup> B a t o n, მასუბი პროტესტანტებს, გვ. 13--15.

<sup>2</sup> იქვე, გვ. 17--18.

<sup>3</sup> იქვე, გვ. 25.

<sup>4</sup> იქვე, გვ. 27.

<sup>5</sup> B a t o n, ერი და კაცობრიობა, გვ. XXXI.

სი აშოცანა. მან ახალი გახზობილება მოუნახა ამ მიმართულებას, სცადა ის ეროვნულ ნიადაგზე დაეყენებინა და საერთოდ ყოველგვარი მოძრაობის განსაზღვრელად თვლიდა ეროვნულ ნიადაგს. თეორიები, რომლებიც ეროვნულ ნიადაგზე არ იდგა, მ. წერეთლის კრიტიკული ანალიზის საგანი ხდებოდა. ამის გარკვევაში მისი ბიოგრაფიაც დაგვეხმარება. გომნაზიაში სწავლის პროცესშივე მონაწილეობის სოციალურ მოძრაობაში, მაგრამ ეს არ ყოფილა დაკავშირებული მესამე დასთან. სოციალური მოძრაობა ამჟინ მრავალი მიმართულებისა იყო და არ ყოფილა განსაზღვრული მარქსიზმით, და არც ქუთაისში და არც კიევის. უნივერსიტეტში სწავლის პერიოდში, როდესაც დემონსტრაციაში მონაწილეობისათვის იძულებული გახდა დაეტოვებია უნივერსიტეტი და უცხოეთში წასულიყო. ის უკვე გატაცებული იყო ანარქიზმის იდეებით. ხოლო როცა პარიზში განავრძო სწავლა, იგი აქტიურად ებმება ანარქისტურ მოძრაობაში, რამაც საბოლოოდ სატუსალომდე მიიყვანა. სწორედ პარიზსა და ქვენევაში დაუკავშირდა ანარქიზმის მამთავრებს, შემდეგი კი ლონდონში — ჩერქეზიშვილს, რომელმაც, როგორც ითქვა, ყველაზე დიდი გავლენა მოახდინა მ. წერეთლის მსოფლმხედველობაზე. უნდა აღვნიშნოთ ისიც, რომ მ. წერეთლის მსოფლმხედველობაზე უნდა შემოვფარგლოთ ძირითად და მისი მსოფლმხედველობის ფორმირების პირველი პერიოდით, რადგან სოციალური მოძრაობისა და სოციალური ფილოსოფიის პრობლემები მისი მოღვაწეობის შემდგომ პერიოდში არ ყოფილა ძირითადი და განსაზღვრელი. მიხაკო წერეთელი მას შემდეგ, რაც თბილისის უნივერსიტეტის პროფესორი გახდა, უფრო გვიან კი ბრიუსელის და ბერლინის უნივერსიტეტების პროფესორი, თავს ანებებს სოციალურ რევოლუციას და მსოფლმხედველობის პრობლემებს და იწყებს მეცნიერულ კვლევა-ძიებას. ამავე დროს განსაკუთრებულ ყურადღებას უთმობს კვლავ ეროვნულ პრობლემებს. ქართული კულტურის საკითხებისადმი ინტერესი წერეთელს სიკვდილამდე გააყვავა.

ჩვენს ინტერესის საგანია მიხაკო წერეთლის სოციალურ შეხედულებანი, უფრო სწორად მისი სოციალურ-ფილოსოფიური და სოციოლოგიური ნააზრევნი.

მიხაკო წერეთელი პირველი სოციოლოგია XX საუკუნის საქართველოში. სოციალური ფილოსოფიისა და სოციოლოგიის იდეები გასული საუკუნის საქართველოშიც ვრცელდებოდა, მაგრამ სოციოლოგი, როგორც ასეთი, XX საუკუნეში გვევლინება მ. წერეთლის სახით. ამას აღასტურებს მისი შრომა „ერი და კაცობრიობა“. სწორედ ამ შრომაში ხდება ანალიზის საგანი ისეთი სოციოლოგიურ ფენომენები, როგორცაა: კაცობრიობა, საზოგადოება, ერი, ხალხი, სამართალი, სახელმწიფო, სამშობლო, თავისუფლება და სხვ.

სოციალურ ფილოსოფიასა და სოციოლოგიაში მიმართულებათა დაპირისპირებას არსებითად შემოფარგლავენ მატერიალიზმისა და იდეალიზმის, დიალექტიკისა და მეტაფიზიკის დაპირისპირებით. მაგრამ არსებობს სხვა სახის დაპირისპირებაც. გასათვალისწინებელია ისიც, რომ სოციალური ყოფიერება რიგ განსხვავებულ ნიშნებს მოიცავს, რომლებიც ასახავს პოულობენ ამ ყოფიერებისადმი მიდგომისა და მისი მოძრაობის განსაზღვრაში, სოციალური ყოფიერება აუცილებლობით გულისხმობს სოციალურ სუბიექტს, როგორც სოციალური მოძრაობის განსაზღვრელსა და სოციალური მოძრაობის იდეალს. სოციალურის სფეროში სპეციფიკურია არა მარტო თავისუფლების, საზრისის, იდეალის, მიზნის და სხვა კატეგორიები, არამედ სუბიექტის, სოციალური მოძრაობის წარმმართველის და მისი მიზნის განსაზღვრელის ცნებებიც.

რა არის სოციალური სუბიექტი საზოგადოებრივ ცხოვრებაში, როგორია მისი ნიშნები — ამ საკითხების გადაწყვეტა განსაზღვრავს სოციალური თეორიის ხასიათს. თუ ამ თვალსაზრისით შევხედავთ სოციალურ აზროვნებას, როგორც საკაცობრიო, ისე საქართველოს მასშტაბით, აქ ორი ძირითადი მიმართულება თუ ტენდენცია დაისახება: ერთისთვის სოციალური მოძრაობის სუბიექტია კლასები და კლასთა ბრძოლა (მარქსიზმი და მასთან ახლომდგომი მიმართულებანი), მეორესათვის ძირითადია ერი და ეროვნული თავისუფლებისათვის ბრძოლა ერებს შორის. სწორედ ამ მეორე ნაკადს მიეკუთვნება მიხაკო წერეთლის ნააზრევი. მისთვის გამორიყებულია კლასობრივი ინტერესები, როგორც ამოსავალი, და ერის გათიშვა, მთავარი თვითონ ერი და მისი ინტერესები, მისთვის სოციალური მოძრაობის იდეალია არა სოციალური ინტერესი, ან სხვა რომელიმე კლასის გამარჯვება, არამედ ერის გამარჯვება, და მისი თავისუფლების უზრუნველყოფა: მაშასადამე, დიღემა შემდეგ ფორმას ღებულობს: კლასი თუ ერი. მ. წერეთელი ერის ინტერესებიდან ამოდის და უარყოფს კლასებისა და კლასობრივი ბრძოლის თეორიას, როგორც საზოგადოების იდეალის განთავისუფლების გზას, რადგან მიაჩნია რომ უნდა განთავისუფლდეს მთელი ერი და არა მისი ნაწილი.

მ. წერეთლის ნააზრევის სოციოლოგიაში განსაზღვრავს დიდი ხნის წინათ სადავოდ გამხდარი და დღესაც დავის საგნად ქცეული ერთ-ერთი ძირითადი საკითხი — თეორიისა და პრაქტიკის სოციოლოგიისა და ცხოვრების მიმართების პრობლემა, აქ თეორიისა და პრაქტიკის, კერძოდ, პრისთვის სოციოლოგიის? პრობლემა დგას, რომელსაც მ. წერეთელი „ყოველ“



გვარ თეორიულ დოგმათა გარეშე, მთელი თავისი მსოფლმხედველობრივი ორიენტაციით საკლებით მართებულად წყვეტს. იგი ეძებს ერის თავისუფლების გზებს. იდეალიც და მისი განხორციელების გზებიც თეორიამ უნდა გააანალიზოს, რათა პრაქტიკას ჰყავდეს მკაცური. ცხოვრების ამოცანათა ისეთი თეორიული გააზრებაა საჭირო, რომ უზრუნველყოს ადამიანის ადამიანობა, მისი იდეალის განხორციელება. „ერი და კაცობრიობისა“ წინასიტყვაობა მთავრდება სწორედ იმის შტრიხებით, რომ ერის, კაცობრიობისა და ინტერნაციონალიზმის თეორიული განსაზღვრა თუ გააზრება ავტორს დასჭირდა ერის უფლების, მისი თავისუფლების დამტკიცებისათვის და „ამ მიზნით სარგებლობდა თანამედროვე სოციოლოგიური ლიტერატურით.“ „ვეულაფერი ერის საშსახურში უნდა იდგეს. ინტერნაციონალიზმიც და ანარქიზმიც მხოლოდ ერთიანობაში ინარჩუნებენ მნიშვნელობას. თუ ერი მოისპობა, მოისპობა ანარქიზმიც და ინტერნაციონალიზმიც“. ავტორი, მართალია, ანარქისტია და ინტერნაციონალისტიც, მაგრამ თუ ერის ინტერესები მოითხოვს, ის მზად არის ანტიანარქისტული და ანტიინტერნაციონალისტური იდეებით გაიზიაროს, რადგან, როგორც თვითონ აღნიშნავს, თუ ზოგჯერ ერის დაცვა ანტიანარქისტული და ანტიინტერნაციონალისტური წაშლა სჭირდება, ეს ის შხამია, რომელიც სასარგებლოა ორგანიზმისათვის. ეს წიგნიც ამ ამოცანას ისახავს მიზნად. ამიტომ წიგნის დასკვნაში „იდეალი და პრაქტიკა“ ავტორი ამტკიცებს: ჩვენი იდეალია ერის უფლებათა სრული განხორციელება. იგი უნდა დაიცვას ყველა მიზდინარეობამ — ანარქიზმი იქნება, სოციალიზმი თუ კოსმოპოლიტიზმი, ერის გარეშე არც ერთი არ არსებობს, ისაა სუბიექტი.

რატომ ვთვლით მ. წერეთლის მოძღვრებას სოციალურ ფილოსოფიად და სოციოლოგიად? იმიტომ, რომ მისში განხილული პრობლემები სოციალური ფილოსოფიის და სოციოლოგიის პრობლემადიკაა: თუ ფილოსოფია ყოფიერების თეორიაა, სოციალური ფილოსოფია სოციალური ყოფიერების თეორიაა. სოციალური ყოფიერება სოციალურ ერთობათა სახით არსებობს, სოციალურ ერთობებში კი შედის საზოგადოება, ერი, კაცობრიობა, სოციალური ჯგუფები. მათი ანალიზი სოციალური ყოფიერების ანალიზია. ამიტომ ამტკიცებს მ. წერეთელი, „ერის და კაცობრიობის პრობლემა წმინდა სოციალური ფილოსოფიის პრობლემაა, მისი საგანია და არაა არცერთი სხვა მეცნიერების საგანი“.1 თუ საკითხის ამგვარ გაგებას გადავუხვევთ, პრობლემის დაყრება განხილდება და მისი გადაწყვეტა შეუძლებელი გახდება. მაშასადამე, მ. წერეთლის მოძღვრება, რომელიც სწორედ სოციალურ ერთობათა პრობლემის განხილვაა, სოციალური ფილოსოფიაა. ამიტომ აღნიშნავს მ. წერეთელი: „ჩვენ ვიკვლევთ საზოგადოებას სოციალური ფილოსოფიის მხრივ“.2 მაგრამ ის არაა მხოლოდ სოციალური ფილოსოფია, ის სოციოლოგიაცაა, წიგნის სათაურშიც ჩანს მისი ასეთი ხასიათი: ერი და კაცობრიობა აქ განიხილება სოციოლოგიურად. სოციოლოგიის საგანი ყოველთვის იყო საზოგადოება, სოციალური და სოციალურ ერთობათა ფორმები. მ. წერეთლის ანალიზის ობიექტს სწორედ ეს ფენომენები და მათი გამოშხატველი კატეგორიები წარმოადგენს. ამიტომ ეს მოძღვრება სოციოლოგიაცაა. უფრო გარკვევით თუ ვიტყვი, მ. წერეთელთან სოციალური ფილოსოფია გაიგივებულია სოციოლოგიასთან, მათი საგანი ერთი და იგივეა. აქ ის ამოდის გუშპლოვიჩის თეორიიდან, რომელიც სოციალურ ფილოსოფიას აიგივებდა სოციოლოგიასთან.

საერთოდ უნდა აღინიშნოს, რომ მ. წერეთლის მოძღვრება ემყარება მისი თანამედროვე ევროპული სოციოლოგიის თეორიებს, მათთან თანხმობით, თუ მათი კრიტიკით აყალიბებს ის თავის შეხედულებებს. მათ შორის, ვინც დიდი გავლენა მოახდინა მ. წერეთელზე, პირველ რიგში უნდა აღინიშნოს დე გრუფი და შტამლერი, შემდეგ კი ორგანიციონისტები: ვორმსი, სპენსერი, ფულიე და სხვ. მ. წერეთელი წერს: „საზოგადოების გაგება ბევრმა სცადა, ჩვენ მივმართავთ საუკეთესო სოციოლოგებს, ასეთია შტამლერი, რომელსაც ამ პრობლემის გადაწყვეტის ბრწყინვალე ცდა აქვს მის შრომაში „მეურნეობა და საბარათაო“. მეორეა ზელგელი სოციოლოგი დე გრუფი“.3 სოციოლოგიის ძირითადი ცნების საზოგადოებისა და სოციალურის გაგებაში მ. წერეთელი, მისივე აღიარებით, ეყრდნობა შტამლერის, ტარდის და სხვათა შეხედულებებს4. ეს მიუთითებს არა მ. წერეთლის თეორიის ნაკლებ, არა იმაზე, რომ ის დამოკიდებული იყო ამ შოპროვანეებზე, არამედ იმაზე, რომ მისი თეორია არ იყო მოწყვეტილი სოციალურის გააზრების თანამედროვე თეორიებს და მათ ბაზაზე, ისე როგორც მათდამი კრიტიკული პოზიციაზე, იყო აგებული. ასეთი ვითარება თეორიას დადებითად ახასიათებს, რადგან გუ-

1 B a t o n, ერი და კაცობრიობა, გვ. 3.

2 იქვე, გვ. 91.

3 იქვე, გვ. 7—8.

4 იქვე, გვ. 54.

ლისებობს, რომ ის ითვალისწინებს თანამედროვე მიღწევებს და ამავე დროს ნაკლოვანებათა კრიტიკული ანალიზით თეორია ახალ საფეხურზე აყვავს. სხვაგვარად შეიძლება თეორია უბრალოდ ველოსიპედის ბელახლა გამოგონება გახდეს, თუ ის არ ითვალისწინებს იმ მიღწევებს, რაც ამ დარგში არსებობს.

მ. წერეთლის ღირსება იმაშია, რომ ის არაა არცერთი მიმართულების ნააზრვეის ეპიგონი და გამოირჩევა კვლევის მიმართულების, საკითხთა გადაწყვეტის ორიგინალობით. როგორც წიგნის სათაურიდანაც ჩანს, მისი კვლევის მიზანია ერისა და კაცობრიობის კატეგორიათა ანალიზი და მათში გამოხატული ფენომენის ადგილის მონახვა სოციალური ყოფიერების სფეროში.

„რა არის კაცობრიობა და რა არის ერი სოციალური მხრით, საზოგადოებრივი სინამდვილის მხრით? შეეწირება თუ არა პირველს მეორე? როგორია მათ შორის ურთიერთობა? ე. ი. რა ადგილი უჭირავს ერს კაცობრიობაში ვნლა და როგორი ურთიერთობაა შესაძლებელი მომავალში ან როგორი ადგილი უნდა ეკიროს ერს მომავალ კაცობრიობაში?“. ამ საკითხებზე პასუხის გაცემა როგორც თეორიული, ისე პრაქტიკული მნიშვნელობისაა და საჭიროებს მათგან გამომდინარე საკითხთა გადაწყვეტას. „არის თუ არა საზოგადოებრივი შინაარსი ერისა და კაცობრიობაში? როგორი ტენდენცია აქვთ მათ? როგორ უნდა შევაფასოთ სოციოლოგიური და ერი და კაცობრიობა? რას წარმოადგენს ამ მხრივ საქართველოს ერი? როგორი უნდა იყოს ამ ანალიზის შემდეგ იდეალური და პრაქტიკული დასკვნა? ესაა ჩვენი საგანი“<sup>1</sup>. მაშასადამე, კვლევის მიზანი მონაზულია და მისი განხორციელების გზა ის, რომ სოციოლოგიური კვლევის განმსაზღვრელია: საზოგადოებისა და სოციალურის ანალიზი, იმის დადგენა, რას ეწოდება საზოგადოება და მოვლენათა რა ჭკუებით შევა სოციალურში. მთელი ეს კვლევა მიზნად ისახავს ადამიანის აწევი ვითარებასა და მომავლის განსაზღვრას. ე. ი. მ. წერეთლის სოციოლოგია ანტიროპოლოგიური მიმართულებისაა. ადამიანი სოციალური არსებობს. ერი და კაცობრიობა ადამიანურის სფეროს შესახებ ცნებებია, ე. ი. სოციალურის სფეროა, მათი ანალიზისათვის საჭიროა გარკვეული საზომი მესამე ცნების სახით. ეს ოქნება სწორედ სოციალური. როგორც ვხედავთ, მ. წერეთელი ემიჯნება იმ ცდებს, რომელთა არსი იყო სოციალურის დაყვანა მისგან განსხვავებულზე — ბიოლოგიურზე, ფსიქოლოგიურზე, მექანიკურზე. ის ცდილობს სოციოლოგია იყოს სოციოლოგიური და არა ბიოლოგიური ან ფსიქოლოგიური. მისი აზრით, სოციოლოგია ახსნა მხოლოდ სოციალური კანონზომიერებით უნდა მოხდეს, ამის საშუალება კი სოციალურის გაგებაა მისი შინაგანი კანონზომიერების საფუძველზე. მაშასადამე, სოციალური, რომელმაც გასაგებო უნდა გახადოს ერი და კაცობრიობა, თვითონ უნდა გაანალიზდეს. სოციალური არაა ადამიანთა შეერთების გარეშე, ინდივიდი სხვა ინდივიდებთან კავშირის გარეშე ბიოლოგიური არსებობს. სოციალური მასში მხოლოდ შესაძლებლობის სახით არსებობს. ეს შესაძლებლობა რეალიზდება ერთობაში, ე. ი. საზოგადოებაში. ამიტომ სოციალურის გასაგებად უნდა გავიგოთ, რა არის საზოგადოება. საზოგადოება რომ ინდივიდუალურ ძალთა შეერთებაა, სოციალურობის ეს გაგება ანტიკურობიდან მომდინარეობს.

ჭერ კიდევ ეპიკურემ და ლუკრეციუსმა შეამჩნიეს, რომ საზოგადოება ინდივიდუალურ ძალთა შეერთებაა. არსებობისათვის ბრძოლაში საკითხი დგას, რაში გამოიხატება ეს შეერთება, რით ხასიათდება იგი? შეერთების განსაკუთრებულ წესში უნდა ვეძიოთ ადამიანთა კავშირის სოციალურ ფაქტად ვახდომ. ადამიანთა ძალების შეერთება საზოგადოება, მაგრამ არა ყოველი შეერთება საზოგადოება. არსებობს შეერთების სპეციფიკური წესი, რომელიც მას ხდის სოციალურად და განასხვავებს არასოციალური ხასიათის შეერთებისაგან. როდესაც საზოგადოებას განვსაზღვრავთ, როგორც ძალების შეერთებას არსებობისათვის ბრძოლაში, აქ სოციალურში რამდენიმე ცნებას ვგულისხმობთ: „მოთხოვნილება“, „მოქმედება“, „მორწმუნეობა“, ძალთა შეერთება“. მაგრამ აღმოჩნდება, რომ სოციალურის სპეციფიკა არ დაიფუძნება არც ერთ მათგანზე. მოთხოვნილება და მოქმედება ახასიათებს ცალკეულ ადამიანებსაც, მაგრამ ის არაა სოციალური. ამიტომ ამ ცნებებით სოციალურს ვერ გამოვხატავთ. მორწმუნეობაც ახასიათებს ცალკეულ ადამიანს და არც ის გამოხატავს სოციალურის სპეციფიკას. დარჩა შეერთება და სწორედ შეერთების წესში უნდა იყოს ნაძებნი სოციალური. მაშასადამე, საკითხი ისმის „ადამიანთა როგორი შეერთებაა სოციალური?“ ზემოთ აღვსიწნეთ, რომ მ. წერეთელი თავისი დროის სოციოლოგების გავლენას განიცდის, მაგრამ ამავე დროს კრიტიკულდაც უდგება მათ, რაც საშუალებას აძლევს დაინახოს მათი შეცდომები. განსაკუთრებით მწვავედ აკრიტიკებს მ. წერეთელი მათ ბიოლოგიზმსა და ფსიქოლოგიზმს სოციალურის გაგებაში. მისი მტკიცებით ამ სოციოლოგებმა სწორად დაინახეს, რომ სოციალური დაკავშირებულია ბუნებ-

<sup>1</sup> B a t o. ერი და კაცობრიობა, გვ. 2.

<sup>2</sup> იქვე, გვ. 54.

რეთან, ბიოლოგიურთან, ფსიქოლოგიურთან. მაგრამ ამის საფუძველზე არასწორად დაიყვანა სოციალური ბიოლოგიურსა და ფსიქოლოგიურზე. სინამდვილეში როგორც ფსიქოლოგიურად ვერ დაიყვან ფიზიოლოგიურ და მექანიკურ მოვლენაზე, ისე სოციალურ მოვლენას ვერ დაიყვან ფსიქოლოგისა და ბიოლოგიურზე<sup>1</sup>.

სოციალურის გასარკვევად მ. წერეთელი ასეთ მეთოდს მიმართავს: ის განიხილავს სოციალურების მიერ სოციალურად მიჩნეულ მოვლენათა გავრცელებას, რომელთა რიცხვი დე გრაფიკულად შეიღობა, და ამ გავრცელებაში რაც არის, იმას თვლის სოციალურად, ე. ი. განიხილავს. აქედან ამ მოვლენათა განმარტებელი თვისებებისაგან და მათში საერთოს, როგორც მათ ვამაყრითანებელს, მიიჩნევს სოციალურად. მოვლენათა 7 ქვეყნი, რომელიც სოციალურადია მიჩნეული, შემდეგია: 1. ეკონომიკური, 2. გამარჯვება და აღზრდა, 3. ხელისუფლება 4. რელიგია და მსუბუქი ცოდნა, 5. ზნეობა, 6. იურისპრუდენცია და სამართალი, 7. პოლიტიკური. საზოგადოება არ არსებობს ამ სოციალურ მოვლენათა გარეშე, ისე როგორც ეს სოციალური მოვლენები: საზოგადოების გარეშე. მ. წერეთელი სვამს კითხვას: ხომ არ ვვარდებით აქ ლოგიკურ შედეგად, მაშინ და ხომ არ ვედილობთ ერთი უცნობის განსაზღვრებას მეორე უცნობის გზით, ვერსოლ. სოციალურ მოვლენათა გზით სოციალურის ცნებას როგორ ვავიგებთ? ავტორის აზრით, კერძობითი ცოდნა ზოგადი ცოდნის მიღწევის გზაა, ენერჯიათა ცალკეული სახეების ცოდნა კახადა შესაძლებელი ენერჯიის გავება, ორგანიზმის ნაწილის, უკრედის შეყვანებად გააღია შესაძლებელი ორგანიზმის შემქმნება. ჩვენს შემთხვევაში ცალკეული სოციალური მოვლენის ამალინი არის სოციალურის გავების წინაპირობა. ამიტომ უნდა განაწილდეს ეს მოვლენები და მორიგობის ის, რაც საერთოა, რაც სოციალურის გამოშვებული იქნება.

დავიწყით ეკონომიკით. რა არის ეკონომიკური მოვლენა? ეკონომიკური მოვლენებით აღამიანთა მოთხოვნილებების დაკმაყოფილება ხდება მათი მოწესრიგების გზით. აღამიანები; მისწრაფონილად უნდა მოქმედებდნენ. ე. ი. მიზნები უნდა ჰქონდეთ შეთანხმებული. ეს კი ხდება მათ მოწესრიგებით, შეთანხმებით, ან ძალადობით, ჩვევებით. ყველა შემთხვევაში მოწესრიგებისთან გვაქვს საქმე, აქედან გამომდინარე: **არეგულირება ან მოწესრიგება ადამიანთა მიერ საზოგადოს საშუალებათა მოვლისა, კვებისა და ზრდას შესაძლებელი მოთხოვნილებათა დასაკმაყოფილებლად შეერთებულად აღამიანთა ძალით. ან რა არის ეკონომიკური სოციალური მოვლენა, საზოგადოებრივი ცხოვრების ერთი უმთავრესი აღამიანთა თებელი მხარეთაგანი<sup>1</sup>!**

სოციალური ფაქტის მეორე სახეობა გამარჯვება და აღზრდაა. ერთი და მეორეც გულისხმობს მოწესრიგებას, გამარჯვების მოწესრიგებელი ფორმა ოჯახია, აღზრდასა—სკოლა და ოჯახი.

მოწესრიგება აუცილებელი ელემენტია ხელოვნებისაც. მოწესრიგებელი უნდა იყოს ურთიერთობა ხელოვნების მუშაობა და ხელოვნების შემთავსებელთა შორის. სარწმუნოებაც სოციალური ურთიერთობის ელემენტია, თანაც მოწესრიგებელი. მეცნიერებაზე ყველაზე მეტად იაქმის, რომ ის მოწესრიგებულია და ამავე დროს მოწესრიგების ფორმაა. მოწესრიგებას გულისხმობს ზნეობაც, რომელიც თვითონაც საზოგადოების მოწესრიგებას ემახსურება. ასეთივე ხასიათისაა სამართალიც, რომელიც სხვადასხვა ფორმით აწესრიგებს საზოგადოებას. პოლიტიკა, როგორც საზოგადოების გარედან დაეცის ფუნქცია, მოწესრიგების ერთ-ერთი ძიოთადი ფორმაა. პოლიტიკაც საზოგადოების მოწესრიგებელი მოქმედებაა<sup>2</sup>. მაშასადამე, საერთო ელემენტია ყველა სოციალური მოვლენისათვის მოწესრიგება და სწორედ ის საერთო, რომელსაც ვაგებთ: ავტორი, როგორც სოციალურს, გამოხატა ცხოვრების მოწესრიგებაში. აქედან გამომდინარეობს საზოგადოების წერეთლისეული განსაზღვრება: **„საზოგადოებრივი ცხოვრება ერთად მცხოვრებ აღამიანთა მოწესრიგებული მოქმედება მათ ყველა მოთხოვნილებათ დასაკმაყოფილებლად, მათ საერთო მიზანთა მისაღწევად. საზოგადოება შეერთებულ აღამიანთა ისეთი კრებულია, რომელთა საერთო ცხოვრება მოწესრიგებულია საერთო მიზანთა მისაღწევად“<sup>2</sup>. ავტორი, კიდობს დაზუსტოს თავისი განსაზღვრა ანთროპოლოგიური ელემენტის გათვალისწინებით და იმაზე მოითხოვს, რომ მოწესრიგება ყოველთვის გარეგანი ფორმაა. **გარეგნული მოწესრიგება შეერთებულ მიზანდასახვის ნიჭის მქონე აღამიანების ცხოვრებისა, მათ საერთო მიზანთა მისაღწევად. ან, რა არის საზოგადოებრივი ცხოვრება.****

საზოგადოება მიზანდასახვის ნიჭის მქონე შეერთებულ აღამიანთა ისეთი კრებულია, რომ

<sup>1</sup> B a t o n, ერი და კაცობრიობა, გვ. 16.  
<sup>2</sup> იქვე, გვ. 32.

შელთა ჩაქრით ცხოვრება შათი მოთხოვნებისათვის დასაქმდებულნი და სხვათა მიხედვით  
მოაღწევეთ გარეგნულად და მოწესრიგებულად<sup>1</sup>.

მ. წერეთელმა სოციალური გასაგებად თუ გოგონა შეგუებად დასახლება 7 კლასის სო-  
ციალური ფაქტი, ხიზნავს თუ არა ეს იმას, რომ ამ ფაქტის მოაზრებამ სოციალური გა-  
საქმდებელია, არა. შევლევრისათვის ეს ფაქტები საერთო იყო სოციალური გასაგებების და  
სულაც არ იყო ამოწმდები სოციალურ მოვლესათა დასადგენად. მაგრამ შევლევრისთვის, რომ  
მთავრად ანალოგიური ხასიათი აქვთ იტორს ამხებლებს კიდევ ერთ სოციალურ ფაქტს—  
ენას, რომლის გარეშე არაა საზოგადოება და რომელიც საზოგადოებისათვის მიაგანია.  
შევლევარი აღნიშნავს, რომ ერთი გადასახვეს ადამიანს მარტოობას, ერთებზე კომუნიკაციამო.  
ის ადამიანის ისტორიის საღაროა, სადაც მისი წარსული აღნიშნულია. ის სულის ძეგლები-  
ბის იარაღია და იტორის სრულიად ბუნებრივად შიანნა იმათი რეაქცია, ეხს თაყს სწი-  
რავს ეხსისათვის, თუ ართმევენ მას. მაშასადამე, საზოგადოება სოციალურ პროცესთა და  
მოვლენათა ერთობლიობაა, რომლის მატარებლები და სუბიექტები ადამიანებ არიან. საზო-  
გადოება ინდივიდთაგან შედგება, მაგრამ არაა მათი უბრალო ჯამი. ეს ნიშნავს, რომ ინდივი-  
დის განზომილებების გვერდით საზოგადოებაში მოქმედებს სოციალური კანონები, რომლე-  
ბაც არ დაიყვანება არც ბიოლოგიურზე და არც ფიქციურზე. საზოგადოება სპეციფიკური  
არსია, განსხვავებული ყველა სხვა არსთაგან და შინც საზოგადოების გასაგებად აუცილებე-  
ლია იმის აღნიშვნა, რომ ის მთლიანობაა, ერთანია, ისეთივე, როგორც ორგანიზმის ერთა-  
ნობა და მთლიანობა. ამ შემთხვევაში მ. წერეთელი მიმართავს ორგანიციონების ანალოგიას  
საზოგადოებას და ორგანიზმს შორის, მაგრამ ცდარობს არ ჩაივარდეს ორგანიციონის ტყვეო-  
ბაში, არ გაიძვროს მათი შეცდომების საზოგადოებისა და ორგანიზმის გაიგებებისა. საზოგა-  
დოება არ დაიყვანება ყველაზე რთულ — ადამიანს. ორგანიზმზეც კი და იმის შტუკებზეა, რომ  
საზოგადოება ორგანიზმია, ნიშნავს არა მის გაიგებებს ცხოველურ ადამიანურ ორგანიზმთან,  
არამედ იმის ხანგისმას, რომ მას ამასიათებს ორგანიზმის ანალოგიური ფუნქციება და  
სტრუქტურა.

მ. წერეთელი მიუთითებს ორგანიციონის ძირითად ნაქზე, საზოგადოებისა და ორგანიზმის  
გაიგებებზე. ისინი აიგებდნენ სოციალურ და ბიოლოგიურ კანონებს და არ გამოყოფი-  
ლებდნენ ანალოგიით<sup>2</sup>. მ. წერეთელი სამართლიანად აღნიშნავს, რომ ამ გზით ესმობა სო-  
ციალური და აქვენი ბიოლოგიის დარჯად. როცა ემბოზთ, რომ საზოგადოება ორგანიზმია,  
გვირდა ვთქვით, რომ საზოგადოება არაა შექანიზმი, უსიკოცხლო აგრევატი, იგი ცოცხალი  
არსია და ამდენად ორგანიზმი. მას აქვს ორგანიზმი, ფუნქციები და სოციალური ლოგიკა.  
მ. წერეთელს მიუთითებს იმაზე, რომ ორგანიციონების ცდარობდნენ საზოგადოება განესხ-  
ვებებისათ ჩვეულებრივი ორგანიზმისაგან და მას სუპერორგანიზმს (სენსერ) ან ჰიპერორგა-  
ნიზმს (ტარდი) უწოდებდნენ. შევლევარიც იმ აზრისაა, რომ საზოგადოება განსაკუთრებული  
ორგანიზმია და, აქედან გამომდინარე, საზოგადოებისა, წერეთლისიველი განსაზღვრება სა-  
ზოლოად ასეთ სახეს ღებულობს: „საზოგადოება არის ორგანიზმი ანუ სუპერორგანიზმი,  
შემდგარი მიხანდასახვის ნიჭის შქონე ადამიანთაგან, რომელთა გარეგნულად მოწესრიგებუ-  
ლი საერთო მოქმედება აქაყოფილებს ამ ორგანიზმის ყველა მოთხოვნილებას იმ სპეცია-  
ლურ ორგანიზმთა საშუალებით, რომელიც აქვს ყოველ სუპერორგანიზმს განსაზღვრულ ფუნქ-  
ციათა შესასრულებლად“<sup>3</sup>.

თუ კრიტიკულად შევფასებთ მ. წერეთლის ნააზრევს, უნდა აღნიშნოთ განსხვავება მის  
სურვილსა და ზორცემისას შორის. იტორის სურდა ორგანიციონის დაძლევა ამიტომ ორგა-  
ნიზმთან ანალოგია მხოლოდ ახსნის პრინციპად გამოცხადდა, მაგრამ საბოლოოდ მაინც იმ  
დასკვნამდე მივიდა, რომ საზოგადოება ორგანიზმია, ე. ი. მარტო ანალოგია კი არ გამოვიდა,  
არამედ საზოგადოება გაგებულ იქნა როგორც ორგანიზმი და, მაშასადამე, ორგანიციონი დარჩა  
ძალაში. უნდა აღნიშნოთ ისიც, რომ ორგანიზმთან ანალოგიას მარტისეც მიმართავს. მარტ-  
სისთვისაც ორგანიზმია საზოგადოება. მაგრამ ესეც არაა მხოლოდ ანალოგია, აქაც არაა ორ-  
განიციონი საბოლოოდ დაძლეული. მ. წერეთლის სურვილი იყო, სოციალურთა ავგო სო-  
ციალური კანონზომიერების კვლევაზე და აღმოჩინა სოციალური ფაქტი, რომელიც არ ახს-  
ნება არც ბიოლოგიური და არც ფიქციური კახოზომიერებით, მაგრამ იერეც ეს სურვილი  
განახორციელა. მოწესრიგებულობა ამასიათებს სოციალურ ცხოვრებას, მაგრამ ის ორგანიზ-  
მის დაამასიათებელიცაა; ცხოველებსაც აქვს გარკვეული მოწესრიგებულობა, ასე რომ ეს  
არ გამოხატავს სოციალურის სპეციფიკას. სოციალურს ისეთი უნდა იყოს, რაც მხოლოდ

<sup>1</sup> Balon, ერი და კაცობრობა, გვ. 36.

<sup>2</sup> იქვე, გვ. 54.

საზოგადოებრივსათვის იყო დამახასიათებელი და ამავე დროს მისი არსებობის გამომხატველიც. ასეთი კი წარმოებით ურთიერთობათა და მისგან გამოძლინარე კულტურული, ზნეობრივი თუ სხვა სახის ურთიერთობათა სინტეზია.

საზოგადოების ეს ცხემა ავტორს გამოყენებული აქვს მისი ძირითადი მიზნის — ერაჲსა და კაცობრიობის ანალიზისათვის. მას აინტერესებს, რას უნდა ემსახურებოდეს საზოგადოება — რეალური იდეალს, თუ მითითებს. არის თუ არა რეალური იდეალი — კაცობრიობა იმის შესავსი, როგორც ერაჲ. ამის გასარკვევად აუცილებელია დადგინდეს, არსებობს თუ არა რეალურად კაცობრიობა, რომელსაც სოციალური მოძრაობის წარმომადგენლები იხდიან იდეალად და, რომლის სამსახური მიაჩნიათ ცხოვრების საზრისად?

მ. წერეთლის ნაშრომის მეორე თავი სწორედ ამ საკითხის გარკვევას ეძღვნება. ის სვამს კითხვას: „არსებობს თუ არა კაცობრიობა და როგორ?“ ავტორი რიგ არგუმენტებს აყენებს იმის ნათელსაყოფად, რომ კაცობრიობა არ არის სოციალური ფაქტი, რომ მას სოციალური არსებობა და საერთოდ არსებობაც არ გააჩნია და რომ ამის გამო არ შეიძლება იყოს იდეალი. მაინც რატომ არ არის, ავტორის აზრით, კაცობრიობა სოციალური ფაქტი? ჭკერით, იმიტომ, რომ კაცობრიობა ადამიანთა ერთობლიობად შეგვიძლია წარმოვიდგინოთ. ეს კი არ ქმნის სოციალობას, იმიტომ არც სოციოლოგიის საგანია. მეორეც, სოციალური ფაქტი, ადამიანთა გარეგნულად მოწესრიგებული ცხოვრებაა, კაცობრიობას არ ახასიათებს ასეთი ცხოვრება, იმიტომ ის არაა სოციალური ფაქტი. კაცობრიობა არაა სუპერორგანიზმი ერთიანი ორგანიზმით და ფუნქციებით და, მაშასადამე, არც საზოგადოებაა. შემდეგ ავტორს სოციალური ფაქტია იმ რიგის ანალიზით, რომელსაც ზემოთ მოცემული განსაზღვრა უჩვენებს, ასაბუთებს, რომ არც ერთი მათგანი არა აქვს კაცობრიობას როგორც ნიშანი. ავიღოთ ენა. ის არ გარეგნულად მოწესრიგებული კავშირია, მაგრამ კაცობრიობის მასშტაბით არ არსებობს ასეთი კავშირი. არსებობს ენათა სიმრავლე, მაგრამ არაა ერთიანი საკაცობრიო ენა. არც ეკონომიკური ერთიანობა ახასიათებს კაცობრიობას, თითოეული სახელმწიფო იწესრიგებს ეკონომიკას. არც საკუთრება და არც წარმოება არაა საკაცობრიო მასშტაბით მოწესრიგებული. განსხვავებულია ოჯახის ფორმებიც, ხელოვნებაც, ზნეობაც, იურიდიული და პოლიტიკური ნორმები და შეხედულებანი. არც საკაცობრიო სახელმწიფო არსებობს. კაცობრიობას არა აქვს საერთო ფუნქციები საერთო მიზნების მისაღწევად. რადგან ასეთი საერთო მიზანი არ არსებობს. ეს ნიშნავს, რომ „კაცობრიობა სოციალური ფაქტია“. აქედან დასკვნა: „კაცობრიობა როგორც სოციალური არსი არ არსებობს, არსებობენ მხოლოდ ნაწილები, რომელთაც აქვთ სოციალური ცხოვრება და წარმოადგენენ სუპერორგანიზმებს“<sup>1</sup>.

აქ მ. წერეთელი იყენებს ნომინალისტ ორგანიციტთა არგუმენტაციას კაცობრიობას არსებობის წინააღმდეგ, რათა ცხადყოს, რომ ადამიანის იდეალი უნდა იყოს არა კაცობრიობა და საკაცობრიო ღირებულებანი, არამედ ერი და ეროვნული ღირებულებანი, რადგან რეალური ყოფიერება მხოლოდ ერს ახასიათებს.

იმიტომ ავტორი კაცობრიობის უარყოფის შემდეგ გადადის ერის ანალიზზე და მისი რეალობის დასაბუთებაზე. სანამ ამ ანალიზს გადმოვეცემოდეთ, ჩამდინიშე კრიტიკული შენიშვნა უნდა გაეთდეს კაცობრიობისადმი იმ ნომინალისტურ-ნიპოლისტური პოზიციის გამო, რაც მ. წერეთელს აქვს შემუშავებული. რასაკვირველია, კაცობრიობა განსხვავებული სოციალური ორგანიზაციის და სოციალური ინსტიტუტების ფორმებით არ არსებობს. განსხვავებული სოციალური ორგანიზაციის ფორმები და ინსტიტუტები ახასიათებს სხვადასხვა რეგიონებს, სახელმწიფოებს და ერებსაც კი, მაგრამ ეს არაა კაცობრიობის საწინააღმდეგო არგუმენტი, რადგან ის ფაქტი, რომ პლანეტაზე მცხოვრებ ყველა რასას, ტომს, ხალხს, ერს თუ სოციალურ ერთობას ახასიათებს განსხვავებული ინსტიტუტები და ორგანიზაციის ფორმები, ასევე ღირებულებანიც, მიუთითებს იმაზეც, რომ საერთო ღირებულებათა, ორგანიზაციითა და ინსტიტუტთა სახით კონკრეტული ფორმების გარდა მათ აქვთ საერთო ნიშნები, რითაც ერთმანეთს პლანეტის მცხოვრებთ. ის, რომ ერთიანი ეკონომიკა არ ახასიათებს ყველა სოციალურ ერთეულს, არ უარყოფს იმას, რომ მათ ახასიათებთ ეკონომიკური ერთიანობა თვით ეკონომიკურად, პოლიტიკური, ზნეობრივი, სამართლებრივი ნორმების ზოგადი ნიშნების სახით. აბსტრაქციის თუ გაუკეთებთ მათი კონკრეტული ფორმების სპეციფიკისაგან, დაჯერება ისინი ზოგადი ფორმით, რომელიც შეეფი კაცობრიობისათვის საერთოა. გარდა ამისა, ფაქტიური ისტორია სულ უფრო მეტად ხდება პლანეტარული მსოფლიო კავშირებისა და ურთიერთობის სახით. დღევანდელ ისტორიაზე თავისუფლად შეიძლება თქვას, რომ ის ერ-

<sup>1</sup> Baton, ერი და კაცობრიობა, გვ. 68.

თიხან. მსოფლიო ისტორია, რადგან არ არსებობს მსოფლიოს არც ერთი კუთხე თუ ხალხი, რომელსაც უფლებები წინა გარკვეულ გაჯილდოებას არ ახდენდეს დანარჩენ მსოფლიოზე. დღეს სულიერი იზოლაციები არ არსებობს და ყველა ხალხი ჩაბნეულია მსოფლიო ურთიერთობებში. მეტიც, დღევანდელი პლანეტარული ისტორიიდან ყოველზე მეტად გასასკნის ხანაა. დღეს შეუძლებელია დაბარკო აზოლარებულ კულტურაზე. თუმცა ისინი ფორმით განსხვავებულნი არიან, მაგრამ აქვთ საერთო ნიშნები, რუნდაც ის, რომ კულტურებს წარმოადგენენ. რაც მათ საკაცობრიო დარეგულირებულ მეთოდებს.

სხვაგვარად ვერ ავხახით ამ გარკვევებს, რომ დღეს არ არსებობს იზოლირებული ეკოლოგიური პოპულაციები, რომ ისინი, სადაც არ უნდა მიმდინარეობდნენ, ეხებიან მთელ პლანეტას, არ არსებობს დემოგრაფიული იზოლირებული პრობლემები, რომ ყველა რეგიონი თავისი დემოგრაფიული ბუნებით განსაზღვრავს პლანეტის ყოფიერების წესს თუ ვითარებას. ასეთივე პოლიტიკური აქციები. განა შეიძლება დღეს ლოკალური ომები არ ახდენდეს გაქვნიან მსოფლიოზე? შეუძლებელია. არის პრობლემები, რომლებიც უკვე დღეს შეუძლებელია მოექცეს ლოკალურ ჩარჩოებში და ასეთ პრობლემებთან რიცხვი სულ უფრო იზრდება. სულ უფრო აქტიურად ხდება საკაცობრიო მასშტაბით აზროვნება. ამიტომ. საესებით სამართლიანად იქნება აღნიშნული, რომ დღეს კლასობრივ და სხვა სოციალურ ერთეულთა ღირებულებებმა უკანა პლანზე გადაიწია, საერთო საკაცობრივ ღირებულებებთან შედარებით, რომ დღეს მადომინირებული ხდება არა კლასობრივი ან ეროვნული, არამედ საკაცობრივი ინტერესები, გლობალური პრობლემები კმნის ამხნდს და არა ვიწრო სოციალური პრობლემები.

მ. წერეთელს თვითონაც პქონდა ნაწილობრივ გაცნობიერებული მის მერე კაცობრიობის უარყოფის არარეალობა, ამიტომ ამბობდა, რომ ყერყერობით არაა საკაცობრიო ინსტიტუტები.

პირველი მსოფლიო ომი და მისი შემდგომი ხანა გახდა საწყისი მოვლენათა მსოფლიო მასშტაბით მიმდინარეობისა, მაგრამ მინც არსებობდა პოტენციურად კაცობრიობა, როგორც არა უბრალოდ ქამი პლანეტის ადამიანთა, არამედ განხორციელების გზაზე მყოფი სოციალური რეალობა, რომლის უარყოფა შეუძლებელი იყო.

განვიხილოთ. როგორ და რატომ სჭირდება მ. წერეთელს კაცობრიობის უარყოფა. ეს მისთვის იყო საშუალება საინისოდ. რომ სოციალური ერთობის ისეთი ფორმა, როგორცაა ერი, დაეხსნა იდეალად, ღირებულებათა ორიენტაციებში ამოსავლად. ამიტომ მისი პოზიტიური ანალიზი ძირითადად დაკავშირებულია ერის ანალიზთან, იმის ჩვენებასთან, თუ რა არის ერი და რა ადგილი უკავია მას სოციალურ ყოფიერებაში. ამ საკითხის გარკვევა მოითხოვს საზოგადოების, სახელმწიფოს, ხალხის და სხვა სოციალურ კატეგორიათა ერთიან მიმართებაში განხილვას. მიუხედავად ამისა: მეცნიერი ერთმანეთს უპირისპირებს ერს და კაცობრიობას. ის, რაც კაცობრიობის აუცილებელია მაჩვენებელია, ერის ყოფიერების ნიშანია. ყველა ის სოციალური ფაქტორი, რომელთა ნაწილი ჩამოთვალა და გაანალიზა შეიძლება თუ მეტი გჭუფის სახით და რომელთაგან არც ერთი არ ახასიათებდა კაცობრიობას და ამიტომ ის გამოაცხადა ფიქციად, სამაგიეროდ დამახასიათებელია ერისთვის და ამიტომ ერ არის რეალობა. თანაც მისი მნიშვნელობა მეტად დაღია მას შემდეგ, რაც რანებმა დაკარგეს საზოგადოებაში განმარტვრელი როლი. როცა ისინი დაიშალენ ერებად და ხალხებად და ჩამოყალიბდა ეროვნული სახელმწიფოები. ამ უკანასკნელმა სახელმწიფოთ, ერთი ეთნიკური გჭუფის მიერ შეიღის ჩაგვრის იარაღის ნაცვლად, აქცია კლასთა ბრძოლის მოწესრიგების ინსტიტუტებად, რადგან კლასთა ბრძოლამ დაკავია ეთნიკური ბრძოლის ადგილი ეროვნულ სახელმწიფოში. საზოგადოებრივი გჭუფები უკვე ენით, სჭულითა და ჩვეულებებით კი არ განირჩევიან, არამედ თავისი ვიწრო სოციალური მდგომარეობით, ერი როგორც რეალური სოციალური ორგანიზმი გამოირჩევა ორთა ძირითადი ნიშნით: 1. ენით და 2. პოლიტიკური ორგანიზაციით. ე. ი. სახელმწიფოებრივით.

ერი საზოგადოებაა, მაგრამ საზოგადოება სხვადასხვა სახისაა — დაწყებული შემთხვევით თავმოყრილი ადამიანებით და დამთავრებული ერთ სახელმწიფოში მცხოვრები ხალხებით. შეიძლება გვეპოვდეს სხვადასხვა სახის საზოგადოებანი. მაგალითად, სახელმწიფოებრიობა თუ იქნება კრიტიკიუმი, ორი ტიპია შესაძლებელი — სახელმწიფოებრივი და ანარქიული საზოგადოება. თუ სოციალურ ურთიერთობებს ავიღებთ კლასიფიკაციის საფუძვლად, იქნება: პირველყოფილი, მონათმფლობელური, ფეოდალური, კაპიტალისტური, სოციალისტური საზოგადოებანი. საზოგადოებათა აგრეთვე სამეცნიერო, რელიგიური, რეგულაციური და სხვა სახის კავშირებიც. ამიტომ საზოგადოება აბსტრაქტულად ცნებაა, ერი კი კონკრეტულია, რადგან ის ეროვნულის ერთი და იმავე არსებითი მომენტებით განისაზღვრება. ერები განს-

ბევრეტილია სოციალურის გამოვლენის ფორმათა შინაარსით. თვით ფორმები ყველა ერისა-  
თვის საერთოა, მაგრამ ყოველ ერში ისინი განსაკუთრებულ ხასიათს იძენენ. მაგალითად:  
ერისთვის დამახასიათებელია ენა, მაგრამ ერს საკუთარი ენა გააჩნია. ავტორი განასხვავებს არა  
მარტო ერსა და საზოგადოებას, არამედ ერსა და სახელმწიფოსაც. საზოგადოებასა და სა-  
ხელმწიფოსთან გვაქვს საქმე, როცა გარეგნულად მოწესრიგებული ცხოვრების ერთიანი მიზ-  
ნის მისაღწევად, სახელმწიფოში ადამიანთა შორის მექანიკური კავშირი არსებობს ძალდატ-  
ნების ორგანოების მეშვეობით, ერი კი ადამიანთა შორის ორგანული კავშირია. ამიტომ აერ  
რჩება ეშმაღლეს, უდიდეს და უბუნებრივებს და დღეს თითქმის ერ-  
თადერთ დიდ ჰუმრქლიდ საზოგადოებრიობისა მთელ კულტურულ  
კაცობრიობაში<sup>1</sup>.

ერის წარმოშობას ავტორი უკავშირებს ტომების დაშლას ხალხებად, რომელთა ნია-  
დავზე აღმოცენდა ერები. „ახლბი ორგანული მასალაა ერის ორგანიზმის შესაქმნელად“. ერი,  
ავტორის აზრით, მყარი და დაუშლელი მოხდა, მას ვერც კლასთა ბრძოლა შლის და ვერც  
დაპყრობა. ერს აქვს ინდივიდუალობა, საკუთარი სოციალობა, ენა, ლიტერატურა, სამართა-  
ლი, პოლიტიკა, სარწმუნოება, თითოეული მათგანი შეიძლება ერთი ერის კუთვნილება იყოს,  
მაგრამ თითოეული ერი თავის ელფერს სძენს ამ სოციალურ ფენომენებს. მისი ყოფიერების  
განმსახლრეულია თავდაცვის თვითშეგნება. საბოლოოდ ავტორი ერის ასეთ განსახლრებას  
გვთავაზობს: აერი სოციალური სუპერორგანიზმია ანუ სუპერორგა-  
ნიზმი, შემდგარი ერთგვარ და ან მრავალგვარ ეთნიკურ და სოცია-  
ლურ მასალისგან, რომელსაც შეუძლია ეამთა ეთიარებაში შექმ-  
ნას ერთი გარეგნულად მოწესრიგებული საერთო ცხოვრება თა-  
ვის შემადგენელ ერთეულთა, ერთი საზოგადოება ყველა თავისი  
ორგანოებით: ენით, სარწმუნოებით, მეცნიერებით, ზნეობით, ხე-  
ლოვნებით, სამართლით და პოლიტიკით, საზოგადოება განსაკუთ-  
რებულ ისტორიით, ტიპითა და თვითშეგნებით სრული ინდივი-  
დუალობით<sup>1</sup>.

შემდგომი ანალიზი ეხება იმ ფენომენებს, რომლებიც დაკავშირებულია ერთან, იქნება  
ეს სამშობლო, სამართალი, ასევე ერის პერსპექტივები და ქართველი ერის ადგილი ერთა  
ყოფიერებაში. ავტორი განასხვავებს ერს სამშობლოსაგან, თუმცა სამშობლო ის ტერიტო-  
რიაა, სადაც ერი შემოქმედებას ეწევა, სამშობლო ერის საცხოვრებელია, მისი ბინაა. სამშობ-  
ლოს სხვა გაგება არ არსებობს, თუ არა ერის საცხოვრისისა. მკვლევრის აზრით, სამშობლო  
და სახელმწიფო არაა ერთი და იგივე, სამშობლო დაკავშირებულია ერთან და არა სახელ-  
მწიფოსთან. სამშობლო არ შეიძლება სახელმწიფოს იგივეობრივი იყოს. თუნდაც იმტომ,  
რომ სახელმწიფოში მრავალი ერი შეიძლება იყოს გაერთიანებული და ყოველ ერს ამ სა-  
ხელმწიფოს შიგნით თავისი სამშობლო ექნება, რასაც ვერ შეეცლის სახელმწიფო ტერიტო-  
რია. სამშობლო ის ადგილია, რომელიც კონკრეტულ ერს უჭირავს, სადაც ერს შეუქმნია თა-  
ვის ისტორია და ცხოვრობს. „სამშობლო ერის იგივეობრივი არაა, მაგრამ მისგან განუყო-  
ფელია“. სამშობლო ერის წარსული და აწმყო ცხოვრებაა განსახლრულ ტერიტორიაზე. იმ  
პატარა სოფლით დაწყებული, სადაც დაიბადა და იმ ტერიტორიით დამთავრებული, რომე-  
ლი მის ერს უჭირავს, მისი სამშობლოა. დღეს ჩვენ ორი სამშობლოს ცნება გვაქვს — ედი  
და მკირე სამშობლოსი. ამ უკანასკნელში გულისხმობენ ერის ტერიტორიას, პირველში კი —  
ჩვენი მრავალეროვანი სახელმწიფოს ტერიტორიას. ვფიქრობთ, ასეთი გაგება არ უნდა იყოს  
სწორი. ის ემყარება სამშობლო და სახელმწიფო ტერიტორიის გაივივებას. სახელმწიფო, მით  
უმეტეს მრავალეროვანი, იმდენივე სამშობლოს შეიცავს, რამდენი საკუთარი ტერიტორი-  
ის მქონე ერიც ბინადრობს მასში. ქართველებისათვის საქართველოა სამშობლო და არა უკ-  
რაინა ან სომხეთი, რუსისათვის რუსეთია სამშობლო და არა საქართველო ან აზერბაიჯანი.  
არ არსებობს ძალი, რომელიც წაშლის ერის თვითშეგნებაში ამ მიყენებს. რაც შეეხება მკირე  
სამშობლოს ცნებას, მას მხოლოდ ერთი გამართლებული მნიშვნელობა შეიძლება ჰქონდეს:  
ესაა ის ადგილი, სოფელი თუ ქალაქი, რომლებშიც ადამიანი თავისი ერის წიაღში იბადება  
და იზრდება, მკირე სამშობლოა ავრთვე ერის შიგნით ცალკეულ ეთნოსტრუქტურათა საც-  
ხოვრისი: მეგრელისთვის — სამეგრელო, ხევსურისთვის — ხევსურეთი, კახელისთვის — კახეთი  
და ა. შ.

საქართველო ქართველის სამშობლოა, საბჭოთა კავშირი კი მისი სახელმწიფოა, ისე რო-  
გორც ყველა სხვა ერებისათვის, რომლებიც საბჭოთა კავშირში ცხოვრობენ. სხვანაირი გაგე-

<sup>1</sup> Baton, ერი და კაცობრიობა, გვ. 130.

ბა მცირე და დიდი სამშობლოსი, რომლის დამკვიდრებას ცდილობენ, ფიქტიურია და მოჩვენებითი. ისე როგორც საუკუნის დასაწყისში მ. წერეთელი, საუკუნის დასასრულსაც, მეცნიერება სამშობლოს ეთნოსს უკავშირებს და არა პოლიტიკურ ორგანიზაციას. ლ. ნ. გუმბილიოვის აზრით, „ეთნოსი“ შედგება სამი კომპონენტისაგან: სამშობლოს, მამულისა და გამოზრდილობისა, თუ ხელოვნათა კმნილებათაგან, რომლებიც კვალს ტოვებენ ადამიანთა შეგნებაში, აძლევენ მათ „სპეციფიკურ მეზობელ ტომთაგან განსხვავებულ სახეს“. „ამ სამი კომპონენტის თანაფარდობა ქმნის „ეთნოსს“, რომელიც ხასიათდება ქვეყნის ორიგინალური სტრუქტურით და განუყოფელია შინაგანი სტრუქტურით“<sup>1</sup>.

სამშობლო, პატრიოტიზმი და ეთნოსი, გუმბილიოვის აზრით, განუყოფელია: «Патриотизм—великое и благородное чувство. Однако понять и объяснить его можно, только ответив на вопрос: что значит принадлежать к той или иной национальности? И вообще—что «национальное»? По-моему очень важно усвоить: вне этноса нет ни одного человека на земле. Национальная принадлежность —неоспоримая реальность. Выйти из этноса — значит вытщить себя из болота за собственные волосы, а такое смог проделать только барон Мюнхгаузен. Но если это присуще человеческой природе, нельзя отмахиваться от этнических вопросов, игнорировать реальные противоречия, пытаться представлять людей массой. Надо помнить что каждый известный науке облик народа — этнос несет в себе не только печать окружающей среды, но и накапливаемое прошлое, формирующее стереотип его поведения»<sup>2</sup>.

როგორც ვედავთ, ეთნიკური კუთვნილება არაა ადამიანისთვის სამოსის მსგავსი, რომლის გამოცვლა და შეცვლა ჩვენი ნებელობით შეგვიძლია, ის ადამიანის შინაგანი, არსებითი განსაზღვრულობაა და არ შეიძლება ადვილად კლასობრივი კუთვნილების მსგავსად.

აქ ორ საკითხს უნდა შევხებით: მ. წერეთლის არგუმენტს მარქსიზმის წინააღმდეგ, რომ მარქსიზმი ერების ურთიერთშერწყმის ქადაგებით ზეეროვნულ კოსმოპოლიტურ ლოზუნგს აყენებს, და თვით წერეთლის თეორიის მიზართ უნდა დასვას კითხვა — კაცობრიობის უარყოფა და იდეალად ერების დასაბუთება თუ არა ნაციონალიზმი. პირველი საკითხი მეტრად მტკივნეულია, ყოველ შემთხვევაში, თანამედროვე მეცნიერებაში არის მოსაზრება, რომ ერები თავიანთ წვლილს შეიტანენ მომავალშიც იმ უნივერსალურ ამოცანებს განხორციელებაში, რომელიც დააყენებს პლანეტის მცხოვრებთა ინტერესები. მაგრამ ეს უნივერსალიზმი არ ექნება კოსმოპოლიტიზმის იგივეხებრივი. მაშასადამე, დღეს უარყოფა კოსმოპოლიტიზმი და არა უნივერსალიზმი, კოსმოპოლიტიზმის წინააღმდეგის კი შეიცავს ერების შერწყმის და იმის თეორიას, რომ ეროვნულით ვერ შევალთ სოციალიზმში თუ კაცობრიობის იდეალის განხორციელებაში. ერთი რამ ფაქტია, რომ მარქსისტები ერების შერწყმას უფრო ადვილად მიიჩნევენ, ვიდრე სინამდვილეში ამის განხორციელება ექნებოდა შესაძლებელი. დღესდღეობით პირობითია. კიდევ უფრო მეტი მნიშვნელობა მიიღო ეროვნულმა თვითშეგნებამ და კულტურათა ეროვნულმა ფორმამ, აღმოჩნდა, რომ საზოგადოების წინსვლისათვის სულაც არაა აუცილებელი ერთი გაქრობა, რომ თვითველ ერს ეროვნულ ფარგლებშიც შეუძლია ემსახუროს უნივერსალურ ამოცანებს, რომ კოსმოპოლიტიზმის საშემოქმედო ყოველთვის არსებობს. ესპანელი ფილოსოფოსი და მწერალი მიგელ ლე უნამუნო სამართლიანად მიუთითებს, რომ „ერის, რელიგიის, ენისა და სამშობლოს საკითხები აქმევეს, ასმევეს და აცმევეს წარმოსახვას და გრძნობას. რა ექნება პოეზიისათვის უფრო დამღუპველი, ვიდრე უნაყოფო და აბსტრაქტული კოსმოპოლიტიზმი, რომელიც თავისი არსებით მტრულადაა განწყობილი ღრმა და დაღებიით უნივერსალიზმისადმი“<sup>3</sup>.

მაშასადამე, საკითხი ეხება არა იმას, რომ ამ უნივერსალიზმს არ შეეწიროს მსხვერპლად ის, რაც ადამიანს მთავრად გარკვეულ დროს და გარკვეულ სივრცეს, რაც ადამიანს აძლევს მყარ ნიადაგს და გრძნობას თავისთავად გეომეტრიული, მაგრამ მისთვის ინდივიდუალური ღირებულების საკითხისადმი, რასაც სამშობლოს ევაობით და ადამიანებისადმი, რომელსაც ერთი ქვეა. თვითონ სამშობლოს, ერისა და სხვა მსგავს კატეგორიათა შესაბამისი ფენომენები უზრუნველყოფენ ადამიანის უნივერსალიზმს: «Человеческая природа универсальна-правильна, но это — живая, плодотворная универсальность: она свойственна каждому

<sup>1</sup> Л. Гумилёв, Биография научной теории или автоэпиколог. Знамя, № 4, 1988, стр. 206—207.

<sup>2</sup> Г. Гумилёв, Корни нашего родства, «Известия», 1988, 13 апреля.

<sup>3</sup> Мигел де Унамуно, Искусство и космополитизм в книге: Называть вещи своими именами, М., 1986, стр. 231.



отдельному человеку лишь постольку, поскольку одета плотью науки, религии, языка и культуры и коренится в них, а не в абстрактных свойствах участника «общественного договора» руссоистов. Разве не универсальны гении, раскрывающие в индивидуальном и временном вечное? Шекспир, Данте, Сервантес, Ибсен принадлежат всему человечеству как раз в силу того, что один из них был англичанин, другой флорентинец, третий — кастилиец, четвёртый — корсикец.

Данте стал гражданнином вселенной и гражданином яеков именно потому, что будучи более всех итальянцев XIV века итальянцем и человеком XIV века, он воплотил в себе и сделал вечным тип человека всех времён и народов...»<sup>1</sup>.

როგორც ვხედავთ, ცხოვრება უარყოფს ორივე უდიდესობას: ერის შეწირვას კაცობრიობისადმი და კაცობრიობის უარყოფას ერის გამო. ყველაზე სწორი გზა: ერის გზით კაცობრიობის ამოცანების გადაწყვეტა და ამდენად შაოთებულისა უნამუხროს მოსახრებადნი, რომ სწორად ერისადმი კეთილღობის გამო შეძლეს კაცობრიობის გენოსებმა საკუთარი ფუნქციების შესრულება. მაშასადამე, კორექტივი სჭირდება არა მარტო კაცობრიობის უარყოფელ მ. წერეთლის თეორიას, არამედ მარქსიზმის იმ მოძღვრებასაც, რომელიც ერების სიკვდილს მიიჩნევს კაცობრიობის იდეალთა განხორციელებას საშუალებად. არც ერი უნდა შეეწიროს კაცობრიობას და არც კაცობრიობა — ერს.

საერთოდ, მ. წერეთლისეულ ანალოზში საინტერესოა კოსმოპოლიტიზმის კრიტიკა და მისი უარყოფა. მტკიცება, რომ მსოფლიო მოქალაქეობა შეუძლებელია, რომ მდდარია როგორც კოსმოპოლიტიზმის ქადაგება, ისე თვით ტერმინიც შეცდომას შეიცავს, რადგან კოსმოსის მოქალაქეობაზე კი არაა ლაბარაკი, არამედ დედამიწისა და მას კოსმოპოლიტიზმი კი არ უნდა ეწოდებოდეს, არამედ გეოპოლიტიზმი. ისიც განუხორციელებელია, რადგან რეალური ერთიანობა ენის, რწმენის, სამართლის, ხელოვნების, პოლიტიკური ორგანოების მხრივ არასდროს დამყარდება<sup>2</sup>. და რბმც. იყოს შესაძლებელი, სასურველად არ უნდა იყოს მიჩნეული, რადგან სპობს მრავალფეროვნებას, ე. ო. სიცოცხლეს, დაამკვიდრებს ერთფეროვნებას, ე. ო. სიკვდილს. ერთფეროვანი საზოგადოება მოსაწყენი და შემოქმედებას მოკლებული იქნება<sup>3</sup>. ერთფეროვანი ბუნება უღანია, ერთფეროვანი ინდივიდი — აზარაობა<sup>4</sup>. ერთგვაროვანი კაცობრიობა მსოფლიო უღანია<sup>5</sup>. მ. წერეთელი კრიტიკულად განიხილავს ერებისადმი დამოკიდებულებას, აღნიშნავს, რომ საერთაშორისო სამართლის ნორმები, რომელთაც მხოლოდ პირობითად შეიძლება ეწოდოთ საერთაშორისო, ფაქტიურად ერთა ურთიერთობას კი არ აწესრავებენ და ერების ინტერესებს კი არ იცავენ, არამედ სახელმწიფოთა ურთიერთობას და სახელმწიფო ინტერესებს. სახელმწიფო კი ერთა ჩაგვის ორგანოა. სახელმწიფოთა თანასწორობის აღიარება არ ნიშნავს ერთა თანასწორობის აღიარებას<sup>6</sup>.

ერის უფლებათა დაცვად მ. წერეთელს მიიჩნია: „უფლება არსებობისა და ხელშეუხებლობისა, თანასწორობა სრული და სამართლიანი, უფლება რომელიმე ფორმის სახელმწიფოს დაარსებისა, უფლება საზოგადოებათა, საზოგადოების წინაშე სამართლის პოენისა და თანასწორობის სამართლიანი ვალდებულება მის წინაშე, აი, ერის უფლება“<sup>7</sup>.

ამ პრინციპით ერის უფლებათა დაცვა მიიჩნია მკვლევარს ნამდვილ ინტერნაციონალიზმად და მას უჭერს მხარს, ხოლო მარქსისტებს ინტერნაციონალიზმი მიიჩნიათ კოსმოპოლიტიზმად. აქველა ერი უნდა იყოს სუვერენული<sup>8</sup> — ესაა ძირითადი მოთხოვნა, რომლის განხორციელებისათვის ბრძოლა მიიჩნია მ. წერეთელს აღამიანის ყოფიერების საზრისად. მისი აზრით, მომავალში ერები კი არ შეერწყმიან ერთმანეთს, არამედ ახალი ერები წარმოიშობა სხვადასხვა ერთა გარკვეული ელემენტების შეერთების გზით. ყველა შემთხვევაში ავტორი მოითხოვს ფაქტად მოვეყდოთ ეროვნულობას გრძნობას და არ გაეხადოთ ის იდეოლოგიური და პოლიტიკური სპეკულაციების საგანი. ეს შეხედულებანი როგორც ეხმარება თანამედროვე განახრებებს: ლეე გუმილიოვი წერდა: «Преодолевая догматизм, мы стремимся разрушить устаревшие стереотипы. Однако и тут надобно действовать с умом. Скажем, кому-то взбрѣдет в голову взяться за переделку этнического стереотипа поведения. Кстати такое уже бывало. Упаси бог, чтобы повторилося! Надо чрезвычайно чутко относиться к национальным обычаям, хотя и не раз-

<sup>1</sup> იქვე, გვ. 232—233.

<sup>2</sup> В а т о н, ერი და კაცობრიობა, გვ. 220.

<sup>3</sup> იქვე, გვ. 253.

დუვათ რაზლიჩნი. ოდნი ედჷთ სვინინუ, დრუგი ნეტ. ნუ ი ჭო იზ ოვოგო? ნე იზ კაკიხ ბლახიხ პობუჯდენიხ ნე დოჯიხ ბუთ პოდტალიკვანიი ი სბლიჯენიუ ი სლიანიუ, კოგორე პრედსტავლიჷთ, კაკ ი პონიჷჷ, ოჩენი დლიტელნიი ი ვო მნოგიხ ჭერტაჷ ნამი ეშე ნე ოსოზნანიჷ პროცესა<sup>1</sup>.

შემოთხვევითობას ვერ შივაწერთ იმ გარემოებას, რომ მ. წერეთელი მოითხოვს ერის კვლევა დადგეს სოციოლოგიურ ნიადაგზე. ეს ნიშნავს, რომ ერი განვიხილოთ როგორც სოციოლოგიური კატეგორია, რომლის კვლევის მეთოდები მხოლოდ სოციოლოგიური შეიძლება იყოს. ავტორი გეთავაზობს ქართული ერის საინტერესო ანალიზს. მისი ძირითადი მახასიათებელი ქართული ენაა, რომელიც ისაში შტოსაგან შედგება: ქართლურისაგან. რომელზედაც ლაპარაკობენ ქართლ-კახელები, იმერლები, გურულები, მესხები, შთიულნი და სხვანი, მეგრულისაგან, რომელზეც ლაპარაკობენ მეგრელები და ჭანები და სვანურისაგან, რომელზეც ლაპარაკობენ სვანები. მიუხედავად ამისა, ქართული ენა ერთია, ერთისა და იმავე აგებულებისა, ერთისა და იგივე ძირისა<sup>2</sup>.

მ. წერეთელი ანალიზებს სახელწოდება „ქართველის“ წარმოშობას და აღნიშნავს: მეგრულ-ლაზურ ტომს ერქვა „ქარდუხი“, რაც „ქართუხს“ უდრის. ამ „ქართუ“-დან (მეგრული ქორთუ) წარმოიღვა სიტყვა „ქართველი“, რომელიც შემდეგ ყველა ქართველის სახელი გახდა. მისი აზრით, ესეც ერთ-ერთი არგუმენტია ჭან-მეგრელთა და ქართველთა ერთობისა. სიტყვა „ქართველი“ სადაურობას ნიშნავს, „ქართუ-ელი“ ქართუ კი ნიშნავს ქალღმერთს. სვანეთში ახლაც არის სოფელი ქალდე. როგორც ჩანს, ჩვენი სამშობლო ქალდეა ყოფილა. ავტორის მტკიცებით, იქ, სადაც ამჟამად იმერლები და გურულები ცხოვრობენ, მეგრელების საცხოვრებელი იყო, ხოლო ამჟამად სამეგრელოს ტერიტორია სვანებით იყო დასახლებული, რომ საქარისტიახო ისტორიის დასაწყისიდან ეროვნულ-სოციალური ერთობა ყოველთვის იყო ჩვენში, პოლიტიკური კი არა. ასეთია სოციალური ყოფიერების და სოციალური ერთობების მ. წერეთლისეული ანალიზი. საბოლოოდ ის იდეალად სახავს ადამიანობის ნიადაგზე ერის სუვერენობას და ამ იდეისათვის მას არასოდეს უღალატნია, მაშინაც კი, როდესაც სოციოლოგიურ და სოციალურ პრობლემებს თავი მიანება და მთლიანად ენათმეცნიერების, კულტურისა და ისტორიის პრობლემების კვლევას მიჰყო ხელი.

მ. კოღუა

<sup>1</sup> Лев Гумилев, Корень нашего родства, Известия, 1988, № 104.

<sup>2</sup> Baton, ერი და კაცობრიობა, გვ. 51.

## შინა სიტყვაობა

### „ეროვნული საკითხი“ და სოციალიზმი

ქვირფას მასწავლებელს და მეგობარს ვარლამ ჩერქეზიშვილს, რომელმაც კაცობრიობის ოლიმპზედ თავისი პატარა საქართველოც სენო ღირსად თავისუფალი ცხოვრებისა და მის წმინდა საქართველებზედ გულწრფელი მსხვერპლი შესწირა, უძღვის ამ წიგნს

• ე ტ ო რ ი •

რომელი ჩვენგანი არა ყოფილა გატაცებული უკიდურესი და უკეთილშობილესი იდეალებითა, მეტადრე ახალგაზრდობაში რომელი ჩვენგანი არ გამხდარა მსხვერპლი იმ შეცდომისა, რომელიც თანა სდევს ყოველთვის ყოველ იდეალსა, რადგანაც იდეალს უმეტეს ნაწილად უფრო ფანატიკოსები აცხოველებენ, ვიდრე თვით დიდი მასწავლებელნი და მისი კრიტიკული მიმდევარნი.

მეც ვიყავ ერთხელ გატაცებული სოციალიზმისა და კერძოდ ანარქიზმის დიადი იდეალითა, რომელიც არის მთელი კაცობრიობის გარდაქმნა და სრულიად ახალ საფუძველზედ დამყარება მისი ცხოვრებისა. მაგრამ ჩემს ახალგაზრდობაში ეს იდეალი მე მივიღე მზად, რუს და ევროპიელ მწერალთაგან, რუს და ევროპიელ მეგობართაგან, აგრეთვე იმ ქართველ მეგობართაგან და ამხანაგთაგან, რომელთაც ჩემზედ წინადა ჰქონდათ მიღებული ეს იდეალი და ჩემი მეგობარ-მასწავლებელნი იყვნენ.

როდესაც იდეალი ღრმა რწმენად იქცევა, — სიყვარულის საგნად, — იგი კრიტიკას გაუტრბის. სატრფოს კრიტიკა ესთეტიურის თვალთახედვით არ შეიძლება. — იგი მყისვე სატრფო აღარ არის. სჯულიც აღარ არის სჯული, აღმაფრთოვანებელი და დიდ საქმეთა ჩამდენი, თუ სარწმუნოება კრიტიკის ცუცხლით დასწვი და გონება გააბატონე ღრმა რწმენის გრძნობაზედ, მაშინ ადამიანი ან ინდიფერენტი ხდება, ან სხვა რწმენას იმუშავებს, ან და, თუ გულწრფელობას მოკლებულია, თვალთ-მაპქობა, სწორედ თავის რწმენის სახელით ათას სისაძაგლეს სჩადის სხვა, ქვენა ანგარიშებით, რომელიც ოდნავაც არ ეთანხმება მისგან სიტყვიერად აღიარებულ რწმენასა და იდეალსა. ცხადია. ასეთ რწმენის კაცს სრულიად ურწმუნო ადამიანი სჯობია.

ქართველი, რომელიც ყოვლის მხრით შეზოკვილია, რომელიც ეროვნული სიოცხლით არა სოცოცხლობს, რასაკვირველია სხვაგან ეძებს თავის რწმენის მოთხოვნილებათა დასაკმაყოფილებელ საშუალებასა. მისი აღზრდა რუსულია, ე. ი. უცხოა, რომელიც არა თუ აკავშირებს მას ეროვნულ წარსულთან და კულტურასთან, არამედ სრულიად უწყვეტს მასთან შემაერთებელ ძაფებსა და აზიარებს სხვა, უცხო, რუსულ ანუ ევროპიულ კულტურულ სფეროს-

თან, -- მაგრამ მხოლოდ მახინჯად. ქართველი ევროპის კულტურას სავსებით არასოდეს არ ეზიარება. არ ეზიარება იგი მას არც მას შემდეგ, რაც ჯერ თავისი კულტურა შეითვისა და სულით და გულით დაამთავრა ქართული სულიერი ზრდა. მისი ზიარება მხოლოდ ცალ-მხრივი და უსრულია. ასეთი ზიარება კი ქართველს ვერც ევროპიელად ხდის და ვერც რუსად, თანაც ქართველობას აცლის. და ამგვარად იგი რაღაც უცნაურ ტიპად ხდება, სულიერ არარაობად, რომელიც არც ერთს სოციალურ წრეს აღარ ეკუთვნის და ორგანიულად არ იღებს მონაწილეობას მის ცხოვრებაში. აიღეთ მაგალითად ერთი მხარე ადამიანთა სოციალური ცხოვრებისა, — ენა. ქართველი ინტელიგენტი ქართულ წრეში, სადაც მარტო ქართულად ლაპარაკობენ, საოდავია, რადგანაც ქართული ნაკლებად იცის, არ იცის რიგიანად აგრეთვე თავისი ლიტერატურა, ქართული ხალხური შემოქმედება და სხვა, — მაგრამ იგი აგრეთვე უცხოა ამავე მიზეზით რუსთა და ევროპიელთა შორისაც. იგი მართლაც „ორთა შუა რამ გამომწყვედულია“.

მთელის საუკუნის განმავლობაში სცდილობდნენ შეეწყვიტათ ძაფი მეხსიერებისა ჩვენს აწმყოსა და წარსულს შორის, ამით სულიერი ცხოვრება ჩვენი ისეთ პირობებში ჩააყენეს, რომ შეგნება ჩვენი ეროვნული ორგანიული ცხოვრებისა, მისი ზრდისა, მისი აწმყო მდგომარეობისა და მომავლის სასურველი მისწრაფებისა — შეუძლებელი ჰყვეს, — და მრავალ ქართველსაც მარტო გვარილია შერჩა ქართული, ხშირად ისიც ბოლოში შეკვეცილი და „ოვად“ გარდაქმნილი; — იგი ცუდ ქართულად მოლაპარაკე და რუსულის არ მცოდნე რაღაც უცნაური, „არც რუსი და არც ქართველი“ შეიქმნა და ისე დამახინჯდა სულიერად, რომ ასეთი თავისი მდგომარეობა ნორმალურად ჩასთვალა; — მან ყველა თავის მსგავსად წარმოიდგინა, და ბევრი ვერც კი იგებდა, თუ რა განსხვავება იყო მასა და მაგალითად ფრანგს ან რუსს შორის, რომელთაც ეროვნულ-სოციალურ სფეროში მიუღიათ აღზრდა და ამით არიან მთლიანნი ბუნებანი; მათ იდეალსა და მოქმედებას ღრმად აქვს ძირი გადგმული საკუთარ ეროვნულ სოციალურ ნიადაგზედ და ამიტომაც მათი სულის-კვეთება ნაყოფიერი და გულ-წრფელია.

მეორეს მხრით, — ქართველი ინტელიგენტიც კაცია, — მასაც აქვს მოთხოვნილება რწმენისა და დიადის იდეალისა, რომელიც უნდა აღიაროს უმაღლეს კემპარტებად, მთელი თავისი მოქმედება ზედ დაამყნას და უმაღლესი, ადამიანური მიზანი დაისახოს ცხოვრებაში. მისი სული რომ გადამახინჯებულა და დაშორებული სამშობლო ნიადაგს, სამშობლოს პრობლემებსაც ვეღარ აქცევს ყურადღებას, იგი იმისთვის აღარც კი არსებობს, — იგი აღარ არსებობს მისი აზრით აღარც სხვისთვის, აღარც საზოგადოდ, — და შით უმეტეს იგი ითვისებს ან ისეთ იდეალებს, რომელიც პირდაპირ მავნებელია მისი სამშობლოსათვის და მსგავს სამშობლოთათვის, ან და, თუმცა დიადს, მაგრამ ბევრის მხრით შემეცდარს. ქართველიც მას კრიტიკულად ვერ მოპყრობია.

თუ დიდ ერთა დიადი წარმომადგენელი ამ შეცდომებს აღიარებენ; რად უნდა იყოს იგი შეცდომაო, — და არაერთარ ყურადღებას არ აქცევს თვით ამ დიდ ქვეყნებში არსებულ აზრთა წინააღმდეგობის მეორე მხარეს, იმ მხარეს, რომელიც არ ეთანხმება მისგან შეთვისებულ იდეალთა. იმ ეპიტეტსაც კი იმეორებს ქართველი, რომლითაც გაცხარებულნი მოკამათენი ერთმანეთს ნათლავენ, მაგალითად საფრანგეთში. მაგრამ იმას კი აღარ ხედავს, რომ ეს მოვლენა ხდება იმავე ფრანგულ სოციალურ სფეროში, და ჩვენი ქართველიც, ან ძლიერ

გაეკიდება ხოლმე, თითქმის უაზროდ იცქირება, როდესაც ერთ დღეს დაინახავს, რომ ეროვნულმა საერთო ინტერესებმა უცხად ეს მტკირნი შეაერთა, ან და აქაც სრულიად უკრიტიკოდ ირჯება და დაეკითხება რომელიმე უკიდურესი პარტიის მოძღვარს და მისი ბუნდოვანი ახსნით კმაყოფილდება. მჭიდვე კი თუთიყუშვით იმეორებს მის სიტყვებს.

რამდენი იყო ასეთი მაგალითი ჩვენს ცხოვრებაში და რამდენია დღეს. განა მთელი ჩვენი ძველი ინტელიგენცია რუსული აზრებითა და იდეალებით არ იკვებებოდა? განა მათი რუსული პსიხიკა, ქართულ ნიადაგზედ გადმონერგული, როდისმე სცდილობდა საქართველოში შეექმნა რწმენა სამშობლოს ორგანიულ ეროვნულ ცხოვრების აღდგენისა და განგრძობის აუცილებლობისა? — გარდა ერთ-ორ დიდ-ბუნებოვან ადამიანისა — არავენ და არასოდეს; მთელი მიმართულება რუსულ ეროვნულ მიმდინარეობის ამყოლი იყო, მისი წაბადეა, ოღნავ ეროვნულ-ფერადით შეღებილი, და ამიტომაც შესამოცე წლების ჩვენ მოღვაწეებსაც კი ვერ წამოეყენებინათ საკუთარი ეროვნული იდეალი. თუ რა ვნება მოიტანა უკანასკნელ მოძრაობის დროს ამ რუსულმა მიმართულებამ და ეროვნულ იდეალთა არ-არსებობამ, ამას ყველა გრძობს ეხლა როდესაც ხალხი აყვირდა — ძირს ავტონომიაო, — ამისი მიზეზი მართო ის კი არ იყო. რამ ჩვენში წმინდა რუსული მიმართულების ადგილი საერთაშორისო სოციალიზმის გადამახინჯებულმა იდეალმა დაიკირა, არამედ ისიც, რომ საკუთარი ეროვნული იდეალი ვერ შექმნა ძველმა თაობამ, რომ ეს იდეალიც შემდეგი თაობისათვის, რაც თუ გინდ უკიდურესი სოციალიზმით გატაცებული ყოფილიყოს იგი, აუცილებელი ელემენტი ყოფილიყოს საქართველოში გადმონერგულ სოციალისტურ იდეალისა, მისი აუცილებელი დამატება. მაშინ ინტერნაციონალიზმსაც ისე ყალბად არ გაიგებდნენ ჩვენში, აღარც ძირს ავტონომია“-ს აყვირებდნენ ხალხსა, არამედ, პირიქით, ყველა ერის „ავტონომია“ იქმნებოდა აღიარებული ინტერნაციონალიზმის საფუძვლად. ჩვენში კი ძველმა რუსულმა მიმართულებამ რუსული სული დასტოვა, ახალმა აგრეთვე რუსული სოციალიზმი შეითვისა და წარმოიდგინა იგი ნამდვილ საერთაშორისოდ, — და მოხდა საშინელი სასწაული: საქართველოში ინტერნაციონალიზმი რუსის ცენტრალიზმად გარდქმნა, — უსოციალიზმოდ და უინტერნაციონალიზმოდ! ეგრად გინდათ, — დღესაც აბა სად არის ჩვენში ღრმა რწმენა საქართველოს ღირსეულ და თავისუფალ ეროვნულ ცხოვრებისა. ორიოდ კაცის გარდა, წარმოუდგენიათ თუ არა ან ძველებსა და ან ახლებს ურუსოდ ქართული თავისუფლება და ქართული სოციალიზმი. მართალია, ბევრი ჩვენს სისუსტესა და სიძაბუნეს წამოაყენებს არგუმენტად, — არ შეგვიძლია უძიოდ გაძლებათ, — მაგრამ ეს არგუმენტი არ არის, ეს ურწმუნოებაა საკუთარის სიცოცხლისა. მიზეზი ამ ურწმუნოებისა ღრმაა, იგი ასის წლის განმავლობაში და წინადაც ვრცელდებოდა. ხოლო წინად იგი მიზეზი ბრძოლით დაღლილობა და სასოწარკვეთილება იყო, დღეს კი იგი ჩვენი სულიერი მოწყვეტაა საქართველოსაგან უცხოთა მიერ.

რასაკვირველია მიზეზი ჩვენი ინტელიგენციის ასეთის უგზო-უკვლობისა სხვა რამაც არის, — თვით ის შეცდომები, რომლის მსხვერპლნიც გახდნენ დიდ ერთა დიდი ინტერნაციონალისტები.

ვერც ინგლისის დიდმა რევოლუციამ, ვერც საფრანგეთის დიდმა რევოლუციამ, ვერც მთელი საუკუნის განმავლობაში გრიგალივით მჭროლავმა ზაღბურმა მოძრაობამ მთელს ევროპაში — ვერ გადასწვავიტეს სოციალური სა-

კითხი, ვერ დაამყარეს სოციალური თანასწორობა, რომელიც უმთავრესი იდეალი იყო ყველა დიდ ხალხურ მოძრაობისა. საფრანგეთის რევოლუციამ წამოაყენა უკვე ძლიერ მკაფიოდ ეს საკითხი, შემდეგ კი განვითარებულმა მუშათა კლასმა მთელს ევროპაში იდეალად დაისახა სოციალიზმი და მის პრაქტიკულ განხორციელებისათვისაც თვითოეულ სახელმწიფოში გაშმაგებოთ იბრძოდა იგი. და როდესაც თეორიულადაც განამტკიცეს სოციალიზმი უდიდესმა მოაზრებებმა მეცხრამეტე საუკუნის პირველ ნახევარშიაც და განსაკუთრებით მეორე ნახევარში, როდესაც სოციალისტური იდეა შეიჭრა ყველა ქვეყანაში და შეიქმნა პროლეტარიატის რწმენად, ამ უკანასკნელმაც შეიგნა თავისი ერთი და განუყოფელი ინტერესი და ამაზედ ააშენა თავისი ინტერნაციონალიზმი. ეს ინტერნაციონალიზმი უფრო ღრმა და რეალური იყო, ვიდრე პლატონიური, წმინდა იდეური და ბუნდოვანი ინტერნაციონალიზმი საფრანგეთის რევოლუციისა.

გატაცება ამ ინტერნაციონალიზმითა მესამოცე წლებიდან დიდი იყო მთელს ევროპაში, მაგრამ რომ თვალი გადავაელოთ მაშინდელ მდგომარეობას, იმ წამსვე დავინახავთ, რომ განსაკუთრებით იმ ერთა შორის იყო ღრმად ფესვ-გადგმული ინტერნაციონალიზმი, სადაც ეროვნული საკითხი გადაწყვეტილი იყო, სადაც ერს, როგორც მთელს სოციალურს ორგანიზმს. საფრთხე არ მოელოდა. ხოლო იმ ერთა შორის, რომელნიც დამონებულნი იყვნენ. — სხვა, კიდევ უფრო ცხოველი და ღრმა მოძრაობა იყო, — ეროვნული მოძრაობა, რომელიც წითელი ზოლივით ევლება მთელს ისტორიას მეცხრამეტე საუკუნისას. ფაქტია, რომ სწორედ ინტერნაციონალიზმით გატაცების დროს განთავისუფლდნენ ევროპაში დაჩაგრული ერები და მხოლოდ განთავისუფლების შემდეგ მოიკიდა ღრმად ფეხი მათ შორის გულ-წრფელმა ინტერნაციონალიზმმა და სოციალიზმმა. იმ ქვეყნებში კი, რომელნიც მონებად დარჩნენ, დღესაც ინტერნაციონალიზმს ეროვნული პრობლემების მხრივ დიდი დაბრკოლება აქვს და ექნება ყოველთვის, თუ ერს სრულიად არ დაუკარგავს სურვილი სიცოცხლისა და დამოუკიდებლობისა. ასეთი ერის კი ინტერნაციონალიზმიც ფუჭია და სოციალიზმიცა.

სწორედ საკვირველია დიდ ერთა მოაზრეთა და თვით პროლეტარიატის ასეთი გატაცება ინტერნაციონალიზმითა, ჯერ ერთი, — მათ არას დროს არ გამოურკვევიათ ნათლად და მკაფიოდ, რა არის ინტერნაციონალიზმი, არ განუსაზღვრავთ არც ერი და არც მისი უფლება; ეს კი აუცილებელი იყო, რადგანაც ინტერნაციონალიზმი ნიშნავს ერთა შორის განწყობილებასა, უფლებრივ და ვალდებულებითს დამოკიდებულებასა. თვით ცნებანი ერისა და მისი უფლებისა აუცილებელია ინტერნაციონალიზმის საცოდნელად. — მათ კი პირდაპირ სთქვეს, — კაპიტალიზმი საქვეყნო შეიქმნა. მთელს ქვეყანაზედ ერთნაირად იტანჯება პროლეტარიატი კაპიტალის უღლის ქვეშ, მაშასადამე ყველა ქვეყნის პროლეტარიატთა შეერთება აუცილებელია, საპირთა, რომ შეერთებული ძალით დაამხონ კაპიტალიზმი და ახალ საფუძველზედ დაამყარონ კაცობრიობის ცხოვრებაო. ისე ლაპარაკობდნენ, თითქოს კაპიტალიზმის მეტი არა ყოფილიყოს რა კაცობრიობის ცხოვრებაში; ისე მსჯელობდნენ, თითქოს ეკონომიური ჩაგვრა ყოფილიყოს ერთადერთი ფორმა ადამიანისაგან ადამიანის ჩაგვრისა, და ეროვნული წამება კი არაფერი მასთან შედარებით. — ცხოვრებამ სრულიად სხვა გვაჩვენა: ევროპისა და სხვა ქვეყანათა ისტორიამ დაამტკიცა, რომ ეროვნული ჩაგვრა კიდევ უარესია, და თვით პროლეტარი არ იქნება ნამდვილი ინტერნაციონალისტი და სოციალისტი, სანამ თავიდან არ მოიშორებს სხვა

ქვეყნის ბატონობასა. მეორე, — თვით ამ დიდ ერთა შორის რომ იყო ეროვნული ერთობა გადაწყვეტილი, ანუ უკეთ ვსთქვათ, არც კი არსებობდა, ყველას რომ ამ მხრით გული საგულესა ჰქონდა და მთელი თავისი ენერჯია შინაგან სოციალურ პრობლემის გადაწყვეტას მიაქციეს, — სხვებსაც, დამონებულთაც იგივე მოსთხოვეს, და როდესაც შეუძლებელი ვერ აღასრულა დამონებულმა, — იგი ვაპოცხეს, დაჰგმეს, შესწამეს შოვინიზმი და სოციალიზმის ლაღატი, ნაციონალიზმი მხოლოდ ბურჟუაზიის მისწრაფებად, მის ხრიკებად და მის სასარგებლოდ მიმართულ მოძრაობად გამოაცხადეს. მაგრამ რომ შესაძლებელი ყოფილიყოს მაშინ პოლიტიკური დამოუკიდებლობის მოსპობა ამ დიდ ერთა, მაშინ ვნახავდით, რას იტყოდნენ იგივე უკიდურესი ფრანგი ან ინგლისელი სოციალისტები და ინტერნაციონალისტები! ჩაუფიქრებოდნენ მაინც თავიანთ შემცდარ თეორიებსა და შეიძლება მაშინ მაინც გაერკვიათ ნათლად, რას ნიშნავს ინტერნაციონალიზმი, ეწინააღმდეგება იგი ნაციონალიზმს, თუ არა, ან რა დამოკიდებულებაში არიან ურთი-ერთ შორის სოციალიზმი და ნაციონალიზმი.

მაშინ იგინი შეიმუშავებდნენ ერის თეორიასაც და კაცობრიობის გარდაქმნის თეორიას მარტო-ეკონომიურ მოვლენათა ანალიზზედ არ დაამყარებდნენ. მაშინ მათ თვალში ერის სიცოცხლე იქმნებოდა სიცოცხლე კონკრეტულ სოციალურ ორგანიზმისა, ხოლო ეკონომიური ცხოვრება, — ერთი მისი მხარე და რადგანაც სოციალიზმი მათივე თეორიით საზოგადოების ეკონომიურ საფუძვლის შეცვლაა, მაშასადამე შინაგანი ერთი რეფორმათაგანი, — მათი ნაციონალიზმიც აღარ დაუბირდაპირდებოდა სოციალიზმს, როგორც მთელი ნაწილსა, მაშინ ნაციონალიზმი იქმნებოდა ერის სიცოცხლის პრობლემა, როგორც ცოცხალ სოციალურ ინდივიდისა, სოციალიზმი კი გარდაქმნა ასეთ ინდივიდის ცხოვრების ერთის, თუ გინდ უმთავრესის წესისა. მაშინ სოციალიზმი და ნაციონალიზმი სულ სხვა და სხვა სფეროში იქმნებოდნენ მათთვის. — მაშინ აგრეთვე ინტერნაციონალიზმი ასეთნაირად კი არ გამოიხატებოდა: არ არის არც ფრანგი, არც ინგლისელი, არც გერმანელი, არამედ არის მხოლოდ მუშა, — რასაც არავითარი აზრი არა აქვს, — არამედ ასე: ფრანგი, ინგლისელი, გერმანელი, ყველა, ვისაც აქვს თავისუფლება და არა აქვს, უნდა განთავისუფლდნენ როგორც გარეგან, ისე შინაგან მონობისაგან და შეადგინონ თავისუფალი კავშირი თავისუფალ ერთა. მაშინ აგრეთვე კაცობრიობაც აღარ წარმოუდგებოდათ კაპიტალიზმის რაღაც მასალად, არამედ სუფთად სხვა და სხვა განვითარების ხარისხზედ მდგარ სოციალურ ორგანიზმთა, რომელნიც, მართალია, ითვისებენ ევროპის კულტურასა და კაპიტალიზმს, მაგრამ მათში ეს კულტურა კიდევ უფრო აღვიძებს ინდივიდუალობასა და ადრე თუ გვიან მოითხოვენ ევროპის ერებთან სწორ-უფლებიანობასა. მაშინ მომავალი კაცობრიობა მათ არ მოეჩვენებოდათ, როგორც ერთად-ერთი სოციალისტური საზოგადოება, არამედ როგორც აწმყოში არ მქონე ერთი საზოგადოებისა, მომავალში კი შემდგარი თავისუფალ, ორიგინალურ და ინდივიდუალობა-დაცულ, სწორ-უფლებიან საზოგადოებათა კრებულად. მაშინ იგინი აღარავის შეაშინებდნენ კაცობრიობის სახელით და აღარ იტყოდნენ — რა არის ერი, განსაკუთრებით პატარა ერი, შედარებით მთელს აწმყო და მომავალ კაცობრიობასთან, რომელიც მალე განახორციელებს ბედნიერებას, სოციალიზმსაო! — რა არის და ის, რაც ყოველი პატარა კაცუნა, რომლის სიცოცხლეს სამართალმა და სიმართლემ ისეთივე პატივი უნდა სცენ, როგორც გენიოსსა, და რომლის სიცოცხლესაც ისეთნაირადვე ვერ შეეწირავთ საზოგადოებას, როგორც გენი-

ისი სიციცხლესა. მერე რომელ კაცობრიობასი რომელიც დღესაც არ არსებობს სოციალურად, და რომელიც დღესაც კი ბევრისათვის მარტო ევროპა და ამერიკაა, მომავალში კი სათუო და შეიძლება შეუძლებელიც!...

აი ეს დიდი საკითხები და მასთან ბევრი წვრილმანიც სოციალ-ინტერნაციონალისტებს არ გამოურკვევიათ. ხოლო მათგან გავრცელებული ზერელი და ყალბი ინტერნაციონალიზმი წამბაძველობით ამ ხალხებსაც მოედო, ვინც სრულიადაც არ იყო მოგებული ასეთ ყალბ აზრის შეთვისებით. ამით აგრეთვე კიდევ უფრო მტკიცე ნიადაგი გაუჩნდა სწორედ გაბატონებულ ერთა და ბურჟუაზიათა შოვინიზმსა. სოციალისტებმა ისიც კი არ გამოიკვლიეს დაახლოვებით, რომ სანამ მათი ინტერნაციონალიზმი განხორციელდებოდა, — არსებული, ცოცხალი ჩაგრული ერი სულ განქრებოდა გაბატონებულ ბურჟუაზიისა და სახელმწიფოსაგან, და ამით ჩაგრულთათვის სიკვდილის შემდეგ ჰქრებოდა თვით პრობლემა სოციალიზმისა, მის. პროლეტარიატის სოლიდარობასაც სხვა პროლეტარიატთან ყოველი მნიშვნელობა ეკარგებოდა. მათ ისიც კი ვერ გაითვალისწინეს, რომ ეროვნული მოძრაობა ყოველთვის სახელმწიფოს წინააღმდეგია, მაშასადამე მათთვის ხელ-საყრელი, წინ-წამწვევი ინტერნაციონალიზმის განხორციელებისა.

მაგრამ, საბედნიეროდ, იმ ერებს, რომელნიც ძლიერნი იყვნენ ძალითა და გულით, ასეთმა ინტერნაციონალიზმმა გვერდზე ჩაუარა, ყოველ შემთხვევაში მათთვის მას დიდი ვნება არ მოუტანია. ხოლო ჩვენსავით სუსტთა შორის არა სასურველი ნაყოფი გამოიღო. ჩვენში მან რამოდენიმედ რუსეთის რევოლუციასაც ავნო, რადგანაც რუსეთის ბიუროკრატიულ სახელმწიფოს ისეთი მტერი არა ჰყოლია საქართველოში, როგორც იყვნენ და არიან დღესაც პოლონეთი და ფინლანდია. ჩვენი სოციალიზმი უქვეშევრდომილეს გრძნობებს უცხადებს რუსის სოციალიზმს, რომელიც ფიქრადაც არ გაივლებს უარ-მყოს რუსის სახელმწიფოებრივობა და შეზღუდოს მისი საზღვრები, — სწორედ ისე, როგორც ჩვენი თავადაზნაურობა რუსეთის მთავრობასა. ამასვე რომ სჩადიდეს პოლონეთი, ფინლანდია, უკრაინა და სხვა, — რასაკვირველია არ იქმნებოდა რუსეთში არც ერთი ჰკეიანი სახელმწიფო კაცი, რომ ტაში არ დაეკრა ამ საკვირველ ინტერნაციონალისტ-სოციალისტთათვის და ჩუმად მანაც მფარველობა არ გაეწია. მაგრამ მათ საუბედუროდ მარტო ჩვენ გამოვედით ასეთი „ჰკეიანები“ და გულ-წრფელი ინტერნაციონალისტები და სოციალისტები, ჩვენი ძალა თუ უძლურება კი რუსის სახელმწიფო კაცისათვის აბა რა ანგარიში ჩასაგდება. — აბა მთელი კავკასია იყოს საქართველო, ან არა და აბა მთელი კავკასიის ერები გამოვიდნენ ერთად და ან ლოიალობა გამოუცხადონ რუსეთს სოციალიზმის სახელით, ან მასთან სწორ-უფლებიანობა მოითხოვონ, — და მაშინ ვნახავთ, როგორ გვაქებენ და თავზედ ხელს დაგვისმენ შორს გამჟვრეტი პლებანოვები და მილიუტოვები, — შეიძლება სტოლიპინებიც, — პირველ შემთხვევაში და როგორი წყრომით დაგვემუქრებიან მეორე შემთხვევაში.

ასეთმა გაურკვეველმა და ყალბმა ინტერნაციონალიზმმა საშინელი შოვინიზმი დაბადა სოციალისტურ პარტიათა შორის, — სრულიად წინააღმდეგი რამ მოიმკო. ორი რამ იყო ამის მიზეზი: ერთი ის, რომ გაბატონებულმა ერებმა ისეთი ინტერნაციონალიზმი აღიარეს, რომელიც ბოლოს და ბოლოს მათთვის გამოდგა ხელ-საყრელი და არა დამონებულთათვის. ამით მათ უნებურად განამტკიცეს თავიანთ ერის ისტორიის უსამართლობანი და დააკანონეს თავიანთ სახელმწიფოთა საზოგადო უსამართლო პოლიტიკა სხვა ერთა მიმართ. მეორეც



მხრით დაჩაგრულ ერთა შორის კანონიერი რეაქცია გამოიწვია ასეთმა ყალბმა ინტერნაციონალიზმმა და კიდევ უფრო განაძლიერა ნაციონალიზმი, როდესაც თავიანთ უფლებათა აღიარება მოწინავე ინტერნაციონალისტ-სოციალისტთა შორისაც ვერაჟინ ნახა. ამიტომაც დიდ სახელმწიფოებში, განსაკუთრებით გერმანიაში და რუსეთში, სოციალისტური პარტიები ბოლოს და ბოლოს უკვე შეგნებულად შოვინისტებზედ უარესნი გახდნენ, და საქმარისი იყო, რომელიმე დაჩაგრულ ერს ხმა ამოეღო თავის უფლებათა დასაცველად, რომ მყისვე ქვა და გუნდა მიეყარათ და სწორედ იგი მოენათლად შოვინისტად და ბუჩუქუზიის იდეალთა მატარებლად.

მათ პრესაში, მათ კონგრესებზედ -- ყველგან თავს იჩენდა ასეთი შოვინიზმი. გერმანიის ს.-დემოკრატიული პარტია ეხლაც არ აღიარებს პოლონელთა დამოუკიდებლობას, რუსეთის სოციალ-დემოკრატია უარ-ჰყოფს გადაკრით რუსეთის სხვა ერთა დამოუკიდებლობას. მაშინაც კი, როდესაც პირველად სისტემატიურ პროგრამას არღეენდნენ, თავიანთ კონგრესსზედ (1903 წ.) რუსებმა არა თუ სხვა ერთა დამოუკიდებლობა დაჰგმეს, არამედ მათი ავტონომიაც უარ-ჰყვეს. პროგრესის საზოგადოდ სოციალისტებისა ეროვნულ საკითხში მით გამოიხატა, რომ ეროვნული ენის და კულტურის თავისუფლება აღიარეს, მაგრამ ეს უფრო უბრალო პოლიტიკანობაა, რადგანაც მათ ძლიერ კარგად იციან, რომ გაბატონებულ ერის სახელმწიფოში შეუძლებელია ნამდვილი თავისუფლება დაჩაგრულთა ენისა და კულტურისა: უნდა დაიშალოს თვით ეს სახელმწიფო და თვითოეულ ერს სრული თავისუფლება უნდა მიენიქოს, — აი როგორ გადაწყდება საკვებით ეს პრობლემა, — ამაჴედ კი სოციალისტები თავის დღეში არ დასთანხმდებიან.

მხოლოდ იმ ქვეყნებში იყენენ იძულებული სოციალისტები მიექციათ ყურადღება ეროვნულ საკითხისათვის, სადაც ბევრი ერი იყო და რაოდენობითი განსხვავებაც მათ შორის არც ისეთი იყო, როგორც მაგალითად გერმანელთა და პოლონელთა შორის. ასეთი ქვეყანა ავსტრიაა, და სწორედ აქ ეცადნენ სოციალისტები პრაქტიკულადაც და თეორიულადაც განებორციელებინათ ერთა სწორუფლებიანობა. პერნესტრორფერი, ოტტო ბაუერი, რუდოლფ შპრინგერი და სხვანი მთელ თავიანთ ანალიზის ნიქს ხმარობდნენ, რომ დაემტკიცებინათ სოციალიზმისა და ნაციონალიზმის თანხმობა: აღნიშნეს მოვალეობა პროლეტარიატისა, ყურადღება მიექცია მას ეროვნული საკითხისათვის და გადაწყვიტა იგი სწორედ სოლიდარობის სახელითა. ცხოვრებამ აიძულა ასეთი რამ მოემოქმედნა ავსტრიის სოციალიზმსა. ჩებთა, პოლონელთა და სხვა ერთა ძლიერება იყო ის ძალა, რომელმაც აამოძრავა პარტიის აზრი, აგრეთვე ამ ერთა მოზრდილი რაოდენობა, თორემ გერმანიაში, სადაც გერმანელი განუსაზღვრელად ბატონობს, ან რუსეთში, სადაც რუსის ერს ცენტრალური ადგილი უჭირავს და მეტიც არის ბევრით ყველა სხვა თვითოეულ ერზედ, — სოციალიზმს თავის დღეში არ დაედება ავსტრიული ელ-ფერი. ამისათვის ან რუსის სოციალისტების ძირითადი მორაჴულებაა: საჭირო, რაც შეუძლებელია, — რადგანაც იგინი გერმანელთა წამბამელებიც არიან და რუსის დიდი ერის შოვინისტებიც, — ან და მთელი პოლონეთისა, ფინლანდიისა, უკრაინისა და სხვათა პირდაპირი ეროვნული გამოლაშქრება.

არის მეორე ნაწილი უკიდურეს ინტერნაციონალისტთა. ესენი არიან უკიდურესი ანარქისტები და ფრანგ ჰერვეს მსგავსი სოციალისტები. მაგრამ მათი თეორიები კრიტიკას ვერ უძლებენ სრულიად. დედა-აზრი მათი თეორიისა ის არის, რომ ერი სრულებითაც არ არსებობს, თუ არსებობს, — ეს მოგონი-

ლი რამ უაზრობა არისო. მაშასადამე არც საზღვრებია საჭირო, არც ენას აქვს მნიშვნელობა, არც მთავრობას, — სულ ერთია პროლეტარიატისათვის რა ენაზედაც ილაპარაკებს, სულ ერთია მისთვის, — გერმანული მთავრობა იქმნება საფრანგეთში თუ ფრანგულიო, და სხვა ამგვარები. მაგრამ ასეთნაირად გადაწყვეტა საკითხისა შეიძლება ანტიმილიტარისტულ აგიტაციისთვის იყოს საჭირო, ხოლო თეორიული სიმტკიცისა და მეცნიერებისა მას არა სცნია რა. მის მაგივრად, რომ ერთი თეორია შექმნან, — პირდაპირ უარ-პყოფენ მის არსებობასა და იგი რაღაც მოგონილად მიაჩნიათ, — მაგრამ ასეთივე რიხით შეგვიძლია უარ-ვყოთ ინდივიდის არსებობა, ან იგი ილუზიად მივიჩნიოთ, როგორც ამას ბევრი სკეპტიკი სოფისტი სჩადიოდა, და აქ რა იქმნება მეცნიერული ან ფილოსოფიური! — შეიძლება სულ ერთი იყოს, რა ენაზედაც უნდა ილაპარაკოს ფრანგის პროლეტარმა, — გერმანულად თუ ფრანგულად, — მაგრამ დღეს რომ ფრანგი გერმანულად ალაპარაკო, — იგი ხომ გერმანელი იქმნება და ამით განა ერთი, ეროვნება ისპობა? — ან იქნებ მათ იმედი აქვსთ ერთი რომელიმე საკაცობრიო ენის შექმნისა, მაგრამ აქაც რომ არავითარი მეცნიერული მოსაზრება არ წამოუყენებიათ, არავითარი ანალიზი არც კაცობრიობისა, არც ენისა საზოგადოდ, და არც კონკრეტულ ენათა გავრცელებისა ან მათი რიცხვის დაკლების ისტორია? — მთავრობა სულ ერთიაო, — მაგრამ გერმანიის რკინის ხელი რომ დღეს საფრანგეთს დააწვეს, ხომ აჯანყდა მთელი საფრანგეთი, ხომ მთელი თავისი ენერჯია მასთან ბრძოლას მოანდომა — ის ენერჯია, რომელიც დღეს სოციალიზმზედ იხარჯება, — და მაშინ რეგრესი არ იქმნება ერთი იმ ქვეყნისა, სადაც ყველაზე მეტად არის განვითარებული სოციალიზმი? — ამასაც აღარ ფიქრობენ ეს ზერელა სოციალისტ-ინტერნაციონალისტები, რომელთაც დიდი ფიქრი არ უყვარსთ დიდ საკითხთა გადასაწყვეტად.

ხანდახან ამ ჯურისა და სხვა ინტერნაციონალისტებსაც არგუმენტად ის მოჰყავსთ, რომ არ მოიპოვება დღეს არსად წმინდა ერიო. საფრანგეთის ხალხი ათას რასისაგან შესდგება, იგი ათასის ხალხის ნარევიო. მაშასადამე ერის არსებობის კრიტერიუმიც არ არის, არ არის თვით ერიო!

აი, სწორედ ეს არის მათი მეცნიერული ბანკროტობა! საქმე სწორედ იმაშია, რომ ერთი, მიუხედავად იმისა, რომ იგი სხვა და სხვა რასის და ხალხის ნარევია, სულიერი ერთეულია, სოციალური ორგანიზმი, ნამდვილი საზოგადოებრივი ცოცხალი არსი. ერთი ეთნოგრაფიული ცნება კი არ არის, არამედ სოციალური. და ასეთი ადამიანები, ვისაც ეს ორი ცნება ვერ გაურჩევია, „მეცნიერების სახელით“ აქარწყლებენ ყველა ერის თვით არსებობასაც კი — რამდენჯერ მსმენია, როგორი რიხით ამტკიცებდნენ ისინი ამ სრულიად უსაფუძვლო აზრსა და ბევრი განათლებული კაცი კი მათ ტაშის ცემით ავიღდოვებდა.

არ ვიტყვით, შეიძლება მათი მნიშვნელობა სხვა მხრით იყოს დიადი, — ხალხში რევოლუციონური სულის გასამტკიცებლად და სოციალისტურ იდეალთა გასავრცელებლად, მაგრამ მათი თეორიული საფუძველი ინტერნაციონალიზმისა რომ არარაობაა, — ეს ცხადი და უეჭველია. მაგრამ მათი გავლენა დღეს ნაკლებია, ვიდრე იმ ზოგიერთ ინტერნაციონალისტთა, რომელთაც დაახლოვებით სწორად ესმით ინტერნაციონალიზმი, და აგრეთვე ვიდრე შოვინისტ დიდ ერთა სახელმწიფო სოციალისტურ პარტიათა.

ასეთი იყო მიმართულება სოციალისტურ-ინტერნაციონალიზმისა დასაბამიდან დღემდე, — მისი საზოგადო მიმდინარეობა რომ ავიღოთ და ყურადღე-

ბა არ მივაქციოთ ოდნავ საწინააღმდეგო განდგომათა ამ საერთო მიმართულენისაგან.

ქართველი ჩაყარდება ხოლმე ამ საზოგადო იდეათა მორევში და უმეტეს შემთხვევაში ვერავითარ ორიგინალურ კრიტიკას ვერ უწევს ამ მიმართულენასა. იგი ან სხვისი კრიტიკით კმაყოფილდება, ან დოგმატიურად ირწმუნებს ხოლმე ამ უკიდურეს სხვისი შოვინიზმის თეორიებს, რომელიც მას გულწრფელ სოციალიზმად ეჩვენება. ორივე შემთხვევაში იგი შეიძლება გულწრფელის. მაგრამ ყალბი მოძღვრებით ჩამოდის ჩვენში. მას ფიქრადაც არ მოსდის ყოველივე ამის განსჯა თავისი ქვეყნის მდგომარეობის თვალთახედვით, და იმას კი აღარა ფიქრობს, თუ როგორი იქმნება ჩვენში შედეგი მისი ყალბი იდეაქალის მუშაობისა. არ იხილავს იგი ქართული თვალთახედვით ამ თეორიებსა, რადგანაც ქართული ცხოვრებით არას დროს არ უცხოვრია, — და განა მარტო სოფელში ცხოვრება და გლეხებთან ლაპარაკია ქართული ცხოვრება: იგი სულიერად განცდაა ქართველი ერის მთელი ისტორიისა, მისი სულის კვეთებისა და მის მისწრაფებათა. რასაკვირველია ასეთი ადამიანი იდეალს შეითვისებს იდეალისათვის, უფრო თავის საკუთარ სულიერ მოთხოვნილებათა დასაკმაყოფილებლად. უცხოეთში შეთვისებული იდეალიც მას ქეშმარიტება ჰგონია ყოველ კერძო შემთხვევისათვის, და თუ ქართული წარსული და თანამედროვე ცხოვრება ოდნავ მაინც არ ეთანხმება ამ უცხოეთში შეთვისებულ იდეალს, — თამამად და გულწრფელად წამოიძახებს, — წარსული მეზიზღება და აწმყო მეჩაგრებაო! გულწრფელადვე მას ასეთი ყოვლად უაზრო სიტყვა სოციალიზმის რწმენის განმტკიცებად მიაჩნია, იდეალის სამსახურად!..

ღიას, როგორც ზემოდ ვამბობდი, ერთხელ მეც შევისტურე ასეთ მორევში. რუსეთშიაც ვსცხოვრობდი და ევროპაშიაც. მეც შევითვისე გულწრფელად ეს იდეალები. მეცა მწამდა იგი უკრიტიკოდ და ბრმად. მეც ჯერ მარქსის, ენგელსისა და კაუტსისა, მერმე ბაკუნინისა, კროპოტკინისა და რეკლიუს იდეალები და თეორიები თითქმის სარწმუნოების სიმბოლოდ მიმაჩნდენ, თუმცა ამ უკანასკნელთ უფრო კრიტიკულად ვექცეოდი. მაგრამ გულის სიღრმეს მაინც რაღაც მძიმე და გამოურკვეველი ტანჯა მიწვევდა. ეს რაღაც გამოურკვეველი გრძობა ყოველ ზემოხსენებულ ჯურის ქართველს აქვს; ეს ძალიან კარგად ვიცი, რადგანაც თვალ-ყური მიდევნებია მათთვის და ვიცნობ თითქმის ყველა მათგანს, ვისაც თავი განუწირავს საქართველოში სოციალიზმისათვის. მხოლოდ დაკვირვება და ანალიზი უნდა ამ გრძობასა, შემდეგ ფიქრი, დიდი ფიქრი და ტანჯვა, რომ ამ გრძობის მიზეზთა კვლევა კრიტიკა გამოიწვიოს შეთვისებულ და შესისხლ-ხორცებულ იდეალთა, — კრიტიკა მიუდგომელი და ცივი, რომლის მიზანიც უნდა იყოს ქეშმარიტების გამორკვევა თავის თავისათვის და მახედ აგება ახალი რწმენისა; ვერავითარი შიში ძველ იდეალთა დაკარგვისა ვერ უნდა ჰბოჭავდეს ადამიანს ასეთის კრიტიკის დროს, თორემ იგი მუდამ ბრმად ივლის, მისს სიბრმავეს კი შეიძლება ცოცხალ ადამიანთათვის, ცოცხალ ერისათვის დიდი ვნება მოჰყვეს, ეს კი წინააღმდეგი უნდა იყოს არა თუ სოციალისტურ, არამედ უფრო მღაბად იდეალისაც, რადგანაც ცოცხალ არსისადმი მიუენებული ვნება და ტანჯვა ბოლოს და ბოლოს დანაშაული მისს წმინდა სახითა.

თუმცა შევითვისე უკიდურესი და უკეთილშობილესი სოციალისტური და ანარქისტული იდეალები, მაგრამ ის მძიმე ლოდი მაინც მაწვა გულზედ, რომელიც ყველას აწევს ხოლმე, — ყველას, ვისაც შემეძლარი ინტერნაციონალიზმი მიუღია უკანასკნელ საკაცობრიო ქეშმარიტებად და თანაც ყრულა გრძობს,

რომ იგი დამღუპველია მისი ერისა, მაშასადამე მისი საკუთარი ინდივიდუალობისაჲ.

ეხლა რომ ეუყვირდები, რუსეთში არა მინახავს რა ორიგინალური, გარდა ბრმა წამბაძველობისა და უფიცობისა ჩემს ამხანაგთა შორის. ვინც „დიდებად“ ითვლებოდნენ. მათთვისაც დამიგდია ყური, წამიკითხავს მათი თხზულებანი და იქაც არა მინახავს რა მაინც და მაინც ორიგინალური, თუმცა ისიც მწამდა. რომ მათ უქვევლად უნდა გადმოელოთ ევროპელებისაგან მზა მზარეული „ერთად-ერთი ჭემშარტი“ მეცნიერება და არც კი უნდა ჰქონოდესთ უფლება გადაესხეადფერებინათ იგი თავიანთის გონებითა. ვადევნებდი თვალ ყურს მათ ჟურნალებში სხოლასტიურ მსჯელობას მარქსიზმის შესახებ და მეც, რასაკერძეელია, ორტოლოქები მეგონენ ჭემშარტების ერთად-ერთი მატარებელი, სხვები კი თითქმის დამნაშავენი. როდესაც პირველად წავიკითხე ბელტოვის «К Вопросу о Развитии Монистического Взгляда на Историю». ასე მეგონა მიხაილოვსკი და ყველა მისი მიმდევარი მართლაც რაღაც საცოდავი ხალხია და ბელტოვის თავშია მოთავსებული მთელი მეცნიერება მთქი. როგორ გავკვირდი, როდესაც რუსეთიდან დაბრუნებისას ჩემს ძმასთან მქონდა ლაპარაკი ამ წიგნის შესახებ და იგი სცილობდა დამტკიცებინა ჩემთვის, რომ ბელტოვს, რასაც ბევრს არა ყვიროდა ბუნების მეტყველებაზე და ფილოსოფიაზედ, იმდენი მაინცა და მაინც არც ერთის გაეგებოდა რამ და არც მეორისა!..

ევროპაში რომ ჩავედი, უპირველეს ყოვლისა მოვკიდე ხელი სოციალიზმის წმინდა აგვუსტინის, მარქსის სწავლასა, თუმცა აქაც მქონდა წაკითხული. ყველა დიდ მოციქულს მოვუსმინე. გადავიკითხე მათი სახარებანი, მაგრამ თანაც სამი რამ მიძრავდა ექვს: ერთი ის იყო, რომ საზოგადოებრივი მეცნიერება, ეს უდიდესი შტო ადამიანის ცოდნისა, ევროპაში ძლიერ განვითარებულია და მარტო სოციალისტები არ ეწევიან მის კულტურასა. პირიქით, არა სოციალისტები უფრო ღრმადაც და მრავალ-მხრივადაც ავითარებდნენ სოციოლოგიის მეცნიერებასა. მე ამასაც ვადევნებდი ფვალ-ყურს შეძლებისა და-გვარად. მეორე ის იყო, რომ მარტო მარქსი და ენგელსი არ იყვნენ სოციალიზმის წარმომადგენელი, არამედ აუარებელი პავლე მოციქული და წმ. აგვუსტინი ყოფილა ევროპის სოციალიზმისა. სენ-სიმონიდან და კიდევ უფრო აღრინდელ ავტორებიდან დაწყებული ახალ სოციალისტებამდე გადავიკითხე მათი თხზულებანი, უმთავრესნი მაინც: გავეცანი სოციალიზმის ისტორიას, ინტერნაციონალს. გავიგე რომ იქ მეორე უფრო სიმპატიური, უფრო მომქმედი და კეთილშობილი მოძრაობა ყოფილა, — ანარქიზმი, რომლის უდიდესნი წარმომადგენელი იყვნენ ბაკუნინი და შემდეგ კროპოტკინი და ელოზე რეკლიუ. ყველაზედ უფრო კი იმან დამაფიქრა, რომ ყველა სოციალისტი. ევროპაში ეროვნულ ნიადაგზედ მოქმედებს, — განსაკუთრებით პარლამენტარისტები. რომლებიც ეროვნულ კანონმდებლობაში იღებენ მონაწილეობას, მაშასადამე პრაქტიკული სოციალიზმი მათთვის შინაგან, საკუთარ სოციალურ ორგანიზმის გაუმჯობესებით გამოიხატება. ისიც ნათლად დავინახე, რომ ეს სოციალისტური პარტიები უმთავრესად შოვინისტებიც კი იყვნენ და იცავდნენ ეროვნულ ინტერესებს, სხვა პატარა დაჩაგრულ ერებს ანგარიშშიაც არ იღებდნენ და არც აღიარებდნენ მათ თავისუფლებას. ხოლო ინტერნაციონალიზმი მათთვის უფრო ყვირილი და დემონსტრაცია იყო, ვიდრე რეალური მუშაობის საგანი. იგინი იმდენად იყვნენ ინტერნაციონალისტები, რამდენადაც პროლეტარტა შორის კავშირს ამტკიცებდნენ, ხოლო იმდენად არა, რამდენადაც ერო-

ეხელ ინტერესებს ავნებდა იგი. მახსოვს როგორ უარ-ჰყვეს ჰაინდემენმა და ინგლისის ს.-დ.-ებმა ევროპის სოციალისტთაგან შემუშავებული პროექტი ინგლისის ვაქრობის ბოიკოტისა ინგლის ბოერთა ომის დროს! — უკიდურესთა ინტერნაციონალიზმს, რომელიც არავითარ პირობას არ იღებს მხედველობაში და მხოლოდ „ყვირის“, მაინცა და მაინც დიდი გავლენა არა ჰქონდა. ყოველისფერი ეს თვალთ ვნახე, და პირველად მივხვდი, — რომ სოციალიზმიც ეროვნული საქმე ყოფილა, ხოლო ინტერნაციონალიზმი ყველა ერის საურთიერთო უფლებების აღიარება. ამის უარ-ყოფელი ან თვით არის შოვინისტი, ან დაბრმავებული მეთქი. — ვიცნობდი შვეიცარიელ სოციალისტებს, რომელნიც არას დროს არ დასთანხმდებოდნენ გერმანიის, საფრანგეთის, ან იტალიის ბატონობას. ეს პატარა სახელმწიფო, სამი ერისაგან შემდგარი, თავისუფლების თაყვანისმცემელი იყო, მისი სოციალისტები კი სხვებზედ უფრო იცავდნენ ეროვნებასა და რესპუბლიკასა თავიანთ შინაგან სახელმწიფოებრივ სფეროში, მათ „ინტერნაციონალიზმიც“ განხორციელებული ჰქონდათ ამ ერთ მტკაველ ტერიტორიაზედ. — ვხედავდი მათ უდიდესს კულტურასა. ზედ ენევის საზღვარზედ სავოიაა, — იგივე რასა, იგივე ბუნება, რაც ენევის კანტონში, ხოლო რა განსხვავება ცხოვრებისა, კულტურისა! — მიზეზი — ერთის მხრით საფრანგეთის ცენტრალიზმი, მეორეს მხრით შვეიცარიის კანტონალური თავისუფლება. ვსთქვი, — გიყვები არიან ენეველები ფრანგებს რომ შეუერთდნენ მეთქი? — მეორეს მხრით შვეიცარიის რასა და ბუნების სიმდიდრე საქართველოსაზედ დაბლა იდგა ყოველის მხრით, — ვფიქრობდი, — თუ ამ მწირმა ქვეყანამ, რომელსაც არც ზღვა აქვს და არც მადანთა აუარებელი სიმდიდრე, — კრეტიციზმიც ბლომდა ჰყავს, — უმაღლესი კულტურა შექმნა ევროპაში პოლიტიკურ თავისუფლების წყალობით, — ჩვენ რაღა ვართ, ვის რა დავუშავეთ მედქი — საქართველოდან კი ხმა მოდიოდა, — ჩვენ სოციალ-დემოკრატებს რეზოლუცია დაუდგენიათ, — საქართველოში რუსების გადმოსახლების წინააღმდეგი არა გუქვს-რაო. სადამდის მივა უკულტურო აღამიანის „ინტერნაციონალიზმი“ მეთქი, ვიფიქრე, და შვეიცარიის მნახველ ოდნავ გულ-წრფელ კაცს, მათ სოციალისტთა მცოდნეს არ შეუძლია კიდევ უარესი არა სთქვას. რუსის კოლონია ჩემ თვალ-წინ იდგა პარიზში და ენევეაში. თვალ-ყურს ვადევნებდი მათ ცხოვრებას. ვხედავდი პლენხანოვს, — ამ ნამდვილ რუსის ნაციონალისტ პოლიტიკოსს, რომლის პოლიტიკაც ვერ იყო კარგად დაფარული და მით უფრო საზიზღრად მეჩვენებოდა იგი. ვხედავდი ლენინს, — რუსის შოვინისტა და იმპერიალისტს, იმპერიის საზღვრების დამცველს ს.-დ ების კონგრესსზედ ცნობილი პროგრამის შემუშავების დროს. ვხედავდი ებრაელებს, რომელთაც გულში ყველას ებრაული განკერძოება ედვა; — ამ ნიადაგზედ ბუნდიც აღმოაცენეს, — ისიც ვნახე, თუ რა დღე დაადგათ ამ ბუნდისათვის რუს ნაციონალისტთაგან; — სიტყვით კი სამშობლოს უარ ჰყოფდნენ ყველასათვის. რა ენაღვლებოდათ, თვითონ რომ არა აქვსთ სამშობლო — სხვებისათვის მით უფრო დიდის რიხით უარ-ჰყოფდნენ თვით ეროვნების პრინციპსა. იქვე კი, იმათვე გვერდით, სიონისტები იყვნენ ერთ აურ ზაურში და „სიონის“ მებნაში. სრული დარწმუნებული ვარ, ყოველი ებრაელი თანაუგრძნობდა გულში ამ სიონისტებსაც, მხოლოდ ერთის მხრით შიში, მეორეს მხრით უიმედობა არ ანებებდა მათ ერთბაშად, ებრაელურად გასიონისტებულიყვნენ! ვხედავდი ჩერნოვს, ამ ნამდვილს წარმომადგენელს მოსკოველ-თათრულ პოლიტიკისას, რომელსაც სხვა ერთა ავტონომიაც თითქოს სწამდა, მაგრამ მხოლოდ „ტაქტიკურს“ მოსაზრებით რუსის რევოლუციის ინტერესის მხრით.

მაგრამ როცა სხვა ერთა რევოლუციონერებთან განწყობილებაზედ მიდგებოდა საქმე. — ვაჭრობდა. აღვიარებთ თქვენს ავტონომიას, მაგრამ როდესაღ დაფუძნებელი კრება იქმნება მოწვეული, — თქვენი დამფუძნებელი კრება დამოუკიდებელი არ იქმნება, — იგი უნდა მუშაობდეს სრულიად რუსეთის დამფუძნებელი კრების კანონმდებლობის სფეროში — კეკეიანი პოლიტიკა, არა, მკითხველო, რომ თათრული ეშმაკობა და ცოტა თვალსაჩინო გაიძვერობა არ იყოს?! — ყველას ძლიერ კარგად ვიცნობდი, მაგრამ მათში არც წმინდა სოციალიზმი მინახავს და ინტერნაციონალიზმის მაგივრად უკიდურესი შოვინიზმი ვიხილე! აქაც ყველა თავის საქმეს აკეთებდა, — ზოგი სხვისი ხარჯითა!..

კაი ხნის ანარქისტი ვიყავ, როცა პარიზში და ჟენევაში თვალ-ყურს ვადევნებდი ასეთ მოვლენებსა. სოციალ-დემოკრატიულმა სოციალიზმმა ვერ მიმიზიდა, რადგანაც ჩემი იდეალი უფრო მაღალი იყო და ანარქიზმი უფრო მაკმაყოფილებდა. იგი უკეთ სწყვეტდა ადამიანის პიროვნებისა და ადამიანთა საზოგადოებრივ ორგანიზაციის პრობლემათა. ამასთანავე ერთის მხრით მარქსიზმის თავის-კერძო შოვინიზმი, მეორეს მხრით სხვა ერთა უფლების უარ-ყოფა, აგრეთვე მათი დოგმატიზმი ზიზღსა მგვრიდა და ამიტომაც სოციალიზმის უმაღლეს მოძღვრებით მინდოდა დამეკმაყოფილებინა სული. მაგრამ აქაც მოვსტყუვდი. ვერც აქ ვნახე სამართალი ქართველმა; მახსოვს, ერთხელ ფრანგულად წერილი დავსწერე ასეთის შინაარსისა: იმ უმაღლესმა მოძღვრებამ, რომელიც ყოველ-გვარ მონობას უარ-პყოფს, ყოველ ავტორიტეტს, — ერის უფლებაც უნდა აღიაროს მეთქი. ანარქიზმი საყოველთაო თავისუფლებისა და თანასწორობის მოძღვრებაა, ამიტომ ერი მისთვის ისეთივე წმინდა და ხელ-შეუხებელი უნდა იყოს, როგორც ინდივიდი მეთქი. ამასთანავე ეროვნული მოძრაობა სახელმწიფოთა წინააღმდეგია და ამით მაინც ეთანხმება ანარქიზმსა მეთქი. — გავგზავნე ეს წერილი ანარქისტულ გაზეთში, რომლის რედაქტორიც ერთი წმ. ავგუსტინთაგანი იყო. მაგრამ არ დაბეჭდა: მე განა ის მეწყინა, რომ არ დაბეჭდა, ეს წინააწინვე ვიცოდი და არც ისეთი ბავშვი ვიყავ უკვე: რომ ჩემი ნაწერის დაბეჭდვა ძალიან გამხარებოდა, — მე ის შეინტერესებოდა, — რას იტყოდა წმ. ავგუსტინი ანარქიზმისა? იცით რა პასუხი მივიღე, როდესაც შევეკითხე? — ნამდვილი ს.-დ.—იული: როდესაც სოციალიზმი განხორციელდება, მაშინ ყოველივე განთავისუფლდება, მაშასადამე, ერიცაო! მაღლობელი ვარ მეთქი, ვიფიქრე გუნებაში; — როცა განთავისუფლდება — განთავისუფლდება, ეს მართალია, მაგრამ როდის მოხდება ეგ საყოველთაო განთავისუფლება, — ეს არც შენა და არც არავინ იცის, მანამ კი მე, ქართველი ვისპობი, ვიტანჯები, ვკვდები — და შენ, უდიდესი მოძღვრების მქადაგებელია, რაღაც იეზუიტურ პასუხს მაძლევ მეთქი!.. ამ აზრმა გამიელვა თავში და გული დამითუთქა. მაშინ მივხვდი, რომ რაც კაცს არ გაწუხებს, — იმაზედ გულ წრფელად არც ჰფიქრობ, თუ გინდ არქი-ანარქისტიც იყო. იმ ჩემ რედაქტორს რა დაცხებულს „ერის“, როდესაც საფრანგეთი არ განიციდის გერმანიის ქუსლით თელვასა. იგი კიდევ არწმუნებს ყველას, რომ ამ ქუსლის არ ეშინია, მაგრამ აბა გამოსცადოს და მაშინ ენახავდი რა პანჯზედ დაიწყებდა მღერასა! — გარეშე ერისა ან რომელიმე სოციალური ჯგუფისა არ არის ადამიანის პიროვნება. და როდესაც ერი დამონებულია, პიროვნებაც ილახება, შეურაცხ-ყოფილია მისი სულიერი არსება; ჩემმა რედაქტორმაც შეურაცხპყო ჩემი პიროვნება, უარ-პყო რა მისი არსებობის უფლება ერის უფლების უარ-ყოფითა. ეს კარგად დამანახსოვრდა!

ანარქისტთა შორის მუდამ ვიყავ. იქაც ისეთივე ფანატიზმი, დოგმატიზმი იყო გამეფებული, — თუმცა მუდამ ყვიროდნენ თავისუფლებაზედ და თავისუფალ აზროვნებაზედ. ერის უფლებებზედ ლაპარაკიც არ შეიძლებოდა. მაგრამ იმავე დროს ვამჩნევდი, რომ ანარქისტებიც სხვებსავეთ ყველგან თავის ეროვნულ საქმეს აკეთებდნენ. სებასტიან ფორს საფრანგეთის კლერიკალებისაგან დახსნისათვის ძეგლი დაედგმის, მამ საყვედური ეთქმის?!

მხოლოდ ლონდონში მოვისვენე. იქა ვნახე კროპოტკინი, ანარქისტი და სამართლის უფრო გულ-წრფელად აღმსარებელი ყველასათვის, ვიდრე სხვა ვინმე, რეკლიუს თხზულებანი ვიცოდო, მაგრამ აქ გავიგე მის მეგობართაგან მისი იდეალები, ხასიათი მისი სამართლიანი ინტერნაციონალიზმისა, აქვე გავიცანი ქართველი ვარლამ ჩერქეზიშვილი, ჩემ ნაცნობთა შორის ერთადერთი ანარქისტი და სოციალისტი, რომელსაც ნათლად აქვს წარმოდგენილი ანარქიზმიც, ინტერნაციონალიზმიც, უზენაესი საერთაშორისო სამართალიც. მასთან მოვისვენე სულიერად. იგი ერთადერთი პბედავდა სიმართლის ხმის ამოღებას „ყვილა კერპთა“ წინააღმდეგ («Все кумиры долой!»). იგი მოუსვენარი კრიტიკოსი იყო და არის მარქსიზმისა საზოგადოდ. არ ეშინოდა არც ს.-დ — ებისა და არც იმ ანარქისტებისა, რომელნიც უარყოფდნენ ერის უფლებასა. მაგრამ იგი ქართველია, — და არა ზემოდ აღწერილი ქართველის ტიპი, არამედ ბევრის მნახველი და ყოველისფრის გამომცდელი, — აი რა არის მხედველობაში მისაღები — კროპოტკინი არასოდეს არა ყოფილა ერის უფლების წინააღმდეგი. ერთ თავის პატარა წიგნში (Un siècle d'attente) კიდევაც აღიარა იგი პირდაპირ. ეს პატარა ბროშურა ეხლაც ძვირფასია ჩემთვის. კროპოტკინს არც ისა სწამს, თითქოს საფრანგეთში ეროვნული მთავრობა და გერმანიის ქუსლი ერთი და იგივე იყოს, — წარმოიდგინეთ, ამიტომაც მას ბევრმა ანარქისტმა ნაციონალისტი, ფრანგის პატრიოტი და დემოკრატი უწოდა ჩემ თვალ წინაც რამდენ პატარა მატრაყვეცა ანარქისტს გაულანძლავს იგი, დემოკრატი არის და ანარქისტულ პრინციპებს უღალატაო და სხვ.—რეკლიუს მეცნიერული თხზულებანი ჩემ ნაცნობს უკიდურესს ანარქისტთა უმეტესს ნაწილს არც კი წაეკითხათ, თორემ მის „გეოგრაფიაში“ პირდაპირ ნახავდნენ, როგორი ინტერნაციონალისტი იყო რეკლიუს, — უარ-ყოფელი ერის უფლებებისა თუ აღმსარებელი ყველა რასისა და ყველა ერის თანასწორობისა და იღახ, იგი ამ უკანასკნელი აზრის იყო. მან იცოდა მთელ დედამიწის ზურგზედ ყველა რასისა და ერის ცხოვრება და პატივის სცემდა ყველასა. — ვ. ჩერქეზიშვილს თავისი სამართლიანი და პირდაპირი აზრისათვის კი უმეტესი ნაწილი გაფანატიკოსებულ ანარქისტებისა აგრეთვე შოვინისტს და ნაციონალისტს, დემოკრატსა და რადიკალს ეძახდა, რასაც ვ. ჩერქეზიშვილი ყურადღებას არ აქცევდა და უმტკიცებდა ასეთის ჯურის მოწინააღმდეგეთ, რომ იგინი ამით მხარს უჭერდნენ დესპოტიზმსა და მონობასა.

მაგრამ, საუბედუროდ, არც კროპოტკინსა და არც რეკლიუსს სისტემატიურად არ განურკვევიათ ცნებანი ერისა, კაცობრიობისა, ერის უფლებისა და ინტერნაციონალიზმისა. ისევ ვარლამ ჩერქეზიშვილი ეხებოდა ამ საკითხებს ქართულ პრესაში. პირველი ორის ნაწერებში ბუნდოვანადა სჩანან მხოლოდ ეს ნათელი ცნებანი, მესამე კი წერის გარდა საქმითა და ცოცხალი სიტყვითაც იცავდა სამართლიანობასა. ამ უკანასკნელმაც უფრო ამიხილა თვალი. მასაც ვუძღვნი ამ მცირე შრომასა ნიშნად ჩვენი მეგობრული განწყობილებისა, როგორც ძვირფასს მასწავლებელსა და ჩემი თავიდან ფანატიზმის აღმომფხვრელსა...

ეგრობაში შეთვისებულ მოძღვრებათაგან წმინდა იდეალიდა შემრჩა ანარქიზმისა. დოგმები, რომელნიც უსამართლოდ მეჩვენებოდნენ, — უკუ ვაგდე. ამ

წმინდა ანარქიზმის სახელით ვებრძოდი იქაც, რამდენადაც შეძელო, რუსების ცენტრალისტურ სოციალიზმსა და შოვინისტურ ინტერნაციონალიზმს.

მაგრამ მაინც კიდევ დამრჩა რაღაც ძველ რწმენათაგან. საქართველოში რომ დავბრუნდი, მოძრაობა გაჩაღებული იყო, და მეც ჩემი წმინდა მოძღვრება გამყავდა ხალხში პირდაპირ, — დარწმუნებული ვიყავ, რომ რევოლუციის დროს ხალხი ყოვლის შემძლე იყო, და გამარჯვებისას თუ სოციალიზმს ვერა, მის რასმეს მსგავსს მაინც განახორციელებდა. მეც ანარქიზმის განხორციელების იდეალს ვქადაგებდი იმ იმედით, რომ ხალხის რევოლუციონურ შემოქმედებაში იგი უნდა ყოფილიყო გზის მაჩვენებელი ვარსკვლავი. გული საგულესა მქონდა, — რაღაი ხალხმა გაიღვიძა, — სოციალურ შემოქმედებას აუცილებლად, თავის თავად მოჰყვება ეროვნული-თავისუფლებაც მეთქი. და მართლაც თვალთა ვხედავდი ამ ტენდენციას ჩვენში, იმას კი აღარ ვფიქრობდი, რომ ეს პროცესი ეროვნული განთავისუფლებისა მხოლოდ ბუნებრივად ხდებოდა სოციალურ გარდაქმნასთან ერთად, რადგანაც ეს სოციალური გარდაქმნა თვით იყო ერთის მხრით უცხო კანონის უარყოფა. იმას კი აღარ ვფიქრობდი, რომ დამარცხება შესაძლებელია და ხალხს სწორედ რეაქციის დროს უნდა გამაგრება, რომ არ დაჰკარგოს ეროვნული იდეალი, რადგანაც მტერი რეაქციის დროს ქართველებს განსაკუთრებით, როგორც ერს, ისე დაუწყებდა დევნასა. და როდესაც მართლაც დამარცხდით, — მაშინ ვიგრძენ ჩემი შეცდომა. — დიახაც, თვით მოძრაობის დროს მაინც უნდა განგვემტკიცებინა ეროვნული იდეალი, თუ ძველმა თაობამ იგი ვერ დანერგა. და ამდენი უბედურება აღარ დაგვატყდებოდა თავზედ, რაც დღეს დაგვატყდა. ავიღოთ თუ გინდ ტერრიტორიის საკითხი. ჩვენში მიწის საკითხი განა მართო აგრარული საკითხია? — იგი დრმა პოლიტიკური საკითხია. ქართველი ხალხი თუ ტერრიტორიას შეირჩენს, ვერავინაც ვერას დააკლებს, — თუ დაჰკარგავს — იგი მოკვდება. რევოლუციის დროს ეს უნდა შეგვეგნებინებინა ხალხისათვის და დღეს იგი აღარ იტყოდა, — ხაზინა მამულებს ყიდულობს თავადი-შვილებისაგან და მუქთად დაგვირიგებს, — მაშ რაღად უნდა ვიყიდოთო! გლეხისათვის და მუშისათვის მართო ბურჟუა და თავადიშვილი გამოვიყვანეთ მტრად, აგრეთვე მთავრობა, როგორც მისი სოციალური მტერი, — ხოლო იგივე მთავრობა და უცხო ერი მის ეროვნულ და პოლიტიკურ ბუნებრივ მტრად არასოდეს არ დაგვისახავს, და აი დღეს ამისი ნაყოფი, — იღუპება საქართველოს ტერიტორია! — თვით ავტონომიის საკითხსაც რაღაც უხალისოდ ვეპყრობოდი. დიდება ფედერალისტებს, რომ მხოლოდ მათ მიაქციეს ყურადღება ამ საკითხსა, — სხვა სოციალისტები კი მისი დაუძინებელნი მტერნი იყვნენ და მეც პირადად მხოლოდ იმას თუ ვიტყოდი ხოლმე, რომ ავტონომიას რა უჭირს, — ცენტრალიზმს სჯობია მეთქი. — და აი ნაყოფი ჩვენის ასეთის მოქმედებისა, — დღეს სომხები და სხვა ერები, ვინც კაი ხანია მუშაობენ ეროვნულ ნიადაგზედ, მძლავრნი არიან შეგნებით, სიცოცხლით, საშუალებით, — ჩვენ კი ჩვენსავე ქვეყანაში ყველაზედ უფრო საცოდავები ვართ.

დადგა რეაქცია და პარტიები არა თუ ჰკუაში არ ჩავარდნენ, უარესად გადაირივნენ, ფანატიზმი და შეცდომანი განაძლიერეს. სოციალ-დემოკრატები უარესად „გარუსდნენ“ და ეს გარუსება წარმოიდგინეს ინტერნაციონალიზმად. ფედერალისტები ისევ ძალად ახვევდნენ თავზედ თავიანთ ფედერალიზმს სხვა ერებს, თუმცა იგი არც ერთს არა სწამდა საქმით, რადგანაც მათთვის ეს ან გაუგებარია და ან ხელ-საყრელი არ არის. ანარქისტებმა სხვა „სასახელო და საგმირო საქმეებს“ მიჰყვეს ხელი. მაშინ კი სრულიად გამოფხიზლდა ის ნაწილი



ქართველი საზოგადოებისა, ვისაც რაიმე ეროვნული თავმოყვარეობა ჰქონდა და სამართლის გრძნობაცა. ესლა იბადება ჩვენში რწმენა ეროვნული თავისუფლების აუცილებლობისა, ურთომლისოდაც ტუული და ყალბია სოციალიზმიცა და ინტერნაციონალიზმიცა. — როგორ ჩამოვრჩით სხვა ერებს. მაგალითად სომხებს! მათ თავიანთ წრეშიაც კი ხანია განავითარეს ეს რწმენა და მთელს ქვეყანასაც ჩააგონეს, სოციალისტებსაც და არა სოციალისტებსაც, რომ სომხობაც ერია და თან ყველასთან ერთად თანასწორი უფლებაცა აქვს თავისუფალი ცხოვრებისა და განვითარებისა. დღეს მათი დამცველები თვით ევროპიელი სოციალისტები და ანარქისტები არიან!.. — ევროპაში მათაც ვადევნებდი თვალ-ყურს, მაგრამ ჩვენ „სოციალიზმს“ მაინც მაღლა ვაყენებდი მათ „შოვინიზმზედ“. ესლა კი ვხედავ, რა დიადი და თავგანწირული მუშაობა გაუწევიათ მათ და რა ფუქსავატები ვყოფილვართ ჩვენ.

ამ სულის კვეთებიდან, ამ ფიქრთაგან და იქეთაგან გამოვიდა ჩემი წიგნაკი. ამაზედ ვყვიროდი. — რიგიანად თუ ურიგოდ ეს სულ სხვაა, — ჩვენს პრესაში სამი წლის განმავლობაში. მეც არა მაქვს პრეტენზიები რამე ახალის თქმისა. — არც ძველი დიდი იდეალებისათვის მიღალატნია, მე არც მოღალატე ვარ ანარქიზმისა. მართალია, თვით სოციალიზმისა და მომავალი ცხოვრების შესახებაც შეიცვალა ჩემი აზრი. ამ შეცვლასაც თავისი მიზეზები ჰქონდა. მაგრამ ეს სულ სხვა საგანია და ამაზედ აქ არ ვილაპარაკებთ. არც კაცის-ქამია შოვინიზმის თეორიის შექმნას ვსციდილობ. მე მხოლოდ ქართველი ანარქისტი ვარ, მაგრამ გული-საგულეს არა მაქვს: ჩემთვის ეროვნული საკითხი გადაწყვეტილი არ არის, ეს საკითხი კი ჩემი ყოფნა არ ყოფნის საკითხია, ურთომლისოდაც არც ანარქიზმი არსებობს, და ამიტომაც მინდა აღვიარო სამართლიანი და კანონიერი უფლება ჩემი არსებობისა, განვამტკიცო იგი ჩემს რწმენაში და ვეცადო საზოგადოდ დავამტკიცო, როგორც შემოძლია, იმავე უფლების სამართლიანობა ყველა ჩაგრულ ერისათვის.

ამისათვისაც დამჭირდა განსაზღვრა ერისა, კაცობრიობისა და ინტერნაციონალიზმისა. ესარგებლობდი შეძლებისა და გვარად თანამედროვე სოციოლოგიური ლიტერატურითა და გამოვიყენე იგი ამ ცნებათა განსასაზღვრელად.

ამ ცნებათა ანალიზის შემდეგ გამოვიყვანე შესაფერი დასკვნა, — რომ შეიძლება იდეალურად ანარქისტი იყო ადამიანი, მაგრამ იმავე დროს იცავდე შენს ეროვნულ საზოგადოებასა, რადგანაც ყოველი ერი კონკრეტული საზოგადოებაა, რომელმაც უნდა განახორციელოს თავის შემოქმედებით სოციალიზმი, შეეკრას თავისუფლად სხვა ერებსა და ამით შექმნას საკაცობრიო ინტერნაციონალი. თუ თვით ერი მოისპო, ისპობა მისთვის მისი შემოქმედებაც, მაშასადამე ანარქიზმიცა და ინტერნაციონალიზმიც. ამიტომაც უწინარეს ყოვლისა თვით ეს ორგანიზმი უნდა იყოს დაცული, და თუ ამ დაცვის დროს ერს ანტიანარქისტული და ანტიინტერნაციონალისტური წამალი დასჭირდა ზანდაზან. — ესეც არ უნდა იყოს წინააღმდეგი იდეალისა, როგორც ხშირად ავადმყოფისათვის შხამის მიცემა არ არის წინააღმდეგი მისი ნორმალური ჯანმრთელობისა, რაიცა უმაღლესი მიზანია ექიმობისა.

ამის დამტკიცება იყო ჩემი მიზანი და თუ იგი ვერ შეეასრულე, ნურავინ დამძრახავს, — რადგანაც ნათელი მეცნიერებისა და ფილოსოფიისა ჩემს გონებას დიდად ვერ აბრწყინებს. რაცა ვსთქვი — იგი ეთანხმება ჩემს გულსაცა და ჩემს გონებასაც. ამით ვკმაყოფილდები. შეცდომებისა კი, თუნდ თავიდან ბოლომდის შეცდომისა. — არ მეშინიან. — ვინ არა სცდება, რომ მე არ შევმცდარიყავ.

ციტატებით არ ამიჭრელდება წიგნი. თვით მოთხრობის ფორმა არ მოითხოვდა აუცილებლად ციტატებსა. ამას გარდა ქართულ სტამბებში ციტატები ისე გადამახინჯებულად რჩება ხოლმე წიგნში, რამდენჯერაც უნდა გაასწოროთ. რომ თითქმის ყოველივე მნიშვნელობა ეკარგებათ.

ვგრძნობ აგრეთვე, რომ თვით ფორმა მოთხრობისა ვერ არის სასურველი, — შესაძლებელი იყო უკეთესი და უმარტივესი ფორმა ამერჩია. ენაც ქართული ვერა მაქვს სასიამოვნოდ სასმენელი. ხშირი განმეორებითაც თავს ვაწყენ მკითხველს, მაგრამ პირველი ორი ნაკლის თავიდან აცილება ჩემს ძალას აღემატებოდა, მესამე კი განზრახ ჩაედიინე, რომ უფრო ნათელ-მეყო ჩემი აზრი.

თბილისს, 12 იანვარს, 1910 წელს.

Bilton

## ერი და კაცობრიობა

### თავი პირველი

#### რა არის საზოგადოება?

##### I

უბრალო ლაპარაკშიაც კი ხშირად ხმარობს ყველა ჩვენგანი სიტყვებს—ერი, სახელმწიფო, კაცობრიობა და სხვა, — მაგრამ მხოლოდ სპეციალისტი სოციოლოგები, იურისტები და პოლიტიკოსები თუ ჩაპფიქრებიან მათ შინაარსს, მათ მნიშვნელობასა. საზოგადოდ, ძლიერ ცოტას შესძლება მეცნიერთა შორის ნამდვილის მეცნიერულის სისწორით გაერკვია. ეს ცნებანი.

ყოველ შემთხვევაში, ექვს გარეშეა, რომ ყველა ზემოხსენებული ცნება ჩვენ აზროვნებაში განუყოფელია რომელიმე საზოგადოებრივი ორგანიზაციისაგან: ჩვენთვის ერიც, სახელმწიფოც, კაცობრიობაც საზოგადოებანი არიან, ჩვენ მათ ვერ ვაზროვნობთ გარეშე „საზოგადოებრივობისა“, და თანაც არ ვიცით, რომელ მათგანს აქვს ნამდვილად სოციალური შინაარსი, რომელი მათგანი წარმოადგენს ნამდვილ საზოგადოებას. საზოგადოებრივი წესი ადამიანთა ცხოვრებისა ისეთი ხანგრძლივია, ისეთი შორეული წარსულიდან გვაქვს გადმოცემული თანამედროვე ადამიანებს თვით ეს ფაქტი საზოგადოებრივობისა, დღეს საზოგადოებრივი ცხოვრება ისე გაფართოვდა, გართულდა, რომ მრავლის უმრავლესს ჩვენგან ვერ გაურჩევია სოციალური შინაარსის მქონე არსი ისეთი არსისაგან, რომელსაც არა აქვს ეს შინაარსი.

ჩვენ შორეულ წარსულ მოდგმათა ცდა, საზოგადოებრივი ცხოვრების წესით განვლილი, ისეთ ინტეგრალურ ნაწილს შეადგენს ეხლა მთელი ჩვენი ზნეობრივი და გონებრივი არსებობისას, — გარდა ამისა კაცობრიობის იმ ნაწილებმა, რომელიც პირველი ხარისხისაა კულტურითა და განათლებით, ისე ფართოდ გაიცნო მთელი ადამიანის სახე, რომ საყოველთაო საკაცობრიო ორგანიზმის არსებობაც კი წარმოედგინეთ, კაცობრიობის წარმოდგენაც ვერ მოგვიხერხებია გარეშე სოციალური ორგანიზაციისა, — ვლამარაკობთ კაცობრიობაზედ, როგორც ერთ სოციალურად არსებულ საგანზედ.

ეს ილლიუზია კაცობრიობისა, თუმცა ილლიუზიაა, მაგრამ კეთილ-შობილური ილლიუზიაა, რომ მას ერთი არა-სასიამოვნო შედეგი არა ჰქონდეს ჩვენ დროში. ამ ილლიუზიის საკურთხეველზედ ვსწირავთ ეროვნებას, და იმას კი აღარა ვკითხულობთ, არსებობს თუ არა ნამდვილად ეს კაცობრიობა, როგორც საზოგადოებრივი არსი, და შეეწირება თუ არა მას ეროვნება, ერი, რომელიც შეიძლება კაცობრიობაზედ არა ნაკლები სოციალური შინაარსის მქონე არსი იყოს? ეს კიდევ არაფერი, — ვკითხოთ, — იქნებ სწორედ ერი იყოს სოციალური სინამდვილე და კაცობრიობა კი მართლა ილლიუზია, ან იდეალი მომავლისა?

ჩვენი წიგნის შინაარსიც ამ პრობლემის გადაწყვეტა იქნება. — შეძლები-  
სა დაგვარად, რასაკვირველია: რა არის კაცობრიობა და რა არის ერი სოცია-  
ლური მხრით, საზოგადოებრივი სინამდვილის მხრით? შეეწირება თუ არა  
პირველს მეორე? როგორია მათ შორის ურთიერთობა, ე. ი. რა ადგილი უჭი-  
რავს ერს კაცობრიობაში ეხლა და როგორი ურთიერთობაა შესაძლებელი მო-  
მავალში, ან როგორი ადგილი უნდა ეჭიროს ერს მომავალ  
კაცობრიობაში? ჩემის ფიქრით უწინარეს ყოვლისა ასეთი პრობლემის გადაწყ-  
ვეტაა საჭირო, მხოლოდ ამ მხრით შეიძლება მეცნიერული მსჯელობა კაცო-  
ბრიობასა და ეროვნებაზედ. — მათი სოციალური სინამდვილის მხრით, — თო-  
რემ წარა-მარა ხსენება კაცობრიობისა, მისი წარმოდგენის სიღიადით სუსტი  
ადამიანის გონების გასრესა, მუდმივი, უაზრო უარ-ყოფა ეროვნებისა კაცო-  
ბრიობის სახელით, რომელზედაც ნამდვილი წარმოდგენა არა აქვს უმეტეს  
ნაწილს კოსმოპოლიტიზმისა და ინტერნაციონალისტებისასაც კი, — აგრეთვე  
ათასნაირი ყოვლად უაზრო და უშნო მსჯელობა კაცობრიობისა და ეროვნების  
შესახებ იაფ-ფასიან მეტაფიზიკის თვალსაზრისით და ეგრედ წოდებული „ფი-  
ლოსოფიური განმტკიცებანი“ ერისა და კაცობრიობისა, — ყოველივე ეს ყოვ-  
ლად უნაყოფოა, მას არავითარი მეცნიერული შედეგი არა აქვს, ვერც ჩვენ  
იდეალებს აფართოვებს და ვერც ანიჭებს მათ უფრო მკვიდრ საფუძველსა, და  
ხშირად, განსაკუთრებით ჩამორჩენილ ქვეყნებში, როგორც მაგალითად ჩვენ-  
ში, დამლუპველ პრაქტიკულ შედეგთა წარმოშობა და ხალხური იდეალისა  
და მისწრაფების გამათახსირებელი და შემრყენელი.

უპირველეს ყოვლისა უნდა გვახსოვდეს, რომ პრობლემა ერისა და კაცო-  
ბრიობისა არის პრობლემა წმინდა სოციალური ფილოსოფიისა, მისი საგანი,  
და არც ერთი სხვა მეცნიერებისა. თუ ბიოლოგიურ მხარეს ან წმინდა ფსიხიურს  
არ ავიღებთ კერძო ადამიანთა და ყოველი გადახვევა ამ უბრალო ქეშმარიტე-  
ბისა თვით პრობლემის დაყენებას აძნელებს და განსაკუთრებით მის გადაწყვე-  
ტას შეუძლებელ ჰყოფს. მეცნიერებათა კლასიფიკაცია ამ შემთხვევაში დიდ  
სამსახურს გვიწევს ხოლმე, და რამდენი მოაზრის შრომას გაუფლია უნაყოფოდ  
ემ პრობლემის გადაწყვეტის დროს, როდესაც ეს კლასიფიკაცია არ მიუღიათ  
მხედველობაში.

დიახ, ჩემის აზრით პატიოსანი და გულწრფელი მსჯელობა იმას გვასწავებს,  
რომ თუ ვერავითარი სოციალური შინაარსი ვერა ენახეთ „კაცობრიობაში“,  
მაშინ სულ სხვანაირად უნდა გვესმოდეს ამ სიტყვის მნიშვნელობა, მაშინ ამ  
უზარ-მაზარი ფეტიშის წინაშე სულ სხვა მსხვერპლი და თაყვანის-ცემა გვმარ-  
თებს, და არა ისეთი, როგორითაც ეხლა მიმართავენ ხოლმე კაცობრიობას,  
თუმცა უმეტეს ნაწილად მხოლოდ სიტყვითა და არა საქმით.

ეს კიდევ რა, — ეს ვეებერთელა ფეტიში და მისი სახელი ყოველი საზი-  
ზღრობის იარაღადაც კი გადიქცა მრავალ მრუდედ მოაზრე ადამიანის ხელ-  
ში!

მეორე მხრით თუ კი, სამაგიეროდ, ვერა ენახეთ ნამდვილი საზოგადოებ-  
რივი შინაარსი, სოციალური სინამდვილე, მაშინ მის წინაშეც გვმართებს სხვა-  
ნაირი ვალი, მაშინ ისიც სხვანაირად უნდა დავაფასოთ, ვიდრე დღეს ვაფასებთ,  
განსაკუთრებით ჩვენში, სადაც სიტყვა „ერის“ ხსენებაზედ ბრაზი მოსდისთ  
„კაცობრიობის“ მსახურთ, — თორემ სხვა ქვეყნებში თვით უკიდურეს კოს-  
მოპოლიტთა შორისაც ჭერ სულ არ გამქრალა დაფასება და პატივი ერისა და  
ბევრგან უმწვერვალეს ხარისხამდისაც არის მიღწეული. ყოველივე ეს აუ-  
ცილებელი დასკვნა უნდა იყოს ჩვენი მსჯელობისა. იმიტომ რომ ადამიანს

უწინარეს ყოვლისა უნდა აინტერისებდეს საზოგადოებრივი ცხოვრების გაუმჯობესება და როდესაც მისი მსჯელობა ეხება აწმყო ვითარებას, მისი იდეალი — მომავალსა, როდესაც იგი აზროვნობს აწმყოთი მომავალ სოციალურ ფორმებზედ, მან თავის დღეში ხელიდან არ უნდა გაუშვას ის სოციალური სახომი, რომელიც ამ შემთხვევაში ერთად-ერთი სახომი უნდა იყოს, ვინაიდან სხვა საზომები სხვა მოვლენათ შეეხება, სხვა მეცნიერებათა საგნებსა, და არა სოციალურ მოვლენას, რომელიც მას ყველაზედ უფრო უნდა აინტერესებდეს, როგორც მისი საკუთარი შემოქმედება.

ყოველივე ამისათვის საჭიროა გვექონდეს უწინარეს ყოვლისა კრიტიკიუმი ჩვენი მსჯელობისა, მთელი ჩვენი ანალიზისათვის. საჭიროა გვექონდეს საერთო საზომი ერისა და კაცობრიობის ცნებათათვის. ეს საზომი კი უნდა იყოს შემდეგნაირად: — ცნება „სოციალურისა“, რადგანაც კაცობრიობისა და ერის განხილვა სოციალური სინამდვილის მხრით გვეწადია. ეს „ცნება სოციალურისა“ ასეთ მსჯელობაში ყოველთვის აუცილებელი პირობაა, თავი და ბოლოა, რადგანაც ჩვეულებრივად ყოველთვის ეს ცნება შედის ხოლმე გამოურკვევლად ჩვეულებრივ მსჯელობის პროცესში, მაშინ როდესაც სწორედ მისი გარკვევაა საჭირო და აუცილებელი თავდაპირველად, მისი გამოურკვეველობა კი მიზეზია უმთავრეს და მრავალ შეცდომისა და მრავალ უკუღმართ დასკვნისა.

განვიხილოთ ეს „ცნება სოციალურისა“. ჩვენ რასაკვირველია აქ ამ ფრიალ ძნელი საკითხის დაწვრილებით გარკვევას არ შეუვლდებით.

პირდაპირი, ზერელე დაკვირვება არსებულ საზოგადოებათა გვაჩვენებს, რომ საზოგადოება არის ადამიანთა შეერთება. ეს არის ის უპირველესი ფაქტი, მარტივი და ყველასათვის თვალსაჩინო, რომელსაც თვითოეული ჩვენგანი შენიშნავს, ხედავს თვალთ პირველივე დაკვირვებისათანავე. — შემდეგ, — მეცნიერებამ გაარკვია აგრეთვე თვალსაჩინოდ, რომ საზოგადოება, ეს ადამიანის ინდივიდუალურ ძალთა შეერთება, არის საუკეთესო წესი ადამიანის ცხოვრებისა და განვითარებისა არსებობისათვის ბრძოლაში. იგი ერთი გამოხატულებათაგანია სახეთა შენახვის საყოველთაო კანონისა, და ამიტომაც საზოგადოებრივი ცხოვრება მარტო ადამიანის ცხოვრების დამახასიათებელი კი არ არის, არამედ ცხოველთა სახეთა უმრავლესობის ცხოვრებისაც. მხოლოდ ადამიანმა უფრო განავითარა სოციალური ცხოვრება. სოციალური მოვლენის სპეციფიური ხასიათი უფრო თვალსაჩინო ჰყო ადამიანთა შეერთებამ. საზოგადოდ კი სოციალობა ცხოველებსაც აქვს, თუმცა, რასაკვირველია, ცხოველური სოციალობა, თუ შეგვიძლია ვიხმართ ეს სიტყვა.

მაგრამ ასეთი განსაზღვრა საზოგადოებისა, როგორც ინდივიდუალურ ძალთა შეერთებისა, ასეთი ზოგადი ცნება სოციალობისა, დამყარებული დღეს სახეთა შენახვის კანონზედ, წინად ეპიკურმა, ლუკრეციუსმა, სპინოზამა და სხვებმაც კარგად იცოდნენ. მაგალითად სპინოზამ აღწერა ყოველივე ეს თავის სახელმწიფოსა და ზნეობის სწავლა-მოძღვრებაში. მან განავითარა ეს თემა თავის „პოლიტიკო-თეოლოგიურ ტრაქტატში“ და შემდეგ „ეთიკაშიაც“ ვრცლად შეეხო მას. ხოლო ეს განსაზღვრა საზოგადოებისა არის წმინდა ჰეკანიკური, რომელსაც არ შეუძლია მოგვეცეს მთლიანი და სწორი წარმოდგენა საზოგადოებისა, — და განსაკუთრებით ადამიანთა საზოგადოებისა, რომელიც გაცილებით უფრო რთული მოვლენაა, ვიდრე ცხოველთა საზოგადოებანი და. საერთოდ ვიდრე ყველა დანარჩენი მოვლენა, რომლის ცნობაც შეუძლია ადამიანის გონებასა.

მართალია, — საზოგადოება, და კერძოდ ადამიანთა საზოგადოეს. ა-მელიც აქ მხოლოდ გვინტერესებს, არის ინდივიდუალურ ძალთა შეერთება საერთოდ არსებობისათვის ბრძოლისათვის და საერთო მოთხოვნილებათა და-საკმაყოფილებლად, მაგრამ მთავარი საკითხიც ის არის, თუ რაში გამოიხატე-ბა ეს შეერთება, რითი დახასიათდება იგი? — თუ თვით ამ შეერთების შინა-არსი არ გამოვიკვლიეთ, მაშინ საზოგადოების განსაზღვრა ბუნდოვანი და არა-რაის მთქმელი იქმნება, რადგანაც ამ „შეერთების“ განსაკუთრებული წესი-ხდის ადამიანთა კავშირს სოციალურ ფაქტად. შეერთება ადამიანთა შეიძლება ბევრ-გვარი იყოს, და ყოველმა შეერთებამ წინააღმდეგ სპენსერის აზრისა უნ-და გამოსახოს სოციალური ფაქტი. ადვილი შესაძლებელია წარმოვიდგინოთ, რომ ადამიანები ცოტა ხნით, დროებით შეერთდნენ რომელიმე მცირე ან თუ-გინდ დიდი მიზნის განსახორციელებლად, მაგრამ ამით ისინი თუმცა სრულს, ზორც-სხმულ საზოგადოებას ვერა, მაგრამ სოციალურ ფაქტს მაინც ჰქმნიან. ყოველი საზოგადოება არის შეერთება ადამიანთა ძალებისა, თუმცა, პირიქით, ყოველი შეერთება ადამიანთა ძალებისა არ არის საზოგადოება, როგორც დღე-გრძელი და რთული ცოცხალი არსი. დროებითი საზოგადოება ადამიანთა ცალ-კე არ არსებობს, იგი ისევე რთულ საზოგადოებაშია მხოლოდ. მაშასადამე სა-ჭიროა გავარკვიოთ, ვნახოთ ეს ერთად-ერთი, სპეციალური წესი ადამიანთა შეერთებისა, რომელიც იქცევა სოციალურ ფაქტად. თვით პრინციპად საზოგა-დოებათა სიცოცხლისა.

ჩვენის ფიქრით საუკეთესო საშუალება ასეთ ძირითად ცნების აღმოსაჩე-ნად არის თვით არსებულ საზოგადოებათა განხილვა შემდეგ ნაირად: ფაქტია, რომ არსებობენ დღეს, როგორც არსებობდნენ წარსულშიაც, სხვა და სხვა სა-ზოგადოებანი, რომელნიც ურთი-ერთისაგან განირჩევიან კულტურითა, სიერ-ცითა და სიდიდითა, ხანგრძლივობითა და სხვა. თვითოეულ მათგანს აქვს თავისი საკუთარი ინდივიდუალობა. მაგრამ იმავე დროს იგინი ემსგავსებიან ურთიერთს. უამისოდ იგინი ყველანი ერთად ვერ მოთავსდებოდნენ საერთო ცნებაში — „საზოგადოება“. ჩვენც მაშასადამე უნდა ვეცადოთ იდეალურად თანდათან განვდეინოთ მსჯელობიდან საზოგადოებათა შორის განსხვავებანი, მათი ინდივიდუალური დამახასიათებელი მხარეები, და მივაკვილოთ მათს იმ არსებითს ხასიათს, რომელიც აერთებს ყველა საზოგადოებას ერთ საყოველ-თაო ცნებაში — „საზოგადოება“. ამ განყენების საშუალებით შეგვიძლია მოვს-ძებნოთ იგი საერთო ცნება საზოგადოებისა. იგი შეიქმნება მაშინ ჩვენი აზრო-ვნების განსაკუთრებული საგანი. მაშინ ჩვენ გვექმნება, როგორც ამბობს შტამ-ლერი, ერთობა დამყარებული საზოგადოებათა ცვალებად ფორმებისათვის, — ერთობა, რომელიც ყოველთვის ერთი და იგივე. უცვლელი თვისების რჩება, როგორიც უნდა იყოს რომელიმე საზოგადოება, როგორი ევოლუციაც უნდა ჰქონდეს მას განცილილი და საითაც არ უნდა მიისწრაფოდეს იგი.

ამ პრობლემის გადაწყვეტა ბევრმა სოციოლოგმა სცადა, მაგრამ ყველას ჩვენ აქ არ გამოუდგებოთ. მიემართავთ მხოლოდ იმ სოციოლოგებს, რომელ-თა ცდა ჩვენ ყველაზედ უფრო ნაყოფიერადა და ჰემშარიტების აღმომჩენად მიგვაჩნია.

ამ მხრით ჩვენ შტამლერი ერთ საუკეთესო სოციოლოგად მიგვაჩნია. მისი ცდა ამ პრობლემის გადაწყვეტისა ბრწყინვალე იყო მის თხზულებაში: „მეუ-რნეობა და სამართალი“.

აგრეთვე ბელგიელი სოციოლოგი დე-გრეფი მიგვაჩნია მეორე საუკეთესო დამხმარედ ჩვენის მიზნის მიღწევისათვის.

ჩვენ აქ შტამლეჩის ანალოზის მეთოდს ვერ მივსდევთ ორი მიზეზის გამო. 1) იგი ძლიერ ძნელი და ნაზია; 2) მისი მოკლედ მოთხრობა ძლიერ ძნელი გასაგები იქნება ძლიერ ბევრი მკითხველისათვის. 3) ჩვენის ფიქრით შტამლეჩის დასკვნამდის შეიძლება მივიდეს ადამიანი სხვა გზითაც.

ზემოდა ვსთქვი, რომ ყოველი საზოგადოება არის პირველი შეხედვით ადამიანთა ძალების შეერთება მათ მოთხოვნილებათა დასაკმაყოფილებლად. ამ მიზნითაც მოქმედებენ ადამიანები შეერთებული ძალებით. ვნახოთ ეხლა, სად იწალება სოციალურის ცნების შემადგენელი გული, — „მოთხოვნილებაში“, „მოქმედებაში“, „მიზან-შეწონილებაში“ თუ „ძალთა შეერთებაში“.

ცხადია, რომ წინააღმდეგი ცნება საზოგადოებისა არის ცალკე ადამიანი. სხვასთან შეუერთებელი. მოთხოვნილება კი შეიძლება რომ ჰქონდეს სხვასთან შეუერთებელ ადამიანს ისევე, როგორც შეერთებულს, საზოგადოებაში მყოფ ადამიანს. მაშასადამე ცნება „მოთხოვნილება“ არ არის ელემენტი. „სოციალურის ცნების“ შემადგენელი. შემდეგ, — ცალკე ადამიანს შეუძლია იმოქმედოს თავის მოთხოვნილებათა დასაკმაყოფილებლად ისევე (რასაკვირველია არა ისეთივე ენერჯით). როგორც საზოგადოებაში მყოფ ადამიანს. მაშასადამე ვერც ადამიანის მოქმედება გამოჰხატავს სოციალობას. აგრეთვე მიზან-შეწონილება შეუძლია ჰქონდეს ცალკე ადამიანს თავის მოქმედებაში ისევე. როგორც შეერთებულს სხვა ადამიანებთანა და მაშასადამე ვერც იგი გამოჰხატავს სოციალობას.

ამგვარად ზემოხსენებული სამი ცნება საერთოა ცალკე ადამიანთა და შეერთებულ ადამიანთა ცხოვრების დახასიათებისათვის, და ისინი უნდა გამოირჩეულ იყვნენ „სოციალობის ცნების“ კვლევის დროს. გვრჩება მაშასადამე ერთი ცნება, — ცნება ადამიანთა შეერთებისა ერთად სამოქმედოდ. საერთო მოთხოვნილებათა დასაკმაყოფილებლად, და როგორც უკვე ვსთქვი, აქ უნდა ვეძიოთ ელემენტი „სოციალობისა“.

მაგრამ ჩვენ ზემოდა ვსთქვი, გამოსარკვევი ის არის, — ადამიანთა როგორი შეერთება ნიშნავს სოციალურ ფაქტს? როგორი შეერთებაა დამახასიათებელი საზოგადოებისა? ჩვენის ფიქრით უფრო უბრალო მეთოდით შეგვიძლია მივიდეთ შტამლეჩის დასკვნამდის, თუმცა, რასაკვირველია, შტამლეჩის მეთოდი უფრო პირდაპირი და უფრო ღრმა არის.

ჩვენ შეგვიძლია პირდაპირ ავიღოთ წარსული და აწმყო. საზოგადოებანი და მოვინახოთ მათი არსების საერთო შინაარსი, — ისეთი ცნება, რომელიც საერთო იყოს ყველა მათ ცვალებად ფორმათათვის, აგრეთვე მიუხედავად მათ შორის არსებულ ინდივიდუალურ განსხვავებათა. ეს ცნება გამოჰხატავს მას, რის მონახვაც ჩვენა გვსურს, — სოციალურ ფაქტს.

როგორიც და რომელიც უნდა იყოს საზოგადოება, — წარსული, აწმყო და მომავალი. მარტივი თუ რთული, პირველ ყოფილი თუ განვითარებული, ნეგრებისა თუ არიელებისა, — უეპველ ფაქტად უნდა აღვიაროთ, რომ მათში თავს იჩენენ ისეთი მოვლენანი, რომელთაც არავითარი არსებითი მსგავსება არა აქვსო არც ერთ სხვა ბუნების მოვლენასთან. ყოვლად შეუძლებელია ადამიანმა დაამტკიცოს, რომ საზოგადოების წიაღში წარმოშობილი მოვლენა უბრალო შემთხვევა იყოს სხვა რომელიმე მოვლენისა, ან მისი პირდაპირი ერთგისებრი განგრძობა, თუმცა, რასაკვირველია, სოციალური მოვლენანი პირდაპირ შეკავშირებულნი არიან იმ მოვლენებთან, რომელთა შემდეგ იზადება სოციალური მოვლენა, — ბიოლოგიურ და ფსიხიურ მოვლენებთან. მაგრამ ეს ორგანიული და ბუნებრივი კავშირი მათი სრულიადაც არ ნიშნავს მათს

ერთსა-და-იგივეობას; როგორც ფსიხიურ მოვლენას ვერ დაიყვან ფიზიოლოგიურ და მექანიკურ მოვლენაზედ, ისე სოციალურ მოვლენას ვერ დაიყვან ფსიხიურსა და ბიოლოგიურზედ. ... ეს არის უკანასკნელი სიტყვა, როგორც კერძოდ სოციოლოგიისა და ფსიხოლოგიის მეცნიერებათა, ისე თანამედროვე ფილოსოფიისა. ფაქტია აგრეთვე ამ განსაკუთრებულ მოვლენათა, — ესე იგი სოციალურ მოვლენათა არსებობა ყველა საზოგადოებაში; ეს არის უეჭველი სინამდვილე, რასაც ამოწმებს მთელი ისტორია წარსულ და აწმყო საზოგადოებათა, — ისტორია, შესწავლილი და გამოკვლეული სრულიად სხვა და სხვა აზრთა და იდეალთა მქონე მწერალთაგან. გარეშე ამ მოვლენათა არა არის რა სოციალური, ამ მოვლენათაგან ვიციტ არსებობა საზოგადოებისა, და მათი ანალიზისა, მათთვის ერთ, საყოველთაო მნიშვნელოვან ცნების მოხაზვის საშუალებით შეგვიძლია დავახსიათოთ მხოლოდ საზოგადოება, — თვით არსება საზოგადოებისა.

ამ წიგნის მიზანი არ არის დამტკიცება ამა თუ იმ სოციოლოგიური თეორიის სიმართლისა, არც ერთი თეორიის შეორის წინაშე უპირატესობა გვაინტერესებს, როგორც წმინდა სოციოლოგიური საკითხი, -- როგორც წმინდა თეორია; ჩვენ გათვალისწინებული გვაქვს სხვა და სხვა სოციოლოგიური თეორიები და, რასაკვირველია, რამდენადაც ერთი თეორია ჩვენ მეორეზედ უფრო ქეშმარიტად ან ნათლად მიგვაჩნია, იმდენად ეხელმძღვანელობთ ამ თეორიით ერისა და კაცობრიობის ცნებათა გასარკვევად. ამიტომაც ეხელმძღვანელობთ ჩვენ დე-გრეფისა და შტამლერის თეორიებით, რომლებიც „სოციალურის“ ცნებას არკვევენ, რომ შემდეგ მითი ვისარგებლოთ ზემოხსენებულ ცნებათა გამოსარკვევად. ეს არის ჩვენი მთავარი მიზანი.

გ. დე-გრეფის კლასიფიკაციით არსებობენ შემდეგნი სოციალურნი მოვლენანი: 1) მოვლენანი კვებისა და მსგავსნი ეკონომიურნი მოვლენანი, 2) მოვლენანი გენეზიურნი -- შთამომავლობის გაჩენისა და აღზრდის მოვლენანი, 3) მოვლენანი არტისტიულნი -- ხელოვნების მოვლენანი. 4) მოვლენანი რელიგიურნი და მეცნიერულნი -- სარწმუნოებისა და ცოდნის მოვლენანი, 5) მოვლენანი ზნე-ჩვეულებისა და ზნეობისა -- მორალურნი მოვლენანი, 6) მოვლენანი იურიდიულნი -- მოვლენანი სამართლის განწყობილებათა, 7) მოვლენანი პოლიტიკურნი.

ჩვენა ვხმარობთ ამ კლასიფიკაციას, თუმცა არის სხვა კლასიფიკაციებიც სოციალურ მოვლენათა. არის სხვა-გვარი რიგი ამ მოვლენათა აღნუსხვისა. თუ ჩვენ დე-გრეფის კლასიფიკაციას ვხმარობთ, — ეს იმიტომ, რომ იგი, ჩვენის აზრით, სხვებზედ უფრო მეთოდურია. ამ კლასიფიკაციას ემხრობა შესანიშნავი სოციოლოგი ჩენე ვორმსიცი, თუმცა მრავალი შესწორებით. უნდა შევნიშნოთ აგრეთვე, რომ ეს კლასიფიკაცია აქ იმიტომ კი არ გვაინტერესებს, რომ იგი მართლაც აღნიშნავდეს ერთი მოვლენის მეორეს წინაშე უპირატესობას, ან თითქოს ერთი მოვლენა მართლაც უეჭველად წინ უძღოდა დროით მეორეს, არამედ იმიტომ, რომ იგი უფრო მეთოდურად გვიჩვენებს თვით ფაქტს სოციალურ მოვლენათა არსებობისას, რომელთა გარეშე საზოგადოება არ არსებობს. არ არსებობს აგრეთვე არც ერთი ამ მოვლენათაგანი გარეშე საზოგადოებისა. ეს ფაქტი ნამდვილია, არსებული, შემოწმებული თითქმის ყველა მეცნიერისაგან, მოგზაურისაგან, ისტორიკოსისაგან და სხვა მკვლევართაგან. ყოველი კამათი იმის შესახებ, თითქოს არსებობდნენ სადმე ისეთი საზოგადო-



ებანი, სადაც ზემოხსენებულნი მოვლენანი სრულიად არ იყვნენ, ან უბრალო გაუგებრობა და უთანხმოება იყო ხოლმე მოკამათეთა შორის რომელიმე ცნების შესახებ. — მაგალითად „რელიგიისა“ ან „ჩნეობის“ ცნებათა შესახებ. — ან და ბოლოს აღმოჩნდებოდა ხოლმე, რომ მიზეზი რაიმე მოვლენის არ-არსებობისა ამა თუ იმ საზოგადოებაში რაიმე ცნებისა ან მოგზაურის დაუკვირვებლობა იყო და სხვა არაფერი; მალე აღმოჩნდებოდა ხოლმე, რომ თუ განვითარებული საზოგადოება არა, შთანაჩენების სახით მაინც არსებობდა ყველა ზემოაღნიშნული სოციალური მოვლენა ყველა არსებულ საზოგადოებაში. რაც თუ გინდ ველური ყოფილიყოს რომელიმე საზოგადოება.

მაგრამ მკითხველი შეიძლება დაგვეკითხოს: როგორ შეიძლება საერთოდ „სოციალურის“ ცნების მონახვა და გარკვევა იმავე „სოციალურ“ მოვლენათა განხილვით? ეს ხომ ერთი უცნობი ცნების გარკვევაა იმავე უცნობი ცნებითა, რომლის გარკვევაც უნდა იყოს სწორედ ჩვენი მიზანი? ამა ზედ ჩვენ შეგვიძლია ვუპასუხოთ, რომ მრავალმა ხანმა განვლო, სანამ ენერჯის დაახლოებებითი ცნება და განსაზღვრა შემუშავდებოდა ფიზიკაში, მაგრამ კერძო ენერჯიანი იცოდნენ და მათი თვისებანი აგრეთვე შესწავლილი ჰქონდათ. მხოლოდ ამ ცალკე ენერჯიათა შესწავლით აღმალდნენ საზოგადოდ ენერჯის ცნების გარკვევამდისა და განსაზღვრამდის. ერთობა ფიზიკურ ძალთა, ერთობა ენერჯიისა მას შემდეგ შეიგნეს, მთელი ფილოსოფიაც შექმნეს ენერჯიისა, როცა შეისწავლეს კერძო ენერჯიანი: მექანიკური ენერჯია, სითბო, სინათლე, ელექტრონი, ქიმიური ენერჯია და სხვ. აღმოაჩინეს მათ შორის ექვივალენტური განწყობილება, — მექანიკური ექვივალენტი სითბოსი მაგალითად. — დაამტკიცეს მათ კანონთა მსგავსება, — ელექტრონისა და სინათლისა, მაგალითად. — და სხვ. და სხვ. — აგრეთვე თვით ცოცხალ ორგანიზმზედ მხოლოდ მაშინ იქონიეს ნამდვილი მექანიკური და ფილოსოფიური საზოგადო წარმოდგენა, როდესაც შეისწავლეს ორგანიზმების ცალკე ორგანოები და ფუნქციები, განსაკუთრებით კი როცა შეისწავლეს უჯრედი, მისი დამოუკიდებელი სიცოცხლე და მისი როლი ორგანიზმის სიცოცხლეში, — როცა შეისწავლეს ეგრედ წოდებული ელემენტარული სიცოცხლე. შემდეგ, — არასოდეს არ იქმნებოდა აბსტრაქტულად ცნება ერთისა, ერთეულისა, რომ აღამიანს მუდამ არა ჰქონოდა საქმე მთლიან საგნებთან. განსაკუთრებით მაგარ საგნებთან, რომელთა დანაწილება შეიძლებს და შემდეგ შეერთება და რომელნიც ურთი-ერთისაგან სივრცეში განიყოფებიან და განირჩევიან; მაგრამ იგინი მიუხედავად ყოველნაირ განსხვავებათა ერთმანეთს ემსგავსებიან ერთი თვისებით მაინც, — მთლიანობითა. ამ მთლიანობისაგან წარმოსდგა ცნება ერთისა, ერთეულისა, რომელიც განყენებულად იქცევა, ყველა საგანს შეეხება მიუხედავად მათ კონკრეტულ ინდივიდუალურ განსხვავებათა. მაგრამ საგნებმა შეაქმნევიან ადამიანის გონებას ეს ცნება. უპაქარემა სქევა — მაგარი საგნები რომ არა ყოფილიყო — არ იქმნებოდა ჩვენი სამ-განზომილების გეომეტრიათ. ასეთივე კეშმარტების თქმა შეიძლება აგრეთვე ერთეულზედაც: მაგარი საგნები რომ არ ყოფილიყო არ იქმნებოდა ერთეული, არ იქმნებოდა ჩვენი არითმეტიკაც.

ამიტომაც ჩვენ მიერ განხილვა ზემოხსენებულ მოვლენათა საერთო „სოციალურის“ ცნების გასარკვევად სრულიადაც არ უნდა იყოს უკანონოდ ცნობილი; მოვლენანი, რომელნიც ჩვენ ჩამოვთვალეთ, მიუხედავად მათი მეთოდური თუ არა მეთოდური კლასიფიკაციისა, მიუხედავად მათი ურთიერთის წინაშე უპირატესობისა და ნაკლებ-მნიშვნელოვანებისა, ნამდვილად არსებობენ. იგინი სხვა და სხვანი არიან და იმავე დროს აქვსთ ერთი მსგავსება—

ისინი სოციალურნი მოვლენანი არიან, რადგანაც არც ერთი მათგანი არ მო-  
იპოვება საზოგადოების გარეშე და თვით საზოგადოება შეუძლებელია  
მა. ღარეშე. თვითოეული ამ მოვლენათაგანი ორიგინალურია. თავისებური,  
მაგრამ იგინს ყველანი ერთი ძირისანი არიან, რადგანაც გარეშე ადამიანთა  
საერთო ცხოვრებისა. მაო ბუნებაში ადგილი არა აქვსთ. მაშასადამე თვითოეულ  
ამ მოვლენის ანალიზით, მათ შორის განსხვავებათა, ორიგინალობათა გამოკლე-  
ბითა და საერთო ძარღვის ნახვით ჩვენ შეგვიძლია დავამკვიდროთ ერთი, სა-  
ერთო მნიშვნელოვანი ცნება ყველა ამ მოვლენათათვის — ცნება „სოციალური-  
სა“.

მივყვეთ მაშასადამე გ. დე-გრეფის კლასიფიკაციას. თუ ყოველ საზოგა-  
დოებაში მოიპოვება ეკონომიური მოვლენა, მოვლენა კვებისა, მაშასადამე:

1. არ არის ისეთი საზოგადოება. არც ყოფილა და არც იქმნება, რომ იქ  
კვების მოვლენა, მოვლენა ეკონომიური არ არსებობდეს და არ დაახასიათებ-  
დეს მას. კვების მოვლენა, ეკონომიური მოვლენა ყოველ დროსა და ყველ-  
გან, დამოუკიდებლად დროისა და სივრცისა, რასისა და კულტურისა, დამახ-  
სიათებელია საზოგადოებისა. — აი პირველი თეზისი. ეს თეზისი უკვე თავის  
თავად ცხადია, იგი უეჭველი ფაქტია, როგორც არა ვსთქვით, მხოლოდ მას  
ანალიზი ეჭირება.

რა არის ეს ეკონომიური მოვლენა, ანუ უკეთ ვსთქვათ მოვლენა „კვები-  
სა“? ვხმარობთ ამ ტერმინს, რადგანაც იგი უფრო ტლანქი და მარტივია, უფ-  
რო ადვილად გასაგებია (რასაკვირველია ჩვენ აქ კვებას არ ვიხილავთ ფიზი-  
ოლოგიური მხრით, — მაშინ მისი ანალიზი სულ სხვა ხასიათისა და სირთუ-  
ლისა იქმნებოდა). უწინარეს ყოვლისა იგია დაკმაყოფილება ადამიანის უუსა-  
პიროფეს მოთხოვნილებისა. — სმა-ჰამისა, ე. ი. თავის ღარჩენა და გატანა; მა-  
გრამ იმ საშუალებათა მონახვა, რომელნიც აუცილებელნი არიან ამ დაკმაყო-  
ფილების გასაადვილებლად და დასაჩქარებლად, მონახვა აგრეთვე იმ საშუალე-  
ბათა, რომელნიც იცავენ ადამიანს ბუნების განმანადგურებელ ძალთაგან. აღ-  
დგენა და გადღება ადამიანის ძალთა და ბუნების ძალთა დაპყრობა, დამო-  
ნება, სასარგებლოდ გამოყენება. — ყოველივე ეს უკვე აღარ არის კვება, —  
იგი უფრო რთულია და შეგვიძლია იგი უფრო შესაფერი ტერმინით გამოვხა-  
ტოთ, — იგი კვებასთან ერთად — ეკონომიური მოვლენაა, რადგანაც მას თა-  
ღარიგი და ანგარიში ეჭირება, რაც თუ გინდ პირველ-ყოფილნი და მდამა-  
ლი ხარისხის იყენენ ეს უკანასკნელნი.

თვითოეული, ცალკე, კერძო ადამიანის მიერ თავის დაკმაყოფილება კვე-  
ბითა, ან სხვითი რითიმე, როგორც არა ვსთქვით, არ არის სოციალური მოვლე-  
ნა, არც კერძოდ ეკონომიური, არამედ უბრალო სარგებლობა ადამიანის მიერ  
ბუნებაში მყოფ საგნებითა, და სხვა არაფერი. საზოგადოება, უპირველესი გა-  
ნსაზღვრით — შეერთებაა ადამიანთა ძალებისა. იგი ადამიანთა საერთო ცხო-  
ვრებაა, და კვება მხოლოდ მაშინ გახდება სოციალურ მოვლენად, იგი მაშინ  
იქცევა ნამდვილ ეკონომიურ მოვლენად, როდესაც კვებისა და სხვა მსგავს  
მოთხოვნილებათა დაკმაყოფილების საქმე აღსრულდება ადამიანთა შეერთე-  
ბული ძალებითა, შეერთებული მუშაობით, — ყველგან და ყოველთვის, ყო-  
ველ საზოგადოებაში, როგორც ამას მართლაც ვამჩნევთ, ფაქტიურად ვიცით.  
მაგრამ კვებისა და სხვა ეკონომიურ მოქმედებათა პროცესის ძლიერ რთულია  
და გრძელი. იგი საჭიროებს საერთო მიმოსვლას, საერთო მუშაობას, საერთო  
ნამუშევრის განაწილებას, შრომის განაწილებას, და რადგანაც ასეთი მიმოსე-  
ლა. ასეთი მუშაობა და მეტადრე შრომისა და ნამუშევრის განაწილება წარმო-

უდგენელია შესაფერ განსაზღვრულ მიზანთა გარეშე, — მაშასადამე ეკონომიური საერთო მოქმედება ადამიანისა აუცილებლად მოფიქრებული და წინდაწინვე განზომილი უნდა იყოს. იგი მიზან-შეწონილი უნდა იყოს. მიზან-შეწონილი, წინდაწინვე მოფიქრებული და განზომილი მოქმედება მრავალ ადამიანისა კი შეუძლებელია მიზანთა შეუთანხმებლად, მოუწყობლად. მაშასადამე ყოველი ეკონომიური მოქმედება აუცილებლად მიმდინარეობს შეთანხმებულ მიზანთა მიხედვით. წინად-განზომილ და მოწყობილ გზაზედ, იგი მოწესრიგებულია. ამ ფაქტს ჩვენ ვამჩნევთ ყველა საზოგადოებაში, — აწმყოში, წარსულში, და მომავალშიაც იგი მით უმეტეს აუცილებელი უნდა იყოს; ეს მოწესრიგება შეიძლება იყოს სხვა და სხვა ფორმისა და სხვა და სხვა ხასიათისა და ხარისხისა.

შემდეგ, — თუმცა მართალია, რომ იქ, სადაც არსებობს კვება შეერთებულ ადამიანთა შეერთებული ძალებით, — მოწესრიგებულია ეს უუსაქიროესი ფუნქცია საზოგადოებისა, მაგრამ მოწესრიგება შეიძლება, მაგალითად, იყოს, წმინდა კონტრაქტიული, შეიძლება იყოს ძალ-დატანებითი, შეიძლება აგრეთვე იყოს ჩვეულებისაგან, მრავალ შთამომავლობის მიერ დაწესებული და სხვ., მაგრამ იგი მაინც ყოველთვის მოწესრიგებაა. ერთი სიტყვით, როგორც არ უნდა იყოს წარმოშობა და ხასიათი ადამიანის ეკონომიურ მოქმედებისა, — იგი მოწესრიგებული მოქმედებაა ადამიანთა კვებისა და მსგავს მოთხოვნილებათა დასაკმაყოფილებლად; მოწესრიგება ახასიათებს სოციალურ-ეკონომიურ ფუნქციის აღსრულებას ყოველ საზოგადოებაში. ჩვენ კი სწორედ ეს გვაინტერესებს, — ეს საზოგადოება, — რადგანაც გარეშე იმისა არ არის არავითარი ეკონომიური მოვლენა; — და კვების მოვლენაც გარეშე საზოგადოებისა არ არის ეკონომიური და სოციალური, — არამედ უფრო მდაბალი მოვლენა, — როგორც არა ვსთქვით, — უბრალო საარგებლობა ადამიანის მიერ ბუნების საგანთა.

მაშასადამე — ჩვენ შეგვიძლია თამამადა ვსთქვათ:

რეგულარიაზაცია ან მოწესრიგება ადამიანთა მიერ სასაზრდოო საშუალებათა პოვნისა, კვებისა და სხვა მსგავს მოთხოვნილებათა დასაკმაყოფილებლად, შეერთებულ ადამიანთა ძალითა, — აი რა არის ეკონომიურ-სოციალური მოვლენა, — ერთი უმთავრესი დამახასიათებელ მხარეთაგანი საერთოდ საზოგადოებრივი ცხოვრებისა.

ეს არის ადამიანთა სამეურნეო ცხოვრება, რომელსაც ისეთი დიდი ადგილი უჭირავს მთელ საზოგადოებრივ ცხოვრებაში, იგი ისეთი მნიშვნელოვანია, რომ ბევრ სოციოლოგს იგი საფუძვლად მიაჩნია, რომელზედაც თითქოს დამყარებული იყოს მთელი საზოგადოებრივი შენობა. რამდენად მართალნი არიან ეს სოციოლოგები, — ამის განხილვა არ არის აქ ჩვენი მიზანი.

მ. შეერთებული ადამიანები მრავლდებიან ისეთივე ბუნებრივი წესით, როგორც საზოგადოდ ცხოველები. მაშასადამე საზოგადოების ერთ-ერთი ფუნქცია არის გენეზიური ფუნქცია, როგორც უნდა იყოს საზოგადოება დროისა და სივრცის მხრით.

დროებით მოწესრიგებულ ცხოვრებას შეილთა აღზრდისათვის ცხოველთა შორისაც ვხედავთ. განსაკუთრებით იმ ცხოველთა შორის უფრო თვალსაჩინოა ეს მოწესრიგება, რომელთაც საზოგადოდ აქვსთ რაღაც მსგავსი სოციალური ცხოვრებისა. ადამიანთა შორის კი ეს მოწესრიგება მუდმივ მოვლენად იქცევა. ადამიანს უადვილებს გენეზიური ფუნქციის მოწესრიგებას მოწესრიგება ზემოხსენებული ფუნქციისა, — ეკონომიური ფუნქციისა, რო-

მელიც მიზან შეწონილი და წინადგანზომილია. ამიტომაც ვამჩნევთ ჩვენ, რომ ყოველი ოჯახი ეკონომიურად არის მოწესრიგებული, იგი ეკონომიური ორგანიზაციაა ყველგან, ყოველ საზოგადოებაში, თუ-კი რასაკვირველია იმას მივლინებთ მხედველობაში, რომ თუმცა ოჯახს ფორმები ეცვლება დროთა ვითარებაში, მაგრამ მისი ეკონომიური ორგანიზაცია მაინც ერთგვარ ეკონომიურ ორგანიზაციად რჩება, და თუ ამ ფაქტორს, საზოგადო აზრით გავეთვალისწინებთ ოჯახს, და არა მისი ვიწრო, თანამედროვე-წარმავალი მხრით, მაგრამ ეს მოწესრიგება ოჯახისა ეხება აგრეთვე შთამომავლობის გამგრძობთა შორის განწყობილებას ერთი მხრით, და შთამომავლობასა და მშობელთა განწყობილებას მეორე მხრით. მთელი კრებული ამ განწყობილებათა წარმოდგენს ოჯახის სოციალურ ორგანიზაციას, როგორც არა ესტქვიით, კერძო ფორმა და შინაარსი ოჯახისა შეიძლება შეიცვალოს, მაგრამ ეს ზემოდ-განმარტებული მისი თვისება იგივე. უცვლელი რჩება ოჯახის ცვალებად ფორმებში, დროისა და სივრცის, რასათა და კულტურათა მიუხედავად.

ამგვარად ყოველი საზოგადოების გენეზიურ მოვლენას სოციალურის მხრით ახასიათებს მოწესრიგება ცოლ-ქმრობისა, მშობელთა და შთამომავლობის ურთ-ერთ შორის განწყობილებათა.

ეს არის ოჯახის წმინდა სოციალური მხარე. ეს მოწესრიგება არის დამახასიათებელი საზოგადოების გენეზიური ფუნქციისა, სოციალურის მხრით.

3. კუთხედ ახლოა ის პიპოტეზა, რომ გენეზისი ხელოვნებისა იმყოფება საერთო ცხოვრებაში, საერთო თამაშობა და გართობა, ხმის ამოღება და ყვირილი, საიდანაც ბოლოს სიმღერა იზადება, სხვა და სხვა საგნებით ხმაურობის გამოწვევა, რაიცა ბოლოს ჰბადებს უბრალო საკრავთა და სხვა სამუსიკო რთულ ინსტრუმენტთა, — მუდმივი ვარჯიშობისა და წაბაძვის კანონის ძალით მუდმივ მოვლენად ხდებიან საზოგადოებაში და წარმოდგენენ ადამიანის სოციალურ ცხოვრების ერთ დიდ მნიშვნელოვან მხარეს. ცნობილია აგრეთვე, რომ სქესობრივი სიყვარული და მუშაობის შემდეგ გადარჩენილი თავისუფალი დრო, ან თვით მუშაობის რითში ხელს უწყობს ზემოხსენებულ მოვლენათა განვითარებას, — ხელს უწყობს საზოგადოდ ადამიანის სულის-კვეთების გამოიატვას მრავალ-ფეროვანი გზითა სხვა ადამიანებთან კავშირში. გარეშე ამ კავშირისა წარმოუდგენელია რომელიმე ზემოხსენებული მოვლენა. და რადგანაც ამის წინამორბედი ფუნქციები საზოგადოებაში უკვე მოწესრიგებულია, — შეიძლება, ერთის მხრით, როგორც დამატება უკვე მოწესრიგებულ ეკონომიურ და გენეზიურ ფუნქციათა, — ხელოვნების ფუნქციაც მით უმეტეს მოწესრიგებული უნდა იყოს, ვინაიდან თვითეული ზემოხსენებული ფუნქციის აღსრულებისათვის, — თამაშობისათვის, დაკვირისათვის და სხვ. — აუცილებელია ადამიანთა შორის თანხმობა, აკორდი, საერთო დაფასებაც კი ხელოვნების აღსრულებისა. და მართლაც, როგორც უნდა იყოს წარმოშობა ხელოვნებისა, ანუ მისი ღრმა ფილოსოფია, ასეთ მოვლენასა ეხედავთ ყველა საზოგადოებაში, პირველ-ყოფილ საზოგადოებაში, ცნობილია, რომ ხელოვნების უმრავლესს დარგს პირდაპირ საზოგადოებრივი ხასიათი აქვს აღსრულების მხრითაც კი. ხშირად მთელი თემი იღებს მონაწილეობას რომელიმე სიმღერისა ან ცეკვის აღსრულებაში. მუშაობის დროს საერთო სიმღერა ჩვეულებრივი მოვლენაა სოფლის მეურნეობაში. თვით განვითარებულ საზოგადოებაშიაც კი, სადაც ხელოვნება თითქოს უფრო ინდივიდუალურ შემოქმედების ნაყოფია, თუმცა კი რასაკვირველია კოლექტიური მხარე არ ეკარგება არასოდეს, შე-

უძლიერებელია მისი აღსრულება, სხვანაირად გამოჩენა, თუ არა სოციალურად, აგრეთვე მისი დაფასება ყოველთვის სოციალურია. არსებობს მოწესრიგებული თეატრი, მოწესრიგებული ხმათ-ამოღება და დაწერა, მოწესრიგებული ქანდაკება ფორმათა. ყოველივე ეს უნდა ეთანხმებოდეს აგრეთვე ამა თუ იმ ისტორიულ ეპოქაში შემუშავებულ გემოვნებას, ან საზოგადოების მისწრაფებას ახალი შემოქმედებისადმი. საზოგადოება აფასებს ხელოვნურ ნაწარმოებს, მას აქვს განსაზღვრული საკუთარი კრიტერიუმი ამ დაფასებისა. რასაკვირველია გემოვნებაც, მოწესრიგების ფორმებიც, ე. ი. წესები ხელოვნებისა — იცვლება, მაგრამ მათ ადგილს დაფასების სხვა კრიტერიუმი და შემოქმედების სხვა წესები იკვირენ. თვით-ნებობა, „რაც მინდა მას გავაკეთებ“, მე „მომწონს“, „ასე მსურს“, — ასეთი რამეები ნამდვილად არასოდეს არ არსებობს საზოგადოებაში, და თუ ვისმეს ჰგონია, რომ იგი სრულიად თავისუფალია, თვით ნებაა ან შემოქმედებაში ან დაფასებაში — შემტდარია, იგი მისი ილლიუზიაა მხოლოდ, და სხვა არაფერი. მას შეუძლია შესცვალოს წესი შემოქმედებისა, მოდა, გემოვნება, — მაგრამ თვითონაც ვერ ამჩნევს, რომ იგი ახალი კანონმდებელია, რომ მან ახალი წესები და გემოვნება შექმნა — ძველის მაგივრად. რაკი ინდივიდუალური შემოქმედება მოდად და წაბაძვის საგნად შეიქმნა, — მორჩა, — იგი უკვე სოციალურად გახდა მყისვე. და თუ არც ერთი წამბაძველი არ გამოუჩნდა ინდივიდუალურ შემოქმედებას, მისი მნიშვნელობაც არ არსებობს. რამდენია ასეთი მაგალითი ხელოვნებისა და განსაკუთრებით გამოგონებათა ისტორიაში. — თვით დეკადენტობაც ვერ ასცდა ამ საერთო მოვლენას, ისე როგორც უწესოების წარმოდგენით ჩვენ ამ უწესოების მაგივრად ახალ, სხვანაირ წესიერებას ვკმნით ხოლმე ჩვენს გონებაში, ისე როგორც არსებობის მაგივრად ჩვენ ახალ თავისებურ „არსებობას“ წარმოვიდგინეთ ხოლმე და გვგონია რომ არ-არსებობა წარმოვიდგინეთ, — სწორედ ისევე ვერ ავცილდებით ვერასოდეს ხელოვნებაშიაც იმ წესებსა და იმ საერთო დაფასებას, რომელნიც აუცილებელნი არიან საზოგადოებაში თვით ხელოვნების არსებობისათვის.

ამგვარად ხელოვნებაც, რომელიც ეხება ადამიანის ესთეტიკას, გემოვნებასა, ვნებათა, — არის ზემოხსენებული აზრით მოწესრიგება შეერთებულ ადამიანთა ესთეტიკისა, გემოვნებისა, ვნებისა და სხვა უმაღლეს სულიერ მისწრაფებათა გამოჩენისა.

4. რასაკვირველია ძირი სარწმუნოებისა თვით ადამიანის ინდივიდუალურ პსიხიკაშია, მაგრამ მისი სოციალური გამოჩენა არ არსებობს და არ შეიძლება გარეშე ადამიანთა საერთო ცხოვრებისა; ამას გარდა, როგორც შენიშნავს ამერიკელი სოციოლოგი ბალდვინი, — დღეს შეუძლებელიც არის ინდივიდუალურ ადამიანის განხილვა, როგორც სოციალურ ერთეულისა, — იგი უფრო სოციალური ნაყოფია — გარეშე საერთო რწმენათა და სურვილთა, ფიქრთა, საერთო მოქმედებათა და მისწრაფებათა, სარწმუნოება, როგორც სოციალური მოვლენა არ იბადება. ამიტომაც პირველ-ყოფილ საზოგადოებაშიაც კი — საერთო კულტი, ლოცვა, ცერემონია, მითი, მსოფლმხედველობა, კოსმოგონია, შეგნება ბუნების ძალთა, შიში, იმედი და მისწრაფება მომავალი ბედნიერებისაკენ, აგრეთვე ის დაწესებულებანი, რომელნიც სოციალურად გამოიხატავენ ყოველივე ზემოხსენებულსა, — პირდაპირ ახასიათებენ რელიგიას; სარწმუნოება და მისი შესაფერი დაწესებულებანი საზოგადოებაში კოლექტიური არიან, და ამ მხრით რელიგია სოციალურ მოვლენად ხდება, რომ რელიგიას წაართვათ ეს სოციალური მხარე, იგი აღარაფერს აღარ უდრის. -

იგი მაშინ უბრალო ინდივიდუალურ რწმენად და აზრად იქცევა და რელიგია რელიგია აღარ არის, მაგრამ თვითოეულ ინდივიდუალურ აზრში, გენიოსურად რომ იყოს იგი, რამდენია სხვისი ნააზრი, ანუ სხვათა ნააზრი? — ყოველ შემთხვევაში მეტი, ვიდრე პიროვნული, ორიგინალური, და გარდა ამისა, რომ ყველა წინამორბედი მოწესრიგებული მოვლენა ადამიანის ცხოვრებისა დიდ როლს თამაშობდა თვით რელიგიის მოწესრიგებულ მოვლენად გარდაქმნაში, გარდა იმისა აგრეთვე, რომ თვით სარწმუნოების შესაფერი დაწესებულებანი მოწესრიგებულ არიან ყველგან, — უბრალო ფაქტია, რომ „მოუწესრიგებელ“ რელიგიას ვერსად ვერა ნახავს ადამიანი, — ვერც წარსულსა და ვერც აწმყო საზოგადოებაში, ვერც კულტურულში და ვერც უკულტუროში. ამასთანავე ჩვეულება, ეს მოწესრიგებული ზნე თავის დაღს აკრავს რელიგიურ გრძნობათა გამოჩენას და განამტკიცებს მისს სოციალურ ხასიათს. ასეთივე გავლენა აქვს მასზედ ეკონომიურ მოწესრიგებასა, ოჯახის ორგანიზაციასა და სხვა ყველა სოციალურად მოწესრიგებულ მოქმედებას ადამიანთა საზოგადოებაში.

მეცნიერებას რაც შეეხება — კიდევ უფრო თვალსაჩინოა მისი მოწესრიგებული ხასიათი. უპირველეს ყოვლისა იგი უმადლესი მოწესრიგებაა ჩვენი ცოდნისა გონების მიერ, იგი სუმმა ბუნების კანონთა, იგი ცდაა საყოველთაო ჭეშმარიტებათა შექმნისა, იგი ძებნაა პარმონიისა და აუცილებელ და მუდმივ განწყობილებათა ცალკე და განკერძოებულ მოვლენათა შორის, ძებნა საზოგადო ფორმულათა. ესევე ითქმის რელიგიურ და ფილოსოფიურ სისტემებზედ, რომლებიც სცდილობენ ნახონ უზენაესი წესიერება ბუნებაში და ადამიანის სულში, ნახონ ბუნებასა და ადამიანთა შორის პარმონია; იქ ერთობ მოვლენანი ბუნებისა და ადამიანის სულისა განხილულ არიან ერთი რომელიმე უმადლესი ჰიპოტეზის თვალსაზრისით, რომელმაც უმადლესივე წესიერება უნდა შეიტანოს მთელს მსოფლიოში ჩვენი შეგნებისა და გონებისათვის. და ეს „კანონები“, ეს „პარმონია“, ეს ერთობა ადამიანისა და უზენაესისა ერთგვარი „სოციალური“ კავშირია, დამკვიდრებული ჩვენ მიერ ბუნების ელემენტთა შორის და ჩვენსა და ბუნებას შორისაც. თვით სიტყვა რელიგია, „religio“ კავშირს ნიშნავს კაცსა და უზენაესს შორის, დედა-მიწასა და ცას შორის. ამასთანავე ცალკე ადამიანს, რასაკვირველია არ ძალუძს და არც წარმოსადგენია მისთვის ყოველივე ზემოხსენებული სხვა ადამიანთა დაუხმარებლად.

მეცნიერული ჭეშმარიტებანი საყოველთაონი არიან, — ერთნი და იგივენი ყველა ადამიანისათვის, — არა იმ მხრით, რომ მათ წუნი და შეცდომა ვერაფერ უნახოს, — არამედ როგორც ნაყოფნი ყველასათვის საერთო ლოლიკისა და გონების ხასიათისა. ჩვენი ლოლიკა ხანგრძლივ კოლლექტივურ ცდისაგან არის შემუშავებული, ჩვენი ცდა, რომელიც მემკვიდრეობით არის გარდმოცემული ჩვენდამი დროთა ვითარებაში, სოციალურად, კოლლექტივურად ხდებოდა, და მეცნიერებაც, რომელიც მისი ნამოქმედარია, ამ მხრით არის სოციალური მოვლენა, და როგორც ასეთი, თვით არის ერთგვარი მოწესრიგებული რამ, გარდა იმისა რომ იგი ჩვენი გონების ცდაა, როგორც არა ვსთქვით, მთელ მსოფლიოში წესრიგის შეტანისა. — მეორე მხრით, — გარდაცემა და გავრცელება მეცნიერებისა, რომელიც შეუძლებელი იქმნებოდა, რომ არ არსებობდეს ერთი სოციალური წესი გაგებისა და გამოთქმისა, — ენა, — აგრეთვე რომ თვით ხასიათი მეცნიერებისა შესაგნებელი არ იყოს საერთოდ ყველა საზოგადოების წევრისათვის, როგორც მათი გონების საერთო მუშაობის შედეგისა, — სოციალურად, მოწესრიგებულად უნდა ხდებოდეს და ხდება კიდევ

ყველგან. სკოლები და სხვა სამეცნიერო და სასწავლო დაწესებულებანი საზოგადოებაში ამას ნათლად ქმოწმობენ. ქმოწმობს ერთი რომელიმე კონკრეტული ენა, რომლითაც ისწავლების მეცნიერება.

მაშასადამე ხარწმუნოება და მეცნიერებაც სოციალურნი მოვლენანი არიან, მოწესრიგებანი ადამიანის ცოდნისა, რწმენათა და მსოფლიო შეხედულებათა; აგრეთვე მათი გამოჩენა, გარდაცემა და გავრცელება ხდება მოწესრიგებული გზით, შესაფერ დაწესებულებათა საშუალებით, რომელნიც შესაფერ ფუნქციებს ასრულებენ ყოველ საზოგადოებაში.

ნ. ზნეობა, მორალი არა არს გარეშე საზოგადოებისა, გარეშე ადამიანთა საერთო ცხოვრებისა. თვით ცნება ზნეობისა უჩვენებს ადამიანთა კავშირსა. ზნეობა, როგორც თვით სიტყვა გვიჩვენებს, წარმომდგარია ადამიანთა ზნეჩვეულებისაგან. ეს ზნე-ჩვეულება კი შეუძლებელია გარეშე ადამიანთა კავშირისა; სოციალური მხრით იგი მხოლოდ ადამიანთა ურთი-ერთ განწყობილებაში გამოიხატება და გამოჩნდება.

ზანგრძლივ კოლექტიურ ცხოვრების ცდათა მემკვიდრეობითი გარდმოცემით მუშავდებიან საზოგადოებაში ცნებანი კეთილისა და ბოროტისა, სარგებლისა და ვნებისა, სინილისისა და უსინილისობისა და სხვ. ამ ცნებათა მიხედვით ფასდება ადამიანთა ყველა მოქმედება. რელიგია, როგორც თვით განიცდის ამ ცნებათა გავლენას, ისე თვით ანიჭებს თავისს უზენაესს სანქციას ყოველ ზნეობრივ ნორმას განსაზღვრულ საზოგადოებაში. ამ უკანასკნელში მუშავდება ამგვარად თანდათან მთელი კოდექსი საურთიერთო განწყობილებათა გამოხატველ ნორმათა. ურთიერთისადმი ყოფა-ქცევის წესთა, — და ეაი იმ პიროვნებას. ეინც წინა-აღუდგება ასეთს დადგენილ „ზნეობას“. იგი ყოველთვის მოწამედ ხდება, ან როგორც უბრალო დამნაშავე, ან და როგორც ახალი „სჯულის“ მქადაგებელი. და აკი ყოველთვის და ყველგან ყოველი ახალი წინასწარმეტყველი, ახალი რჯულის შემქმნელი, იმავე დროს ახალი ზნეობის მქადაგებელი არ იყო?

ამასთანავე ბევრი მათგანი სწორედ თავის სოციალურ სფეროში ხდებოდა ხოლმე მოწამედ, მსხვერპლად ეწირებოდა ახალ მოძღვრებასა. მხოლოდ შემდეგ ვრცელდებოდა ახალი ზნეობრივი მოძღვრება უცხო ქვეყნებში. ამ ხშირი მოვლენის მიხედვით ამბობენ ხოლმე ესლაც — შინაურ მღვდელს შენდობა არა აქვსო.

ვერავითარი მისწრაფება ზნეობრივი იდეალისადმი ვერ გასცილდება ადამიანთა კავშირსა, ურთი-ერთისადმი ყოფა-ქცევას, მის მოწესრიგებას. ეს იდეალი შეიძლება უმაღლესად განიწმინდოს აწმყოში და წარსულში არსებულ საზოგადოებათა კონკრეტულ ზნეობრივ შინაარსისაგან, ისიც არა საუხეხით, არამედ ნაწილად, მაგრამ მას მაინც შერჩება თავისი უმაღლესი, საერთო ხასიათი, — ის, რომ იგი მოწესრიგებაა ადამიანთა საერთო ცხოვრებაში ურთი-ერთისადმი ყოფა-ქცევისა.

თვით პიროვნული, თავისი თავისადმი ყოფა-ქცევაც ადამიანისა ყოველად შეუძლებელია წარმოედგინოთ გარეშე ადამიანთა საერთო ცხოვრებისა, თუმცა პირველი შეხედვით ეს თითქოს შესაძლებელიც არის, რადგანაც ფაქტია, რომ ეს პიროვნული ზნეობა არსებობს. ეს იმიტომ, რომ თავის თავისადმი ყოფა-ქცევა მაშინ ხდება საერთო, ზნეობრივ მოვლენად, როდესაც ინდივიდი აქვს გარკვეული შეგნება თავისი ინდივიდუალობისა, თავისი განსხვავებისა და მსგავსებისა სხვა ინდივიდებთან, თავისი მოვალეობისა თავის ახლო მეგობრებისა და ნათესაებისა, ან დაწესებულების წინაშე, ეინაიდან მას მხოლოდ ამ

შედარებითი ანალიზით შეუძლია ნათლად წარმოიდგინოს თავისი ვალდებულება-მოსილი ზნეობრივი „მე“ და დააყენოს იგი განსაზღვრულ დამოკიდებულებაში სხვა „მე“-ებთან. ეს კი იგულისხმებს უკვე მოწესრიგებულ ცხოვრებას, საზოგადოებას, რომელშიაც ადამიანები განსაზღვრულ წესებს ემორჩილებიან. ერთი უმნიშვნელოვანესი ნაწილი ამ წესთა კი არის თვით საერთო ზნეობრივი წესები, რომელიც აწესრიგებს უზენაესად ადამიანთა საერთო ცხოვრებას.

„უწესო ყოფა ქცევა“ მთელი საზოგადოებისა ყოვლად შეუძლებელია, ან პირადად თავის თავისადმი ყველას და თვითთვეულის ცალ ცალკე „უზნეო ყოფა ქცევა“. ან ასეთივე „უზნეო ყოფა-ქცევა“ ურთი ერთისადმი. ეს რომ შესაძლებელი იყოს, მაშინ მთელი ზნეობრივი კოდექსებიც აღარ იქმნებოდა, აღარც ბრძოლა იქმნებოდა ძველსა და ახალ მორალურ ღირებულებათა შორის, აღარც ცალკე პიროვნებათა ზნეობა და თვით მათი არსებობა იქმნებოდა შესაძლებელი, არამედ საყოველთაო სიგიჟე და თვითმკვლელობა, თვით საზოგადოების მოსპობა იქმნებოდა აუცილებელი.

მაშასადამე ადამიანთა ყოფა-ქცევა საზოგადოებაში მოწესრიგებული რამ არის, და ამიტომაც აგრეთვე თამამად შეგვიძლია ვსთქვათ, რომ ზნეობა არის მოწესრიგება ადამიანთა ყოფა-ქცევისა, ურთი-ერთისადმი და პიროვნულისა, ადამიანთა შორის. მისი მოძრაობაც — მუდმივი ძებნაა ახალ ღირებულებათა, რომელთა დამკვიდრებაც მორალურ ნორმებად აგრეთვე წარმოუდგენელია გარეშე ადამიანთა საერთო, მოწესრიგებულ ცხოვრებისა.

8. არ არსებობს არც ერთი სოციალური კავშირი ადამიანთა, ხალაც არ იყოს იმავე დროს სამართალი, — ან როგორც ნამდვილი, იურიდიულ-ძალდატანებითი ნორმები, ან როგორც წმინდა ძალ-მომხრეობა, ან როგორც კონვენციონალური — პირობითი ნორმები, ან და ყველა ამ ელემენტთა არეგ-დარევა.

ყველა ეს ნორმა რომ ავიღოთ, — იგინი წარმოადგენენ შტამლერის სიტყვით ფორმას ადამიანთა საერთო ცხოვრების მოწესრიგებისას, მატერია კი მათი მოწესრიგებისა არის თვით სოციალური თანამშრომლობა, თვით სოციალური მეურნეობა. ჩვენის აზრით კი სოციალური ცხოვრება მარტო სამართალი და მეურნეობა არ არის, — არამედ, როგორც ვსთქვით, შვიდი უმთავრესი მოვლენა, რომელიც ზევით ჩამოეთვალეთ დე გრეფის კლასიფიკაციის მიხედვით. რასაკვირველია, მაშასადამე, ყოველი განწყობილება ადამიანთა შორის არ წესრიგდება სამართლის ნორმებით. მაგრამ სოციალური ცხოვრების იმდენი მხარისათვის ჩაუვლია თავისი კლანჭები სამართალსა, რომ ყოვლად შეუძლებელია საზოგადოებისაგან ბევრი რამ დარჩეს, მას რომ ეს სამართალი გამოეკლოთ. ამით ჩვენ საზოგადოებას ბევრი მეცნიერის აზრით, თვით სოციალურ ძარღვს მოუვლავდით. — პრ. პეტრაჟიციკის აზრით საზოგადოებაში არასოდეს არა კმარა წმინდა ზნეობრივი, ანუ როგორც ის ამბობს იმპერატიულ-ეთიური ნორმები, არამედ მათი აუცილებელი დამატება უნდა იყოს იმპერატიულ-ატრიბუტიული, ე. ი. მბრძანებლობით-კუთვნილებითი ნორმები, რაიცა შეადგენს სამართლის არსებას. — შტამლერის აზრით აგრეთვე თვით ძალდატანებითი სამართალი ისეთი რამ არის, რომლის ნორმებისაგან ვერასოდეს ვერ განთავისუფლდება ადამიანი, რომლის ადგილს თავის დღეში ვერ დაიჭერს კონვენციონალური, ანუ მორიგებითი ნორმები, არამედ სწორედ ეს ძალდატანებითი სამართალი არის ერთად-ერთი საშუალება, რომ კაცთა საზოგადოების ყველა წევრი გამოუკლიხად შედიოდეს სოციალურ მოწესრიგე-



ვის სფეროში. რომ სოციალური კანონ განზომილება არსებობდეს და კანონ-განზომილად ვითარდებოდეს სოციალური ცხოვრება.

როგორც არა ესტეკით, არსებობს სამი კატეგორია სამართლის ბრძანე-ბათა. რომელნიც იმორჩილებენ ადამიანს სამართლის განწყობილებათა სფე-როში: ნორმები კონვენციონალური ანუ პირობითი, წმინდა იურადული ნო-რმები, რომლებსაც აქვს აგრეთვე ძალდატანებითი ხასიათი, და წმინდა ძალ-მომრეობა. განსაზღვროთ ეს სამი კატეგორია. მივსლიოთ შტამლერს, იგი საუკეთესო ავტორია, რომელმაც ნიკიერად, მკაფიოდ და ნათლად შეა-რულა ეს ანალიზი. მისი ანალიზის შედეგი არის განსაზღვრა ამ სამი სამართ-ლის ბრძანებისა. კონვენციონალური სამართალი არის ისეთ წესთა კრებულა, რომელნიც თავიანთ მნიშვნელობას ამყარებენ თვით დამორჩილებულ პირთა თანხმობაზედა და მორიგებაზედ. წმინდა სამართლის ნორმები არის ისეთი ნორმები, რომელსაც აქვს ხასიათი ძალ-დატანებითი მოწესრიგებისა ადამი-ანთა საერთო ცხოვრებაში. მნიშვნელობა და თვით აზრი ამ ნორმებისა არის მათი დაურღვევლობა. ყველანი შეკრულ-შეზოქვილნი არიან — ხელმწიფიდან დაწყებული უბრალო ადამიანამდე. წმინდა სამართალი თვით იკვლევს, ვინ უნდა იყოს მისი ბრძანების აღმასრულებელი და როგორ წესებს უნდა დაე-მორჩილოს იგი, მაშინ როდესაც სამართალი კონვენციონალური თვით შეთან-ხმებულ პირთა ნებაზედა და თანხმობაზედ ემყარება; — ეს პირნი თვით იწე-რენ თავიანთთვის წესებს, რომელსაც უნდა დაემორჩილონ. შტამლერის აზ-რით ეს ძალ-დატანებითი სამართალი არის ერთად-ერთი დამამკვიდრებელი სოციალური კანონ განზომილებისა. რადგანაც მარტო იგი აწესრიგებს მთელი საზოგადოების, აუარებელ სხვა და სხვა პირთა საერთო ცხოვრებას, მაშინ როდესაც კონვენციონალური სამართალი მხოლოდ განსაზღვრულ პიროვნება-თა, განსაზღვრულ ჯგუფთა საერთო ცხოვრებას მოაწესრიგებს და მაშასადა-მე მთელი საზოგადოების, საერთო საზოგადოების კანონ-განზომილება მო-რიგებით შეუძლებელიაო. რამდენად მართალია ეს მისი აზრი, ჩვენ აქ არ გვა-ინტერესებს. — ძალ-მომრეობა კი მითი განირჩევა ძალ-დატანებით სამართლი-საგან, რომ უმადლესი ძალა — დესპოტიკისა, ან თვით-მპყრობელისა ყოველ სა-მართალზედ მალა სდგას, იგი არ არის შეზოქვილი სამართლის ნორმებით, თუმცა იქაც ყოველად შეუძლებელია წმინდა, იდეალური ძალმომრეობა: ყო-ველ დესპოტიაში და აბსოლიუტურ მონარქიაში მაინც მოიპოვება მცირე ელე-მენტი სამართლისა, რომელსაც ყველა ემორჩილება, რომლითაც ყველაა შე-კრული, — თვით მონარქიცა. — მატერია სამართლის მოწესრიგებისა, — წმინდა სამართალი იქნება იგი, კონვენციონალური თუ ძალმომრეობითი, — არის მრავალი მხარე სოციალური ცხოვრებისა, — მეურნეობა, ოჯახის ცხოვ-რება, არტისტიული ცხოვრება, მეცნიერული და სხვ. შტამლერის აზრით საგა-ნი სამართლის მოწესრიგებისა მარტო მეურნეობაა, მაგრამ ისიც უნდა ვიცო-დეთ, რომ შტამლერისათვის მეურნეობა უფრო ფართო ცნებაა, — ყველა მოთხოვნილებათა დამაკაყოფილება საერთო ძალით. წინააღმდეგი აზრის არის ვ. ზომბარტი ((Совр. Капит.). მართლაც. — მიუხედავად იმისა, რომ შტამლერი დიდ ასპარეზს უტოვებს სამართლის მიერ მოსაწესრიგებელ მატერიალსა, — არ არ-სებობს არსად ისეთი სამართალი, რომ მისი მოწესრიგების საგანს შეადგენდეს ყველა მხარე სოციალური მოქმედებისა ხავსებთ. ან თვით სამართალი განსაზღვ-რავს საგანს მოწესრიგებისას და დაუდებს მას საზღვარს ნათლად და მკაფიოდ, ან კონვენციონალური სამართალი საზღვრავს იმავე საგანთა მოწესრიგების ხა-სიათს ამ სამართლის შემადგენელთა თანხმობითა და ნებითა. მაგრამ ვერც

ერთ შემთხვევაში სამართალი სავსებით ვერ გამოჰხატავს ყველა სოციალურ განწყობილებასა. იგი აწესრიგებს მხოლოდ მათ ერთს ნაწილსა. თუმცა მისი ძალა საზოგადოების ყველა მხარეს ეხება. არის ამიტომ მრავალი სამართალი: სამართალი სავაჭრო, — სამართალი მფლობელობისა, სამართალი საზღვაო, საფინანსო, სახელმწიფო, საერთაშორისო და სხვ. და ის დაწესებულებანი საზოგადოებაში, რომელიც აღგენენ და საზღვრავენ ამ სამართლის ნორმებს, ან ასრულებენ მის ბრძანებასა, — არიან საზოგადოების იურიდიულნი ორგანონი, იურიდიულ ფუნქციათა აღმასრულებელნი.

ამგვარად სამართლის ნორმებს ფართოდ ემორჩილება მთელი საზოგადოება, თუმცა არა სავსებით. საზოგადოება არ არსებობს გარეშე სამართლისა, თუმცა მას აქვს ისეთი ფუნქციები, რომელთაც სამართალი არ ეხება.

წმინდა სამართლის დამახასიათებელი თვისება არის, მისი დაურღვეველობა, მისი დაურღვეველობა კანონია, სანამ მას ძალა აქვს, სანამ ძველი სამართალი არ უქმდება და მის ადგილს ახალი სამართლის ნორმები არ იჭერს. სამართლის დარღვევა შეიძლება, ამბობს შტამლერი, მაგრამ მას არა სურს, რომ იგი დარღვეულთყოს. იგი კვდება, მაგრამ არა ნებდება ცოცხალი არავის. და სანამ ცოცხალია მისი მოთხოვნა ძალაშია, — მოთხოვნა, რომელიც შეადგენს მისი სიცოცხლის ძარღვს, — მოთხოვნა დაურღვეველობისა. ეგვევ ითქმის კონვენციონალურ ნორმებზედაც. მათაც აქვსთ თავიანთი მოთხოვნა დაურღვეველობისა. სანამ ახალი კონვენციები არ დაიჭერს ძველის ადგილს. — ამგვარად ერთი მოწესრიგება მეორის ადგილს იჭერს ყოველთვის, როდესაც იცვლება ეს მოწესრიგება, კონკრეტული განხორციელება მოწესრიგებისა, მაგრამ თვით მოწესრიგება სამართლის მიერ მოსაწესრიგებელ სოციალურ მატერიალსა — ყოველთვის რჩება და ეს სამართლის მოწესრიგება აიძულებს ადამიანს ან ადამიანთა ჯგუფთ აღასრულონ თავიანთი მოვალეობა სამართლიანობისა, კონტრაქტისა თუ სამართლის ბრძანების სახელით, — ეს სულ ერთია, — რომელიც მათ იღვეს თავს ნება ყოფლობით, ან ძალით აიძულა რომელიმე ავტორიტეტმა.

ამიტომაც შეგვიძლია ვსთქვათ, რომ საზოგადოდ სამართალი არის მოწესრიგება ადამიანთა ყველა ისეთ ყოფა-ქცევისა, რომელსაც მათ უნდა მისდიონ ან ნება-ყოფლობით აღიარებულ, ან ძალით დადგენილ ვალდებულებათა აღსრულებისათვის.

7. დასასრულ, პოლიტიკა არის ერთი მხრით ისეთი მოწესრიგებული ფუნქცია საზოგადოებისა, რომელიც მიმართულია მისი გარეგანი დაცვის მიზნისაკენ, და აგრეთვე სხვა მოწესრიგებულ საზოგადოებათა შორის კავშირის დასაჭერად, მეორე მხრით იგი ისეთი ფუნქციაა საზოგადოებისა, რომელიც უმაღლესად თვალ ყურს ადევნებს მოწესრიგებულ სოციალურ თანამშრომლობასა და სტილიობს კანონ-განზომილი მიმართულება მისცეს ყველა სოციალურ მისწრაფებათა და მიზანთა.

ჩვენ აქ არ გამოვეუდგებით იმის ანალიზს, თუ როგორ ასრულებს პოლიტიკა ამ საზოგადოებრივ დიდ-მნიშვნელოვან ფუნქციასა, ან თუ რა დამოკიდებულებაა მასა და სამართალს შორის, — დაკმაყოფილებით მხოლოდ მისი ხასიათის აღნიშვნით, — რომ იგიც ერთგვარი მოწესრიგებული მოქმედებაა საზოგადოებისა.

ეს არის, ეს შვიდი ძირითადი მოვლენა დამახასიათებელი საზოგადოებისა. ეს კლასიციფიკაცია სოციალურ მოვლენათა საკითხის ნათელ-საყოფელად არის ძლიერ საჭირო. თორემ რასაკვირველია სოციალური ცხოვრება ერთია, ორ-

განიული და მთლიანი. ასე მთლიანადაც უნდა წარმოვიდგინოთ იგი. ჩვენი ს მიზნისათვის კი მკაფიო წარმოდგენა საზოგადოებისა, როგორც ერთი მთელია. კიდევ უფრო საჭიროა, ვიდრე განსაზღვრა საერთო განყენებულ სოციალური ცნებისა.

აქ ჩვენი მიზანი, რასაკვირველია, არ არის გამოვიკვლიოთ წარმოშობა საზოგადოებისა, გენეზისი ამ მოვლენათა, ან განვიხილოთ მათი ევოლუცია. ჩვენ ვამბობთ მხოლოდ, რომ ამ მოვლენათა არსება საზოგადოებაში — ფაქტია, რომ ეს ფაქტი ისედაც შეიძლება დახასიათდეს და განისაზღვროს, როგორც ზემოდ არის ნაჩვენები. ამ მოვლენებს, ან მათ შთანაჩენებს ყველა საზოგადოებაში ვნახულობთ, ყველგან და ყოველთვის, — როგორც წარსულში, ისე აწმყოში, როგორც პირველ-ყოფილში, ისე განვითარებულში, როგორც მუდმივში, ისე დროებითში (თუმცა „დროებითი“ მთელი საზოგადოება არც კი არსებობს ამ სიტყვის ნამდვილი მნიშვნელობით), — ყველგან, სადაც არის და ყოფილა ადამიანი. მომავალშიაც არავითარი მოსაზრება არ გვაძლევს ნებას ვიფიქროთ, რომ რომელიმე ამ მოვლენამ დაკარგოს ზემოხსენებული თავისი არსებითი ხასიათი. შეიცვლება კონკრეტული მისი განხორციელება, მაგრამ ფორმალური მისი ვითარება უცვლელი დარჩება.

გარდა ამისა, კიდევაც რომ ზოგიერთი მოვლენა დროში გვიან გაჩენილიყო, კიდევაც რომ არსებულებიყვნენ ისეთი საზოგადოებანი, რომელთაც აკლდებოდათ რამოდენიმე ზემოხსენებული მოვლენა, ამით ჩვენი საკითხი და დასკვნა არსებითად არ იცვლება, რადგან ერთი ან ორი მოვლენა მაინც უტყუელად იყო და იქმნებოდა საზოგადოებაში, რომელიც დახასიათდებოდა „მოწესრიგებითა“.

აგრეთვე ისტორიული ევოლუციის სინამდვილის მხრით რომ შევხედოთ კონკრეტულ საზოგადოებათა, რასაკვირველია ზემოხსენებული მოვლენანი ერთსა და იმავე დროს არ ჩასახულან ყველანი ერთად, ერთისა და იმავე სიციხოვლით, არამედ მათი ინდივიდუალობა მხოლოდ დროში განვითარდა, მათი ურთი-ერთისაგან დიფფერენციაციით, აგრეთვე მეტ-ნაკლებად, მეტის თუნაკლების ინტენსივობითა.

ზემოხსენებული კლასიფიკაცია არა ისტორიული სინამდვილის კვლევისათვის ვიხმარეთ, არამედ როგორც მეთოდი სოციალური ცნების განსაზღვრისათვის. ეს არ უნდა დაავიწყდეს მკითხველს.

მართლაც, ზემოხსენებულ მოვლენათა მდგომარეობა ერთი და იგივე სრულიადაც არ არის ყველა საზოგადოებაში. პირველ-ყოფილ, მარტივ საზოგადოებაში ბევრ მოვლენას არ განუცდია ურთი-ერთისაგან სრული დიფფერენციაცია: — მაგალითად წმინდა იურიდიულ მოვლენათ არ განუცდიათ სრული დიფფერენციაცია კონვენციონალურ სამართლის მოვლენათაგან და ასე გასინჯეთ ზნეობრივ-ჩვეულებით მოვლენათაგანაც. აგრეთვე ოჯახურსა, რელიგიურსა და მეცნიერულ მოვლენათ არ დაუდევს სწორი და მკაფიო საზღვარი ურთიერთისათვის, — მამა ბევრ საზოგადოებაში ერთსა და იმავე დროს ქურუმიც არის, „მეცნიერიც“, უზენაესი მსაჯულიცა და მეფის უფლების მქონეს მსგავსიც; — მაგრამ დღეს კი არ არსებობს არც ერთი საზოგადოება, რომ იქ უკვე არ იყვნენ ყველა ზემოხსენებულ მოვლენის შთანაჩენები, რომლისაგანაც წარმოსდგებიან და ვითარდებიან სავსებით ეს მოვლენანი. ზრდადამთავრებულ, რთულ საზოგადოებაში კი უკვე ნათლად და თვალ-საჩინოდ ვხედავთ ყველა ამ მთავარ სოციალურ მოვლენასა. აგრეთვე საზოგადოებრივ

დაწესებულებათა ფუნქციები რთულდებიან და ვითარდებიან ცალ-ცალკე თვით მოვლენათა გართულების თანახმად, თანაც ყველა მათგანი მიისწრაფის ურთიერთის თანხმობისაკენ, წინააღმდეგობის მოსპობისაკენ, შესაფერ საერთო სოციალურ მიზნისა, და ჰქმნიან ერთ სოციალურ მთელს, რთულ „სოციალურ ორგანიზმსა, ანუ „სუბერ-ორგანიზმსა“.

ამგვარად, ყველა ზემოხსენებული მოვლენა წარმოადგენს მოწესრიგებას ერთად მცხოვრებ ადამიანთა ამა თუ იმ მოქმედებისას. რომელიც მიმართულია რომელიმე მიზნისაკენ, ამა თუ იმ მოთხოვნილების დაკმაყოფილებისაკენ. საზოგადოებრივი ცხოვრება სავსებით უდრის ზემოხსენებულ მოვლენათა არსებობას საზოგადოების წიაღთა შინა. მაშასადამე, ჩვენ შეგვიძლია დავადგეთ შემდეგ საერთო დასკვნას:

საზოგადოებრივი ცხოვრება არის ერთად მცხოვრებ ადამიანთა მოწესრიგებული მოქმედება მათ ყველა მოთხოვნილებათა დასაკმაყოფილებლად, მათ საერთო მიზანთა მისაღწევად.

საზოგადოება არის შეერთებულ ადამიანთა ისეთი კრებული, რომელთა საერთო ცხოვრება მოწესრიგებულია საერთო მიზანთა მისაღწევად.

აი, დაახლოებით, რა განსაზღვრა შეგვიძლია დაეუღეთ საზოგადოებრივ ცხოვრებასა, საზოგადოებას.

ჩვენ რასაკვირველია ვიცით, რომ მოთხოვნილებანი ადამიანთა იცულებიან, იცულებიან მათი ვნებანი, სურვილნი, მისწრაფებანი, მიზანნი. იცულება და მრავალფეროვანდება მოქმედება ადამიანთა. იცულება ყველა ამისდა მიხედვით ისტორიულად შემდგარი საზოგადოება; კონკრეტული განხორციელება სოციალური მოწესრიგებისა სხვა და სხვანაირია სხვა და სხვა საზოგადოებაში და სხვა და სხვა დროს. მაგრამ ამ ცვალებადობაში უცვლელი რჩება ერთი რამ. — თვით ფაქტი მიზან-დასახვის ნიჭის მქონე ადამიანების საერთო მოქმედებათა მოწესრიგებისა, რომლის გარეშე არ არსებობს საზოგადოება, სოციალური ცხოვრება. საზოგადოება ისე არ შეიცვლება არასოდეს, რომ მას არ ახასიათებდეს ელემენტარული ფაქტი მოწესრიგებისა, — ამ შემთხვევაში უნდა განქრენ ზემოხსენებული მოვლენანი, უნდა განქრეს თვით საზოგადოება, როგორც განსაკუთრებული მოვლენა მსოფლიოისა.

მაშასადამე ჩვენ უკვე ვნახეთ ის ერთობა ცვალებადობაში, რომელიც აუცილებელია საზოგადოების განსაკუთრებული ხასიათის გასათვალისწინებლად, რომელიც თანა სდევს ყველა საზოგადოებას მის ევოლუციაში და დარჩება მისი საუკუნო თანმსრბოლი, ძირითადი ფაქტი, სანამ თვით სახსენებელი იქმნება ქვეყანაზედ იმ არსთა, რომელთაც შეუძლიათ იქონიონ მოწესრიგებული ცხოვრება თავიანთ მიზანთა მისაღწევად.

მაგრამ, როგორც არ უნდა იყოს ხასიათი საზოგადოებისა, იგი მაინც ცალკე ინდივიდებისაგან შესდგება. ესეც ექვს გარეშე მდგომი ფაქტია. ინდივიდი კი თავისი ინდივიდუალობით, თავისი განსაკუთრებული პიროვნებით და ხასიათდება. ინდივიდები არასოდეს არ არიან ურთიერთის სრულნი მსგავსნი. იგინი ერთმანეთისაგან განირჩევიან სახითა და სხეულითა, გრძობითა, ვნებითა, გონებითა, კერძო მიზნითა და მისწრაფებითა — როგორც ფიზიკურად, ისე პსიხიურად ისინი თავის დღეში ვერ „შეერთდებიან“ ისე, რომ ადამიანმა სთქვას: რადგანაც ინდივიდი A იდენტურია ინდივიდ B-სი, ამიტომ  $A=B$  (ე. ი. შეადგინოს არა უბრალო თანასწორობის ფორმულა, არამედ ფორმულა იგივეობისა) და „მაშასადამე მათი შეერთება ჰქმნის  $2A$ -სო. ეს რომ ასე იყოს, მაშინ თვით ინდივიდუალობა. ინდივიდიც აღარ იქ-

მნებოდა და მოისპობოდა ზემოხსენებული პრობლემა ადამიანთა შეერთებისა, საერთო ცხოვრებისა, მამასადაშე თვით საზოგადოებისა. მეორე მხრით კი ფაქტია, როგორც არა ვსთქვით, რომ საზოგადოება შეერთება ადამიანთა, მათი საერთო ცხოვრების მოწესრიგება. როგორ შეიძლება ამ წინააღმდეგობის შერიგება? — ერთი მხრით ინდივიდები, ურთი-ერთისაგან განსხვავებულნი. მეორე მხრით მათი „შეერთებული“, მოწესრიგებული ცხოვრება, — საქმე სწორედ ეს მოწესრიგებაა, ურთი-ერთ შორის განსხვავებულ ინდივიდთა საერთო ცხოვრების მხოლოდ მოწესრიგება შეიძლება ან მორიგებით, კონტრაქტით — ამასთანავე ეს კონტრაქტი არ უნდა გვესმოდეს ამ სიტყვის პირდაპირი აზრით, როგორც პირდაპირი, წინასწარ მსჯელობითი მორიგება, არამედ კონტრაქტი შეიძლება იყოს ავტომატიური, ინსტინქტიური და მსჯელობითიც, — ან და ძალდატანებით სხვა გზა მოწესრიგებისა არც არის და არც ყოფილა ნამდვილად არსად, და ამ ორი მოვლენის მაგალითს მრავალსა ვხედავთ ხალხთა კონკრეტულ ისტორიაში, მათ საზოგადოებრივ ევოლიუციის მსჯელობაში. მხოლოდ არ შეგვიძლია არ დაეუბნოთ, რომ ნაძალადევი მოწესრიგება ადამიანთა საერთო ცხოვრებისა უთუოდ ზერელია, თანაც მისი როლი გაცი-ცხოვრების მხოლოდ მოწესრიგება შეიძლება ან მორიგებით, კონტრაქტით, — რომელიც გაცილებით უფრო ღრმაა და წმინდა სოციალური ხასიათისა. ამასთანავე თვით ეს ნაძალადევი მოწესრიგება ძლიერ ბევრ ელემენტს შეუცავს კონტრაქტისას (მაგალითად ნადირობისა და ომის დროს ბელადის ამორჩევა ადამიანთა კრებულის მიერ და მერე მის წინაშე მორჩილების განმტკიცება მშვიდობიანობისა და შინ მუშაობის დროსაც). აგრეთვე მთელი ორი მესამედი საერთაშორისო სამართლისა რა არის, თუ არა წმინდა კონვენციები. კონტრაქტები სახელმწიფოთა შორის, როგორც სამართლის პირთა შორის? იგი აგრეთვე გარდამავალია და თანდათან უთმობს ადგილს ან თავისუფალ კონტრაქტს, ან სწორუფლებიანობას. ეს უკანასკნელიც, მართალია, თავისებური ძალ-დატანებითი მოწესრიგებაა, მაგრამ დიდად განსხვავებული დესპოტიურ და თვით მპყრობელობით სამართლისაგან, — როგორც არა ვსთქვით, შტამლერის აზრით ძალ-დატანებითი სამართალი არასოდეს არ მოისპობა, ჩვენის აზრით კი მან ადგილი უნდა დაუთმოს თავისუფალ კონტრაქტს, მაგრამ ეს ჩვენ აქ არ გვინტერესებს, შტამლერის აზრი რომ კიდევაც სრული ქეშმარიტი იყოს, ჩვენ თუნისს მაინც ვერა სცვლის. ყოველ შემთხვევაში კონტრაქტი მაინც ერთი სახეა რეგულარობისა, რასაც შტამლერი თვით აღიარებს, — და ისეთი სახე, რომელიც ფართოდ და ღრმად არსებობს საზოგადოებაში, აწესრიგებს საზოგადოების მრავალ დარგს. ამას ამტკიცებს არსებობა კონვენციონალურ სამართლისა. იერიინგი ზნეობრივ ძალასა და მასზედ აღმოცენებულ ვალდებუ-ლების გრძნობას მეტ როლს აწერს თავის „სამართლის მიზანში“, ვიდრე შტამლერი. შტამლერიც მას დიდ როლს აწერს, თუმცა მისი აზრით მხოლოდ წმინდა სამართალს შეუძლია განახორციელოს კანონ-განზომილება სოციალური ცხოვრებისა; ამაშია მთავარი საგანი შტამლერის ანარქიზმთან კამათისა, რომლის მოძღვრებითაც ამ მიზანს კონვენციონალური სამართალიც მიაღწევს.

მაგრამ ჩვენ აქ უმთავრესი ყურადღება უნდა მივაქციოთ კონტრაქტსა და ძალ-დატანებით სამართალს იმ მხრით, თუ რაგვარი მოწესრიგებანი არიან იგი-ნი? თავისთავად ცხადია, რომ ძალ-დატანებითი სამართალი არ არის მოწესრიგება, შეთანხმებული ადამიანის სუბიექტივურ მისწრაფებასთანა და ვნებასთან. სამართალი თვით საზღვრავს ადამიანთა დამორჩილებას, თვითა სდებს წესებს ამ მორჩილებისას. ადამიანს, რომელიც სამართალს ემორჩილება, გა-

რედან ევლინებიან ეს ბრძანებანი, რომელნიც მან უნდა აღასრულოს დასჯის შიშით, მაშასადამე სამართალი არის გარეგნული მოწესრიგება საერთო ცხოვრებისა. — ესევე ითქმის კონტრაქტზედაც. აქ თუმცა მორჩილების წესები თვითონვე, წინასწარ-ძალ-დატანებით არა საზღვრავენ მორჩილების სუბიექტებს, არამედ ეს უკანასკნელი თვით არდგენენ თავიანთთვის ამ წესებს, მაგრამ ეს მორჩილების წესები, რაღაი საერთო შეთანხმებით უკვე დამკვიდრდებიან. — უკვე იძენენ დამოუკიდებელი ძალის ხასიათსა, უკვე სუბიექტთა და მათ ინდივიდუალურ ხასიათთა გარეშე სდგანან და ხშირად მათი ბრძანება უფრო სასტიკიც არის, ვიდრე წმინდა სამართლისა. უამისოდ შეთანხმებაც არ იქმნება, როგორც ზემოთა ვსთქვით. მაშასადამე კონტრაქტიც გარეგნული მოწესრიგება საერთო ცხოვრებისა, როგორც წმინდა სამართალი, მხოლოდ იგინი სხვა და სხვანი სახენი არიან ერთის გარეგნულის მოწესრიგებისა. ესევე ითქმის ყველა სხვა სოციალურ მოვლენაზედ, რომელიც ზემოდ ჩამოვთვალეთ. არ არის არც ერთი სოციალური მოვლენა, რომელიც გარეგნულ ვალდებულებასაც არ ადებდეს ადამიანს, რაც თუ გინდ შინაგან, ღრმა პიროვნულ პსიხიკაში უნდა ჰქონდეს მას სათავე. მაშასადამე, საზოგადოდ, სოციალური მოწესრიგება გარეგნულია, როგორიც უნდა იყოს მისი სახე. კონტრაქტიული თუ ძალ-დატანებითი.

ამიტომაც სრული განსაზღვრა საზოგადოებისა, რომელსაც მოწესრიგება დაახასიათებს, იქმნება შემდეგი:

გარეგნული მოწესრიგება შეერთებულ, მიზან-დასახვის ნიჭის მქონე ადამიანების ცხოვრებისა მათ მოთხოვნილებათა დასაკმაყოფილებლად, მათ საერთო მიზანთა მისაღწევად, — აი რა არის საზოგადოებრივი ცხოვრება.

საზოგადოება არის ისეთი კრებული მიზან-დასახვის ნიჭის მქონე შეერთებულ ადამიანთა, რომელთა საერთო ცხოვრება მათ მოთხოვნილებათა დასაკმაყოფილებლად და საერთო მიზანთა მისაღწევად გარეგნულად არის მოწესრიგებული.

საზოგადოებრივ ცხოვრებაში გარდა ზემოხსენებულ მოვლენათა ჩვენ ვამჩნევთ ერთს მართლაც უმშვენიერესსა და განსაკვიფრებელ მოვლენას. ეს მოვლენა არის აგრეთვე სოციალური მოვლენა. მაჩვენებელი საზოგადოებრივობისა, აგრეთვე ერთგვარის მოწესრიგებისა. რომელიც საუკეთესო ნიმუშია ძალა-დაუტანებელ და თავისუფალ მოწესრიგებისა. ეს მოვლენა არის ენა. ენა ისეთი ელემენტარული რამ არის სოციალურ ცხოვრებაში, ისეთი საერთო თვისება ყველა ადამიანისათვის. ყველა საზოგადოებისათვის. რომ მისი ჩათვლა განცალკევებულ სოციალურ მოვლენად არც კი არის საჭირო: როდესაც ადამიანთა საზოგადოებაზედა ვლაპარაკობთ, ენა თითქოს თავის თავად იგულისხმება. ამასთანავე განსაკუთრებული ენა არჩევს ერთს საზოგადოებას მეორესაგან. უმეტეს შემთხვევაში, ყოველ ენას თავისი განსაკუთრებული სახე აქვს. ენა არის აგრეთვე საუკეთესო, უწმინდესი, შეუმწიკვლელი თავისუფალი „კონტრაქტი“. გარეგნული მოწესრიგება ადამიანთა შორის განწყობილებათა გამოთქმისა, საუკეთესო და უმაღლესი გამოჩენა მათი საერთო ცხოვრებისა. ამ განსაკუთრებულ, თავის საკუთარ ენით გამოჰხატავს ხოლმე საზოგადოებაში ადამიანი თავის გრძობათა, მისწრაფებათა და იდეალთა. ამ ენით აბამს იგი თავის თანამშრომლებთან რთულ ქსელს განწყობილებათა. ამ ენაზედ ევედრება იგი თავის იმედს, — უზუნაესს არსებას, თავის ღმერთებს. ამ ენაზედ მღერის იგი თავის საყვარელ ჰანგებსა და იგონებს წარსულ საერთო საქმეთა. მთელის საზოგადოების მიერ აღსრულებულთა, აღიღებს ძველ გმირებს, მამულის

მხსენებებს, უმღერს სიყვარულსა: ამ ენაზედ ჰქმნის იგი თავის ისტორიას. საუკუნოებით აგროებს საერთოდ ჩადენილ საქმეთა მოთხრობებს და გარდმოცემს. ინახავს მათ შთამომავლობისათვის; ამ ენაზედ აზროვნობს იგი და აღწევს რა თავისი გონებით ბუნების საიდუმლოებასა, — თავის აზროვნების ნაყოფს გამოსთქვამს, სწერს და ამცნობს თავის მოკაეშირეთ, თანამოქალაქეთ, მთელს საზოგადოებას, შემდეგ მრავალ საზოგადოებას, — და სხვ. საკვირველი არ არის მაშასადამე, რომ აღამიანს თავისი ენა უყვარდეს, აუფობესებდეს. ამალვებდეს და აღმერთებდეს მას. იგი გამოძხატველია უწინარეს ყოვლისა მისი საზოგადოებრივობისა, უარ-მყოფელი მისი მარტოობისა, რაც მას ეჯავრება და რასაც იგი უარ ჰყოფს. იგი აღამიანთა უპირველესი ხელოვნებაა. იგი საღაროა, სადაც ინახება მათ წარსულ საქმეთა, წარსულ ცხოვრების მოთხრობანი; იგი მათი სულის მეტყველების იარაღია. საკვირველი არ არის, რომ კაცი ამ ენისათვის კვდებოდეს, მტერს ზედ აკლავდეს თავსა გმირულად, თუ მას ამ ენას ართმევენ და სხვა ენით უნდათ ძალით აამეტყველონ.

მაგრამ ჩვენ მგონი საგანს ავსციდით. ჭერ-ჭერობით განვაგრძობთ ჩვენს ანალიზი: საზოგადოება ჭერ კიდევ არ არის სრულიად განსაზღვრული.

## II

თუ ერთი მხრით საზოგადოება არის გარეგნულად მოწესრიგებული საერთო ცხოვრება აღამიანთა, ცხადია მეორე მხრით, რომ იგი, როგორც ერთი მთელი რამ, არის ერთი განსაკუთრებული არსი, რომელიც განსხვავდება ყველა სხვა არსთაგან და თვით ინდივიდისაგანაც. საზოგადოება ისეთი არსია, რომლის ცხოვრებისა, სიცოცხლის პროცესისა და განვითარების კანონები სავსებით არ ჰგვანან ცალკე ინდივიდის კანონებსა, და რასაკვირველია სოციოლოგები შესცდნენ, როდესაც უბრალო ანალოგიით არ დაკმაყოფილდნენ ინდივიდსა და საზოგადოებას შორის და ამ უკანასკნელის კანონები და ინდივიდისა ერთ და იმავე კანონებად აღიარეს. შესცდნენ აგრეთვე ის სოციოლოგებიც, რომელთაც საზოგადოება წმინდა პსიხიური მოვლენა ეგონათ. წმინდა პსიხიური მოვლენა მხოლოდ ინდივიდის წიაღთა შინა არსებობს, საზოგადოება კი, თუმცა ინდივიდთაგან შესდგება, მაგრამ მაინც განცალკევებული არსია და მას თავისი კანონები უნდა ჰქონდეს. მაგრამ ესეც სხვა საკითხია, რომელიც აქ არ გვაინტერესებს.

ჩვენა ვსთქვით, რომ საზოგადოება არის გარეგნულად მოწესრიგებული ცხოვრება შეერთებულ აღამიანთა. მაგრამ იმავე დროს მაშასადამე იგი უნდა იყოს ერთი რაღაც მთლიანი არსება, რომლის სიცოცხლის პრინციპი ეს გარეგნული მოწესრიგებაა. და თუ თვით ამ მთელ არსებაზედ არ ვიქონიეთ რაიმე წარმოდგენა, მარტო მისი ძირითადი დამახასიათებელი თვისების შეგნება ვერ მოგვცემს საზოგადოების სავსებით განსაზღვრას. როგორია მაშასადამე ეს საზოგადოებრივი არსი, როგორც ერთი მთელი არსება, განსხვავებული ყველა სხვა არსისაგან ბუნებაში?

საზოგადოება შესდგება აღამიანთაგან, — ეს უეჭველი ფაქტია, აღამიანი კი ცოცხალი არსია. მაშასადამე თვით საზოგადოება მეკადარი არ შეიძლება იყოს, არამედ იგი ისეთი ცოცხალი არსია, რომლის სიცოცხლის პრინციპი მის შემადგენელ ნაწილთა შორის გარეგნულად მოწესრიგებული საერთო ცხოვრებაა. სიცოცხლე საზოგადოებისა უსათუოდ უნდა აღვიაროთ, რადგანაც არ არის ქვეყანაზედ არც ერთი არა-ცოცხალი არსი, რომ იგი ცოცხალ არსთაგან

შესდგებოდეს. კლოდ-ბერნარი ამბობდა, რომ ყოველი ცოცხალი არსი შესდგება აგრეთვე ცოცხალ არსთაგანაო, -- და ეს უბრალო ჭეშმარიტება მისი ხანგრძლივი შრომისა და ფიქრის შედეგი იყო. პასტერმა შემდეგ დაამტკიცა, რომ ყოველი ცოცხალი არსი, როგორი სირთულისაც უნდა იყოს იგი, წარმოსდგება აგრეთვე ცოცხალ არსთაგან. ესეც მისი მრავალი ფიქრისა, შრომისა და ცდის შედეგი იყო. მან დაამტკიცა შეცდომა იმ მეცნიერთა, რომელთაც სწამდათ ეგრედ წოდებული *generatio aequivoca*, ე. ი. თავისუფალი ჩასახვა. თანამედროვე ბიოლოგებს ვერ უნახავთ შემაერთებელი ძაფი სიცოცხლესა და მკვდარ ნივთიერებას შორის. არის მრავალი თეორია, როგორც პოზიტურისტიკური, ისე უკიდურესი მეტაფიზიკური, მაგრამ არც ერთი არა სწყვეტს პრობლემასა. უკანასკნელად ფრანგმა ფილოსოფოსმა ბერკსონმა სიცოცხლე რაღაც შემოქმედ პრინციპად აღიარა, რომელიც განირჩევა ძირითად უმოქმედო ნივთიერებისაგან. ჩვენ შეგვიძლია ესე ყოველი ჭეშმარიტებად აღვიაროთ, მიუხედავად იმისა, რომ ყოველთვის არის შესაძლებელი დაყენებულ იქმნას საკითხი, -- საიდან წარმოსდგა პირველი ცოცხალი არსი, თვით პირველი სიცოცხლე? ეს უკანასკნელი საკითხი კი სულ სხვა საკითხია და აქ საინტერესო არ არის. როგორც არა ვსთქვით, ჩვენთვის საინტერესოა ის უეჭველი ფაქტი, რომ ყოველი ცოცხალი არსი წარმოსდგება ცოცხალ არსისაგან, აგრეთვე ყოველი ცოცხალი არსი შესდგება ცოცხალ ნაწილთაგან. და მაშასადამე ცოცხალ ნაწილთა შეერთება ყოველთვის ცოცხალ არსსა ჰქმნის, როგორი თავისებურებისაც უნდა იყოს ეს უკანასკნელი.

საზოგადოება კი შესდგება ცოცხალ არსთაგან, ადამიანთაგან, და როგორც უნდა იყოს უცნაური, თავისებური ინდივიდუალობა ბუნებაში ამ არსისა, ანუ ამ „მახინჯი“ ბუნებრივი არსისა, როგორც საზოგადოებას უწოდებს გ. დე-გრეფი, იგი მაინც ცოცხალი არსია, განსხვავებული როგორც მის შემადგენელ ცალკე ინდივიდთაგან, ისე მით უმეტეს ყველა სხვა არსისაგან.

ცოცხალი ნივთიერება დახასიათდება ორგანიზაციით. ცოცხალი რთული არსი კი, როგორც ცხოველი, მცენარე -- ორგანოსანი არსია, ორგანიზმი. არიან მეტისა და ნაკლები სირთულის ორგანიზმები, საზოგადოება. როგორც გაცილებით უფრო რთული მოვლენა, ვიდრე თვით ადამიანის ორგანიზმი, არის მაშასადამე ძლიერ რთული ორგანიზმი, რომ საზოგადოება დახასიათდება ორგანიზაციით, ამას ამტკიცებს თვით ზემოხსენებული განსაზღვრა მისი: ცხოვრება მოწესრიგებაა ერთად მცხოვრებ ცოცხალ ადამიანთა. რომ იგი წარმოადგენს ერთგვარ ორგანიზმს, -- ამას ამტკიცებს ის ფაქტი, რომ მას აქვს თავისი სპეციალური ორგანოები და ფუნქციები, როგორც სხვა ორგანიზმებს აქვს თავიანთი სპეციალური ორგანოები და ფუნქციები; ბუნების გარემოცულ წრეში მრავალფეროვან მოქმედებათა აღსასრულებლად.

ჩვენ აქ არ გვაინტერესებს აგრეთვე სოციალური ორგანიზმის წარმოშობა, გენეზისი მისი თავისებური ორგანიზაციისა, მისი განვითარება და ცვალებადობა, -- ჩვენ გვაინტერესებს მხოლოდ ის ფაქტი, რომ საზოგადოება ორგანიზმი. ამასთანავე უნდა შევნიშნოთ ერთი რამ. ბევრი სოციოლოგი ისე უყურებდა საზოგადოებრივ ორგანიზმს, როგორც უბრალო ცხოველის ორგანიზმს. საზოგადოებას თითქოს ჰქონდა სისხლის ბრუნვის აპპარატები, ნერვების სისტემა, კვების აპპარატები და სხვ. ისე გაიტაცა ამ შედარებამ ეს მეცნიერნი, რომ მათთვის სოციალური ორგანიზმის ფიზიოლოგია და უბრალო ორგანიზმისა ერთი და იგივე გახდა. მათ უკვე ანალოგია კი აღარა ჰქონდა.



სახეში, არამედ იგივეობა სოციალურ და ბიოლოგიურ კანონთა, და ამით მთლად უნდა მოსპობილიყო თვით პრობლემა სოციოლოგიისა, როგორც განსაკუთრებული დისციპლინისა; მართლაც — სოციალური მოვლენა ან განსხვავდება უბრალო ორგანიზულ მოვლენათაგან, ან არ განსხვავდება. თუ განსხვავდება, მაშინ მისი კანონები სხვაანაირია, და აქ ფიზიოლოგია ვერას ვეიშველის, გარდა ანალოგიისა მისსა და სპეციალურ სოციოლოგიურ კანონთა შორის, რომელნიც წინდაწინვე უნდა ასევე აღმოჩენილს, სანამ მათი ნამდვილ ანალოგია შეიძლებოდეს სხვა კანონებთან, თუ არ განსხვავდება, — მაშინ ლაპარაკი აღარ შეიძლება სოციოლოგიაზე და ეს უკანასკნელი უკიდურესს შემთხვევაში გახდება მხოლოდ ნაწილი ბიოლოგიისა და ფსიხოლოგიისა. და არა დამოუკიდებელი დისციპლინა. ზემოხსენებული მეცნიერნი კი სოციოლოგიიდან დამოუკიდებელ დისციპლინას ჰქმნიდნენ და იმავე დროს სპეციალურ საზოგადოებრივ მოვლენებს მზა მეცნიერების, სხვა მეცნიერების, ბიოლოგიის კანონებითა ხსნიდნენ, — მის მაგივრად, რომ უბრალო ანალოგია ეხმარათ ბიოლოგიურ და სოციალურ მოვლენათა შორის, რომ სოციოლოგიურ კანონთა აღმოსაჩენად მხოლოდ დახმარება გაეწია ამ ანალოგიას. ამ წინააღმდეგობამ დააფიქრა სხვა სკოლის სოციოლოგები. საშინლად გაილაშქრნენ ორგანიციისტების წინააღმდეგ, მაგრამ მათი უმთავრესი არგუმენტი იყო იგივე, რასაც ეხლა ვლაპარაკობდით: სოციალური მოვლენა განსაკუთრებული მოვლენაა, იგი არ არის არც მარტო ფიზიოლოგიისა და არც მარტო პსიხოლოგიის საგანი. და თუ სოციალური მოვლენა არ არის განსაკუთრებული, თუ მისი ახსნა შეიძლება ბიოლოგიითა და ფსიხოლოგიით, მაშინ რაღასაჭიროა ლაპარაკი სოციალურ მოვლენებზე, როგორც განსაკუთრებულ მეცნიერების საგანზე — სრულ ჰეშმარიტებას ამბობდნენ ეს სოციოლოგები, მაგრამ ჩვენის ფიქრით ძლიერ გადააჭარბეს თავიანთი კრიტიკა. მათ ისიც კი უარ-ჰყვეს, რომ რაიმე ანალოგია ყოფილიყოს შესაძლებელი ორგანიზმსა და საზოგადოებას შორის. მათ კიდევ უფრო მოიცეს გული, როდესაც შეეცადნენ განესაზღვრათ თვით სოციალური ფაქტი, რაიცა საშუალებას იძლეოდა სოციალური მეცნიერების შექმნისას, რადგანაც ამ ელემენტარული ფაქტის განსაზღვრით სოციოლოგია გაეყრებოდა სხვა მეცნიერებათა და მოიპოვებდა არსებობის ფორმალურ უფლებასა. მაგრამ, ჯერ ერთი, აღმოჩენა და განსაზღვრა ამ ფაქტისა კიდევ ვერ იძლევა სრულსა და მთლიან წარმოდგენას საზოგადოებაზე, — ისე, როგორც ასიმბლიაცია და სხ., დამახასიათებელი ცხოველის სიცოცხლისა, ვერ იძლევა ორგანიზმის წარმოდგენასა, — მეორე კიდევ ის, რომ ანალოგიის შიში უსაფუძვლოა, რადგანაც ამ ანალოგიას ვერ ასცილდება ვერც ერთი მეცნიერი უბრალო სიტყვითა და მოხსენებით მაინც. მართლაც, — ყველა ანტიორგანიციისტიც კი ყოველთვის ხმარობს სიტყვას — სოციალური ორგანიზმი და რას ნიშნავს ეს, თუ არა — ან სოციალურ ორგანიზმის ნამდვილ არსებობას, — ან და სწორედ უბრალო ანალოგიას? ჩვენის აზრით, როდესაც უბრალოდა ხმარობენ ანტიორგანიციისტები ამ სიტყვას — სოციალურ ორგანიზმს, — კიდევ უფრო დიდ შეცდომაში შეჰყავთ მკითხველი, ვინაიდან იგინი არ ამბობენ — რა აზრითა ხმარობენ ამ ტერმინსა, და განუსაზღვრელი ცნება სოციალური ორგანიზმისა უფრო დიდ გამოურქვევლობასა ჰბადებს ჩვენთვის, ვიდრე განსაზღვრული, — როგორც მაგალითად შეფლესი, ლილიენფელდისა, ან ვორმისისა და დე-გრეფისა, ან თუ გინდ თვით სპენსერისაც.

დიახ, თვით ანტიორგანიციონისტებიც ვერ გასცილდებიან სოციალური ორგანიზმის ცნებას, რადგანაც ეს უკანასკნელი -- ჰეშმარიტებაა ჩვენის აზრით, -- და ისინიც თუმცა უარ-პყოფენ, მაგრამ მაინც ბუნდოვანად აღიარებენ ამ ჰეშმარიტებასა მხოლოდ საჭიროა მისი განხილვა სპეციალური თვალსაზრისით.

ეს სპეციალური თვალსაზრისი კი დამყარებულია თვით სოციალური ფაქტის განსაზღვრაზედ, როდესაც სოციალურ ორგანიზმზედ ლაპარაკობენ, ყოველთვის მხედველობაში უნდა ჰქონდესთ ეს სპეციალური თვალსაზრისი, -- სოციალურ ელემენტარულ მოვლენის განსაკუთრებითი ვითარება, -- და მაშინ აღარც ცხოველისა და სოციალურ ორგანიზმთა იგივეობა იქმნება აღიარებული სოციოლოგიაში, აღარ იქმნება მაშასადამე ეს დამღუპველი შეცდომა. და ანალოგიაც მათ შორის წრეს აღარ გადასცილდება, -- იგი შეიქმნება მხოლოდ ანალოგია მეცნიერულ ტერმინთა შორის, და ისიც კიდევ იმდენად, რამდენადაც მოსახერხებელია. სოციალური ორგანიზმის თვისება ცხოველის ორგანიზმის თვისებასთან იგივეობაზედ, ან ანალოგიაზედ კი არ უნდა ააშენონ, არამედ წინაწინვე უნდა იყოს დამტკიცებული, რომ სოციალური მოვლენა განსხვავდება თავისი განსაკუთრებული თვისებით სხვა მოვლენათაგან, მაშასადამე სოციალური ორგანიზმიც განსხვავდება სხვა ორგანიზმთაგან. მხოლოდ ამ ანალიზის შემდეგ არის შესაძლებელი ჰეშმარიტი შეგნება სოციალურ ორგანიზმის თვისებათა. და რომ სოციალური მთელი -- ორგანიზმი, ეს უეჭველია, როგორც არა ვსთქვიით, რადგანაც საზოგადოება რთული რამ ცოცხალი არსია, როგორც შემდგარი ცოცხალ ადამიანთაგან, რომელთა საერთო ცხოვრება მოწესრიგებულია გარეგნულად. საზოგადოება -- ერთგვარი ორგანიზაცია; უმცირეს ცოცხალ არსთა ორგანიზაციაა აგრეთვე მთელი ორგანიზმი რომელიმე ცხოველისა, მაგრამ ამ ორ ორგანიზაციის შორის პრინციპიალური განსხვავებაა. უჩრდილი არის არსი მოკლებული გონებასა, ლოღიკასა, ნებასა და რთულ გრძობათა, მით უმეტეს მიზან-დასახვის ნიქსა, -- ადამიანი კი, სოციალური უჩრდილი, -- ყველა ამ თვისებების მატარებელია. პრინციპი უბრალო ორგანიზმის ორგანიზაციისა სულ სხვაა, სოციალურისა კი სულ სხვა. -- გარეგნული მოწესრიგება მიზნის მქონე ადამიანთა საერთო ცხოვრებისა. რასაკვირველია, მაშასადამე, ორგანიზმებიც -- სოციალური და ცხოველისა -- ყველა ამისდა მიხედვით განირჩევიან ურთი ერთისაგან. სოციალური ორგანიზმი არის სწორედ ორგანიზმი „sui generis“. ძლიერ მევეთრი კრიტიკა უძღვნეს ამ სიტყვას „sui generis“-ს, ამბობდენ რა სამართლიანად, რომ მისი ხმარება უფრო დაუყენება პრობლემისა, ვიდრე მისი გადაწყვეტა, -- საკითხავი სწორედ ის არის, თუ რაში გამოიხატება სოციალური ორგანიზმის ეს „sui generis“-ობა? მაგრამ რაღაი ყოველ ანალიზს წინ უნდა უძღოდეს სწორედ გამორკვევა მთავარი ცნებისა, რაღაი მაგალითად, გამოირკვე, რომ ეს გარეგნული მოწესრიგება არის ელემენტარული საზოგადოებრივი სიცოცხლის დამახასიათებელი ფაქტი, ეს „sui generis“-ობაც განსაზღვრულია და ზემოხსენებული არგუმენტი ორგანიზმის წინააღმდეგ ისპობა. ალფრედ ფულლიემ მიაქცია ამას დიდი ყურადღება, მოახდინა ზემოხსენებული ანალიზი, აღიარა საზოგადოებრივი ფაქტის დამახასიათებლად კონტრაქტი, და ამის თანახმად მან საზოგადოება დასახა, როგორც კონტრაქტუალისტური ორგანიზმი. აგრეთვე გილლიომ დე-გრეფმა განიხილა და გადასწყვიტა ეს პრობლემა ასეთივე დასკვნით, ასეთივე, კიდევ უფრო ღრმა ანალიზი მოახდინა ტარდმა უმთავრესი სოციალური ფაქტისა, წამბაძველობისა, -- და მანაც საზოგადოება თუ მთელს ორგანიზმს არა, მის უმთავრესს ორგანოს, ტერინს ამსგავსა და სხვა.

ჩვენ კი. თანახმად შტამლერისაგან სოციალურ ფაქტის განსაზღვრისა. შევეცდომა ვუწოდოთ საზოგადოებას — ორგანიზმი, გარეგნულად მოწესრიგებულ ცხოვრების მქონე ადამიანთაგან შემდგარი. თუმცა შტამლერი არ ამბობს. წარმოადგენს თუ არა ასეთ რამეს საზოგადოება, მაგრამ იგი ჭერ ერთი ხშირადა ხმარობს „სოციალურ ორგანიზმსა“ — და რა არის მისთვის ეს ორგანიზმი, თუ არა მის მიერვე განსაზღვრულ სოციალურ ფაქტის შესაფერი ორგანიზმი? მეორე. — მას წარმოუდგენია საზოგადოება, როგორც ერთობა ერთისა და მთელის რთულის მოვლენისა. მასა სწამს ერთობა სოციალური ცხოვრებისა.

შტამლერი არასოდეს არ იფიქრებს ამ ერთობას. ამ ერთობის თვალსაზრისით განიხილავს იგი საზოგადოებრივ ცხოვრების მოწესრიგებას, რომლის წიაღშიაც წარმოიშობიან და ვითარდებიან სოციალური მოვლენები და ჩვენც ანალიზის გაადვილებისათვის ვიხმარეთ მხოლოდ ზემოხსენებული კლასიფიკაცია ცალკე სოციალურ მოვლენათა საზოგადოების დამახასიათებელი ფაქტის განსარკვევად. — ისე, როგორც რომელიმე მანქანის ცალკე ნაწილებსა სწავლობენ მთელი მანქანის სტრუქტურაზედ და მოქმედებაზედ მთლიანი წარმოდგენის შემუშავებისათვის. და რას წარმოადგენს ეს ერთი მთელი არსი. თუ არა ორგანიზმს, იმ თავისებურ სოციალურ ორგანიზმს, რომელიც განირჩევა ცხოველის ორგანიზმისაგან — იმ თვალსაზრისთა მიხედვით, რომლებითაც ვუყურებთ ერთი მხრით სოციალური ცხოვრების ელემენტარულ ფაქტსა და მეორე მხრით ცხოველის სიცოცხლის მოვლენის დამახასიათებელ ფაქტსა?

ამის შემდეგ ნათელი უნდა იყოს, თუ რას ნიშნავს „სოციალური ორგანიზმი“. ამ ორ ტერმინში მარტო მეორეს, სიტყვას ორგანიზმს კი არ უნდა მიექცეს ყურადღება, რაიც ჰბადებს მაშინვე ჩვენს აზრში სოციალურ ორგანიზმის ცხოველის ორგანიზმთან იგივეობასა და იწვევს შეცდომას, არამედ განსაკუთრებით პირველ ტერმინს, სიტყვას სოციალურს, რომელიც უკვე საზღვრავს მეორე ტერმინის განსაკუთრებით ხასიათს, თავისებურობას. მაშინ „ორგანიზმი“ საშიში აღარ იქმნება სოციოლოგებისათვის. მაშინ ბიოლოგიისაგან ნასესხები ტერმინები ვეღარ შეიყვანს შეცდომაში ვერავის. ფიზიოლოგია და ანატომია სოციალური ორგანიზმისა, სტრუქტურა, ფუნქცია საზოგადოებისა და სხვ. ისეთივე ნასესხები, მოხერხებული ტერმინები იქმნება, როგორც სოციალური სტატისკა, დინამიკა, ექვილიბრიუმი და სხვა მექანიკისაგან ნასესხები ტერმინები, რომელიც სრულიადაც არ ამტკიცებს იმას, რომ სოციალურ მოვლენათა და მექანიკურ მოვლენათა კანონები ერთი და იგივეა, თუმცა აქაც ბევრი შესცდა, — მაგალითად კერი, ფისკე, ერთის მხრით სპენსერი და სხვანი. იგივე სცდილობდნენ ამაოდ სოციალური მოვლენანი მექანიკის კანონებით აეხსნათ. — სოციოლოგი რენე ვორსსი კი უფრო ზომიერ ტიპის ორგანიკისტია და მას დიდი ღვაწლი მიუძღვის სოციოლოგიისაგან ნასესხებ ტერმინთა განმარტებაში და მეცნიერულად გამოყენებაში.

ამის შემდეგ აგრეთვე ნათელი უნდა იყოს, თუ რა ფასისა არის ანტიორგანიკისტების სიტყვა, — მაშ თუ საზოგადოება კაცზედაც უფრო რთული და ცოცხალი ორგანიზმია, — იგი უნდა აზროვნობდეს, მას ლოლიკა უნდა ჰქონდეს, გრძნობა, ნება და სხვაო. დიახ, ყოველივე ესე მას ექმნებოდა, საზოგადოება, რომ ადამიანსა ჰგვანდეს, მაგრამ ადამიანისა და საზოგადოების „ორგანიზმები“ ურთიერთისაგან განირჩევიან და ამიტომ საზოგადოებას არა აქვს არც ადამიანური ლოლიკა, არც ადამიანური გონება, არც ადამიანური გრძნობა

და არც სხვა რამ. ხოლო მას აქვს თავისი „სოციალური“ შეგნება, ლოლიკა, გონება, გრძობა, ინსტინქტი და სხვა. სხვანი რომ არ მოვიხსენიოთ, ტარდმა ერთი უშესანიშნავესი წიგნი დასწერა, სწორედ „სოციალურ ლოლიკაზედ“...

მაგრამ შეიძლება პირდაპირ გვითხრან, რომ საზოგადოება სრულიად არ არის ორგანიზმი, არამედ სულ სხვა რამ, მაშ რა არის იგი, თუ არა ორგანიზმი? რას წარმოადგენს იგი, როგორც ნამდვილად არსებული, თვალთ საჩინო, ხელით შესახები არსი? — მექანიზმსა? მაგრამ მაშინ ხომ იგი უსულო საგანთაგან უნდა იყოს შემდგარი? საზოგადოება კი ცოცხალ ადამიანთაგან შესდგება. — ჩვენის ფიქრით არ შეიძლება, რომ საზოგადოება არა-ორგანიზმი იყოს. იგი დიახაც ორგანიზმია და ამის დამამტკიცებელი პირდაპირი საბუთებიც არის.

ყოველ საზოგადოებას აქვს თავისი საკუთარი ფუნქციები და ორგანოები. აი იმის დამამტკიცებელი პირდაპირი საბუთი, რომ იგი მართლაც ორგანიზმია.

რაც უფრო განვითარებულია ორგანიზმი, მით უფრო რთული და მრავალი დიფფერენციაცია განუცდია მის ორგანოებსა და ფუნქციებს, მით უფრო რთულია თვით ორგანიზმი, საზოგადოების ზრდა კი ყოველ ექვს გარეშეა; ექვს გარეშეა დიფფერენცია მის ორგანოთა და ფუნქციათა აგრეთვე. — მაშასადამე გართულება საზოგადოებრივი ერთობისა, ორგანიზმისა.

თუ საზოგადოება ადამიანთაგან შემდგარი ცოცხალი არსია, მაშასადამე იგი ძლიერ რთული, ცოცხალი არსი ყოფილა. რადგანაც მისი შემადგენელი ადამიანი, მისი „უჯრედი“, თვით არის ძლიერ რთული ორგანიზმი, რთულ ორგანოთა და ფუნქციათა მქონე. მაშასადამე საზოგადოება თავისთავად ყოფილა ძლიერ რთული ორგანიზმი, რადგანაც რთული ცოცხალი არსი შეიძლება მხოლოდ ორგანიზმი იყოს.

რადგანაც საზოგადოება არის ორგანიზაცია უკვე განვითარებულ, რთულ ორგანიზმთა, — ადამიანთა, — ეს ორგანიზაცია მაშასადამე წარმოადგენს თვით ადამიანთა ელემენტების კომბინაციას, მაშასადამე ადამიანზედ უმაღლესსა და ურთულესს ორგანიზაციას. სახელ-წოდება მისი კი არ ხერხდება, გარდა სუბერ-ორგანიზმისა, როგორც ამბობს სპენსერი, ანუ ჰიპერ-ორგანიზმისა, როგორც ტარდი ერს უწოდებს. — რადგანაც იგი გვიჩვენებს ბუნებაში ადამიანზედ შორს წარსულ განვითარებასა, საზოგადოება მაშასადამე უმაღლესი ორგანიზმია, და, როგორც არა ესტყვით, თავისებური, განსხვავებული ადამიანთა ორგანიზმისაგან, შედეგი ბუნების მოვლენათა ადამიანზედ უფრო შორს წარსულ განვითარებისა.

ჩვენ ზემოდა ვსთქვით, რომ საზოგადოებას აქვს თავისი ორგანოები და ფუნქციები და ეს ამტკიცებს მის ორგანიზმობას. დიახ, ყოველ ორგანიზმსა აქვს თავისი ფუნქციები და ორგანოები, როგორც მდაბალთ, ისე მაღალთ, და იგინი აქვს აგრეთვე სუბერ-ორგანიზმსა და ეს ამტკიცებს მის მსგავსებას ყველა სხვა ორგანიზმთან, — მის ორგანიზმობას.

ფუნქციანი კვებისა და შთამომავლობის განგრძობისა განუყოფელ არიან ცოცხალ ორგანიზმთაგან; მათ აქვსთ ამ ფუნქციათა აღმასრულებელი ორგანონი. ეს ფუნქციანი აგრეთვე განუყოფელ არიან საზოგადოებრივ სუბერ-ორგანიზმისაგან. გარეგნულად მოწესრიგებული საერთო მოქმედება კვებისათვის და შთამომავლობის განგრძობისათვის, — აი უმთავრესი და უპირველესი ფუნქცია საზოგადოებრივი ორგანიზმისა, — მისი ეკონომიური და გენეზიური ფუნქციანი, რომელთაც ასრულებენ სპეციალური ეკონომიური და გენეზიური ორგანოები: გზები, ბანკები, კრედიტი, მრეწველობის და მეურნეობის

ორგანონი, საკუთრება, ოჯახი და სხვა. გარეშე ამგვარი მოწესრიგებული ფუნქციისა კება და განმრავლება არ შეიძლება ჩაითვალოს საზოგადოებრივ ფუნქციებად არამედ ინდივიდუალურად უნდა ჩაითვალოს იგინი, რადგანაც ზემო-ნათქვამიდანა სჩანს, რომ საზოგადოებრივ ფაქტს საერთოდ დაახასიათებს ეს გარეგნული მოწესრიგება.

როგორც უნდა იყოს საზოგადოება, — მარტივი თუ რთული, პირველყოფილი თუ თანამედროვე, — ეს ეკონომიური და გენეზიური ფუნქციანი სრულდებიან საზოგადოების მიერ სპეციალურ ორგანოთა შემწეობით, — რომელნიც არიან ორგანონი ბრუნვისა წარმოებისა და ხმარებისა, ოჯახი და სხვ. როდესაც სოციოლოგები — ორგანიციტები, — ანალოგიით აღარებენ ამ ბრუნვის ორგანოებს ცხოველის ორგანოებს, ე. ი. სისხლის ბრუნვის ორგანოებს, — მათ უფრო შორს მიჰყავსთ ანალოგია და ამგვარად არდგენენ მთელ სოციალურ ფიზიოლოგიას, მაგრამ, როგორც არა ვსთქვით, ეს ხშირად დიდ შეცდომებს იწვევს ხოლმე, და აქ არც გვეინტერესება ამ შეცდომებზედ ლაპარაკის გაგრძობა. ჩვენთვის საჭიროა მხოლოდ ვიცოდეთ, რომ არსებობენ საზოგადოებაში ორგანონი და ფუნქციანი ბრუნვის წარმოებისა ხმარებისა და სხვ რიცხვი იმ აღამიანთა, რომელნიც აღასრულებენ თავიანთ საქმეს ზემოხსენებულ ორგანოთა მოქმედებაში მოყვანით, — ლიტონი რიცხვი, — თავის დღეში ვერ გამოჰხატავს ვერაფერს „სოციალურს“, აღამიანთ მხოლოდ მაშინ აქვსთ სოციალური მოქმედების გამომხატველთა როლი, როდესაც მათი მოქმედება გარეგნულად არის მოწესრიგებული და აღასრულებენ განსაზღვრულ, მოწესრიგებულ, მიზან განზომილ ფუნქციას. აგრეთვე შთამომავლობის განგრძობა თავის-თავად არის მხოლოდ ბიოლოგიური მოვლენა და სოციალური მას არა აქვს რა. რომელიმე ფორმის ოჯახი კი, ე. ი. მოწესრიგებული მოქმედება აღამიანთა, რომელნიც აღასრულებენ შეილთა აღზრდისა და გამოკვების საქმეს, — არის ორგანო საზოგადოებისა, რომელიც აღასრულებს შთამომავლობის განგრძობის ფუნქციასა. საზოგადოებრივ სუპერ-ორგანიზმს აქვს მაშასადამე ეკონომიური და გენეზიური ორგანონი და ფუნქციანი.

იგივე ითქმის დანარჩენ სოციალურ მოვლენებზედაც, იგინი არიან აღსრულებანი საზოგადოებრივ ფუნქციათა განსაკუთრებულ ორგანოთა შემწეობით. ფუნქციანი და ორგანონი არტისტიულნი, ზნეობრივნი, სარწმუნოებისა და მეცნიერებისა, იურიდიულნი და პოლიტიკური, — ესენი ყველანი არსებობენ საზოგადოებრივ სუპერ-ორგანიზმისათვის და წარმოუდგენენ არიან გარეშე გარეგნულად მოწესრიგებულ საერთო მოქმედებისა. არტისტი გარეშე თეატრ-საზოგადოებრივ სუპერ-ორგანიზმისათვის და წარმოუდგენენ არიან გარეშე, იმ იარაღთა, რომლის გაკეთებაში მონაწილეობა მიუღია სხვა სოციალურ ორგანოებს და ურომლისოდაც იგი ცხოველ სულს ვერ ჩაუდგამს უსულო ნივთიერებათა გროვას, გარეშე არსებულ ზნე-ჩვეულებათა. რწმენათა, მისწრაფებათა და სხვ. — ფანტაზიაა. მღვდელი და ქურუმი გარეშე კულტისა და ექლესიისა, დოგმათა, სამლოცველოთა და სხვ. — არ არსებობს. მეცნიერი გარეშე ლაბორატორიათა, წიგნისა, წიგნ-საცავთა, უნივერსიტეტთა და აკადემიათა და სხვ. — წარმოუდგენელია. მსაჯულთა ჯგუფი დუქანში ან მალაზიაში მხოლოდ მოლაზნანდარე ღროს გამტარებელია, ან და უბრალო მომხმარებელთა ეკონომიურ როლს თამაშობს, ლაქია და მიკიტანი კი განსაკუთრებულ სოციალურ ფუნქციას ასრულებენ; ხოლო მსაჯულოში ეს მსაჯულები დიდ სოციალურ როლს ასრულებენ შესაფერ ორგანოთა შემწეობით. პოლიტიკის ორგანოთა

ფუნქცია ხომ კიდევ უფრო თვალსაჩინოდ სრულდება შესაფერ ორგანოთა შემწეობით. ეს ისე ცხადია, რომ თვით საშუალო ადამიანებმაც კი იციან სახელწოდება „ორგანო“, რომლითაც იგინი იხსენიებენ „საკანონმდებლო“, „აღმასრულებელ“ და სხვა სოციალურ დაწესებულებათა.

მაშასადამე საზოგადოებრივ სუბერ-ორგანიზმს აქვს თავისი განსაკუთრებული სოციალური ორგანონი და ფუნქციანი, რომელნიც ისე განირჩევიან ცხოველის ორგანიზმის ორგანოთაგან და ფუნქციათაგან, როგორც ცხოველის სიცოცხლის ძირითადი ფაქტი განირჩევა სოციალურ ძირითად ფაქტისაგან. ეს ორგანონი და ფუნქციანი ეთანხმებიან ზემოდ-ჩამოთვლილ განსაზღვრულ რიცხვის სოციალურ მოვლენათა.

სუმმა თვითოეულ სოციალური ფუნქციის ორგანოთა წარმოადგენს ამ ორგანოთა აპარატს, თუ გნებავთ ერთს ორგანიზმს, რომელსაც აქვს თავისი განსაკუთრებული ფუნქცია. მაგალითად ეკონომიური ორგანიზმი საზოგადოებაში შესდგება ყველა ორგანოთაგან, რომელნიც ეკონომიურ ფუნქციებს ასრულებენ. ყველა აპარატთა სუმმა კი წარმოადგენს მთელს სუბერ-ორგანიზმს: ამასთანავე ეს ცალკე ფუნქციანი ისე არიან ერთმანეთზედ გადახლართულნი, — მაგალითად ეკონომიური და იურიდიული, რელიგიური და მეცნიერული, პოლიტიკური და იურიდიული, ეკონომიური და გენეზიური და სხვანი, რომ ერთი ორგანოს მიერ თავისი საკუთარი ფუნქციის აღსრულება იწვევს სხვათა მოქმედებას; ყველა ამ ფუნქციათაგან სდგება მრავალი კომბინაცია სოციალურ მოვლენათა, და ერთობ სოციალური ცხოვრება დაუსრულებრივ რთულდება. მაგალითები შორს წაგვიყვანდა, და არც არის საჭირო. ყველას შეუძლია წარმოიდგინოს რომელიმე უბრალო მაგალითით ერთი სოციალური ფუნქციისაგან მეორის, მესამის და მრავალ ფუნქციის გამოწვევა, შემდეგ მათ შორის რეაქცია, მუდმივი ბრუნვა საზოგადოებრივ მორევში ადამიანთა მრავალფეროვან მოქმედებისა, უაღრესი სირთულე სოციალური ცხოვრებისა, განსაკუთრებით მაშინ, როდესაც საზოგადოებრივი ცხოვრება სდულს და გადმოდის.

ერთი სიტყვით, — საზოგადოება, ექვი არ არის, ორგანიზმია, სუბერ-ორგანიზმია. მას აქვს თავისი ფუნქციები და ორგანოები. ანალოგია უბრალო ორგანიზმთა და სუბერ-ორგანიზმთა შორის, დიდი, ფართო და ღრმა შეიძლება რომ იყოს, მაგრამ არა ისეთი, როგორსაც ზემოდ-დასახელებულნი ავტორნი ხმარობენ. რასაკვირველია, სუბერ-ორგანიზმი და ორგანიზმი ერთი და იგივე არ არის. მათ შორის დიდი, ღრმა, ძირითადი განსხვავებაა. მაგალითად, ორგანიზმი შესდგება ცოცხალ უჯრედთაგან, რომელთაც არა აქვსთ არც რთული ორგანიზმის ნება, შეგნება, ლოლიკა, მისწრაფება და სხვა, მეტადრე არც ადამიანისა. საზოგადოება კი შესდგება სრულ, განვითარებულ ადამიანთა ორგანიზმთაგან, რომელთაც აქვსთ ზემოხსენებულნი თვისებანი. ძირითადი მოვლენა საზოგადოებრივობისა არის გარეგანი მოწესრიგება საერთო ცხოვრებისა, ან კონტრაქტი, — როგორც სხვანი ამბობენ, — მაშინ როდესაც უჯრედთა შორის ასეთ მოვლენას ადგილი არა აქვს. მაგრამ როგორიც უნდა იყოს ხასიათი სუბერ-ორგანიზმისა, იგი მანც ორგანიზმია მიუხედავად მისი უმაღლესი ხარისხისა და თავისებურებისა. პრინციპი მის ცხოვრებისა არის გარეგნული მოწესრიგება ან თუ კონტრაქტია სოციალობის ძირითადი ფაქტი, როგორც ეს განმარტეს მაგ. გ. დე-გრეფმა, ფულლიემ, ვორმსმა (თუმცა ეს უკანასკნელი საზოგადოების ორგანიულ თეორიას აღიარებს, კონტრაქტს კი სავსებით არ ეთანხმება) და სხვათა, ჩვენ შეგვიძლია აგრეთვე მივიღოთ ტერმინი კონტრაქტუალისტუ-

რი ორგანიზმი, — სახელწოდება, რომელიც ფულსიემ მისცა საზოგადოებას. მას სურდა შეერივებინა წმინდა ორგანიციზმი და წმინდა კონტრაქტუალიზმი, და ამიტომ შექმნა მან სინტეზი ამ ორი მოძღვრებისა, ჩადგანაც იგი ამ ორივე მოძღვრებაში ზედავდა ქეშმარიტებასა, თუმცა სავესებით არც ერთს არ ეთანხმება. და მართლაც — კონტრაქტი საზოგადოებაში რამდენიმედ ნამდვილი მოვლენაა, — თუმცა არა ლუკრეციუსისა და რუსსოსი, (ეს ნათელ-ჰყო ივ-რეთვე იტალიელმა სოციოლოგმა ფრაგაპანემ თავის „კონტრაქტუალიზმი და თანამედროვე სოციოლოგია“-ში), და სოციალური ორგანიზმიც ნამდვილი მოვლენაა, თუმცა არა სპენსერისა, შეფლესი, ლილიენფელდისა და სხვათა.

მაგრამ გარდა იმისა, რომ საზოგადოება, როგორც ერთი მთელი რამ. არის ორგანიზმი, რომლის ცხოვრების პრინციპი არის გარეგნული მოწესრიგება ადამიანთა საერთო მოქმედებისა, — ორგანიზმი, რომელსაც აქვს თავისი საკუთარი ორგანოები და ფუნქციები, — მას კიდევ აქვს ბევრი რამ მსგავსი ორგანიზმისა, რაიცა ნებას გვაძლევს ანალოგია განვაველოთ სუპერ-ორგანიზმსა და უბრალო ორგანიზმს შორის: საზოგადოებას შეუძლია მემკვიდრეობით გადასცეს თავისი თვისებანი თავის შთამომავლობას, — მომავალ საზოგადოებას. პსიხოლოგიური მემკვიდრეობა არსებობს საზოგადოებაში ისე, როგორც ინდივიდთა შორის. საზოგადოებას აქვს თავისი ცნობიერება. თავისი პსიხოლოგია, იგი განირჩევა ინდივიდუალურ პსიხოლოგიისაგან, ინდივიდუალურ შეგნებისაგან. არსებობს სოციალური ლოლიკა, რომლითაც მრავალი სოციალური მოვლენა მართლდება, გაუმართლებელი ინდივიდუალური ლოლიკითა. (იხ. ტარდი, La Log. Soc.) ერთს საზოგადოებას შეუძლია შეითვისოს მეორე და შთანთქას იგი, ანუ შექმნას ახალი ტიპი. იგი ემორჩილება ინდივიდებსავეთ წაბაძვის კანონებსა, შეუძლია კარგიც გადმოიღოს სხვა საზოგადოებათაგან და ცუდიც. მას შეუძლია „შეას შეიღები“. მაგალითად კოლონიზაციით, როგორც ამბობს რენე ვორმსი. მას შეუძლია მოსპოს მეორე საზოგადოება სრულიად. შეუძლია აღმაღლდეს მისი გავლენითა, ან სრულიად დაეცეს თვითონვე და მოისპოს. მას აქვს თავისი რთული პათოლოგია, — მას შეუძლია სხვა ავადმყოფობათა გარდა სრული გადაშენება, დეგენერაცია. საზოგადოებას აქვს თავისი ევოლუცია, თავისი განვითარების კანონები. საზოგადოებას შეუძლია შექმნა სხვა საზოგადოებებთან — საერთო საზოგადოებისა, „საზოგადოებათა საზოგადოებისა“, რომელზედაც შემდეგ ვილაპარაკებთ. — და ასე დაუსრულებლივ შეგვიძლია განვაგრძოთ ეს ანალოგია, — მხოლოდ ერთი პირობით. — არასოდეს არ უნდა დაგვავიწყდეს ის სპეციალური, ძირითადი საზოგადოებრივი ფაქტის თვალთახედვა, რომლითაც ვიხილავთ საზოგადოებრივ ორგანიზმსა. მხოლოდ ამ შემთხვევაში შეგვიძლია შეცდომაში არ შევიდეთ და არ აუჩიოთ ერთმანეთში შეგნება საზოგადოებისა და ინდივიდისა, ან „განმრავლება“, ან სხვა რამ ასეთი, მაგრამ არც ეს არის საგანი ჩვენი დაწვრილებითი მსჯელობისა.

აღვნიშნოთ მხოლოდ, რომ საზოგადოება თავისებური ცოცხალი არსია. შეიძლება რაღაც მახინჯი, საშინელი და უცნაური, მაგრამ მაინც ცოცხალი არსა. თავისებური და ორიგინალური, რთული და ცვალებადი, გონიერი და ვნებიანა. აღფრთოვანებისა და სასოწარკვეთილების ნიქის მქონე, მებრძოლი, პროგრესისის ნიქის მქონე და აგრეთვე დეგენერაციის ნიქისა, — ხან გამარჯვებული და დღე-გრძელი, ხან დამარცხებული და მსწრაფლ გარდამავალი, როგორც ყოველი ცოცხალი არსი ჩვენ ბედ-შავ დედა-მიწაზედ.

ჩვენის ფიქრით ასეთი მთლიანი წარმოდგენა უნდა ვიქონიოთ საზოგადო-

ებზედ, რომ ადამიანთა ისტორიის და ბედ-იღბლის რამე გავიგოთ. ჩაეხედეთ ჩვენს ცხოვრებასა ჩვენს ირგვლივ და ჩვენ შორის, წარსულში, აწმყოში და მომავალში, დროში და სივრცეში.

დასასრულ, ჩვენ შეგვიძლია შემდეგი საესებითი განსაზღვრა დავუდგათ საზოგადოებას:

საზოგადოება არის ორგანიზმი, ანუ სუპერ-ორგანიზმი, შემდგარი მიზან-დახაზვის ნიჭის მქონე ადამიანთაგან, რომელთა გარეგნულად მოწესრიგებული საერთო მოქმედება აკმაყოფილებს ამ ორგანიზმის ყველა მოთხოვნილებას იმ სპეციალურ ორგანოთა საშუალებით, რომელნიც აქვს ყოველ ხუპერ-ორგანიზმს განსაზღვრულ ფუნქციათა აღსასრულებლად.

აი ეს საესებითი ცნება ავიღოთ საზოგადოებისა. ეს არის გარკვეული სოციალური საზომი და მითიცი ვიხელმძღვანელოთ ერისა და კაცობრიობის განხილვის დროს სოციოლოგიური მხრით. არის თუ არა საზოგადოებრივი შინა-არსი ერთში და მეორეში? როგორი ტენდენცია აქვსთ ამ მხრით ერსა და კაცობრიობასა? როგორი უნდა იყოს სოციოლოგიური დაფასება ჩვენ მიერ კაცობრიობისა და ერისა? რას წარმოადგენს ამ მხრით საქართველოს ერი? როგორი უნდა იყოს ამ ანალიზის შემდეგ იდეალური და პრაქტიკული დასკვნა?— აი ჩვენი საგანი, რომლის გამოკვლევაშიაც ზემოხსენებული განმარტება „სოციოლოგიის ცნებისა“ ძლიერ დაგვეხმარება.

საზოგადოება ჩვენ მხოლოდ დავახასიათეთ, უბრალო განსაზღვრა დავუდეთ მას, რომ გასაღები გვექონოდა ზემოხსენებულ ცნებათა — კაცობრიობისა და ერის სოციალურ გარკვევისათვისა და დაფასებისათვის. ჩვენი მიზანი არც საზოგადოების წარმოშობის აღწერა იყო, არც მისი განვითარების ისტორია და არც სხვა რამ. ჩვენ ავიღეთ საზოგადოება, როგორც არსებული ფაქტი, და შტამლერისა, დე გრეფისა, სპენსერისა, ფულლიესა, ვორმისა, შეფლესი, გუმპლოვიჩისა, ტარდისა და ბევრ სხვათა დახმარებითა და აგრეთვე კრიტიკით შევეცადეთ განგვესაზღვრა საზოგადოება და გვენახა საერთო სოციალური საზომი კაცობრიობისა და ერისათვის, რაიცა მხოლოდ მიგვაჩნდა აქ საჭიროდ. ჩვენ არც იმას ვამბობთ, რომ მხოლოდ ეს განსაზღვრაა ქეშმარიტი და უტყუარი, — შეიძლება ათასჯერ უკეთესნიც იყვნენ. მაგრამ ჩვენ ეს მიგვაჩნია საუკეთესოდ და ვამბობთ ამასთანავე: — ესტქვით რომ ეს განსაზღვრა საზოგადოებისა ქეშმარიტია, — როგორი იქმნება მაშინ სოციალური თვალთა-ხედვით ერი და კაცობრიობა? ჩვენა გვეგონია, რომ მაშინ ერი არსებობს სოციალურად, კაცობრიობა კი არ არსებობს. ამიტომაც, როდესაც ერსა სწირავენ ხოლმე ვითომც და არსებულ კაცობრიობის სამსხვერპლზედ, — ამით უზნეო იდეალს ისახვენ. სინამდვილის, ცოცხალი არსის მსხვერპლად შეწირვა ფიქციის საკურთხეველზედ — ბარბაროსობაა, გაუგებრობა და გონების დახშობა მათი მხრით, ვინაც თავის დღეში არ უფიქრიათ ასეთ საგნებზედ და მხოლოდ კაცობრიობის ლამაზი და დიადი სიტყვით მოხიბლულნი ბარბაროსობა და კაცი-ჰამიობას ქადაგებენ ხალხთა შორის უმადლეს იდეალთა სახელითა.

## თავი მეორე

### არსებობს თუ არა კაცობრიობა და როგორ?

ექვი არ არის, რომ არსებობს ადამიანის სახე. იგი წარმომდგარია სხვა ცხოველის საგნისაგან, მას განუვლია გზა განსაზღვრული ევოლუციისა, ადამიანი ამასთანავე საერთოდ საზოგადოებრივი არსია და სხვა. მაგრამ ყოველივე ეს



დაახასიათებს ადამიანის სახეს, როგორც ცხოველის ერთ სახეს, ვინაიდან ადამიანიც ერთგვარი, თავისებური ცხოველია. ყოველივე ამით ჩვენ ვიცით მხოლოდ, რომ ადამიანი არსებობს, როგორც Homo Sapiens, და სხვა არაფერი. კაცობრიობაც ამ მხრით ჩვენთვის მხოლოდ ყველა არსებულ ადამიანთა საერთო რიცხვია. ამ მხრით კაცობრიობას არავითარი სოციალური არსება არა აქვს, ვინაიდან რიცხვი ინდივიდებისა ვერა ჰქმნის სოციალობასა. რასაკვირველია, თუ არსებობს ცალკე ადამიანი, თუ არსებობენ ცალკე ადამიანები, მათი საერთო რიცხვის არსებობაც სინამდვილეა, — ამ მხრით მაშასადამე კაცობრიობაც არსებობს, მაგრამ ამგვარადვე არსებობენ მაიმუნები, ლომები, არწივები, არსებობს მათი საერთო რიცხვი, არსებობს ამ ცხოველთა სახე, როგორც ყველა სხვა ცხოველთა, მაგრამ ეს ვერც იქა ჰქმნის ვერავითარ სოციალურ მოვლენას. და თუ ასეთი თვალსაზრისით განვიხილავთ კაცობრიობას, ვერასოდეს ვერ გამოვალთ ბიოლოგიურ და ანთროპოლოგიურ კვლევათა წრიდან, რადგანაც ადამიანი, როგორც Homo Sapiens, ამ მეცნიერებათა საგანია, და არა იმ მეცნიერებისა, რომელიც იკვლევს სოციალობის განსაკუთრებულ მოვლენათა ხასიათსა, სოციალურ პროცესს, — იგი არ არის საგანი სოციოლოგიის მეცნიერებისა.

ჩვენა ვსთქვით, რომ სოციალური ფაქტი არის გარეგნულად მოწესრიგებული საერთო ცხოვრება ადამიანთა. ყოველი საერთო ცხოვრება ადამიანთა, გარეგნულად მოწესრიგებული და ამასთანავე ხანგრძლივი საერთო ცხოვრება. არის ნამდვილი სოციალური ცხოვრება. ხოლო მთელი კაცობრიობა რომ ავიღოთ, მთელი რიცხვი ადამიანთა, ე. ი. ერთ მილიარდ ნახევარი კაცი, რაიცა შეადგენს ერთი ადამიანის სახეს, Homo Sapiens-ს, ნათლად დავინახავთ პირველივე შეხედვით, რომ იგი არ ატარებს არავითარ სოციალურ შინაარსსა, რადგანაც ამ ერთ მილიარდ ნახევარ ადამიანს არა აქვს გარეგნულად მოწესრიგებული საერთო ცხოვრება, იგი არ წარმოადგენს ერთ სოციალურ სუპერ-ორგანიზმს თავის ორგანოებითა და ფუნქციებით მთელი კაცობრიობის ყველა მოთხოვნილებათა მიზან-შეწონილ დასაკმაყოფილებლად, უამისოდ კი სოციალური ორგანიზმი არ არსებობს. დიახ, კაცობრიობა არ არის საზოგადოება, და ამის დამტკიცება ძნელი არ არის, თუ ზემოხსენებული მსჯელობით ვისარგებლებთ.

ენა, — აი რა არის უპირველესი და უსაჩინოესი გამოხატულება გარეგნულად მოწესრიგებულ ერთად მცხოვრებ ადამიანთა შორის განწყობილებათა. ჩვენ არ გვაინტერესებს აქ ენის წარმოშობისა და განვითარების ისტორია, ან მრავალ არსებულ ენათა გაჩენის თეორია. ჩვენთვის სულ ერთია ერთი ძირითადი ენისაგან წარმოსდგა ყველა არსებული ენა, თუ სხვა და სხვა ენები ადამიანთა სხვა და სხვა წრეებში ჩაისახა, სხვა და სხვა დროს, სხვა და სხვა ადგილას. ჩვენ გვაინტერესებს აქ ენა, როგორც არსებული ფაქტი, არსებული სოციალური მოვლენა საზოგადოდ. ენა ერთგვარი გარეგნულად მოწესრიგებული კავშირია ადამიანთა შორის. იგი მოწესრიგებაა ჯერ უბრალო ხმათა, რომელნიც გამოჰხატავენ ადამიანთა წრეში ურთი-ერთისათვის გასაგებ ხმოვან ნიშნებსა სხეულის სხვა და სხვა ასოთა და სახის მოძრაობასთან ერთად, შემდეგ იგი ხდება მოწესრიგებად სიტყვათა, რომელნიც წარმოსდგნენ ამ ხმათაგან, და რომელთაგანაც შემდეგ განვითარდნენ წინადადებანი, რთული სიტყვიერება. ამ განვითარებულ სიტყვათა და წინადადებათა შემწეობით იხატებიან ადამიანთა ცნებანი, რთულნი აზრნი, სურვილთა გამოთქმანი, მთელი ლო-

ლიკური მსჯელობა და დასკვნანი ისე. რომ ეს წესები გამოთქმისა ყველას ესმის გამოუცლისად. ყველას აქვს შეთვისებული და შესწავლილი. უამისოდ კაც-შირი ინდივიდთა შორის სუსტი და ბუნდოვანი იქმნებოდა. კაცობრიობაჲ. ე. ო. ერთ მილიარდ ნახევარ ადამიანს კი ეს უპირველესი მოწესრიგება არა აქვს, იგი არ ემორჩილება ერთ რომელიმე წესს გამოთქმისას. ფაქტია, რომ უნივერსალური, საკაცობრიო ენა არ არსებობს, კაცობრიობის მრავალ ნაწილთაგან ერთს არა ესმის რა სრულიად მეორისა. თუ სპეციალურად არ შეისწავლა ერთმა მეორის ენა, არამედ არსებობს მრავალი ენა ადამიანთა შორის.

ერთი ენით მოლაპარაკე ხალხს მეორესი არა ესმის რა. როგორც არა ესთქვიტ. უცხო ენის შესწავლა კი საზოგადოდ ძლიერ ძნელია, განსაკუთრებ-ბით თუ ადამიანი ადგილობრივ არა სწავლობს რომელიმე ენას. შეუძლებე-ლია მეტადრე. რომ ერთი ენის მცოდნე ადამიანმა ყველა სხვა ენა შეისწავლოს. რაოდენობა შესწავლილ ენათა ერთი ადამიანის მიერ. რაც თუ გინდ ბუმბერა-ზული ნიკის პატრონიც იყოს იგი, ძლიერ და ძლიერ შეზღუდულია, მით უფრო ძნელია და შეუძლებელი უცხო ენის შესწავლა მთელი საზოგადოების მიერ, ამ შემთხვევაში მხოლოდ ერთი ენა კერება, საზოგადოება კარავას. თავის ორიგინალობასა და სხვა საზოგადოებაში ითქვიფება. კიდევაც რომ შესაძლებელი იყოს პოლიგლოტობა ერთისათვის, ანუ ყველასათვის, — ერ-თის მიერ ან ყველას მიერ ყველა ენათა ცოდნაც კიდევ არ ნიშნავს სა-ზოგადოდ ენათა მრავალფეროვნების მოსპობასა და უნივერსალური ენის არსებობას, ვინაიდან მხოლოდ ეს უკანასკნელი მოასწავებს მთელი კაცობ-რიობის გარეგნულ, სოციალურ მოწესრიგებას სიტყვიერ გამოთქმის მხრით. აგრეთვე ყოველივე ედა უნივერსალური ენის შექმნისა ამაო იყო და არის, რადგანაც ხალხთა რიცხვი, რომლის მხოლოდ მინიმალურ ნაწილს შეუძლია თავის მხრით ამ ახალი საერთო ენის შესწავლა და ხმარება, ძლიერ მცირეა თავისთავად, და ეინ იცის რამდენი ხანი გაიელის, სანამ ეს რიცხვი მთელ სა-ხეს Homo Sapiens-ისას წარმოადგენდეს. კიდევაც რომ მოსახერხებელი იყოს ასეთი ენის გამოგონება, როგორც მაგალითად ესპერანტოს გამოგონება სცა-დეს, — გარდა იმისა. რომ ესპერანტოს მსგავსი ენა ჯერ სრულიადაც არ არის კაცობრიობის მთელი სიტყვიერ მოწესრიგების სრული გამომხატველი, არამედ უფრო ხალხთა შორის ურთი-ერთის გაგების გამაადვილებელი საშუალება, — მისი განვითარებული სახით არსებობაც კი ვერა სპობს ენათა მრავალფეროვა-ნებასა და მათ ცალკე ხალხთადმი სულიერ ღრმა კუთვნილებასა. უამისოდ კი ენა ვერ იქმნება ნამდვილი საკაცობრიო ენა. განვითარებული ესპერანტი უფრო ერთ ზედ-მეტ ენას შექმნის, ვიდრე ენათა რიცხვს შეამცირებს და მოსპობს. ესევე ითქმის მათემატიკურ ენის შესახებაც. ჯერ ერთი. — ყოვლად შეუძლებელია შეითვისოს ეს ენა იმ აუარებელმა ხალხმა, სადაც ამისათვის საჭირო ხარისხი ცივილიზაციისა არ არსებობს, სადაც არ არის ამისათვის სა-ჭირო სპეციალური ორგანოები რთულ მეცნიერებისა, რომელიც არ მოიპო-ვება საერთოდ მთელ კაცობრიობაში. ზულუსებისა და ბოტოკუდების სამე-ცნიერო აკადემიები არავის არა სმენია, მათ მსგავსთა რიცხვი კი მრავალია დედამიწის ზურგზე, მეორე, — თვით მათემატიკოსთა რიცხვი, რომელსაც შეუძლიან ამ ენით „ლაპარაკი“, უმაღლეს კულტუროსან ქვეყნებშიაც კი ძლიერ მცირეა. მესამე, — კიდევაც რომ შესაძლებელი იყოს საკაცობრიო მათემატიკური ენის შექმნა და გავრცელება მთელ კაცობრიობაში, ეს იმპ-

დაამტკიცებს მხოლოდ, რომ კაცობრიობა გამათემპტიკოსდა. რაიცა შეუძლებელია. — ან იმას, რომ კაცობრიობაში ბევრი მათემპტიკოსია, რაიცა თავისთავად არაფერს არ ამტკიცებს.

მათემპტიკური ენა გამოჰხატავს მხოლოდ ერთ მცირე ნაწილს ადამიანთა მსჯელობისას, იგი ეკუთვნის ერთ სპეციალურ მეცნიერებას ადამიანის გონების მიერ შექმნილს. იგი საერთო გამოთქმათა მხრით სრულიადაც არ არის ენა: იგი არა თუ კაცობრიობას ვერ ემსახურება. — ვერ ემსახურება ვერც ერთ ხალხს, ვერც თვით მათემპტიკოსებს. გარდა, იმ სპეციალურ მეცნიერების ძლიერ შეზღუდულ დარგისა, რომელსაც ეწოდება რიცხვთ მეტყველება, გეომეტრია და სხვა, — მათემპტიკური მეცნიერება. გარდა ამისა მათემპტიკას, მართალია იყენებენ სხვა რთულ მოვლენათა განწყობილებათა სისწორის გამოსახატავად: მაგრამ აქაც ყოვლად შეუძლებელია ყველა მეცნიერებამ მათემპტიკურ თანასწორობათა სისტემით გამოჰხატოს ყველა თავისი კანონი. ითვით მეცნიერება კი, თუ გინდ ყველა მეცნიერება, მხოლოდ ერთი მცირე ნაწილია ადამიანის სოციალური ცხოვრებისა. მით უფრო მცირეა ერთი მეცნიერება, — მათემპტიკა, და ის ნაწილი სხვა მეცნიერებათა, სადაც მათემპტიკური თანასწორობანი ჰხატავენ მოვლენათა განწყობილებასა. ენამ კი ყოველმხრივ კავშირი ადამიანთა შორის უნდა განამტკიცოს თავისი უმრავალფეროვანეს გამოთქმითა: წარმოიდგინეთ, რომ მათემპტიკოსმა მათემპტიკური ენის მეტა არა იცოდეს რა, ან ყველას რომ შეეძლოს თავიდან ბოლომდე მათემპტიკურად მოყოლა მცირე, უბრალო და ყოველდღიური ამბისაც კი. პირველ შემთხვევაში ჩვენ გვეყოლებოდნენ უცნაური, თითქმის მუნჯი მეტყველები, მეორე შემთხვევაში საუკუნო მოლაქლაქე ადამიანის ტიპი, რომელიც ვერასოდეს ვერ გაათავებდა უბრალო ამბავსა, ერთიც და მეორეც აბსურდია:

მაშასადამე, ენის მხრით, ამ უპირველეს გარეგნულ მოწესრიგების მხრით, კაცობრიობა არ არსებობს სოციალურად.

რომ ავიღოთ ეხლა ზემოხსენებულნი სოციალურნი მოვლენანი და განვიხილოთ იგინი დე-გრეფის კლასიფიკაციის მახედვით — რომელსაც ცალკეად რენე ვორმსიცი ეთანხმება, — ამ მხრეც კაცობრიობის სოციალური არსებობა არ არის ჭეშმარიტება.

კაცობრიობის ეკონომიური ცხოვრება ერთ მთელ მოწესრიგებულ საერთო სამეურნეო მოქმედებას არ წარმოადგენს. კაცობრიობა არ არის სუპერორგანიზმი თავისი საკუთარი ეკონომიური ორგანოებით და ფუნქციებით — ბრუნვის, ხმარებისა და წარმოების ფუნქციებით. რასაც ჩვენ, მაგალითად, ვეძახით მსოფლიო ბაზარს, სრულიადაც არ არის მსოფლიო ბაზარი. ამ „მსოფლიო“ ბაზარზედ ებრძვიან, კონკურენციას უწევენ ერთმანეთს, ხელ-შეკრულებასა სდებენ ერთმანეთთან სხვა და სხვა ნაწილნი კაცობრიობისა, რომელთაგან თვითოეულს შინა აქვს თავისი საკუთარი მოწესრიგებული სოციალური ცხოვრება. რიცხვი ამ ნაწილთა აგრეთვე არ უდრის მთელ კაცობრიობას. აუარებელი ნაწილი ამ უკანასკნელისა რჩება ამ ბაზრის გარეშე, ან მისი მონაა, საექსპლოატაციო საგანი. ასე რომ, მხოლოდ ერთი ნაწილი კაცობრიობისა იღებს მონაწილეობას ბრუნვაში, აგრეთვე გასასყიდად გამოტანილი საქონელი სულ სხვა და სხვა მოწესრიგებულ სოციალურ წრეში მზადდება. სანა: „მსოფლიო ბაზარზედ გამოვიდოდეს. სიმდიდრის ხმარების მხრით ჩვენ კიდევ უფრო დიდ განსხვავებასა ვხედავთ ხალხთა შორის. მთელი კაცობრიობისათვის ჩვენ ვერავითარ საერთო მოწესრიგებას ვერა ვხედავთ ვერც ამ მხრით. აგრეთ-

კე საკუთრება, ეს უპირველესი ორგანო ხმარებისა. სულ სხვა და სხვა ფორმისა ყოფილა, არის და შეიძლება მომავალშიაც იქმნეს კაცობრიობის სხვა და სხვა ნაწილებში. წარმოება, როგორც უფრო რთული და სპეციალური ფუნქცია ეკონომიურ ორგანოთა, კიდევ უფრო გაუზრბის საერთო მოწესრიგებას მთელ კაცობრიობაში. აგრეთვე, თუ სადმე, რომელიმე ქვეყანაში კაპიტალისტური წარმოება დამკვიდრდა და ამით იგი სხვა ქვეყნებს დაემსგავსა. ეს დიდ მითქმა-მოთქმას იწვევს ხოლმე როგორც იმ ქვეყანაში, სადაც უკვე დარწმუნდნენ თვალ საჩინოდ ახალ ეკონომიურ მოვლენის აღმოცენებაში, ისე სხვა ხალხთა შორისაც.

საერთოდ ეკონომიურნი მოვლენანი იბადებიან გარეგნულად მოწესრიგებულ ცხოვრების სფეროში. ეს უქანასკნელი კი კაცობრიობას არ ევლბა ირგვლივ. არამედ მრავალია კაცობრიობაში აღამიანთა ისეთი მოწესრიგებული კავშირი, სადაც იბადებიან საერთოდ ეკონომიურნი მოვლენანი. და თუ ბრუნვის დროს ერთი სოციალური ორგანიზმი მეორეს შეხედება ხოლმე მაგალითად მსოფლიო ბაზარზედა, და მასთან რაიმე დამოკიდებულება აქვს, ეს შეხვედრაც აგრეთვე ყოველთვის სპეციალურად არის მოწესრიგებული, რადგანაც კონტრაქტი, მორიგება სავაჭრო და სამრეწველო შეიძლება მოხდეს მხოლოდ ორ ან მეტ დამოუკიდებელ. უკვე მოწესრიგებულ საზოგადოებას შორის, როგორც სამართლის თავისუფალ პირთა შორის. კონტრაქტი. თუნც მსოფლიო ბაზარზედაც, გულისხმობს უკვე არსებულ. სხვა და სხვა. ცალკე-დამოუკიდებელ საზოგადოებათა. ეს სწორედ იმას ამტკიცებს, რომ ცალკე აღამიანთა ჯგუფებს აქვთ თავიანთი. ცალკე სოციალური ორგანიზმები. ეს კი წინააღმდეგია კაცობრიობის ორგანიზმობისა. კაცობრიობა რომ ერთი სოციალური ორგანიზმი იყოს, მაშინ აღარც კი იქმნებოდა სხვა და სხვა „ხალხთა“ კონკურენცია, აღარ იქმნებოდა ომი „სახელმწიფოთა“ შორის ბაზრების მოსაპოვებლად და სხვა. ვინაიდან კონკურენცია, ომი ორ პირისპირ მდგომ ურთიერთისაგან რითიმე განსხვავებულ ინდივიდს შეუძლია და თუ ეს ხალხნი, ეს სახელმწიფონი, რომელნიც კაცობრიობაში არიან მოთავსებულნი. იბრძვიან და მეტოქეობას უწევენ ერთმანეთს, სჩანს მათ ჰქონიათ სოციალური შინა-არსი და არა კაცობრიობას. კაცობრიობა რომ ერთი სოციალური ორგანიზმი იყოს, მაშინ ეს ელემენტები კი აღარ შეებრძოლებოდნენ ერთმანეთს, არამედ აღამიანები, ან კლასები,—ეს უქანასკნელნი კი ცალკე საზოგადოებებში არსებობენ და მათი ბრძოლაც განსაზღვრულ სოციალურ მოწესრიგების ნიშნად ადგაზედ არის აღმოცენებული.

კაცობრიობას რომ საერთო ენა და საერთო ეკონომიური ორგანიზაცია ჰქონდეს, მაშინ მართლაც ერთად ერთი სოციალური არსი იქმნებოდა: კაცობრიობა. მაგრამ ნამდვილად, როგორც არა ვსთქვით, სულ სხვა რამესა ვხედავთ.

ოჯახის მოწესრიგება, გენეზიურნი ორგანონი და ფუნქციანი ერთნი და იგივენი არ არიან მთელი კაცობრიობისათვის. ის წესები, რომელსაც ემორჩილებიან სხვა და სხვა ხალხთა ოჯახნი, სულ სხვა და სხვაა და განირჩევა ურთიერთისაგან.

ხელოვნების მხრივაც დიდ განსხვავებასა ვხედავთ სხვა და სხვა ხალხთა შორის. ორგანონი და ფუნქციანი ხელოვნებისა დიდად მრავალ ფეროვანნი არიან კაცობრიობის სხვა და სხვა ნაწილებში.

სარწმუნოებისა და მეცნიერების ორგანონი და ფუნქციანი აგრეთვე არა აქვს საერთონი მთელ კაცობრიობას. ამას ამტკიცებს სქულის სხვა და სხვაობა:

მრავალ ხალხთა შორის, აკრძალა ეს კოეტიის გარდაცემისა, — ამ გარდაცემის მოწესრიგებისა და გავრცელების სხვა და სხვაობა კაცობრიობის სხვა და სხვა ნაწილთა შორის.

იგივე ითქმის ზნეობის შესახებაც. პაპუასის ზნეობრივი წესები და შოტლანდიელისა ძლიერ განსხვავდება ერთმანეთისაგან. იგინი განისაზღვრებიან თვითთველად იმ საერთო სოციალურ ცხოვრების მოწესრიგებით, რომელიც დამკვიდრებულია თვითთველ ამ ქვეყანაში.

იურიდიული ნორმები რასაკვირველია ერთნი და იგივენი არ არიან მთელი კაცობრიობისათვის. ამას ამტკიცებს სხვა და სხვაობა სამართალთა. სამართალი საფრანგეთისა, ინგლისისა, რუსეთისა და სხვათა, აგრეთვე ძველი სამართალნი — რომისა, ეგვიპტისა და სხვათა — არსებობენ და არსებობდნენ წარსულში. მათ ემორჩილებოდა არა მთელი კაცობრიობა, არამედ ცალკე ნაწილნი კაცობრიობისა, და მხოლოდ იგინი. რომის სამართალს ჩინელი არ ემორჩილებოდა ჩინეთში, არც რომაელი ჩინურსა რომში. მათ ცალ-ცალკე არც კი იცოდნენ, თუ რა იყო ან ერთი ან მეორე. — არსებობს ეხლა, მართალია საერთაშორისო სამართალი, მაგრამ ჯერ ერთი თვით სახელწოდება „საერთაშორისო“ ამტკიცებს იმ „ერთა“ არსებობას, რომელთაგანაც თვითთველს აქვს თავისი საკუთარი სოციალური არსება დამოუკიდებლად კაცობრიობისა და მისი უნივერსალური სამართლისა. მეორე. — ეს ფრიალ სუსტი საერთაშორისო სამართალი, რომელსაც ჯერ ვერც კი მოუპოვებია ნამდვილი ძალ-დატანებითა სამართლის ხასიათი, მხოლოდ ერთს ნაწილს აწესრიგებს ადამიანთა შორის რთულ განწყობილებათა... მაგრამ ამაზედ შემდეგ ცალკე ვილაპარაკოთ.

რაც შეეხება პოლიტიკურ ორგანოებსა და ფუნქციებს, პოლიტიკურ მოწესრიგებას, — ეს ხომ თვალსაჩინოა, რომ კაცობრიობა ამ მხრით ფიქციაა, არ არსებობს დღეს ერთი საკაცობრიო სახელმწიფო, არამედ არსებობენ სახელმწიფოები. ზოგიერთთა იდეალი სწორედ, ერთი უნივერსალური რესპუბლიკის დაარსებაა, მაგრამ ვინ იცის, — რას წარმოადგენს თავის თავად ეს იდეალი? იქნებ ისიც იგივე იდეალური ფიქცია იყოს, როგორც თვით სოციალური სინამდვილეა თანამედროვე კაცობრიობისა? მაგრამ ამაზედაც შექაღებ.

ერთი სიტყვით მოწესრიგება ეკონომიური, გენეზიური, არტიტიული, სარწმუნოებისა და მეცნიერებისა, ზნეობრივი, იურიდიული და პოლიტიკური — სხვა და სხვანაირნი არიან კაცობრიობის სხვა და სხვა ნაწილთა შორის; კაცობრიობას არა აქვს საერთო სოციალური ორგანოები და ფუნქციები არც ერთი მიზნის მისაღწევად სწორედ იმიტომ. რომ მას არა აქვს არავითარი საერთო მიზანი, არავითარი მიზან-შეწონილი საერთო მოქმედება და ამიტომაც ერთ სოციალურ სუპერ-ორგანიზმსაც ვერ წარმოადგენს იგი. ინგლისელისა და პაპუასის. მეურნეობა, პოტენტოტისა და ფრანგის ოჯახი, ჩინელისა და იტალიელის ხელოვნება, სკანდინავიისა და ოსმალეთის სჯული, რუსისა და ქართველის ზნეობა, გერმანიელისა და ზულუსის სამართალი, შვეიცარიისა და დაჰომეის პოლიტიკა — ისე განსხვავდებიან ერთმანეთისაგან სოციალური მოწესრიგის მხრით, რომ ძლიერ შორეულ მომავალშიაც არ არის არავითარი იმედი, რომ მთელმა კაცობრიობამ შექმნას ამ სხვადასხვაობათაგან ერთფეროვანება, საეხებით ერთსა და იგივე სოციალურ წესებს დაემორჩილოს მილიარდ ნახევარი ადამიანი. ეს რა, — თვით ცალკე პატარა ხალხთა შორისაც კი არის ხოლმე ისეთი სოციალური განსხვავება, რომ ყოვლად შეუძლებელი ხდება ისინი ნამდვილად დაუმორჩილო ერთსა და იმავე სოციალურ წესებს, და რო-

დესაც ასეთი პროცესი ძალით მოხდება ხოლმე, თავდაპირველად საშინელი წინააღმდეგობა ჩნდება მოძალადესა და დაჩაგრულს შორის. შემდეგ კი ეს „სოციალური პროცესი“, როგორც მას უწოდებს გუმპლოვიჩი, თავდება ხოლმე ერთი რომელიმე საზოგადოების სრული შთანთქმითა მეორეს მიერ, ან მისი სრული გადაგვარებით. გუმპლოვიჩი ამბობს, — ასეთი პროცესი ნამდვილი სოციალური პროცესია და პროგრესის ფაქტორი. ჩვენ ერთი შემცდარ აზრად მიგვაჩნია და მეორეც. ყოველ შემთხვევაში ამის კრიტიკას ამ წიგნში არ გამოვეუდგებით. იგი სულ სხვა საკითხია. მართალიც რომ იყოს გუმპლოვიჩის აზრი.

ცხადია, მაშასადამე, რომ მთელი კაცობრიობა არ განვითარებულა, როგორც ერთად-ერთი ჩვეუფი ხალხისა. ცხადია, რომ მთელი კაცობრიობა, ეს სოციალური ფიქცია, არ წარმოადგენდა არასოდეს ერთ მთელ რამეს, რომელსაც შესძლებოდა ორგანიული სოციალური განვითარება. პირდაპირი ხაზით, რომ დასაბამიდან დღევანდლამდე შესაძლებელი იყოს მისი განვითარების თანდათანობითი ისტორიის წარმოდგენა და მოთხრობა, როგორც ერთი ორგანიზმისა, რომელმაც განსაზღვრულ დროს დაიწყო ზრდა, განვითარება, დიფფერენცია ორგანოთა და ფუნქციათა, გართულება, და ბოლოს, მოაღწია დღევანდელ განსაზღვრულ წერტილს. მართლაც კაცობრიობა დღეს ასეთ სურათს არ წარმოადგენს. მისი ნაწილები განვითარების სულ სხვა და სხვა საფეხურზე და სდგანან ყველა მხრით. — როგორც რასიულისა, ისე სოციალურის მხრით. ცხადია მაშასადამე, რომ ორგანიულად განვითარებულან მხოლოდ მისი განსაზღვრული ნაწილები, — და არა მთელი პირველ-ყოფილი სუშმა ადამიანთა, როგორც საერთო მოწესრიგებული ცხოვრების მქონე. ეს ნაწილები, რასაკვირველია, ალბად ხან დამოუკიდებლად ვითარდებოდნენ, ხან ურთი-ერთის ზედგაუღენით, ხან ისე, რომ თუმცა პირველად შეიძლება ერთ სოციალურ არსს წარმოადგენდნენ. მაგრამ შემდეგ განიყოფოდნენ, დანაწილდებოდნენ, შეადვენდნენ ცალ-ცალკე სოციალურ სუპერ-ორგანიზმებს და შემდეგ კი შეიძლება კიდევ დაეწიებოდათ ურთი-ერთის არსებობა დროთა ვითარებაში და მანძილის სიდიდის გამო; ამიტომაც ვხედავთ დღეს ასეთ მრავალფეროვნებას კაცობრიობის სხვა და სხვა ნაწილთა შორის.

როგორც უნდა იყოს კამათი პოლიგენისტთა (ესენი ამტკიცებენ, რომ ადამიანი ერთ განსაზღვრულ ადგილს ერთი წყვილისაგან არის წარმოშობილი) და მონოგენისტთა (ესენი წინააღმდეგს ამტკიცებენ) შორის, რომლის მხარეზედაც უნდა იყოს სიმართლე, — ერთი ცხადი კვანძი გვაინტერესებს ჩვენ აქ, — ის რომ კაცობრიობას, Homo Sapiens-ს არა აქვს განვლილი ერთი სწორი გზა განვითარებისა, იგი ერთადერთ პირველ ყოფილ ორგანიზმად არ გაზრდილა და არ განვითარებულა, და დღეს იგი არ წარმოადგენს ერთ სუპერ-ორგანიზმსა.

და მართლაც, როცა განვიხილავთ ხოლმე კაცობრიობას, როგორც ერთ მთელსა, მაშინ ვრწმუნდებით, რომ მას არა თუ არა აქვს ერთი მოწესრიგებული საერთო ცხოვრება, — ერთი ენა, ერთი ეკონომიკა, ერთი ოჯახი, ერთი ხელოვნება, სარწმუნოება და მეცნიერება, ზნეობა, სჯულდებულება და პოლიტიკა, — არამედ არა აქვს ერთი საკაცობრიო შეგნება. სოციალური თვით-შეგნება, სოციალური ერთსულოვანება არ არსებობს მთელ კაცობრიობაში, რადგანაც მას თავის დღეში არა ჰქონია საერთო ორგანოები და ფუნქციები, როგორც ერთ სუპერ-ორგანიზმსა, არა ჰქონია ერთი გარეგნულად მოწესრიგებული საერთო ცხოვრება, რომ ეს შეგნება ამ საერთო მოქმედების წიაღში

დასახულოს და განვითარებულოს, რომ მთელ კაცობრიობას ეგრძნოს თავისი ერთობა, რამდენადაც საზოგადოდ სუპერ-ორგანიზმს შეუძლია იგრძნოს ან შეიგნოს რამე. კაცობრიობა დღეს ვერ იტყვის, ვერ იგრძნობს — „მე ვარსებობ“, რამდენადაც საზოგადოდ სუპერ-ორგანიზმს შეუძლია თავისი არსებობის შეგნებულად აღსარება, თავისი ნების გამოჩენა. მომავალში რა იქმნება, — ამაზედ შემდეგ ვილაპარაკებთ. დღეს და აქამდის კი ჩვენას აზრით ასეთი იყო ვითარება კაცობრიობისა, — მას თავის დღეში არ გამოაჩენია ეს გრძნობა და შეგნება თავის თავის არსებობისა და არც არავითარ შეძლება ჰქონია, რომ გამოეჩინა იგინი. თვით უკიდურესი კოსმოპოლიტიზმიც ვერა ჰფარგლავს მთელ კაცობრიობასა, და როცა ლაპარაკობენ მომავალ კოსმოპოლიტურ საზოგადოებაზედ, ან გაუგებრობით მოსდისთ, ან იდუმალად მხოლოდ კაცობრიობის შეზღუდული ნაწილი აქვსთ ხოლმე მხედველობაში. ან და კიდევ პირდაპირ გულისხმობენ კაცობრიობის ეგრედ-წოდებულ კულტუროსან ნაწილს; ე. ი. მარტო ევროპისა, ამერიკის გავერობილებულ სახელმწიფოებსა და იმ ქვეყანათა ნაწილებს, სადაც ევროპიელის სული, ფული და ზარბაზანი ტრიალებს.

მაგრამ, ჯერ ერთი, კაცობრიობის დაყოფა კულტუროსნად და უკულტუროდ სოციალური თვალთახედვით დიდი შეცდომაა და ყელის გამოჭრა, ლიბერული თვით მკვლევობა კოსმოპოლიტებისა, ვინაიდან კულტურის ხარისხი არა ჰქმნის საზოგადოებრივობას თავის თავად. ბოტოკულებისა და შეერთებულ შტატების საზოგადოება ორივე საზოგადოებაა. მეორე, — თუ კაცობრიობა რიცხვითა ყველა ადამიანთა, — მაშინ აქ კულტურა რაღა შუაშია, მაშინ ასეთი დაყოფა უარ-ყოფა თვით „კაცობრიობისა“. ასეთი დაყოფა კულტუროსნად და უკულტუროდ სწორედ გვიჩვენებს ნათლად, რომ არა თუ კულტურა ვერა ჰქმნის საზოგადოებრივობას, — პირიქით, საზოგადოებრივობა წონუნდა უძღოდეს ყოველთვის კულტურასა; კულტუროსანნი აწ არსებულნი საზოგადოებანი უკვე გამოყოფილ არიან „კაცობრიობისაგან“ და შეადგენენ მის ერთ ნაწილს. დღეს კი თუ შესაძლებელია რამე კაცობრიობის გაერთიანება მხრით, — შესაძლებელია მხოლოდ ამ კულტუროსან ნაწილთა შეერთება, — შეერთება საზოგადოებათა უკვე განვითარებულ ზოგ ორგანოთა, ისეთ სოციალურ სუპერ-ორგანიზმთათვის, რომელთაც სჭირდებათ გარეგანი კავშირი თავის მსგავსს საზოგადოებასთან, რომელთაც შეუძლიანთ შექმნან მათთან საერთო ორგანონი, საერთო ცხოვრების გარეგნული მოწესრიგება რამოდენიმე მანეტ, — რომ წარმოადგინონ თუ ერთი სოციალური სუპერ-ორგანიზმი არა, მსგავსი რამ მანეტ, თუ ერთი მოწესრიგებული საერთო ცხოვრება ადამიანთა არა, მსგავსი რამ მანეტ, როგორც არის მაგალითად დღეს „სახელმწიფოთა საზოგადოება“, მორჩილი საერთაშორისო სამართლისა, ან შესაძლებელი მომავალი შეერთებული შტატები ევროპისა. მაგრამ ასეთი საზოგადოება მანეტ ერთი ნაწილი იქმნება კაცობრიობისა და არა მთელი კაცობრიული სუპერ-ორგანიზმი. მანეტ შორსა ვართ ამ შემთხვევაშიაც წარმოვიდგინოთ მთელი კაცობრიობა, Homo Sapiens-ის სახე. როგორც ერთი განუყოფელი არსი, სოციალური სულის მქონე.

დასკვნა: კაცობრიობა, როგორც სოციალური არსი არ არსებობს, არსებობენ მხოლოდ მისი ნაწილები, რომელთაც აქვსთ სოციალური ცხოვრება, რომელნიც წარმოადგენენ სოციალურ-სუპერ-ორგანიზმებს.

და მართლაც, თუ კი ერთის მხრით კაცობრიობა არ არსებობს როგორც

ერთი სუპერ-ორგანიზმი და, მეორე მხრით. არსებობს კაცთა საზოგადოება, თუ საზოგადოდ Homo Sapiens ისეთი ცხოველია. რომელმაც ყველა სხვა ცხოველებზედ უფრო განავითარა სოციალური ცხოვრება და შექმნა უმაღლესი სოციალური მოვლენანი დედა-მიწის ზურგზედ თავისი სიდიადითა და სიბრთულითა, — ცხადია ეს მოვლენა უნდა არსებობდეს კაცობრიობის ნაწილთა შორის. ადამიანის სახე საზოგადოდ სოციალური თვისებისაა. და თუმცა მთელ სუქმას ადამიანთა არა აქვს საერთო სოციალური ცხოვრება, მაგრამ იგი აქვს ადამიანთა ცალკე ჯგუფებს, დიდებსა და პატარებს, — კაცობრიობის ნაწილებს. აი უეჭველი ფაქტი.

მაგრამ არის ნაწილიცა და ნაწილიც: ჩვენ რომ ავიღოთ მთელი რიცხვი ადამიანთა და ეს მილიარდ ნახევარი დავუთო როგორც გესურს ისეთ ნაწილებად, ამით ვერ აღმოვაჩენთ კონკრეტულ საზოგადოებათ კაცობრიობის წიაღთა შინა. კაცობრიობის რიცხვის მეოთხედი. მეათედი, ნახევარი ან რომელიმე ლიტონი რიცხვითი ნაწილი არ არის საზოგადოება. ისე როგორც მთელი კაცობრიობის ლიტონი რიცხვი არ არის საზოგადოება. როგორც რამოდენიმე მსაჯული არ არის. ზემონათქვამისა არ იყოს. იურიდიულ ფუნქციითა აღმასრულებელი თავის თავად, როგორც განსაზღვრული რიცხვი ადამიანთა, — არამედ იგინი რომელიმე საზოგადოების სამსაჯულოში გარდაიქცევიან სოციალურ განსაზღვრულ ფუნქციის აღმასრულებლებად, სამართლის ფუნქციის აღმასრულებლებად, — ისე არც მთელი რიცხვი კაცობრიობისა და არც მისი რაოდენობის რომელიმე განსაზღვრული ნაწილი, როგორც განსაზღვრული რიცხვი ადამიანთა, ვერ შექმნის ეერასოდეს საზოგადოებას.

მაშასადამე კაცობრიობის რომელ ნაწილებზედ შეიძლება აქ ლაპარაკი? რასაკვირველია ისეთ ნაწილებზედ, რომელთაც აქვსთ თავიანთ წიაღთა შინა ზემოდ-განმარტებული გარეგნულად მოწესრიგებული საერთო ცხოვრება ადამიანთა, — ისეთ ნაწილებზედ, რომელნიც წარმოადგენენ სუპერ-ორგანიზმებს, — შეიძლება ზრდა-დაუმთავრებლებს. შეიძლება ურთი-ერთზედ უფრო ბრთულებსა ან მარტულებსა, შეიძლება აგრეთვე სწეულებსა და გადაგვარების გზაზედ დამდგარებსა, შეიძლება კიდევ დროებით, ან სამუდამოდ — სიკვდილის დღემდის — სხვა უფრო დიდ და ძლიერ სუპერ-ორგანიზმის მიერ წარტყვენილებსა, — მაგრამ მაინც სუპერ-ორგანიზმებს. რომლებიც თავიანთ სიძლიერითა, ან და მიუხედავად სისუსტისა, ან რომელიმე განსაკუთრებულ პირობათა მიხედვით იჩენენ თავიანთ ინდივიდუალურ სიციცხლის ძალას.

ჩვენ შეგვიძლია ავიღოთ მაშასადამე დღევანდელი კაცობრიობის ნაწილები და განვზომოთ იგინი ზემოსხენებული სოციალური საზომით, და როდესაც რომელიმე ნაწილს სრულიად მიუდგება ეს საზომი, მაშინ გვექმნება აღმოჩენილი ის კონკრეტული განხორციელება საზოგადოებრივობისა, ის რეალური არსი, რომელიც არის ნამდვილი, არსებული საზოგადოება, რასაკვირველია ეს ნაწილი კაცობრიობისა. სოციალური შინაარსის მქონე, აგრეთვე არის მისი რაოდენობის განსაზღვრული რიცხვითი ნაწილი, მაგრამ აქ ჩვენ არითმეტიკული ოპერაციები არ გვიანტერესებს. კაცობრიობის რიცხვის დაყოფა, შეერთება და გამოკლება მის ნაწილთა და სხვა არც არის წმინდა სოციალური კვლევის საგანი.

ბევრგვარი ვითარებისა ასეთი სოციალური შინაარსის მქონე ნაწილები კაცობრიობისა. სხვანაირად რომა ვსთქვათ, საზოგადოებრივობა ბევრი ფორმით გამოხატულა ქაშთა ვითარებაში და ეხლაც არის გამოხატული; საზოგადოებრივობას ბევრი სხვადასხვანაირი კონკრეტული სახე მიუღია და ეხლაც



არსებობს ამ სხვადასხვანაირი კონკრეტული სახით. მაგრამ ჩვენ გვინტერესებს ერთი ფორმა საზოგადოებრივობისა, ერთი სახე საზოგადოებრივ ორგანიზმთა. ყველაზედ უფრო დიდ-მნიშვნელოვანი. ხანგრძლივი და მედგარი საზოგადოებრივი ორგანიზმი იყო და განსაკუთრებით ეხლა არის ერო. პირველი შეხედვით ეს შეიძლება ძლიერ დიდ შეცდომად ეჩვენოს ადამიანს, მაგრამ რამოდენიმე განმარტების შემდეგ, ჩვენის აზრით, შესაძლებელია ამ კეშმარტების ნათელყოფაცა.

ბევრმა ძველმა და ახალმა სოციოლოგმა. აღიარა კაცობრიობის ორგანიზმობა, თავისებურად გაგებული, და მისი მთლიანი და ორგანიული განვითარება; სოციალურ კანონებსაც კი ეძებდნენ მისი ამგვარი განვითარების გათვალისწინებით. ოგიუსტ კონტი უპირველესი ხარისხის სოციოლოგი იყო, რომელმაც აღიარა ესევე შეცდომა და მრავალი თავისი მიმდევარიც შეიყვანა ამ შეცდომაში. ამ შეცდომას კი დიდი მანე შედეგები ჰქონდა სოციალური მეცნიერებისათვის.

თანამედროვე სოციოლოგებმა გაიგეს ბოლოს და ბოლოს ეს შეცდომა და შეუდგნენ ნამდვილ სოციალურ ელემენტებზედ ლაპარაკსა და მსჯელობას. უკვე სპენსერი აღარა ლაპარაკობს კაცობრიობაზედ, როგორც ერთ სოციალურ მთელზედ. გუმპლოვიჩი და სხვანი პირდაპირ უარ-ჰყოფენ კაცობრიობას, როგორც სოციალურ ცნებას, და სულ სხვა ელემენტებს აღიარებენ სოციალობის კონკრეტულ განხორციელებად. რენე ვორსის განსაკუთრებულ ყურადღებას აქცევს უკვე არა კაცობრიობას, არამედ ერს, და სხვ. ჩვენც მათის დახმარებით და კრიტიკით შეეუდგეთ ამ უკანასკნელი ცნების ანალიზსა.

## თავი მესამე

### ერი და საზოგადოება — კონკრეტული და აბსტრაქტული ცნება.

ჩვენა ვსთქვით, რომ უპირველესი და უთვალსაჩინოესი მაჩვენებელი ადამიანთა გარეგნულად მოწესრიგებულ საერთო ცხოვრებისა არის ენა.

არსებულნი თანამედროვენი და აგრეთვე გამჭრალნი ენანი რომ ავიღოთ და მოვახდინოთ მათი კლასსიფიკაცია, მათ საერთო ჯგუფთა ურთი-ერთ მსგავსებისა და ნათესაობის თანახმად. — ჩვენ შეგვიძლია აღვნიშნოთ რამოდენიმე დიდი საერთო ჯგუფი ენათა, რომელთაგანაც თვითთული უეჭველად ეკუთვნის ამ ჯგუფს, — ჩვენ შეგვიძლია მივალწიოთ იმ ძირითად ენას, რომლისაგანაც წარმოსდგა ესე თუ ის ჯგუფი ენათა. მაგრამ ფილოლოგიას არ მიუღწევია ჯერ იმ წერტილამდის, რომ ყველა ენათა ერთი წინაპარი ენა აღმოეჩინოს, და ვერც მიალწევს ამ მიზანს. ვინაიდან ძლიერ საეჭვოა, რომ ოდესმე არსებულყოფს ასეთი ენა, როგორც საეჭვოა თვით მონოგენიზმი. მაშასადამე ჩვენ იმითი უნდა დავეკაყოფილდეთ, რომ უნდა აღვიაროთ წარსულში რამოდენიმე ენის არსებობა, რომლითაც ლაპარაკობდნენ მრავალნი ჯგუფნი ადამიანთა, ანუ რასები. ამ ჯგუფებს ჰქონიათ ენის მხრით სოციალური საერთო ცხოვრება. შეიძლება სხვა მხრივითაც ჰქონდათ მათ ვიწრო სოციალური კავშირი მანამდის, სანამ არ მოხდა საგრძნობელი დიფფერენციაცია მათ შორის, — ან განმრავლებისა და ან სხვა რაიმე მიზეზის გამო, რომლითაც მოხდა ჯგუფთა დაყოფა და ურთი-ერთისაგან საუკუნო განშორება.

გარდა ამისა, რასა მარტო ენის ერთობას არა ნიშნავს, პირიქით, ხშირად მომხდარა ხოლმე ხალხთა ისტორიაში, რომ ერთი რასის ხალხს თავისი ენა დაუვიწყებია სხვა და სხვა მიზეზთა გამო და სხვა რასის ენა შეუთვისებია. ჩვენ მხოლოდ აპრიორულად უნდა აღვიაროთ, რომ ოდესმე რომელიმე ადამიანთა რასას უნდა შეექმნას თავისი ენა, რომელიც შემდეგ ვრცელდებოდა სხვა და სხვა რასებზედა. თუ როგორ გაჩნდა რომელიმე რასა, ან როგორ შემუშავდა განსაზღვრული რასის პირველ-ყოფილი, განსაზღვრული წმინდა ენა, — ეს სულ სხვა კითხვაა. დღეს კი მხოლოდ იმის თქმა შეგვიძლია რომ მარტო ენა არ არის რასის აღმნიშვნელი ადამიანთა შორის ფიზიკური ტიპის მსგავსება, — აი რა აღნიშნავს აგრეთვე რასას. ეს უკანასკნელი გარემოება კი ენასთან ერთად გვაფიქრებინებს, რომ ოდესმე მაშასადამე რასა წარმოადგენდა ერთს გარეგნულად მოწესრიგებულ ჯგუფს ადამიანთა, ერთ სოციალურ სხეულს, რომელიც ქამთა ვითარებაში იშლებოდა და ხდებოდა სხვა ახალ ორგანიზმთა შემადგენელ ნაწილებად მრავალ მიზეზის გამო, რომელთა შორის განმრავლება ხალხისა, ბრძოლა რასათა და მათი დაუდგრომელი მოძრაობა უმთავრესად მიგვაჩნია. რასაკვირველია, ამასთანავე, ეს პირველ-ყოფილი, „აპრიორული რასა“ იმ რაოდენობისა არ იქმნებოდა, როგორც ეხლაა მონგოლთა ან არიელთა რასა, არამედ გაცილებით უფრო შეზღუდული.

მაშასადამე თვით ცნება რასაც ერთ-ღროს სოციალური შინაარსის ცნება ყოფილა, რადგანაც შესაძლებელი და საფიქრებელია, რომ რასა ოდესმე ერთ სოციალურ სხეულს წარმოადგენდა, ეხლა კი მას სრულიად დაუკარგავს ეს თვისება, ვინაიდან ეხლა არც არიელები, არც მონგოლები, არც წითელ კანიანები, არც ნეგრები, და არც სხვანი არ წარმოადგენენ ერთ საზოგადოებას. არამედ მრავალთა, თუმცა ნაშთნი მათი წარსული ერთობისა მრავალნი არიან.

რასას უნდა დაეკარგა თავისი სოციალური ვითარება იმიტომ, რომ ადამიანთა განმრავლებამ, დიდ ჯგუფთა დაყოფამ ერთ ღროს არსებულ ერთ სოციალურ ორგანიზმისაგან გამოყოფილი ნაწილები სხვა და სხვა პირობებში ჩააყენა. განსხვავებულმა პირობებმა ამ ახალ ჯგუფებზედ რასაკვირველია განსხვავებული გავლენა იქონიეს და განაშორეს იგინი ურთიერთისაგან, — შესცვალეს ენა, რომელიც წინად ერთი უნდა ყოფილიყო და შემდეგ კი დაჰყვეს ერთმანეთისაგან განსხვავებულ რამოდენიმე ენად, — მაშასადამე შესსწყვიტეს მათ შორის უპირველესი სოციალური მოწესრიგება; — ამასთანავე რასაკვირველია დაჰბადეს განსხვავებულნი ზნე ჩვეულებანი, განსხვავებული რელიგია, განსხვავებულნი სხვა სოციალურნი წესნი ცხოვრებისა. ამგვარად თვითოეულ ამ ახალ ჯგუფთაგან უნდა დაბადებულიყვნენ ახალნი სოციალურნი სხეულნი. ამ სხეულთ შეიძლება კიდევ დარჩენოდესთ რაიმე ცნობა ურთი-ერთის შესახებ, შეიძლება კი ისე დაშორებულიყვნენ ერთმანეთზედ, რომ აღარც კი დარჩენოდესთ ეს ცნობა, თვინიერ ლეგენდარულ ცნობათა; შეიძლება კიდევ ებრძოდნენ ერთმანეთსა, და სხვ.—ყოველივე ესე დამოკიდებული უნდა ყოფილიყო იმ რთულ პირობებისაგან, რომელშიაც თვითოეული მათგანი იყო. ყოველ შემთხვევაში — თვითოეულს ამ ჯგუფთაგანს უნდა შეედგინა ახალი სოციალური სხეული. ამ ახალ სოციალურ ორგანიზმებს რასაკვირველია უნდა დაჰბადებოდათ შესაფერი ახალი სოციალური შეგნება და სხვ. ყოველსავე ამას უნდა დავუმატოთ შემდეგი: ჩვენ აქ სოციალურ ორგანიზმთა მიერ მოპოვებულ განსაკუთრებით თვისებებზედ არა ვლაპარაკობთ. ჩვენ მხედველობაში გვაქვს მხოლოდ ის, თუ როგორ იყო შესაძლებელი, რომ ერთი რომელიმე სოციალური ორგანიზმისაგან დაბადებულიყო

მრავალი, და მართლაც, თუ აპრიორულად ვიტყვი, რომ დედა-ძიწის ზურგზე იყვნენ სხვა და სხვა ადგილებში ადამიანთაგან შემდგარნი სულ პირველყოფილნი საზოგადოებანი, თუ ამ სულ პირველ ყოფილ ადამიანთა სხვა და სხვა ჯგუფებს ეუწოდებთ რასებს. და თუ განვიხილავთ ამ რასათა დანაწილებას სოციალურის მხრით ეპოთა ვითარებაში, — მაშინ დასკვნა ერთი იქმნება: ოდესმე ერთ გარეგნულად მოწესრიგებულ ერთი რასის ადამიანთა საერთო ცხოვრებისაგან წარმომდგარა მრავალი. აი ეს დასკვნა გვიანტერესებს ჩვენ ჯერ-ჯერობით.

წარმოვიდგინოდ, მაგალითად, რომ პირველ-ყოფილ ეპოქაში არსებულ რამოდენიმე ურთი-ერთისაგან დამოუკიდებელ რასათა დიფფერენციაცია ბუნებრივად მოხდა; ვსთქვათ, რომ ეს დიფფერენციაცია ერთი რომელიმე მათგანისა გამოიწვია ყველა შესაძლებელმა მიზეზმა, გარდა ორი რასის ურთი ერთშორის ბრძოლისა, გარდა მათ შორის არევისა აგრეთვე რომელიმე მიზეზის გამო, — ან ხშირი დამოკიდებულებისა და ან სხვა რაიმეს გამო. ამ შემთხვევაშიაც უნდა აღვიაროთ, რომ ეპოთა ვითარებაში ამ ერთი „რასისაგან“, როგორც ერთ სოციალურ ორგანიზმისაგან, დაიბადებოდა მრავალი სუბერ-ორგანიზმი, მოძრავი და ადგილის შემცვლელი სივრცეში, ცალკე სივრცელისა და დამოუკიდებლობის მქონე, რადგანაც „ბუნებრივი“ დიფფერენციაცია თავის შესაფერ ინდივიდუალობას აძლევს თითოეულ გამოყოფილ ნაწილს. რომელიც ოდესმე ინტეგრალური ნაწილი ყოფილა პირველ-ყოფილ მთელს ორგანიზმისა; გამოყოფის შემდეგ იგი ხდება ინდივიდალ, დამოუკიდებლობის მქონე არსად, რომელსაც აქვს დიდი თუ მცირე ხარისხის მსგავსებისა თავის მშობელთან, — ეს სპეციალურ პირობებისაგანაა დამოკიდებული. ასეთი განვითარებული სოციალური ინდივიდი დღეს მაგალითად იქმნებოდა წმინდა, იდეალური ერი, რომელსაც სისხლიც და ენაც: ზნე-ჩვეულებაცა და რელიგიაც, აგრეთვე ყოველივე სხვა სოციალური თვისებანი წმინდა, შეუბღალავი, განსაზღვრული რასისაგან მომდინარე და 100%-ით ნაციონალურნი იქმნებოდა, მაგრამ ნამდვილად ასეთი ერი თავისდღეში არც არსებულა და არც ეხლა არსებობს, მომავალში ხომ რასაკვირველია შეუძლებელია ასეთი ერის დაბადება. ზემოხსენებული ჩვენი პიპოტეზა მხოლოდ წარმოსადგენია. ნამდვილად კი დასაბამიდან მუდმივ ურთიერთის წინააღმდეგ ბრძოლაში გაუტარებიათ ასი და ათასი წლები სხვა და სხვა რასათა, ადამიანთა მრავალ ჯგუფთა, და უმეტეს ნაწილად სწორედ ასეთი ბრძოლისაგან და შერევისაგან იბადებოდა ხოლმე ხანგრძლივი პროცესის შემდეგ რომელიმე ახალი, განსხვავებული ნაწილი კაცობრიობისა, რასისა, — იბადებოდა ახალი ეთნიური გრუპა, რომელსაც შეეძლო ახალი საზოგადოების შექმნა. და სწორედ ეს ახალი ეთნიური გრუპებიცაა ჰქმნიდნენ ხოლმე ახალ კონკრეტულ საზოგადოებათა.

რაც თუ გინდ შემდგარი იყოს გუმბლოვიჩის მთელი სოციოლოგიური სისტემა, — ერთია მართალი მის „რასათა ბრძოლის“ თეორიაში. არსად არ მოიპოვება პირველ-ყოფილ წმინდა რასისაგან, ან პირველ-ყოფილ ურდოსაგან განვითარებული ერი, ან სახელმწიფო. სახელმწიფო ყოველთვის ერთი ურდოს მიერ მეორის ჩაგვრის ნიდაგზედ აღმოცენებულა ხოლმე. სახელმწიფო ამ მხრით მართლაც ორგანიზაციაა ერთი ურდოს. მეორეზედ ბატონობისა. ამას ჰმოწმობს მრავალი ისტორიული ფაქტი. მაგალითად ინდოეთის კასტები ურთიერთისაგან განირჩეოდნენ თავდაპირველად ენით, სისხლით, სჯულითა და სხვ. აგრეთვე რომის სახელმწიფოში აღლორძინებული კლასის პატრიცი-

ებისა და გაბატონებული პლების კლასსზედ, იყო ეტრუსკების შთამომავალი და განირჩეოდა აგრეთვე ენითა, სისხლითა და სჯულითა პლებისსაგან, რომელიც ლათინთა შთამომავალი იყო. შემდეგ სახელმწიფოს დაარსებისა, შემდეგ „ბატონობის ორგანიზაციისა“ შექმნისათვის ერთი ერი, — განსაკუთრებული ლათინური ენით, განსაკუთრებული სჯულითა, ზნე ჩვეულებითა და სხვ. ამასავე ამტკიცებს სოციოლოგი ა. ვაკარო („არსებობისათვის ბრძოლა და მისი შედეგები კაცობრიობისათვის“), რომელიც გუმპლოვიჩის სისტემის მიმდევარი სრულიადაც არ არის და ცხარე კრიტიკოსიც არის მისი ბევრ საკითხთა გადაწყვეტაში.

მხოლოდ შემდეგ, როდესაც მრავალფეროვანი ეთნიური ჯგუფები ერთი ორგანიზაციის ქვეშ ხანგრძლივი ყოფნის გამო შედუღდებიან ხოლმე, წარმოდგენენ უკვე ერთ განუყოფელ სოციალურ ერთეულს. — ერთი ენით, ერთი სჯულით, ერთი კულტურით, ერთი ისტორიით, ერთი უკვე დამკვიდრებული რასიული ტიპითა, — მაშინ ქრება საზოგადოებაში ბრძოლა ეთნიურ ჯგუფთა შორის. მაშინ სახელმწიფო უკვე აღარ არის ერთი ეთნიური ჯგუფის მიერ მეორეზედ ბატონობის ორგანიზაცია, არამედ კრებული იმ ძალ-დატანებით დაწესებულებათა, რომელიც აწესრიგებს ცხოვრებას უკვე კლასთა შორის, ვინაიდან კლასთა ბრძოლა იკერს ეთნიური ბრძოლის ადგილს. ვინაიდან საზოგადოებრივი ჯგუფები უკვე ენითა, სჯულითა და ზნე-ჩვეულებით კი აღარ განირჩევიან, არამედ თავისი ვიწრო სოციალური მდგომარეობითა. მრავალი მაგალითია ისტორიაში იმისი, რომ კლასები ჩამომავლობით სხვა და სხვა ეთნიურ ჯგუფებს ეკუთვნიან. ეროვნული შეგნება კი უკვე ერთია დამკვიდრებული და იგი შეიძლება მიმართული იყოს სხვა რომელიმე ერისა, ან ურდოს წინააღმდეგ.

თუმცა პირველ-ყოფილ ბატონობის ორგანიზაციას ერთი ეთნიური ჯგუფისას მეორეზედ დიდი როლი უთამაშნია ერთი სოციალური ორგანიზმის წარმოშობაში, მაგრამ საერთოდ სახელმწიფო მაინც ვერ დაახასიათებს ერსა სახელმწიფო არის ან ორგანიზაცია ბატონობისა ერთი ეთნიური ჯგუფისა მეორეზედ, ან ფორმა ერის ორგანიზაციისა. როდესაც იგი კოპეზიის მაღალ ხარისხს აღწევს, ერი იწყება იქ, სადაც პატარა ელემენტარული სოციალური ორგანიზმები ურთი ერთს ემსგავსება წამბაძველობის ძალით განსაზღვრულ ეთნიურ სფეროებში, ჩნდება საერთო ორგანოები და ფუნქციები. — ბოლოს პოლიტიკურიც, — და ეს მოასწავებს ერის კოპეზიას, რომელიც სახელმწიფოს მუდმივ არსებობით დაგვირგვინდება, როგორც ბუნდოვან ნივთიერებისაგან ბოლოს და ბოლოს თანდათან წარმოიშობა გარკვეული ინდივიდუალობის მქონე სხეულები, ისე რასათა და ხალხთა ქაოტიურ სოციალურ მასისაგან წარმოიშობა სოციალური მთლიანი ორგანიზმები, — ერები.

რადგანაც ეს არე-დარევა უმთავრესად ბრძოლითა ხდებოდა და რადგანაც სახელმწიფო ნამდვილად წარმოდგენდა ერთი ეთნიური ჯგუფის მეორეზედ ბატონობას, — ისეთ ორგანიზაციას, რომელიც დაჩაგრულ ჯგუფებს მჩავერდლთა სასარგებლოდ ამუშავებდა, — ამიტომაც სახელმწიფოს ჰქონდა ყოველთვის საშინელი სასტიკი ხასიათი; ყოველთვის სცდილობდა იგი არე-დარეულ ელემენტთა ერთ სოციალურ ორგანიზმად გარდაქმნას საშინელი და სასტიკი ძალ დატანებით, და აკი მართლაც სახელმწიფოს ისტორია დახასიათდება მუდმივი ბრძოლისა და ძალ-მომრეობის დიდის როლითა მის წარმოშობაში, აგრეთვე მის მიერ სუსტ, ან ნაკლებ-რიცხვოვან, ან სხვა რო-

მელომე მხრით „დაბლა მდგარ“ ელემენტთა გაქნითა და შესმითა ერთი რომელიმე რასის მთავარი ელემენტის მიერ,— სანამ სახელმწიფო გახდებოდა ერთად-ერთი საზოგადოებრივი ცხოვრების ფორმა განვითარებულ ერთთვის, მეორე მხრით, ხშირად გაბატონებულნი ითვისებდნენ ხოლმე დაჩაგრულთა ენასა და კულტურას, და მათი სახელმწიფოებრივობისაგან გამოწვეული ეროვნული კოპეზია უფრო დაჩაგრულთა სასარგებლოდ ხდებოდა ბოლოს და ბოლოს.

ამ საშინელი დესპოტიური სახელმწიფოს ჰერ-ჰევემ, ან უფრო თავისუფალ კავშირთა ურთი-ერთზედ გავლენით, წმინდა წამბაძველობით, მუშავდებოდა დროთა ვითარებაში უკვე ახალი გარეგნულად მოწესრიგებული საერთო ცხოვრება აღამიანთა, ერთი განსაზღვრული ენითა, ზნე-ჩვეულებითა, სჯულითა, კულტურითა, სოციალური შეგნებითა და ისტორიითა. მუშავდებოდა ერი, რომელიც სხვა ახალ ძირითად კატასტროფამდის ორგანიულად იწყებდა განვითარებას. სახელმწიფო მისთვის მაშინ იქცეოდა მხოლოდ მომწესრიგებელ ორგანოდ, გარეშე მტერთაგან თავის დასაცველ ფარად, ან მფლობელობათა გასაღიდეებელ იარაღად, და არა ერთი ეროვნების მეორეს მიერ ჩაგვრისა და ექსპლოატაციის ორგანიზაციად, სანამ ხელ-ახლა არ დაიპყრობდა ახალ ერსა და არ შეუდგებოდა მის გარდაქმნასა, დენაციონალიზაციას.

მივმართოთ რამოდენიმე მაგალითს. ფაქტია, რომ არსებობდა ბერძენთა და ლათინთა ერები, რომელთაც ჰქონდათ თავიანთი წარმოშობის ისტორია სხვა რასათა და ენათა შერევისაგან. არსებობდა ბერძენთა რესპუბლიკები, ხან ცალ-ცალკე და დამოუკიდებლად, ხან თავისუფალი კავშირით შეკრული; არსებობდა ძლიერი ბერძენთა სახელმწიფოც კი, რომელმაც მთელი მაშინდელი ქვეყანა დაიპყრო და სცილობდა მისს ელლინიზაციას. ჰერ თვითოეულ ამ პატარა რესპუბლიკაში იყო თავისი საკუთარი სახელმწიფოებრივი და „ეროვნული“ შეგნება. ხშირად ბერძენთა რესპუბლიკები ურთი-ერთის წინააღმდეგ კიდევაც იბრძოდნენ ხოლმე. მეორე მხრით დაჩაგრული კლასები, ერთხელ სხვა რასისა და ხალხისა, გააბერძენეს და მათდამი ბრძოლა უკვე კლასიური იყო და არა ნაციონალური. საერთოდ ბერძნის ეთნიურმა ჩვეულებმა კი მუდმივი ურთი ერთზედ ზედ-გავლენით შეიმუშავეს ერთი ლიტერატურული ენა, ერთი სჯული, ერთი რასიული ტიპი, ერთი ზნე-ჩვეულება, რომელიც თუმცა ადგილობრივ განსხვავდებოდა, მაგრამ სამაგიეროდ ათასჯერ უფრო განსხვავდებოდა მაგალითად სპარსთა ზნე-ჩვეულებისაგან, ელლინთა საერთო შეგნება, რომელმაც ისეთი საშინელი წინააღმდეგობა გაუწია სპარსთა უდიდესსა და დესპოტიურ სახელმწიფოს და ბოლოს კიდევ დაამარცხა და დაიპყრო იგი ალექსანდრე მაკედონელის დროს. შეჰქმნა ერთი დიდი სახელმწიფო ბერძენთა, რომელიც ერთი უდიდესთაგანი იყო მთელ ძველ ეპოქაში. დასასრულ ბერძენებმა შექმნეს უღრმესი და უმშვენიერესი ნაციონალური სული, რომლის გამოხატულებაც იყო მათი ლიტერატურა, მეცნიერება, ხელოვნება და ფილოსოფია, — რომელიც ბერძნული იყო, ეროვნული, წმინდა ელლინური და დიდად განირჩეოდა ყველა სხვა ერთა ლიტერატურისგან, ხელოვნებისაგან და ფილოსოფიისაგან. დიახ, ბერძენები წარმოადგენდნენ ერს, და უდიდეს ერსაც მთელს ისტორიაში მიუხედავად მათი მცირე რიცხოვნობისა.

ასეთივე იყო რომის ერის<sup>6</sup> განვითარების ისტორია, მხოლოდ აქ უმთავრესი როლი ცენტრალურმა სახელმწიფომ ითამაშა, და არა თავისუფალმა რესპუბლიკებმა და მათმა კავშირმა. იტალიაში სულ წინად სხვა და სხვა ეთ-

ნიური ჯგუფები სცხოვრობდა, სხვა და სხვა ენითა, სჯულითა და სხვ. მათმა ბრძოლამ, არეე დარევეამ და ერთის მიერ მეორეს ძლევამ გამოიწვია სახელმწიფოს დაარსება, რომელიც ძლიერდებოდა თან და თან სხვა ელემენტთა დაპყრობითა და მაზედ ბატონობის ორგანიზაციით. ჟამთა ვითარებაში აქაც შემუშავდა ერთი ერი, საერთო ლათინური ენითა, განსაზღვრული სჯულითა, განსაზღვრული ზნე-ჩვეულებითა, ხასიათითა და ტიპითა, — და აგრეთვე უძლიერესი სახელმწიფო, რომელმაც აგრეთვე მთელი ქვეყანა დაიპყრო. რომიც იყო უძლიერესი ერი, რომელიც განსხვავდებოდა მაგალითად ბერძენთაგან. ბერძენებს თავიანთი სიდიადე ჰქონდათ, რომაელებს თავიანთი განსაკუთრებული; ბერძენები უმთავრესად ღიადნი იყვნენ თავიანთი სჯულიერი კულტურითა რომაელები საზოგადოებრივი სიძლიერითა, სამართლითა, სამხედრო გენიოსობითა და სიმდიდრითა, და ყოველივე ესე ენისა და სხვა დამახასიათებელ მხარეთა სხვადასხვაობასთან შეადგენდა ბერძენთა და რომაელთა ერთნულ ინდივიდუალობის თავისებურებას.

არსებობენ ეხლა ფრანგები, ინგლისელები, გერმანელები, რუსები და სხვანი. თვითოეული მათგანი აგრეთვე ვინ იცის რაოდენ რაასათა და ერთა ნარევია. მათი ენაც ვინ იცის რაოდენ ენათა ნარევეს წარმოადგენს. ინგლისელების სისხლშია — სისხლი კელტ-ბრიტებისა; ანგლო-საქსონელებისა, სკანდინაველ ვიკინგებისა, დანელებისა, გაფრანგებულ ნორმანებისა და სხვ. პრუსიელები არიან სლავიანებისა, ფინებისა, გერმანელებისა და სხვათა ნარევი. რუსები ბუშები არიან სლავიანებისა, ფინებისა, პაქანიკებისა, სკვითებისა, თათრებისა და სხვათა. ფრანგები — გალლებისა, რომაელებისა, გერმანელებისა და ვინ იცის კიდევ ვისი. ესევე ითქმის ყველა სხვა ერებზედ. მათი ენაც აგრეთვე ნარევია ვინ იცის რაოდენ ენათა და კილო-კავთა. მაგრამ მიუხედავად ყოველივე ამისა არსებობს დღეს ინგლისისა. გერმანელისა. ფრანგისა, რუსისა და სხვათა ერი; არსებობს განსაზღვრული და კელაპტარსავით ჩამოსხმული ინგლისური ენა, ფრანგული, გერმანული, რუსული და სხვანი. ეს ერები გრძნობენ თავიანთ თავსა, ორგანიულად ვითარდებიან. რუსი დღეს რუსადა გრძნობს თავსა. და არა სკვითადა, თათრად და პაქანიკად ერთად. ინგლისელი ინგლისურად ლაპარაკობს და არა ფრანგულ-გერმანულ — დანურ-ბრიტულად ერთად. თუმცა ხშირად დაკვირვებული ადამიანი შენიშნავს, რომ ძველი სისხლის წვეთები სხვანაირად, მამაპაპურად შეთამაშდებიან ხოლმე და სკვითის ბუში ან ნორმანის ნარევი ნამდვილ სკვითად ან ვიკინგად იქცევა ხოლმე!

რომ ეს თანამედროვე ერები, მსგავსად ძველთა, ნამდვილი სოციალური ორგანიზმებია — ამას გვიჩვენებს უპირველეს ყოვლისა ორი თვისება მათი, რაიცა კაცობრიობას არ მოეპოვება: 1) ენა და 2) პოლიტიკური ორგანო. ე. ი. სახელმწიფოებრივობა. კაცობრიობის ის ნაწილი კი, რომელსაც აქვს ეს ორი სოციალური ორგანო, — ერთი უპირველესი და მეორე უკანასკნელი, მაჩვენებელი სოციალური ორგანიზმის ზრდის დამთავრებისა, არის საზოგადოება, ე. ი. გარეგნულად მოწესრიგებული საერთო ცხოვრება განსაზღვრულ ტომის ადამიანთა. სახელმწიფოს უმთავრესი შემადგენელი ხალხი კი უმთავრესად ერი უნდა იყოს, თუმცა, რასაკვირველია, წინააღმდეგ, ყოველ ერს არა აქვს თავისი საკუთარი სახელმწიფოებრივობა. მას შეიძლება დროთა ვითარებაში დაეკარგოს ეს ნიჭი, შეიძლება მისთვის მოესპოსთ პოლიტიკური და საერთაშორისო ორგანოები, მიუხედავად იმისა, რომ სხვა საზოგადოებრივი ორგანონი, განმამტკიცებელნი მისი განსაკუთრებული საზოგადოებრივობისა, კიდევ

შერჩენოდეს. ამ შემთხვევაში ეს ერი ან დამპყრობელ ერში გაითქვიფება, ან, თუ ძლიერია, თავს გაინთავისუფლებს და ისევ შექმნის თავის საკუთარ სახელმწიფოსა და სრულ საზოგადოებრივობას, ან უბედურად იცხოვრებს დიდ ხანსაც სხვა ერის საზოგადოებრივ სფეროში.

ერი — კონკრეტული საზოგადოებაა. მას აქვს სოციალური შინაარსი. და მართლაც, ყველა ზემოხსენებულ ერებს აქვსთ თავიანთი სხვა დანარჩენი სოციალური ორგანოებიც. — ეკონომიური, იურიდიული, არტისტიული და სხვანი. — აგრეთვე თავიანთი ინტერნაციონალური ორგანოები ურთი-ერთ შორის კავშირის დასაქვარად. და ეს აბსტრაქტული პრინციპი საზოგადოებრივობისა კონკრეტულად ხორციელდება თვითოეულ ერში. სქულიც კი, რომელიც შეიძლება ერთი და იგივე იყოს ორი ერისათვის, თვითოეულ სოციალურ რთულს ვითარებას ეგუება და მის განსაკუთრებულ ხასიათის თანახმად კონკრეტულ ეროვნულად გარდაიქმნება. ერთი სიტყვით, თვითოეული ერი არის ერთი განსაზღვრული, კონკრეტული სოციალური ორგანიზმი, სრული გარეგნულად მოწესრიგებული საერთო ცხოვრება განსაზღვრულ ტომის ადამიანთა, განსხვავებული სხვა ასეთივე კონკრეტულ საზოგადოებრივ ორგანიზმისაგან, თავისი განსაკუთრებული თვისების ორგანოებითა, მოწესრიგების სახითა და ერთობ მთელი თავისი ხასიათითა. მაგალითად, ექვს გარეშეა, რომ არსებობს ბრუნვა ინგლისის საქონელთა, არსებობს წარმოება ინგლისისა, ხმარება სიმდიდრეთა, რაიცა ყოველივე ემორჩილება განსაზღვრულ ინგლისურ სამართლის ნორმებს, განსაზღვრულ ინგლისურ ეროვნულ სახეს მოწესრიგებისას. სოციალურ-ეკონომიური მოვლენები წარმოიშობიან და ვითარდებიან განსაზღვრულ მოწესრიგების სფეროში, იგინი ემორჩილებიან განსაზღვრულ იურიდიულ ნორმებს, და რადგანაც ინგლისის მოვლენანი ბრუნვისა, წარმოებისა და ხმარებისა არიან განსაკუთრებულნი სოციალურ-ეკონომიური მოვლენანი, მათი არსებობა წარმოუდგენელია გარეშე ასეთის მოწესრიგებისა. და არსებობს კიდევ ნამდვილად ეს ინგლისური მოწესრიგება ეკონომიური ცხოვრებისა: არსებობს ინგლისური განწყობილებანი საკუთრებისა, ინგლისური სავაჭრო, საფინანსო და სამრეწველო სამართალი და სხვა, რომელნიც განსხვავდებიან მაგალითად ფრანგულისაგან. ინგლისის საზოგადოებას აქვს სპეციალური ეკონომიური ორგანოები, ორგანიციტების ენით რომ ვილაპარაკოთ, — და ეს ორგანონი არიან ეროვნულ-ინგლისურნი, რომელნიც აგრეთვე განსხვავდებიან ფრანგულისაგან. ექვს გარეშეა აგრეთვე, რომ არსებობს ოჯახის განსაკუთრებული მოწესრიგება ინგლისში, რომელიც სხვას არა ჰგავს. შესანიშნავმა ფრანგმა სოციოლოგმა ლეპლემ თითქმის ყველა უმთავრეს ერთა ოჯახური ცხოვრება შეისწავლა და ამ მასალაზედ ააშენა მთელი თავისი სოციოლოგიური დოქტრინა, რომლის გაცნობაც მკითხველისათვის რასაკვირველია აქ ჩვენი მიზანი არ არის. იგი ანგლო საქსონელების ოჯახს ეძახის საღსა და მკვიდრსა, მაშინ როდესაც ფრანგული ოჯახი მისთვის არ არის ინგლისური ოჯახის მსგავსის სიმტკიცისა. იგი ყველა სხვა ოჯახთა შორის ნახულობდა განსხვავებასა და ეძებდა მათ შორის საუკეთესოს მიზამეის ღირსსა, მაშასადამე იგი სხვა და სხვა ერთა ოჯახთა შორის განსხვავებასა ჰხედავდა, სხვა და სხვა მოწესრიგებასა, განსხვავებას გონეზიურ ორგანოთა შორის სხვა და სხვა ეროვნულ ჰიპერ ორგანიზმთა განხილვის ღროს. — ფაქტია აგრეთვე, რომ ზნე-ჩვეულება ინგლისელისა განსხვავდება სხვა ერთა ზნე ჩვეულებისა-

გან. მორალი ინგლისელისა სხვაა, ვიდრე ფრანგისა, რელიგიური მოწესრიგება სხვა ფორმებისაა, რწმენაც სხვაფრივ გამოიხატება ინგლისელის სულის მიერ. ესევე ყოველი იხატება ინგლისურსა და ფრანგულ ლიტერატურაში, სადაც სჩანს თვითოეული მათგანის მორალური და რელიგიური თავისებურება. მეცნიერებაც ემორჩილება სხვა მოწესრიგებას, ოქსფორდის უნივერსიტეტი განსხვავდება ჰეიდელბერგისა ან პარიზის უნივერსიტეტისაგან. თვით მეთოდიც მეცნიერული კვლევისა და აზრთა დალაგებისა სხვაა ინგლისში, ვიდრე გერმანიაში და საფრანგეთში. მუსიკა ინგლისელისა, — შეგვიძლია კი ვილაპარაკოთ ინგლისელის მუსიკაზედ? — სულ სხვა ხასიათისაა, ვიდრე იტალიელისა ან გერმანელისა. აგრეთვე მთელი ხელოვნება. არსებობს, ექვს გარეშეა, ინგლისის ბუმბერაზი სამართალი, სჯულ-დებულება სახელმწიფო, სამოქალაქო, სისხლის სამართლისა და სხვა. არსებობს, ბოლოს, ინგლისის სახელმწიფო, უდიდესი, უძლიერესი და უმდიდრესი სახელმწიფო მთელ ქვეყანაზედ, რომელსაც შეიძლება სხვა ერებიც ჰყავდეს სახელმწიფოებრივობას მოკლებული და დაჩაგრული, მაგრამ მაინც გაბატონებული მთავარი ეროვნული ელემენტით, — ინგლისური ერით, მთელი მისი გენიოსობითა და ინდივიდუალობით; და რომ დიდი ბრიტანიის იმპერია საფრანგეთის რესპუბლიკა არ არის, არც გერმანიის იმპერია, — ეს ხომ ყველასათვის საჩინოა. ერთი სიტყვით ინგლისის ერთი განირჩევა ენითა, რელიგიითა, ლიტერატურითა, რომელსაც ისეთი ორიგინალობა ეტყობა, რომ კაცი ადვილად გამოიცნობს ფრანგისაგანაა დაწერილი მაგალითად რომელიმე რომანი თუ ინგლისელისაგან, სჯულ დებულებითა, ეკონომიურ ცხოვრებითა, პოლიტიკითა, რომელზედაც ყოველი უფიციკ კი ლაპარაკობს — ეს ინგლისის პოლიტიკაა და ეს საფრანგეთისაო, — და სხვითა; იგი განირჩევა სხვა ერთაგან, და როდესაც საზოგადოდ ორ სხვა და სხვა ერის ინდივიდუალურ ცხოვრებას შევადარებთ ხოლმე, ყოველთვის იძულებულნი ვართ შევადაროთ ის ზემოხსენებულნი სოციალური მოვლენანი, რომელნიც იხადებიან და არსებობენ ყოველი საზოგადოების ცხოვრებაში. ამ მოვლენათა მთელი რიცხვი კი სწორედ ის არის, რასაც ჩვენ საზოგადოდ სოციალურ ცხოვრებას ვეძახით, და ის არის, რომელიც იჩენს ასეთ ცხოვრებას არის საზოგადოება, ერთი კონკრეტული საზოგადოება. მაშასადამე ერთი — საზოგადოებაა: განსაზღვრული, კონკრეტული საზოგადოება, და როდესაც ჩვენ ორ ერს ვადარებთ ერთმანეთს, — ჩვენ ვადარებთ ორ განსაზღვრულ საზოგადოებას, ორ კონკრეტულ ცოცხალ სუბერორგანიზმსა.

მთელი ქსოვილი ერთი განსაზღვრული საზოგადოებისა სულ სხვანაირია, სხვა კანვაზედ შეკერილი, ვიდრე მეორისა. მისი უჯრედები მეორისას არა ჰგავს; — სხვა ფერადებით არის მოქარგული მთელი ქსოვილი. ცალკე ფიგურები სხვა და სხვა დროს არის ნაყერი, სხვა და სხვა პირობებში, სხვა და სხვა ხალხთაგან. მათ შორის განსხვავება ისეთია, რომ პირველი შეხედვისათანავე თვალსაჩინო ხდება იგი განსხვავება. ამას ჩვენ უბრალო თვალთაც ვხედავთ ხოლმე, როდესაც უცხო ქვეყნებში მივდივართ. აგრეთვე როდესაც უბრალო, ზერელი მსჯელობა გვაქვს ხოლმე, — მაშინაც კი ხშირად ვლაპარაკობთ: აქ გეოგრაფიული პირობები უწყობდა ხელს განსაზღვრული საზოგადოების თავისებურობას, იქ რასა ან რასათა ნარევია სრულიად განსხვავებული. ტომის შემქმნელი, სხვაგან კიდევ ეკონომიური ცხოვრების თავისებურობამ შექმნა ესე თუ ის ხასიათი ამა თუ იმ ხალხისა; — მეორეგან კიდევ ხალხი მშრომელი და მუყაითია, ან ზარმაცი და უსაქმური, ამა თუ იმ



ბუნებრივ, ეკონომიურ და უფლებრივ მიზეზთა გამო. მესამეგან აგრეთვე განსაკუთრებულ მდგომარეობას ან განსაკუთრებულ „ისტორიას“ ვაწერთ ხოლმე. მიზეზს ამა თუ იმ ერის თავზედ დატეხილ კატასტროფისას და სხვ. ყველა ამას რომ ვლაპარაკობთ, შეიძლება ჩვენ არც კი გვექონდეს სრულიად ნათლად წარმოდგენილი, რომ მაშინ ჩვენ გვაქვს მსჯელობა ერებზედ, როგორც მთელ სოციალურ ორგანიზმებზედა. რომელნიც წარმოშობილან განსაზღვრულ პირობებში, განუვითარებიათ თავისი სოციალური ორგანოები, გაზრდილან და ყველა არსებულ პირობის მიხედვით განსაზღვრული წესით იჩენენ თავიანთ სიცოცხლის სიძლიერესა და უნარსა, ან სიცოცხლის უნიკობასა და სისუსტესა.

დასკვნა ჩვენი მსჯელობისა მაშასადამე იგი უნდა იყოს, რომ თუ ჩვენ დავამტკიცებთ და აღვიარებთ, რომ ყოფილა ადამიანთა დიდი თუ პატარა ჯგუფები თავიანთი განსაკუთრებული გარეგნული მოწესრიგებით, — ყოფილან მაშასადამე განსაზღვრულნი, კონკრეტულნი საზოგადოებანი, რომელნიც ურთი-ერთისაგან განსხვავდებიან, და არა ერთი საზოგადოება. ყოფილან კონკრეტულნი სოციალურნი არსნი, რომლებშიაც კონკრეტულად ხორციელდება განყენებული სოციალობა.

ფორმანი ამ საზოგადოებისა რასაკვირველია სხვა და სხვანაირნი ყოფილან ისტორიაში. ეხლა ჩვენ მათ ჩამოთვლას არ გამოვეუდგებით. ვიტყვით მხოლოდ, რომ ყველაზედ უფრო განვითარებული და გაზრდილი ფორმა, მკიდრო კავშირის განმამტკიცებელი ინდივიდთა შორის, არის ერი. თანამედროვე კაცობრიობის კულტურული ნაწილის ზრდა-დამთავრებულნი საზოგადოებანი წარმოადგენენ ერებსა. ამ ერებს აქვსთ სახელმწიფოებრივი ფორმა საზოგადოებრივობისა. როგორი ერთა სხვა და სხვანაირობაც უნდა იყოს სახელმწიფოში, მის გულს მიიხრც ერთი რომელიმე მთავარი ერი შეადგენს, — ერთის ენისა, ერთის ტრადიციისა, ერთის ისტორიისა, ხშირად ერთის სჯულისა, ერთის ნათესავისა ანუ რასათა შერევისაგან წარმომდგარ ერთის ტიპის შთამომავალთა ხალხისა. ცალკე სახელმწიფოებში არიან ცალკე მთავარი ერები, როგორც სოციალური შინაარსის მქონე არსნი, განსხვავებულნი ურთი-ერთისაგან. ერთი ერი კი, ერთი კაცობრიობა, როგორც ხოციალური შინაარსის მქონე არსი, არ არსებობს ისე, როგორც არ არსებობს ერთი ხაკაცობრიო სახელმწიფო.

ჩვენ ზევითა ვსთქვით, რომ სახელმწიფო დიდ როლს თამაშობდა არეულ რასათა შეკავშირების საქმეში, სხვა და სხვა ტომის ადამიანთა საერთო ცხოვრების მოწესრიგებაში, მაგრამ აქედან ის დასკვნა სრულიადაც არ გამოდის, თითქოს სახელმწიფო შემქმნელი და ერთად-ერთი შემქმნელი ყოფილიყოს ერისა. მუდმივი ეკონომიური ურთი-ერთობანი აღებ-მიცემობისა, კულტურული ზედ-გავლენა, საერთო რელიგიის შემუშავება პროპაგანდითა და ქადაგებით, ცალკე ჯგუფთა ხშირი ნება ყოფლობითი კავშირი საერთო მტრის მოსაგერებლად, ან სხვა რაიმე მიზნისათვის, და სხვა მრავალი ასეთი ხასიათის ფაქტორი, — აი რა იყო აგრეთვე მიზეზი განსაზღვრული ერის წარმოშობისა ყველა მისი სოციალური ორგანოებითა, მათ შორის სახელმწიფო ორგანოთიც. რასაკვირველია სახელმწიფო შემდეგ ხელს უწყობდა ამ ერის ნაწილთა ურთიერთთან უფრო მკიდრო კავშირის დამკვიდრებას. ხშირად, როგორც არა ვსთქვით, იგი ხელს უწყობდა ეროვნების შედგენას ძალით, სხვა რასის ნაწილთა ან სხვა ერის სრულიად ჩანთქმითა; ან და რომელიმე ერი, ძლიერი სახელმწიფოს მქონე, ისევედა სხვა ერებსა როგორც ძალით, ისე

აგრეთვე თავისი ძლიერი კულტურითა, თუმცა ხშირად თვით განიცდიდა ხოლმე სხვა ერთა გავლენასაც და ამით თავის თავსაც ასხვავებდა. ხშირად ისიც მომხდარა ხოლმე, რომ რომელიმე ძლიერ ეროვნულ სახელმწიფოს ისეთი ერები დაუპყვრია, რომელთაც თვითონა ჰქონიათ წინაღ საკუთარი სახელმწიფოც და განვითარებული სოციალური ცხოვრებაც დამპყრობელის მსგავსად, ან მეტადაც. ეს ერები თუმცა დამორჩილებიან ხოლმე დამპყრობელის ძალ მომრეობას, დაუქარგავსთ თავიანთი პოლიტიკური, იურიდიული და საერთაშორისო ორგანიზაცია. — მაგრამ მაინც შეუწახავსთ ერთობ თავიანთი ეროვნული თავისებურება, — ენა, ტიპი, სჯული, ზნე-ჩვეულება, ხელოვნება, ლიტერატურა, დიადი დარგები თავის განსაკუთრებულ სოციალურ ცხოვრებისა, — თავიანთი ეროვნება ერთი სიტყვით, როგორც განსაკუთრებულ, კონკრეტულ სოციალურ სუპერ-ორგანიზმთა დამახასიათებელი მოვლენა.

ასე რომ, ჩვენის მსჯელობიდან მკითხველმა ის დასკვნა სრულიადაც არ უნდა გამოიყვანოს, თითქოს ჩვენის აზრით ერი, საზოგადოება და სახელმწიფო ერთი და იგივე ცნებანი იყვნენ, რაღაც შესაძლებელია, რომ განსაზღვრულ მომენტში ერმა და სახელმწიფომ ერთი და იგივე სახელწოდება ატარონ და ორივენი იყვნენ ერთსა და იმავე დროს თითქოს ერთი კონკრეტული განხორციელება განყენებული სოციალური პრინციპისა. მართლაც, საზოგადოება მხოლოდ გარეგნულად მოწესრიგებული საერთო ცხოვრებაა ადამიანთა. იგი ორგანიზმია, სუპერ ორგანიზმი, რომელიც განირჩევა ყველა სხვა ორგანიზმთაგან, — სოციალური ორგანიზმი. აი რა არის საზოგადოება თავის თავად. იგი განყენებული ცნებაა. ერი — კონკრეტული საზოგადოებაა, განსაზღვრული სუპერ ორგანიზმი. იგი აგრეთვე ერთი ჭურჭელია საზოგადოებრივობისა, მაშინ როდესაც მთელი კაცობრიობა ამ ჭურჭლად ჯერ არ გამხდარა და შეიძლება ვერც გახდეს ვერასოდეს. სახელმწიფო კი მხოლოდ ერთი ფორმაა საზოგადოებისა. სახელმწიფო შეიძლება შესდგებოდეს მრავალ ერთაგან. სახელმწიფო რასაკვირველია არ შეიძლება იყოს გარეშე საზოგადოებრივი შინაარსისა, მაგრამ საზოგადოებას შეიძლება სხვა ფორმებიცა ჰქონდეს სახელმწიფოებრივ ფორმის გარდა, და არსებობდნენ და დღესაც არსებობენ ასეთი საზოგადოებანი. ერთი სიტყვით საზოგადოება არის — საერთო აბსტრაქტიული ცნება, სახელწოდება ყოველი გარეგნულად მოწესრიგებულ საერთო ცხოვრების მქონე ადამიანთა კრებულისა, — სახელწოდება ამ მოწესრიგების პრინციპად მქონე სუპერ ორგანიზმისა საზოგადოდ. ერი — არსებული, კონკრეტული საზოგადოებაა. — ანუ უკეთ ვსთქვათ ერები არიან ასეთი თვისებისა, რადგანაც სწორედ ერები არსებობენ ნამდვილად და არა ერთი ერი. ერი თავის მხრით აგრეთვე ზოგადი სახელია განსაზღვრულ, კონკრეტულ საზოგადოებრივ ორგანიზმთა. — ერთა სახელმწიფო კი ერთი ფორმაა საზოგადოებისა, რომელსაც მიიღებს განსაზღვრული. კონკრეტული საზოგადოება — პირველ ყოფილ ურდოთა კავშირი, ან ერთა არე-დაჩეულ ნაწილთა ნაძალადევი შეერთება, ან წმინდა ერი.

რომ მკითხველმა უფრო ნათლად წარმოიდგინოს, რაში მდგომარეობს ამ სამი ცნების ურთი-ერთისაგან გარჩევა — საზოგადოებისა, ერისა და სახელმწიფოსი, — შემდეგ თავში ცალკე, უფრო ნათლად და დაწვრილებით განვიხილოთ იგინი და შევადაროთ ერთმანეთსა, ან ენახოთ, თუ მათი შედარება შეიძლება, რადგანაც ამ სამი ცნების ერთმანეთში არევა საშინელ აზრთა არევე

დარევის იწვევს ხოლმე საზოგადოდ, და ამ არევ-დარევს შედეგად მოსდევს ხოლმე ის ცუდი მოვლენაც, რომ ადამიანის პირდაპირი პრაქტიკული მოქმედება ხშირად განისაზღვრება ხოლმე ასეთი შეცდომებითა და არევ-დარეული აზრებითა.

## თავი მეოთხე

### საზოგადოება, ირი, სახელმწიფო

საზოგადოება, როგორც არა ერთხელ განვიჩინებოდა, არის გარეგნულად მოწესრიგებული საერთო ცხოვრება ადამიანთა მათ საერთო მოთხოვნილებათა დასაკმაყოფილებლად. ორგანიციისტულ ენით რომ ვილაპარაკოთ, საზოგადოება არის ერთგვარი, სპეციალური ორგანიზმი, — სუპერ-ორგანიზმი, რომელსაც აქვს თავისი საკუთარი ორგანოები და ფუნქციები აგრეთვე ადამიანთა საერთო მოთხოვნილებათა დასაკმაყოფილებლად. ასეთია თავის თავად საზოგადოება. მისი განსაზღვრა ჩვენის აზრით ასეთივე შეიძლება რომ იყოს. საზოგადოება თავის თავად ასეთი ხასიათის იქმნება ყოველთვის, დამოუკიდებლად დროისა და სივრცისა, როგორც უნდა იყვნენ მისი შემადგენელი ელემენტნი — ზანგები, ინგლისელები, სკვითები თუ გერმანელები — ან რა დროშიაც უნდა ზრდილიყო საზოგადოება ქრისტეს დაბადებამდის თუ ქრისტეს დაბადების შემდეგ. თვით ცნება საზოგადოებისა დამოუკიდებელია სრულიად რომელიმე კონკრეტულ საზოგადოების შემადგენელ ნაწილთა ეთნოგრაფიულ ხასიათისგან. დროისაგან, სივრცისაგან, ხალხთა რაოდენობისაგან და ყოველივე ვითარებისაგან, რაიცა ეკუთვნის რომელიმე განსაზღვრულ, კონკრეტულ საზოგადოებას.

აგრეთვე რომ გავითვალისწინოთ ევოლუცია საერთოდ საზოგადოებისა, როგორც ევოლუცია განსაკუთრებული სუპერ-ორგანიზმისა, იგი დამოუკიდებელია იმავე ელემენტთაგან, იმავე ვითარებათაგან, რომელნიც დაახასიათებენ რომელიმე განსაზღვრულ, კონკრეტულ საზოგადოებას: ფორმანი საზოგადოებისა ეამთა ვითარებაში სხვა და სხვანაირი არიან; ამ ფორმათ თავიანთი სახელები ჰქვიათ, დამოუკიდებლად იმისა, — ფრანგის საზოგადოება განვითარებულა, ინგლისელისა თუ სკვითისა, ან რუსისა.

ჩვენ ვიცით მრავალ-მეცნიერთა გამოკვლევათა წყალობით, რომ ყოფილა წარსულში და ველურთა შორის ეხლაც არის პირველ-ყოფილი ველური თემი, — ყოფილა შემდეგ ბარბაროსთა თემი, კლანი, — პატრიარქალური კომუნა, სოფლის კომუნა და სხვა ფორმანი საზოგადოებისა. ყოფილა აგრეთვე უკვე განვითარებული საზოგადოება მრავალ ფუნქციებითა და ორგანოებით. — ქალაქი სახელმწიფოს მსგავსი ორგანიზაციით — *la cité*, — ყოფილა ფედერაცია ქალაქთა და თემთა, რომელთა ცენტრიც აგრეთვე ერთი რომელიმე ქალაქი ყოფილა; ყოფილა და არის სახელმწიფოებრივი საზოგადოება. არსებობდა საზოგადოება სამხედრო წყობილებისა, საზოგადოება სამრეწველო ხასიათისა, როგორც ამბობენ სპენსერი და სხვანი არის აგრეთვე კიდევ ერთი კლასიფიკაცია საზოგადოებათა დროში განვითარების მიხედვით; პირველ-ყოფილი კომუნისტური საზოგადოება, საზოგადოება მონობისა, ფეოდალიზმისა, თანამედროვე კაპიტალიზმისა, — შემდეგ, მომავალში კი აუცილებლად განსაზღვრული სოციალისტური საზოგადოება. როგორც უნდა იყოს

კლასიფიკაცია საზოგადოებათა დროის მიხედვით, ზემოხსენებული თუ სხვა რომელიმე, ამ კლასიფიკაციაში მხოლოდ საზოგადოების სხვა და სხვა ფორმებია მიღებული მხედველობაში მათი განვითარების მიხედვითა, და სხვა არაფერი.

საზოგადოებაზედ საერთოდ ჩვენ შეგვიძლია ვილაპარაკოთ აბსტრაქტულად, დამოუკიდებლად კონკრეტულ მაგალითებისა: რასაკვირველია. როგორც ყოველ მეცნიერებაში, კონკრეტული მაგალითები საილუსტრაციოდ საჭირონი არიან, მაგრამ ამა თუ იმ საზოგადოების განსაკუთრებით ელფერს გავლენა არასოდეს არ ექმნება საერთოდ საზოგადოების თეორიაზედ. მაგალითად, როდესაც ჩვენ ვმსჯელობთ ფიზიოლოგიურ კანონებზედ, როგორც საერთო აბსტრაქტულ კანონებზედ, კაცისა და ცხოველთა მაგალითები ყოველთვის გვჭირდება, არც შეიძლება აბსტრაქტულ ფიზიოლოგიის კანონთა აღმოჩენა, თუ კონკრეტულ ცდაზედ არ დავემყარეთ, მაგრამ პეტრეს ორგანიზმის ვითარება ან მისი ანომალიები ვერ იქონიებენ ვერავითარ გავლენას საერთოდ ფიზიოლოგიურ მეცნიერების კანონებზედ. პირიქით, ამ კანონებით უნდა ავხსნათ ესა თუ ის თავისებურობა, ან ანომალია. ერთი სიტყვით, საზოგადოებაზედ ფილოსოფოსობა აბსტრაქტული სოციოლოგიის საქმეა მხოლოდ, როგორც ერთობ მთელ ბუნების მოვლენათა შესახებ და აგრეთვე ცნობიერების შესახებ ფილოსოფოსობა აბსტრაქტული ფილოსოფიის საქმეა და არა რომელიმე კონკრეტული მეცნიერებისა. აი როგორია ჩვენის აზრით საზოგადოების ხასიათი და მის შესახებ ფილოსოფია, როდესაც საზოგადოებას ვეხებით თავის თავაკ, როგორც ერთ განსაზღვრულ აბსტრაქტულ ცნებას.

როდესაც კი ცალკე მაგალითების ანალიზს შევეუდგებით, როდესაც საზოგადოებათა რეალურ, კონკრეტულ დასახელებას მივყოფთ ხელსა, მაშინ აუცილებლად შევხვდებით ხოლმე სხვა და სხვა ხალხთა, რასათა და ერთა, რომელთაც ჰქონიათ, ან უსათუოდ უნდა ჰქონოდესთ ამა თუ იმ ფორმის საზოგადოებანი. მეორეს მხრით აგრეთვე ვხვდებით თვით კაცობრიობას, რომელსაც არა ჰქონია არასოდეს არავითარი საერთო საზოგადოებრივი ცხოვრება.

ანუ სხვა ფრად რომა ვსთქვათ, ჩვენ ვიკვლევთ საზოგადოებას სოციალური ფილოსოფიის მხრით ისე, რომ არა გვჭირდება ვიცოდეთ, — ვინ არიან ის ადამიანები, რომლებიც ცხოვრობენ გარეგნულად მოწესრიგებული ცხოვრებითა, — ფრანგები, ინგლისელები თუ გერმანელები. — მონგოლები, არიელები თუ სემიელები. მაგრამ როდესაც რეალურ, ნამდვილად არსებულ ან ყოფილ საზოგადოებათა შესახებ გვაქვს ლაპარაკი, ეს ლაპარაკი მაშინ არის მხოლოდ შესაძლებელი. როდესაც მათ შორის განსხვავებაც ვიცით. ეს კი თავის მხრით მხოლოდ მაშინ არის შესაძლებელი, როდესაც მათ შემადგენელ ადამიანთა შორის არსებული განსხვავებაც ვიცით. ეს განსხვავება არის განსხვავება რასისა, ერისა და სხვ. ფაქტია, რომ არსებობენ მონგოლისა, ზანგისა, წითელ-კანიანისა და თეთრი ადამიანის რასანი. ფაქტია რომ არსებობდნენ ბერძენი და რომაელნი, ურიანი და ასურელნი, ფაქტია რომ არსებობენ ეხლა ინგლისელები, ფრანგები და გერმანელები. ყველა ამათ უნდა ჰქონოდათ, ჰქონდათ ან აქვსთ თავიანთი საზოგადოებანი, და ამიტომაც წარმოადგენენ ისინი ინდივიდუალურად განსხვავებულ არსთა, ცალკე, დამოუკიდებელ სუპერ-ორგანიზმთა, ან ოდესმე უნდა წარმოედგინათ ასეთი სუპერ-ორგანიზმები.

მაშასადამე რასანი. ერთი განხორციელებანი არიან მხოლოდ საზოგადოე-

ბრიგობისა, მათ შეუძლიანთ ჰქონდესთ ესა თუ ის ფორმა საზოგადოებისა, მაგრამ თვით ცნებანი რასისა, ერისა და საზოგადოებისა ერთი და იგივეს სრულიადაც არ არიან. კერძოდ ერს, მაგალითად, აქვს სოციალური შინაარსი, მაგრამ ცნება ერისა და საზოგადოებისა არ არის ერთი და იგივე, — საზოგადოება აბსტრაქტული ცნებაა განსაზღვრული ბუნების მოვლენისა, ერი კი განსაზღვრული, კონკრეტული მაგალითია ამ მოვლენის არსებობისა ბუნების წიაღთა შინა.

ამით მგონი ცოტათი ნათელ-ვყავით განსხვავებანი ერისა და საზოგადოების ცნებათა, თუმცა ასეთი ანალიზი არც ისე ადვილია, როგორც შეიძლება ბევრს ეგონოს; და თუ ისეთი სოციოლოგი, როგორიც რენე ვორშისა, სავეებით ვერ ერევა ამ ანალიზს, ჩვენ, ამ პატარა მოთხრობაში, რასაკვირველია, უფრო გვეპატიება შეცდომანი.

სახელმწიფოს ცნება აგრეთვე განსხვავდება ამ ორ ზემოხსენებულ ცნებისაგან. სახელმწიფო თავდაპირველად უფრო ორგანიზაციაა ერთი ეთნიურა ჯგუფის მეორეზედ ბატონობისა, შემდეგ იგია უბრალო სუშმა იმ დაწესებულებათა, რომლითაც ერი ჰქმნის ერთი განსაზღვრული, ძალდატანებითი ფორმის საზოგადოებრივობას. მაგრამ შეიძლება ერს სხვა ფორმა ჰქონდეს საზოგადოებრივობისა, — მაგალითად თავისუფალი ფორმა, რომელიც მომავალი იდეალია კაცთა საზოგადოებისა.

ამასთანავე შეიძლება საზოგადოება, როგორც არა ესთქვით, ბევრი სხვა ფორმით არსებობდეს, გარდა სახელმწიფოს ფორმისა, — შეიძლება აგრეთვე ერთი სახელმწიფო სხვა და სხვა ერთაგან შესდგებოდეს, და ამ ერებს კი არ დაეკარგოსთ თავიანთი ეროვნულ-სოციალური ორგანონი, გარდა პოლიტიკურისა და იურიდიულისა. ასეთი და მსგავსი შემთხვევა მრავალია შესაძლებელი.

საზოგადოება შეიძლება იყოს პირველ ყოფილ-კომმუნისტური, მონური, ფეოდალური, კაპიტალისტური, ან მომავალი სოციალისტური ერთი კლას-სიფიკაციით, — ან და სახელმწიფოებრივი, ანუ ანარქიული მეორე კლას-სიფიკაციით, — ან კიდევ სხვა რომელიმე; რასათა და ერთა ნარევის, ან ერსა, ან ერის ნაწილებს შეიძლება ჰქონდეს ყოველი ზემოხსენებული ფორმა საზოგადოებრივობისა. რასათა პირველ-ყოფილ ნარევებს მართლაც ყველა პირველ ყოფილი საზოგადოებრივი ფორმები ჰქონიათ. ერებს და მის ნაწილებს კი ყოველგვარი სახელმწიფოებრივი ფორმანი, აგრეთვე ფორმანი თავისუფალ ქალაქთა და თემთა ფედერაციებისა.

აგრეთვე, მაგალითად თანამედროვე ცხოვრებაში პირდაპირა ვხედავთ, რომ სახელმწიფო რუსეთისა და ავსტრიისა სხვა და სხვა, მრავალ ერთაგან შესდგება. ერთი ერი კი, მაგალითად პოლონეთისა, სამ სახელმწიფოშია, — რუსეთში, ავსტრიაში და გერმანიაში. მიუხედავად ამისა იგი სცოცხლობს თავისი განვითარებული ეროვნული ორგანოებით, როგორც ერი, როგორც განსაზღვრული, კონკრეტული საზოგადოება. მისი არსებობა — ფაქტია. მისი ძლიერი სიტყვები — „იემჩე პოლსკა ნე სგინელა“ უბრალო ტრახახი ან სასოწარკვეთილი ძახილი არ არის, — მას დიდი სინამდვილე აქვს აღმომცენებლად და ნიადაგად. პოლონეთსაც აქვს თავისი საკუთარი სოციალური შინაარსი, როგორც ერსა, მიუხედავად იმისა, რომ იგი აღარ არის სახელმწიფო და მიუხედავად იმისა, რომ იგი სამს სახელმწიფოში შედის თავისი ნაწილებითა.

მაგრამ, ასე გასინჯეთ, თვით სახელმწიფოს არსებობაც არ შეიძლება ისე, თუ ერთი რომელიმე ერი არ არის მისი გული, — ბურჯი, რომელზედაც იჯ

უნდა იყოს დამყარებული. მაგალითად, გული რუსეთის სახელმწიფოსი არის რუსის ერი. ეს ერი უმთავრესი ელემენტია რუსეთის სახელმწიფოსი. რუსეთის სახელმწიფოებრივობა თავდაპირველად რუსის ერის „ხასიათით“ განისაზღვრებოდა და განისაზღვრება ეხლაც. რუსეთის იმპერია რომ კიდევაც დაირღვეს, რუსის ერს მაინც შეუძლია შეირჩინოს თავისი საკუთარი სახელმწიფო. გაცილებით უფრო პატარა სამეფო, ვიდრე ეხლა, მაგრამ მაინც სახელმწიფო რუსეთისა. — სულით მსგავსი თანამედროვესი. მას შეუძლია სახელმწიფოს დაკარგვაც, მაგრამ ეროვნებას მაინც შეირჩენს, თუ რასაკვირველია თვითშეზნებითა და კულტურით მარჯვედ იქმნა.

სახელმწიფო შეიძლება იყოს აგრეთვე სხვა და სხვა ერთაგან შემდგარი ისეთნაირად, რომ ცალკე ერები მაინცა და მაინც დიდად არ განსხვავდებოდნენ ურთი-ერთისაგან სიძლიერითა და სიდიდით. ასეთი სახელმწიფოს მაგალითია ავსტრო-უნგრეთი. ამ შემთხვევაში ორი რამ არის აუცილებელი, რომ სახელმწიფომ იარსებოს ნორმალურად, სიძლიერითა და პრესტიჟით; ან საშინელი დესპოტიზმი ერთი რომელიმე გაბატონებული ერისა. ან და ერთა შორის თავისუფალი ფედერაცია, რომელიც უზრუნველ-ჰყოფს ერთა სრულ ავტონომიასა და მათს ეროვნულ დამოუკიდებელ განვითარებას. მაგრამ დესპოტიზმს დიდი ხნის ფოხი არასოდეს არა აქვს ხოლმე ასეთს სახელმწიფოში, იგი მხოლოდ დროებით შექმნის სახელმწიფოს სიძლიერეს, ნორმალურ კალაპოტში კი თავის დღეში ვერ ჩააყენებს მისს ცხოვრებასა. წინააღმდეგ შემთხვევაში კი, ესე იგი როდესაც სახელმწიფოში არც დესპოტიზმია განვითარებული ან და კბილი მოსტეხია, არც თავისუფალი ფედერაციაა ერთა, თავისუფალ ერთა საკუთარ ეროვნულ საზოგადოებრივობის განსავითარებლად. — სახელმწიფო სუსტდება ერთა ბრძოლითა და ან სრულიად იწეწება საქმეები და მუდამ ანორმალურია მისი ცხოვრება, ან და იგი აუცილებლად ირღვევა და შესაძლებელია მის ნანგრევებზედ აღმოცენდნენ ცალკე ერთა დამოუკიდებელი სახელმწიფონი.

ისეთ სახელმწიფოებში, სადაც არ არსებობს ერთა თავისუფალი ფედერაცია, არამედ დესპოტიზმი ერთი ერისა, ყოველთვის ბატონობს სურვილი განთავისუფლებისა მჩაგვრელთაგან და ცალკე სახელმწიფოთა დაარსებისა. ასეთ ერებს შეუძლიათ დაიარსონ სახელმწიფონი და მოაწყონ პოლიტიკური იურდიდიული ორგანოები, — რადგანაც მიუხედავად მათი ჩაგვრისა, მათ კიდევ დარჩენიათ თავიანთ საზოგადოებათა დამახასიათებელი მოვლენანი: ენა, რელიგია, ზნე-ჩვეულება, ტიპი, ლიტერატურა, ტრადიციები, საერთო კულტურა, ისტორია და სხვა.

ამგვარად, ერი არის ჭურჭელი საზოგადოებრივობისა. იგი განსაზღვრული, კონკრეტული საზოგადოებაა. საზოგადოებას კი, როგორც ამგვარს, შეუძლია მიიღოს მრავალი ფორმა, კერძოდ სახელმწიფოს ფორმა. სახელმწიფო კი ერთი ფორმაა საზოგადოებრივობისა, რომელიც შეიძლება ჰქონდეს განსაზღვრულ, კონკრეტულ საზოგადოებას, — ერსა.

გარდა ამისა უნდა შევნიშნოთ, რომ კერძო „საზოგადოებანი“ შეიძლება იყვნენ ერთ დიდ საზოგადოებაში, — ერში, სახელმწიფოში. პროფესიონალური კავშირები, სამეცნიერო საზოგადოებანი, საარტიტო კავშირები, რევოლუციონური კავშირები, რელიგიური სექტები და სხვა მრავალი ამგვარები, — ესენიც არიან „საზოგადოებანი“, რადგანაც ესენიც წარმოადგენენ ადამიანთა გარეგნულად მოწესრიგებულ საერთო ცხოვრებათა, საერთო მიზნის მისაღწევად, მაგრამ ეს საზოგადოებანი მოქმედებენ ერში ანუ სახელმწიფოში და არიან აღმო-

ცენტრალური მთელი მათი სოციალური ცხოვრების ნიადაგზედ. ეს საზოგადოებრივი ნაწილი არიან ერისა ანუ სახელმწიფოსი, ეთანხმებიან საერთო ეროვნულ-საზოგადოებრივ. სახელმწიფოებრივ სტრუქტურასა და ფუნქციებსა, ერთი სიტყვით. ისინი შედიან საზოგადოების უკვე ჩამოთვლილ ორგანოთა მექანიზმში, ანუ საერთო გარეგნულად მოწესრიგებულ ცხოვრების გამოხატულებანი არიან თვით, — ასე რომ როცა ამ ცალკე საზოგადოებათა შესახებ გვაქვს ლაპარაკი, მცირე ანალოზის შემდეგაც კი ისევ ვუბრუნდებით საზოგადოების ცენტრის განსაზღვრასა და აქ კი ეს მეტია, რადგანაც ამაზე უკვე დასაწყისში ვილაპარაკეთ.

სახელმწიფო მხოლოდ ერთი ფორმაა საზოგადოებრივობისა, ამასთანავე იგი სრულ საზოგადოებრივობას საეხებით არ შეადგენს; ამიტომაც იგი სრულიად არ ეთანხმება ეროვნულ საზოგადოებრივობას, არამედ ხშირად სრული წინააღმდეგეც არის ხოლმე მისი. რადგანაც სახელმწიფო ამასთანავე უფრო მექანიკური კავშირია ადამიანთა შორის თავისი ძალ-დატანებითი ფუნქციების წყალობითა, ვიდრე ერი, რომელიც ორგანიული კავშირია ადამიანთა შორის, ესე იგი ნამდვილი საზოგადოება, ერი რჩება უმაღლეს, უდიდეს და უბუნებრივებს და დღეს თითქმის ერთად-ერთ დიდ ქურქულად საზოგადოებრივობისა მთელ კულტურულ კაცობრიობაში.

მართალია, როგორც წინადა ვსთქვით, სახელმწიფო ორგანიზაციას დიდი როლი უთამაშნია ერის შექმნაში. ორი უმთავრესი გზით შეეძლო სახელმწიფოს ეროვნებათა შექმნაში მონაწილეობის მიღება. ერთი გზაა — განცალკევებულ მაგრამ ერთგვარ საზოგადოებათა შეერთება, ერთ ერად შეერთება. მაგალითად შეერთება გერმანიისა, იტალიისა, საქართველოსი და სხვა ერთა. ყოფილან ისტორიაში ისეთი დრონი, როდესაც ერთი და იგივე რასისა ანუ ხალხის ნაწილი ცალ ცალკე სამეფოებსა, ქალაქებსა, ან ოლქებს შეადგენდნენ, ესე იგი ცალ-ცალკე საზოგადოებათა, რომელნიც ხშირად კიდევ იბრძოდნენ ხოლმე ურთი-ერთ შორის: მათი შეერთება დროთა ვითარებაში თავდაპირველად ან ნება-ყოფლობით ხდება, ან და უფრო ხშირადაც ერთი ცენტრალური სახელმწიფო ძალის განვითარებითა, რომლიდანაც ჩნდება ხოლმე შემდეგ ერთი დიდი ეროვნული სახელმწიფო. თავდაპირველად, შეერთებამდის, ეროვნული თვით-შეგნება არ არის განვითარებული, ან და ისე სუსტია, რომ ცალკე ჯგუფები — პროვინციები, ქალაქები, პატარა რესპუბლიკები ერთმანეთს ებრძვიან, — შემდეგ კი. ერთ სახელმწიფოს კერ ქვეშ ცხოვრების გამო ვითარდება ერთი ეროვნების თვით-შეგნება, ერი სამუდამოდ ხდება თვით-შემგნებ ორგანიზმად, თუმცა აქედან ის დასკვნა სრულიადაც არ გამოდის, რომ საჭირო იყოს ეროვნული თვით-შეგნების განვითარებისათვის სრული მოსპობა ადგილობრივ თავისუფლებათა ცენტრალური ძალის მიერ. პირიქით, მკიდრო კავშირი ერის ნაწილთა შორის მაშინ არსებობს, თუ ამ კავშირის განმამტკიცებელი ცენტრალური ძალა ილწვის შეძლებისა დაგვარად ყველა ადგილობრივ ინტერესთა დასაცველად, რამდენადაც საზოგადოდ სახელმწიფოს შეუძლია ასეთი როლის აღსრულება ერისა და საერთოდ საზოგადოების ცხოვრებაში. მაშინ ადგილობრივი თვით-მმართველობა ორგანიულად აერთებს მთელს ერსა. ანვითარებს საერთო ეროვნულ თვითშეგნებას, რადგანაც ამ შემთხვევაში ევროპა აღამიანი, კერძო ქალაქი, კერძო პროვინცია და შტატი, — ყველანი გრძობენ, რომ მთელი მათი საერთო ორგანიზაცია არსებობს მათსავე დასაცველად და არა ადამიანი, ქალაქი და შტატი — სახელმწიფო ფეტიშის თავყან-საცემლად.

მეორე მხრით, ასეთი გაერთიანება ერისა ხშირად ხდება ძალით, განსაკუთრებით მაშინ, როდესაც ამ ერის წიაღში ურთი-ერთის მსგავსი გაბნეული ნაწილები განვითარებული ცენტრალური ძალის მიერ არის დაპყრობილი. იმ ხალხთა შორის კი, რომელთაც ოდესღაც ჰქონიათ დიდი ეროვნულ-სახელმწიფოებრივი ცხოვრება, მაგრამ დაუქარგავსთ იგი, — ცალკე ნაწილთ ისევე განცალკევებული ცხოვრება დაუწყიათ, — ჯერ ისევე აღსდგება ხოლმე ეროვნული ერთობისა და თვითშეგნების იდეა და მერე შეიძლება ასეთ იდეურ მოძრაობას შედეგად მოჰყვეს ერთი ეროვნული სახელმწიფოს დაარსება, ანუ უკეთ ვსთქვათ მისი განახლება, — მხოლოდ, შეიძლება, სხვა ფორმითა. იმისდა მიხედვით, მაშასადამე თუ როგორი ისტორია აქვსთ ერის ნაწილთა, ხან ეროვნული თვით-შეგნება უსწრებს წინ ეროვნულ სახელმწიფოსა, ხან სახელმწიფო ეროვნულ თვით-შეგნებასა, რომელიც ვითარდება საერთო ცხოვრების ჩვეულებითა და ვარჯიშობითა.

მეორე გზა ეროვნების შედგენისა არის დიდი ერის მიერ დაპყრობილ პატარა ერთა ან რასათა ნაწილების ასსიმილიაცია სახელმწიფოს მიერ. საშინელია თვით ეს პროცესის ასსიმილიაციისა; როცა იგი თავდება ხოლმე, მაშინ ერი უკვე გადაგვარებულია, იგი უკვე ჰქარგავს ყოველისფერს ეროვნულსა, — ენას, რელიგიას, თვით შეგნებასა და სხვასა, და ინთქება მთავარი, დამპყრობელი ერის სოციალური ცხოვრების ტალღებში. ეს მთავარი ერი მას ისე გადაჰხარშავს ხოლმე, მოინელებს, როგორც პროტოპლაზმა ან განვითარებული ცხოველი საკვებასა.

მთავარი ერი კი ისევე ერად რჩება, მხოლოდ გაზრდილი და განმრავლებული ახალი ელემენტით, — თავისი ენითა, რელიგიითა, თვით-შეგნებითა და სხვ. მისი სოციალური შინაარსი არ იკარგება და როდესაც მას, შეიძლება, მეორე უფრო ძლიერი ერი ან სახელმწიფო მოესევა, აუცილებლად იგივე პროცესი უნდა მოხდეს, თუ დამარცხდა: ან ასსიმილიაცია ჟამთა ვითარებაში, წვალებითა და ტანჯვით სიკვდილი, — ან ძალის შეკრება, მედგარი და ხანგრძლივი ბრძოლა და განთავისუფლება, — ან და მოღუნებული ცხოვრება, რაიცა ყოველისფერზედ უარესია.

ასე რომ, ერი მაინც ერად რჩება, მიუხედავად იმისა, რომ შეიძლება ერთმა ერმა მეორე შთანთქმას: ერთი ერი დაიჭერს მეორეს ადგილს. მიუხედავად იმისა აგრეთვე, რომ იგი შეიძლება სხვა და სხვა სახელმწიფოებში იყოს, ან შეიძლება სახელმწიფო შესდგებოდეს სხვა და სხვა ერთაგან, — ზნე-ჩვეულება ერისა, ენა, რელიგია, საერთო კულტურა შეიძლება დარჩეს და იცოცხლოს. ამიტომაც ერი, სულ ერთია აქვს თუ არა მას სახელმწიფო, — ერთ თვით შემგნებ არსს წარმოადგენს, ერთ სოციალურ შინაარსის მქონე სუპერორგანიზმსა, თავისი სიცოცხლის დამცველსა. მას აქვს თავისი ვნებანი, მისწრაფებანი, იდეალები, მიზნები და სხვ. მისი წარმოშობის ისტორიაში, მართალია, სახელმწიფოს დიდი როლი უთამაშნია, მაგრამ მას, როგორც განსაზღვრულ, კონკრეტულ საზოგადოებას, შეუძლია თავიდან მოიშოროს ეს სახელმწიფოებრივი ფორმები საზოგადოებრივობისა და შექმნას ახალი ფორმები, რადგანაც საერთოდ საზოგადოებას შეუძლია მიიღოს არა მარტო სახელმწიფოებრივი ფორმა, არამედ მრავალი, მომავალში მაინც შექმნის ერი არა-სახელმწიფოებრივ, თავისუფალ საზოგადოებრივ ფორმებს, თუ წარსულში არ შეუქმნია ასეთი იდეალური რამ, და თუ აწმყოში განსაკუთრებით სახელმწიფოებრივი ფორმა აქვსთ კულტურულ კაცობრიობის ერებს.

ამიტომაც ერი, როგორც სოციალური არსი, გაცილებით უმაღლესი და



უკეთილშობილესი არსია, ვიდრე ყველა სხვა არსებულნი სოციალურნი არს-  
ნი წარსულში და აწმყოში.

ამ თავში ჩვენ განვიხილეთ ერის განსხვავება საზოგადოებისაგან და  
სახელმწიფოსაგან. ეს ცნებანი ისე განსხვავდება ურთიერთისაგან. რომ  
საერთო საზომი არა აქვთ. — აბსტრაქტულად რომ ავიღოთ ეს ცნებანი. ძალი  
წმინდა განსაზღვრის მხრითა.

საზოგადოება აბსტრაქტული ცნებაა. გამომხატველი ადამიანთა საერთო  
მოწესრიგებული ცხოვრებისა. — ცნებაა საზოგადოებრივი სუბერ-ორგანიზმი-  
სა. ერი კონკრეტული სოციალური ორგანიზმია. სახელმწიფო კი ერთის მხრივ  
განსაკუთრებული ფორმის საზოგადოებრივი ორგანიზმია. რომლის მაცოცხ-  
ლებელი ერი შეიძლება იყოს. ან ერნი. მეორეს მხრივ. უფრო სპეციალურად  
თუ გავსაზღვრეთ, — იგი ერთი ფორმაა საზოგადოებრივობისა; ერთი ფორმა  
საზოგადოების მომწესრიგებელ დაწესებულებათა, რომელსაც შეიძლება ერა  
ხმარობდეს თავის შინაგან სოციალურ და გარეგან საერთაშორისო ცხოვრება-  
ში. ან აგრეთვე ერნი.

მაგრამ ხანდახან აქ ერთ ახალ ცნებას ურევვენ ხოლმე და ვერ არჩევენ  
ერისაგან და სახელმწიფოსაგან. ეს ცნება არის — „ხალხი“. განვიხილოთ  
იგი შემდეგ თავში ზემოხსენებულ ორ ცნებასთან ერთად.

## თავი მესამე

### ხალხი, ერი, სახელმწიფო

წინა თავებში ჩვენ განვიხილეთ ერი, როგორც განსხვავებული რამ სა-  
ზოგადოებისაგან და სახელმწიფოსაგან. გავარკვიეთ. რომ ერი არის კონკრე-  
ტული საზოგადოება. რომელსაც შეუძლია შექმნას სახელმწიფო ან თავის  
საკუთარ ელემენტთა შეპოქმედებითა, ან და სხვა ერთა დაპყრობითა; ვსთქვიეთ  
აგრეთვე, რომ სახელმწიფო არის ერთი ფორმა საზოგადოებისა, რომელიც  
ერს შეუძლია დროთა ვითარებაში შემოიღოს, როგორც წარმავალი წესი  
სოციალურის ცხოვრებისა და სხვ.

გავარჩიოთ ეხლა ურთი-ერთისაგან ხალხი, რომელსაც აგრეთვე ერთგვა-  
რი აზრით იხსენიებენ. და სახელმწიფო. რა არიან იგინი. დამოუკიდებლად  
საზოგადოებისა, რომელიც აბსტრაქტული საზოგადო ცნებაა. გამომხატველი  
ადამიანთა საერთო ცხოვრებისა? გავარჩიოთ შემდეგ ერი და ხალხი დამო-  
უკიდებლად სახელმწიფოსი. რომელიც ერთი განსაზღვრული. ისტორიულად  
გარდამავალი ფორმაა საზოგადოებრივობისა, მსგავსად ურდოთა ფედერაციისა,  
ქალაქისა და სხვ.

ერს. როგორც კონკრეტულ საზოგადოებას, თავისი ისტორია აქვს. იგი  
პირველ-ყოფილი სოციალური არსი არ არის. ყოველი ერი ეკუთვნის ამა თუ  
იმ რასას, რომელიც განსხვავდება სხვა რასისაგან. მაგალითად ინგლისელები,  
ფრანგები და გერმანელები ეკუთვნიან ეგრედ წოდებულ ინდო-გერმანულ  
ტომს, თეთრს რასას. ჩინელები და იაპონელები ყვითელს. მონგოლთა რასას:  
მაგრამ რომ განვიხილოთ თვითული რასა საერთოდ. ან თვით ერები. ვერც  
წმინდა მონგოლის რასას ვნახავთ. ვერც წმინდა რასის სისხლს ერში. რასებია  
ნარკვეია. აგრეთვე ერები ნარკვე რასათაგან შესდგება. როგორც ზემოდა  
ვსთქვიეთ.

ჩვენ არ ვიკითხვართ თავდაპირველად ერთი რასა იყო თუ მრავალი. მაგრამ ექვეს გაოქმება, რომ ერთ დროს უნდა არსებებოდა ერთი ან მრავალი წმინდა რასა, ურთი-ერთისაგან განსხვავებული, და მათგან წარმოსდგნენ თანამედროვე ხალხები და ერები. ამას ამტკიცებს მსგავსება ენისა და ტიპისა იმ სხვა და სხვა ხალხთა და ერთა შორის, რომელთა ისტორია დღეს აღარც კი მოგვიტხრობს მათს შორეულ დროის ერთად ცხოვრებასა.

ვსტყვით რომ ერთ დროს არსებობდა რასები, A, B, C, და სხვ. ეამთა ერთარებაში ისინი ერთმანეთს ხედებოდნენ ომებისა და მშვიდობიან მიმოსვლის წყალობითა, და რასაკვირველია მათი ერთმანეთში აღრევა აუცილებელი გახდა. მეორე განსაზღვრულ მომენტში მაშასადამე არსებობდნენ რასები A1, B1, C1, და სხვ. მათი სოციალური ცხოვრება რასაკვირველია სხვა და სხვა ფორმას მიიღებდა დროთა ერთარებაში. მაგრამ ჩვენ აქ ეს არ გვიანტერესებს. ჩვენთვის ის არის საინტერესო, რომ რასათა აღრევისაგან ახალი რასები ჩნდებიან, რომელთაც შეუძლიანთ შექმნან აგრეთვე სხვა და სხვა ფორმის ახალი კონკრეტული საზოგადოებანი. მაგალითად თეთრმა და შავმა რასამ შეიძლება რომ შექმნან ახალი რასა. ყვითელმა და შავმა შეიძლება შექმნან აგრეთვე მეორე ახალი რასა ადამიანთა, რომლის ნაწილებს რამოდენიმედ ექმნება მსგავსება სოციალური ცხოვრებისა და სხვა და სხვა ფორმის კონკრეტული საზოგადოებანი.

რასა იქმნება თუ ტომი, ე. ი. უფრო ვიწრო ცნება, ვიდრე რასა. -- სულ ერთია. -- იგი ემორჩილება განმრავლების კანონს და მის შედეგებსა.

ტომი.—მაგ. არიელები, სემიელები და სხვა. --დიდდება, ნაწილდება და ადგილს იცვლის. ან მეორე ტომს იპყრობს, და ამგვარად ისევე სდგება ახალი ტიპი ადამიანთა კავშირისა და ნათესავისა. ასეთ ტიპს ადამიანთა ნათესავისას ჩვენ შეგვიძლია ვუწოდოთ — ხალხი, რომელიც კიდევ უფრო ვიწრო ცნებაა ვიდრე ტომი. მაგალითად არიელთა ტომისაგან, რომელიც თავის მხრივ შერეული იყოს სხვა ტომებთან, წარმოსდგნენ ხალხები — გერმანელთა, კელტთა, სლავიანთა, სპარსთა და სხვ. სემიელთაგან წარმოსდგნენ ასსურთა ბაბილონელები, ურიები, არაბები და სხვანი. რომ ასეთი დიფფერენციაცია ხდებოდა ნამდვილად — ამის მაჩვენებელი ენაა, რომელიც განსხვავდება ტომთა შორის და ხალხთა შორის. მაგრამ ამასთანავე ძირთა მსგავსებით იგი უჩვენებს სხვა და სხვა ხალხთა ერთ-ერთი ტომისადმი კუთვნილებასა. სემიური ენა განირჩევა არიულისაგან, როგორც ტომის ენა ტომის ენისაგან, გერმანული შეედურისაგან, როგორც ხალხის ენა ხალხის ენისაგან, მაგრამ თუ სემიური ენა რამოდენიმედ ემსგავსა არიულსა, ჩვენ უნდა ვიკვლიოთ უხსოვარ დროის მათი ერთობა. აგრეთვე რამდენადაც გერმანული და შეედური ერთმანეთს ძლიერა ჰკვანან, ჩვენ გვიადვილდება შევედთა და გერმანელთა ერთობის დაამტკიცება ახლო წარსულში.

როგორც რასები და ტომები, აგრეთვე ხალხები იჭერენ თავიანთ მოძრაობაში განსაზღვრულ ტერიტორიასა და ჰქმნიან საერთო სოციალურ ცხოვრებასა. მათი აღრევაც და ხალხის ახალი ტიპის გაჩენაც მუდამ ხდებოდა ისტორიაში. მაგრამ ყოველთვის ხალხთა ნაწილებს შორის იყო სოციალური მოწესრიგება და ეს უქანასკნელი ან უკვე განვლილ სოციალურ ცხოვრებისაგან იყო დარჩენილი, როგორც მაგალითად ენა და სარწმუნოება, ან ახალი სოციალური ცხოვრებით შექმნილი, როგორც მაგალითად ფედერაცია თემთა, ქალაქთა, პროვინციათა და სხ., აგრეთვე მრავალი დარგი სოციალურ აღმოჩენათა. როდესაც კი ხალხის სხვა და სხვა ნაწილები. პოლიტიკურად და

სხვა მხრივაც დამოუკიდებელი, თითქმის ცალკე, მაგრამ მონათესავე სოციალური ორგანიზმები ერთდებიან ერთ დიდ სოციალურ ორგანიზმად — ერთის ენითა, სარწმუნოებითა, სამართლითა და პოლიტიკითა — მაშინ ხალხი ხდება ერთად. იგი სახელმწიფო ორგანოების საშუალებით აარსებს ასეთს გაერთიანებულ საზოგადოებას; და შემდეგ მან კიდევ რომ დაჰკარგოს პოლიტიკური და იურიდიული ორგანოები თავისი საზოგადოებისა, იგი მაინც ერთად რჩება, რადგანაც ერთობა უკვე ჰქონია, იგი უკვე ყოფილა გაერთიანებული კონკრეტული სოციალური ორგანიზმი, მქონე განმტკიცებული. მჭიდრო კოპეზიისა.

სულ სხვა საკითხია, თუ როგორ ხდება რთული პროცესი რასათა დიფფერენციაციისა, როგორი იყო წარმოშობა ტომთა, — ამ უკანასკნელთა დიფფერენციაცია, წარმოშობა ხალხთა, შექმნა ხალხის სოციალურ ცხოვრებაში ეროვნულ-სოციალური კოპეზიისა, სხვა და სხვა ფაზები განვლილი კონკრეტულ საზოგადოებათა მიერ გამაერთიანებელ სახელმწიფოს გაჩენამდის. ჩვენთვის ის არის საჭირო ვიცოდეთ, რომ ერთი უპირველეს ყოვლისა არის ადამიანთა სოციალური შემოქმედება. იგი ნარევია რასათა, ტომთა და ხალხთა, მაგრამ თვით ეს რასები, ტომები და ხალხები სოციალური პროცესის ნაყოფი არიან. ერთი კი ხალხის სოციალური კოპეზიის ნაყოფია. იგი სახელმწიფო ჯაჭვ-ჯაჭვებით იმოსება და ისე გამოდის საბრძოლველად მეორე ერის წინააღმდეგ, როგორც კონკრეტული, ცოცხალი სოციალური ორგანიზმი. და არ არსებობს არც ერთი ერთი, რომელსაც უკვე დაუჰკარგავს ეს ჯაჭვანი, რომ არა სურდეს მისი ხელ-ახლა შექმნა თავის ეროვნების დასაცველად.

არ უნდა დაგვაიწყდეს ის ფაქტი, რომ ხალხებიც ებრძვიან ერთმანეთს, ერევიან ერთმანეთში, ხშირად ერთი ხალხი სხვა ხალხებს იპყრობს და სწორედ მათის დაპყრობით აარსებს სახელმწიფოს, რომ მათის ასსიმილიაციით გააძლიეროს თავისი ეროვნება, გახდეს ერთად. მართალია, ხალხის ასსიმილიაცია უფრო ძნელია. ვიდრე პირველ-ყოფილი რასის ან ტომის რომელიმე ნაწილის ასსიმილიაცია. კიდევ ათასჯერ უფრო ძნელია იმ ერის ასსიმილიაცია, რომელსაც ჰქონია ოდესმე სახელმწიფო. მაგრამ ეს მისწრაფება ურთიერთის ჩაყლაპვისა მაინც არსებობს და ისტორიის ერთი დიდი ნაწილი უჭირავს ამ ბრძოლის ამბავსა.

მას შემდეგ, რაც ხალხი ჰქმნის საერთო მოწესრიგებას სოციალური ცხოვრებისას, განსაკუთრებით თუ ოდესმე სახელმწიფოცა ჰქონია, — იგი ხდება მჭიდრო კონკრეტულ საზოგადოებად, ერთად, რაიცა მოასწავენ ხალხის „მასაჲლისაგან“ გაერთიანებულ, ცოცხალ სოციალურ ორგანიზმის შექმნასა. ყოველი ერთი მასასადამე მისი შედგენილობის მხრით არის ხალხი. მაგალითად 40 მილიონი ფრანგი შეადგენს საფრანგეთის ერსა, ერთს ცოცხალ არსსა; თვით ეს 40 მილიონი ხალხი ეამთა ვითარებაში სხვა ხალხთაგან გამოყოფილა, ნარევია დაპყრობილთა და შემოსეულთა, მაგრამ თანაც მას შეერთებისა და კოპეზიის შემდეგ შეუქმნია ისტორიულად საერთო სოციალური ცხოვრება, საერთო მოწესრიგება მრავალ ფეროვან მოქმედებათა. ამ მხრით ეს 40 მილიონი ფრანგი შეადგენს საფრანგეთის საზოგადოებას. ამ საზოგადოებას აქვს ყველა სოციალური ორგანო. მათ შორის სახელმწიფო ორგანოები, რომელთა შემწეობითაც იგი სხვა ხალხებსაც იპყრობს და შეჰყავს თავის საკუთარ მოწესრიგების წრეში. ამ მხრით კი იგი საფრანგეთის სახელმწიფოს წარმოადგენს რომელიც გაცილებით მეტია საფრანგეთის ერზედ. იგივე ითქმის ინგლისზეც

და საზოგადოდ სხვა ერებზედ და სახელმწიფოებზედ. როგორ შეგვიძლია. მაშასადამე, წარმოვიდგინოთ ამ მხრით ის უცნაური არსი, რომელსაც ჩვენ სოციალურ არსს ვეძახით, მაგალითად — ინგლისი?

შედგენილობის თვალსაზრისით — ინგლისია — ხალხი. საზოგადოებრივ ორგანიზმობის მხრით იგია — ერი, როგორც კრებული ხალხთა და ერთა, აგრეთვე ერთგვარ სოციალურ ფუნქციათა მხრით. იგია — სახელმწიფო. როგორც განსაზღვრულ ხალხისაგან შემდგარი კონკრეტული ერი და განსაზღვრული სახელმწიფო — იგია — საზოგადოება. საზოგადოება რასაც ნიშნავს — ეს ჩვენ უკვე ვიცით. ინგლისის საზოგადოება მისი საზოგადოებრივობის მხრით არა არის-რა. გარდა ერთი კონკრეტული საზოგადოებისა. ინგლისის კონკრეტული მაგალითით განვიხილოთ მხოლოდ მისი ხალხობა, სახელმწიფოება (ა ერთვნება, რითი განირჩევა ერთმანეთისაგან ეს სამი მისი ხასიათი?

ინგლისის თანამედროვე ხალხი შესდგება ბევრ ხალხთაგან: ბრიტები, ანგლო საქსონელები, დანელები, ნორვეგიელები, გაფრანგებული ნორმანები და სხვა, — აი ვინ შეადგინა თანამედროვე ინგლისის ხალხი. ესენი დროთა ვითარებაში რიგ-რიგად მოდიოდნენ ბრიტანიის კუნძულზედ და სახლდებოდნენ. ბრძოლა და აღრევა ხდებოდა ხოლმე ადგილობრივთა და შემოსეულთა შორის. თავიანთ ქვეყანაში ისინი წარმოადგენდნენ სხვა და სხვა ფორმისა და განვითარების, სხვა და სხვა საფეხურზედ მდგომარე სოციალურ ორგანიზმებს, სხვა და სხვა ხალხთა ნაწილებს. მათმა ერთმანეთში აღრევამ წარმოშვა დაახლოვებით მეთერთმეტე საუკუნეში ინგლისის ხალხი, — ესე იგი ის ახალი ტიპი ხალხისა, რომელსაც ჩვენ ეხლა ინგლისურს ვუწოდებთ.

მართალია თვით ხალხიც სოციალური ცნებაა; შეუძლებელია ხალხის არსებობა, თუ მის წევრებს არ აერთებს განსაზღვრული სოციალური მოწესრიგება, მაგრამ იგი უფრო უბრალო მასალაა იმ დიდი სოციალური ორგანიზმის შესადგენად, რომელსაც ჩვენ ერს ვუწოდებთ. რა დიდი და რთული პროცესი მოხდა, სანამ ინგლისის ხალხი, მრავალ სხვა ხალხთა შერევისაგან წარმომდგარი, დაიპერდა სრულიად განსაზღვრულ ტერიტორიას. შეიშუშავებდა ერთ ენას, ერთ ლიტერატურას, დანარჩენ სხვა სოციალურ ორგანოებს, შექმნიდა სახელმწიფოს. რომელსაც ინგლისი ეწოდება, — გახდებოდა ერად, სახელმწიფოდ და იმპერიად. — ან და იტალია ავიღოთ: იტალიელი ხალხი არსებობდა დიდის ხნიდან. იტალიის ერი კი სოციალური კოპეზიის მხრით ხალხი იყო. იყვნენ იტალიის თავისუფალი რესპუბლიკები. მათი ფედერაციები, სამეფოებიცა, — მაგრამ იტალიის ერი მაინც ხაოტიურ მდგომარეობაში იყო. იტალიის ხალხმა შექმნა ეს ცალ-ცალკე სოციალური ორგანიზმები, რომელნიც ერთმანეთსაც კი ებრძოდნენ გამუდმებით, მასა ჰქონდა ერთგვარი სოციალური ერთობა და ამითიც იყო იგი იტალიის ხალხი, მაგრამ იტალიის ხალხმა იტალიის ეროვნული კოპეზია მაშინ შექმნა, როდესაც იგი სოციალურად მჭიდრო ორგანიზმი შეიქმნა. იტალიის ერმა გაერთიანებულ სახელმწიფოს შექმნით დაავიროვინა თავისი სოციალური კოპეზიის. პროცესი. დღეს კი ინგლისმა და იტალიამ კიდევაც რომ დაჰკარგონ თავიანთი მჭიდრო ეროვნული ორგანიზმების უმთავრესი სოციალური ორგანოები, შესაძლებელია ინგლისისა და იტალიის ხალხი არ დაიკარგოს. რამოდენიმე სოციალური ჯაჭვი მაინც დარჩება მათ წევრთა შემაერთებელი. ამის მაგალითებს ეხლაც ვხედავთ. სადღა არის სომხისა ან ურიის მჭიდრო ეროვნული ორგანიზმი? მაგრამ ვინ იტყვის. რომ სომხის ან ურიის ხალხი არ არსებობდეს! იგინი არსებობენ, გაბნეულნი

მთელ დედამიწის ზურგზედ. ებრაელებს აქვსთ ერთი სარწმუნოება, — ეს ერთი უმთავრესი სოციალური მოწესრიგება. ტერიტორია და სახელმწიფო, ენა აღარა აქვსთ. მაგრამ სარწმუნოებით არის ებრაელთა ხალხი — ხალხი განსაზღვრული ტიპისა და სოციალური სახისა იგი ერის „ნანგრევი, და არა ეროვნული სრული ორგანიზმი; მაგრამ, განვიმეორებთ, მათ დღეს მაინც აერთებს“ მათი ხალხობა, — ერთი ეთნიური ჯგუფისადმი კუთვნილება, ოდეს-დაც არსებული საზოგადოების მოგონება, აგრეთვე დარჩენილი ერთი სოციალური ჯაჭვი — სარწმუნოება. იგი არის სწორედ შთენილი მასალა დანგრეულ ეროვნულ ორგანიზმისა, რომლის ხელ-ახლავ აღდგენას თანამედროვე სიონიზმი სცდილობს. ამჟამად არის დამყარებული აგრეთვე მთელი ტენდენცია სომეხთა ოდესმე შექმნან მკიდრო სომხის ეროვნული ორგანიზმი შექმნილ ტერიტორიაზედ, რომელზედაც მათ შეეძლოსთ თავიანთ დანგრეულ სოციალურ ორგანიზმის აღდგენა, თავიანთი დაკარგული ეროვნულ მასალის ხელ-ახლავ ერთ ადგილას თავის მოყრითა.

ხალხი, ერთი ხიტყვით, ორგანიული მასალაა ერის ორგანიზმის შესაქმნელად, და არა მკიდრო სოციალური ორგანიზმი. ყოველი წევრი ხალხისა — ის ცოცხალი სოციალური უჯრედი, რომელიც განსაზღვრულ პირობებში ბქმნის დიდსა და რთულს, ცოცხალსა და მგრძობობიარეს, შეგნებულსა და მოქმედს სოციალურ ორგანიზმს, — ერს.

ჩვენ უკვე ვსთქვით, რომ როდესაც ხალხის სოციალური ცხოვრება რთულდება, როდესაც იგი წარმოადგენს რთულ სოციალურ ორგანიზმს, მას ეწოდება სოციალური ერთობის თვალთახედვით — ერი. ეს უკანასკნელი იჭურვება სახელმწიფო ჯავშნით, რომ შინაც გამაგრდეს და სხვა სოციალურ ორგანიზმებსაც შეებრძოლოს და დაიპყრას. თანამედროვე ცხოვრებაში ვერ ნახავთ ვერც ერთ დიდ ერს, რომ დაკმაყოფილებული იყოს თავისი ეროვნული სახელმწიფოთი. მას თავის სახელმწიფო ფარგალში მოუთავსებია ძალით სხვა ერები, რომელთაც ერთხელ ჰქონიათ სახელმწიფო და შემდეგ ბრძოლაში დაუ-კარგავთ. მას ძალით შეპყრობილი ჰყავს აგრეთვე სხვა ხალხები, რომელთაცა-ნაც ზოგნი ისეთ განვითარების ხარისხისა არიან, რომ შეუძლიანთ თავიანთ ეროვნულ ორგანიზმთა შექმნა, ზოგნიც მხოლოდ ჯერ-ჯერობით სოციალურ ორგანიზმის საშენ მასალას წარმოადგენენ ერის შესაქმნელად. მაგალითად ინგლისის ერი ინგლისის სახელმწიფო ორგანოებით პყრობს ინდოეთის ხალხთა, აფრიკის მრავალ ხალხთა, ტრანსვაალის ერსა, ავსტრალიის ხალხთა და აგრეთვე იქაურ კოლონიათა, რომელთაც შეიძლება ერი ვუწოდოთ, და სხვა და სხვა. — აქ ჩვენ არ უნდა გაგვიკვირდეს, რომ ვიხსენიებთ ავსტრალიის კოლონიებს ერად: ხშირად ისიც მოხდება ხოლმე, რომ მსგავსი სოციალური ორგანიზმი შობს მსგავს სოციალურ ორგანიზმსა. ინგლისმა (მთელი ევროპის დახმარებით) შვა ამერიკის შტატები, რომელიც კოლონიობის დროს ძლიერა ჰგავდა და ეხლაც ჰგავს ინგლისს. ახალმა ინგლისმა იგრძნო სურვილი და ძალა ერის შექმნისა, იგი გამოეყო მეტროპოლიას და შექმნა ახალი, იანკის ერი — შეერთებულ შტატები ამერიკისა თავისი სახელმწიფო ორგანოებით. შეიძლება ავსტრალიამაც იგივე ჩაიდინოს, და მის მაგალითსაც ამ აზრითა ეხმარობთ.

მართალია, სახელმწიფო, დიდი თუ პატარა, „სოციალური ორგანიზმია“, მაგრამ ისეთი ბუნებრივი ორგანიზმი არ არის, როგორც ერი. დიდი სახელმწიფო უმეტეს ნაწილად სხვა და სხვა ერთაგან ან ხალხთაგან შესდგება ხოლმე, და რომ სახელმწიფოს სოციალურ ორგანიზმობის არა ბუნებრივობა ფაქტია, ამას ის ამტკიცებს, რომ უმეტესი ნაწილი უცხო სახელმწიფოში

მყოფ ერთა მუდამ სცილილობს გაინთავისუფლოს თავი სხვა ერის სახელმწიფოს ბატონობისაგან და დააარსოს საკუთარი სახელმწიფო. ამაზეა დამყარებული ყოველი ეროვნული მოძრაობა. მაგრამ სახელმწიფო სოფიზმებთან რამდენი ბრძოლა სჭირდება ეროვნულ, სრულიად ბუნებრივ მისწრაფებას! განგებ და ხანდახან უტოლინარობით რამდენი აღრევს ერთმანეთში ერსა და სახელმწიფოსა, რამდენი სარგებლობს ამით და ინდოელს, მაგალითად, ინგლისი ძალით უნდა აღიარებინოს სამშობლოდ, ინგლისის პატრიოტად გახადოს, საქართველოშიაც რამდენია ისეთი, რომელსაც რუსის სახელმწიფო ნაციონალიზმი, ეს უარ-ყოფა ინტერნაციონალიზმისა, კემშარიტი ინტერ-ნაციონალიზმი ჰგონია, და საკუთარ ეროვნულ თავისუფლებსაიყენ მისწრაფება კაცობაშია შოვინიზმად მიაჩნია.

ნამდვილად კი, წინააღმდეგ ბევრის აზრისა, სახელმწიფო სრულიადაც არ არის ბუნებრივი სოციალური ორგანიზმი. იგი უფრო ერის მიერ „ხელოვნურად“, იარაღით შექმნილი კონკრეტული სოციალური ორგანიზმია, რომლის დაყოფაც ბუნებრივ სოციალურ ორგანიზმებად, — ერებად, არა თუ ამ ორგანიზმთა სიკვდილს ნიშნავს, არამედ ერთად-ერთი პირობაა მათის ხანგრძლივის სიცოცხლისა. რომელ დიდ სახელმწიფოშია ერთი ენა, ერთი სარწმუნოება, ერთი ზნე-ჩვეულება, ერთი სამართლის შეგნება, ერთი კულტურა, ერთი ეროვნული მისწრაფება, ერთი ისტორიული ტრადიცია? — არც ერთში, სადაც სხვა ერებია ძალით დაპყრობილი. ყოველივე ესე კი სწორედ ის ელემენტებია, ურომლისოდაც კონკრეტული, ბუნებრივი სოციალური ორგანიზმი არ არსებობს. სახელმწიფო ამის მოსპობას სცილილობს, მაშასადამე ცოცხალ კონკრეტულ საზოგადოებათა მოსპობას. ამ მხრით იგი უფრო ანტი-სოციალური მოვლენაა. მაშასადამე ვერც სახელმწიფოს ცნება გამოჰხატავს საზოგადოების ცნებას, როგორც საუკეთესო კონკრეტულ მაგალითს მის აბსტრაქტულ არსებობისას; სახელმწიფო ერთი თვალსაზრისით მარტო ერთგვარ ფუნქციათა აღმასრულებელია საზოგადოებაში, მეორე თვალსაზრისით კი მკვლელი საზოგადოებათა. ერია, როგორც უკვე ვსთქვით, ერთად ერთი გამოხატულება თანამედროვე ხანაში ნამდვილ ბუნებრივ საზოგადოებრივობისა, ერთად-ერთი ბუნებრივი და ცოცხალი სოციალური ორგანიზმი. შემდეგ მისი ინდივიდუალობა კიდევ უფრო განვითარდება წინააღმდეგ იმ თეორეტიკოსთა აზრისა, რომელთაც ერთა მოსპობა და ერთი საკაცობრიო საზოგადოების შექმნა აუცილებელი ჰგონიათ. ამგვარად, როგორც საზოგადოება, ერი და სახელმწიფო ერთი და იგივე ცნებანი არ არიან, ისე ხალხი, ერი და სახელმწიფო არ არიან ერთი და იგივე ცნებანი. ამ ორი სერიის ცნებანი არასოდეს არ უნდა აღრიონ ერთმანეთში. განვიმეორებთ, — საზოგადოება არის აბსტრაქტული, საზოგადო ცნება; ერი არის ერთი კონკრეტული მაგალითი საზოგადოების აბსტრაქტული არსებობისა, ყველა სხვა სოციალურ ორგანიზმზედ უფრო ბუნებრივი და ორგანიული განხორციელება სოციალობისა, მონადა, — რომელიც ყველა სხვა სოციალურ მონადაზედ უფრო მკვიდრია და სცილილობს თავის დაცვასა, — ნამდვილი და საუკეთესო კურკელი საზოგადოებრივობისა; ხალხი, — სოციალური მასალაა ეროვნული ორგანიზმისა; სახელმწიფო — ნაყოფია ერის მოქმედებისა, პროექცია ეროვნულ სოციალურ ორგანიზმის ორგანოთა, მაგრამ სხვა ერთა დამთრგუნველი და მეორეს მხრით მაშასადამე უფრო მექანიკურად შეკოწიწებული სოციალური ორგანიზმი, ამიტომაც რამოდენიმედ ანტი-სოციალური მოვლენა. და რომ ეს ცნებანი ერთნი და იგივენი არ არიან, ამას უბ-

ჩალო მაგალითებიც გვაჩვენებს: ფაქტია, რომ ერთ ერში შეიძლება მრავალი ხალხური მასალა შესულიყოს დროთა ვითარებაში, როგორც ინგლისის ერში. შეიძლება ერთ სახელმწიფოში ბევრი ერი და ხალხი შედიოდეს, როგორც ავსტრიაში. შეიძლება ერთი ერი რამოდენიმე სახელმწიფოში იყოს განაწილებული. როგორც პოლონელი. შეიძლება ხალხი არსებობდეს და მკიდრო-ეროვნული ორგანიზმი კი არ იყოს, ამავე ხალხისაგან შექმნილი, ან დანგრეულიყოს. როგორც მაგალითად, ურები, სომხები, ქართველთა დაპყრობილი ნაწილი. რომელიც აღარ ეკუთვნის ქართველ ერსა, არამედ უფრო ოსმალეთსა და სპარსეთსა. შეიძლება სახელმწიფოს დაშლისაგან ახალი ეროვნული სახელმწიფოები წარმოსდგენენ, როგორც ეს მოხდა ბალკანეთზედ, ან როგორც ამისაყენ მიიღტვის ყველა თანამედროვე ჩაგრული ერი. შეიძლება ხალხი არსებობდეს და მკიდრო ეროვნული ორგანიზმი არა, და მხოლოდ შემდეგ შესდგეს მკიდრო კოპეზიის მქონე ერი დროთა ვითარებაში, როგორც გაერთიანდნენ გერმანია და იტალია და სხვ. და სხვ.

ასე რომ, უბრალო ისტორიული მაგალითებითაც კი შეგვიძლია გავარჩიოთ ეს ცნებანი ურთიერთისაგან.

ჩვენი მიზანი იყო ერის ცნების გამოყოფა ყველა იმ ცნებისაგან, რომელთანაც მას კავშირი აქვს და რომელშიაც მას ურევენ ხშირად. ეს ცნება, განვიმეორებთ, მიტომ გვჭირდება, რომ განსაკუთრებით თანამედროვე ეპოქაში იგი ერთად ერთი შესანიშნავი ბუნებრივი კონკრეტული სოციალური ორგანიზმია, რომლის შიგნითაც უნდა განხორციელდეს ყოველი დიდი სოციალური რეფორმა და არა სახელმწიფოში, როგორც ეს ბევრსა ჰგონია. ამას გვიჩვენებს, სხვა არა იყოს რა, ის თვალსაჩინო ტენდენცია, რომელიც აქვს ყველა ერს განთავისუფლებისაყენ და საკუთარ სოციალურ ორგანიზმის დამოუკიდებლობისაყენ. უკვე ინსტინქტიურად გრძნობენ, რომ ხალხი კიდევ არ არის სრული ერი, სრული კოპეზიის მქონე სოციალური ორგანიზმი, — ამიტომაც ერის ცენტრი იკრეფს ყოველი მხრიდან ამ გაფანტულ სოციალურ მასალას საკუთარ მკვიდრ სოციალურ შენობის ასაშენებლად. უკვე გრძნობენ აგრეთვე, რომ სახელმწიფო არ არის ბუნებრივი სოციალური ორგანიზმი, რომ იგი ვერ იქმნება და არც ყოფილა არასოდეს ნამდვილი ჭურჭელი საზოგადოებრივობისა, არამედ ეს ჭეშმარიტი და წმინდა ჭურჭელი არის ერი, და ამიტომაც ერები ჭეიქრობენ სახელმწიფოთაგან განთავისუფლებას და საკუთარ — ეროვნულ, ბუნებრივ სახელმწიფოთა დაარსებას, ისე რომ სხვა ხალხი და ერი არ დასჩაგრონ. ეროვნული მოძრაობა ამ მხრით ნამდვილი სოციალურია და ამასთანავე სახელმწიფოთა დამთრგუნველი. ეს უნივერსალური მოძრაობა არის ძირი მომავალი საერთაშორისო სამართლისა, ნამდვილ სამართლისა. რომელიც თავს იღებს ცოცხალ ერთა ინდივიდუალობის დაცვას. თანამედროვე საერთაშორისო სამართალი კი არ არის საერთაშორისო, არამედ სახელმწიფოთაშორისო და შემცდარი სახელწოდებაც მისი წარმოსდგება იმ ცნებათა არე-დარევისაგან, რომელმაც იგივენი გაჰხადა ცნებანი ხალხისა, ერისა და სახელმწიფოსი.

შემდეგ თავში განვსაზღვროთ, რა არის ერი თავის თავად. ვისარგებლოთ ზემო ნათქვამით.

მ რ ი

მკითხველისათვის უკვე ნათელი უნდა იყოს, თუ რა არის ერი, რას წარმოადგენს იგი თავის თავად.

ჩვენ იგი გამოვეყავით საზოგადოებისაგან, როგორც აბსტრაქტულისაგან კონკრეტული ცნება, როგორც საზოგადო ცნებისაგან ერთი ცალკე ცნება; დავსახეთ იგი ცალკე მაგალითად საზოგადოებრივობის კონკრეტულ განხორციელებისა.

ჩვენ აგრეთვე გამოვეყავით ცნება ერისა სახელმწიფოს ცნებისაგან, რომელიც თავის თავად სულ სხვა ცნებაა, როგორც წინა თავებში გავარკვიეთ. მხოლოდ როგორც სახელწოდება შეიძლება უდრიდეს იგი ერს, ისიც ძლიერ იშვიათ შემთხვევაში: საფრანგეთს რომ მაგალითად არც კოლონიები ჰქონდეს და არც ერთი სხვა ხალხი დაპყრობილი. მაშინ საფრანგეთის ერი და საფრანგეთის სახელმწიფო ერთი და იგივე სახელწოდება იქმნებოდა ერთისა და იმავე კონკრეტული სოციალური ორგანიზმისა — საფრანგეთისა. ხოლო როგორც საზოგადო ცნებანი, ერი და სახელმწიფო თავის თავად აქაც არ იქმნებოდნენ ერთი და იგივენი, ვინაიდან საფრანგეთის ერი ნიშნავს საფრანგეთის კონკრეტულ სოციალურ ორგანიზმს, საფრანგეთის სახელმწიფო კი იმ ორგანოთა სერიას, რომელიც ამ ეროვნულ ორგანიზმს სჭირდება ზოგ სოციალურ ფუნქციათა აღსასრულებლად.

გამოვეყავით აგრეთვე ცნება ერისა ხალხის ცნებისაგან, დავსახეთ რა ხალხი, როგორც სოციალური მასალა ეროვნულ-სოციალურ ორგანიზმის აღსაშენებლად.

რასაკვირველია, არც ის უნდა გვაგიწყებოდეს, რომ ერი არ არის რაღაც პირველ-ყოფილი სოციალური არსი, რომელიც მუდამ არსებობდა, არსებობს და იარსებებს აგრეთვე იმ ფორმით, როგორითაც იგი აწმყოშია: მას ჰქონდა თავისი დასაბამი, მან განვლო თავისი განვითარების პროცესი თანამედროვე ხანაში, იგი რასაკვირველია მომავალში ფორმას იცვლის.

ჩვენ გვაინტერესებდა განსაკუთრებით ის საკითხი, თუ რას წარმოადგენს იგი დღეს, როგორია მისი სოციალური შინაარსი კაცობრიობასთან შედარებით, და რამდენათაც შეესძლებოდა, დაგამტკიცეთ, რომ იგი დღეს კულტურულ ადამიანთა შორის ერთად ერთი ნორმალური, ბუნებრივი ჭურჭელია საზოგადოებრივობისა, ერთად ერთი კონკრეტული სოციალური ორგანიზმი, ღირსი ამ სახელწოდებისა, ერთად ერთი სუბერ-ორგანიზმი, რომელსაც ნამდვილი სოციალური სიცოცხლე აქვს და ორგანიული სიმტკიცე და სიმპიდროვე მის შემადგენელ ნაწილთა. შედარებით ხალხთან, სახელმწიფოსთან — იგი უფრო ცოცხალი სოციალური ინდივიდია, შედარებით კაცობრიობის ფიქციასთან იგი უდიდესი სოციალური სინამდვილეა.

ერი სოციალური მონადაა. ნუ ვინ იტყვის და დაიწყებს დავას, რომ მონადათა ნამდვილი არსებობა ფილოსოფიურად საეჭვოა. ჩვენ აქ მონადათა ნამდვილი არსებობა არ გვაინტერესებს. ჩვენთვის აქ საჭიროა ცნება მონადათა, როგორც ერთ განუყოფელ ცოცხალ არსთა, ჩვენთვის ეს გონებისაგან შეთხზული საშუალება მსოფლიო საგანთა წარმოდგენისა საუცხოვოა ცნებათა ნათელ ყოფისათვის, როდესაც ამ საგანთა ინდივიდუალობა გვინდა გავარკ-



ვიით, და ამ მხრით ერის მონადად დასახევა არც არსებითი შეცდომა არის და მსჯელობასაც აადვილებს.

როდესაც ერი ვერად ხდება, დიხაც იგი ცოცხალი არსია, სოციალური ინდივიდუალობა, მონადა. — განვიმეორებთ, — ერი უფრო „ცოცხალია“, ვიდრე სახელმწიფო, ვიდრე ხალხი, საკუთარი წარმოება, საკუთარი ხელოვნება, შექნიერება. ზნე-ჩვეულება, სამართლის ნორმები, სარწმუნოება, საკუთარი ენა, საკუთარი ეთნიური ტიპი — ყოველივე ეს ერს ახასიათებს, როგორც ერთ სოციალურ ინდივიდუალობას. მართალია ზოგი ამ თვისებათაგანი სხვა ერთა თვისებაც არის. — მაგალითად ორს ერს შეუძლია ერთი და იგივე რელიგია ჰქონდეს; ზოგიც დაკარგულია, — მაგალითად საკუთარი სამართალი და პოლიტიკა, რომელთა ადგილიც სხვა სახელმწიფოსაგან ძალით შემოტანილ სამართალსა და პოლიტიკას დაუჭერია; ზოგიც ნასესხებია; — მაგრამ ყოველთვის საერთოსა და ნასესხებს ადევს ეროვნული ელ-ფერი, დაკარგული კი ან ყოველთვის არსებობს რომელიმე ფორმით, როგორც მაგალითად კონვენციონალური სამართალი, ან ძალით შემოტანილის დათრგუნვა და საკუთარის შემოღების სურვილი ყოველთვის არსებობს ერში. კათოლიციზმი პოლონეთში, საფრანგეთში და იტალიაში ერთი და იგივე არ არის. რუსის სამართალს დღესაც ვერ აღმოუფხვრია ძირიანად ვერც პოლონეთისა და ვერც საქართველოს მრავალი სამართლის ნორმა. მრავალი ზნე ჩვეულება ქართველთა, ერთ დროს სომეხთაგან, არაბთაგან, სპარსთაგან და ოსმალთაგან ნასესხები, დღეს სრულიად გაქართულებულა და არც სომხურს და არაბულს, არც სპარსულსა და ოსმალურს აღარა ჰგავს, — ისე, როგორც სხვა და სხვანი არიან ქართული, სომხური, სპარსული, ოსმალური და არაბული ენანი, მიუკედეოდ იმისა, რომ ქართულს ენას მათგან მრავალი სიტყვა უსესხნია. ყოველ ერს აქვს თავისი სპეციალური ორგანოები, რაიცა აჩვენებს მის ცოცხალ მონადასა. საფრანგეთის ეკონომიური ორგანოები, ხელოვნებისა, მეცნიერებისა, სამართლისა და პოლიტიკისა, — ერთი სიტყვით, როგორც უბრალოდ ამბობენ ხოლმე, — მისი სიმდიდრე, მისი ლიტერატურა და ენა, მისი მუსიკა, მისი მეცნიერება, მისი ჭარი, მისი პარლამენტი და სამინისტროები, — საფრანგეთისა და არა სხვისი, — საფრანგეთის ტერიტორიაზედაა, რომელიც საზღვრებით არის შემოფარგლული და რომელსაც გეოგრაფიის რუკაზედ, ე. ი. კონტინენტის შორის განსაზღვრული ადგილი უჭირავს. — აქ შეიძლება ის გვითხარან, რომ ჩვენ განგებ ავიღეთ ისეთი ერი, რომელსაც სახელმწიფო აქვს. — მეორე ერი აიღეთ, რომელსაც სახელმწიფო აღარ აქვს: პოლონეთი. მისი ტერიტორია დღესაც შემოფარგლულია, მხოლოდ იმ განსხვავებით, რომ მას ჭარის კაცი აღარ უდგია საზღვარზედ. სამი სახელმწიფოსაგან გაყოფილია იგი, მაგრამ მაინც არსებობს პოლონეთის ტერიტორია, დასახლებული პოლონელებითა და არა რუსებითა და გერმანელებით, გარდა რომდენიმე მცირე ნაწილთა. ექვს გარეშეა პოლონეთის მრეწველობა, რომელსაც პოლონეთის ერი ავითარებს შეგნებულად, პოლონეთის ერის სასარგებლოდ უპირველეს ყოვლისა. ექვს გარეშეა პოლონეთის ხალხის მიერ მიწის მფლობელობა, მეურნეობის განვითარების სურვილი პოლონეთის ერისათვის, ექვს გარეშეა მისი სურვილი ტერიტორიის შერჩენისა, ფაქტია მისი ბრძოლა გერმანიასთან და რუსეთთან, რომელთაც სურსთ მის სოციალურ ინდივიდუალობას ძირი გამოუთხარონ საფუძვლის, ნიადაგის — მიწის წართმევითა, აგრეთვე სხვა საშუალებითა, რომელსაც უცხო სახელმწიფო ხმარობს. არსებობს პოლონეთის მდიდარი ენა და ლიტერატურა, მდიდარი ხელოვნება, თავისებური,

პოლონური ზნე-ჩვეულება, ხასიათი, ტიპი, მეცნიერება, ამასთანავე ათასნაირი საზოგადოებანი, რომელნიც პოლიტიკურ ორგანოთა ფუნქციასაც კი ასრულებენ, აერთებენ მტკიცედ პოლონელთა სოციალურ მოქმედებათა, ჰქმნიან მათ სოციალურ ერთობას. ფაქტია, რომ პოლონეთი იბრძვის საკუთარ პოლიტიკურ ორგანოთა მოპოვებისათვის. აი ეს არის მისი ეროვნების, მისი სოციალური ინდივიდუალობის მაჩვენებელი.

რომელი ერთი უნდა აიღოთ, ღირსი ამ სახელისა, ყველგან ამავე მოვლენას შეხვდებით, რასაკვირველია მეტის ან ნაკლების ინტენსივობით.

ვერავითარი კლასსთა ბრძოლა ვერა შლის ეროვნულ ერთობასა. ყოველი კლასსთა ბრძოლა მხოლოდ ამ ერთიანობის შიგნით არსებულ წინააღმდეგობათა მტერია, მსურველია იმავე სოციალურ ერთეულში სხვანაირი მოწესრიგებისა და არა თვით სოციალური ორგანიზმის დარღვევისა, მაშინ როდესაც ეროვნული მოძრაობა — სურვილია ერთი ერის მეორისაგან გამოყოფისა, ვინაიდან მეორე პირველის სოციალური ინდივიდუალობის გაქრობას სცდილობს თავის სახელმწიფოს ორგანოთა შემწეობითა.

აიღეთ, სამაგიეროდ, რომელიმე დიდი სახელმწიფო, მაგალითად რუსეთი, — ეს დიდი, ვეებერთელა სოციალური უფრო მექანიზმი, ვიდრე ორგანიზმი. რამდენი ეროვნული ორგანიზმი და რამდენი ხალხი ჰყავს შთანთქმული ძალით! სად არის ან საერთო ეკონომიკა, ან საერთო ენა, ან საერთო ლიტერატურა, ან საერთო მეცნიერება და სხვ.? სად არის საერთო, ნამდვილი სოციალური ცხოვრება, გარდა სახელმწიფო მოწესრიგებისა და ნაძალადევი სამართლისა, რომლის ტლანქმა ძალამაც ლამის არის გაანადგუროს არა თუ სხვა ერები, თვით რუსის ერთი! რუსთან დღეს სხვა ერებს სამხედრო წესები-ლა აერთებს, სხვა თითქმის არაფერი. ყველა ცოტად თუ ბევრად განვითარებულ ერს შეუქმნია დღეს თავისი საკუთარი სოციალური ორგანოები, იგინი ნამდვილი სოციალური ორგანიზმები არიან, და არა მათ გაერთიანებას წარმოადგენს დღეს რუსეთის სახელმწიფო, არამედ მათი სიკვდილის მსურველს დიდ სახელმწიფო ორგანიზმსა, მაგრამ, სამაგიეროდ, ყველა ეროვნული ორგანიზმი გაურბის მის სიმკაცრესა, აღარა სურს მასთან დარჩენა, თავს სრულ-წლოვანად გრძნობს და მიილტვის თავისუფალ, დამოუკიდებელ, ეროვნულ-სოციალურ ორგანიზმთა შექმნისაკენ. თვით ზემოხსენებული პოლონეთი, საქართველო, ფინლანდია, — რა არიან ესენი, თუ არ ნამდვილნი, კონკრეტულნი საზოგადოებანი, ცოცხალნი არსნი, რომელთაც სურსთ თავი დაახწიონ უზარმაზარ სახელმწიფოს უსულო მექანიზმის კლანჭებიდან. ეს რა, თვით ციმბერიც, რუსის ხალხით დასახლებული, ველარა სძლებს თავისი დედის ეკლიან კალთაში და ცალკე სურს დასახლდეს, წარმოადგინოს ერა. — დიახ, დიდი სახელმწიფო მითი განირჩევა ერისაგან, რომ პირველი უფრო უსულო სოციალური ორგანიზმია, ან სხვათა დამხრჩობი ვეშაბი, უკანასკნელს კი სოციალური სული უდგია. განვითარება ამ სულისა, მისი ზრდა და სიმწიფე — ნიშნავს ერთა ორგანიზმების სოციალურ სიმტკიცის განდიდებას, ამასთანავე სახელმწიფოს ტლანქ უსულო მექანიზმთა დაშლას, ნიშნავს ამ ვეშაბთა სიკვდილს, — უდიდესს რევოლუციას, რომელიც კი ოდესმე ხდება ხოლმე ადამიანთა ცხოვრების ისტორიაში..

აიღეთ შემდეგ ხალხი, სოციალური მასალა ერისა. თუ ხალხი ისეთ პირობებში არ არის, რომ ერთი შეადგინოს, იგი ნახევრად-მკვდარი სოციალური მონადაა; თუ შეგვიძლია ასე ვსთქვათ. ებრაელები, მიუხედავად მათ შორის დარჩენილ სოციალურ კავშირისა, არ წარმოადგენენ მკიდრო სოციალურ

ორგანიზმსა, ნამდვილ ერსა. და ამიტომაც რუსის ურია რუსის ერშია მიკრო-  
ბივით შექმადარი, პოლონელი — პოლონეთის ერში; ინგლისელი ურია ინგლი-  
სელს უფრო ჰგავს, ვიდრე პალესტინის ურიასა. თბილისელი სომეხი ქართვე-  
ლი ბაზაზი უფროა, ვიდრე ვანის სომეხი, მეტადრე ჩვენებური სოფლის სომეხს  
ალარავეითარი მსგავსება აღარა აქვს ეჩმიადინის სომეხთან. — ქართველი მაჰ-  
მადიანი ქართველსა და ოსმალს შუაა გამომწყვედელი, აღარც ერთ ერს  
ეკუთვნის, აღარც მეორესა, ამიტომაც გაველურებულა. ერთ ღროს ბრწყინ-  
ვალე კულტურის მქონე, იგი ნაწილი იყო ქართველი ერისა, მონაწილეობას  
იღებდა მის სახელმწიფოებრივ ცხოვრებაში, მისი ლიტერატურის შექმნაში,  
მისი სარწმუნოების მოსავე იყო. ოსმალებმა იგი მოსწყვიტეს საქართველოს  
სოციალურ ორგანიზმსა, თვითონაც ვერ მოინელეს, და დარჩა ქართველი ხა-  
ლხის ეს ნაწილი ნახევრად დაღუპილი ოსმალეთის სახელმწიფო მანქანის გა-  
ცვეთილი კბილებისაგან, ძალით მოგლეჯილი საქართველოს სოციალური სხე-  
ულიდან. ამიტომაც თუმცა არსებობს ეს თითქმის ნახევარი მილიონი ქარ-  
თველი ხალხისა — გამაჰმადიანებული ქართველობა, — მაგრამ ისინი ქართვე-  
ლი ერის ნაწილს აღარ შეადგენენ, ვინაიდან აღარავეითარ მონაწილეობას  
აღარ იღებენ საქართველოს ეროვნულ-სოციალურ ფუნქციითა აღსრულება-  
ში. თანაც ვერ შესთვისებთან ოსმალურ სოციალურ ორგანიზმსა, უმეტესმა  
ნაწილმა ოსმალური ენაც არ იცის, ამიტომაც ისინი სოციალური მასალანი  
არიან მხოლოდ, ან ჩვენთვის, ან ოსმალთათვის „სასასიმილაციონი“, და არა  
ბუნებრივნი ნაწილნი ცოცხალ სოციალურ-ეროვნულ ორგანიზმისა. კიდევ რა-  
მდენია ასეთი ხალხი, რომელსაც ან ვერ მიულწვევია ეროვნებამდის, ან ეროვ-  
ნება დაუკარგავს, და მხოლოდ ისევ მასალად გამხდარა ეროვნული ორგა-  
ნიზმის აღდგენისათვის.

მაგრამ ეროვნული ორგანიზმის სიცოცხლე ისეთი ძლიერია, რომ ის ხალ-  
ხიც, რომელსაც ოდესმე ჰქონია ერი, არ ივიწყებს უკანასკნელ ჟამამდე თავის  
ოდესლაც მჩქეფარე სიცოცხლესა და სცდილობს ხელ-ახლავ შექმნას ნამდვილი  
ერი. ის ერი, რომელსაც დაჰკარგვია თავისი ნაწილი, სცდილობს უკანვე დაი-  
ბრუნოს იგი. ის ხალხიც, რომელსაც ვერ მიულწვევია ნამდვილ ეროვნებამდის  
სხვა და სხვა დამპარკოლებელ მიზეზთა გამო, სცდილობს უკუ აგდოს დაბრ-  
კოლებანი, გართულდეს სოციალურად, შექმნას სოციალური ორგანონი, გა-  
ხდეს ერად. მაგალითები ასეთ საზოგადოებათა: — 1) სომხები და ებრაელები.  
2) ქართველები, ირლანდიელები და მსგავსნი, 3) ოსები, ლეკები და მსგავსნი.

სომხის ხალხის საუკეთესო ნაწილმა ძლიერ კარგად იცის, რომ მას ერის  
შექმნა არ შეუძლია, თუ არ დაიცვა თავისი ენა იქ, სადაც შეუნახავს, და თუ  
არ აღადგინა თავისი ენა იქ, სადაც დაუკარგავს. იგი ამიტომაც ჰქმნის ისეთ  
სოციალურ ორგანოებს, რომელიც უნდა აღასრულებდეს ენის დაცვისა, აღდგე-  
ნისა და განვითარების ფუნქციებსა. იგი ხსნის სკოლებს, ანვითარებს მწერ-  
ლობას, ეწვეა ენერგიულ ეროვნულ პროპაგანდას იქ, სადაც დავიწყებული აქვს  
სომხობა, იღებურად აერთებს მთელს დედა-მიწაზედ გაბნეულ სომხობასა და  
ამგვარად ჰქმნის იდეალურ სომხურ მჭიდრო ეროვნულ ორგანიზმსა, რომელიც  
ჯერ არ არის სრული სინამდვილე. მან კარგად იცის, — რომ ეს იდეალური  
ერი გარდიქცეს ნამდვილ ერად, რომ სომხის ხალხმა ნამდვილი ეროვნული  
ორგანიზმი წარმოადგინოს, — ამისათვის საჭიროა საფუძველი, ბუდე, ტერ-  
რიტორია, სადაც უნდა შეიკრიბოს სოციალური მასალა სომხის ერისა, —  
სომხის ხალხი, — და შექმნას ერთ განსაზღვრულ ადგილზედ საკუთარი სო-

ციალური ორგანოები, მკიდრო კოჰეზიის მქონე სომხის ერი. ეს დაწყველილი საკითხია სომხის ერის ყოფნისა თუ არ ყოფნის საკითხი, ამითი აიხსნება მათი ტანჯვა წამება, სხვა ხალხებთან მრავალი შეტაკება, მათი მისწრაფება რომელიმე კუთხეში თავის მოყრისა და მოსვენებისა. ამას ახმარებს მთელს თავის ეკონომიურ ძალას შეგნებული სომხობა, და ვინ იცის, იქნებ მართლაც ოდესმე ბედმა გაუღიმოს ამ დაქსაქსულ ხალხსა და დედა-მიწის რომელიმე კუთხეში მართლაც შექმნან ხელ ახლავ სომხეთი. რომლის ბრწყინვალე არსებობაც უკვე მრავალი საუკუნეა რაც განჭრა. ეს არც თუ ისეთი ოცნებაა, რადგანაც სომხებს დიდი ეკონომიური ძალა აქვსთ. კარგი დასალი, შენახული სოციალური მასალა, ისტორიული ტრადიციები, ენა და ლიტერატურა, ტერიტორიის მცირე ნაწილები და აგრეთვე სუსტი მოწინააღმდეგეები, რომელთა მიწა-წყალზედაც მათ სურსთ მოიკალათონ. — ებრაელები ბევრის მხრით გაცილებით უფრო ცუდ პირობებში არიან.

ქართველი ერის ერთი ნაწილი დღეს გაოსმალების გზაზედ ადგია. ეამთა ვითარებაში ეს ნაწილი ძალით ჩამოსჭრეს ქართულ ეროვნულ ორგანიზმსა, თუმცა ყოველი მტკაველი მიწა საქართველოს ამ ნაწილისა სისხლით არის მორწყული. ქართველს არა სურდა ნებით მოსცილებოდა თავის საზოგადოებასა, საუკუნოებით იბრძოდნენ გმირები. მაგრამ დღეს ხალხი-ლა დარჩენილა ამ ქართველთაგან, — იგინი აღარ არიან ნაწილნი ქართველი ერისა. ზოგი ისევ საქართველოს ძველ ტერიტორიაზედ დარჩენილა, ზოგიც გადასახლებულა ოსმალეთის სხვა და სხვა ადგილას, მაგრამ აქ დარჩენილიც და გადასახლებულიც სოციალური მასალაა ქართველი ერისა. ბევრს გაღვიძებაც ეტყობა, თხოულობენ ქართულ სკოლებს, შეუნახავთ ენა, რომლის განვითარებასაც თხოულობენ, შერჩენიათ კიდევ ტიპი ქართული და მრავალი ზნე-ჩვეულება. ქართველი ერიც სცდილობს დაიბრუნოს თავისი დაკარგული ნაწილი. და როდესაც ერთ ნაწილს მაინც დავიბრუნებთ, გავხდით ისევ ჩვენი ერის ნაწილად, მაშინ იმ ნაწილთა დაბრუნებაც ადვილი იქმნება, სადაც ენაც კი დავიწყებითა და მხოლოდ მცირე მოგონება-ლა დარჩენილა ქართველობისა. მაშინ კვლავ აღსდგება საქართველო, ისევ გაცოცხლდება საქართველოს ეროვნული ერთობა, ერთობა კულტურისა; მაშინ ვიხილავთ აჭარელ, სამცხელ, ტაოს მწერალთა და ხელოვანთა, იქაურ ქართველ გმირთა, რომელთაც ქართული ეროვნება ისევე ექმნებათ გამჭდარი გულში, როგორც გურულსა, ან კახელსა. მხოლოდ ამ შემთხვევაში იქმნებიან ისინი ნაწილნი ქართველი ერისა, ეხლა კი მხოლოდ ხალხის ნაწილნი არიან, უბრალო სოციალური მასალა. ამ მასალის გადამუშავება და ეროვნულ ელემენტებად შექმნა თვით ჩვენი, დანარჩენი ერის მხნეობისაგან და ენერჯისაგან არის დამოკიდებული.

ის ხალხები კი, რომელთაც არა ჰქონიათ ნამდვილი ეროვნული ცხოვრება, დღეს იღვიძებენ და მიილტვიან ასეთის ცხოვრების შესაქმნელად. იგონებენ ან-ბანსა და ჰქმნიან ლიტერატურასა, ჰქმნიან თავიანთ ეროვნულ მრავალგვარ დაწესებულებას, რომ ავი თუ კარგი, — მაგრამ მაინც საკუთარი საზოგადოება შექმნან — ოსური, ლეკური თუ სხვა რომელიმე. როგორია მათი მომავალი — ეს ჩვენ აქ არ გვიინტერესებს. ჩვენთვის თვით მოვლენაა საინტერესო, — მოვლენა ხალხისაგან მკიდრო ერის შექმნის მისწრაფებისა, ვინაიდან რთულ საზოგადოებრივობის განხორციელება ეხლა მხოლოდ ეროვნულ ფარგალშია შესაძლებელი და ხორციელდება კიდევ.

თვით სული ცალკე რომელიმე ერის ადამიანისა ეროვნულ სოციალურ ატმოსფეროშია განვითარებული. გადასახლეთ მაგალითად ფრანგი გერმა-

ნიაში — იგი მანც ფრანგი რჩება პრავალ წელთა განმავლობაში. მხოლოდ იმ შემთხვევაში, თუ ოჯახი ნახევრად გერმანელისაგან შესდგება — შთამომავლობა შეიძლება გაგერმანელდეს, თვითონაც გადასახლებული კი, ყველა გერმანულ სოციალურ ფუნქციათა აღსრულებაშიაც რომ მიიღოს მონაწილეობა. მანც ფრანგი იქმნება, თუმცა თავის ეროვნულ ორგანიზმს მოცილებულა. იგი ერთი სოციალური უჭრედია, სხვა სოციალურ ორგანიზმში შემთხვევით მოყოლილი, მაგრამ დაუბრუნეთ იგი თავის ბუნებრივ სოციალურ ორგანიზმსა, — იგი უფრო ბუნებრივად იგრძნობს თავსა.

ფრიად იტანჯება მთელი ნაწილი ერისა, სხვა ეროვნულ ორგანიზმში მოყოლილი, დაუბრუნეთ ელზას-ლოტარინგია საფრანგეთს, ან ტრიესტი იტალიელებს, — იგინი კმაყოფილნი იქმნებიან, უარეს ეკონომიურ პირობებშიაც რომ ჩავარდნენ. იტალიელთა უკიდურესი ნაციონალისტები ტრიესტელები არიან. აბა უთხარით ტრიესტელს — ავსტრიელი ხარო: მე იტალიელი ვარ და უფრო იტალიელი, ვიდრე სხვა ყველა იტალიელები, Sono Italiano irredentissimo — იმ საათშივე ასეთს პასუხს მიიღებთ.

აქ საკვირველიც არაფერია. ბუნებრივი ნაწილი ერისა მიისწრაფის თავის ბუნებრივ ორგანიზმისაკენ და შეურყეველი, შეუჩრებელია ასეთი მოძრაობა. ეს სისხლისა და საზოგადოებრივობის ნათესაობაა და მსგავსად ქიმიურ ელემენტთა ნათესაობისა, ეს ნათესაობაც საშინელს ლტოლვილებას წარმართავს მსგავსისას მსგავსისადმი.

ასეთია სიცხოველე ერისა. მაგრამ, მიუხედავად ერის ასეთის სიცხოველისა, ერთა ისტორიაში მანც ვამჩნევთ ისეთს მოვლენებს, რომ გადაგვარება ეროვნული სოციალური ორგანიზმისა არ არის შეუძლებელი მოვლენა და განსაზღვრულ აუტანელ ცუდ პირობებში ერს, როგორც დაჩაგრულს, ისე თავისუფალს, გადაგვარების ნიშნები გამოაჩნდება ხოლმე. აგრეთვე ზოგი ხალხი უცხო დიდ სახელმწიფოში მოყოლილი, არა დაპყრობით, არამედ გადასახლებით, ისეთ პირობებში ასრულებს თავის სოციალურ ფუნქციებს, რომ სახელმწიფოს საშინელი მექანიზმი პირდაპირ მტერად აქცევს ხოლმე შიგ მოყოლილ მათ ეროვნულ ელემენტებს. პირველი მოვლენის მაგალითი ბევრია, მაგალითად საქართველო, მეორეს მაგალითი კი შეერთებული შტატებია, სადაც უცხო ელემენტები მალე ითქვიფება ანგლო-საქსონელების სოციალურ მორევეში.

ჩვენ აქ არ შეეუღლებით გადაგვარების მიზეზთა გამოკვლევას. ეს სულ სხვა საგანია. ვიტყვი მხოლოდ — რაში ვამოიხატება ეს გადაგვარება: როდესაც ეროვნული ორგანიზმის ზრდა დამთავრებულია, როგორც არა ვსთქვი, მას აქვს ყველა სოციალური ორგანო თავის ფუნქციათა აღსასრულებლად: ეკონომიური, არტისტიული, სარწმუნოებისა და მეცნიერებისა, ზნეობრივი, იურიდიული, პოლიტიკური. რაც უფრო რთულია და სპეციალური ორგანო, მით უფრო მგრძნობიარეა იგი. ეკონომიური ორგანო ყველაზედ უფრო საზოგადო და მარტივია, მაგარი და მტკიცე, პოლიტიკური კი ყველაზედ უფრო სპეციალური, რთული და მგრძნობიარე. უმეტეს შემთხვევაში ერის გადაგვარება იწყება ამ რთულ და მგრძნობიარე ორგანოს ატროფიიდან და თავდება ეკონომიურ ორგანოთა გაქრობით. შემდეგ თვით ხალხი და ტერიტორია ჰქრება, ეს ორი უპირველესი ელემენტი ეროვნულ-სოციალურ ორგანიზმისა, — მისი მასალა და საფუძველი. საქართველომ, მაგალითად, ჯერ პოლიტიკური ორგანო დაჰკარგა, შემდეგ კი თანდათან მიდის მისი სოციალური ორგანიზმის დაქვემდებარებაში და იურიდიული ორგანიზმი პოლიტიკური ორგანიზმის დაშლის შედეგად, დაე-

ცა ეკლესია და განიძარცვა სიმდიდრისაგან. დაეცნენ ზნე-ჩვეულებანი, მწერლობა, ენა, გაღარიბდა მთელი ერი ეკონომიურად. თითქმის მთელი მესამედი მისი ტერიტორიისა ოსმალებმა წაიღეს და ზედ-ღარჩენილი ქართველობა გადააგვარეს და დაუქარგეს ეროვნება, შეარჩინეს მხოლოდ მცირეოდენი-ლა ხალხობა. დანარჩენი ორი მესამედი ტერიტორიისა თანდათან ეხლა გვეტლებუა ხელიდან. ხალხი დაბნევის გზაზედ არის დამდგარი, ენაც ირყვნება და საზოგადოების მაღალ კლასებს თითქმის ავიწყდება იგი. — ამაში იხატება საქართველოს გადაგვარება. ქართველი ერი ებრძვის, მართალია, ამ გადაგვარებას, მაგრამ ვინ იცის მიაღწევს თუ არა იგი თავის დაშლილ ეროვნულ ორგანიზმის აღდგენას, — იმდენი ხელის შემშლელი პირობა ახვევია გარს. თუ სძლია ამ პირობათა, მისი ეროვნული ორგანიზმი ხელახლა აღსდგება და განვითარდება, თუ ძლევს იქმნა, მისი ეროვნული ორგანიზმი განქრება, ტერიტორია, საფუძველი საზოგადოებისა დაიკარგება, ხალხი გაიბნევა მთელ დედამიწაზედ და გახდება მხოლოდ სოციალურ მასალად, ქართველ ხალხად, მსგავსად სომეხთა და ურიათა. და ვინ იცის, იქნებ მისი ხალხობაც სუსტი გამოდგეს, იქნებ სომეხებსავითა და ურიებსავით საუკუნეთა განმავლობაში ვერ შეინახოს თავისი ხალხობა ქართველმა და შთაინთქას სრულიად სხვა ერთა სოციალური ცხოვრების მორევეში.

ბევრი მოიპოვება ერი მსგავსი ქართველთა, — იგინიც მსგავს მდგომარეობაში არიან. მათი გადაგვარება და პროგრესიც განიზომება აგრეთვე იმ რთული მეტრით, რომელიც გათლილია სოციალურ ორგანოთა კლასიფიკაციის მიხედვით (დე-გრეფ).

არიან ერნი, რომელთა გადაგვარებას რომაევენ ხოლმე ძლიერ შარტივი მეტრით, რომელიც ერთი სოციალური ორგანოს ატროფიის მიხედვით არის გათლილი. მაგალითად საფრანგეთს ამ უკანასკნელ ხნებში ეტყობოდა მისი გენეზიური ორგანოს გადაგვარება. მთელი საფრანგეთი სასოწარკვეთილებას მიეცა — ხალხი აღარ მრავლდება და გადაგვარების გზაზედ ვლდგევართო. მაგრამ ასეთი გადაგვარება ისეთ შინაგან მიზეზთაგან არის გამოწვეული, რომ ერის სხვა სოციალურ ორგანოებს შეუძლიანთ მისი თავიდან აცილება, და საფრანგეთიც სცდილობს მოსპოს თვით მიზეზი ასეთი გადაგვარებისა. — სულ სხვაა, როდესაც გადაგვარება ყველა სოციალურ ორგანოებს ეტყობა.

შეერთებული შტატები კი ისეთი მაგალითია ერისა, რომელიც ძლიერ ადვილად შთანთქავს იქ მოყოლილ სხვა ერთა ელემენტებსა. იგი ინგლისის ხალხისაგან შესდგებოდა უმეტეს ნაწილად თავდაპირველად. მან ისეთი ეროვნული ძალა განავითარა, რომ გადასახლებულნი გერმანელი, ფრანგი, ირლანდიელი და სხვა ვერ უძლებენ მის სიძლიერესა და გაცილებით უფრო მალე ჰკარგავენ თავიანთ ხალხობას შეერთებულ შტატებში, ვიდრე სხვაგან. მხოლოდ ნეგრებმა გაუძლეს მიუხედავად ენის სრული დავიწყებისა. ერთობ ძლიერი იყო ნეგრთა და ევროპიელთა შორის განსხვავება, როგორც რასიული, ისე სოციალური ძლიერზი იყო მათი სიმძულვარე, როგორც მონათა და ბატონთა. ამით აიხსნება უპირველეს ყოვლისა ნეგრების შენახვა, რომელთაც ქალსაც აღარ ათხოვებენ ესლა თეთრ-კანიანები, ამ გუშინდელ მონათ, მათ შორის ეხლაც საშინელი წინააღმდეგობაა.

ნომადები, მოხეტიალენი ჩვენ მხედველობაში არ მიგვიღია. ჩვენ გავარკვევით ერი, როგორც კონკრეტული საზოგადოებრივი ორგანიზმი, განსაზღვრულ ტერიტორიაზედ მკდომარე. ამ მხრით იგი მცენარის ორგანიზმს უფრო ჰგავს, ვიდრე მუდამ მოძრავ ცხოველის ორგანიზმსა. განუარჩიეთ იგი ხალხისაგან

და სახელმწიფოსაგან. მოვიხსენიეთ ერნი, რომელთაც შეუძლიანთ სხვა და სხვა მდგომარეობაში იყვნენ, მაგრამ მაინც განსაკუთრებულ სოციალურ ორგანიზმებს, ერებს წარმოადგენენ, არაფერია დაკარგვა სახელმწიფო ორგანოთა, არაფერია ის მოვლენაც, როდესაც ერთ ერში სხვა ერის ან ხალხის ელემენტები ბაცილებივით არიან გამქდარნი. ეს გარემოება შეიძლება დამლუპველი იყოს ერისათვის მომავალში, მაგრამ მისი განსაზღვრისათვის ერთ რომელიმე მომენტში ეს გარემოება დიდს არაფერს არ ნიშნავს.

ჩვენ აღენიშნეთ, აგრეთვე, მისწრაფება ეროვნულ სოციალურ მონადისათვის დაცვისადმი, საუკუნო არსებობისადმი; ეს თვისება ერისა გაცილებით უფრო ბუნებრივი და სამართლიანია, ვიდრე ყველა წარსულ და აწმყო მოძალადე კონკრეტულ სოციალურ ორგანიზმთა, მაგალითად დიდ სხვა და სხვა ერთაგან შემდგარ სახელმწიფოსი.

აღენიშნეთ ამასთანავე შესაძლებლობა ერის გადაგვარებისა, რომელიც რთულის მეტრით განიზომება და რომელიც განირჩევა სახელმწიფოს გადაგვარებისაგან, განირჩევა აგრეთვე ხალხის გადაგვარებისაგან: სახელმწიფოს გადაგვარება პოლიტიკურ ორგანოთა მოსპობას ნიშნავს; ერნი ამის შემდეგ მაინც რჩებიან, ხალხის გადაგვარება—სხვა ერისაგან, ან ხალხისაგან შთანთქმას, ერის გადაგვარება კი განსაზღვრული სოციალური ორგანიზმის დაშლას: შეიძლება ეს ორგანიზმი დაიშალოს, ხალხი; სოციალური მასალა კი დარჩეს, როგორც ნანგრევი ოდესღაც ბრწყინვალე შენობისა, და სხე.

ზემო თავებში და ამ უკანასკნელში ჩვენ ვეცადეთ ყოველივე ეს გაგვეჩვენოთ. ჩვენა გვაქვს მაშასადამე ელემენტები ერის სრული განსაზღვრისა.

განსაზღვრა საგნისა არის მისი ისეთ ხასიათის ჩვენება, რომელიც საერთოა ყველა მსგავს და იგივე საგნისათვის. ასეთი საერთო რამ ჩვენ უკვე გავარკვიეთ ერისათვის: — იგი არის ბუნებრივი სოციალური ორგანიზმი, კონკრეტული სუბერ-ორგანიზმი, განსაზღვრული სოციალური მონადა, რომელიც დამოუკიდებელია სახელმწიფო მექანიზმის სოციალური არსებისაგან, აგრეთვე განირჩევა ხალხისაგან. ამასთანავე საჭიროა იმის გარჩევა, თუ რაში გამოიხატება სწორედ ის განსხვავება, რომელიც აქვს ორს ერს ერთმანეთში, აქვს თუ არა თვითველ ერს თვალსაჩინო ინდივიდუალობა? თუ ვერ, როგორც საზოგადო ცნება, განირჩევა სხვა ცნებათაგან, მაგალითად სახელმწიფოსაგან, ერთი კონკრეტული ერი განირჩევა მეორე კონკრეტული ერისაგან. რაშია ეს განსხვავება? აი რა არის საკითხავი და ძნელი საკითხავიც, — რადგანაც ერებს აქვსთ იდენტიური სოციალური ორგანოები. მაგალითად ყველა ოთხფეხთ აქვსთ იდენტიური ორგანოები, მაგრამ თვითოეული მათი სახე, მაგალითად ცხენთა, განირჩევა მეორე სახისაგან, მაგალითად ხარის სახისაგან. საერთოთ კი მათ აქვსთ თვალი, ყური, ცხვირი, კუჭი და სხვა ორგანონი, იდენტიურ ფუნქციათა აღმასრულებელნი. მაგრამ ხარი ცხენი არ არის, ცხენი კი ხარი. ეს კიდევ რა: ორი ცხენიც ერთმანეთს მთლად არა ჰგავს, არც ორი ხარი, არც ორი ადამიანი, მიუხედავად უაღრესი მსგავსებისა. — რა არის, მაშასადამე მათი ინდივიდუალობის დამახასიათებელი? რა არის ერის ინდივიდუალობის დამახასიათებელი, მიუხედავად ერთა ორგანიზმების იდენტიურ ორგანოთა არსებობისა?

შესანიშნავ ფრანგ ფილოსოფოსს ბერგსონს, მაგალითად, არ აკმაყოფილებს არც დარვინისა, არც ლამარკისა, არც დეფრისისა და სხვათა თეორიები სახეთა იდენტიურ ორგანოების შექმნის ახსნისა. იგი რაღაც უცნაური ნიჭის პატრონია და უცნაურადაც ხსნის ასეთ მოვლენებსა. მას თავისი ბიოლოგია აქვს. მისი აზრით სიცოცხლე მოქმედი რამ მისწრაფებაა, რომელიც მოქმედებს უსულ

ნივთიერებაზე და ამგვარად ხდება ბუნებაში შემოქმედება, თვით ევოლუცია—  
შემოქმედებითა. სიცოცხლეს აქვს პირველ-დასაწყისი აღფრთოვანება, შთან-  
ჩენთა ერთი შთამომავლობიდან მეორეზედ გადადის ეს პირველ დასაწყისი  
აღფრთოვანება სიცოცხლისა განვითარებულ ორგანიზმთა შემწეობით, რომლე-  
ბიც შემაერთებელნი არიან ამ შთანჩენთა. ეს აღფრთოვანება ინახება მთელი  
ევოლუციის სიგრძეზედ, იგია მიზეზი ცვალებადობისა, რომელიც მემკვიდრეო-  
ბით გადადის ერთი შთამომავლობიდან მეორეზედ. და რაღაი ყველა სახე  
სიცოცხლის ერთი და იგივე აღფრთოვანებისაგან წარმოიშობის, ამიტომაც გან-  
საზღვრულ მომენტებში მათი ევოლუცია იდენტიური უნდა იყოს ხოლმე. მაგ-  
რამ იგინი ერთმანეთს სცილდებიან მსგავსებით იმდენად, რამდენადაც განვითარ-  
ება წინ მიდის. ამგვარად სჩნდებიან ახალი სახენი. ამ საერთო აღფრთოვანე-  
ბით აიხსნება იდენტიური ორგანოები მრავალ სახეთა, — თვალი, ყური, ცხვი-  
რი და სხვ. (H. Bergson, L'Evolution Créatrice, p. p. 95—106).

ჩვენ აქ იმას არ გამოვუდგებით, რამდენად მართალია ბერგსონის თეორია.  
არ გვაინტერესებს, რა ღირებულება აქვს მეცნიერებაში მის „სიცოცხლის პირ-  
ველ-დასაწყის აღფრთოვანებას“ (L'Élan Originel). ეს ბიოლოგების საქმეა და  
ბიოლოგმა ლე-დანტეკმა ღირსეული პასუხიც გასცა ბერგსონსა. (F. Le Dantec,  
Science et Conscience) მაგრამ, ლეიბნიცის მონადებისა არ იყოს, ეს პიპო-  
ტზეაც ჩვენთვის აქ ძლიერ გამოსაღვგია საგანთა ნათლად წარმოდგენისათვის.  
ანალოგია სიცოცხლის აღფრთოვანებასა და სოციალობის პირველ-დასაწყის  
განვითარებას შორის სოციალურ შთანჩენებში, ჩვენა გვგონია, შესაძლებელია  
და ქკუაზედ ახლო.

როგორც ის არ გვაინტერესებს აქ, თუ რა არის ან როდის გაჩნდა ის პირ-  
ველ-დასაწყისი აღფრთოვანება სიცოცხლისა, რომელიც მოქმედებს უსულო  
ნივთიერებაზედ და ასულდგმულებს მას, ისე ის არ გვაინტერესებს, რა მო-  
მენტში აღმოჩნდა პირველი საზოგადოებრივობა. ფაქტია მხოლოდ, რომ სა-  
ზოგადოებრივობა იყო კაცობრიობის დასაბამიდან, რომ თვით ის რასები,  
რომელთაც ესლა აღარა აქვსთ საერთო საზოგადოებრივობა, ამ საერთო საზო-  
გადოებრივობის მქონენი იყვნენ და იმიტომ აქვსთ მათ ესლა ურთიერთ შორის  
მსგავსება ენისა და სხვა თვისებათა. სოციალურ შთანჩენთა შორის არსებობდა  
„სოციალური პირველ-დასაწყისი აღფრთოვანება“, იგი ვადადიოდა ერთი  
შთანჩენიდან მეორეზედ, ერთი სოციალური ორგანიზმიდან მეორეზედ, რა  
ფორმისაც უნდა ყოფილიყოს იგი, — ერთი ერიდან, ამ უკვე განვითარებული  
სოციალური ორგანიზმიდან, მეორეზედ. ყოველი აღმოჩენა, ყოველი რელი-  
გიური და ზნეობრივი ქადაგება, ყოველი სოციალური მოძრაობა, ყოველი  
კულტურული შექმნა ვადადიოდა ერთი სოციალური ცენტრიდან მეორეში, —  
იგინი არას ღროს არ დაჩენილან ერთი რომელიმე სოციალურ ორგანიზმის  
ხელუხლებელ კუთვნილებად. აგრეთვე წესები ორგანიზაციისა, დაწესებულება-  
თა შექმნისა ვადადებულ იყო ხოლმე ერთი სოციალური ორგანიზმისაგან სხვა  
მრავალთა მიერ, და დღეს კიდევ უფრო ემჩნევა ყველა საზოგადოებას ეს უქვე-  
ლი მისწრაფება წაბაძვისა, განსაკუთრებით ტენიკის გაუმჯობესების სფე-  
როში, ლიტერატურულ ახალ მიმართულებათა შექმნაში და სხვ. ტარდის წა-  
ბაძვა — აი რა შეგვიძლია დავამსგავსოთ სოციალურ ცხოვრებაში „სიცოცხლის  
აღფრთოვანებასა“, რომელიც ბერგსონმა ბიოლოგიაში შეიტანა, აგრეთვე ბერგ-  
სონის შემოქმედებითი ევოლუცია ემსგავსება ტარდის „წარმატებულ ევო-  
ლიუციას“, რომელიც მით დახასიათდება რომ პატარა, მცირე განახლებანი მუ-



დამ შედიან ევოლიუციის პროცესში. ურთიერთზედ ემყნობიან, ან პირდაპირ ერთად გროვდებიან, ან ურთიერთის ადგილს იჭერენ. სისტემატიურად ერთდებთან და ჰქმნიან არსთა ინდივიდუალობას ევოლიუციის რომელიმე მომენტში.

(q. Tarde; *Les lois de l'imitation, La Logique Sociale* და სხვ.) ტარდის წაბაძვის კანონთა ძალით ჰქმნიდნენ საზოგადოებრივი ორგანიზმები იდენტიურ სოციალურ ორგანოს, ამ კანონთა ძალით იყო ხოლმე განსაზღვრულ მომენტებში მათი ევოლიუცია იდენტიური, მაგრამ მსგავსად იმისა, როგორც ბიოლოგიურ ცხოვრებაში არ მოიპოვება ორი იდენტიური სახე, ორი იდენტიური ინდივიდი, მიუხედავად იდენტიურ ორგანოთა, — სოციალურ ცხოვრებაშიაც არ მოიპოვება ორი იდენტიური სოციალური ორგანიზმი, ორი იდენტიური ერი — შემოქმედებით ან წარმატებით ევოლუციის კანონის ძალითა: ყოველ ერს აქვს ენა, მაგრამ ენა არის ქართული, ინგლისური, ფრანგული: ყოველ ერს თავისი გენიოსობა აქვს ენისა. ყოველ ერს აქვს სამართალი, მაგრამ სამართალი არის ფრანგული, გერმანული, იტალიური. აგრეთვე არის გენიოსობა თვითოეულ სამართლისა, ხელოვნებისა და სხვა.

რამდენადაც ერებს იდენტიური, საერთო ორგანოები აქვსთ, იმდენად ერი საერთო ცნებას წარმოადგენს, რამდენადაც ეს ორგანოები განსხვავდებიან ერთმანეთისაგან თავისთავად, იმდენად ერს აქვს თავისი ინდივიდუალობა. სოციალურ ევოლიუციას შეუქმნია მრავალფეროვანება ერთა მიუხედავად მათ იდენტიურ ორგანოთა, ისე როგორც ბერგსონის აზრით სიცოცხლეს შეუქმნია სახეთა და ანდივიდთა მრავალფეროვანება მიუხედავად მათ იდენტიურ ორგანოთა. საზოგადო ცნება ერისა არის ერთობა მრავალფეროვანებაში, კონკრეტული ერი არის ინდივიდუალობა, ერთი ნაკვეთი მრავალფეროვანებისა ერის არსებობის საერთო შოვლენაში. ეს აუცილებელი პირობაა ყოველ განსაზღვრის შესაძლებლობისა, რადგანაც განსაზღვრა სწორედ ჩვენებაა ერთის მხრით მრავალფეროვანებათა ერთობისა, მეორის მხრით ჩვენება ამ ერთობაში მრავალფეროვანების ცალკე ნაკვეთთა არსებობისა. ხოლო დაუსრულებელი ერთფეროვანება განუსაზღვრელია, მიუწდომელი. იგი არავითარ განსაზღვრას არ ემორჩილება, ვინაიდან განსაზღვრა მსგავსებათა და განსხვავებათა ანალიზის შედეგია, ერთფეროვანებას კი არც მსგავსება აქვს არაფერთან, არც განსხვავება. იგი შეუღარებელია — მაშასადამე განუსაზღვრელი.

ერის საზოგადო არსებობა, მისი სოციალური ორგანიზმობა და არა მექანიზმობა, — აი რა არის ერთობა მისი ცნებისა. ერის ინდივიდუალობა, საკუთარი სოციალობა — საკუთარი ენა, ლიტერატურა, სამართალი, პოლიტიკა, სარწმუნოება, — რომელსაც მიუხედავად სხვა ერის სარწმუნოებასთან მსგავსებისა იმ სოციალური წრის ელფერი ადევს, სადაც იგი დამკვიდრებულია, — განსაკუთრებული „სოციალური ელფერი“ თვითოეული ეროვნული ინდივიდისა, თვით შეგნება ეროვნული ორგანიზმისა, რომელიც უპირველეს ყოვლისა თავის დაცვისათვის ბრძოლაში გამოიხატება — აი რა ჰქმნის ერის ინდივიდუალობას, აი რა უჩვენებს, რომ იგი განსაკუთრებული, ერთი ნაკვეთია ერთა მრავალფეროვანებისა.

გუმპლოვიჩი (Pr. de Soc p. 274—284) მართალს ამბობს: ჩვენ მაშინვე ვცნობილობთ ცალ-ცალკე ეროვნულ ტიპებს, რადგანაც სოციალურ ცხოვრებას ადამიანის ფიზიკაზედაც აქვს გავლენაო. ეს კიდევ რა, — თვით სხვა ერის ადამიანი, რომელიმე ერის სოციალურ წრეში მოყოლილი, ოღნავ ტიპს იცვლის.

ეს ფაქტული ტიპი რაღაც განუსაზღვრელია, ერთ გამოუთქმელი: ჩვენ მხოლოდ მაშინვე ვიცნობთ ხოლმე, რა ერისაც არის იგი, მხატვარს კი ქალაღზედ შეუძლია აღნიშნოს ეს განსხვავებაო. სხვა და სხვა რასისა და ეთნიური ჯგუფის ისტორიის მიხედვით იზადება ერში განსხვავებული აზროვნება, მისწრაფება, აქედან წარმოსდგება განსაზღვრული ტიპი ერისა, რომელიც თავის მხრით თვითონ იცვლება დროთა ვითარებაში: ერთი და იგივე ერი იგივე აღარ არის სხვა და სხვა დროსა, თუმცა ძირი ეროვნებისა ინახება მისი ევოლიუციის მთელ სიგრძეზედ და ჰქმნის ეროვნებას, მის ინდივიდუალობას.

ეხლა ყველა ელემენტი გვაქვს ერის განსაზღვრისათვის. რაც ზემოდა ვსთქვით — საკმარისია: ერი ეკუთვნის ერთ-ერთ რომელიმე რასას, ან რამდენიმე რასის ნარევე ხალხისაგან შესდგება, ე. ი. განსაზღვრული სოციალური მასალისაგან. მკიდრო კოპეზიის ერი წარმომდგარია უფრო მდაბალ სოციალურ ორგანიზმთაგან დროთა ვითარებაში და დღეს ერთად ერთი ბუნებრივი სოციალური ორგანიზმია, დაფუძნებული განსაზღვრულ ტერაიტორიაზედ, რომელსაც შეუძლია განვითარება, ცვალებადობა, გადაგვარება, სიკვდილი, ბრძოლა არსებობისათვის, თავის დაცვა, გამარჯვება და დამარცხება, — მაღალ კაცობრიობის კულტურულ ცხოვრებაში. იგი ინდივიდუალობაა, ვინაიდან აქვს საკუთარი ენა, ლიტერატურა, სამართალი, — პოლიტიკაც, როდესაც სახელმწიფოს შეადგენს; აქვს თვითშეგნება, თავმოყვარეობა, სურვილი სიცოცხლისა. და ყოველივე ეს არა ჰგავს სხვა ერთა იმავე თვისებათა. იგინი მისი საკუთრებანი არიან. განსაკუთრებით ენა წარმოადგენს ასეთს თავისებურებას. როგორც გამოცდილნი შენიშნავენ, ბერძნულ და გერმანულ ფილოსოფიის ნამდვილი გაგება ძლიერ ძნელია, თუ ეს ენები არ იცი. განსაზღვრა ერისა, მაშასადამე, ასეთ ნაირად არის შესაძლებელი:

ერი არის ერთი სოციალური ხუპერ-ორგანიზმი ანუ ბიპერ-ორგანიზმი (ტარდის სიტყვით), შემდგარი ერთგვარ ანუ მრავალ-გვარ ეთნიურ და სოციალურ მასალისაგან. რომელსაც შეუძლია უაშთა ვითარებაში შექმნას ერთი გარეგნულად მოწესრიგებული ხაერთო ცხოვრება თავის შემადგენელ ერთეულთა, ერთი საზოგადოება ყველა თავისი ორგანოებითა: ენითა, სარწმუნოებითა, მეცნიერებითა, ზნეობითა, ხელოვნებითა, სამართლითა და პოლიტიკითა, — საზოგადოება განსაკუთრებული ისტორიითა, ტიპითა და თვითშეგნებითა, სრულის ინდივიდუალობითა.

აი რა არის ერი. მას კი აბუჩად იგდებენ უეცინი და ფიქრის ნიჰის არა მქონენი. მათა სურსთ — კაცობრიობის დიდი სახელით დაჩრდილონ ეს უაღრესი სოციალური სინამდვილე. ხოლო უბედურება სწორედ ის არის, რომ კაცობრიობა არ წარმოადგენს ამ სინამდვილესა. არც ერთი თვისება, რომელიც მოიპოვება ერში ზემოხსენებული განსაზღვრით, არ მოიპოვება კაცობრიობაში. ეს უკანასკნელი სოციალურად არ არსებობს. იგი ან არითმეტიკული სუმმაი რასათა, ხალხთა, ერთა, რომელსაც არავითარი ორგანიული ერთობა არ აკავშირებს, ან იგივე არითმეტიკული სუმმაა ადამიანთა, — 1/2 მილიარდი ადამიანი, რომელთა ლიტონი რიცხვი არას გვეუბნება სრულიად კაცობრიობის სოციალურ ვითარებაზედ.

მაგრამ თვით დიდი ოგიუსტ კონტიც კი შესცდა კაცობრიობის დაფასებაში და გაჰხადა ეს ფიქცია რაღაც ფეტიშად; და რაღა გასაკვირველია რომ პიგმეები, სხვისი ფეხის ამყოლნი, სცდებოდნენ.

დაგვრჩა კიდევ ერთი ცნება, რომელსაც ხშირად ვხმარობთ ხოლმე სულ უბრალო ლაპარაკშიაც და რომელიც განირჩევა ერისაგან, სახელმწიფოსაგან და ხალხისაგან, თუმცა ხშირად აღრევენ მათ ურთი-ერთში: ეს ცნება არის ცნება სამშობლოსი. სამშობლოს დაცვა, სამშობლოს სიყვარული, პატრიოტიზმი (Patria — ლათინურად ნიშნავს სამშობლოს), პატრიოტული გრძნობა და სხვ. მუდამ გვადგია ენახედ, ხან სათაყვანებლად გვაქვს, ხან კი საგინებლადაც, როდესაც კოსმოპოლიტიზმისა და ყალბი ინტერნაციონალიზმის სახელით ელაპარაკობთ.

სამშობლოს ცნება უპირველეს ყოვლისა განსაზღვრულ ადგილს ეხება, სადაც ერი სოციალურ შემოქმედებას ეწევა. მაგრამ სამშობლოსა და ერის ცნება ერთი და იგივე არ არის. ერი არის განსაზღვრული, კონკრეტული სოციალური ორგანიზმი, ინდივიდუალობა, რომელსაც თავისი გრძნობა, ნება, თვით-შეგნება და მიზანი აქვს. იგი თვით არის სოციალური სუბიექტი, რომელსაც უნდა ჰქონდეს სამშობლო, ე. ი. ადგილი, სადაც იგი აღზრდილა, განვითარებულა, შეუქმნია წარსული და აწმყო, სცილობს მომავალშიაც განაგრძოს თავისი არსებობა. — ხალხისა და სამშობლოს ცნება აგრეთვე არ არის ერთი და იგივე. ხალხი, როგორც არა ვსთქვით, ერთი მხარეა ქრისა, მისი შემადგენლობითი მხარე, მასალა მისი შენობისა. ტერიტორიასთან თავისთავად ერსა და ხალხს მხოლოდ იმდენად აქვსთ დამოკიდებულება, რამდენადაც მათ ბინა სჭირდებათ თავიანთ შემოქმედების ნიადაგად, რამდენადაც უბინაო ერი და ხალხი იზნევა და იქსაქსება, თუ მას განსაზღვრული ტერიტორია არ უჭირავს. ტერიტორია ერისათვის ამიტომ უფლების ერთი საგანია, თუმცა უმთავრესი საგანი. — არც სახელმწიფოსა და სამშობლოს ცნება არის ერთი და იგივე, თუმცა ბევრი აღრევს მათ ერთმანეთში. ჭერ ერთი იმიტომ, რომ სახელმწიფო ერის საზოგადოებრივობის ერთი ფორმაა და არა თვით ერი, ე. ი. კონკრეტული სოციალური ორგანიზმი, აღმასრულებელი ყველა სოციალურ ფუნქციისა; მეორე იმიტომ, რომ სახელმწიფო ხშირად არის ორგანიზაცია ერთი ერის სხვა ერებზედ ბატონობისა და ამიტომაც შესაძლებელია ძლიერ ხშირად, რომ ერთ სახელმწიფოში მრავალი ერი შედიოდეს თავიანთი ტერიტორიებითა, რომელიც სახელმწიფოს მიუთვინებია, — ე. ი. შედიოდეს მრავალი სამშობლო.

სამშობლოს ცნება, როგორც არა ვსთქვით, უპირველეს ყოვლისა შეკავშირებულია ადგილთან, ბინასთან, ტერიტორიასთან, რომელიც განსაზღვრულ, კონკრეტულ სოციალურ ორგანიზმს უჭირავს. სამშობლო — ის ადგილია, სადაც ერს შეუქმნია თავისი ისტორია და სადაც იგი განსაზღვრულ მომენტში სცხოვრობს. ეს ადგილი „სამშობლოა“ იმ ადამიანთათვის, რომელნიც ამ ერს ეკუთვნიან, რომელთაც ეინტერესებათ ეროვნული თავის დაცვა, და მაშასადამე, დაცვა იმ ადგილისა, რომელიც უპირველესი საშუალებებაა ერის არსებობისა. ამ მხრით სამშობლო განსაზღვრული ერის კერძო ადამიანთა რწმენაა ამ ერისადმი კუთვნილებისა, სიყვარულია იმ ადგილისა, სადაც მათი ერი ბინადრობს.

სამშობლოს ცნება თუმცა იგივე არ არის, რაც ერისა, მაგრამ ვანუყოფელია მისგან. მეხსიერება წარსულისა, ე. ი. ისტორია, შეგნება ერისადმი კუთვნილებისა, მისი კულტი, ეროვნული თავმოყვარეობა და სხვა. — ე. ი. სრული შეგნება თავისი ერის ინდივიდუალობისა და სურვილი მისი დაუსრულებელი

სიციცხლისა, — აი რა აცხოველებს ადამიანთა გულში იმ სიყვარულს, რომელიც მას უღვივის განსაზღვრული ადგილისადმი, ერის ბინისადმი. სამშობლოს ცნება უადგილოდ არ შეიძლება, მაგრამ იგი აგრეთვე შეუძლებელია გარეშე კონკრეტულ სოციალურ ორგანიზმისა. მაგალითად, თუ ადამიანთა რწმენა ეროვნული არ არის, თუ ეროვნული მუსიკა მას არ აღფრთოვანებს, თუ ისტორია თავმოყვარობას არ უღვიძებს, თუ ეროვნულ ინდივიდუალობის დაცვა ვალად არ მიიჩნია და თავს არ შესწირავს მის სიკვდილისაგან ხსნასა, მას არც სამშობლოს წარმოდგენა აქვს და არც გრძნობა პატრიოტიზმისა. ამ მხრით სამშობლო მთელი ერის წარსული და აწმყო ცხოვრებაა განსაზღვრულ ტერიტორიაზედ, რომლის თვითთველი ფუნქსიონის გადადგმა რაღაც მწარეს ან ტკბილს აგონებს ადამიანსა, ან აწმყოში ჰბოჭავს მას ეროვნულ-სოციალურ განწყობილებათა ჭაჭვით. იმ პატარა სოფლიდან დაწყებული, სადაც პირველად აეხილა თვალი ადამიანს, სადაც პირველად დაიწყო ტიტინი ეროვნულ ენაზედ, სადაც მან პირველად იგრძნო სიტკბოება სიციცხლისა, ბუნებისა, ალერსი მშობელთა და ნათესავთა, მეგობართა და საყვარლისა — მთელ ტერიტორიაზედ, სადაც დაბინავებულა ერი, რომლის წევრიც იგი გამხდარა, რომლის კულტურულ სოციალურ სფეროშიაც დამთავრებულა მისი სულიერი ზრდა და რომლის დაცვის მოვალეობაც მას უგრძნებია, — მას უყვარს მთელი ეს ადგილი მთელი თავისი არსებითა, მზად არის თავი შესწიროს მას. ყოველი დალატი მის წინაშე მას იუღადა ხდის თავისავე თვალში.

ეს ტერიტორიალური და ეროვნული არსება არის მისთვის ხამშობლო, რომლის კულტიც მას სიკვდილამდის გულში აქვს და არ დაივიწყებს მას, რომელ სხვა სამშობლოშიაც უნდა გადასტყორცნოს იგი ბედმა. ამიტომაც პატრიოტიზმი, ე. ი. ერის სიყვარული და სურვილი მისი სიციცხლისა და სიღიადისა პირველი და აუცილებელია, ზნეობრივი პირობაა ერის არსებობისა.

შეიძლება ერი კიდევ არსებობდეს, მაგრამ სამშობლო დაკარგული ჰქონდეს. შეიძლება ეროვნული ორგანიზმი ოდნავ კიდევ ორგანიზმობდეს მით, რომ რამოდენიმე სოციალური ფუნქცია შერჩენოდეს, — რელიგია, ენა, ლიტერატურა, — ან უკეთ ესთქვეათ შეიძლება ხალხი კიდევ დარჩენილიყოს ეროვნულ ორგანიზმის დაშლის შემდეგ, მაგრამ თუ მას ტერიტორია აღარა აქვს, — მას აღარა აქვს სამშობლო, მაშასადამე საგანი ზემოხსენებულ კულტისა, სიყვარულისა და თავგანწირულებისა. ასეთ ერს თითქმის გამოცლილი აქვს ეროვნულ-ორგანიული თვისება, და შენახული მხოლოდ ხალხურ შემადგენლობითი თვისება. იგი ხალხია და არა მჭიდრო სოციალურ ცხოვრების მქონე ერი. მაგალითად, ებრაელებს შერჩენიათ სარწმუნოება და იგია უპირველესი სოციალური ჭაჭვი, რომელიც აერთებს დღესაც გაბნეულ ებრაელებს მთელს ქვეყანაზედ, და რომელსაც მათი ენაც კი შეუნახავს. მათ შერჩენიათ აგრეთვე ტიპი. მაგრამ თვით ებრაელ კაცებს ცოცხალი ენა დაჰკარგვიათ და ნაცვლად ჟარგონებზედ ლაპარაკობენ. ეს გარემოება ხდის მათ ხალხად უფრო, ვიდრე ორგანიულ სოციალურ ერთეულად, ერად. მაგრამ მათი მთავარი უბედურება უფრო სამშობლოს, ტერიტორიის უქონლობაა. ებრაელი მთელს ქვეყანაზეა გაბნეული, — იგი ყველას სამშობლოში სცხოვრობს, ხოლო თავისი არა აქვს. რა შეიყვაროს მან, რა გაჰხადოს კულტად, სად არის მისი ბინა, მისი ისტორიული საბუდარი, მისი ერის აწმყო ნიადაგი, რომელზედაც უნდა გამოიჩინოს თავისი კოლექტიუური გენიოსობა, სხვა ერთა პირის პირ? სად არის გეოგრაფიულ რუკაზედ მისი ურთაბტანო, — სახელი მისი არსებობისა? — სახელი-და დარჩა, არსებობა კი მოისპო. იყო და აღარ არის! თვით იგი ყველგან სცხოვრობს გაბნეული, მაგრამ

ყველგან სტუმარია, მუდამ დევნილი და ყველასაგან შეძლებული, ხოლო მას-  
პინძელი, თავის თავისა და მიწის განსაზღვრული ნაკვეთის ბატონი ამ ფართო  
ბუნების წიაღში — არსად! აი სად არის ტრაგიზმი ებრაელთა ერისა. ამით აიხ-  
სნება, თუ რად ეძებენ იგინი ეხლაც თავიანთ სიონს. ადვილი ასახსნელია სა-  
შინელი სასოწარკვეთილებაც ებრაელ მამულისშვილისა, ორი მიზეზისაგან გამო-  
წვეული: ერთი იმისაგან, რომ მათი ისტორიული პალესტინა ეხლა სხვას უჭი-  
რავს, მეორე იმისაგან, რომ ათასის წლობით გაბნეული ებრაელთა ხალხი —  
ერთ ადგილას კიდევ რომ დაასახლო, ერს ველარ შეადგენს, ველარ შეადგენს იმ  
საკვირველ და მშვენიერ პარმონიას, რომელსაც წარმოადგენს ეროვნული სო-  
ციალური ორგანიზმი, — არამედ ისე მიეჩვია ხეტიალს, ავანტიურას, მხოლოდ  
ფაქიზ მუშაობასა, — ვაჭრობას, მეცნიერებასა და სხვას, — რომ მუდამ დარჩე-  
ბა იგი ხალხად, რომლის ზოგიერთი წარმომადგენელი შეიძლება დიდად ნიჭიე-  
რიც იყოს და დიდად სასარგებლოც ბევრ უმაღლეს დარგში სხვათა სამშობლოსა-  
თვის, მაგრამ ერთობ უბინაო, უსახლ-კარო, უცხო უცხოთა შორის სტუმარი და  
მისთვის მხარჯველი თავის გენიოსობისა, უსიმპატიო, დევნილი, სასაცილოდ  
აგდებული და სოციალურად უპიროვნო. სამშობლოს უქონლობით აიხსნება  
აგრეთვე აუარებელი რიცხვი ებრაელთა შორის ჯამუშთა, დეზერტირთა, მოლა-  
ლატეთა, აგრეთვე მათი სხვა უსიმპატიო მხარეები. სამშობლო, — ეს ის არსე-  
ბაა, რომლის წიაღთა შინა ადამიანი მუდამ ვარჯიშობს მამულიშვილობით, საკუ-  
თარი მამულიშვილობით. ათასის წლობით მოკლებული ასეთ სავარჯიშო ასპა-  
რეზსა და მუდამ სხვისი მოსამსახურე, საზოგადოდ ებრაელი არ შეიძლება იყოს  
ისეთივე მამულიშვილი სხვის კარზედ, როგორც მასპინძელი თავის სახლში.  
თუმცა კი — დიდება ამ ერს, რომ მის პირობებში კიდევ მეტი უსიმპატიო მხა-  
რე არა აქვს, კიდევ მეტი რიცხვი მისი არ არის მოლალატე; დიდება მას, რომელ-  
მაც სხვა და სხვა უცხო სამშობლოს მისცა საუკეთესო მამულიშვილები, მეცნიე-  
რები, ფილოსოფოსები და სხვანი.

ასეთივე თვისება ეტყობათ ისეთ ერებსაც, რომლებსაც თუმცა სრულიად  
არა აქვსთ დაკარგული ტერიტორია, მაგრამ დიდი ნაწილი მათი მიწაც გაბნეუ-  
ლია და სხვების სამშობლოებში უხდებათ ცხოვრება. როლი სომხებისა საქარ-  
თველოში შეიძლება დიდი იყოს მით, რომ მათ მოგვეცეს ზაქარია და ივანე მხარ-  
გრძელები. მაგრამ რამდენი დარჩო ბებუთაშვილი ყოფილა ჩვენში განსაკუთრე-  
ბით მაშინ, როდესაც საქართველოს მეტი შეეღა ეჭირებოდა! — კიდევ ეფრო  
უმაღურია მასპინძელთა ასეთის ერის ნაწილები, როდესაც ისინი დაიბუდებენ  
ხოლმე მისუსტებული ერის ტერიტორიაზედ და ხანმოკლე ფარული მეგობრო-  
ბისა და სოლიდარობის შემდეგ პირდაპირ ომს უცხადებენ თავიანთ მასპინძ-  
ლებს, — ადრე შენი ტერიტორიიდან, მე უნდა დავიპირო იგი, როგორც უფრო  
ძლიერმა და ნიჭიერმა!

სამშობლო და სახელმწიფო ერთი და იგივე არ არის, სახელმწიფოში მრავალი  
ერია შესული თავიანთ ტერიტორიებითა. სამშობლო კი ერისა და ტერიტორიის  
შედულებაა. მაშასადამე სახელმწიფოში შეიძლება სამშობლონი იყვნენ,  
და ასეთი სახელმწიფო სამშობლო კი არა, სამშობლოს წინააღმდეგი ორგანიზა-  
ციაა. იგი იმისთვის არის სამშობლო, ვინც გაბატონებულ ერად ევლინება ჩაგ-  
რულთ. სახელმწიფო ძალით ავალებს უცხო სამშობლოს შვილებს სამშობლოდ  
ალიარონ გაბატონებული ერის სამშობლო, შესწირონ მას თავი, ებრძოლონ მი-  
სი სახელით ისეთ მტერს, რომელიც შეიძლება გაბატონებული ერის მტერია,  
მაგრამ დაჩაგრულის დიდი მეგობარიც. სახელმწიფო პყრობილ ერის მოლალა-  
ტეს სჯის ისევე, როგორც მთავარი ერისას, მაგრამ ამისი ზნეობრივი უფლება

მას არა აქვს; ამიტომაც ამ სხვისაგან პერობილთა განთავისუფლება ყოველთვის სიმპატიას იწვევს საერთაშორისო ზნეობის აღმსარებელ ადამიანთა გულში; აჯანყება დაჩაგრულთა სამართლიან უფლებად არის აღიარებული ყველასაგან, ხოლო განთავისუფლებულ სამშობლოებს თვით მომქმედი საერთაშორისო სამართალი იღებს თავის მფარველობის ქვეშ.

სანამ ეროვნული კოპეზია მოხდებოდეს, სანამ ეროვნული ცხოვრების წესი ქალაქური ცხოვრებაა, ე. ი. სანამ ცალკე სოციალურ ორგანიზმებს ქალაქები წარმოადგენენ, — სამშობლოდაც ქალაქია აღიარებული, თუმცა განსაზღვრულ ეროვნულ განვითარების საფეხურზედ შეგნება ერთის სამშობლოსი ფეხს იკიდებს და საქმიანთა ჩნდება იგი. საბერძნეთში ცალკე სამშობლონი იყვნენ — ათინა, სპარტა და სხვანი, მაგრამ სპარსელებთან საბრძოლველად ერთად გამოდიოდნენ, მართალია, ხშირად რამოდენიმე სამშობლო უცხოელებს ებრძოდა, რამოდენიმე კი უცხოელებთან ერთად დასარჩენ ბერძნეთავე სამშობლოებს, მაგრამ თანახმად ბერძნეთა ერის სოციალურ კოპეზიის განვითარებისა მუშავდებოდა საერთო შეგნებაც ელლადის სამშობლოსი. ასე იყო საქართველოშიაც. მაშინ როდესაც საქართველოს ერთი ნაწილი უცხოელებს ებრძოდა ხოლმე, მეორეს მისი მხარე ეჭირა. ეს ასეა ყოველთვის, სანამ სრული სოციალური სიმჭიდროვე და პარმონია არ დამკვიდრდება ერის სხვა და სხვა ნაწილთა შორის და სანამ არ შემუშავდება ყველასათვის საერთო და განუყოფელ სამშობლოს ცნება. ქართველებს გვექონია ასეთი დრო, — დრო ჩვენი ერთობისა, დიდი დავითისა და თამარის დრო, მაგრამ ურთი-ერთის წინააღმდეგ ბრძოლა და უცხოთა მიმხრობა თავისიანების წინააღმდეგ ხშირი მოვლენა იყო ჩვენს ისტორიაში. ეხლაც ბევრი არ არის ისეთი, ინტელიგენტთა შორისაც, რომ თავის სამშობლოდ გულწრფელად მთელს საქართველოსა სთვლიდეს, არამედ მისთვის სამშობლო ან კახეთია, ან ქართლი, ან იმერეთი, სამეგრელო, გურია და სხვა. ჩვენში ჯერ არ არის მაშასადამე დამთავრებული სრული კოპეზია ერისა, მაგრამ ამ მხრით დიდი იდეური მუშაობა სწარმოებს ამ უამად ჩვენს შორის. და როდესაც ჩვენი ეროვნული ერთობის შეგნება იქმნება განხორციელებული და არა მხოლოდ სასურველი იდეა, მაშინ ჩვენი ბედიც სხვანაირად დატრიალდება.

მაგრამ როგორც უნდა იყოს ცნება სამშობლოსი, — ვიწრო თუ ფართო, ქალაქური თუ ეროვნული, ან სხვა რომელიმე სოციალურ ორგანიზმის თანახმა, — იგი მაინც შეკავშირებულია იმ ადგილთან, სადაც ამ კონკრეტულ სოციალურ ორგანიზმს ბინა დაუდევს და შეუქმნია თავისი ისტორია. სადაც ასისა და ათასის წლობით მტკიცე კავშირი დამკვიდრებულა ცოცხალსა და წარსულს, მიცვალებულ შთამომავლობათა შორის, სადაც ყოველი მტკაველი მიწისა მესსიერების საგანია ცოცხალთათვის, მიცვალებულთა მიერ გარდმოცემული, სადაც ამ მიცვალებულთა საფლავები მღუშარედ შესცქერიან ცოცხალთ და თავიანთ საუკუნო ანდერძს აგონებენ, სადაც ეროვნული კულტურა კელაპტარსავით ჩამოასხამს ადამიანის სულს და შექმნის მისგან განსაზღვრულ ეროვნულ ინდივიდუალობას სხვა სოციალური წრის ინდივიდუალობათა პირისპირ.

ამ ნიადაგზეა აღმოცენებული იდეა სამშობლოსი, — რომლის შემადგენელი ელემენტები არის ერი და მისი ტერიტორია. ამ ნიადაგზეა აღმოცენებული კულტი და სიყვარული მისი, ამით აიხსნება განუსაზღვრელი სურვილი, რწმენა და მოვალეობა მისი დაცვისა. ამით განისაზღვრება უმაღლესი და ძლიერი მისწრაფება მისი ინდივიდუალობის სიდიადის შექმნისა სხვათა პირისპირ.

მაგრამ ამითავე განისაზღვრება, სხვა მიზეზებთან ერთად, რასაკვირველია, გადალაზვება სამშობლოს საზღვრებისა და მისი განდიდება სხვათა დამონებით, უცხო სამშობლოთა უარ-ყოფითა. ეს არის ეროვნული ეგოიზმი და არა სამშობლოს გულ-წრფელი სიყვარული. ეს არის უარყოფა სხვისი უფლებისა და არა თავისი უფლების დაცვა. გაბატონებულნი ერნი სცდილობენ ტერიტორია წაართვან დამონებულთა და თავისი ელემენტით დაასახლონ, რომ ან გადააგვარონ ეროვნულად, ან განფანტონ იგინი და მოუსპონ თვით სახსენებელი სამშობლოსი. აი, ეს არის ნამდვილი შოვინიზმი, და არა ის, რომ მონას თავისი ბატონი სძულდეს და სცდილობდეს მის კლანკებს თავი და თავის სამშობლო გამოსტაცოს. — მონის — სიყვარულია საზიზღარი და არა ხიძულვადი. ძლიერი, მკაცრი სიძულვილი მონისა ბატონისადმი მას სულეირად თავისუფლად ახდის; იგი სრულიად კანონიერი, ღირსეული და დიადი გრძობაა, რომელიც დიდ საქმეებს ჩაადენინებს მონასა, — ნამდვილს, ეროვნულ თავისუფლებას მიანიჭებს. ვინც არ დაიშლის და მასაც შოვინიზმს უწოდებს, — ჩვენ არც სიტყვის გვეშინია, — ვიტყვით მხოლოდ: მონათა შოვინიზმი ბატონთადმი — კეთილი ყოფილა და არა ბოროტი გრძობა.

თუმცა არის ისეთი ერები, რომელთაც სამშობლო აღარა აქვსთ, მაგრამ მათი ეროვნული არსება ყოველთვის განსაზღვრულ ტერიტორიაზედ განვითარებულია. სამშობლო ენა, სამშობლო ლიტერატურა, სარწმუნოება, ხელოვნება და სხვა, — ყოველთვის ან სხვა ხალხთაგან ყოფილა შეთვისებული განსაზღვრულ ადგილზედ მდგომი ერისაგან და საკუთარ სოციალურ სფეროში სპეციალურად გარდაქმნილი, ან და თვით ერის ტერიტორიაზედ ორიგინალურად შემუშავებულია. ერი, ეროვნული კულტურა არ იზადება გარეშე რომელიმე სამშობლოსა, მიუხედავად იმისა, რომ მან შეიძლება დროთა ვითარებაში დაჰკარგოს სამშობლო.

თუ დაჰკარგა, — იგი მაშინ უბედურია, — ეს არის უპირველესი მიზეზი და დასაწყისი მისი სრული გაქრობისა. ყოვლად უაზრო აბსურდია იმ ადამიანთა აზრი, ვითომც ტერიტორიას, სამშობლოს ერისათვის მნიშვნელობა არა ჰქონდეს. განსაზღვრით რომ ერი და სამშობლო ერთი და იგივე არ იყოს, — აქედან ის არ გამომდინარეობს, რომ მეორე პირველისათვის უმნიშვნელო იყოს. ორგანიზმი და ის წრე, რომელიც მისს არსებობას ხელს უწყობს, ან ვნებს, ერთი და იგივე არ არის განსაზღვრითა, მაგრამ შესაფერი წრე რომ მისთვის აუცილებელი საჭიროა არსებობის განგრძობისათვის, ან და მავნებელი და დამლუპველი, — ეს ყოველ ექვს გარეშეა. იგი მაშასადამე დიდად მნიშვნელოვანია ორგანიზმისათვის. — იურიისტებიც ხშირად სცდებიან. რაღაი, მათის აზრით, უფლება საკუთრებისა ტერიტორიაზედ შეიძლება ჰქონდეს ან სახელმწიფოს, ან ინდივიდს, — ამიტომ ერი აქ არაფერ შუაშია, ერის უფლება ტერიტორიაზედ იურიდიული აბსურდია და დაზარალულ ერთა მისწრაფებაც ტერიტორიის შენახვისა ნიადაგს მოკლებულია. — ძლიერ შემედარია ასეთი შეხედულება. ჯერ ერთი, არ მოიპოვება არც ერთი სახელმწიფო, რომ იქ ერთი ერი გაბატონებული არ იყოს და ეს ბატონი ერი არა სთვლიდეს თავის საკუთრებად როგორც საკუთარ ტერიტორიას, ისე სხვისას, დაპყრობილ ტერიტორიას. მისი მთავრობა გამომხატველი ერის ასეთის შეხედულობისა. როგორც თვით ერი, ისე მისი მთავრობა სცდილობენ „დაპყრობილ“ ქვეყანათა „კოლონიზაციასა“. მთავრობა სახელმწიფოდ აცხადებს აგრეთვე დაპყრობილი ერის ტერიტორიის საუკეთესო ნაწილებს. მეორე, — დაპყრობილი ერი შეიძლება ოდესღაც სახელმწიფო ყოფილიყოს და მაშასადამე ჰქონოდეს განსაზღვრულ ტერიტორიაზედ

სუვერენული უფლება. ამიტომაც, როდესაც იგი განთავისუფლებსათვის იბრძვის, — მას აქვს ყოველთვის გათვალისწინებული განსაზღვრული ისტორიული, ან განსაზღვრულ ეროვნულ ელემენტით დასახლებული ტერიტორია, რომელზედაც უზენაესი უფლების მოსაპოვებლად იბრძვის, მესამე, — ერს ასისა და ათასის წლობით განსაზღვრულ ტერიტორიაზედ სისხლი უღვრია მისი დაცვისათვის, მეუქმნია განუზომელი ენერჯით საკუთარი კულტურა; და გუშინდელ ? — ულს რა სამართლით დაუთმობს მიწას, თუ გინდ ფულითაც იყიდოს? — ძალადე სახელმწიფოს კანონთა კოდექსზედ აქ უზენაესი ზნეობრივი სამართალი უფრო მალა სდგას. რაც შეეხება ინდივიდუალურ უფლებას მიწის საკუთრებაზედ, მართალია, შეიძლება ერთი ერის აღამიანებმა მეორე ერის მიწა-წყალი შეისყიდონ, თუმცა მცირედი ნაწილი, (შეუძლებელია მთელი ტერიტორიის ყიდვა), მაგრამ ერის ცდაც — არ გაუშვას ხელიდან ტერიტორია, ყოველთვის არსებობს ასეთ შემთხვევებში და რად უნდა ჩაითვალოს იგი არაკანონიერ მისწრაფებად, — ამას ვერაფერ ვერ დაამტკიცებს, პირიქით, ის ერი ვინც ამ ცდაში უნარს ვერ გამოიჩენს, — სუსტი და უღირსია, იგი პირდაპირ თავს იკლავს, ფეხ-ქვეშიდან ნიადაგს იცლის და ამით ჰკარგავს მომავალში არსებობის უფლებასა: საშობლოს მოკლებული ერი ვერასოდეს ვერ გახდება ხაერთაშორისო სამართლის თვალში დამოუკიდებელ სოციალურ არსად. — რუდოლფ შპრინგერი თუმცა ზემოხსენებული აზრის არის წმინდა იურიდიულის თვალთახედვით, მაგრამ იგი მაინც აღიარებს ერთა უზენაეს უფლებას განსაზღვრულ ტერიტორიაზედ, როდესაც ეს უკანასკნელი დასახლებულია ეროვნული ელემენტით. შეუძლებელიც არის სხვა პრინციპი. ერი უსაშობლოდ, უტერიტორიოდ თითქოს სივრცის გარეშე მდგომია, როგორც უისტორიოდ ერი თითქოს დროის გარეშე სდგასო. ერის ისტორია, — მისი შემოქმედებაა დროში, ერის საშობლო, — ნიადაგია ამ შემოქმედებისა სივრცეში; უამისოდ იგი ან ერი არ არის, ან ყოვლად უბედურია, — როგორც ებრაელები, რომელთაც ერთიცა ჰქონდათ და მეორეცა, მაგრამ ორივე დაჰკარგეს. განსაზღვრული სივრციდან განძეგება ერისა მას დროშიაც არაისტორიულადა ხდის, უსპობს მომავალ ისტორიას, — და სწორედ ეს საშინელი უბედურება დაატყდათ თავზედ ებრაელებს.

ამგვარად ტერიტორიის მნიშვნელობა უბრალო სიტყვა არ არის. იგი დიალია და უპირველესი. არც ისტორიულ ტერიტორიას აქვს უაზრო მნიშვნელობა. ის ნაწილი ტერიტორიისა, რომელიც ოდნავ შეიძლება სხვა ელემენტით იყოს დასახლებული, მაინც თავის კანონიერ პატრონს ეკუთვნის მართალ სამართლის თვალთახედვით, თუ რასაკვირველია ეროვნული ელემენტი იქ საესებით არ არის აღმოფხვრილი. თუ იგი ერის ტერიტორიის ორგანიული ნაწილია. დარჩენილი არის ოდნავ მაინც მისი კულტურა და ისტორიული ნაშთი, თუ ერის გულში მებსიერება ამ ახლო წარსულისა კიდევ ღვივის, — ერს სრული უფლება აქვს მისი დაბრუნებისა და თავის კულტურის აყვავებისა, თუმცა მისი მოვალეობაა იმ ელემენტთა უფლებათა პატივისცემა, რომელნიც მას დროთა ვითარებაში ჩამოთესლებია. საქართველოს ტერიტორიიდან ჩამოჭრა ტაოკლარჯეთისა, ლაზისტანისა, სამცხესი, ჭავჭავეთისა, სომხეთისა იმ მიზეზით, რომ იქ ზოგან ისლამი გაბატონებულა ქართველთა შორის, ზოგან — სომხობა. ბერძნობა და თათრობა ჩამოსახლებულა, ვერ იქმნება იმის არგუმენტი, რომ საქართველოს ტერიტორია ამ ჩვენ ისტორიულ საზღვრებში არ აღიარონ. აქ ჩვენი მოსახლეობა კიდევ დარჩენილა, დარჩენილა ჩვენი ისტორიული ნაშთები, ჩვენი კულტურა აქ ყვაოდა, იგერ ახლა, ახლო წარსულში, ჩვენ ისტორიულ მებსიერებაში ეს ნაყოლები მჭიდროდ არის ჩაქსოვილი და იქ დასახლებულ უცხო



ელემენტებს არავითარი პრეტენზიის წამოყენების უფლება არა აქვს, გარდა მათ უფლებათა ჩვენ მიერ პატივისცემისა. ეს ტერიტორია ჩვენი ორი ათასის წლის საკუთრებაა, და სრული უფლება გვაქვს იქ ხელახლა ავაყვავოთ საქართველო. ჩვენ იგი გვჭირდება, და იმ მიზეზით, რომ იგი ისტორიულმა ბედმა წაგვგლიჯა დროებით, ახლო წარსულში, — ვერ დავესმობთ ამ საჭიროებასა.

მაგრამ, სხვა არა იყოს რა, განა ფაქტი არ არის, რომ საერთაშორისო სამართალი მხოლოდ მაშინ იღებს თავის სფეროში განთავისუფლებულ ერს, თუ მას ტერიტორია აქვს? სულ სხვაა, როგორ განსაზღვრავს ერი თავის ტერიტორიის საზღვრებსა. ეს მის სინიღისზედა და მის ხმლის ძალაზედ არის დამოკიდებული. ერი კი, რომელსაც არც სამშობლო აქვს და არც ტერიტორია, ვერც განთავისუფლდება და ვერც ვერავითარ მოთხოვნას წარუდგენს საერთაშორისო სამართალსა. მართალია, უზენაესმა, იდეალურმა საერთაშორისო სამართალმა უტერიტორიო ერის მფარველობაც უნდა იკისროს, მაგრამ დღეს მომქმედი საერთაშორისო სამართალი არა თუ უტერიტორიო ერს, არამედ ტერიტორიის მქონე ერებსაც არ უწევს მფარველობას, თუ არ განთავისუფლდნენ და სახელმწიფოები არ დააარსეს სივრცის განსაზღვრულ ნაკვეთზედ.

მაგრამ კაცობრიობის სინამდვილის მორწმუნეთ კიდევ აქვსთ არგუმენტები თავიანთ აზრის დასამტკიცებლად. სამშობლო, ერი, ხალხი — მათთვის სოციალურნი სინამდვილენი არიან, მაგრამ კაცობრიობაც იმავე სინამდვილეს წარმოადგენს, რადგანაც დღეს საერთაშორისო სამართლის არსებობა — ფაქტი: იგი აწესრიგებს კაცობრიობის ნაწილთა შორის განწყობილებათა. ზოგნი კიდევ მომავალ კაცობრიობის ორგანიზაციაში ეძებენ კაცობრიობის სოციალურ სინამდვილეს: — თუ აწმყოში არა, მომავალში ხომ კოსმოპოლიტიზმი ნამდვილ, ჰყოფს კაცობრიობას სოციალურად.

ეს არგუმენტები შემდეგ თავებში განვიხილოთ. განვიხილოთ ჯერ თუ როგორ უყურებს დღეს ერებს, სამშობლოებს მომქმედი საერთაშორისო სამართალი, ან როგორ უნდა უყურებდეს მათ იდეალური საერთაშორისო ზნეობა და მართალი სამართალი.

## თ ა ვ ი მ მ რ მ მ

### საერთაშორისო სამართალი და კაცობრიობა

ბევრი სპეციალისტი საერთაშორისო სამართლის მეცნიერებისა არ მიიღებს იმ გვარ შეხედულებას ერისა და კაცობრიობის შესახებ, როგორც ჩვენა გვაქვს გატარებული. როგორ, კაცობრიობა არ არსებობს? — მაშ რა არის საერთაშორისო სამართალი, რომელმაც ლამის არის მთელ დედა-მიწის ზურგზედ მცხოვრები მილიარდ ნახევარი ადამიანი ერთ საზოგადოებად გარდაქმნას? მაშ რა არის ეს უკვე არსებული საზოგადოება სახელმწიფოთა, რომელთა შორის მოქმედებს ის იურიდიული წესები, რომლის სუბმაც წარმოადგენს საერთაშორისო სამართალსა? ერიც განა წარმოსადგენია უსახელმწიფოდ? — იტყვის მაგალითად ბლუნჩლი. აგრეთვე არც ერთი ფანატიკოსი სოციალისტი არ დაგვეთანხმება — კაცობრიობა არ არსებობსო, ვინაიდან მისი რწმენაა, მისი იდეალია, რომ შედარებით ახლო მომავალში მთელი კაცობრიობა წარმოადგენს ერთ დიდ სოციალურ რესპუბლიკას.

ამ უკანასკნელ უტოპიაზედ შემდეგ ვილაპარაკებთ, ეხლა კი გავარჩიოთ,

რამდენადა ჰქმნის საერთაშორისო სამართალი კაცობრიობას საზოგადოებად, ერთ დიდ სოციალურ ორგანიზმად, ერი და სახელმწიფო რომ ერთი და იგივე არ არის, ამაზედ უკვე ვილაპარაკეთ. ჩვენ პირდაპირ უარ-ვყოფთ, რომ საერთაშორისო სამართალს შეეძლოს მთელი კაცობრიობის გარდაქმნა ერთ დიდ საზოგადოებად, და აი ამის საბუთები: 1) საერთაშორისო სამართალი, როგორც ერთი დარგი სამართლისა, არ არის ისეთის ხასიათისა, როგორისაც არის სამართალი, მომწესრიგებელი ადამიანთა ყოფა-ქცევისა განსაზღვრულ საზოგადოებაში: სამართლის მდებელი საზოგადოებაში და სახელმწიფოთა საზოგადოებაში ერთისა და იმავე ავტორიტეტის არ არის; სამართალი ყოველნაირ ძალით, უუსასტიკესითაც კი ამტკიცებს თავის არსებობას იმ წამამდის, სანამ ახალი სამართალი სრულიად არ დაიქვრს მის ადგილს; საერთაშორისო სამართალს კი ასეთი თვისება არა აქვს. მაშასადამე იგი, როგორც სამართალი, თავის თავად ზრ არის ისეთის ორგანიზმის თვისებისა, როგორისაც სამართალი, მოქმედი განსაზღვრულ კონკრეტულ საზოგადოებაში. 2) საერთაშორისო სამართალი, როგორც მომწესრიგებელი სახელმწიფოთა შორის განწყობილებათა, ეკუთვნის უკვე მოწესრიგებულ სახელმწიფოებს, განსაკუთრებით ევროპისა და ამერიკის სახელმწიფოებს, ნაკლებად აზიისას, რამოდენიმედ მხოლოდ აფრიკისას, დანარჩენი კაცობრიობა კი ან არსებულ დიდ სახელმწიფოთა ფარგალში შედის, ან და მათ მიმართ საერთაშორისო სამართალი ისე არ მოქმედებს, როგორც, მაგალითად, ინგლისს ან გერმანიის მიმართ 3) საერთაშორისო სამართალი არ არის ერთა შორის განწყობილებათა მომწესრიგებელი, არამედ სახელმწიფოთა შორის მომწესრიგებელი სამართალი. ერსა და სახელმწიფოს შორის კი დიდი განსხვავებაა. 4) კიდევაც რომ მოსალოდნელი იყოს მომავალი ნამდვილი საერთაშორისო სამართლის განხორციელება, იგი ვერ შექმნის მთელ კაცობრიობისაგან ერთს დიდს სოციალურ ორგანიზმს, რადგანაც სამართალი თავისთავად და კერძოდ საერთაშორისო სამართალი მხოლოდ ერთი მოვლენაა საზოგადოებრივობისა სოციალურ მოვლენათა კლასიფიკაციის მიხედვით. იგი ვერ ამოსწურავს სოციალურ ორგანიზმის სრულ საზოგადოებრივობას. 5) თვით სახელი „საერთაშორისო სამართალი“ მიგვითითებს იმაზედ, რომ არსებობს ცალკე სოციალური ორგანიზმები, რომელთა შორისაც მოქმედებს ეს სამართალი. ერთი საკაცობრიო საზოგადოება რომ არსებობდეს, მაშინ საერთაშორისო სამართალი აღარ იქმნებოდა. თვით განსაზღვრა საერთაშორისო სამართლისა წინააღმდეგია საკაცობრიო საზოგადოებისა. საერთაშორისო სამართლისაგან საკაცობრიო საზოგადოების შექმნა, მაშასადამე, — შინაგანი წინააღმდეგობაა. თანამედროვე კაცობრიობა, მაშასადამე, ერთი სოციალური ორგანიზმი კი არ არის, არამედ უბრალო სუბმა ცალკე სოციალურ ორგანიზმთა, რომელნიც სულ სხვა და სხვა განვითარების საფეხურზედა სდგანან: სუბმა ერთა, ხალხთა, თემთა და სხვათა, ანუ საერთაშორისო სამართლის მხრით, — გროვა სახელმწიფოთა, კოლონიათა, საპროტექტორატო ხალხთა, აღმოჩენილ ქვეყანათა, მფლობელობათა და სხვ., სადაც ამ საერთაშორისო სამართალმა წეს-რიგი უნდა შეიტანოს. ყოველივე ამის დამტკიცებას ვეცდებით ამ თავში.

მკაფიოდ და მარტივად რომ განესაზღვროთ სამართალი, იგია „იმ ვალდებულებათა კრებული, რომელთა აღსრულებასაც შესაძლებელია აიძულებდეს ადამიანებს მომწესრიგებელი ძალა მთელი საზოგადოებისა“. ეს არის „წმინდა სამართალი“, მაგალითად იურისტ ედმონდ პიკარის აზრით, და შტამლერის კონცეპციაც სამართლისა თითქმის იგივეა. ასეთია ხასიათი სამართლისა, როდესაც იგი ერთი ორგანიზმი ნაწილთაგანია მთელი საზოგადოებრივი ორგანიზმი

ცხოვრებისა. ამიტომაც სწორად არის განსაზღვრული საზოგადოებაში პირი სამართლისა. საგანი სამართლისა და განწყობილება მათ შორის. ამიტომაც ყოველ სახელმწიფოში ნახავთ გარკვეულ კანონმდებლობასა, — კანონმდებელსა, საგანს კანონმდებლობისას და იმ ელემენტს, რომელსაც შეეხება კანონმდებლობა. საერთაშორისო სამართალს კი ჯერ სრულიადაც არა აქვს ასეთი გარკვეული ხასიათი.

მაგალითად — სად არის საერთაშორისო კანონმდებელი საერთაშორისო სამართლისა? არ შეგვიძლია კანონმდებლობის ნამდვილი როლი მივაწეროთ საერთაშორისო კონგრესებს და კერძო ხელშეკრულებათ სახელმწიფოთა შორის. თუმცა მტ აქვს ასეთი ტენდენცია, მაგრამ არ აღსრულება დადებულ პირობათა ისეთს რეაქციას არ იწვევს სოციალური ძალის მხრივ პირობის დამრღვეველის წინააღმდეგ, როგორც ეს ხდება განსაზღვრულ სახელმწიფოში. ეს იმიტომ, რომ ამისათვის არავითარი უნივერსალური სოციალური ძალა არ არსებობს, როგორც ამბობს ბლუნჩლი. დიპლომატიური მოლაპარაკებანი და სადაო საკითხების მოგვარება, ომი, ან დათმობა ერთი სახელმწიფოსი მეორეს წინაშე, ყოველივე ამას აქვს ნამდვილ სამართლის ხასიათის რაღაც მსგავსი, მაგრამ ისეთი არაა, როგორც ნამდვილ სამართალსა აქვს კონკრეტულ სახელმწიფოში. ინდივიდი საზოგადოებაში გარკვეულად ემორჩილება განსაზღვრულ ნორმებს, სახელმწიფო კი „სახელმწიფოთა საზოგადოებაში“ ასე არავის არ ემორჩილება. მისი მოქმედება ჯერ არ არის სრულიად მოწესრიგებული, მისი სამართალი ჯერ კიდევ ბარბაროსულ ძალადობის ხანაშია. ამას მოწმობს საზოგადოებათა შორის განუწყვეტელი ომები. სხვა რომ აღარაფერი იყო შესაძლებელი ამ „სახელმწიფოთა საზოგადოების“ წევრთა თვითნებობის ასალაგმავად, თვით ომი მოაწესრიგეს, რომ იგი ერთობ ვერაგული და მხეცური არა ყოფილიყო, მაგრამ სწორედ ეს გარემოება გვიჩვენებს, თუ რამდენად განუვითარებელია საერთაშორისო სამართალი. სად ვაგონილა, რომ კერძო საზოგადოებაში კაცის კვლა აღიარებული იყოს პრინციპიალურად და მოწესრიგებული, როგორც ბუნებრივი და აუცილებელი მოვლენა. მკვლელი ნამდვილი სამართლის სფეროში ან ისჯება, ან ეპატიება ძლიერ იშვიათ შემთხვევაში, როდესაც მართლაც განსაკუთრებულმა პატივ-საღებმა პირობებმა აიძულა იგი ჩაედინა სამართლის წინააღმდეგი საქმე.

ნამდვილ სამართალს ისეთი ხასიათი აქვს, რომ უკანასკნელ წუთამდე იცავს თავის არსებობას, სანამ ახალი სამართალი არ დაიჭერს ფაქტიურად მის ადგილს. სად არის საერთაშორისო სამართალში ისეთი გარკვეული ნორმები, რომ უკანასკნელ მომენტამდე დაიცვას თავი და ფაქტიურად მოქმედებდეს? პირიქით, ხშირი მოწამენი ვართ მულმივ დარღვევისა სწორედ იმ საერთაშორისო კონგრესების დადგენილებათა, რომელნიც ნაყოფნი იყვენ სახელმწიფოთა მოლაპარაკებისა და შეთანხმებისა. პაავის კონფერენცია, მშვიდობიანობის დასამკვიდრებლად მოწვეული, უთვალსაჩინოესი მაგალითი იყო ამისი: მას შემდეგ არ იყო ომი ინგლისისა და ბურებისა, ჩინეთისა და ევროპიელებისა, რუსეთისა და იაპონელებისა და სხვ.?

ბლუნჩლი ამბობს: „ეჭვს გარეშეა, რომ ფრიად და ფრიად საჭიროა საერთაშორისო კანონები; გონებრივად უკვე მზად არიან გამოჰხატონ კანონის ფორმით საერთაშორისო პრინციპები. მხოლოდ ყველასაგან აღიარებული კანონმდებელი გვაკლია. ყოველ ცალკე სახელმწიფოში კონსტიტუციამ შექმნა ცალკე ორგანო, გამოჰხატველი მთელი სახელმწიფოს ნებისა, შექმნა კანონმდებელი. მაგრამ ხად ვნახოთ ისეთი მსოფლიო კანონმდებელი, რომლის ხმახაც ყველა ხა-

ხელმწიფო გაიგონებს და რომლის ბრძანებასაც დაემორჩილება ყველა ერთი მთელი ქვეყნის საკანონმდებლო ორგანოს დაწესება გულისხმობს მთელი ქვეყნის ორგანიზაციას, სწორეთ ეს კი არ არსებობს. შეიძლება ოდესმე განხორციელდეს ეს დიდი იდეა; შეიძლება მან ოდესმე შექმნას ცენტრალური ორგანიზაცია კაცობრიობისა; ეს უკანასკნელი აგრეთვე დაყოფილი იქმნება ერებად და სახელმწიფოებად, მაგრამ მაინც იქმნება საერთო ნება, აღიარებული ყველა საგანს. წარსული გეიჩვენებს, თუ როგორ მოაწყვეს ხალხებმა თან და თან გაერთიანებული სახელმწიფონი, ამწყო გვაგარძნობინებს, ჰბადებს აზრს, რომ კაცობრიობა მარტო ბუნებითი თვალთსაზრისით კი არ წარმოადგენს ერთობას, არამედ მას აქვს საერთო პრინციპები, რომელსაც ერთ ღღეს ყველა აღიარებს. თუ მთელი კაცობრიობა ოდესმე ერთ ორგანიზაციად იქცა, მაშინ იქმნება საერთო, მსოფლიო კანონმდებელი, მსოფლიო კანონი, მომწესრიგებელი უფლებათა და ვალდებულებათა სხვა და სხვა სახელმწიფოთა შორის და აგრეთვე მხელ კაცობრიობის მიმართ. ეს იქმნება ისეთივე გარკვეული და ნათელი, აგრეთვე ისეთისავე ძალის მქონე კანონები, როგორც არის ეხლანდელი კანონები, მომწესრიგებელი პიროვნებათა საურთიერთო და რომელიმე სახელმწიფოსადმი განწყობილებათა. (*Le Droit International, Codifié, cité par E. Nys, Le Droit International, p. 175—179*) ბლუნჩლის ეს სიტყვები საუკეთესო არგუმენტი კაცობრიობის სოციალურ არსებობის წინააღმდეგ. ბლუნჩლისა სწამს, რომ მომავალი კაცობრიობა ერთს სოციალურ ორგანიზმს წარმოადგენს, — ეს სულ სხვაა, — მაგრამ იგი პირდაპირ უარყოფს მისს სოციალურ არსებობას აწყუოში, მიუხედავთ საერთაშორისო სამართლის არსებობისა. მასა ჰგონია, რომ მომავალში შესაძლებელია ასეთი მსოფლიო ორგანიზაციის შექმნა და მისი დამახასიათებელი იქმნება, სხვათა შორის ერთი კანონმდებელი, მაგრამ ჩვენი აზრით ბლუნჩლი საზოგადოდ შემცდარია საზოგადოების ვითარების შესახებ და ამიტომა ჰგონია ერთი კანონმდებელი საქმარისი მომავალ საკაცობრიო საზოგადოების განსახორციელებლად. იგი თვითონვე არ აღიარებს, რომ მომავალშიაც კაცობრიობა სახელმწიფოებისაგან და ერებისაგან შესდგება ისეაო? ეს კი — პირდაპირ უარყოფთა კაცობრიობის ერთ ორგანიულ-სოციალურ არსებობისა, — რადგანაც მარტო სამართალი არა ჰქმნის საზოგადოებრივ ორგანიზმსა, არამედ სამართალთან ერთად დანარჩენი ექვსი სოციალური მოვლენა, ჩვენი კლასიფიკაციის მიხედვით, და უმთავრესად აგრეთვე ენა.

ყოველ შემთხვევაში ეხლანდელი საერთაშორისო სამართალი არ არის ისეთი გარკვეული და ისეთი ნათელი, როგორც სამართალი კონკრეტულ საზოგადოებათა, და ამიტომ იგი, მთელ ქვეყანაზედაც რომ იყოს თანასწორად მოქმედი, მაინც ვერ შექმნის კაცობრიობისაგან ერთ ღიდ საზოგადოებას, მაგრამ, მიუხედავად ამისა, საერთაშორისო სამართალი მაინც სამართალია. შესანიშნავი მეცნიერი საერთაშორისო სამართლისა ერნესტ ნისი სამართლიანად ამბობს, რომ მიუხედავად გაურკვეველი კოდიფიკაციისა, იგი მაინც ცხოველი, მოქმედი სამართალიაო. საშუალო საუკუნეთა სამართალს არა ჰქონია ისეთი გარკვეული ხასიათი, ისეთი კოდიფიკაცია, როგორც თანამედროვე სახელმწიფოთა სამართალს, მაგრამ ამიტომ ის უნდა ვსთქვათ, რომ საშუალო საუკუნოებში სამართალი არ იყოო?

ქემპარიტებას ამბობს ერნესტ ნისი, მაგრამ საერთაშორისო სამართალი განა მარტო იმიტომ ვერა ჰქმნის საერთო საკაცობრიო საზოგადოებას, რომ იგი

გარკვეულ, ძალდატანებით სამართლის ვითარებას ფრიად და ფრიად მოკლებულა და ცალკე ინდივიდები „სახელმწიფოთა საზოგადოებისა“ არ ემორჩილებიან გარკვეულ კანონმდებლობას; იგი ვერა ჰქმნის ერთ საკაცობრიო საზოგადოებას იმიტომაც, რომ მას მთელი სერია აქვს სხვა ნაქლთა, რომელთა განხილვის შემდეგ უეჭველი იქმნება უძლურება საერთაშორისო სამართლისა საკაცობრიო საზოგადოების შექმნის მხრით. ამას ეხლავ დავინახავთ.

საერთაშორისო სამართალი არა ვრცელდება მთელ დედამიწის ზურგზედ ერთისა და იმავე ძალით, ერთისა და იმავე უფლებრივი სამართიანობითა, „სახელმწიფოთა საზოგადოება“ არ შესდგება ერთისა და იმავე ხარისხის მქონე სახელმწიფოთაგან, არამედ სხვა და სხვა განვითარებისა და ძალის მქონე სახელმწიფოთაგან. მართალია, ფორმალური მხრით ინგლისსა და მონტენეგროს თანასწორი ხმა აქვსთ საერთაშორისო კონგრესებზედ, მაგრამ ეს მხოლოდ ფიქტიაა, ნამდვილად კი უმეტეს შემთხვევაში ძლიერი სახელმწიფოების ხელშია მთელი საერთაშორისო სამართალი, უფლება და ძალა.

ეს მოვლენა მეტ-ნაკლებობისა სახელმწიფოთა შორის კულტურულ სახელმწიფოებსაც ახასიათებს; რაც შეეხება კი ეგრედ წოდებულ უკულტურო ხალხებს, ან ჩამორჩენილებს, ან დასუსტებულ სახელმწიფოებს, განსაკუთრებით აზიაში და აფრიკაში, — აქ ხომ ყოველ დღე ვართ მოწამენი საერთაშორისო სამართლის უსამართლობისა. აქ საერთაშორისო სამართლის პრინციპები პირდაპირ დათრგუნვილია. „სახელმწიფოთა საზოგადოება“ ერთგვარად არ ეპყრობა თავის შვილებს. მათ შორის თანასწორობა ფიქტიაა და მხოლოდ სიძლიერის მიხედვითა სცემს პატივს საერთაშორისო სამართალი თვითოეულს მათგანს. უბრალო სამართალი ამ მხრით გაცილებით უფრო სამართლიანია.

ერნესტ ნისის სიტყვით საერთაშორისო სამართალი—ნაყოფია ევროპის გენიოსობისა. ევროპა კი ერთი უმცირესი ნაწილია კაცობრიობისა.

აი, ამ უმცირეს ნაწილში დიიბადა და აღორძინდა ცნება საერთაშორისო სამართლისა, რადგანაც ეს ადგილი იყო კურთხეული აკვანი თანამედროვე ცივილიზაციისა, — განსაკუთრებით ევროპის სამხრეთი ნაწილი, — ხმელთა შუა ზღვის ნაპირას მდებარე ადგილები.

სამუშალო საუკუნოებში, მე-XII და მე-XIII საუკუნოებში, როდესაც სამხრეთ ევროპაში ძლიერ განვითარდა მოქალაქობრივი ცხოვრება მრავალნაირ სოციალურ ორგანიზმთა, — ქალაქთა, ქალაქთა ფედერაციებისა, — აღმოცენდა საერთაშორისო სამართალი და მას შემდეგ იგი ვითარდება თანდათანობით. იგი გარდმოეცა თანამედროვე სახელმწიფოს, მეჩვიდმეტე და მეთვრამეტე საუკუნეში შეჰკრა ჯერ ევროპის სახელმწიფონი მცირეოდენი სიმტკიცით მაინც. რუსეთი მხოლოდ მეთვრამეტე საუკუნის დამდეგს შევიდა ამ „სახელმწიფოთა საზოგადოებაში“, რომლის ცნებაც უკვე დაიბადა მიუნსტერში, 1648 წელს, ვესტფალიის ზავის დროს. მეცხრამეტე საუკუნის მეორე ნახევარში კი ძლივს ოსმალეთიც შევიდა ამ „საზოგადოებაში“. აგრეთვე ამავე დროს ამერიკის კულტურული სახელმწიფოები შედიოდნენ სახელმწიფოთა საზოგადოებაში. მას შემდეგ თანდათან შედის ყველა სახელმწიფო ამ „საზოგადოებათა საზოგადოებაში“ და ამგვარად საერთაშორისო სამართალი სცილილობს მოაწესრიგოს მთელი მილიარდ-ნახევარი ადამიანის საურთი-ერთო განწყობილებანი.

რომ განვიხილოთ ისტორია საერთაშორისო სამართლისა მე-XII და მე-XIII საუკუნიდან აქამდე რამდენი საბუთი შეგხვდება იმისი დამამტკიცებელი, რომ მთელ კაცობრიობას კი არა, არამედ მის უმცირეს ნაწილსაც არ ეხებოდა იგი. ქრისტიანობის მეფობის დროს საერთაშორისო სამართალს არ სწამდა მუსულ-

მანთა უფლება, ცოდვა იყო რაიმე ხელ შეკრულების დადება ურჯულოებთან, ოსმალეთის სულთანებთან კერძოდ. ახალ დროში კი რამდენი ბრძოლა იყო საჰაერო, სანამ საერთაშორისო სამართალი აღიარებდა ეგრედ წოდებულ არა კულტურულ ერთა ტერიტორიის დაქვერას კულტურულ სახელმწიფოს მიერ მხოლოდ თვით ამ „უკულტურო“ ხალხთა თანხმობითა. მაგრამ ისიც ხომ კარგად ვიცით, თუ რა არის ეს „თანხმობა“, როგორი მოტყუებით ჰყიდულობენ მას ევროპელები, როგორა სცემენ პატივს ადგილობრივ მცხოვრებთა უფლებებს, რაღაი მათ ბინაზედ დამკვიდრდებიან, და სხვა.

მაგალითად აფრიკაში, პორტუგალელთა სამფლობელოში, დღეს მონობაც კი არსებობს, და საერთაშორისო სამართალს ვერა გაუწყვია რა. პორტუგალელი პლანტატორები ზანგებს თითქოს თავისუფალი კონტრაქტით ეკვრიან, როდესაც მათ პლანტაციებზედ სამუშაოდ ჰქირაობენ, ნამდვილად კი ამკონტრაქტის შემდეგ ზანგი მუშა ხდება პორტუგალელ პლანტატორის ისეთსავე მონად, როგორიც იყო ერთ დროს ამერიკის პლანტაციებზედ (იხ. H. W. Nevins, A. Modern Scavery).

საერთაშორისო სამართალი წინად ისეთნსციალურ ორგანიზმთა შორის განწყობილებას აწესრიგებდა, რომელთაც ჰქონდათ დამოუკიდებელი, ორგანიული, მთლიანი არსებობა, — ქალაქი იყო იგი, ფედერაცია ქალაქთა, სავაჭრო რესპუბლიკა, ფეოდალური სამეფო თუ თვით პაპობაც. რამდენადაც ვიწრო ან ფართო იყო მათი სოციალური ცხოვრება, ან რამდენადაც მცირე-რიცხოვანი ან მრავალ-რიცხოვანი იყო ეს სოციალური ორგანიზმები, ამის თანახმა საერთაშორისო კავშირი არსებობდა მათ შორის, — ურთი-ერთისათვის საჰაერობათა და თვითოეულ მათგანის სიძლიერის ან სისუსტის მიხედვით. მაშინდელ საერთაშორისო სამართალსაც უფრო შემთხვევითი, საჰაერობისაგან გამოწვეულ მორიგებათა ხასიათი ჰქონდა.

რასაკვირველია ევროპის გარდა სხვაგანაც იყო ასეთი საერთაშორისო სამართალი. თუ ე. ნისი მის შექმნას ევროპის გენიოსობას აწერს, ეს იმ აზრით, რომ მხოლოდ ევროპაში შექმნილმა საერთაშორისო სამართალმა დაიჭირა ეხლა ადგილი მსოფლიო საერთაშორისო სამართლისა, რადგანაც ევროპაში აღმოცენდა თანამედროვე ძლიერი ეკონომიური და სამხედრო სახელმწიფო; მას გარდმოეცა ძველი ევროპის საერთაშორისო სამართალი, რომელიც ეხლა აწესრიგებს თანამედროვე „სახელმწიფოთა საზოგადოების“ სახელით ყველა ქვეყნის სახელმწიფოების საურთი-ერთო განწყობილებათა.

თანამედროვე საერთაშორისო სამართალი მოქმედებს უპირველეს ყოვლისა სუვერენიტეტის მქონე სახელმწიფოთა შორის. გარდა ამისა, რაც არ უნდა ილაპარაკონ დიდ და პატარა სახელმწიფოების თანასწორობაზედ საერთაშორისო სამართლის წინაშე, დიდი სახელმწიფოები და მათი კოალიცია მაინც უმადლესი კანონმდებელნი არიან დანარჩენი კაცობრიობისა, რომელსაც იგინი სჩაგრავენ, მაგრამ მასთან ერთად ერთ განუყოფელ სოციალურ ორგანიზმს არასდროს არ წარმოადგენენ. მეცხრამეტე საუკუნეში ევროპა ბატონობდა მთელ ქვეყანაზედ, მის პირველ ნახევარში ეგრედ წოდებული ევროპიული კონცერტი ბატონობდა მთელ ევროპაში. ნაპოლეონისაგან განდიდებულ საფრანგეთის შიშით ევროპის დიდი სახელმწიფოები — ინგლისი, ავსტრია, გერმანია და რუსეთი — ერთმანეთს პირობით შეეკრენ, დაეცვათ „ევროპისა და ქვეყნის მშვიდობიანობა“ საფრანგეთისაგან, და ეს „წმინდა კავშირი“ ისე ბოროტად, ისეთის რეაქციისათვისა და საშინელი დესპოტიზმისათვის გამოიყენეს, რომ

არა თუ საერთაშორისო სამართლის პრინციპი, არამედ სახელმწიფოთა შორისო სამართლის პრინციპიც ძირიან-ფესვიანად უარ ჰყვეს. როგორც ნადავლს, ისე ინაწილებდნენ ერთმანეთში ხალხებსა, ერებსა და სახელმწიფოებს.

ესლა საერთაშორისო სამართალი ევროპისა, ამერიკისა და აზიის დიდ სახელმწიფოთა შორის ქვეყნის განაწილების მოსამსახურება უპირველეს ყოვლისა. დანარჩენი პატარა სახელმწიფოები, თუმცა იგინიც არიან აღიარებულნი „ძალეზად“, თანასწორებად დიდ სახელმწიფოთა, მაგრამ მართლაც ნამდვილი ძალა უნდა გამოიჩინონ, როგორც ამ უკანასკნელად ბოლგარიამ, რომ თავისი საკუთარი უფლება დაიცვან. წინააღმდეგ შემთხვევაში ან ომი ბუმბერაზ სახელმწიფოსთან, — ომი, რომელიც აღიარებულია და მოწესრიგებული თვით საერთაშორისო სამართლის მიერ, ან ჩაჩუმება და ყოველივე შეურაცხყოფის ჩაყლაპვა, ჭათარგუნვა თავისივე უფლებისა, როგორც ეს დაემართა ამ უკანასკნელად სერბიასა და თვით დიდ რუსეთსაც, ძალამიხდილსა და განადგურებულს, რომელსაც ევლარავითარმა საერთაშორისო „სამართალმა“ ველარ უშველა, როცა უძღრება შეატყვის მეტოქეებმა. რაც თუ გინდ მხეცური იყოს სამართალი რომელიმე კერძო სოციალურ ორგანიზმისა, მას პრეტენზია მაინც აქვს სუსტს და არა ძლიერს გაუწიოს მფარველობა სამართლიანად. საერთაშორისო სამართალში ეს არ არის, ან თუ არის — ისიც რომელიმე დიდი სახელმწიფოს ინტერესით გამოწვეული.

სად არის ყოველივე ამაში ნიშან-წყალიც კი ერთი საკაცობრიო საზოგადოების არსებობისა, — მისს წევრთა უფლება და ვალდებულება მკაფიოდ რომ იყოს განსაზღვრული!..

სახელმწიფონი არიან სუვერენიტეტის მქონე — სრულიად დამოუკიდებელნი, ვასსალები და პროტექტორატის ქვეშე მყოფნი. დიდ დამოუკიდებელ სახელმწიფოთაგან არიან დამოკიდებულნი ორი უკანასკნელი კატეგორიის სახელმწიფონი და ხშირად ეს დამოკიდებულება მათის პოლიტიკურის სიკვდილით თავდება ხოლმე. მაგალითისთვის შორს რაღად ვიზბინოთ. საქართველო ასეთნაირად არ მოჰკლა რუსეთმა? ჩვენ პროტექტორატი ვსთხოვეთ, სუვერენიტეტის უფლებანი უარყვაით და მას გადავეციოთ, ნაცვლად მოზღვავებულ მტერთაგან მფარველობა ვითხოვეთ, მან კი თავის სახელმწიფო ორგანიზმში ჩაგვყლაპა და ამით არა თუ კაცობრიობის გაერთიანებას შეუწყო ხელი, არამედ უარჰყო თვით ის საერთაშორისო სამართალი, რომლის სახელითაც კაცობრიობა გამოჰყავსთ ერთ საზოგადოებად და რომლის წესითაც ჩვენ მასთან სრულიად კანონიერი ხელშეკრულება დავსდევით!

ვასსალობა შეიძლება მხოლოდ ერთ სახელმწიფოს წინაშე. პროტექტორატის აღიარება კი შეიძლება როგორც ერთი სახელმწიფოსი, ისე მრავალთა, — მაგალითად შეიძლება საერთაშორისო პროტექტორატის ქვეშე ყოფნა.

მაგრამ როგორიც უნდა იყოს კლასსიფიკაცია სახელმწიფოთა, როგორიც უნდა იყოს აგრეთვე ფორმა პროტექტორატისა და ვასსალობისა, ყოველ სახელმწიფოს, სუვერენიტეტის მქონესაცა და დამოკიდებულსაც, აქვს შემოხაზული საზღვრები და ამ საზღვრებში მოქმედებს სამართალი ერთი რომელიმე სახელმწიფოსი, ან გაბატონებული სახელმწიფოსი დამოკიდებულ სახელმწიფოებზედ. იგი სხვას არ ეხება და არ აწესრიგებს.

ამ საზღვრებში კი მოთავსებულია არა მარტო განსაზღვრული სახელმწიფოები, არამედ მრავალი სხვა და სხვა საფეხურზედ მდგარი საზოგადოებრივი ორგანიზმი.

შესაძლებელია კლასსიფიკაცია ორგანიზმთა საზოგადოდ:

ორგანიზმები მარტივი, საშუალო რამ მცენარეთა და ცხოველთა; ორგანიზმები მცენარეთა; ორგანიზმები ცხოველთა; ორგანიზმები საზოგადოებრივი. ამასთანავე შესაძლებელია კლასიფიკაცია თვითთვეულ ამ დიდ ჯგუფთა ორგანიზმებისა. შესაძლებელია მაშასადამე კლასიფიკაცია საზოგადოებრივ ორგანიზმთა. ესენიც არიან საზოგადოებრივი ორგანიზმები: ველურ თემთა, თემთა კავშირთა და სხვა. ერი, ანუ სახელმწიფოს მქონე ერი, რომელსაც შეუძლია იმპერიად იქცეს.

კაცობრიობა, თუ ერთი დიდი საზოგადოებრივი ორგანიზმი არა, ერთფეროვანი სოციალობა მაინც იქმნებოდა, — რომ დაახლოვებით ერთგვარ სოციალურ ორგანიზმთაგან იყოს შემდგარი. მაგრამ ამას ნამდვილად ვერა ვხედავთ. კაცობრიობაში სულ სხვა და სხვანაირი სოციალური ორგანიზმებია.

საერთაშორისო სამართალი კი აწესრიგებს უმეტეს ნაწილად სახელმწიფოთა შორის განწყობილებათა, და მისთვის კიდევ უფრო საინტერესოა მოწესრიგება განწყობილებათა დიდ იმპერიებს შორის, რომელნიც შეიცავენ უმეტეს ნაწილად ძალით მითვისებულ კაცობრიობის სულ სხვა და სხვა გვარ ნაწილთა, აი ამ ნაწილთა შორის ვერა ვხედავთ ვერაერთად. საერთაშორისო მოწესრიგებას. მაგალითად, სად არის საერთაშორისო განწყობილება აფრიკის მცხოვრებთა შორის და პოლონელთა შორის? — არის საერთაშორისო განწყობილება რუსეთსა და ინგლისს შორის, რამდენადაც საზოგადოებრივი განწყობილებანი არსებობენ რუსეთისა და ინგლისის სახელმწიფოთა შორის, და არა რამდენადაც ინგლისის ყველა ხალხებსა და რუსეთის ყველა ხალხებს აქვსთ ან ესაქიროებათ ურთიერთ შორის განწყობილებანი.

წარსულ და ამ უკანასკნელ საუკუნეთა განმავლობაში, მართალია, ყველა სახელმწიფო შევიდა საერთაშორისო სამართლის სფეროში, ყველანი არიან წევრნი „სახელმწიფოთა საზოგადოებისა“. მართალია ერნესტ ნისი, რომელიც ამბობს: „რაოდენობა დედამიწის ზურგზედ მცხოვრებ ადამიანთა უდრის ერთ მილიარდ ხუთას ორმოცდა ათ მილიონზედ მეტს; კულტურული ადამიანი, ბარბაროსი თუ ველური, — ყველანი ემორჩილებიან ურთი ერთ განწყობილებაში სამართლის ნორმებს“. — ამით იწყებს ერნესტ ნისი თავის წიგნის, — Le droit International-ის შესავალს. დიახ, მართალია, — ყველანი ემორჩილებიან სამართალს, მაგრამ ის კი არ არის მართალი, რომ ყველანი ემორჩილებოდნენ საერთაშორისო სამართალს. ამ უკანასკნელს ემორჩილებიან, ისიც სუსტად, მხოლოდ სახელმწიფოთა, მილიარდ-ნახევარი ადამიანი კი — სრულიადაც არა. მრავალი მათგანი უცხოსაგან ძალით შემოტანილ სამართალს ემორჩილება, იგი უმოქმედო მასალაა დიდ სახელმწიფოთა საერთაშორისო სამართლისა, თორემ ამ მილიარდ-ნახევარ ადამიანთაგან მრავალგვარ სოციალურ ორგანიზმებს არავითარი ორგანო არა აქვსთ სხვა მსგავს ორგანიზმებთან საერთაშორისო კავშირის დასაპყრად, რადგანაც ისინი ძალით არიან ჩამწყვდეულები სხვა, უცხო სახელმწიფოებში, რომლებიც მათ საერთაშორისო კავშირზედ კი არა ზრუნავენ, არამედ თავის მთავარ ერებზედ: ინგლისი — ინგლისის ერზედ და არა ინდოეთზედ, რუსეთი — რუსის ერზედ და არა პოლონეთზედ, ან საქართველოზედ. პირიქით — სახელმწიფო რომელიმე ერის ინკორპორაციის შემდეგ უპირველეს ყოვლისა იმას სცდილობს, რომ საერთაშორისო სამართლის ქვეშევრდომთა სიიდან ამორიცხოს დაპყრობილი ერი, თუმცა, რასაკვირველია ერი ამით არ ისპობა, მას მხოლოდ ერთ ორგანოს აპირიან ძალით; როგორც კონკრეტული სოციალური ორგანიზმი, იგი ცოცხალი რჩება და სწორედ აქ არის შინაგანი წინააღმდეგობა თანამედროვე საერთაშორისო სამართლისა.



ამას გარდა ეხლაც არის ისეთი ქვეყნები, რომლებიც არ ემორჩილებიან საერთაშორისო სამართალსა, არამედ მათ შესახებ სახელმწიფოებს აქვსთ შემუშავებული წესები, რომლითაც ამა თუ იმ სახელმწიფოს შეუძლია ჩაიგდოს ხელში „შეძენილი ქვეყანა“. მაგრამ შეჯიძლია ეს აქტი სახელმწიფოთა მიერ „შეძენისა“ ჩავთვალოთ ახალი ქვეყნის შესვლად „სახელმწიფოთა საზოგადოებაში“, როდესაც ეს ახალი ქვეყანა ან სრულიადაც არ არის სახელმწიფო, ან და... თუ არის, მას რომელიმე დიდი სახელმწიფო ან ითვისებს პირდაპირ და საკოლონიზაციოდ ისახავს, ან და საპროტექტორატო ტერიტორიად აცხადებს? — სრულიადაც არა. წესები ქვეყნის შეძენისა, შემუშავებული სახელმწიფოთა მიერ, მოასწავებს უფრო სახელმწიფოთა მიერ დედა-მიწის, კაცობრიობის ძარცვას, ვიდრე საერთა-შორისო სამართლის გავრცელებას მთელ დედა-მიწის ზურგზედ და ამით ვითომცდა კაცობრიობის ორგანიზაციას. ეს ფაქტია და ვერც ადგილობრივ ინდიელთა უფლება, შემუშავებული შეერთებული შტატების მიერ, ვერც საერთოდ დაკითხვა და თანხმობის მიღება ადგილობრივ მცხოვრებთაგან რომელიმე სახელმწიფოს მიერ მათი ტერიტორიის მითვისების ან დაქვრის დროს, ბერლინის კონგრესსზედ გადაწყვეტილი 15 ნოემბერს 1884 წელს აფრიკის ტერიტორიათა დაქვრის შესახებ, და სხვ., — ვერ უარ-პოყს ამ ფაქტსა.

აი რას ამბობს პირდაპირ და ურცხვად ისეთი მეცნიერებიც, როგორც არის პოლ ლერუა-ბოლიე:

„არც სამართალია და ბუნების წინააღმდეგეც არის, რომ დასავლეთის კულტურული ხალხნი დაუსრულებლივ მრავლდებოდნენ და იხრჩობოდნენ იმ საზღვრებში, რომელიც იყო მათი პირველი ბინა. აქ იგინი აგროვებენ მეცნიერების საკვირველებათა, ჰქმნიან ხელოვნებასა და ცივილიზაციის მშვენიერებას, და თანაც თითქმის ნახევარ ნაწილს ქვეყნიერებისას უტოვებენ უმეცარ ხალხთა პატარა ჯგუფებს, უძლურთა, ნამდვილ სნეულ ბავშვთა, რომელნიც გაბნეულნი არიან თვალუწვდენელ ადგილებზედ, ან და დაუძლურებულ ხალხებს, უენერგიოთა, მიმართულების არა მქონეთა, ამ მართლაც მსცოვან ბავშვებს. რომელთაც აღარაფერი აღარ შეუძლიანთ.“ „ისტორიამაო, ამბობს იერიზგი, იზრუნა შთაგონებინა ხალხთათვის ის ჰემმარტება, რომ არ არის აბსოლიუტური საკუთრება, ე. ი. დამოუკიდებელი საზოგადოებისაგან. როდესაც რომელიმე ხალხი ნიჭს ვერ იჩენს იმ მიწის მოხმარებაში, რომელიც მას ბუნებამ მიუზომა, მან ადგილი სხვას უნდა დაუთმოს. მიწა მხოლოდ იმ ხალხებს ეკუთვნის, რომელთაც იციან მისი დამუშავება“ (Nys, Le Droit Intern. II, p. 49—50).

როდესაც ასეთ პრინციპებს მისდევნენ მეცნიერებიც კი, რაღა უნდა სთქვან და ჰქმნან სახელმწიფო მოღვაწეებმა, პოლიტიკოსებმა, დიდ სახელმწიფოთა დიპლომატებმა, რომელნიც აწარმოებენ მთელ თანამედროვე საერთაშორისო სამართალსა. იერიზგისა და ლერუა-ბოლიეს სიტყვები პირდაპირი უარყოფაა საერთაშორისო სამართლისა, — იმ იდეალურ საერთაშორისო სამართლისა, რომელმაც უნდა შექმნას კაცობრიობის ორგანიზაცია მომავალში მაინც, თუ იგი არ არსებობს თანამედროვე საერთაშორისო სამართლის ძალით. განა უფლება, სამართალი მით განისაზღვრება, — შეუძლია თუ არა ხალხს ისარგებლოს თავისი საკუთრებითა? განა სხვისი უნიჭობა უფლებას ანიჭებს ვისმე მითვისოს მისი ქონება? განა ყოველი მემკვიდრე ნიჭიერია? არა, — იგი უფლება-მოსილი პირია, და ათასჯერ უფრო ნიჭიერიც რომ იყოს სხვა ვინმე, თუ უფლება არა აქვს, მემკვიდრეს მემკვიდრეობას ვერ წაართმევს. ეს არის ნამდვილი

სამართლის ხასიათი. მართალია, ზოგიერთ შემთხვევაში სახელმწიფო ჩამოართმევს ხოლმე მემკვიდრეობას ან ქონებას კერძო პირსა, მაგრამ ჩამომრთმეველი სწორედ უფლებამოსილი პირია და იგი თავისი უფლებით სარგებლობს და არა მარტო სხვისი უნიკობით, ან დანაშაულით. სხვისი დანაშაული და სხვისი უნიკობა თავის თავად ვერ განსაზღვრავს ვერავის უფლებასა, თუმცა შეიძლება იგინი მიზეზნი ყოფილიყვნენ დროთა ვითარებაში კოლექტიურ პირთათვის ამ განსაზღვრულ უფლების აღმოცენებისა. ამას გარდა, სად არის სწორი საზომი და საზღვარი ხალხთა ნიჭიერებისა ან უნიკობისა? ან სად არის კაცობრიობაში ასეთი კოლექტიური უფლება-მოსილი პირი, რომელსაც შეეძლოს უნიკობა ქონების მითვისება? — ჯერ ასეთი კაცობრიობა უნდა იყოს, მერე მისი ასეთი უფლება უნდა აღმოცენდეს, და მხოლოდ მაშინ შეიძლება ლაპარაკი ასეთ საქციელზედ. ერთს კერძო ერს კი მეორე კერძო ერის ქონების მითვისება არასოდეს არ შეუძლია არავითარი სამართლითა, მისი უნიკობის გამო, როგორც ნიჭიერ კერძო პირს არ შეუძლია მითვისოს სხვისი საკუთრება მისი უნიკობის გამო. მაშ რომელი სამართლით შეუძლია ერთს დიდ კულტუროსან ერს მეორე უკულტუროს მიწა-წყლის წაღება? არავითარის. სამართლითა, რადგანაც ასეთი სამართალი არც არსებობს და ჯერ არც შეიძლება იარსებოს. ამისათვის საჭიროა კოლექტიური კაცობრიობა, რომელსაც უფლება ექმნება უნიკო წევრთა, ან დანაშაულ წევრთა დასჯა ქონების ჩამორთმევით. ასეთი კაცობრიობა ჯერ არ არსებობს. კერძო ერის ან კერძო კულტურულ ერთა ასეთი უფლება კი არაფრით არ განისაზღვრება. თვით თანამედროვე სახელმწიფოთაშორისო სამართალიც კი არ ქადაგობს ასეთ უსამართლობას და პრინციპიალურად მაინც არის აღიარებული დაკითხვა პატრონისა მოსულ სახელმწიფოს მიერ, როდესაც „ახალ“ ტერიტორიის „შეძენაზედ“ მიდგება ხოლმე საქმე.

მაგრამ ეს კიდევ არაფერი: ისტორია სრულიადაც არ გვასწავლის, რომ ერებს სამართლიანად ერთმეორდათ ხოლმე მიწა-წყალი: პირიქით, ყოველ ფეხის გადადგმაზედ ვხედავთ ხოლმე ისტორიაში ისეთ მაგალითებს, რომ ნაკლებად კულტუროსან და მდებარე ერებს დაუპყრიათ დიდის კულტურისა და შემოქმედების ნიჭის მქონე ერები. ეს ფაქტია, რომლის უარ-ყოფაც არ შეიძლება. საბერძნეთი რომმა დაიპყრო. რომი ბარბაროსებმა დააქტაგეს. საქართველო და ბიზანტია ოსმალებმა დაამხვეს. ავსტრია ერთ დროს იტალიაში ბატონობდა და სხვ.

ეხლა კიდევ მთელი ევროპის წინააღმდეგ გამოდის აზია, — ჩინეთი, იაპონია, ინდოეთი, რომელნიც ამტკიცებენ თავიანთ უფლებებსა. და ნებას აღარ აძლევენ ევროპელებს ექსპლოატაციისას. იგინი თავიანთ უფლებათათვის იბრძვიან და რას დაგიდევნენ, იხრძობიან თუ არა ევროპელები თავიანთ საზღვრებში. რაც შეეხება „გაბნეულ, დეგენერანტ ხალხთა“ მიწა-წყალს, თუ მათი ექსპროპრაცია სამართლად ჩაითვლება, აზიელებსაც მეტი ზნეობრივი უფლებაა აქვს მათი მიწა-წყლის დაპყრობისა, ვიდრე ევროპელებს, რადგანაც ისანი ზოგჯერ კიდევ უფრო ვიწროდაცა გრძნობენ თავს თავიანთ ტერიტორიაზედ. მეცნიერებისა და ხელოვნების საკვირველებათა შექმნა კი მათაც შეუძლიანთ, როგორც ეს იაპონელებმა გვაჩვენეს. მაგრამ ნამდვილ სამართალზედ არც აქ შეიძლება ლაპარაკი. რაც თუ გინდ „გაბნეული“ იყოს ხალხი, თუ სამართალი არსებობს, არავის არა აქვს უფლება მისი მიწა-წყლის მითვისებისა: მხოლოდ აღსრულება შეუძლიანთ. ამ ძალადობისა, მაგრამ ძალა, რომელსაც შეიძლება სამართლის წარმოშობაში დიდი როლი ეთამაშოს, ძირითადად და

არსებითად განსხვავდება მისაგან, და ალფრედ ფულიეს სამართლიანი სიტყვით ერთ მილიონ ქურდს ყოველთვის მეტი ძალა აქვს, ვიდრე მეტი უფლება.

ყოველივე ასეთი საქციელი, გამართლებული იერინგისაგან და პ. ლერუა-ბოლიესაგან, პირდაპირი უარ ყოფია საერთაშორისო სამართლისა, და რამდენადაც ხალხთა ისტორიაში ასეთ საქციელს ადგილი აქვს, იმდენად საერთაშორისო სამართალი ვერ ასრულებს თავის იდეალურ დანიშნულებას, იმდენად „საზოგადოებათა საზოგადოება“ ვერ ამყარებს თანასწორობას თავის ქვეშევრდომთა შორის, იმდენად კაცობრიობის ორგანიზაცია არ არსებობს საერთაშორისო სამართლის ძალით.

სულ სხვა საკითხია, — დაეტევიან თუ არა ევროპელები, ან აზიის დიდი ერები თავიანთ საზღვრებში, დაიპყრობენ თუ არა ძალით სხვა გაბნეულ ხალხებს და შესდგება თუ არა ამით ერთი კაცობრიობა. ეს საკითხი „კაცობრიობის ფონდის“ საკითხია და ჩვენ ამაზედ ცალკე თავში ვილაპარაკებთ.

შემდეგ — თანამედროვე საერთაშორისო სამართალი არ არის ნამდვილი საერთაშორისო სამართალი არამედ სახელმწიფოთაშორისო სამართალი. ერსა და სახელმწიფოს შორის დიდ განსხვავებაა, და როგორ შეიძლება იგი დღეს იყოს მაჩვენებელი ერთი საკაცობრიო საზოგადოებისა, როდესაც მას ერთა შორის კავშირიც ვერ მოუხერხებია, ერთა შორის, რომელნიც ებრძვიან სახელმწიფოებს, მაშასადამე თანამედროვე სახელმწიფოთა შორისო სამართალსა და მისიწრაფიან ნამდვილ საერთაშორისო განწყობილებათა დამყარებისაკენ.

ფაქტია, რომ დღეს არ არსებობს არც ერთი სახელმწიფოსაგან პყრობილი ერი, ღირსი ამ სახელისა, რომ ეროვნული თავისუფლებისაკენ არ მისწრაფოდეს. ერი არის კონკრეტული სოციალური ორგანიზმი. მისი კუთვნილებაა ენა, სარწმუნოება, ისტორიული წარსული, ერთობ კულტურა, მიწა-წყალი და სხვ. ასეთი ერის მისწრაფება არის შექმნა საკუთარ პოლიტიკურ ორგანოთა, მაშასადამე აუცილებლად საერთაშორისო ორგანოთა, რომ მიღებულ იქმნას სახელმწიფოთა საზოგადოებაში. პოლონეთი, ირლანდია, ინდოეთი, არაბეთი, საქართველო და კიდევ სხვა მრავალი ერი უკვე განვითარების იმ გზაზეა, რომ სურვილი დაებადათ დამოუკიდებელ ეროვნულ და პოლიტიკურ არსებობისა. მათი მიზნის განხორციელება იქმნება ახალ სახელმწიფოთა დაარსება და მაშასადამე საერთაშორისო სამართლის მიერ ახალ ქვეშევრდომთა შექმნა.

ერთობ რომ განვიხილოთ ყველა ერთა ასეთი მისწრაფება და მათი მიზნის შესაძლებელი განხორციელება, მაშინ შემდეგი სურათი გადაგვეშლება თვალის წინ: საერთაშორისო სამართალი თანამედროვე სახელმწიფოთა შორის განწყობილებათა მომწესრიგებელი სამართალია, და არა საერთაშორისო სამართალი, რადგანაც სახელმწიფოებში სხვა და სხვა ერები შედიან, რომელნიც ამ სახელმწიფოთა შინაგან სამართალს ემორჩილებიან და არ წარმოადგენენ საერთაშორისო სამართლის სწორ-უფლებიან სუბიექტებს. მისწრაფება ამ ერთა მაშასადამე პირდაპირი უარ-ყოფა თანამედროვე სახელმწიფოთაშორისო სამართლისა და აუცილებელი პირობა მომავალი საერთაშორისო სამართლის შექმნისა, რომელიც ნამდვილი საერთაშორისო სამართალი იქმნება, — არა თანამედროვე, არამედ მისი წინააღმდეგი, მართალი საერთაშორისო სამართალი.

თანამედროვე საერთაშორისო სამართალმა თავისი თავი უნდა უარ-ჰყოს ყოველთვის იმდენად, რამდენადაც ერები განთავისუფლებიან და საერთაშორისო სამართლის ახალ პირებად გახდებიან. რასაკვირველია, მაშასადამე, ლაპარაკიც არ შეიძლება იმაზედ, რომ დღეს არსებული სახელმწიფოთაშორისო სამართალი არის მთელ კაცობრიობის სოციალურ ერთ-არსებობის გამომხატ-

ველი. პირიქით, შინაგანი წინააღმდეგობით არის იგი აღსავსე, თავის თავის უარ-ყოფაა, ჩადგანაც სახელმწიფოთა უფლებას გამოჰხატავს, და არა ერთა უფლებას, რომელნიც ებრძვიან თანამედროვე სახელმწიფოთა. ერთა თავისუფლება, — უდიდესი რევოლუცია იქმნება საერთაშორისო სამართლის სფეროში, წარმომშობი ახალი სამართლისა: მაგრამ თვით მომავალი, იდეალური, ნამდვილი საერთაშორისო სამართალიც ვერ შექმნის ერთ საკაცობრიო სოციალურ ორგანიზმს, — ამ იდეალურმა სამართალმა ერთა შორის სრული, საყოველთაო და მუდმივი მშვიდობიანი კავშირიც რომ განამტკიცოს — მაშინაც კი, და აი რატომ:

ყოველი საერთაშორისო სამართალი, აწმყო თუ მომავალი, არის გამომხატველი არსებულ ცალკე სოციალურ ორგანიზმთა განწყობილებებისა, ერი იქმნება კონკრეტული სოციალური ორგანიზმი თუ დიდი სახელმწიფო. მომავალი საერთაშორისო სამართლის განხორციელება სრულიად არ უარ-ჰყოფს არსებობას ამ კონკრეტულ სოციალურ ორგანიზმთა. განხორციელება სრულიად სამართლიან, იდეალურ საერთაშორისო სამართლისა იქმნება მაშასადამე განხორციელება ამ კონკრეტულ სოციალურ ორგანიზმთა შორის იდეალურ კავშირისა, მაგრამ რაც თუ გინდ იდეალური იყოს ეს კავშირი, რაც თუ გინდ მუდმივი და მშვიდობიანი, არსებობა ამ ორგანიზმთა მაინც ფაქტად რჩება, ვინაიდან განწყობილება შეიძლება მხოლოდ ორ, ან მრავალთა არსთა შორის. ერთი კონკრეტული სოციალური ორგანიზმი კი უარ-ყოფაა იმ საურთიერთო განწყობილებათა, რომელიც არის საერთაშორისო სამართალი. — მაშასადამე განხორციელება იდეალურ საერთაშორისო სამართლისა თავის თავად, როგორც უნდა იყოს მისი ფორმა, ვერა ჰქმნის ერთ საკაცობრიო საზოგადოებას.

შემდეგ, — საერთაშორისო სამართალი, იდეალურიც კი, საკმარისი არ არის ერთ საკაცობრიო სოციალურ ორგანიზმის შექმნისათვის სოციალურ მოვლენათა კლასიფიკაციის მიხედვით. ამ უკანასკნელის მიხედვით კონკრეტული სოციალური ორგანიზმი სინამდვილეა მაშინ, როდესაც დაახლოვებით ყველა მოვლენა ჩნდება და ვითარდება რომელიმე საზოგადოებაში. მაშასადამე, როცა საკაცობრიო საზოგადოებას ექმნება ერთი ენა, ერთი ზნეობა, ერთი ტიპის სარწმუნოება, ერთი ეკონომიკა, ერთი პოლიტიკა, ერთი სამართალი და ერთადერთი სოციალური ყოველმხრივი მოწესრიგება, — მხოლოდ მაშინ შეიძლება კაცობრიობაზედ ლაპარაკი, როგორც ერთ სოციალურ მთელ ორგანიზმზედ. მაგრამ ეს უკვე პირდაპირი უარყოფაა საერთაშორისო სამართლისა, ჩადგანაც ერთი კონკრეტული საკაცობრიო საზოგადოება თავის თავთან ვერ გამართავს საერთაშორისო განწყობილებათა.

თვით განსაზღვრა საერთაშორისო სამართლისა, თვით სახელი მისი გვაუწყებს, რომ არ არსებობს ერთი საკაცობრიო საზოგადოება, არამედ მრავალი კონკრეტული სოციალური ორგანიზმი, რომელთა შორისაც დაბადებულა, განვითარებულა საერთაშორისო სამართალი, მიუღწევია თანამედროვე სახელმწიფოთა-შორისო სამართლის შექმნამდის და მომავალში უნდა მიაღწიოს ნამდვილ, იდეალურ საერთაშორისო სამართლის შექმნასაც.

აი ის მოსაზრებანი, რომელნიც ნათლად გვიმტკიცებენ, რომ<sup>6</sup> საერთაშორისო სამართალი ვერა ჰქმნის დღეს საკაცობრიო საზოგადოებასა და თავისთავად ვერც შექმნის ვერასოდეს, ჩადგანაც ცნებანი „საერთაშორისო სამართალი“ და „საკაცობრიო საზოგადოება“ ურთიერთის წინააღმდეგნი ცნებანი არიან. ხშირად აღამიანები, დიდ მოძრაობათა დროს, გატაცებულან ხოლმე, აზრით გადაულახავსთ საზღვრები თავიანთი ეროვნებისა და უფიქრით შესაძლებლობა

საკაცობრიო საზოგადოების დაარსებისა. დიდი რევოლუციის დროს საფრანგეთში ანრი გრეგუარი ადგენდა პროექტს „საერთაშორისო სამართლის“ დეკლარაციისას, რომელიც მან წარუდგინა საერო კრებას 18 ივნისს 1793 წელს, და შემდეგ 23 აპრილს 1795 წელს. ეს დეკლარაცია კი, მიუხედავად მის კეთილშობილურ და ხალხთა შემაერთებელ შინაარსისა, უარ-ყოფა იყო სახელმწიფოთა ავტონომიისა, უარ ყოფა იყო, მამასადამე, თვით საერთაშორისო, ანუ სახელმწიფოთაშორისო სამართლისა, და ამიტომაც პროექტი პროექტად დარჩა. ცხოვრებაში იგი მაინც ვერ განხორციელდებოდა. პროექტიც უკანვე წაიღო ავტორმა, რადგანაც ფილიპ-ანტონ-მერლენმა დიდი პროტესტი განაცხადა საზოგადო უზრუნველყოფის კომიტეტის სახელით, რომელმაც მიითვისა გარეშე პოლიტიკის მართვა (E. Nys, Dr. Int. I, p. p. 173—174).

თანამედროვე სოციალიზმიც პირდაპირ ასწავლის მომავალ საკაცობრიო საზოგადოების შექმნის შესაძლებლობასა, მაგრამ ის გზები კი, რომლითაც უნდა შეიქმნას ასეთი საკაცობრიო საზოგადოება, — უარ-ყოფა ან კაცობრიობისა და ან საერთაშორისო სამართლისა: ინტერნაციონალიზმი სრული უარყოფა საკაცობრიო საზოგადოებისა და განმტკიცება ნამდვილი საერთაშორისო სამართლისა. კოსმოპოლიტიზმი კი თავის მხრივ უარ-ყოფა საერთაშორისო სამართლისა და შეუძლებელია. მაგრამ ამაზედ შემდეგ თავში მოვილაპარაკოთ.

პირიქით, ერთა განთავისუფლების ნიადაგზედ, ნაციონალიზმის ნიადაგზედ აღმოცენებულა ხოლმე თეორიები, რომლებიც ნამდვილ საერთაშორისო სამართალს ჰქადაგებდნენ. მაგალითისათვის შორს არ წავალთ. იტალია ისეთი ქვეყანა იყო ევროპაში, სადაც ერთ დროს აღმოცენდა უპირველესი „საერთაშორისო სამართალი“ მის რესპუბლიკათა შორის. სწორედ ასეთი ქვეყანა იყო უცხო ქვეყნის უდელ ქვეშე მამინ, როცა ყველა უმთავრესს ერებს ევროპაში პოლიტიკური თავისუფლება, სახელმწიფო ჰქონდათ. ამიტომაც იტალიაში დაიბადა სწორედ ისეთი წარმომადგენელი საერთაშორისო სამართლისა, რომელმაც საერთაშორისო სამართალი განსაზღვრა არა მარტო როგორც არსებულ სახელმწიფოთა შორის განწყობილებათა მოწესრიგება, არამედ როგორც ერთა, კონკრეტულ სოციალურ ორგანიზმთა შორის ნამდვილი საურთი-ერთო მოწესრიგება. ასეთი მწერალი იყო მანჩინი. შემდეგ მოვილაპარაკოთ მის თეორიაზედ, როდესაც ერის უფლებას შევხებით, იგი ჰქადაგებდა სწორედ მომავალ იდეალურ-საერთაშორისო სამართალსა.

მაგრამ ამ შემთხვევაშიაც საერთაშორისო სამართალი, არც აწმყო და არც მომავალი, არა ჰქმნის მთელ კაცობრიობას ერთ დიდ საზოგადოებად. პირიქით, სხვა არგუმენტებსაც რომ თავი დავანებოთ, საერთაშორისო სამართალი განსაზღვრითა თვისითა ეწინააღმდეგება საკაცობრიო საზოგადოებას.

თანამედროვე კაცობრიობა სუშმაა სრულიად სხვა და სხვა საზოგადოებათა, რომელთაგან ზოგი მაღალ საფეხურზედა სდგას, ზოგი მდაბალზედ, ზოგი დიდია, ზოგი პატარა, ზოგს თავისი საკუთარი სახელმწიფო აქვს, ზოგი სხვის სახელმწიფოსაგან არის ძალით პყრობილი და მოკლებული საერთაშორისო უფლებას. ეს საზოგადოებანი განირჩევიან ერთმანეთისაგან ენითა, სარწმუნოებითა, რასითა, ისტორიითა, ზნე-ჩვეულებითა, ერთობ კულტურითა და შინაგან სოციალურ სტრუქტურითა, და ვინ იცის, რამდენი ხანი გაივლის, სანამ იგინი ყველანი დაუახლოვდნენ ერთმანეთს კულტურის მსგავსებით მაინცა. ამისათვის საჭიროა მთელი კაცობრიობის ფონდის, ამ უღვევლი „სოციალური მასალის“ ამოწურვა და გადამუშავება. მაგრამ ამაზედაც ცალკე მოვილაპარაკოთ.

ეხლა ევროპელები ბატონობენ ქვეყანაზედ. ევროპელთა რიცხვი ევრო-

პაში იქმნება მარტო 390 მილიონი. მათ ეკუთვნის 112 მილიონი ოთხ კუთხე კილომეტრი, ე. ი. 82% მთელი მიწისა. ევროპიელთა რიცხვი მთლად, ევროპაში და სხვაგან იქმნება 570 მილიონი. ყოველივე ესე მართალია, მაგრამ 570 მილიონი მილიარდ ნახევრამდის მაინც შორს არის. 112 მილიონ ოთხ-კუთხე კილომეტრ მიწაზედაც არ არის სულ მოსახლეობა, არამედ იგი კუთვნილებაა ევროპიელთა, ე. ი. სწორედ იმ ხალხთა საერთაშორისო უფლებების უარ-ყოფა, რომელზედაც არის აშენებული თანამედროვე საერთაშორისო სამართალი, რომელიც თავის მხრით უარ-ყოფილ უნდა იქმნას მომავალ საერთაშორისო სამართლის მიერ. ასე რომ, ასეთი ბატონობა ევროპიელთა კიდევ არ მოასწავებს საკაცობრიო საზოგადოების არსებობას. ევროპა, ევროპიელები და მათი ბატონობა არ არის კაცობრიობა და მისი ერთობა. უკვე იძვრის 400 მილიონი ჩინელი, 200-ზე მეტი მილიონი ინდოელი, დაიძვრის შემდეგ აუარებელი აფრიკელი, და სანამ ეს ახალი პროცესი ხალხთა მოძრაობისა, ახალ ეროვნებათა შექმნისა, ახალ სახელმწიფოთა დაარსებისა და განვითარებისა დამთავრდებოდეს, — დედა მიწის ზურგზედ სულ სხვა ისტორია, სულ სხვა საერთაშორისო სამართალი აღმოცენდება. როლი ბატონობისა, უპირატესობა მცხოვრებთა რაოდენობისა სხვა, ახალ რასისა-კენ გადიხრება; საუკუნოებით გაგრძელდება. ეს პროცესი და კაცობრიობა კი მაინც ვერ იქმნება ერთი სოციალური ორგანიზმი. და ცხადია, რომ თუ ასეთი რთული და ხანგრძლივი სოციალური პროცესიც ვერ შექმნის საკაცობრიო საზოგადოებას, მას ვერა ქმნის მით უმეტეს თანამედროვე სახელმწიფოთაშორისო სამართალი, რომელიც განქრება მაშინვე, როგორც განქრებიან თანამედროვე სახელმწიფოები, რომ ადგილი სხვა სახელმწიფოთა და სხვა სამართალს დაუთმონ.

მაგრამ არის სხვა მოვლენაც თანამედროვე ევროპის საზოგადოებაში, რომელიც ბევრს აძლევს იმედს მომავალ საკაცობრიო საზოგადოების შექმნისას. ეს მოვლენა არის სოციალისტური მოძრაობა. სოციალიზმმა უნდა გარდაქმნას შინაგანი ცხოვრება საზოგადოებისა და გარეგანი განსხვავებაც ერთა შორის უნდა მოსპოს ინტერნაციონალიზმით ან კოსმოპოლიტიზმით, — ეს იქმნება შექმნა, საერთო საკაცობრიო საზოგადოებისაო.

ვნახოთ, რაზეა დამყარებული ეს მოსაზრებაც, რამდენად შეუძლია სოციალიზმს ასეთი კაცობრიობის შექმნა, რამდენად არის ინტერნაციონალიზმი ამ მომავლის განხორციელება და რამდენად არის შესაძლებელი კოსმოპოლიტიზმი.

## თ ა ვ ი მ ი ც ხ რ ი

### სოციალიზმი, ვარი და კაცობრიობა

ზშირად სოციალისტები ვრის პრობლემას სოციალიზმის პრობლემას უპირისპირებენ, თითქოს ივინი ურთი-ერთსა ჰრიცხავდნენ. — ამასთანავე სოციალისტებს თავიანთ იდეათა დაგვირგვინებულ ინტერნაციონალიზმი მიაჩნიათ, ძლიერ ბუნდოვანი ინტერნაციონალიზმი, და სწამსთ, რომ ოდესმე, როდესაც სოციალიზმი გამეფდება მთელს ქვეყანაზედ, კაცობრიობაც ერთ სოციალურ ორგანიზმს წარმოადგენსო. ამგვარად, თუ ერთის მხრით საერთაშორისო სამართლის მეცნიერთათვის კაცობრიობის ორგანიზაცია იქმნება საზოგადოებათა საზოგადოების სრული დამკვიდრება — სოციალისტ-ინტერნაციონალისტთა-

თვის კაცობრიობის ორგანიზაცია ნიშნავს ერთ საზოგადოების არსებობას, რომელშიაც შევა მთელი კაცობრიობა, — ან ინტერნაციონალის, ან კოსმოპოლი-სის სახით.

ჩვენ უკვე განვიხილეთ ზემოდ, რომ ვერც საერთაშორისო სამართალი, ვერც საზოგადოებათა საზოგადოება ვერა ჰქმნის ერთ საკაცობრიო საზოგადოებას, ამ თავში კი განვიხილოთ — რამდენად სამართლიანია სოციალისტთა თეორია ინტერნაციონალიზმისა და კოსმოპოლიტიზმისა, ან აქვს თუ არა რაიმე საფუძველი ერისა და სოციალიზმის პრობლემათა დაპირდაპირებას. ამ ორ საკითხს სოციალისტთა თეორიის თვალთსაზრისით მკიდრო კავშირი აქვს ურთიერთ შორის.

უმთავრესი შეცდომა სოციალისტთა წმინდა სოციოლოგიურია. მათთვის ერის განვითარება, როგორც კონკრეტულ საზოგადოების ორგანიზული განვითარება, არ არსებობს. მათთვის არსებობს მხოლოდ განვითარება საზოგადოებისა, რომელიც კლასსთაგან შესდგება, — განვითარება, რომლის მამოძრავებელი ძალა კლასთა ბრძოლაა; — ხოლო თუ რა არის თვით საზოგადოება, ან როგორნი ყოფილან ისტორიაში კონკრეტულნი საზოგადოებანი და ღღესაც არიან, — ასეთ პრობლემებს სოციალისტები ნაკლებ ყურადღებას აქცევენ. ისინი განიხილავენ ძლიერ აბსტრაქტულად საზოგადოების განვითარებას პირველ-ყოფილ კომმუნისა კაპიტალიზმამდე. შემდეგ მომავალ აუცილებელ სოციალიზმამდე, ხოლო თვით შემოქმედნი საზოგადოებანი, ის სოციალურ-ისტორიული ინდივიდები, რომელნიც ჰქმნიდნენ კონკრეტულად სხვა და სხვა ფორმის საზოგადოებას, — მათ ნაკლებათ აინტერესებთ. — ამიტომაც მათთვის მონობა, ფეოდალიზმი, კაპიტალიზმი და სოციალიზმი ერთმანეთს მისდევენ რაღაც აუცილებლობით, ზოლო რომის მონობას, საფრანგეთის ფეოდალიზმს, ინგლისის კაპიტალიზმსა და სხვ., — მას, რომ ეს ფორმები საზოგადოებრივობისა სწორედ ამა თუ იმ ერს განუხორციელებია, — მათ მსჯელობაში რაღაც უცნაური ადგილი უჭირავს და ისე ლაპარაკობენ, თითქოს მთელი ერის ცხოვრებაში გარდა იურიდიულ ეკონომიურ მოვლენათა არაფერი იყოს, თითქოს კონკრეტული საზოგადოებანი მხოლოდ ამ მოვლენათა შექმნაში იჩენდნენ თავიანთ ორიგინალობასა და ყოველივე სხვა ზერელი შემოქმედება იყოს, ზედ-ნაშენი. ნამდვილად კი ყოველი ერის ცხოვრება რთულია, მისი საერთო შემოქმედებაც რთულია და მრავალ-ფეროვანი, ღრმა და ორიგინალური. არც რომის სოციალური ცხოვრება ამოიწურება მონობითა, არც სხვა ერთა ცხოვრება — ფეოდალიზმითა და კაპიტალიზმითა, არც მომავალ საზოგადოებათა ცხოვრება სოციალიზმითა.

ამგვარად, მარტო იმის აღნიშვნა კი არ არის საკმარისი, რომ მონობის შემდეგ ფეოდალიზმი დაიწყო, არამედ იმისიც, თუ სად და ვინ დაიწყო ფეოდალიზმი, ან კაპიტალიზმი? მარტო იმის თქმა კი არ არის საკმარისი, რომ კაპიტალიზმი მთელს ქვეყანას ეღება და მთელს ქვეყანაზედაც მისი შინაგანი წინააღმდეგობანი მიგვიყვანებენ სოციალიზმამდე, არამედ იმისიც, თუ სად და ვინ შესდგა ფეხი კაპიტალიზმის ხანაში, სად და ვინ განახორციელებს სოციალიზმს, რა ემართება თვითოეულ კონკრეტულ საზოგადოებას, ამ მოქმედ პირს, როდესაც იგი საზოგადოებრივობის ერთ იურიდიულ-ეკონომიურ ფორმებიდან მეორეში გადადის.

უამისოდ პირდაპირ ცალიერ განყენების სფეროში ვიქმნებით, და ისეთის შეცდომების მსხვერპლიც გავხდებით, როგორისაც გახდნენ სოციალისტები. მათ არ მიაქციეს ყურადღება თვით მოქმედ საზოგადოებათა შემოქმედებას

და ინფრადულაობას, რომლის ნაყოფიც არის ესე თუ ის ფორმა იურიდიულ-ეკონომიურ მოწესრიგებისა. მათ განიხილეს კლასსთა ბრძოლა და თვით ეს იურიდიულ-ეკონომიური მოწესრიგება განყენებულად, გარეშე კონკრეტულ სოციალურ ინდივიდთა, და იმ დასკვნამდის მივიდნენ ბუნებრივად, რომ დაყოფილებლად ერთა, ამ კონკრეტულ სოციალურ ინდივიდუალობათა, არსებობს ეს კლასსთა ბრძოლა და კლასსიური სოლიდარობაც, რომელაც განყენებულ ეკონომიურ განწყობილებათა ნიადაგზედ არის აღმოცენებული და რომელმაც, აგრეთვე დამოუკიდებლად კონკრეტულ სოციალურ ინდივიდთა, დამოუკიდებლად ერთა, უნდა განახორციელოს საზოგადოდ კაცთა შორის სოციალიზმი. აქედან წარმოსდგება მათი ყალბი და შემცდარი ინტერნაციონალიზმი, რომელიც იგივე კოსმოპოლიტიზმია, თუმცა ამ ბოლოს დროს სოციალისტ-ინტერნაციონალისტებმა ძლიერ შეიცვალეს აზრი ამ საგნის შესახებ ისეთ მოვლენათა დაკვირვებით, რომელთაც პირდაპირ უარ-ჰყვეს მათი თეორია. ერთა მოძრაობა, მათ შორის სწორედ კაპიტალიზმის განვითარების შემდეგ, პირდაპირი უარყოფა იყო სოციალისტთა ინტერნაციონალიზმისა და კოსმოპოლიტიზმისა.

ყოველი ბიოლოგის დიდი ნაკლი იქმნება, თუ იგი სიცოცხლის განვითარების ისტორიას ისე მოგითხრობს, რომ ცოცხალ ორგანიზმზედ არას იტყვის და მარტო განყენებული მსჯელობით შეგაჯერებს. სწორედ ასე ირჩება სოციალისტ-თეორეტიკოსი, რომელიც ერის, ამ ცოცხალ სოციალურ ორგანიზმის გარეშე მოგითხრობს კაპიტალიზმის ისტორიას და თან იმ დასკვნამდის მიდის, რომ უნდა მოისპოს მრავალფეროვანება არსებულ საზოგადოებათა და უნდა შეიქმნას ერთად-ერთი საზოგადოება. საკვირველი იქმნებოდა სწორედ ისეთი ბიოლოგი, რომელიც თავის კვლევაში ისეთს დასკვნამდის მივიდოდა, რომ ერთად-ერთი ცოცხალი სახე გაჩნდებოდა და მოისპობოდა მრავალ-ფეროვანება სახეთა, გვართა და ინდივიდთა.

ერი, როგორც ჩვენი განსაზღვრიდანა სჩანს, არის კონკრეტული საზოგადოება რომელსაც, მართალია, თავისი ისტორია ჰქონია, რომელიც მართალია, ერთად-ერთი კონკრეტული საზოგადოება არ არის, არამედ ერთი მრავალთაგანი, მაგრამ იგი მაინც უმთავრესი ჭურჭელი ყოფილა საზოგადოებრივობისა საზოგადოებათა ისტორიაში, და დღესაც იგი ასეთივე უმაღლესი საზოგადოებრივი ჭურჭელია, მსგავსად იმისა, როგორც ადამიანი ყოფილა და დღეს მით უმეტეს არის უმაღლესი ჭურჭელი სიცოცხლისა.

ერის სიცოცხლე კი, როგორც სიცოცხლე საზოგადოებრივ რთულ ორგანიზმისა, არ არის მარტო ეკონომიური სიცოცხლე, არამედ — ეკონომიური, იურიდიული, ზნეობრივი, ხელოვნური, მეცნიერული და სხვა, — სრული, რთული-სოციალური, ერთი სიტყვით, ყველა ეს მოვლენანი ცვალებადობას განიცდიდნენ ერის შინაგან ორგანიულ ცხოვრებაში, განიცდიან დღესაც, მაგრამ ამით ერი მაინც ერად რჩება, — იგი მხოლოდ პროგრესისაკენ ან რეგრესისაკენ მიდის, მისი ორგანიული ცხოვრება ან რთულდება და უმჯობესდება, ან მარტივდება და სიცხოველე აკლდება, — მაგრამ განვიმეორებთ, ერი მაინც ერია, სიკვდილამდის იგი ერად რჩება. მსგავსადვე, ცოცხალი ორგანიზმის შინაგან ცხოვრებაში შეიძლება ათასნაირი ცვლილება მოხდეს; გაუმჯობესება ან დაავადება, მაგრამ ორგანიზმის ინდივიდუალობა იგივეა, და სიკვდილითაც იგი კვდება, როგორც ესა თუ ის ინდივიდი.

ამიტომაც პრობლემა თვით ამ ცვალებადობისა ორგანიზმთა შინაგან ცხოვრებაში და პრობლემა თვით ორგანიზმის არსებობისა, რასაკვირველია,



სხვა და სხვა არის, როგორც პრობლემა ადამიანის ინდივიდუალობისა ერთის მხრით, და პრობლემანი ანატომიისა და ფიზიოლოგიისა, პათოლოგიისა და თერაპიისა, რასაკვირველია სხვა და სხვანი არიან.

სოციალიზმი სწორედ ერთი ასეთი შინაგან გარდაქმნის პრობლემათაგანია, ერის პრობლემა კი ერთა კონკრეტულ საზოგადოებრივ ინდივიდუალობის პრობლემაა. რასაკვირველია იგინი ერთმანეთში არ აირევიან, მაგრამ ამ შეცდომას ძლიერ ბევრჯერ სჩადიან, როგორც არა ვსთქვით.

სოციალიზმი შეეხება უმთავრესად ერის ეკონომიურ წყობილებას, რომლის გარდაქმნაზედაც, მართალია, ბევრ სოციალურ მოვლენათა შეცვლაა დამოკიდებული. ერებსა ჰქონიათ ფეოდალური განწყობილებანი, ესლა აქვსთ კაპიტალისტური განწყობილებანი, მაგრამ ერთნაი და მეორენიც საზოგადოების მდებალ-ხარისხოვან მოწესრიგებად ითვლება შრომელთათვის მათ იდეალთან შედარებით. ამ ნიადაგზედ არის აღმოცენებული კლასთა ბრძოლა, რომელიც ერის შინაგან ეკონომიურ ცხოვრებაში სწარმოებს. შრომელ კლასს იდეალად აქვს დასახული ზულ სხვა გვარი მოწესრიგება ეკონომიურ ცხოვრებისა, სულ სხვა გვარი აღსრულება ეკონომიურ ფუნქციათა საზოგადოების მიერ, — ე. ი. კომუნუნიზმი ან კოლექტივიზმი. ამ იდეალის მისაღწევად იმუშავენს იგი განსაზღვრულ ტაქტიკას ბრძოლისას, განსაზღვრულ პოლიტიკას, — ერთგვარ დამოკიდებულებას იმ ელემენტებთან, რომელიც წინააღმდეგნი არიან სოციალიზმისა, — განსაზღვრულ განწყობილებას კანონმდებლობასთან და სხვ. — ამ ნიადაგზედ სდგებიან პარტიები; ამ ნიადაგზედ სწარმოებს ბრძოლა პარტიათა პარლამენტებში; ამ ნიადაგზედ ქუჩაში ზელ-ჩართული ბრძოლანი და რევოლუციანი სწარმოებენ. — მაგრამ ყოველი ესე ახახათებს ერის შინაგან ცხოვრებას, თვით ერის არსებობის პრობლემას კი იგი არ შეეხება. — ეს ბრძოლა საზოგადოების მკურნალთა შორის, რომელთაგანაც ზოგს ნორმალურად მიაჩნია თანამედროვე მდგომარეობა საზოგადოებრივ ცხოვრებისა, ზოგს პათოლოგიურად — და ძალა-უნებურად თავის წამალს აწვდის მთელს საზოგადოებას სრულ განსაკურნავად, ან გასალონიერებლად, ზოგსაც სულ არა სურს წამალი და სასიკვდილოდ მიაჩნია იგი საზოგადოებისათვის. — მაგრამ ერი მაინც ინდივიდუალობად რჩება, ერთ კონკრეტულ სოციალურ ორგანიზმად. განხორციელება სოციალიზმი, — იგი მაინც ერად რჩება, — მხოლოდ მისი რადიკალური მკურნალნი გაიმარჯვებენ; არ განხორციელდება, — იგი მაინც იგივე იქმნება მხოლოდ სხვა მკურნალთა წამლის მიღებით შესაფერს ჯან-მრთელობას მოიპოვებს; მოკვდება, — მაინც განსაზღვრულ სოციალურ ინდივიდუალობად, ერად მოკვდება.

და განა მთელი სოციალური ცხოვრება მარტო ეკონომიური ცხოვრებაა? თვით ისეთი „მარქსისტი“, როგორც ვერნერ ზომბარტა, — ისიც კი აღიარებს, რომ ეკონომიური ცხოვრება მხოლოდ ერთი ნაწილია საზოგადოებრივ ცხოვრებისაო (Современный Капитализм, т. I). — ბევრ მოვლენათა შეცვლის პროცესისი სრულდება ერის შინაგან სოციალურ ცხოვრებაში. ბევრი მოვლენა იცვლება დამოუკიდებლად ეკონომიურ ცხოვრებისა, ბევრიც მისი ცვალებადობით არის გამოწვეული. ერთობ სოციალური ცხოვრება მუდმივ ცვალებადობაშია, და თვითოეულ მოვლენის შეცვლისათვის ბრძოლა, თვითოეული ცალკე იდეალის განხორციელება ერის მიერ მისი ორგანიული სიცოცხლის ისეთივე გამოჩენაა, როგორც ეკონომიური ბრძოლა, ეკონომიური იდეალის განხორციელება.

აქვს ხოლმე საზოგადოებას იდეალი ხელოვნებისა, იდეალი სარწმუნოებრივი, ზნეობრივი და სხვანი, — და ბრძოლაც ამ იდეალთათვის. სწარმოებს საზოგადოებაში, მართალია ზშირად ნაკლებს სიმკაცრით, ვიდრე ეკონომიური, ზშირად კიდევ მსგავსად. ბრძოლა ხელოვნების იდეალთათვის რასაკვირველია განსხვავდება ეკონომიურ ბრძოლისაგან, მაგრამ ბრძოლა რელიგიურ ხიადაგზედ ზშირად ემსგავსება მას, — ორივე შემთხვევაში ქუჩაზედ სისხლის ღვარი სდგას ხოლმე. მებრძოლთა მიერ დათხეულისა.

თანამედროვე ცხოვრებაში სოციალიზმი ერის ერთადერთი იდეალი არ არის, — მას ბევრი სხვა იდეალი აქვს. რამდენსა აქვს იდეალად დასახული. მაგალითად, თუ გინდ ის უბრალო რამ, რაც დიდ ღირსეულ ერებს აქვსთ, — პოლიტიკური თავისუფლება, დამოუკიდებლობა. რამდენს აქვს უფრო მაღალი იდეალები, — იდეალები სულიერ და ნივთიერ შემოქმედების ყველა დარგში, — ერთობ რთული სოციალური იდეალები.

მაგრამ, აგრეთვე, დამოუკიდებლად იმისა, მიაღწევს თუ არა ერი ამ იდეალს, — იგი მაინც ინდივიდუალობად რჩება, ერთად და განუყოფლად. შინაგანი ბრძოლა ამ იდეალთათვის ერს არა ჰყოფს ისეთ შეურიგებელ ნაწილებად, რომ იგი დაიშალოს და გაიხუნეს, მისი ცხოვრება მაინც ერთია და ორგანიული. ვერავითარი კლასსთა ბრძოლა ვერასოდეს ვერა ჰყოფს ერსა, — ვერავითარი სისხლის ღვრა ურთი-ერთ შორის ვერა სპობს მის ერთობას, ვერავითარი სოლიდარობა სხვა და სხვა ერის მსგავს კლასსთა შორის ვერა სპობს იმ ორგანიულ კავშირს, რომელიც არსებობს ერთი ერის სხვა და სხვა ნაწილთა, თვით ურთი-ერთის მოსისხლე მტერთა შორისაც. პირიქით, თვით ამ ბრძოლის უზენაესი მიზანი ყოველთვის შერჩებაა, — იდეალის მიღწევა. განა საფრანგეთის სოციალიზმისათვის ბრძოლა მით არ უნდა გათავდეს, რომ საფრანგეთის ერში აღარ იქმნება კაპიტალისტი და პროლეტარი, არამედ მთელი ერი თავის სიმდიდრეს ამხანაგობისა და თანასწორობის წესით მოუვლის, აწარმოებს და გაანაწილებს?

ესევე ითქმის სხვაგვარ ბრძოლაზედაც. იგი ვერა ჰყოფს ერს, პირიქით, — იგი ის „ლოლიკური“ დუელია, რომელიც, ტარდის სიტყვით, ყოველთვის რაიმე დასკვნით თავდება და ეს დასკვნა ხდება წამბაძეულობის ძალით საზოგადოების ახალ კუთვნილებად.

ერი ერთია და განუყოფელი, მიუხედავად შინაგან ბრძოლისა, რომელიც მის სოციალურ ცხოვრებაში სწარმოებს. იგი მაინც მთლიანად რჩება, — ან აღწევს იდეალსა და გარდაქმნის თავის შინაგან ცხოვრებას. ან მცირე რეფორმას ახორციელებს, ან და კვდება და იშლება ცოცხალ ერთა სიიდან, თუმცა უმეტეს შემთხვევაში მისი ხსოვნა კაცთა შორის საუკუნოდ რჩება მის საქმეთა მიხედვით.

— სოციალიზმი თუ ერთის მხრით საზოგადოების შინაგან იურიდიულ-ეკონომიურ წყობილების გარდაქმნაა, მეორეს მხრით იგი საქვეყნოა, იგი უნდა განხორციელდეს მთელს კაცობრიობაში, ყველა საზოგადოებაში, რომელიც კი არსებობს, ან და საზოგადოებათა უუკულტუროსნეს ნაწილთა შორის. ყველა საზოგადოებათა პროლეტარიატი, მთელი ქვეყნის პროლეტარიატი უნდა შეერთდეს საზოგადოებათა სოციალისტურ გარდაქმნისათვის, — ამიტომაც სოციალისტური მოძრაობა საერთაშორისო მოძრაობაა და არა ეროვნული. სოციალიზმის განხორციელება მართო ერთი ერის შინაგან სფეროში არ შეიძლება, იგი ყველგან უნდა განხორციელდეს, რადგანაც სოციალიზმი ნაყოფი უნდა იყოს კაპიტალისტურ წყობილებისაგან შექმნილ წინააღმდეგობათა, კლასსთა

ბრძოლისა, რომელიც საყოველთაო სოციალური რევოლუციით უნდა გათავ-  
დეს. კაპიტალიზმი კი თანდათან მთელს კაცობრიობას ედება, ჰბადებს ყველ-  
გან სოციალური რევოლუციის შთანაჩენებს, აერთებს ერთა მშრომელ კლას-  
სებს და ამტკიცებს მათ შორის სოლიდარობას. ამ სოლიდარობამ უნდა მოახ-  
დინოს სოციალური რევოლუცია, გარდაქმნას მთელი კაცობრიობა სოციალის-  
ტურად და განამტკიცოს საუკუნო მშვიდობიანობა, ძმობა და კაცთა შორის  
სათნოება.

ეს არის სოციალისტური ინტერნაციონალიზმი. ინტერნაციონალიზმი ამ-  
გვარად დამატებაა სოციალიზმისა, და მისი განხორციელების ერთი პირობათა-  
განაც, რადგანაც მსოფლიო კაპიტალიზმის გამოძახებელი მსოფლიო ბაზარია,  
თანდათან მას ემორჩილება მთელი კაცობრიობა, და ამ უკანასკნელის ორგა-  
ნიზაციაც ერთ საზოგადოებად შესაძლებელი იქნება, როდესაც მსოფლიო  
პროლეტარიატი მოსპობს ბატონობას მსოფლიო ბაზრისას და მთელის მსოფ-  
ლიოს ამხანაგობას შეადგენს სიმდიდრის საწარმოოდ და გასანაწილებლად.

ამ წერტილამდის მწყობრად მიდის სოციალისტური თეორია, თუმცა მას  
შეიძლება ბევრში არ დაეთანხმოს სოციოლოგი. ხოლო როცა იგი ეხება თვით  
ორგანიზაციას კაცობრიობისას, აღარავითარი მეცნიერული მოსაზრება, აღა-  
რავითარი ლოდიკა და ერთობა აღარ არის სოციალიზმში. სოციალიზმმა ვერ  
შექმნა თეორია „საერთაშორისოსი“, თეორია „კაცობრიობისა“, თუმცა დიდი  
პრეტენზიები ჰქონდა, თითქოს ერთად-ერთი განმქვერცეტი მომავალ კაცობრი-  
ობის ერთობისა და მისი მჭადაგებელი მარტო იგი ყოფილიყო. ამ მხრით თეო-  
რიები საერთაშორისო სამართლის მეცნიერებისა ბევრად უფრო შემუშავე-  
ბულნი არიან, ვიდრე სოციალისტური ინტერნაციონალიზმის მოძღვრება. —  
მაშინ როდესაც საერთაშორისო სამართლის მეცნიერებლისთვის ნათელსა და  
გამორკვეულ მუხლს შეადგენს შემდეგი: სახელმწიფოებრივ, ანუ ეროვნულ  
ცხოვრების ზევით სდგას ცხოვრება სახელმწიფოთა, ანუ ერთა კავშირისა, —  
ცხოვრება სახელმწიფოთა საზოგადოებისა, ანუ საზოგადოებათა საზოგადოე-  
ბისა, რომლის სამართალიც არის საერთაშორისო სამართალი, — სოციალის-  
ტურ ინტერნაციონალიზმს არა აქვს გამორკვეული არავითარი საერთაშორისო  
სამართალი, მომავალ კაცობრიობაში მომქმედი, — არც კი აქვს აღნიშ-  
ნული სუბიექტი სამართლისა. მან ისიც არ იცის, — მთელი კაცობრიობა შე-  
ადგენს ერთს საზოგადოებრივ ორგანიზმს, თუ კაცობრიობის ორგანიზაცია  
ერთა კავშირით გამოიხატება. ამიტომაც დღესაც ბევრია სოციალისტი, რო-  
მელთაც სწამსთ ერთი საზოგადოებრივი ორგანიზმი, მთელი კაცობრიობისაგან  
შემდგარი (კოსმოპოლიტიზმი), და არიან ისეთებიც, რომელთაც სწამსთ ერ-  
თა შორის კავშირი, განმტკიცებული სოციალისტურ ნიადაგზედ (ინტერნა-  
ციონალიზმი).

ამ ორი ცნებას შორის კი დიდი განსხვავებაა. პირველი და უმთავრესი  
განსხვავება ის არის, რომ კოსმოპოლიტიზმის დროს სრულიად ჰქრება ცნება  
საერთაშორისო სამართლისა, რადგანაც სამართალი ორსა და მეტს სუბიექტს  
შორის შეიძლება, ხოლო ერთ მსოფლიო საზოგადოებას შეუძლია შინაგანი  
სამართალი ჰქონდეს, ინდივიდთა შორის განწყობილებათა მომწესრიგებელი,  
— უმაღლესი, საზოგადოებათა შორის განწყობილებათა მომწესრიგებელი სა-  
მართალი კი მას არ ექმნება, რადგანაც იგი ერთია და თავის თავთან ვერ  
დასდებს სამართლის ნორმებსა. ინტერნაციონალიზმის დროს კი შესაძლებე-  
ლი და აუცილებელია საერთაშორისო სამართალი, რადგანაც თვით ცნება „ინ-

ტერნაციონალური“ ნიშნავს „საერთაშორისოს“, იგი იგულისხმებს წინდაწინ-ვე მრავალ საზოგადოების, მრავალ ერის არსებობას, რომელთა შორისაც უნდა დადებულ იყოს უმაღლესი სამართლის ნორმები, და პრიციპებს ერთ საკაცობრიო საზოგადოების არსებობას. კოსმოპოლიტიზმი არ აღიარებს, მაშასადამე, ერს, საზოგადოებას, როგორც სამართლის საგანს, არამედ უარ-ჰყოფს მას, როგორც სამართლის საგანსა, ინტერნაციონალიზმი კი, განსაზღვრითა თვისითა, პირდაპირ, წინდაწინვე გულისხმობს ერს, როგორც სამართლის საგანსა.

ჩვენი აზრით კოსმოპოლიტიზმი არც შესაძლებელია და არც სასურველი, ინტერნაციონალიზმი კი სასურველიც არის და შესაძლებელიცა. სოციალისტების სიმპატიაც ამ ბოლო დროს უფრო ინტერნაციონალიზმისაკენ არის გადახრილი, და ბოლოს და ბოლოს ისინიც დასთანხმდებიან, რომ კაცობრიობა არამც თუ დღეს არ არსებობს, როგორც ერთი საზოგადოება, არამედ მომავალშიაც შეუძლებელია მისი არსებობა კოსმოპოლისის ფორმით; და თუ შეგვიძლია მომავალში კაცობრიობის ორგანიზაციად ვიფიქროთ, — ეს ორგანიზაცია კოსმოპოლისი კი არ იქნება, არამედ ცალკე „პოლისთა“ კავშირი, თავისუფალი კავშირი სრულის ინდივიდუალობის მქონე საზოგადოებათა, ინტერნაციონალი. მაგრამ უბედურებაც ის არის, რომ ბევრ სოციალისტს ვერც კი გამოურკვევია, რა არის ცნება კოსმოპოლიტიზმისა და ინტერნაციონალიზმისა, და ხშირად ერთმანეთში აღრევენ ამ ორ სრულიად ურთი-ერთის მოწინააღმდეგე ცნებასა.

ჩვენ წინად, ერთ პატარა წერილში განვსაზღვრეთ ეს ორი ცნებაც. შოვინიზმთან და ნაციონალიზმთან ერთად. მოვაგონოთ მკითხველს იგივე, რაც იმ პატარა წერილში\* ესთქვით.

თვით სიტყვა კოსმოპოლიტიზმი უაზროა და შეუძლებელი. იგი წარმოსდგება ბერძნულ „კოსმოს“-იდან, რაცა ნიშნავს, განსაკუთრებით თანამედროვე მსოფლ-მხედველობის თვალთ-საზრისით, მსოფლიოს, სამყაროს, — და „პოლიტეს“-იდან, რაცა ნიშნავს მოქალაქეს. მაშასადამე კოსმოპოლიტიზმი ნიშნავს მსოფლიოს მოქალაქეობას. ეს კი შეუძლებელია, რადგანაც მოქალაქეობა შეიძლება რომელიმე განსაზღვრულ საზოგადოებისა, ერთისა და იმავე გონიერ არსთაგან შემდგარ საზოგადოებისა; ასეთი საზოგადოებანი კი ჩვენ მხოლოდ ჩვენ პატარა დედა-მიწაზე ვიციით. ჩვენი დედა-მიწა და თვით ჩვენი მზის სისტემაც ერთი უმცირესი მტვერია ეგრედ წოდებული „რძის ფერი გზისა“, ეს უკანასკნელი კი აგრეთვე უმცირესი ნაწილია სამყაროისა, კოსმოსისა. მაშ როგორ შეგვიძლია რომ ვიყოთ „კოსმოპოლიტები“, ანუ მსოფლიოს მოქალაქენი, როდესაც არც დაუსრულებელი და განუზომელი მსოფლიო ვიციით, დანამდვილებით არ ვიციით ისიც — ჩვენი მზის სისტემის სხვა პლანეტებზეც არსებობენ თუ არა გონიერნი არსნი, საზოგადოების მქონენი, და კიდევაც რომ ვიცოდეთ, მათთან არა გვაქვს და არც შეეციძლია გვეკონდეს არავითარი სოციალური კავშირი? — ცხადია, როცა კოსმოპოლიტიზმზედ ლაპარაკობდნენ, „კოსმოსი“ ესმოდათ როგორც დედა-მიწა, ეს უმცირესი მტვერი კოსმოსისა, და მის მოქალაქეობას ეძახდნენ კოსმოპოლიტიზმსა. უმჯობესი იქმნებოდა, ტერმინი გეოპოლიტიზმი ეხმარათ. მაგრამ, როგორც არა ესთქვით, დღესაც რომ არ არსებობს სოციალური კავშირი ყველა ადამიანთა შორის,

\* ცხ. „დროება“, 1909 წ., №№ 167, 168, 169, 170, 171; „ოთხი ცნება“, ალაროდიელის ფსევდონიმით.

დღესაც რომ არ არსებობს ერთი საზოგადოება, მთელი კაცობრიობისაგან შემდგარი, — ბერძენთა დროს როგორ შეიძლებოდა არსებულყოფა? მაშინ ხომ დედა-მიწისა და კაცობრიობის სიდიდე გაცილებით უფრო მცირე ეგონათ, რადგანაც არ იცოდნენ არც ერთი და არც მეორე ისე, როგორც დღეს იციან. მხოლოდ თანამედროვე ეპოქაში გაიცნეს კაცობრიობა და აღნუსხეს დაახლოვებით მისი რაოდენობა; მაგრამ ჭერ კიდევ შორს არის ყველა ადამიანს შორის, მილიარდ-ნახევარ ადამიანს შორის ისეთი სოციალური კავშირის შექერა, რომ „გეოპოლიტიკები“ ვახვადეთ ეს მილიარდნახევარი ადამიანი.

მაგრამ იქნებ დღეს თუ არ არსებობს, შემდეგ, ბოლოს და ბოლოს მაინც უნდა განხორციელდეს გეოპოლიტიკაში? — შევხედოთ ამ საკითხს ამ მხრივ. სოციალისტების თეორიაც მსოფლიო კაპიტალიზმისა და მსოფლიო ბაზრისა, მსოფლიო რევოლუციისა და მსოფლიო სოციალიზმისა დაეხმარათ და განვიხილოთ, — თვით ამ თეორიის ძალითაც არის თუ არა განსახორციელებელი გეოპოლიტიკაში?

გეოპოლიტიკაში ნიშნავს ერთ სოციალურ ორგანიზმის წარმოშობას: როდესაც მთელი კაცობრიობა ილაპარაკებს ერთი ენით, როდესაც ყველას ერთი ტიპის სჯული ექმნება, ერთი სამართალი, ერთი ხელოვნება, ერთი და იგივე პოლიტიკური ორგანოები, — მაშინ გეოპოლიტიკაში იდეალური ერთობის განხორციელება იქმნება. მაგრამ ყოველივე ეს ნიშნავს ისეთსავე აბსურდს, როგორსაც ყველა ცხოველთაგან ერთი სახის წარმოშობა, ან ყველა მცენარეთაგან ერთი მცენარის სახის წარმოშობა. სიცოცხლე მრავალფეროვან არსთა ჰქმნის თავის შემოქმედების პროცესში, და მიუხედავად იმ დიდ მსგავსებათა, რომელნიც არსებობენ სხვა და სხვა სახეთა და ინდივიდთა შორის, არსებობს თვითთული სახე და ინდივიდი და იგინიც მრავალფეროვანდებიან. საზოგადოებრივ სიცოცხლესაც მრავალი სოციალური ორგანიზმი წარმოუშვია ეამთა ვითარებაში, და დასაბამიდან აქამდის ჩვენ უფრო და უფრო დიდს მრავალფეროვანებასა ვხედავთ ამ სოციალურ შემოქმედების პროცესში. უნდა ვიგულისხმოთ, რომ თავდაპირველად არსებობდა ძლიერ ცოტა ადამიანი, მაშასადამე კიდევ უფრო ნაკლები რიცხვი ადამიანთა საზოგადოებათა, ესლა კი ათასგვარ დიფფერენციაციის შედეგი ის ათასნაირი საზოგადოება კაცობრიობაში, რომელსაც ჩვენა ვხედავთ და რომლისაგანაც ბევრს შესაძლებელი ჰგონია ერთი საზოგადოების შექმნა. — მართალია, ბევრი იდენტიური თვისებანი ჰქონიათ და აქვსთ ამ სოციალურ ორგანიზმებს, ბევრი იდენტიური თვისებანი ემატებათ კიდევ; მაგრამ ბევრი განსხვავებაც ვითარდება მათ შორის, ერთობ ინდივიდუალობა თვითთულისა უფრო და უფრო მტკიცდება. რასაკვირველია არსებობისათვის ბრძოლაში შეიძლება ზოგი სოციალური ინდივიდი მოკვდეს, მაგრამ ეს სრულიადაც არ ნიშნავს საზოგადოებათა მრავალფეროვანების მოსპობასა და განა იდენტიური ორგანოები ცოცხალ არსთა შორის ყველა არსს იდენტიურადა ჰქმნის? თვლები, ფეხები, ხელები, ყურები, ორგანონი ყველა გრძობათა, მრავალი ანატომიური და ფიზიოლოგიური, მრავალი ფსიხიური იდენტიური თვისებები, აქვსთ განსაკუთრებით განვითარებულ ცხოველებს ურთი-ერთ შორის, მაგრამ განსხვავებაც დიდია მათ შორის, და ეს განსხვავება გეძლევის შეძლებას ვიგულოთ სრულიად განსხვავებულ სახედ Homo Sapiens, რომელიც განსხვავდება მაიმუნთა სხვა და სხვა სახეთაგან, — მიუხედავად იმისა, რომ იგინი ერთმანეთსა ჰკვანან. — აგრეთვე ადამიანთა ჯგუფები, — ზანგი განსხვავებული თეთრი რასის კაცისაგან, არიელი, განსხვავებული მონგოლისაგან, გერმანელი, განსხვავებული სლავიანისაგან, ინგლი-

სელი, განსხვავებული რუსისაგან, და მებრვე, — ცალკე მრავალფეროვანებანი არიან ადამიანის სახისა, რასისა, ხალხისა, ერისა და სხვ. სანამ არ მივალწევთ რომელიმე ჯონ ტომსონს, რომელიც განსხვავდება ტომ ჯონსონისაგან, — თუმცა მათ შორის ათასი რამ საერთოა, — ჩვენ ასევე შეგვიძლია „ინდივიდუალად“ დაყოფა სხვა და სხვა გვარ არსთა. არც ერთი ამ ზემოხსენებულ ინდივიდუალურ არსთაგანი არა ჰქარგავს დამოუკიდებლობას, ყველა გამოპხატავს ინდივიდუალობას, დაწყებული ადამიანის სახიდან რომელიმე ცალკე პირამდე, — თუმცა, განვიმეორებთ, მსგავსება მათ და მათ გვერდში მდგომ ინდივიდთა შორის აუარებელია და შეიძლება კიდევ გადიდდეს. როგორც უნდა იყოს აღრევა და ურთი-ერთის მიერ ზედმოქმედება ამ ინდივიდთა შორის, — საერთო შედეგი მაინც ახალი ინდივიდები იქმნება. ნეგრისაგან და თეთრ-კანიანისაგან მულატი გამოდის. ფრანგულ და ანგლო-საქსონელთა საზოგადოების აღრევამ თანამედროვე ინგლისელი წარმოშვა, რომელიც ფრანგისაგანაც განირჩევა და გერმანელისაგანაც, და მებრვე. ბუნება მრავალ-ფეროვანია, თვით დედამიწა მრავალფეროვანია, მისი ქერქიც ერთფეროვანი არ არის, არც მისი ზედა-პირია ერთსა და იმავე პირობებში. მით უფრო მრავალ-ფეროვანია სიცოცხლე. მისი შემოქმედების ერთი მხარე — მრავალფეროვანებაა. თვითოეულ „ფერს“, თვითოეულ ინდივიდს აქვს შინაგანი მისწრაფება თავის დაცვისა და შენახვისა. უსიკვდილოდ არავის ნებდება, დამორჩილებულიც კი მორჩილებში ეწევა შემოქმედებას, დამმონებელთან ერთად ახალ ინდივიდსა ჰქმნის. საზოგადოებაც ერთი ფორმათაგანია სიცოცხლისა. კონკრეტული საზოგადოებანიც მრავალ-ფეროვანნი არიან, მათაც აქვსთ თავიანთი ინდივიდუალობა და გრძნობა, მისწრაფება თავის დაცვისადმი. იგინიც სიკვდილამდის არავის ნებდებიან. სხვებთან შერევით ისინიც ახალ ტიპებსა, ახალ ინდივიდებსა ჰქმნიან, ან ბატონთაგან თავისუფლებიან.

როგორც უნდა იყოს მოქმედება ურთი-ერთზედ, როგორც უნდა იყოს ძალა ურთი-ერთის წაბაძვისა, როგორის სისწორითაც უნდა გაიაროს წამბაძველობის ტალღამ განსხვავებულ ხალხთა საზოგადოებრივ ცხოვრებაში და შექმნას იდენტური თვისებანი მათ შორის, როგორც ამას ამბობს ტარდი, — მაინც ერთობ საზოგადოებათა ინდივიდუალობა არა ჰქრება; საზღვარიც საზოგადოების ასსიმილაციისა, საზღვარი მისი სხვად გადაქცევისა ყოველთვის მოსპობაა მისი ინდივიდუალობისა, მისი სიკვდილი. მაგრამ სიკვდილის შემდეგაც იგი სხვა საზოგადოებას ისეთ თვისებებს უტოვებს, რომელიც ამ ცოცხლად შთენილ საზოგადოებას სხვათაგან განაჩრჩევს. მთელი ისტორია, მსოფლიო ისტორია პირდაპირ დამამტკიცებელი საბუთია ამისი.

მსოფლიო კაპიტალიზმი მხოლოდ იმას ამტკიცებს, რომ ამ „ტალღამ წამბაძველობისამ“ ყველა საზოგადოებას გადაუარა, რომ იდენტური ეკონომიური მოვლენა გაჩნდა ყველა საზოგადოებაში, მაგრამ იმას კი სრულიად არ ამტკიცებს, რომ თვითოეულმა საზოგადოებამ დაჰკარგა ინდივიდუალობა, თუ გინდ ეკონომიური ინდივიდუალობაცა. შესანიშნავი სოციალისტი პეტრე კროპოტკინი, პირიქით, თავის წიგნში *Fields, Factories and Workshops* ამტკიცებს, რომ ერთა შორის შრომის განაწილება თანდათან ჰქრება, ერთი ერთ უკვე აღარ არის მხოლოდ მრეწველი, მწარმოებელი, მეორე კი მიწის მუშა, არამედ თვითოეული ერის ტენდენცია, პატარაებისაც კი, იქითკენ არის მიმართული, რომ თავისი სამყოფი სიმდიდრე თვითონვე დამოუკიდებლად აწარმოოსო. ამიტომაც კლებულობს თანდათან ყველგან სხვა ქვეყნებიდან შემოტანილი საქონელიო. — მსოფლიო კაპიტალიზმი ბოლოს და ბოლოს ყველ-

გან ეროვნულ კაპიტალიზმს ჰქმნის, და ეს ფაქტიც იმის დამაშტკაცებელია, რომ იდენტიური მოვლენა აღჩენილა სხვა და სხვა ერთა ცხოვრებაში, მაგრამ განსაზღვრულ, ეროვნულ სოციალურ სფეროში განვითარებულა და კიდევ უფრო განუმტკიცებია ერის ინდივიდუალობა, გაუნთავისუფლებია რა იგი სხვა ერთა ეკონომიურ მონობისაგან. თვით ერის შინაგან ცხოვრებაში კაპიტალიზმი უმეტესს სიმჭიდროვესა და კოპეზიას ჰბადებს.

გარდა ამისა, ეკონომიური მოვლენა წარმოუდგენელია გარეშე ეროვნულ მოწესრიგებისა. ყოველი კაპიტალიზმი ამ მხრით ეროვნულია, და მსოფლიო კაპიტალიზმი, მსოფლიო ბაზარიც ამ მხრით არ არსებობს, რადგანაც არ არის მსოფლიო მოწესრიგება კაპიტალიზმისა, — არც მსოფლიო წარმოებისა. არც ბრუნვისა და არც ხმარებისა. არიან საერთაშორისო ხელ-შეკრულებანი. მაგრამ ეს სულ სხვაა, ვიდრე მსოფლიო მოწესრიგება. თვითოეული კრი თავის ეკონომიურ მოწესრიგების სფეროში სცხოვრობს. რასაკვირველია ერთი ერი ზედება მეორეს ეკონომიურ ნიადაგზედ, ერთს მეორესთან კონკურენცია უხდება, ერთი მეორესთან მეგობრულ კავშირს სდებს, მაგრამ არ არის არავითარი საკაცობრიო სამეურნეო მოწესრიგება, რომელიც ახასიათებდეს მთელი მილიარდ ნახევარი ადამიანის მოწესრიგებულ საერთო ეკონომიურ მოქმედებასა. კარლ ბიუხერის სიტყვით ახალმა პოლიტიკურმა განვითარებამ ბევრით უკან დაგვაბრუნა და მოგვაგონებინა ძველი მერკანტილიზმი და საქალაქო მეურნეობაც კი. ამას გარდა ისევ განახლდა ახალის ძალით პროტექციონიზმი, დარჩა ხმარებაში ეროვნული ფული. აგრეთვე ეროვნულია და არა საერთაშორისო მუშათა კანონმდებლობა, დაზღვევა მუშათა, საბანკო პოლიტიკა და სხვ. — ეს სულ ეროვნული მეურნეობის დამახასიათებელია, და არა საკაცობრიო მეურნეობისა.

მართალიაო, ამბობს ბიუხერი, რომ ერთა მეურნეობა სხვა და სხვანაირია, — ზოგი ერი მრეწველია, ზოგი მიწის მეურნე, ზოგი მეტს ჰყიდის, ზოგი მეტს ჰყიდულობს უცხოისაგან, მაგრამ ეს მხოლოდ „საერთაშორისო შრომის განაწილება“ და სრულიადაც არ ამტკიცებს იმას, რომ საკაცობრიო მეურნეობამ უნდა დაიკვიროს ადგილი ეროვნული მეურნეობისა. — ეგრედწოდებულ მსოფლიო მეურნეობას ჯერ-ჯერობით არავითარი საკუთარი თვისება არ გამოუჩენია, რომელიც განირჩეოდეს ეროვნულ მეურნეობისაგან და ძლიერ საექვოც არის, რომ ახლო მომავალში გამოიჩინოსო, — პირდაპირ ამბობს კარლ ბიუხერი. (Происхождение Народного Хозяйства, ტ. I, თავი III, § 3).

იაპონია პირველი მაჩვენებელია იმისი, თუ როგორ მოქმედებს ერზედ წამბაძველობა. არას დროს იაპონიას არ განუმტკიცებია თავისი ინდივიდუალობა ისე ძლიერად, როგორც განცდილ წამბაძველობის შემდეგ. მან მთელი ევროპული კულტურა შეითვისა წამბაძველობით, მაგრამ თანაც ძლიერ ერად გადიქცა, ძლიერ იაპონიის ერად, და რუსეთიც კი დაამარცხა, რომ შორეულ აღმოსავლეთში თავისი გავლენა განემტკიცებინა. იგი დიდ ერად გარდიქცა, რომელსაც არა თუ თავისი კულტურა აქვს, არამედ მთელს აზიაში სცდილობს გააბატონოს თავისი ეროვნული კულტურა.

მართალია, იაპონიამ ევროპიული მეცნიერება, ხელოვნება. სამხედრო ტექნიკა და სხვ. ევროპისაგან შეიძინა, ევროპის ერთაგან, მაგრამ იგი, „იაპო-

ნურად“ აქცია. ეს კულტურა ეხლა იაპონურ ენაზედ შეითვისების, იაპონელ მეცნიერთაგან ისწავლების და იაპონურ სოციალურ მოწესრიგების სფეროშია. იაპონია არას ღროს არა ყოფილა ისე ძლიერი ეროვნულად, როგორც ასეთის წამბაძველობის შემდეგ. — ესევე ხდება სხვა ერთა ცხოვრებაშიაც, თუ, რასაკვირველია, ცოტადენი შემოქმედებითი ენერგია მაინც აქვს ერსა და წამბაძველობით შეძენილი მასალით არ მოიწამლება და არ გაქრება; არამედ თავის ეროვნულ ორგანიზმის სასარგებლო ასსიმილაციას მოახდენს და უფრო ძლიერად იქცევა სხვისაგან შეძენილთა.

კაპიტალიზმს ასეთი გავლენა აქვს ერებზედ. მისი განვითარება უმეტეს შემთხვევაში ეროვნულ ინდივიდუალობას ანვითარებს. მეურნეობას, ენას, სახელმწიფოებრივ ფორმებს, სამართალს, — ყოველისფერს გარდაქმნის ხოლმე ახალი ცხოვრება, ხოლო ერს კი არ სპობს, არამედ, განვიმეორებთ, მის ინდივიდუალობას კიდევ უფრო ანვითარებს, და თუ დამონებულია, საბრძოლველად ხმაღს ააღებინებს როგორც გაძლიერებულსა და თავის უფლებებს შემგნებ სოციალურ ინდივიდუალობასა.

არის ისეთი შემთხვევებიც, როცა შემოსეულ რასას შემოაქვს ახალი ცხოვრების წესები ძლიერ ჩამორჩენილ საზოგადოებრივ ჯგუფთა შორის. ეს უკანასკნელები ვერ ეგუება ახალ ცხოვრებასა, შემოსეულ რასას ვერ უწევს კონკურენციას და კვდება, მაგრამ ეს კაპიტალიზმის ბრალი არ არის. ამის მიზეზი ის არის, რომ ძლიერ დიდი განსხვავებაა შემოსეულ ერისა და ადგილობრივ ჩამორჩენილთა შორის. ძლიერი სუსტსა ჰკლავს ხელ-ალუპყრობელად, — ან თავის კულტურით ჰსრესავს მას, ხან და ხან კიდევ ამოკლეტავს ხოლმე — მაგრამ ეს ძლიერ ხშირი მოვლენა არ არის. შეუძლებელია ერის აღმოფხვრა, თუ მას ოდნავ მაინცა აქვს ეროვნული კულტურა და მრავალრიცხოვანია. შეუძლებელია ჩინელთა ეროვნების ასსიმილაცია, ან გაქლეტარაც თუ გინდ ღრმად შეითვისონ ჩინელებმა ევროპიული კულტურა, ჩინელი მაინც ჩინელად დაჩება, იგი ჩინურად გარდაქმნის უცხო მაღალ კულტურასა და კიდევ უფრო განამტკიცებს თავის ჩინელობასა.

საერთოდ, ორი რამ არის შესაძლებელი კაპიტალიზმის შემოსვლის ღროს, — ან სიკვდილი სოციალური ორგანიზმისა, ან ასსიმილაცია, შეთვისება კაპიტალისტური კულტურისა. პირველი შემთხვევა უფრო იშვიათია მეორეზედ. პირველი მაშინ ხდება, როდესაც ველურთა ან ძლიერ პატარა ერთა ცხოვრებაში შედის კაპიტალიზმი რომელიმე სახელმწიფოს ხელმძღვანელობით და ამ უკანასკნელს საკუთარი ინტერესით სურს მოსპოს დამონებული ხალხი, მეორე შემთხვევა კი რთული სოციალური პროცესია, წამბაძველობის რთული პროცესი, — როდესაც ერთი ერი სხვის კულტურას თავის სოციალურ წრეში გადმონერგავს ხოლმე და ამით უფრო განაძლიერებს და განამტკიცებს თავის ინდივიდუალობასა. ეს უკანასკნელი მოვლენა უფრო საგულისხმეოა და იმისი მაჩვენებელი, რომ წამბაძველობა და კერძოდ კაპიტალიზმის გავრცელება მთელს კაცობრიობაში კიდევ არ ნიშნავს ერთა მოსპობასა და ერთი საზოგადოების შექმნას, მთელის კაცობრიობისაგან შემდგარ ერთ საზოგადოების შექმნას.

მომავალ კოსმოპოლიტიზმს, მაშასადამე, საერთო ეკონომიურ მოწესრიგების მხრითაც არავითარი საფუძველი არა აქვს, — ღღეს ვერა ვხედავთ ამ



შაფუქელის შთანაჩენებასა. ეკონომიური განვითარება კაცობრიობის ნაწილთა ერთა, თვითოეულ ერის ინდივიდუალობის განვითარებისავე არა თმართული და არა ერთი საკაცობრიო ერის შექმნისავე.

ესევე ითქმის ყველა სხვა სოციალურ მოვლენაზედაც. შეუძლებელია სარწმუნოების გერთიანება. შეუძლებელია ერთი ენის შექმნა, რადგანაც თვითოეულ სარწმუნოებასა და თვითოეულ ენასაც აქვს მისწრაფება გავრცელებისადმი და თავის შენახვისადმი. ამით ენანი და სარწმუნოებანი ურთი-ერთს საზღვარს უდებენ. დღეს, მაგალითად, ქვეყნიერებაზედ ქრისტიანეთა რიცხვი არის 500.000.000, მათ შორის პროტესტანტი 200.000.000, კათოლიკე 145.000.000, მართლმადიდებელი 105.000.000, არა ქრისტიანი არის 1.000.000.000, მათ შორის ურია 8.000.000, მაჰმადიანი 180.000.000, ბუდისტი 500.000.000, ბრაჰმანი 200.000.000, წარმართი 112,000,000. როგორ შეიძლება მათი ერთ რჯულზედ დაყენება. როგორ შეიძლება 180.000.000 მაჰმადიანი, ან კიდევ ერთი მილიარდი არა ქრისტიანი გააქრისტიანო, ან 500.000.000 ქრისტიანი გაამაჰმადიანო, — თუ ვინდ იმ 8.000.000 ურიასაც გამოაცვლევინო რჯული რჯულთან ერთად კი ერს, ხალხს რჩება უდიდესი ნაწილი თავის ინდივიდუალობისა. — ეს კიდევ არაფერი, — რაც უფრო ვითარდება კულტურულად ერი, — მით უფრო იღვიძებს მასში შეგნება ინდივიდუალობისა და კერძოდ რელიგიური ინდივიდუალობისა. მაჰმადიანთა კულტურული თავისებურება ექვეს გარეშეა და იგი მით უფრო შეუღრეკელი იქმნება, რაც უფრო მეტად განვითარდება. შეიძლება მაჰმადიანობა შეიცვალოს, გაუქმობესდეს, — მაგრამ ამით კიდევ უფრო გააძლიერებს თავის ინდივიდუალობას, და არასოდეს არ დაქარაგავს მას. — ეს კიდევ რა, — თვითოეულ რჯულში არის შინაური განსხვავება და პროტესტანტობის ინდივიდუალობაც შეუღრეკელია, — იგი არასოდეს არ დაუბრუნდება კათოლიციზმს.

აგრეთვე ერთი ენის შექმნა უტოპიაა. ენათა რიცხვი კაცობრიობაში უთვალავია, და ვინ იცის, კიდევ განმრავლებიან ენები თუ შემცირდება მათი რიცხვი. არ ვიცი, რაზედ ამყარებენ თავიანთ არგუმენტს ზოგიერთები ენათა შემცირების შესახებ. როდის ანაგარიშეს წინად არსებულ ენათა რიცხვი და როდის შეადარეს აწ არსებულ ენათა რიცხვს, ან როგორი არის კანონი ენათა შემცირებისა, რა რეგულიარულ გზას მისდევს იგი დროთა ვითარებაში? — არავის არ მოუხდენია ასეთი გამოკვლევა და ორიოდ პატარა ენის მოსაობის გამო კანონად დასახვა საზოგადოდ ენათა შემცირებისა და ერთი ენის მომავალში გაჩენისა, — არა მეცნიერული და ბავშური მსჯელობაა. — პირიქით მთელი ლინგვისტიური მეცნიერება იმას გვიმტკიცებს, რომ დასაბამიდან აქამდის ენათა რიცხვი განმრავლებულა დიფფერენციაციით, როგორც სახეთა განვითარებას შეუქმნია უთვალავი მრავალფეროვანება მცენარეთა და ცხოველთა. არსებობს დღეს მთელი ჯგუფება სემიურ ენათა, არიულ ენათა, მონღოლურ ენათა, თურანულ ენათა, ათხანაირი სხვა ჯგუფები, რომელნიც ცოცხალ არიან, და შესაძლებელიც არის ამ ჯგუფთა საერთო ძირის გამოჩნება. ეს საერთო ძირი კი გვანჩვენებს, რომ ოდესმე ერთი ენა არსებულა ენათა მთელი ჯგუფის მაგივრად და მისგან წარმომდგარან მრავალფეროვნებანი ენათა. სხვას რომ თავი დაეანებოთ, თვით ევროპა გვაძლევს ასეთს მაგალითსა. წინანდელ ერთ ლათინურ ენისაგან წარმოსდგა და დღეს არსებობს ხუთი ლათინური ენა, თავისი დიალექტებითა და კილოებით. წინანდელ ერთ გერმანულ ენისაგან დღეს წარმოსდგა ხუთამდე გერმანული ენა ლიტერატურითა და თავისი დია-

ლექტებითა. სლავიანურ ენისაგან წარმოსდგა ექვსზედ მეტი სლავიანური ენა. ახალა ეს ენები თავის მხრით წარმოსდგებიან ერთ არიულ ენისაგან, რომელსაც ეკუთვნის ავროპიულ ენათა ჯგუფი. სხვა და სხვა გვარია მრავალი აზიური ჯგუფი ენათა თავიანთი მრავლის უმრავლეს დიალექტებიანად. მართალია ტარდის აზრიც, რომ განსაზღვრულ კონტინენტზედ კულტურის დამკვიდრების შემდეგ მუშავდება განსაზღვრული რაოდენობა ლიტერატურის ზემოთ ენათა, რომელნიც ჰქლავენ პატარ-პატარა ჯგუფთა ენებსა, მაგრამ ეს ენათა განქრობა კი არ არის, არამედ კონსოლიდაცია და შემუშავება ენათა, ეროვნულ ენათა. ამასთანავე ლიტერატურული ეროვნული ენა ვერა ჰქლავს ყოველთვის დიალექტებსა. დიალექტები სიცოცხლობენ ძლიერ ხშირად და ბოლოს და ბოლოს ლიტერატურის განვითარების სურვილიც ებადებათ. სულ სხვაა, როდესაც ერთი ეროვნული ენა მეორესა ჰქლავს. — ეს მოვლენაც იშვიათად არსებობს, მაგრამ საერთოდ ენათა შემცირების მოვლენას არც იგი ნიშნავს. როგორც არსებობის ბრძოლაში ერთი სახისაგან მეორეს მოსპობა არ ნიშნავს საერთოდ სახეთა რიცხვის შემცირებას. სამაგიეროდ, დამკვიდრებული ერთი ლიტერატურული ენა ისეთის ძალისა და სიძლიერის არის, რომ მას განუსაზღვრელი სურვილი აქვს თავის შენახვისა, რაიცა არ მოეპოვება პატარა ჯგუფთა ენას ეროვნულ ლიტერატურულ ენის კონსოლიდაციამდის. კაცობრიობა განმრავლების გზაზედ იდგა ენათა ვითარებაში და როგორც სხვა და სხვა რასები წარმოიშვა, ისე სხვა და სხვა ენები, და მსგავსად რასათა მრავალფეროვანებისა ენათა მრავალფეროვანებაც წარმოიშვა. შეიძლება სთქვან, რომ საზღვარი აქვს ამ მრავალფეროვანებასაო, მაგრამ ჯერ ამ საზღვარს ვერა ეხედავთ სრულიად. ჯერ ერთი იმიტომ, რომ ხალხთა შორის მეტის ერთობის გამო ესე თუ ის ხალხი არა ჰქრება, არამედ კიდევ მეტად ეღვიძება წყურვილი თავის შენახვისა, მამასადამე უწინარეს ყოვლისა ენის შენახვისა. მეორე, — თვით ოდესღაც მკვდარი ენები იღვიძებენ ახალ სიცოცხლისათვის, მწერლობასა ჰქმნიან, როგორც მაგალითად კელტური. აგრეთვე თვით ცოცხალ, ლიტერატურულ ენათა დიალექტებიც კი არსებობის უფლებას ეძებენ და მოიხვეჭენ კიდევ, როგორც პროვანსალურმა და მრავალმა სხვამ. — ან იქნებ იმის იმედი აქვს, რომ ძალით გაამეფებენ ერთს რომელიმე ენას ქვეყანაზედ? — ეს პირდაპირ აბსურდია. — დღეს ჩინურ ენაზედ და მის დიალექტებზედ ლაპარაკობს — 386.000.000-ზედ მეტი ადამიანი. ინდოეთის ენაზედ და მის დიალექტებზედ ლაპარაკობს 200.000.000-ზედ გაცილებით მეტი — მართო ეს არის საკმარისი, დაუსრულებელ მომავალშიაც რომ ვერ წარმოვიდგინოთ მათი გაინგლისება, ან გარუსება! — რამდენია ასეთი რასა, ენა: ელიტონ, სანამ შეეძლება, მანც ვერ გარდაქმნიან, — პირიქით, — მათგან უფრო უნდა მოვლოდნენ წალეკას ევროპელები. თვით ევროპაში 357.380.000 ადამიანია სხვა და სხვა ენაზედ მოლაპარაკე, რომელთაგანაც არც ერთი არ დასთმობს თავის ენას უკანასკნელ ხისხლის წვეთამდე, ისე აქვს განვითარებული ენის სიყვარული თვითთაულს ერსა. — ისიც წარმოვიდგინოთ, რომ ერთმანეთში აირივნენ აზიელები და ევროპელები. მაგრამ განა ერთი ენა გამოვა მათი აღრევისაგან? სრულიადაც არა. — ვინ იცის, როგორ შეიკვლება მაშინ კაცობრიობა; რამდენი ახალი ერი წარმოიშვება, რომელსაც თავიდან დასჭირდება ისტორიის დაწყება; რამდენი ახალი კულტურა, რამდენი ახალი ენა, — შეიძლება მეტიც, ეიდრე დღეს არის — წარმოიშვება, — მაგრამ ჩვენ სულ სხვა საგნის შე-

სახებ დავიწყეთ ლაპარაკი. ამხელ უფრო დაწვრილებით შემდეგ ვილაპარაკოთ.

ეგრედ წოდებულ ესპერანტოზედაც ამყარებენ ღიღ იქედებს, — საქვეყნო ენად შეიქმნებაო. მაგრამ ჭერ ერთი ესპერანტოს შესწავლა ერთს მეტს ენას ჰქმნის ქვეყანაზედ. — თუ დღეს  $n$  ენაა, ხვალ  $n+1$  იქმნება. — ეს უიქველია. მეორე, ესპერანტო საერთაშორისო განწყობილებათა გასაადვილებელი ენაა, და ერთია საერთაშორისო განწყობილების გაადვილება და სულ სხვაა ენის ორიგინალური შესისხლბორცება. საერთაშორისო განწყობილებაში სახმარი ენა და მთელს ხალხში, შინ სახმარი, ერთი და იგივე არ შეიძლება იყოს. წინა დღე ფრანგული ენა იხმარებოდა საერთაშორისოდ საპოლიტიკო ურთიერთობაში, მაგრამ მას თავის დღეში არ მოუპოვებია ისეთი გავლენა, რომ მთელი უცხო ერის ენის ადგილი დაეჭიროს. თუ ცოცხალმა ენამ ეს ვერ მოახერხა, — ვინ შესცვლის მოგონებულ ესპერანტოზედ თავის საშობლო ენასა? ან ინგლისურის გავრცელება განა ფრანგულისა, გერმანულისა, ან თუ კინდ ინდოეთის ენათა, ან ჩინურ ენის მოსპობას ნიშნავს? — ჰარულიადაც არა. მხოლოდ იმას ნიშნავს, — რომ ინგლისურსაც სწავლობს თავის ენის გარდა, ვისაც სჭირდება. მაგრამ მოვა დრო და შეიძლება თვით ინგლისელმა ან მისმა შთამომავალმა ისწავლოს ჩინური ან ინდოს ენა, ან მათგან წარმოშობილი ენა. ვინ იცის, ყოველისფერი მოსალოდნელია, ისე დილია „ფონდი კაცობრიობისა“ და მრავლად არის შესაძლებელი მისგან წარმოსაშობი ათასგვარი ცივილიზაცია, კულტურულ-ისტორიული ეპოქა...

როგორც რჯულსა და ენას, ისე ერთობ ეროვნულს, სოციალურ ინდივიდუალობას არ დაჰკარგავენ სხვა და სხვა კონკრეტული საზოგადოებანი კაცობრიობისა. პირიქით, კიდევაც მეტი მრავალფეროვანება წარმოიშვის. და ამ მხრით კოსმოპოლიტიზმი, ე. ი. ერთი საკაცობრიო საზოგადოება — აბსურდია და შეუძლებელი.

იგი სასურველიც არ არის.

მრავალფეროვანება სიცოცხლეა და ერთფეროვანება სიკვდილი, ამბობენ ხოლმე სიცოცხლის ღრმა მტოდნენი, და ეს ათასჯერ განმეორებული სიტყვა კვლავ ჰეშმარტებად რჩება. შეადგინეთ ერთი საზოგადოება აწ არსებულ მილიარდ ნახევარ ადამიანთაგან. და თქვენ გექნებათ ერთფეროვანი სოციალური ცხოვრება, მოსაწყენი და შემოქმედებას მოკლებული. როგორც ძლიერ მსგავსნი ინდივიდნი უფერულებას წარმოადგენენ, როგორც ერთად ერთს ინდივიდს არ შეუძლია შემოქმედება, ისე ძლიერ მსგავსნი საზოგადოებანიც უფერულ საზოგადოებრივ ცხოვრებას წარმოშობდნენ, ისე ერთადერთს საზოგადოებას ნაკლები შემოქმედების ნიჭი ექმნებოდა. მრავალი საზოგადოება, — მრავალი ინდივიდუალობა; მათი განსხვავებანი განსხვავებულ შემოქმედების წყარონი არიან, მაშასადამე უფრო მდიდარისა და საინტერესო სოციალურ ცხოვრებისა. ერთფეროვანი ბუნება — უდაბნოა, ერთფეროვანი ინდივიდები — აზარაობაა. მსგავსადვე ერთფეროვანი კაცობრიობა — სოციალური უდაბნო. მაგრამ, საბედნიეროდ, ის არც განსახორციელებელია და არც სასურველი, ვინაიდან იგი ნამდვილად არავის არა სურს. — არც ერთ სოციალურ ინდივიდსა. — ყველას აქვს შინაგანი ღრმა მისწრაფება თავის ინდივიდუალობის შენახვისა და განვითარებისა და ეს არის, სხვა ძალათა შორის,

ერთი უდიდესი ძალა, ერთფეროვანების წინააღმდეგ მიმართული და განმატკიცებელი მრავალფეროვანობისა.

ამგვარად, თავი უნდა ვანებოთ გეოპოლიტიკზმსა (კოსმოპოლიტიკზმსა), როგორც მომავალ იდეალს ერთად-ერთი საკაცობრიო საზოგადოების შექმნისას. ამ მხრით კაცობრიობა არა თუ ეხლა არ არსებობს, არამედ მომავალშიაც შეუძლებელია.

სოციალისტები ხშირად ინტერნაციონალიზმს ვერ არჩევენ ხოლმე კოსმოპოლიტიკზმისაგან, მაგრამ ეს, როგორც არა ესტეკით, დიდი შეცდომაა.

ინტერნაციონალიზმი პირდაპირ წინააღმდეგობაა კოსმოპოლიტიკზმისა. უკანასკნელი ერთფეროვანებაა, პირველი მრავალფეროვანებას წინასწარ იგულისხმებს. ინტერნაციონალიზმი ნიშნავს „საერთაშორისოს“, მაშასადამე პირდაპირ იგულისხმებს ერთა არსებობას. მომავალი სოციალისტური ინტერნაციონალიზმი ნიშნავს სოციალისტურ ერთა თავისუფალ კავშირს. მაშასადამე ერის ინდივიდუალობა არა ჰქრება; არამედ ამ ინდივიდუალობათა კავშირი ჰქმნის ახალ, უმაღლესს სოციალურ ცხოვრებას, ცხოვრებას საზოგადოებათა საზოგადოებისას.

ვერავითარი სოციალიზმი, ვერავითარი კლასსთა ბრძოლა ვერ სცვლის ასეთს მომავალს კაცობრიობისას. კლასსთა ბრძოლა თვით ერის შინაგან ცხოვრებაში ხდება, სოციალიზმი ერის შინაგან ცხოვრების ძირითადი გარდაქმნაა, ერი კი, როგორც ინდივიდი, არა კვდება, — იგი რჩება მხოლოდ გარდაქმნილის სახით; ამ გარდაქმნილ საზოგადოებათა შეერთებაა მხოლოდ შესაძლებელი, და არა სხვა და სხვა ერების ცალკე კლასსთა შეერთება და რაღაც უცნაური აღრევა მთელი კაცობრიობისა. კლასსთა შორის მხოლოდ სოლიდარობა შეიძლება, ხოლო სოციალური ერთობა ერთისა და იმავე ერის მოწინააღმდეგე კლასსთა შორის უფროა, რასაკვირველია, ვიდრე სხვა და სხვა ერის მსგავსს კლასსთა შორის, ვინაიდან მარტო შეურწმობა კი არ აერთებს საზოგადოებრივ ჯგუფთა, არამედ მთელი ორგანიზული სოციალური ცხოვრება, — ენა, რჯული, ზნე-ჩვეულება, ესთეტიური კულტურა, ისტორიული ტრადიციები, პოლიტიკა, საერთო რთული მიზანი და სხვა.

საერთაშორისო ცხოვრება — უმაღლესი სოციალური ცხოვრებაა, განვითარებული საზოგადოებათა საზოგადოების კავშირისა და ურთი ერთობის სფეროში. ამას მოწმობს თანამედროვე მომქმედი საერთაშორისო სამართალი. მომავალი საერთაშორისო სამართალი კიდევ უფრო განვითარებულ, თუ გნებავთ, სუპრა-სოციალურ ცხოვრებას გამოჰხატავს, ხოლო „კაცობრიობას“ ვერასოდეს ვერ შეადგენს, სანამ ერები სოციალურ ინდივიდებად დარჩებიან. ამ უკანასკნელთა გაქრობა კი არაფრით არ მტკიცდება ჯერ-ჯერობით.

მაგრამ ხშირად სოციალისტების შეცდომა, — მათი შემცდარი იდეალი მთელის კაცობრიობის ერთ სოციალისტურ საზოგადოებად გარდაქმნისა — მათს მეორე უდიდეს შეცდომას იწვევს: იგინი თანამედროვე, ცოცხალ ერის უფლებას უარპყოფენ, უსამართლო, კაცის-ჰამია შოვინიზმად წათლავენ ეროვნულ თავის დაცვასა და ამით თვით იმ „საერთაშორისო“ სამართალს უარპყოფენ, რომლის პატივის-მცემელნიც თითქოს ისინი პირველნი არიან.

ერის უფლება კი, პირიქით, პირველი საგანია საერთაშორისო სამართლისა, უიმისოდ ინტერნაციონალიზმი ეხლაც და მით უმეტეს შემდეგ პირდაპირი ფიქციაა, სიცრუეა, და ამაზედაც მოვილაპარაკოთ შემდეგ თავში.

ერის უფლება \*

I

ერის უფლება ღღესაც არ არის აღიარებული ისე, როგორც არის აღიარებული უფლება „ადამიანისა და მოქალაქისა“ ევროპისა და ამერიკის დაწინაურებულ ქვეყნებში. ეს კიდევ რა, თვით ერის არსებობის უფლებაც კი არ არის ნამდვილად აღიარებული, მიუხედავად ღღევანდელ საერთაშორისო სამართლისა, მაშინ როდესაც არსად, თვით დესპოტიურ სახელმწიფოებშიაც არ არის უარ-ყოფილი ინდივიდის არსებობის უფლება. აქედან სჩანს, თუ როგორ დაბლა სდგას საერთა-შორისო სამართალი საზოგადოებრივზე; საერთა-შორისო საზოგადოება უბრალო ეროვნულ საზოგადოებაზედ. მაშინ როდესაც ღღეს უბრალო ეროვნულ საზოგადოებაში არსებობს სამართალი, დამკველი ინდივიდისა, რაც თუ გინდ ცუდად ასრულებდეს სამართალი ამ ელემენტარულ ფუნქციას, საზოგადოებათა საზოგადოებაში, რომლის მომწესრიგებელიც არის საერთაშორისო სამართალი, ღღეს საერთო პრინციპად არ არის აღიარებული საზოგადოებათა დაცვა, ერის დაცვა, პირიქით. მისი უფლება ფეხქვეშ ითლება ყოველ ფეხის გადადგმაზე, თუმცა ყოველთვის ყოფილა საზოგადოებაში ისეთი ელემენტები, რომელსაც თეორიულადაც და საქმიანაც სწამდა ერის უფლება და აღიარებდა მასა.

მაშინ როდესაც უბრალო სამართალი, თეორიულად შინც, სუსტს იცავს ძლიერისაგან, საერთაშორისო სამართალი იცავს ძლიერს და მას ათურგენინებს სუსტსა. ამას გარდა თანამედროვე საერთა-შორისო სამართალი აღიარებს მხოლოდ სახელმწიფოთა უფლებას, და არა ერის უფლებას, რომელიც დათრგუნვილია სწორედ ამ სახელმწიფოთა მიერ. როგორც ვიცით, არ არის საერთა-შორისო სამართალი, არამედ სახელმწიფოთა შორისო სამართალი.

ეს უკანასკნელი ერებს არ იღებს თავის მფარველობის ქვეშ. თვით ფაქტი ერის არსებობისა ერს არა ხდის თანამედროვე საერთაშორისო სამართლისათვის უფლება-მოსილ სოციალურ ინდივიდად, როგორც უბრალო სამართალი უბრალო ინდივიდსა, არამედ ძალა, ომი, განთავისუფლება და დამარცხება ყოფილ პატრონისა. მხოლოდ ასეთის ძალის გამოჩენის შემდეგ იღებს საერთა-შორისო სამართალი ერს თავის სფეროში, — მხოლოდ მაშინ, როცა იგი გახდება სახელმწიფოდ.

ისიც ვიცით, რომ თვით ინტერნაციონალიზმი ისე აქვთ შეგნებული საუკეთესო მოაზრებებსა და მოწინავე სოციალისტ-ინტერნაციონალისტებსაც, რომ ყოველად შეუძლებელია ერის დაცვა მათის პრინციპებითა.

ისინი განიხილავენ ერს არა როგორც სოციალურ ორგანიზმსა, არამედ მხოლოდ როგორც კლასთაგან შემდგარ საზოგადოებრივ ქსოვილსა და ხედავენ მეტს კავშირს სხვა და სხვა ქვეყნის პროლეტართა შორის, ვიდრე ერთე ერის ყველა წევრთა-შორის. ისინი ამით უარ-ჰყოფენ ერს, როგორც ერთ ორგანიულ სინამდვილეს, და ამიტომაც მათ ჰგონიათ შესაძლებელი ან ერთი საკაცობრიო საზოგადოება, ან და კავშირი თანამედროვე დიდ სახელმწიფოთა-შორის, რომელნიც შინაგან-სოციალურად გარდაიქმნებიან. თუ ამ გარდაქმნაძღის ამ არსებულ სახელმწიფოებში მომწყვედულ ერთა არსებობის დაცვა

\* ეს თავი დამკველი იყო უფრო კარგად „ერში“ და „საქართველოს მომხმეში“, 1909 წ.

საერთაშორისო სამართლის უპირველესი საკითხია, — ეს მათ ან არა სწამთ, ან ძლიერ ცოტა ყურადღებას აქცევენ, ან და მხოლოდ იქ აქცევენ ყურადღებას, სადაც ერთა შორის ბრძოლა ძლიერ მწვავეა.

დღეს, მიუხედავად საერთაშორისო სამართლის უსრულობისა, მხოლოდ „აბირებენ“ ერის უფლებების აღიარებასა და რამდენი ტანჯვა განიცადეს ერებმა, რამდენი ბრძოლა, რამდენი დამპყრება და დევნა, სანამ ამ უბრალო პრინციპს აღიარებდნენ, — პრინციპს, რომელიც ისეთივე მარტივია და აუცილებელი უმაღლესი ზნეობის მხრით, როგორც პრინციპი ადამიანის პიროვნების თავისუფლებისა. განსაკუთრებით მთელი მეცხრამეტე საუკუნე იყო მოწამე ერთა საშინელისა და თავგანწირულის ბრძოლისა. მთელი აზროვნება ევროპისა თავის ერთ საგნად იხილდა ეროვნულ საკითხს მეცხრამეტე საუკუნეში. მეცხრამეტე საუკუნის ისტორია განა მართო დიდ სახელმწიფოთა შორის ბრძოლის ისტორია იყო, ან მართო სოციალურ ბრძოლისა საზოგადოებრივ კლასთა შორის, საზოგადოებათა შიგნით, — მეცხრამეტე საუკუნე შერყეული იყო ეროვნული ბრძოლითაც. ეს ერთი დიდი მხარე იყო ამ საკვირველი საუკუნისა, როდესაც ევროპიელმა მართლაც უდიდესი და ყოველ მხრივი გენიოსობა გამოიჩინა.

როგორც ცნობილია, შინაგან საზოგადოებრივ გარდაქმნის მხრით ორი უდიდესი რეფორმა განამტკიცეს საუკუნოდ მეცხრამეტე საუკუნეში და მეოცეს დასაწყისში. ერთი იყო ბატონ-ყმობის მოსპობა და მეორე პარლამენტარისმის, სახალხო წარმომადგენლობის დამკვიდრება. მართალია, ევროპის მთელი ისტორიის განმავლობაში, მსგავსად ყველა ისტორიულ ეპოქათა, იყო საშინელი და თავგანწირული ბრძოლა ამ წმინდა სოციალურ ნიადაგზედ, ხანდახან უფრო მეტსაც თხოულობდნენ და სცდილობდნენ განხორციელებინათ; მაგრამ მხოლოდ XIX საუკუნეში იყო სავსებით მოპოვებული ეს ორი აუცილებელი რეფორმა, სოციალურ სრულ სამართლიანობის განხორციელება კი ვინ იცის როდის ელირსება ევროპიელებსა და მით უმეტეს მთელს კაცობრიობას. რომ არ ჩავსთვალოთ ის საშინელი ბრძოლა, რომელიც საშუალო საუკუნეთა ქალაქებმა გასწიეს თავისუფლების მოპოვებისათვის, ძველ ბერძენთა „პოლისის“ მსგავს საზოგადოების შესაქმნელად, გლეხთა მოძრაობის მაგალითებითაც სავსეა ისტორია. ამ მოძრაობათ ნამდვილ ზალხურ რევოლუციითა ხასიათი ჰქონდათ. მეთოთხმეტე საუკუნის ბოლოში ბოჰემია აღსდგა ბატონ-ყმობის წინააღმდეგ. 1567—1580 წლ. პოლანდიაში იყო საშინელი რევოლუცია როგორც გარეგან თავისუფლებისათვის, ისე შინაგან რეფორმათათვის, ისე ბატონ-ყმობის წინააღმდეგ და კომმუნისმისათვის. ანაბატისტები იყვნენ მქადაგებელნი ამ მოძღვრებისა. 1648—1688 წლ. ინგლისა შერყეული ასეთი მოძრაობით, იქაც საბოლოოდ ისპობა ბატონყმობა და მყარდება წარმომადგენლობითი წყობილება. ბოლოს საფრანგეთში იწყება დიდი რევოლუცია 1789-93 წ., ისპობა ბატონ-ყმობა, ისპობა თვითმპყრობელობა მეფისა და ბიუროკრატიისა. ამ მოძრაობამ, როგორც ყველაზედ უფრო ძლიერმა, მეცხრამეტე საუკუნეს გადმოსცა მთელი თავისი ტრადიციები და მთელი ასის წლის განმავლობაში ყველა სცდილობდა მოეშორებინა თავიდან ეს ორი უუძმაბლესი მონობა, — ბატონ ყმობა და თვითმპყრობელობა.

ნაპოლეონის ჯარი თუმცა ქუსლით სთელავდა მთელი ევროპის მიწა-წყალსა, ბევრ ერს უთრგუნავდა თავისუფლებას, მაგრამ ეს ჯარი მანც რევოლუციის ცეცხლიდან იყო გამოსული და იღეა თავისუფლებისა, ძმობისა და თანასწორობისა მთელს ქვეყანას მოჰფინა. ესპანიაში და იტალიაში მოისპო

ბატონ-ყმობა ერთის მხრით სწორედ საფრანგეთთან დაახლოვებით და მის აზრ-  
თა ლელვის გავლენითა. გერმანიაში ბატონ-ყმობა შეირყა 1811 წელსა და  
სოფლიად მოისპო 1848 რევოლუციის წყალობითა. რუსეთმაც კი განათავის-  
სუფლა ყმები 1861--1863 წ., რადგანაც იძულებული იყო, — გლეხთა მუდმი-  
ვი აჯანყება შეიძლება დიდ რევოლუციონურ ცეცხლად ქცეულიყო. 1878  
წელს ბალკანეთშიაც კი მოისპო ბატონყმობა რუს-ოსმალის ომის შემდეგ.

აგრეთვე ყველა სახელმწიფოებში ვხედავთ მეცხრამეტე საუკუნის ბო-  
ლოს წარძომადგენლობით მთავრობასა. ინგლისის რევოლუციამ იგი საუკუ-  
ნოდ დაამკვიდრა, საფრანგეთის რევოლუციამ შექმნა საუკუნო ტრადიცია  
რესპუბლიკისა. მათა ბაძავდნენ ყველანი თავიანთ მოძრაობაში და შემოქმე-  
დებით ქუშაობაშიც.

მეოცე საუკუნეში რუსეთმა მოიპოვა რაღაც მსგავსი კონსტიტუციისა,  
როდესაც რევოლუციით შეშინებულმა მთავრობამ გამოსცა აქტი 17 ოქტომ-  
ბრისა 1905 წლისა. ოსმალეთმა დაიწყო რევოლუცია 1908 წელსა და 1909  
წელს ბრწყინვალედ დაამარცხა რეაქცია და დაამკვიდრა კონსტიტუცია.

ასეთივე მოძრაობა იწყება აზიის სახელმწიფოთა შორის. იაპონიამ ამ  
ოცდაათის წლის წინად მისცა ყველას მაგალითი, სპარსეთმა კი, ამ ღესპოტი-  
ის სამაგალითო მხარემ, — მანაც სძლია რეაქციას და დაამკვიდრა კონსტი-  
ტუცია ჩვენ თვალის წინ. იღვიძებს და ახლდება ჩინეთის უზარმაზარი იმ-  
პერიაც.

ეს იყო საზოგადო და უმთავრესი შედეგი მთელ საუკუნეთა, განსაკუთრე-  
ბით მეცხრამეტე საუკუნის სოციალურ ბრძოლისა, თუ არ შივილებთ მხედვე-  
ლობაში ათასგვარ წერილს სოციალურსა და პოლიტიკურს რეფორმებს, რო-  
მელიც განახორციელეს ევროპის სახელმწიფოებმა. მაგრამ შესაძებ მხარე ამ  
საერთო დიადი ბრძოლისა არის ერთა გარეგანი ბრძოლა, როგორც არა  
ესთქვით, და ეს უკანასკნელი მოვლენა შეიძლება კიდევ უფრო საყურადღე-  
ბოც იყოს, ვიდრე პირველი, მით უმეტეს, რომ უეჭველ ფაქტად შეგვიძლია  
აღვიაროთ, რომ ერს არავითარი სერიოზული შინაგანი სოციალური პროგ-  
რესის განხორციელება არ შეუძლია, თუ გარეგნულად არ არის განთავი-  
სუფლებული.

ერი, როგორც არა ერთხელ გვითქვამს, — ბუნებრივი, ცოცხალი სოცია-  
ლური ორგანიზმია, და თუ ეს ორგანიზმი სხვა ორგანიზმისაგან არის დამონე-  
ბული, შებოქცილი, მას ინიციატივისა და შემოქმედების გამოჩენა არ შეუძ-  
ლია. თავისუფალი ერი კი ყოველთვის უფრო შემოქმედელია, ისე როგორც მო-  
ნაზუდ მეტად თავისუფალი პიროვნება იჩენს ინიციატივასა და შემოქმედებას.

## II

მაგრამ როგორც პიროვნებასა აქვს გრძნობა და ინსტინქტი, სურვილი და  
შეუჩერებელი მისწრაფება თავის დაცვისა, ისე მთელს ერს აქვს ესევე ინს-  
ტინქტი და სურვილი, და ამით აიხსნება, რომ მიუხედავად მოპირდაპირე კლას-  
სთა ნივთიერ ინტერესთა წინააღმდეგობისა, მთელი ერი, განურჩევლად წო-  
დებისა და კლასისისა, იბრძვის გარეგან თავისუფლების მოსაპოვებლად. რომ  
უფრო მტკიცედ დასდგეს პროგრესისს გზაზედ. მეცხრამეტე საუკუნეშიაც ამ-  
ტომ ეროვნული საკითხი პირველ ალაგს იქვერს ხალხთა ცხოვრებაში, ამიტო-  
მაც არის შერყეული მთელი ევროპა ერთა მოძრაობითა, რომელიც ჭერაც არ  
დამთავრებულა და ვინ იცის როდის დამთავრდება. ევროპა კიდევ რა, — ილ-  
ვიძებენ როგორც პატარა, ისე მრავალ მილიონიანი აზიის ერები.

არას ვიტყვით იმ ძველ დროზედ, როდესაც ხალხთა შორის ერთობა ან დავა უფრო სჯულისა და სხვა მოვლენის ნიადაგზედ ვითარდებოდა, ვიდრე წმინდა ეროვნულ შეგნების ნიადაგზედ. თუმცა კი ჰეშმარიტებაა, რომ ყოველ ისტორიულ ეპოქაში, როცა ჩომელიმე ერი მიადწევდა ხოლმე განვითარებულ ინდივიდუალობასა და თვით შეგნებას, ყოველთვის სცდილობდა ან უფრო განემტკიცებინა თავისი ეროვნული შეგნება, მოქმედება და ძლიერება, ან და განათვისუფლებინა თავი სხვა ერის ბატონობისაგან, თუ იგი დაპყრობილი იყო და უცხო სთელავდა ფეხით მისს სამშობლო მიწა-წყალსა. პოლანდია საუკეთესო მაგალითია ასეთის განათვისუფლებისა; მან დააღწია თავი ესპანის იმპერიის ბატონობას და ისე გაძლიერდა, რომ თვითონ დააარსა ძლიერი სავაჭრო იმპერია მეთექვსმეტე საუკუნეში, — ისეთი ძლიერი, რომ მხოლოდ ინგლისს შეეძლო მისი მეტოქეობა და დამარცხება. მაგრამ მიუხედავად ამისა იგი მაინც თავისუფალი, ძლიერი, კულტურული და თავ-მოყვარე ერად დარჩა და დღესაც არის. მივუბრუნდეთ მეცხრამეტე საუკუნეს.

ნაპოლეონის ომებმა ისე არივ-დარია ევროპის პოლიტიკური რუჟა, ნაპოლეონის წადილი მთელი ქვეყნის დამორჩილებისა ისეთი ძლიერი იყო და თითქოს ადვილად აღსასრულებელი მისი სამხედრო გენიოსობის წყალობით, რომ ერთა თავისუფლებას კი არა, სახელმწიფოებსაც ბოლო ეღებოდათ. ევროპა დაემორჩილა ნაპოლეონს, რომელსაც არა სწამდა არც ერების თავისუფლება და არც სახელმწიფოთა უფლებანი. — მას მხოლოდ თავისი საკუთარი და საფრანგეთის ჰეგემონია სწყუროდა, და არ იცოდა, რომ ეს მეცხრამეტე საუკუნეში შეუძლებელი იყო. ვერავითარი გენიოსობა ერთი ადამიანისა, ვერავითარი ჰიძლიერე ერთი სახელმწიფოსი ვერ ათქმევინებდა უარს ვერც სახელმწიფოებსა და ვერც ერებს თავიანთ თავისუფლებაზედა და უფლებებზედ.

ყოველისფერს საზღვარი აქვს და ნაპოლეონის ბატონობასაც დაედვა საზღვარი. მთელი ევროპა შეერთდა მასთან საბრძოლველად, რომ ბოლო მოეღო ამ საშინელი ძალის თარეშისათვის, რომ მშვიდობიანობა დაემკვიდრებინა არეულ-დარეულ ევროპაში, აღედგინა უფლებანი გალახულ სახელმწიფოთა. ხოლო, რასაკვირველია, მოკავშირე სახელმწიფოებს ფიქრადაც არ მოსვლიათ საზოგადოდ ერის უფლებათა წამოყენება. პირიქით, — ნაპოლეონის ბატონობის მოსპობის შემდეგ თვითონვე უარ-ჰყვეს ერთა უფლებანი და აღიარეს თავიანთი სახელმწიფოებრივნი, სდევნიდნენ კიდევ თავისუფლებისათვის მებრძოლ ერებსა. ამ უკანასკნელმა თვითონვე წამოაყენეს თავიანთი უფლებანი. — მაგრამ ერთის ბატონობის მოსპობის სურვილი სახელმწიფოთა მხრივ მაინც გამოჩენა იყო სხვა და სხვა. დიდ ერთა უფლებისა, რომელიც შელახეს ფრანგებმა და ნაპოლეონმა.

შომონის ზელ-შეკრულობაში, 1814 წ. 1 მარტს, როდესაც ავსტრიამ, ინგლისმა, პრუსიამ და რუსეთმა გადასწყვიტეს საერთო ძალით ეომნათ საფრანგეთთან, — პირდაპირ სწერია: „სახელმწიფონი ურთი-ერთს პირობას უდებენ, თუ საფრანგეთმა არ მიიღო პირობანი მშვიდობიანობისა, თხმარონ ყოველივე საშუალება საერთო ძალით და თანხმობით ომის განსაგრძობად, რომ როგორც თავიანთთვის, ისე მთელი ევროპისათვის მოიპოვონ საყოველთაო მშვიდობიანობა, რომელმაც მფარველობა უნდა გაუწიოს ყველა ერის თავისუფლებასა“.

ამგვარად დაიბადა ევროპის თანხმობა, „კონცერტი“, რომელიც შემდეგ მეტტერნიხმა განამტკიცა ვენის კონგრესზედ 1815 წ., მაგრამ, მიუხედავად იმისა, რომ ამ კონცერტმა პირველადვე აღიარა „თავისუფლება ყველა ერისა“ საერთო მშვიდობიანობის მფარველობის ქვეშ მას არა სწამდა ნამდვილად ერის



თავისუფლება, არამედ თავისუფლება და ხელ-უხლებლობა სახელმწიფოთა. ისიც დიდ სახელმწიფოთა. მალე ეს ბატონობა კონცერტისა ისეთ რეაქციონურ ძალად გადაიქცა, ისეთ უარ-ყოფელად ერთა უფლებისა და დამოუკიდებლობისა, აგრეთვე ისეთ მტრად ყოველ შინაგან რევოლუციისა, რომ მთელი ევროპა გრძნობდა მის სუსხს ნაპოლეონის ბატონობაზედ უფრო ჰყვავედ.

ირლანდია ისევ იხუთებოდა ინგლისის კლანჭებში, პოლონეთი განაწილებული იყო და ეს დიდი კულტურული ერი, ერთად-ერთი მთელ სლავიანებში, სამ ბატონობას განიცდიდა ერთის მაგიერ. ოსმალეთი ძლიერი იყო, იგი არც საერთაშორისო სამართლის სფეროში შედიოდა, და ბატონობდა განუსაზღვრელად, მხეცურად ბალკანეთის სლავიანებზედ, ბერძნებზედ, რუმინელებზედ, ეგვიპტეზედ და სხვებზედ. ესპანიის მონარხია ამერიკის კოლონიებს, უკვე დაზარდილ და დამთავრებულ ერებს, ჰხუთავდა. მონობაც არ მოსპობილიყო ჯერ, — ამერიკაში შავ-კანიანების ყიდვა-გაყიდვა მონებად ძვალსა და რბილში გამჭადარი ჩვეულება იყო. უნგრეთი ავსტრიის ბატონობას განიცდიდა, განაწილებული და დაქსაქსული იტალია აგრეთვე უცხოელთა ქუშალით ითელებოდა, გერმანია არ იყო შეერთებული, და სხვა.

აი, ამ ერთა ბრძოლის მაგალითებით არის სავსე მთელი მეცხრამეტე საუკუნე, ეს ბრძოლაა ერთი დიდი მხარე მისი ისტორიისა. ეს არის ბრძოლა ერთა ერის უფლებებისა დიდ სახელმწიფოთა და მათ უფლებათა წინააღმდეგ.

უპირველეს ყოვლისა ესპანიის კოლონიების ემანსიპაცია დაიწყო. ჩრდილო-ამერიკელებმა უკვე გაინთავისუფლეს თავი ინგლისის ბატონობისაგან და დაიარსეს თავიანთი რესპუბლიკა, — ჯერი ეხლა სამხრეთ ამერიკელებზედ იყო მიმდგარი.

ესპანიის მონარხია ისედაც დასუსტებული იყო განსაკუთრებით ინგლისის მეტოქეობით ვაჭრობაში და კოლონიზაციაში. ნაპოლეონის შესევემ კიდევ უფრო დაასუსტა იგი და მთელი ენერჯია ამ შემოსეულ მტრისაგან განთავისუფლებას უნდებოდა.

ამერიკის კოლონიებიც უკვე გაიზარდნენ. ადგილობრივ მცხოვრებლებთან შერევით. მათ თითქმის ახალი ტიპის ერები შექმნეს. დრომაც მათმა განთავისუფლებისამ მოაღწია და პირველად 1810 წელში ბუენოს-აირესში, კარაქასში და მექსიკაში დაიწყო ნამდვილი აჯანყება. აქედან იწყება აჯანყება მთელ სამხრეთ ამერიკისა, სადაც ვინ იცის რა დღეებითა და რა იდეალის სახელით არ იწყებოდა რევოლუცია, მაგრამ ბოლოს დროს ყველას გაიტაცებდა ხოლმე ერთი დიდი აზრი, — სრული ჩამოშორება ესპანიის მონარხიისაგან და დაარსება საკუთარ სახელმწიფოთა. ამ მოძრაობიდან გამოვიდა თანამედროვე რესპუბლიკები სამხრეთ ამერიკისა.

აჯანყდა მექსიკა, კვიტო, კარაქასი. არგენტინის რევოლუციონერებს უკვე რამოდენიმე წლის შემდეგ მთელი არგენტინის ტერიტორია ხელში ეჭირათ და ესპანელების ბატონობა მოსპეს. ამ რევოლუციათა გმირი იყო ბოლივარა. რომელმაც რამოდენიმეჯერ დაამარცხა ესპანელები, შევიდა კარაქასში 1813 წელს. მან ბევრ ბრძოლაში მიიღო მონაწილეობა, ბევრჯერ დამარცხდა ხოლმე, მაგრამ გულს არ იტეხდა. ბოლოს, 1816 წელს, ვენესუელაში მონებიც კი ააჯანყა, დაპირდა რა მონობის მოსპობასა. აქედან იღებს ეს მოძრაობა ნამდვილ რევოლუციონურ ხასიათს; რევოლუცია უკვე მოსდებოდა სამხრეთ ამერიკის ყველა ქვეყნებს, — ჩილის, გრენადის მთებსა, ეკვადორსა, პერუს და სხვა მხარეებს, სადაც ბოლივარი თავისებურ გმირობას იჩენდა

1824 წელს, სამხრეთი ამერიკა უკვე თავისუფალი იყო. პანამაში კონგრესიც კი გაიმართა ბოლივართა ახალ რესპუბლიკათა შესაერთებლად, მაგრამ შეერთება შეუძლებელი შეიქმნა. დარჩნენ დამოუკიდებელი რესპუბლიკები, რომლებიც შემდეგ მიიღო საერთაშორისო სამართალმა თავის მფარველობის ქვეშ, როგორც დამოუკიდებელი სახელმწიფოები.

ამავე დროს პორტუგალელებისგან განთავისუფლდა ბრაზილია, რომელმაც რეგენტი ღონ-პედრო ბრანცელი იმპერატორად აირჩია 1822 წელს. შემდეგ ბრაზილიაშიაც გაუქმდა მონარხია და მიიღო რესპუბლიკის ფორმა მზგავსად დანარჩენ ამერიკელ რესპუბლიკათა.

ვენის კონგრესსზედ 1815 წელს ბერძნებმა თხოვნით მიმართეს დიპლომატებს, მიეღოთ საბერძნეთი სახელმწიფოთა მფარველობის ქვეშ, მაგრამ ყურადღება არ მიაქციეს. თავის-თავის იმედიდა დარჩათ ბერძნებს. ოსმალელ ფაშებისაგან განადგურებული იყო მთელი საბერძნეთი. მთელი საბერძნეთის მიწებით სულ ოსმალები სარგებლობდნენ. ბერძენი ნამდვილი მონა იყო ოსმალისი. — 1821 წელს პირველი ცდა იყო ბერძენთა აჯანყებისა რუმინიაში ალექსანდრე იპსილანტის მეთაურობით. მაგრამ რუმინიაში ეს აჯანყება დამარცხდა. მორეიაში დაიწყო აჯანყება. ბერძნებმა მოსპეს ოსმალეთის ფლოტი. აიღეს ათინა 1821 წელს. მიოლისი, მავროკორდატო და სხვა გმირები თავგანწირულად იბრძოდნენ. 1825 წ. იბრაჰიმ ფაშამ მთელი მორეია გაანადგურა, მაგრამ ბერძენთა გმირობამ და თავგანწირულობამ, აგრეთვე ოსმალეთის სიძულვილმა აიძულა ევროპა მიშველებოდა პატარა ერსა. მათ მოაშორეს ბერძნებს თავიდან ოსმალები, გაანადგურეს რა იბრაჰიმ ფაშის ფლოტი ფრანგებმა, ინგლისელებმა და რუსებმა 1827 წელს. ოსმალეთმა 1829 წელს უკვე აღიარა საბერძნეთის დამოუკიდებლობა.

ამავე დროს, 1830 წელს პოლონეთში იწყება აჯანყება, იმარჯვებენ რუსებზედ, მაგრამ 1831 წელს პოლონეთი სრულიად მარცხდება და ხდება მსხვერპლად გამარჯვებულთა საშინელ შურის ძიებისა. აქ გამოჩნდა, თუ როგორ აღიარებდა „ყველა ერის უფლებას“ ერთი იმ დიდ სახელმწიფოთაგანი, რომელთაც „კონცერტი“ დააარსეს 1814-15 წლ.

ეს თითქოს ნიშანი იყო ევროპის ერთა აჯანყებისა სწორედ იმ დიდ სახელმწიფოთა წინააღმდეგ, რომელნიც ქაღალდზედ აღიარებდნენ ყველა ერის თანასწორობასა და თავისუფლებას, ნამდვილად კი ტერორით და ხალხებს უბრალო საჩუქრებსავეთ ანაწილებდნენ და საზოგადოებათა შიგნით ამტკიცებდნენ იმ რეაქციონურ ტანტს, რომლის დამფუძნებელიც მეტტერნიხი იყო.

იტალიამ მახვილი აიღო. დაიწყო აჯანყება მილანში, ბოლონიაში და სხვა ქალაქებში 1831 წელს. თვით პარიზშიაც რევოლუცია იყო.

ამავე დროს ეგვიპტელები სცილობდნენ განთავისუფლებას. მეჰმედ ალი ამარცხებს ოსმალებს 1832 წელს და 1839 წ., ეგვიპტეც ბოლოს თავისუფლდება. შემდეგ საერთაშორისო სამართალი მხოლოდ სულთანის სუვერენიტეტს აღიარებს ეგვიპტეზედ.

იტალიაში ისევ გრძელდება ბრძოლა. მაძინი საუკეთესო გმირია ამ ეროვნულ რევოლუციისა. 1843—45 წელს მთელი იტალია აჯანყების ცეცხლშია გახვეული. 1848 წ. მილანის აჯანყებაა. ნეაპოლელები და ტოსკანელები კონსტიტუციას პოულობენ ბრძოლით.

1848 წლის რევოლუციამ მთელი ევროპა შეანძრია. საფრანგეთში მას რესპუბლიკანური და ბოლოს სოციალისტური ხასიათი ჰქონდა, გერმანიაში

დემოკრატიული და ეროვნული. აქედან იწყება გერმანიის ეროვნული გაერთიანება. თვით პრუსიაში დემოკრატია იმარჯვებს. იმპერატორი ძველი იმპერიისა შეშინებული გარბის. შესდგა ფრანკფურტის პარლამენტი, სედილობენ მთელი გერმანიის ერთი შეაერთონ, ერთი, რომელსაც კქონდა ერთობა ტერიტორიალურ-გეოგრაფიული, კულტურული, სულიერი, მხოლოდ პოლიტიკური ერთობა აკლდა. 1849 წელს პრუსიის მეფეს გერმანიის იმპერატორად ირჩევნ, მაგრამ უარს ამბობს.

ამავე დროს სლავიანებიც იღვიძებენ. 1848 წელს პრაგაში ჩეხები სდგებიან, პრუსიაში პოლონელები სხვა. სლავიანები უნგრელების წინააღმდეგ იბრძვიან. ამით სარგებლობს ავსტრია უნგრელების დასამარცხებლად და ამარცხებს მათ კიდევ. 1849 წელს რუსეთი ეხმარება ავსტრიელებს უნგრეთის წინააღმდეგ და შეერთებული ძალით ამარცხებენ მას. აქ შეორედ გამოიჩინეს რუსეთმა და ავსტრიამ, კონცერტის წევრებმა, თუ როგორ ესმოდათ მათ „ერთა თავისუფლება“. — უნგრეთი ბოლოს და ბოლოს მინც დამოუკიდებლად რჩება, ავსტრიასთან სწორი უფლებით მოსილი.

იტალიაში ისევ ბრძოლა; მილანი ამარცხებს ავსტრიელებს, მაგრამ ავსტრიელი ლენერალი რადეკი ისევ იჭერს მილანს. სხვაგან იფეთქებს სამაგიეროდ რევოლუცია, — ფლორენციაში. 1849 წელს თვით რომში აცხადებენ რესპუბლიკას, მაგრამ ფრანგები ეხმარებიან პაპს და იჭერენ რომსა.

მთელი ევროპა ამგვარად ბრძოლის ცეცხლშია გახვეული.

საფრანგეთი იბრძვის რესპუბლიკისათვის და სოციალიზმისათვის, გერმანია ეროვნულ გაერთიანებისათვის და დემოკრატიისათვის, იტალია, უნგრეთი, პოლონეთი და სხვანი ეროვნულ დამოუკიდებლობისათვის და ერთობისათვის. განსაკუთრებით ეს ეროვნული ბრძოლა ასულდგმულებს ევროპის ხალხებს. ევროპის კონცერტიკ უღონოა ამ საერთო მოძრაობის წინაშე. თუ წინად ამ კონცერტის სულის ჩამდგმელი რეაქციონერები განთავისუფლებულ ამერიკის რესპუბლიკების კვლავ დამონებას სედილობდნენ, ესპანიის მონარქიის ფერხთა ქვეშე მათ ხელახლა გათელვასა, ეხლა თვით ევროპაშიაც ველარ იმორჩილებენ აჯანყებულ ხალხებს. გაბათილდა მათი პრინციპი — როგორც ეხლა არიან სახელმწიფონი და მათი ტერიტორიები, ისე უნდა დარჩნენ უკუნიითი უკუნისამდე, — ეს არის ჩვენი მიზანიო! ნაცვლად ამისა ევროპის პოლიტიკური რუკა მთლად ერთიანად იცვლებოდა.

მაგრამ ერთი რამ ნაკლი ემჩნეოდა ყველა ერს, რომელიც ეტრფოდა თავისუფლებასა და დამოუკიდებლობას: მხოლოდ თავისთვის სწადდათ თავისუფლება, მათთვის კი, ვინც ამ განთავისუფლებულ ერთა საზღვრებში რჩებოდნენ, — სხვა ერთათვის, — ეს თავისუფლება არა სწამდათ. პოლონეთი რუსინებს მონებსავით უყურებდა და ეხლაც უყურებს, გერმანელი დანელის და პოლონელის უფლებას პატივს არა სცემდა, უნგრელი სლავიანებს ვერ ეპყრობოდა სიმპატიურად. ეს იმას ამტკიცებს, რომ თუმცა ეროვნულმა იდეამ გაიღვიძა, თუმცა ერის უფლება აღიარებული იყო, მაგრამ სავსებით ჯერ კიდევ არა, ჯერ კიდევ ვერ მიეღწიათ ერთა ნამდვილ სწორუფლებიანობის იდეამდის. თვით ინტერნაციონალის დაარსების დროსაც კი ვერ აღიარეს სავსებით ეს ნამდვილი უფლება ერისა და ვერც შეიგნეს ეროვნული იდეა სინამდვილითა და სისწორითა.

1850—60 წლები ისე გავიდნენ, რომ ეს დაწყებული დიდი ბრძოლა არ დამთავრებულა, რეაქციის სუსხი ძლიერი იყო. არც გერმანია და არც იტალია არ იყო ჯერ გაერთიანებული. საფრანგეთში ნაპოლეონ მესამემ რესპუბ-

ლიკა დათრგუნა და იმპერია გამოაცხადა 1853 წელს. 1854-55 წლ. ინგლისი და საფრანგეთი რუსეთს ამარცხებენ და 1856 წელს კი ინგლისი ჩინეთს ეომება, რომ თავისი ეკონომიური ბატონობა განამტკიცოს უცხო ერის ნიადაგზედ.

1859 წელს ისევ იწყება ბრძოლა თავისუფლებისათვის, — ბრძოლა მონაზანგების განსათავისუფლებლად. 1860 წლიდან ევროპაშიაც ახალის ძალით აფეთქებს ბრძოლა ერთა თავისუფლებისათვის.

საფრანგეთის ცლა მონების განთავისუფლებისათვის მოხდა 1792 წელს. დანელებისა — 1803 წელს. შემდეგ ინგლისმა განათავისუფლა მონები 1808 წელს. მთავრობამ აკრძალა ამერიკის პლანტაციებისათვის ზანგების გაყიდვა. 1833 წელს გამოსცა საყოველთაო აქტი მონათა განთავისუფლებისა. ამ მაგალითის სხვა ევროპიელმა სახელმწიფოებმაც მიჰბაძეს, ამერიკის სამხრეთ შტატებში კი ჩაებოდა ისევ მონობა.

1848 წელს აფრიკაში განთავისუფლებული ზანგების რესპუბლიკა ლიბერიაც კი დაარსდა, რომელიც დამოუკიდებლად აღიარეს ყველა სახელმწიფოებმა ამერიკის გარდა, ისეთი ზიზღი ჰქონდა ამ უკანასკნელს მონებისადმი, და აბა საკუთარ მონებს როგორ გაანთავისუფლებდა.

მაგრამ მთელი ქვეყანა აჯანყდა ზანგების მონობის წინააღმდეგ. აღელდა ევროპიელთა აზრი, ჩრდილო შტატების აზრიც, — იქ გადასახლებულ ევროპიელთა, რომელთაც თავისუფალი მუშაობა უნდოდათ, და არა მონური შრომა და მასთან კონკურენცია. 1859 წელს თავისუფალი ამერიკელი ჯონ ბრაუნის თავისი შვილებითა და მეგობრებით აჯანყდა, მაგრამ ზანგებმა მას დიდი დახმარება ვერ გაუწიეს; იგი დამარცხდა და ჩამოხრჩობილ იქმნა გამარჯვებულთაგან.

1861 წელს უკვე მომწიფებული იყო საზოგადოებრივი აზრი ომისათვის, მტრობამ ჩრდილო და სამხრეთ შტატთა შორის იმატა, და მათ პირდაპირ ომი გამოუცხადეს ერთმანეთსა. ჯერ სამხრეთელები სჯობნიდნენ, მაგრამ ბრძოლამ ოთხ წელიწადს გასტანა, 1865 წლამდის, და ჩრდილოეთელები გამოვიდნენ გამარჯვებულნი — ამ ბრძოლიდან: ზანგები განათავისუფლეს. თვით შეერთებული შტატები გაერთიანდნენ ამ ბრძოლის შემდეგ. მთელი ამერიკაც დამოუკიდებელი შეიქმნა ევროპისაგან. პრეზიდენტ მონროეს 1823 წლის განცხადება, — ამერიიდან ამერიკა დამოუკიდებელია ევროპისაგანაო, გაპართლდა.

ამავე დროს იტალია განაგრძობს ბრძოლასა. გარიბალდი პირველი ეროვნული გმირია. 1860 წელს იგი იპყრობს ორივე სიცილიას.

1863 წელს კვლავ სდგება პოლონეთი, მაგრამ მალე საშინლად მარცხდება რუსეთისაგან და კვლავ ხდება შეუბრალებელი შურისძიების მსხვერპლი.

გერმანია და იტალია თითქმის ერთსა და იმავე მდგომარეობაში იყვნენ გაერთიანების სურვილის მხრით. ამისათვის მათ მოაწყვეს კავშირი, რომ ორი სახელმწიფო, რომელიც მათ ხელს უშლიდა, დაემარცხებინათ. ეს ორი სახელმწიფო იყო ავსტრია და საფრანგეთი. ავსტრიას მათ ომი გამოუცხადეს 1860 წელს. პრუსსიამ ავსტრია საშინლად დაამარცხა. ამის შემდეგ თავის თავად ხდება გაერთიანება გერმანიისა. შემდეგ პრუსსია ამარცხებს საფრანგეთს 1870 წელს, ამით სარგებლობს იტალია და შედის სატანტრო ქალაქ რომში. საიდანაც მალე გადის საფრანგეთის ქარი. ამის შემდეგ იტალიის გაერთიანებაც ბუნებრივად მოხდა და დაარსდა ევროპაში ორი დიდი სახელმწიფო, თანამედროვე გერმანიის იმპერია და იტალიის სამეფო, რომელიც შემდეგ დიდ სახელმწიფოთა რიცხვებში შევიდა. — სრული გაერთიანება მაინც არ რგებიათ წილად იტალიელებსა და გერმანელებს: უკანასკნელებს აკლიათ ავსტრიელი გერმანე-

ლები, პირველებსაც ავსტრიის იტალიელები. დროთა ვითარებაში ალბად ესენი ათვიანთ ბუნებრივ სახელმწიფოებს დაუბრუნდებიან.

ამასთან ერთად ვითარდება ევროპაში მისწრაფება შინაგან საზოგადოებრივ გარდაქმნისადმი. 1864 წელს არსდება ინტერნაციონალი, ანუ საერთაშორისო კავშირი მუშათა, რომ სოციალიზმის წესზედ გარდაქმნას მთელი წარმოება და განაწილება სიმდიდრისა ყველა ერებმა. როდესაც პარიზს ალყა შემოარტყეს პრუსიელებმა, პარიზელები თვითონ იცავდნენ სატახტო ქალაქსა და სამშობლოს, დამარცხებული მთავრობა კი გაიქცა. 1871 წ. 18 მარტს ცხადდება პარიზის კომუნა, მაგრამ ფრანგებივე იბრძვიან მის წინააღმდეგ. ტიერის მთავრობა ამარცხებს კომუნას. ისპანიაში 1873 წელს ფედერალისტური მოძრაობაა. რესპუბლიკას აცხადებენ, მაგრამ მარცხდებიან. საფრანგეთში კი, მიუხედავად კომუნის საშინელი დამარცხებისა და პარიზში 30,000 ადამიანის გაყლუტისა, ცხადდება მესამე რესპუბლიკა 1875 წელს.

როგორც ინტერნაციონალი, ისე მთელი მოძრაობა, რომელიც შეკავშირებულია მასთან, პრინციპიალურად მაინც ორი სახისაა: თუ ერთის მხრით ხალხები იბრძვიან შინაგან თავისუფლების მოსაპოვებლად, მეორეს მხრით ერთა უფლება, როგორც სწორ-უფლებიან ინდივიდთა, თუმცა აღიარებული არ არის, — მაგრამ მაინც უურადლებას აქცევენ დაჩაგრულ ერებს, როგორც მაგალითად იტალიელებსა, პოლონელებსა და სხვათა. ბაკუნინის მოქმედება გამომხატველია ამ ორკოფი მდგომარეობისა. პირველი მიზანი ინტერნაციონალისა მაინც სოციალიზმი და არა ეროვნება.

დასასრულ, არც ბალკანეთის სლავიანებსა და რუმინებს ეძინათ. ისინი მუდამ ებრძოდნენ ოსმალებსა. 1875 წელს სერბები აჯანყდნენ პერტეგოვინაში. 1876 წელს ნამდვილი ომია სერბებსა და ოსმალებს შორის. რუსეთი ომს უცხადებს ოსმალებს 1877 წელს. ამით სარგებლობენ სერბები, ბოლგარები, რუმინები. რუსეთი ამარცხებს ოსმალებს და 1878 წ. სანსტეფანოში ზავი ჩამოვარდება. იმავე წელს შეიკრიბება ბერლინის კონგრესი, რომელიც ძლიერ ასხვაფერებს ზავის პირობას, მაგრამ მაინც ანთავისუფლებს სერბიასა, ბოლგარიასა, რუმინიასა, აგრეთვე სომხებს აძლევს გარანტიას ოსმალებისაგან ელექტის წინააღმდეგ, თუმცა ეს დაპირება არასოდეს არ ყოფილა ოსმალთაგან აღსრულებული.

აზიის ერებიც იღვიძებენ ამ ბოლო დროს. ჯერ ინდოეთის ხალხებმა აიძალდა ხმა თავის უფლებათა დასაცველად ინგლისის წინააღმდეგ. 1857 წელს აღსდგნენ სიპაები. თუმცა ინგლისელებმა სისხლში ჩაახრჩვეს ეს აჯანყება, მაგრამ ინდოეთში, ამ ინგლისელ ვაჭართაგან დაპყრობილ ქვეყანაში, რომელიც შემდეგ იმპერიის საუკეთესო კუთვნილებად შეიქმნა, დაიბადა ეროვნული პატრიოტიზმი, შემეფართებელი ინდოეთის ყველა ხალხისა საერთო მტრის — ინგლისისა და ერთობ ევროპის წინააღმდეგ. მას შემდეგ ეს პატრიოტიზმი იზრდება. ინდოეთის ინტელიგენცია მთელს თავის ძალ-ღონეს ახმარებს პატრიოტულ გრძნობის გაღვიძებას 220 მილიონ ინდოს ხალხში, და ასეთ მრავალრიცხოვან ერს რასაკვირველია იმედი უნდა ჰქონდეს მომავალი თავისუფლებისა. მისი განთავისუფლება მხოლოდ დროის საკითხია და დამოკიდებული ხალხის მეტ შეგნებისაგან და მის პატრიოტულ გრძნობის განვითარებისაგან. კერზონის სიკვდილი უკვე კეთილი მახარობელია ამ მოვლენისა ინდოელებისათვის.

ჩინეთი ისე აღარ ემორჩილება ევროპასა, როგორც ეს მეცხრამეტე საუკუნის მეორე ნახევარში იყო და განსაკუთრებით ამ უკანასკნელ ათი წლის

განმავლობაში; განახლებულ იაპონიასთან ერთად და მისი ხელ-მძღვანელობით იგი ემზადება საშინელი ბრძოლისათვის, რომელმაც უნდა გადასწყვიტოს მისი ნამდვილი დამოუკიდებლობა და შეიძლება მთელი აზიისაც. იაპონიამ უკვე პირველი ნაბიჯი გადაადგმევინა აზიას ასეთის დამოუკიდებლობისაკენ რუსეთის დამარცხებით, მალე გამოჩნდება აზიაშიც აზიელი მონროე, რომელიც განაცხადებს — აზია ევროპის სახელმწიფოთა საომარი და საყვედფი ქვეყანა აღარ არისო, და ევროპაც იძულებული იქმნება დამორჩილოს ამ „განცხადებას“. — სპარსეთის განახლებული ცხოვრებაც ვინ იცის სად ნახავს მოკავშირე ძალას რომ უცხოთა თარეშ ბოლო მოუღოს თავის ტერრიტორიაზედ. განახლებული ოსმალეთი სპობს სხვა სახელმწიფოთა უფლებებს თავის ქვეყანაში, მეორე მხრით კი ყოველი ერი, ოსმალეთში მცხოვრები, აფრიალებს დროშას ეროვნულ ავტონომიისას, და ოსმალეთიც იძულებულია დაუთმოს მას.

აფრიკაშიაც კი იჩენს ხოლმე თავს ხან და ხან მისწრაფება დამოუკიდებლობისადმი. იქაური ერებიც რაღაც ჩოჩქოლში არიან, თუმცა ჯერ ცალ-ცალკე; მაგრამ საუბედუროდ შორს არის ის დრო, როდესაც ისინი ამერიკელებსავე მოესწრებიან მთელი კონტინენტის დამოუკიდებლობის უფლების აღიარებას მთელი ქვეყნის მხრითა, ან ეროვნულ თვით-შეგნებასა და ერთობის გრძნობას, როგორც ეს აზიაში იწყება.

ავსტრალია თითქმის დამოუკიდებელია. იგი ფლოტსაც კი იჩენს ვითომც მეტროპოლიის დაცვის მიზნითაც, მაგრამ ჯერ ერთი სამხრეთ ამერიკაშიაც კი დიიწყო მოძრაობა „ეკლესიისათვის“ და „მეფე ფერდინანდისათვის“, რომელიც ამერიკის კოლონიების ჩამოშორებით გათავდა, — მეორე, ავსტრალიისათვის და ინგლისის სხვა კოლონიებისათვის მხოლოდ ერთი ნაბიჯია საჭირო, რომ საერთაშორისო სამართალმა იგინი თავის სფეროში მიიღოს. თუ ამ ნაბიჯს არა სდგამენ, — ეს მათი შიშითა და სისუსტით არ აიხსნება, — არ ესაჭიროებათ დღევანდელ პირობებში. ხოლო მდიდარნი და ძლიერნი იმდენად არიან, რომ ყოველთვის შეუძლიან წარმოადგინონ ცალკე დამოუკიდებელნი სახელმწიფონი. მონროეს პრინციპიც იქ ჯერ თუ სავსებით არ ბატონობს, მათი ავტონომია თითქმის იმავე პრინციპს აღიარებს და ფორმალურადაც მისი აღიარება, როგორც არა ვსთქვით, მათთვის საძნელო არ არის.

აზიის ერთა შორის ჩვენა ვართ, შეიძლება, ყველაზედ უძღურნი — კავკასიელები და კერძოდ ქართველები. ჩვენ, ქართველებმა გადავეციით ჩვენი თავი რუსეთს ხელშეკრულებით 1783 წელს და ამით მთელი კავკასია მივეციით მას ხელში. აქედან განავითარა რუსეთმა თავისი გავლენა სპარსეთზედა და აქედან დაამარცხა ოსმალეთი. მაგრამ შემდეგ არც ჩვენ გამოვმდგარვართ სრულიად ლაჩრები. ქართველობა მთელი მეცხრამეტე საუკუნის განმავლობაში ღელავდა. აჯანყება მთიულეთისა, კახეთისა, იმერეთისა, გურიისა, აფხაზეთისა, ქიზიყისა, მთელი სამოცი წლის განმავლობაში ბრძოლა კავკასიის მთის მცხოვრებთა, რომელსაც ერთი ერი — ჩერქეზებისა — მთლად შეეწირა მსხვერპლად, — იმასა მოწმობს, რომ ჩვენცა გვქონია გრძნობა ჩვენ უფლებათა დაცვისა. განსაკუთრებით ქართველებსა გვაქვს კანონიერი უფლებაც ავტონომიური ცხოვრებისა, რომლის გარანტიაც ჩვენმა რუსეთთან ხელ-შეკრულებამ მოგვცა. საერთაშორისო სამართალი ჩვენს სასარგებლოდ უნდა ლაპარაკობდეს, თუ მას რაიმე მნიშვნელობა აქვს პატარა ერთათვის.

როგორც ამბობენ გამოჩენილი მკვლევარნი საერთაშორისო სამართლისა, უმთავრესად ევროპის გენიოსობამ დაჰბადა დიადი. იდეა საერთაშორისო სამართლისა მეცამეტე საუკუნეში, როდესაც ევროპაში ვაჭრობა და მრეწველობა უკვე საკმაოდ იყო გაძლიერებული, საჭირო შეიქმნა ათასნაირი ხელშეკრულება სხვა და სხვა დიდსა და პატარა საზოგადოებათა შორის. მაგრამ ამ დროს თანამედროვე სახელმწიფო არ არსებობდა და არც ერები იყვნენ შეერთებულნი. მთელი ევროპა საუკუნეთა განმავლობაში ომებში ხარჭავდა აუარებელ ძალას. პაპისა და იმპერიის ორი უდიდესი ძალა იყო უმთავრესი. მმართველი მთელი ევროპისა. შემდეგ, როცა განვითარდნენ ხალხთა შორის დამოკიდებულებანი უცხო ქვეყანათა აღმოჩენისა და მრავალ-გვარ ნეცნიერულ აღმოჩენათა და გამოგონებათა წყალობით, საერთაშორისო სამართალმა უფრო რთული ხასიათი მიიღო, მაგრამ მაინც ძლიერ შეზღუდული იყო რაოდენობა: იმ სახელმწიფოთა, რომელნიც შეადგენდნენ სახელმწიფოთა საზოგადოებას, აგრეთვე ერებს არა ჰქონდათ იურიდიული პიროვნება, არამედ დიდ მონარქიებსა და ერთა იმ პატარა ნაწილებს, რომლებსაც განსაკუთრებულ სავაჭრო ან სამრეწველო ძლიერების წყალობით რგებოდათ დამოუკიდებლობა. მიუხედავად ამისა, ევროპის საზოგადოებათა წარმომადგენელნი მაინც იყარებოდნენ ხოლმე, რომ საერთო მშვიდობიანობის წესები შეემუშავებინათ, უკვე იბადებოდა აზრი ერთი ევროპისა საერთაშორისო სამართლის მხრით. პავალითად, ნიშეგის კონგრესსზედ 1675 წელს მონაწილეობას იღებდნენ საფრანგეთი, იმპერია, ესპანია, შვეიცია, შეერთებული პროვინციები, დანია, და ჩამოდენი მე სხვა. ბრაუნშვეიგის კონგრესსზედ 1697 წელს იყვნენ: შვეიცია, შეერთებული პროვინციები, იმპერია, დანია. უტრახტის კონგრესსზედ 1717 წელს იყვნენ საფრანგეთი, ინგლისი, შეერთებული პროვინციები, პორტუგალია, პრუსია, პოლონეთი და სხვანი. ახენის კონგრესსზედ 1784 წ. იყვნენ: ინგლისი, იმპერია, ესპანია, სარდინია, შეერთებული პროვინციები, ვენუის რესპუბლიკა და მოდენის სამთავრო. აქედანა სჩანს, თვით მეთვრამეტე საუკუნეში რა შეზღუდული ყოფილა რიცხვი საერთაშორისო სამართლის ქვეშევრდომთა. ამას გარდა ასეთი კრებები სრულიად შემთხვევით ხდებოდნენ ხოლმე, ამასთანავე დიდ სახელმწიფოებში, როგორც ესპანიაში და „იმპერიაში“, ათასი სხვა ერი იყო ძალით პყრობილი. ისინი ერთვულ უფლებას მოკლებულნი იყვნენ.

საერთაშორისო სამართლის განვითარება სხვათა შორის ერთა უფლებათათვის ბრძოლამ გამოიწვია, მისცა მას დაახლოვებით თანამედროვე საერთაშორისო სამართლის ხასიათი, გააფართოვა მისი გავლენის სფერო, გაამრავლა რიცხვი მის საგანთა, აგრეთვე, სავსებით რასაკვირველია არა, მაგრამ ცოტად მაინც აღიარებია მას უფლება ერისა, და არა მარტო სახელმწიფოსი, რომელშიაც შესაძლებელია მრავალი ერი შედიოდეს. ეს პროცესი ერთა უფლების აღიარებისა სახელმწიფოთა უფლების ნაცვლად ჯერ არა თუ არ დამთავრებულა, ოდნავ არის მხოლოდ დაწყებული, მაგრამ იმედი უნდა ვიქონიოთ, რომ ბოლოს და ბოლოს იგიც განვითარდება და დამთავრდება ბუნებრივის წესითა. ერთა ბრძოლისა და სახელმწიფოთაგან ძალით განთავისუფლების შემდეგ, საერთაშორისო სამართლის მიერ მათი შიღება და მათი თავისუფლების დაკონონება — პირველი მაჩვენებელია ამისა.

უმთავრესი პირობა, რომ საერთაშორისო სამართალმა მიიღოს თავის

სფეროში რომელიმე ერი, რომელიმე სახელმწიფო, რასაკვირველია თვით ამ ერის მიერ თავისუფლებისა და დამოუკიდებლობის მოპოვებაა. მხოლოდ ამ შემთხვევაში სცემს პატივს იგი ერსა და სახელმწიფოთა საზოგადოების სწორუფლებიან წევრად აღიარებას.

1776 წლიდან ამერიკის შეერთებული შტატები აცხადებენ თავიანთ დამოუკიდებლობას ინგლისის მეფისაგან, და აღიარებენ თავიანთ თავისუფლებას იქონიონ სავაჭრო ხელ-შეკრულებანი ვისთანაც სურსთ. 1778 წელს ისინი საფრანგეთთან სდებენ ასეთ ხელ-შეკრულებასა. 1782 წელს ივინი სდებენ ხელ-შეკრულებებს შეერთებულ პროვინციებთან, 1783 წ. შვეციასთან. ამავე წელს შეერთებული შტატები მშვიდობიანობის ხელ-შეკრულებასა სდებენ ინგლისთან. ერთი წლის შემდეგ თვით ინგლისი უკვე სრულიად აღიარებს შტატებს დამოუკიდებელ სახელმწიფოებად. აქედან იწყება მათი მონაწილეობა საერთაშორისო ცხოვრებაში. მარტო მათი განთავისუფლება და ხელ-შეკრულებანი რამდენად ართულებენ თვით საერთაშორისო სამართალსა და წინა სწევენ მისი მოქმედების სფეროსა, — ეს ცხადია, მაგრამ ეს წმინდა იურიდიული საკითხია და აქ არ გვაინტერესებს. სამხრეთ ამერიკის კოლონიები რაც განთავისუფლდნენ, მაშინვე დაიწყო აღიარება სახელმწიფოთა მიერ მათის დამოუკიდებლობისა. 1823 წელს შეერთებულ შტატების პრეზიდენტმა ჯემს მონროემ პირდაპირ განაცხადა, რომ სამხრეთ ამერიკის კოლონიები უკვე დამოუკიდებელნი სახელმწიფონი არიან და თუ ევროპის რომელიმე სახელმწიფომ ხელი შეახო მათ უფლებას, ეს პირდაპირ თვით შეერთებულ შტატებისათვის ომის გამოცხადებას ნიშნავსო. 1824 წლიდან იწყება ხელ შეკრულებანი ამ ახალ სახელმწიფოთა შეერთებულ შტატებთანა. პირველი ხელ-შეკრულება დაიდვა 13 ოქტომბერს 1824 წელს კოლომბიასა და შეერთებულ შტატებს შორის, შემდეგ ყველა დანარჩენ რესპუბლიკებთან. 1823 წელს ინგლისის მთავრობამ აღიარა ამერიკის რესპუბლიკები დამოუკიდებელ სახელმწიფოებად. 1824 წ. კი პირდაპირ აღიარა, — გართულდნენ დამოკიდებულებანი ჩვენსა და მათ შორის და საჭიროა ყონსულთა დანიშვნაო. მალე სხვა სახელმწიფოებმაც აღიარეს მათი დამოუკიდებლობა და დასწერეს ხელ-შეკრულებანი. ისპანიამ 1829 წელს აღიარა მათი დამოუკიდებლობა. პრეზიდენტ მონროემ ამასთანავე პირდაპირ განაცხადა 1823 წელს, რომ ამიერიდან მთელი ამერიკა დამოუკიდებელი უნდა იყოს ევროპისაგან, იგი ევროპის საკოლონიზაციო ადგილი აღარ იქმნება, არამედ კრებული დამოუკიდებელ სახელმწიფოთაო. ამას ეწოდება მონროეს დოქტრინა. ამგვარად მოპოვებულ იქმნა უფლება მთელი კონტინენტისა, გართულდნენ საერთაშორისო დამოკიდებულებანი ახალ სახელმწიფოთა შორის, გადიდდა რიცხვი სწორ-უფლებიან ერთა დიდ საერთაშორისო საზოგადოებათა საზოგადოებაში.

რომ ძლიერ არ გაგრძელდეს ჩვენი მოთხრობა, ჩამოვთვალოთ სახელმწიფოები, რომელნიც შევიდნენ განთავისუფლების შემდეგ საერთაშორისო ურთი ერთ დამოკიდებულებაში. საბერძნეთი 1830 წელს აღიარეს სახელმწიფოებმა სრულიად დამოუკიდებლად ლონდონის კონფერენციისაზედ. 1831 წელს გაიყო სრულიად ბელგია პოლლანდიისაგან და აღიარებულ იქმნა დამოუკიდებელ სახელმწიფოდ; უკვე 1830 წელს ბელგიის დროებითმა მთავრობამ გამოაცხადა ბრიუსელში დამოუკიდებელი ბელგიის არსებობა. სახელმწიფოებმა იგი აღიარეს სრულ დამოუკიდებელ სახელმწიფოდ და საერთაშორისო საზოგადოების წევრად — სენ-დომინგომ თავი გაინთავისუფლა საფრანგეთისაგან 1804 წელს, მაგრამ მხოლოდ 1825 წელს იყო იგი აღიარებული დამოუ-



კიდებელ სახელმწიფოდ. — „ლიბერის“ რესპუბლიკა აღიარა დამოუკიდებლად ყველამ 1848 წელს, გარდა შეერთებულ შტატებისა, მაგრამ მათაც მოიღბეს ბოლოს გული და 1862 წელს მათ შორისაც პირველი ხელ-შეკრულება დაიდვა.

ოსმალეთთან კერძო ხელ-შეკრულებანი წინადაც ჰქონდათ ხოლმე ევროპის სახელმწიფოებს, თუმცა ძველი საერთაშორისო სამართალი მართო ქრისტიანებს განიხილავდა თავის საგნად, და არა „უსჯულოებს“. მისი მიზანი — „საქრისტიანოს“ მოწესრიგება იყო. 1853 წლიდან ასეთი ხელ შეკრულებანი მრავლდებოდა, — ოსმალეთს თითქმის ყველასთან აქვს რაიმე პირობა და ხელ-შეკრულება. 1856 წელს კი, პარიზის კონგრესსზედ, ოსმალეთი ოფიციალურად პირდაპირ შედის საერთაშორისო სამართლის სფეროში, და ისიც იმიტომ, რომ ბალკანეთის დაჩაგრულ ერთა მუდმივი მოძრაობა, საბერძნეთის განთავისუფლება და განუწყვეტელი ომი რუსეთთან, რომელიც საერთაშორისო სამართლის სფეროში თვითონ მხოლოდ მეთვრამეტე საუკუნეში შევიდა, აიძულებდა ევროპას მუდმივ ჩარეოდნენ ხოლმე ოსმალეთის საქმეებში და ბოლოს და ბოლოს ისიც დაემორჩილებინათ საერთაშორისო სამართლის საზოგადო წესებისათვის.

ოსმალეთის მიღებამ საერთაშორისო სამართლის სფეროში კიდევ უფრო გაართულა საერთაშორისო დამოკიდებულებანი და ეს გაართულებანი მაშინ გამოჩნდა, როდესაც ოტტომანის იმპერიაში არსებულ ერთა უფლების საკითხი დაყენებულ იქმნა ბერლინის კონგრესზედ 1878 წელს.

1861 წელს სარდინიის მეფე იტალიის მეფედ ხდება, სარდინიას უერთდებიან ყველა იტალიის პროვინციები ვენეციასა და რომს გარდა. ევროპის სახელმწიფოებმა და ამერიკამ აღიარეს ახალი სახელმწიფო იტალიისა. როდესაც კი იგი გაერთიანდა სრულიად 1870 წელს, იტალია დიდ სახელმწიფოთა კონცერტში, როგორც მეექვსე დიდი სახელმწიფო. ახალმა სახელმწიფომ ახალი ხელ-შეკრულებანი დასდვა სახელმწიფოებთან, ამასთანავე სარდინიის ხელ-შეკრულებანი ძალაში რჩებოდნენ და მთელი სამეფოსათვის სავალდებულონი იყვნენ. სამართლისა და მთელი ევროპის პოლიტიკის მხრით იტალიის ერის განთავისუფლება, გაერთიანება და საერთაშორისო სამართლის სფეროში მთლიანად შესვლა ერთი უდიდესი ფაქტია მეცხრამეტე საუკუნის ისტორიისა.

ბერლინის კონგრესსზედ მიიღეს საერთაშორისო სამართლის სფეროში სერბია, ჩერნოგორია, რუმინია და ბოლგარია, თუმცა ძლიერ შეზღუდული უფლებებით. მაგრამ მათ უფლებათა აღიარება, როგორც დამოუკიდებელ სახელმწიფოთა, მაინც დიდი ნაბიჯი იყო საზოგადოდ ერის უფლების აღიარებისაკენ. მხოლოდ მას შემდეგ გაძლიერდნენ ეს დამონებული და გავლურებული ხალხები; რუმინიამ, სერბიამ და ჩერნოგორიამაც კი დამოუკიდებელ სამეფოთა უფლება მოიპოვეს, ხოლო ბოლგარია ჩვენ თვალწინ ძლიერ და დამოუკიდებელ სამეფოდ იქცა 1908 წელს.

აზიის ერებსაც, როგორც მაგალითად ჩინეთსა და იაპონიას, ძველ დროიდანვე ჰქონდათ მრავალი ხელ-შეკრულებანი სხვა და სხვა სახელმწიფოებთან, ხოლო მეცხრამეტე საუკუნის ბოლოში ისინიც შევიდნენ სრულიად საერთაშორისო სამართლის სფეროში და შემდეგ შეიძლება უდიდესი როლიც ითამაშონ საერთაშორისო პოლიტიკაში.

ეს კიდევ რა, — საერთაშორისო სამართალს მიზანი აქვს მთელი კაცობრიობა შეიყვანოს თავის სფეროში; 1885 წელს, ბერლინის კონფერენციასზედ,

სადაც კონგოს დამოუკიდებლობა აღიარეს, პირდაპირ იყო წამოყენებული ამერიკელ ჯონ კასონისაგან პრინციპი ველურთა ტერიტორიის დაჭერის წინააღმდეგ, თუ თვით ადგილობრივნი მცხოვრებნი წინდაწინვე არ განაცხადებდნენ ამაზედ თანხმობას.

არ ჩამოვთვლით იმ აუარებელ მაგალითს, რომლითაც სავსეა მეცხრამეტე საუკუნის საერთაშორისო სამართლის ისტორია, თუ როგორ იღებდა იგი თავის სფეროში განთავისუფლებულ სახელმწიფოებს, ერებს, როგორა სკდობლობდა ცოტათი მაინც დაეცვა ერის უფლება. ეს მაგალითები მხოლოდ იმიტომ მოიყვანეთ, რომ გვეჩვენებინა, თუ რამდენი ვაება გამოუვლიათ ერებს, რამდენი დრო გასულა, სანამ ბოლოს და ბოლოს მათი არსებობის უფლებას აღიარებდა საერთაშორისო სამართალი. აგრეთვე როგორი პროგრესი განუხორციელებია საერთაშორისო სამართალს კაცობრიობის ორგანიზაციაში, რომლის მისწრაფებაც სწორედ ის არის, რომ თვითოეულ რასას, ერს მიენიჭოს დამოუკიდებლობა. მართალია, თანამედროვე საერთაშორისო სამართალი არ არის საერთაშორისო, არამედ სახელმწიფოთა შორისო, მაგრამ იმასთან შედარებით, რაც წინად იყო, — შედარებით ძველ იმპერიასთან, ძველ ესპანიის მონარქიასთან, ძველ ინგლისთან და საფრანგეთთან, ძველ ოსმალეთთან და ავსტრიასთან, — თანამედროვე საერთაშორისო სამართალი გაცილებით უფრო ბუნებრივად დანაწილებულ კაცობრიობას განაგებს. ეს პროცესი საერთაშორისო სამართლის ნამდვილ საერთაშორისო სამართლად გადაქცევისა არ დამთავრებულა, იგი ჯერ ახალია, მეცხრამეტე საუკუნის საქმე, და მომავალში თუ დამთავრდება მხოლოდ ეს დიადი საქმე კაცობრიობის ბუნებრივი ორგანიზაციისა. ნამდვილ საერთაშორისო სამართლის მეფობის პირობა — ერთთავისუფლებაა, მამასადამე დიდ იმპერიათა დაშლა. უნდა განთავისუფლდნენ, ევროპაში მაგალითად, პოლონეთი, ავსტრიის სლავიანები, ირლანდია, — ესენი უკვე აღგანან ამ აუცილებელ გზას, — და როდესაც საერთაშორისო სამართალი მათ მიიღებს თავის სფეროში, საზოგადოებათა საზოგადოებას ახალი წევრები მიემატება. — რასაკვირველია, ზოგი ერი განთავისუფლების გზაზეა, ზოგის ზრდა ჯერ არ დამთავრებულა კაცობრიობის სხვა და სხვა კუთხეებში; ვინ იციან რომელი რასა როგორ გამოვა ისტორიის ასპარეზზედ და რამდენს ერს შექმნის, მაგრამ რაც უნდა მოხდეს და როგორც უნდა იყოს ცვლილება რასათა და მთელი კაცობრიობისა, სახელმწიფოთა-შორისო სამართალმა მაინც უნდა მიიღოს ფორმა ნამდვილ საერთაშორისო სამართლისა, და ეს იქმნება პირველი მაჩვენებელი როგორც საზოგადოდ წმინდა და მართალ სამართლის გამეფებისა, ისე მთელი კაცობრიობის ორგანიზაციისა. მეცხრამეტე საუკუნემ ამ მხრით დიდი ნაწიჯი წარსტვა წინ ბევრი ერის განთავისუფლებით, და თუ უწინ, მეჩვიდმეტე და მეთვრამეტე საუკუნოებში, საერთაშორისო კონგრესებზედ რამოდენიმე ევროპის სახელმწიფო ესწრებოდა, — ისიც ისეთი სახელმწიფოები, რომელთაც მრავალი ერი ძალით ჰყავდათ დამონებული, უუფლებოდ, — დღეს საერთაშორისო კონგრესებზედ მონაწილეობას იღებს ევროპის 22 სახელმწიფო, 21 სახელმწიფო ამერიკისა, ხუთიოდე აზიისა, რამოდენიმე აფრიკისა. მართალია, დღეს კიდევ უარყოფაა სახელმწიფოთა-შორისო სამართალი საერთაშორისო სამართლისა მით, რომ ერის უფლებას არ აღიარებს, როგორც აუცილებელ პრინციპს, მაგრამ თანამედროვე სახელმწიფოთა შორის არიან ისეთებიც, სადაც ერი და სახელმწიფო თითქმის ერთი და იგივეა; ეს ერები განთავისუფლებულან და ისე მიუღია იგინი საერთაშორისო

სამართალსა, და მომავალში, იმედი უნდა გვქონდეს, რომ ერის უფლებას აღიარებს საერთაშორისო სამართალი უფრო ძლიერად, უფრო მკაფიოდ, უფრო ნათლად. საერთაშორისო სამართლის განხორციელებამდის ჯერ, რასაკვირველია, შორს არის, მაგრამ მის ნამდვილ პრინციპთა აღიარებამდის მგონი შორს არ უნდა იყოს საზოგადოებრივი აზრი მაინც.

უკვე ზემოხსენებული პროგრესი ერთა განთავისუფლებისა კბალებს — თუ ერთა შორის არა, სახელმწიფოთა შორის მაინც სრული თანასწორობის იდეას, და ვნახოთ რას ამბობენ თანამედროვე მეცნიერნი საერთაშორისო სამართლისა ამ თანასწორობის შესახებ.

#### IV

საერთა-შორისო სამართალმა უპირველეს ყოვლისა თავის ნამდვილ საგანს, — სახელმწიფოს მიაქცია ყურადღება და არა ერს, რომელიც პრინციპიალურად არცა ყოფილა მისი საგანი, ჯერ არ არის და მხოლოდ შემდეგ უნდა მოველოდეთ საერთაშორისო სამართლის მიერ მის ნამდვილ და ბუნებრივ საგნად აღიარებას. მაგრამ საერთაშორისო სამართლის იდეამ მაინც დიდი ნაბიჯი წარსდგა წინ სახელმწიფოთა თანასწორობის აღიარებით. წავიდა ის დრო, როდესაც ეს თანასწორობა წარმოუდგენელი იყო. ეხლა, თუ ნამდვილად არა, პრინციპიალურად მაინც აღიარებულია ეს თანასწორობა საზოგადოებათა საზოგადოების ყველა წევრისა, საერთაშორისო სამართლის მეცნიერების მიერ. მაგრამ წინად და ეხლაც ბევრს ურთი-ერთისაგან ვერ გაურჩევია სახელმწიფო და ერი და სახელმწიფოთა თანასწორობის მივიჯრად ერთა თანასწორობაზედ ლაპარაკობენ მეცნიერები. ეს დიდი შეცდომაა, როგორც არა ერთხელ ვსთქვიით. ამ არევე-დარევეს ხელი შეუწყო ჯერ ერთი იმ გარემოებამ, რომ თეორიულად არ იყო კარგად გარჩეული ცნება ერისა სახელმწიფოს ცნებისაგან, მეორე იმან, რომ განთავისუფლებული ერები ჯერ სახელმწიფოს ფორმასღებულობდნენ და მხოლოდ მერე იღებდა ხოლმე მათ საერთაშორისო სამართალი თავის სფეროში. საერთაშორისო სამართალი მხოლოდ სახელმწიფოს სცნობდა იურიდიულ პირად, და არა ერს, და რადგანაც ყოველ სახელმწიფოში რომელიმე ერთ გაბატონებულ ერს ეძლევა უპირატესობა და მთელს სახელმწიფოსაც მისი სახელი ჰქვია, ამიტომაც, მაგალითად, რუსეთის ან ინგლისის ერის უფლებებზედა ლაპარაკობს საერთაშორისო სამართალი, და არა ინგლისისა და რუსეთის სახელმწიფოებისაზედ, თუმცა გულისხმობს ყოველთვის რუსეთსა ან ინგლისის სახელმწიფოს. თითქოს რუსეთის ან ინგლისის სახელმწიფო ერთი ერისაგან შესდგებოდეს, და არა მრავალ ერისაგან, რომელთა უფლება შემდეგ უნდა დაიცვას საერთაშორისო სამართალმა სწორედ რუსეთისა და ინგლისის სახელმწიფოთა წინააღმდეგ.

ჩვენ შემდეგ დავინახავთ, რომ ლიტერატურაში ასეთი აღრევა სახელმწიფოსა და ერის ცნებისა არ გამოკპარეიოთ და პირდაპირ იყო დაყენებული საკითხი, — რა უნდა გაეხადა საერთაშორისო სამართალს თავის საგნად, — ერი თუ სახელმწიფო. მაშინ, რასაკვირველია, იმ მეცნიერებმა, რომელნიც მომქმედ სამართლის ნიადაგზედ იდგნენ, სახელმწიფო აღიარეს საერთაშორისო სამართლის საგნად, და პირდაპირ სთქვეს, — ერი უსახელმწიფოდ ვერც კი წარმოგვიდგენიაო, — იმ მეცნიერებმა კი, რომელნიც იდგნენ წმინდა სამართლიანობისა და თანასწორობის ნიადაგზედ, ერი აღიარეს საერთაშორისო სამართლის საგნად; საერთაშორისო სამართალი მათთვის არა მარტო არსებულ

საზოგადოებათა საზოგადოების (სახელმწიფოთა საზოგადოების) მომწესრიგებელი უნდა ყოფილიყო, არამედ გაფართოვებულ იდეალთა მქონე უზენაესი სამართალი, რომელსაც პრინციპიალურად უნდა აღიარებინა ერთა თავისუფლება და თანასწორობა, რადგანაც ერის იდეა იყო ელემენტარული და ბუნებრივი, სახელმწიფოს იდეა კი — იდეა წარმომდგარი ამ ელემენტარულ იდეისაგან. ეს უკვე ნამდვილი ნაბიჯი იყო ერის უფლების აღიარებისაკენ.

ესლა კი ვნახოთ, როგორ მოისპო მეტწიერთა იდეაში მაინც ღესპოტიზმი დიდ სახელმწიფოთა და იურიდიული მხრით მაინც როგორ იქმნა აღიარებული ყველა სახელმწიფოს თანასწორობა; ეს მით უფრო საინტერესოა, რომ მეცხრამეტე საუკუნის განმავლობაში განთავისუფლებულ ერთა შორის ბევრი ისეთი იყო, რომელთაც მართალია სახელმწიფო დააარსეს და მხოლოდ ამით მიეცათ უფლება საერთაშორისო სამართლისაგან დამოუკიდებლად აღიარებისა, მაგრამ მათი სახელმწიფო სხვა ერებს არა სჩაგრავედა და თითქმის ერთი და იგივე გამოვიდა მათი ერი და სახელმწიფო. ხან და ხან კიდევ აკლდა სხვის ხელში დარჩენილი ეროვნული ელემენტი ახლად დაარსებულ ეროვნულ სახელმწიფოსა, როგორც მაგალითად იტალიასა, სერბიასა და სხვ. — ამ მხრით რამოდენიმედ ერთა თანასწორობის აღიარებას უდრის სახელმწიფოთა თანასწორობის აღიარება.

ჩამოთვალეთ უმთავრესი „აქტორები“ დავინახსოვროთ მხოლოდ, რომ სადაც ისინი სიტყვა ერსა ხმარობენ, იქ სახელმწიფო უნდა ვიგულისხმოთ. ეს იმიტომ არის საჭირო, რომ, განვიმეორებთ, ერი და სახელმწიფო ერთი და იგივე არ არის, და, მაშასადამე, სახელმწიფოთა თანასწორობის აღიარება კიდევ არ ნიშნავს ერთა თანასწორობის აღიარებას.

ძველ აქტორთა შორისაც იყო აზრი სახელმწიფოთა თანასწორობისა.

ქრისტიან ღე ვოლფი 1749 წელს თავის *Jus gentium scientifica pertractatum*-ში ამბობდა: „ბუნებით ყველა ერი თანასწორია. ერები თავისუფალ პიროვნებათა კვანან, ბუნებითი წესით მცხოვრებთ. ბუნებამ ყველა ადამიანი თანასწორად გააჩინა, ამ გვარადვე ყველა ერი თანასწორია“. — 1758 წელს, ვოლფის მოწაფე ემერ ღე ვატრელი სწერდა თავის *Droit des gens*-ში: „რადგანაც ადამიანები ბუნებით თანასწორნი არიან, და რადგანაც მათი უფლებანი და ვალდებულებანიც თანასწორნი არიან, როგორც აგრეთვე ბუნებითნი, — ერებიც, რომლებიც შესდგებიან ადამიანთაგან და რომელნიც უნდა განვიხილოთ, როგორც თავისუფალნი პიროვნებანი; ერთად მცხოვრებნი ბუნებითის წესით, ბუნებითად თანასწორნი არიან აგრეთვე და ბუნებისაგან აქვსთ მინიჭებული ერთი და იგივე უფლებანი და ვალდებულებანი. ძლიერება ან სისუსტე, ამ თვალთ-საზრისით, არავითარ განსხვავებას არა ჰბადებს მათ შორის (ყურსივი ჩვენია). კაცუნაც ისეთივე ადამიანია, როგორც ბუმბერაზი; პატარა რესპუბლიკაც ისეთივე სუვერენული სახელმწიფოა, როგორც უძლიერესი სამეფო.

მეცხრამეტე საუკუნის ინტერნაციონალისტებმა კიდევ უფრო ნათლად აღიარეს ეს თანასწორობა. თავის წიგნში: *Précis du droit des gens moderne de L'Europe* ეორჟ ფრედერიკ მარტენსი სწერს: ერთა შორის, როგორც პი-

\* აქ უნდა შევნიშნოთ, რომ საერთოდ ზემო-მოყვანილი ისტორიული ფაქტები და სხვა და სხვა აქტორთა აზრებიც ჩვენ მოგვეყვას E. Nys-ის წიგნიდან: *Le Droit International*, t. I, II. მისავე წიგნიდან: *Le Concert Européen et la notion du Droit International*. ესრევე მხოლოდით აგრეთვე: E. Reclus-ის წიგნით: *L'Homme et la Terre*, v. V; René Pinon: *L'Europe et L'Empire Ottoman*, და სხვა წყაროებით.

როგვებათა შორის. არსებობს სრული თანასწორობა ბუნებრივ და აბსოლუტურ უფლებათა. ე. ი. დამოუკიდებლად ტერაიტორიისა, ხალხისა, ძალისა, სჯულისა და კონსტიტუციის სხვა და სხვაობისა და მთავრობის მეტი თუ ნაკლების სიძველისა: ყველას აქვს უფლება ის მოიმოქმედოს, რაიცა სხვის დამოუკიდებლობას არას დაუშლის, და არავის სრულიად არავითარი უფლება არა აქვს რაიმე პოზიტუური აქტი ჩაადენინოს მას ძალით, თავის სასარგებლოდ".

„ყველა სახელმწიფო, ამბობს კლიუბერი, არის თანასწორი ზნეობრივი და თავისუფალი პიროვნება, და ყველას აქვს უფლება ისარგებლოს ყველა იმ უფლებით, რომელიც გამომდინარეობს ამ მისი პიროვნებიდან. მაშასადამე მათი უფლებანი თანასწორნი არიან“. სერ რობერტ ფილქიმორს გამოჰყავს სწორ-უფლებიანობა. ეტიდან, „რომ ყოველი სახელმწიფო წევრია მსოფლიო საზოგადოებისა“. სერ ტრევერს ტეაისსი ამტკიცებს, რომ ერთა დამოუკიდებლობა აბსოლუტურია: „არც ძლიერებასა და არც სისუსტეს არ შეუძლიანთ წარმოშობონ ამ მხრით რაიმე განსხვავება; ჩერნოგორიის სამთავრო ისეთივე დამოუკიდებელი სახელმწიფოა, როგორც რუსეთის იმპერია“.

ბლუნჩლი ამბობს: „ყველა სახელმწიფო თანასწორია, რადგანაც იგიინ პიროვნებანი არიან. ისინი ყველანი ღებულობენ მონაწილეობას საერთაშორისო სამართალში და უფლება აქვსთ, რომ მათ არსებობას პატივი სცენ. სახელმწიფოთა შორის თანასწორობა იგივეა, რაც მოქალაქეთა შორის თანასწორობა. განსხვავება სიდიდისა, სიძლიერისა და ხარისხისა ვერ შესცვლის ამ თანასწორობას, რადგანაც ეს თანასწორობა სწორედ მით გამოიხატება, რომ აღიარებულია სახელმწიფოთათვის ნიჭი იურიდიულ პირთა, და მითაც, რომ საერთაშორისო სამართლის პრინციპები დამოუკიდებლად ყველას შეეხება“. ბლუნჩლი ამასთანავე ემყარება ჩარლს-სომნერის განცხადებას შეერთებულ შტატების სენატში 23 მარტს 1871 წელს: „ხალხთა თანასწორობა არის საერთაშორისო სამართლის პრინციპი ისევე, როგორც ჩვენი დამოუკიდებლობის გამოცხადების აქსიომა მოქალაქეთა თანასწორობაა. რასაც დიდსა და ძლიერ ხალხს ვერ უზამ, იგი პატარასა და სუსტს არ უნდა უქმნა, — არც ის, რასაც ვერ პოვითმენდით, ჩვენთვის რომ ექმნათ“.

„საფუძველი სახელმწიფოთა საურთიერთო უფლებათა, ამბობს ლეოპოლდ ნეიმანნი, არის მათი თანასწორობა. ყველა დამოუკიდებელი სახელმწიფო. დიდი თუ პატარა, ლიბტენშტეინი თუ რუსეთი, პრინციპიალურად თანასწორნი არიან. მიუხედავად მათი მეტ-ნაკლები სიძლიერისა, — თუმცა სიძლიერის უთანასწორობა ჰბადებს ზშირად ფაქტიურ უთანასწორობას და ნამდვილ პრაქტიკაში ევროპის დიდ სახელმწიფოებს ეძლევათ უპირატესობა პირველობისა ან ხარისხისა (ოლონდაც! B.). ისე, როგორც მოქალაქენი თანასწორნი არიან კანონის წინაშე, ამბობს ფრ. მარტენსი თავის Traité du droit International-ში, დამოუკიდებელნი სახელმწიფონი თანასწორნი არიან საერთაშორისო სამართლის წინაშე. მათ აქვსთ ყველას ე... გვარა უფლებანი, რომელთაც საურთიერთოდ პატივი უნდა სცენ. მათი თანასწორობა სამართლის წინაშე გამომდინარეობს თვით საერთაშორისო საზოგადოების იდეიდან. ამ თვალთ-საზრისით იგი თეორიის საგანია (კურსივი ჩვენია); მიგრამ ტყუილად წართმევდნენ მას ყოველ პრაქტიკულ მნიშვნელობას და უარყოფდნენ მის ნამდვილ არსებობას... თუ ამ თანასწორობას პრაქტიკაში უყოველთვის პატივს არა სცემენ, პრინციპი ამით ხრულიდაც არ ირუვეა. (კურსივი ჩვენია). ფუნკ-ბრენტანოსა და სორელის აზრი, რომ „სახელმწიფოთა თანასწორობა ცარიელი სიტყვაა გარდა იმ შემთხვევისა, როდესაც იგი პრაქტი-

კულად ხორციელდება ხოლმე“-ო, თვით საერთაშორისო საზოგადოების არსებობის ფაქტით ირღვევა. შეუძლებელია საერთაშორისო საზოგადოების არსებობა, თუ მისი წევრნი თანასწორნი არ არიან სამართლის წინაშე... თვით პრინციპი საერთაშორისო საზოგადოების წევრთა თანასწორობისა სრულიად არ ეწინააღმდეგება მათ ნამდვილ უთანასწორობას, მათ სიძლიერისა, მცხოვრებთა რიცხვისა და სიმდიდრის მეტ-ნაკლებობას. კერძო პირების შესახებაც ესევე ითქმის. ისინი კანონის წინაშე არიან თანასწორნი და მოქალაქობრივი თანასწორობა არის დიდი „თეორიული“ პრინციპი, მოპოვებული ვეროპის ცივილიზაციის მიერ. მართალია, ყველას თანასწორად არ შეუძლია თავის უფლებით ისარგებლოს. ამგვარადვე დიდ სახელმწიფოებს ყოველთვის მეტი შეძლება აქვსთ ისარგებლონ თავიანთი უფლებებით და გაიყვანონ იგინი, ვიდრე პატარა და სუსტ სახელმწიფოებს; მაგრამ აქედან მაინც ის არ გამოდის, რომ პირველთ შეუძლიანთ უკანასკნელთ კანონი დაუწერონ“.

პასკვალე ფიორე დიდ მნიშვნელობას აწერს სახელმწიფოთა იურიდიულ თანასწორობას და ამბობს: „თავისუფალი და დამოუკიდებელი ხალხი არ შეიძლება აიძულო რომელიმე უფროსი აღიაროს და მის ნებას დაემორჩილოს. ამ თვალთ-საზრისით არ არსებობს დიდი და პატარა სახელმწიფოები, და ვიქტორ ჰიუგოს თქმისა არ იყოს, „ხალხის სიდიდე ისე არ განიზომება მცხოვრებთა რიცხვით, როგორც კერძო ადამიანის სიდიდე ტანის სიმაღლითა“ (Trattato di dritto Internazionale pubblico).

პოლცენდორფი პირდაპირ და გადაქრით ამბობს: „ის ვინც უარ-ჰყოფს დამოუკიდებელ სახელმწიფოთა თანასწორობას საერთო საერთაშორისო ორგანიზაციაში, ამით უარ-ჰყოფს თვით საერთაშორის სამართლის არსებობას“ (Handbuch des Volkerrechts).

პრადიე ფოდერესათვის თანასწორობა სახელმწიფოთა აბსოლუტური უფლებაა. იგი ამბობს თავის Traité de droit International public européen et américain: „ეს უფლება არის თან-შობილი, როგორც უფლება დამოუკიდებლობისა. ეს არის უფლება პირველ-ყოფილი, აუცილებელი“. პრადიე ამბობს, რომ სხვა და სხვა ავტორთაგან ეს თანასწორობა განიხილული იყო — ზოგისაგან როგორც წესი არსებობისა, ზოგისაგან როგორც პრინციპი, ზოგისაგანაც როგორც უფლება. მისი აზრით აი რა არის ეს თანასწორობა: „უნდა აღვიპროთ, ამბობს იგი, რომ თვითოეული სახელმწიფოს უფლებანი ისეთნაირადვე უნდა იყვნენ პატივცემულნი, როგორც სხვა რომელიმე სახელმწიფოსი, მიუხედავად იმ განსხვავებისა, რომელიც არსებობს ძლიერსა და მეორე ხარისხოვან სახელმწიფოთა შორის ხალხთა რუკაზედ, თუმცა სახელმწიფოთა შორის, ისე როგორც კერძო პირთა შორის, ბუნებრივი თანასწორობა ან იურიდიული თანასწორობა არ ეთანხმება აუცილებლად ნამდვილსა ანუ სოციალურ თანასწორობას. მიუხედავად იმისა, რომ თვითოეულ ხალხს აქვს ყველა უფლება, იგი ვერ ახორციელებს ამ უფლებებს ისეთნაირად, როგორც სხვა ხალხები. მართალია, ყველა სახელმწიფო თანასწორია ბუნებრივად და იურიდიულად აბსოლუტური სამართლის თვალთ-საზრისით, მაგრამ ყველა არ არის ძლიერი, გავლენიანი თავისი იდეებითა, უპირატესობის მქონე თავის ცივილიზაციითა, საშინარი თვისი ნივთიერი ძალებითა“-ო.

რივიეს ფორმულა სახელმწიფოთა თანასწორობისა ასეთია: „დამოუკიდებელი სახელმწიფონი, ამბობს იგი, თანასწორნი არიან. დიდი თუ პატარა, სუსტი თუ ძლიერი, — თვითოეული მათგანი არის იმავე სახელით, როგორც სხვა, პირი საერთაშორისო სამართლისა, — სახელმწიფო. თვითოეული დამოუ-

კიდებული სახელმწიფო სარგებლობს სხვებთან თანასწორად იმ უფლებით, რომელიც გამომდინარეობს მისი დამოუკიდებლობიდან და მისი საერთაშორისო საზოგადოების წევრობიდან, — სავსებითა, — და თანახმად იმ ხელშეკრულებათა, რომელიც მას აქვს სახელმწიფოებთან დადებული. „უფლებრივი თანასწორობა, ამბობს იგი აგრეთვე, არ არის წინააღმდეგი სხვა და სხვა ნამდვილ უთანასწორობისა. სახელმწიფოთა შორის, ისე როგორც ეკრძო ადამიანთა შორის. არსებობენ ნამდვილად და აუცილებლად უთანასწორობანი: მდგომარეობისა, გავლენისა, ძალისა და სიმდიდრისა. ერთა ჩუმი თუ შეგნებული შეთანხმება მათ იგულისხმებს და აკანონებს“... რივიესათვის აგრეთვე სახელმწიფოთა თანასწორობა არის აუცილებელი შედეგი სახელმწიფოთა დამოუკიდებლობისა:

„დამოუკიდებელი სახელმწიფოები ყველანი თანასწორად სუვერენები არიანო, — ამბობს იგი; არავითარი ძალა არ არის მათ ზეეთ; არც ერთი არა სდგას სხვაზე უფრო მაღლა“.

ბევრნი არიან ისეთი მეცნიერებიც, რომელნიც უარს ჰყოფენ სახელმწიფოთა შორის არსებულ თანასწორობის, და სამართლიანადაც. ასეთია მაგალითად ლორიმერი, რომლისთვისაც სახელმწიფოთა შორის თანასწორობა ისეთივე ფიქტია, როგორც პიროვნებათა შორის თანასწორობა. ეს სრული ჭეშმარიტებაა იმ მხრით, რომ თანამედროვე ცხოვრებაში არ არსებობს არავითარი თანასწორობა დადსა თუ პატარასა, ძლიერსა და სუსტს სახელმწიფოთა შორის, მაგრამ, როგორც შენიშნეს, აქ თეორიულ თანასწორობაზედ არის ლაპარაკი, პრინციპზედ, უფლებრივ თანასწორობაზედ, და ასეთი თანასწორობა რომ არსებობს ინტერნაციონალისტთა იდეაში, საერთაშორისო სამართლის მეცნიერებაში მაინც, — ეს უეჭველი ფაქტია. ხოლო რამდენადაც ვითარდება თვით საერთაშორისო სამართალი და აწესრთავს საზოგადოებათა შორის განწყობილებათა, რაც უფრო ხშირად ერევა საერთაშორისო საქმეებში, მათ უფრო ხორციელდება კონკრეტულად იდეალი თანასწორობისა.

მართალია ამ პრინციპის წინააღმდეგი ყოველთვის იყო პოლიტიკა, ყოველთვის დიდი სახელმწიფო სცილობდა პატარები ჩაეყლაპა და მათ უფლებათა არა თუ თანასწორობა აღეარებინა, არამედ კიდევაც ჩამოერთმია იგინი სრულიად, მაგრამ არც ამ პატარა საზოგადოებათ წინათ ხოლმე, და ყოველთვის დიდი დესპოტების იერიშს წინ-უხვდებოდა მცირეთა და სუსტთა კავშირი. ეს კავშირი დაახვეწებდა ხოლმე უკან დიდ დესპოტსა და ყოველ ასეთ აქტს მოჰყვებოდა ხოლმე აღიარება დიდისა და პატარის თანასწორობისა.

ხან სუსტები შეერთებული ძალით უსწორდებოდნენ ძლიერსა, ხან ერთმანეთის ძალებს გაასწორებდნენ ხოლმე სახელმწიფოები, რომ მეტ-ნაკლებობას და ერთის სიძლიერეს არ დაერღვია საერთო მშვიდობიანობა. ასეთნაირად იბადებოდა ცნება ექვილიბრიუმისა, რომელიც ერთის დესპოტიზმთან შედარებით ნაბიჯი იყო ყველას თანასწორობისაკენ. ასე მოხდა, მაგალითად, იტალიაში, როცა ხუთმა სახელმწიფომ — ფლორენციამ, ნეაპოლმა, მილანმა, რომმა და ვენეციამ მოაწყვეს ექვილიბრიუმი მე-XVI საუკუნის დასაწყისში. ასე იყო, როდესაც ნაპოლეონმა მოინდომა მთელი ქვეყნის დაყოფა პატარ-პატარა ნაწილებად და მათზედ ყველაზედ ბატონობა, და შეერთებული ევროპა ამიტომ გამოვიდა მის წინააღმდეგ თანასწორობისა და ექვილიბრიუმის სახელით. ასევე იყო, როდესაც თვით ეს ტეტრარხია, ე. ი. რუსეთი, ინგლისი, პრუსსია და ავსტრია, შემდეგ პენტარხია — საფრანგეთის მიმართებით, — და ეკრძოდა

ოსმალეთი — გახდნენ საშინელ რეაქციონურ ძალად მთელი ევროპისათვის და მისი ერებისათვის, — და ამიტომაც მთელი ევროპის ერები აღსდგნენ თანასწორობისათვის და იბრძოდნენ მთელი მეცხრამეტე საუკუნის განმავლობაში. ამ ბრძოლიდან ერთი დიდი სახელმწიფოც კი გამოვიდა, — იტალია, — როპელიც დიდ სახელმწიფოთა რიცხვში შევიდა და პენტარხია ექსარხიად გადააქცია. ასეა ღლესეც, — მიუხედავად თანასწორობის პრინციპიალურად აღიარებისა, — როცა დანარჩენი ერები იბრძვიან სწორედ საერთაშორისო სამართლის წინაშე სწორ-უფლებიანობის მოპოვებისათვის.

მაგრამ სწორედ აქ იჩენს თავს ერთი ლუსტი მხარე თეორიულად აღიარებული თანასწორობისა სახელმწიფოთა შორის: თვით პრინციპი „ერთა“ თანასწორობისა, სახელმწიფოთა თანასწორობისა საერთაშორისო სამართლის წინაშე — დიდებული რამ პრინციპია, მაგრამ უბედურება ის არის, რომ არასოდეს საერთაშორისო სამართალი სწორ-უფლებიან წევრად არ იღებს ისეთს ერს, რომელიც ფაქტიურად არ არსებობს, როგორც სუვერენი სახელმწიფო. ისტორია გვიჩვენებს, რომ ერები სწორედ სახელმწიფოების შონობისაგან განთავისუფლებულან, შეუქმნიათ თავიანთი სახელმწიფონი და ისე მიუღია იგინი საერთაშორისო სამართალსა. ღღესაც დანარჩენი ერები განთავისუფლების გზაზედ არიან, და მამასაღამე, ხვალ შესაძლებელია სუვერენი სახელმწიფოები დააარსონ და საერთაშორისო სამართალიც იძულებული იქმნება მიიღოს იგინი. პრინციპად კი აღიარებს ეს საერთაშორისო სამართალი თანასწორობას სახელმწიფოთა და მათ უფლებათა ხელუხლებლობას. განსაკუთრებით მათ ტერიტორიათა ხელუხლებლობას. მამასაღამე, რაც ღღეს ხელუხლებელი იყო ერთისათვის, იგი ხვალ მისივე მოწინააღმდეგისათვის დაკანონებულ უფლებად ხდება საერთაშორისო სამართლის მიერ. გუშინდელი პოლონეთი, რომელიც რუსეთის უფლების ხელუხლებელ სფეროში შედის, ხვალ აღიარებული იქმნება რუსეთთან სწორ-უფლებიან სახელმწიფოდ იმავე საერთაშორისო სამართლის მიერ! — ცხადია აქ დიდი წინააღმდეგობაა.

და ეს წინააღმდეგობა მკითხველმა იცის, რაშიაც არის. მართალია არსებობს საზოგადოებათა საზოგადოება, სახელმწიფოთა საზოგადოება, რომლის მომწესრიგებელი თანამედროვე სახელმწიფოთა-შორისო სამართალია, მაგრამ თანამედროვე სახელმწიფო არ არის ბუნებრივი საზოგადოება, და მამასაღამე არც ბუნებრივი წევრი საზოგადოებათა საზოგადოებისა. ასეთ საზოგადოებად და ასეთ წევრად საერთაშორისო საზოგადოებისა შეიძლება იყოს მხოლოდ ერი, — და აკი ყოველი დაშლა დიდ იმპერიათა, ყოველი შემთხვევა ზემოხსენებულ წინააღმდეგობისა საერთაშორისო სამართლის მოქმედებაში, ერის უფლების მოპოვებისა და მისი საერთაშორისო საზოგადოების სწორ-უფლებიან წევრად შესვლის პროცესში არის.

ერი ბუნებრივი სოციალური ორგანიზმი, და არა სახელმწიფო, სადაც შეიძლება მრავალი ერი შედიოდეს, და მანაც უნდა დაშალოს დიდი სახელმწიფოები. მამასაღამე იგი უნდა შედიოდეს საერთაშორისო საზოგადოებაში, როგორც სწორ-უფლებიანი წევრი, და მაშინ აღარ იქმნება ზემოხსენებულ წინააღმდეგობა უფლებრივ პრინციპის თვით შინაგან არსებაში. ერი, და არა სახელმწიფო უნდა იყოს საგანი საერთაშორისო სამართლისა, რომელმაც უნდა დაიჭიროს ადგილი თანამედროვე სახელმწიფოთა-შორისო სამართლისა. ერთა და არა სახელმწიფოთა შორის უნდა იყოს გამოცხადებული თანასწორობა, თეორიული მანც, რომ ზემოხსენებულ წინააღმდეგობას ადგილი აღარა ჰქონ-



დეს. მაშინ საერთაშორისო სამართალი მართლა საერთაშორისო იქმნება და არა სახელმწიფოთაშორისო. დღეს კი სახელმწიფოთა, საუბედუროდ, საგანი საერთაშორისო სამართლისა. მაგრამ როგორც წინადაც ყოველ სოციალურ ჯგუფებს, დღესაც სახელმწიფოებს, ერზედ გაცილებით უფრო ნაკლებად ბუნებრივ სოციალურ ჯგუფებს, აქვემირებს საერთაშორისო სამართალი და იცხადებს პრინციპს მათ შორის თანასწორობისას. შემდეგ კი მათ ადგილს უფრო ბუნებრივი სოციალური ორგანიზმები, — ერები დაიკვირენ. მანამ კი ის ზემოხსენებული წინააღმდეგობა საერთაშორისო სამართლისა რაც უფრო ხშირად განმეორდება, მით უფრო მოსპობს თანამედროვე ხასიათს საერთაშორისო სამართლისას, სანამ ამ სამართლის საგანს მართო ერები არ შეადგენენ გამოუკლისად. მაშინ აქვსთ სრული უფლება ილაპარაკონ ერთა სწორ-უფლებიანობაზედ საზოგადოებათა საზოგადოებაში. მაშინ თვით სამართალიც განწყენილი და იდეალს დაახლოებული იქმნება, აღარ იქმნება მართო თეორიული თანასწორობა, არამედ პრაქტიკულიც სამართლის წინაშე.

ყოველ შემთხვევაში, დღესაც თვით სამართალი არაფერ შუაშია. იგი აწესრიგებს იმ საგანთა შორის განწყობილებას, რომლებიც აქვს. მიეცით მას სხვა საგანი, — სხვებს მოაწესრიგებს თანამედროვე სახელმწიფოთა ნაცვლად. საგანი თვით აძლევენ თავიანთ თავს საერთაშორისო სამართალს მოსაწყობად, და სამართალიც ყოველთვის ასრულებს თავის მოვალეობას.

ამას გარდა თვით მეცნიერებმაც მიაქციეს ყურადღება საერთაშორისო სამართლის დღევანდელ საგანს და დავაც აქვსთ, — ერი უნდა იყოს ეს საგანი თუ სახელმწიფო. აქ უკვე ერის ცნება იქვრს სახელმწიფოს ცნების ალაგს საერთაშორისო სამართალში.

## V

საუბედუროდ საერთაშორისო სამართლის ლიტერატურაში და საზოგადოდ სოციალურ მეცნიერების ლიტერატურაში ერისა და მის უფლებათა შესახებ ისეთი ვრცელი და ღრმა გამოკვლევანი არ მოიპოვებინან, როგორც სახელმწიფოსა და მის უფლებათა შესახებ. ამ უკანასკნელ საგანზედ უფრო მეტიც ულაპარაკნიათ და უფრო მეცნიერულადაც, მაშინ როდესაც ერის ნამდვილი მეცნიერული განსაზღვრაც კი ძვირად მოიპოვება, არა თუ მისი უფლებანი სისწორით არ არიან განსაზღვრულნი. არა მართო საერთაშორისო სამართლის მეცნიერება არის ცოდვილი ამ მხრით, არამედ მეტად კიდევ ის სოციალისტური ლიტერატურა, რომელიც აღმოცენდა ინტერნაციონალიზმის ნიადაგზედ, — სოციალისტურ ინტერნაციონალიზმისა, რომელსაც თავს უნდა ედვა ერის ცნების განსაზღვრა და გარკვევა მის უფლებათა, რადგანაც მისი პრაქტიკა ადგილი დაიჭიროს თანამედროვე, არსებულ, ბურჟუაზიულ განწყობილებათა, როგორც საზოგადოებათა შიგნით, ისე საზოგადოებათა შორის.

გაგყვით ავტორებს, რას ამბობენ იგინი ერისა და მის უფლების შესახებ.

ლიტერე ამბობს: „ერი არის კრებული ადამიანთა, რომელნიც ერთს ტერიტორიაზედ სცხოვრობენ, რომელთაც შეიძლება ჰყავდესთ და არა ჰყავდესთ ხაკუთარა მთავრობა (კურ. ჩვ.), რომელთაც იმდენად საერთო ინტერესები აქვსთ, რომ შეიძლება იგინი ერთს რომელიმე რასას მიეკუთვნოთ“. „ეროვნებათა პრინციპი ის არის, რომ ერთი რასის ნაწილი მიისწრაფის შეადგინოს პოლიტიკურა ორგანიზმი“ (კურსივი ჩვენია).

აქ უკვე შთანაჩენია ერის უფლებებისა, თუმცა მკრთალად თვალ-საჩინო. განსაზღვრა ერისა კი სრულიად უვარგისია.

ესმენისა და თვით პრ. ნისის აზრით, სახელმწიფო ერის (კურსივი ჩენია)

თორიდილი გაბიროვნება (A. Esmein, *Éléments de droit Constitutionnel*)

ნისის აზრით (*Le droit International, t. I*) ერი თემისაგან, კლანისაგან წარმოსდგა: თემთა და კლანთა კავშირი იჭერს განსაზღვრულ ტერიტორიას, რომელზედაც ვითარდება ეროვნული საზოგადოება, საერთო მიზნის განხორციელებისაკენ მიმწრაფი.

აი, აქ იხადება ევროპისათვის პრობლემა, ამბობს ნისი, აქვს თუ არა ყოველ ერს უფლება დააარსოს სახელმწიფო, ე. ი. აქვს თუ არა მას ერთი უპირველესი უფლებათაგანი, ვიტყვი ჩვენ, ურომლისოდაც იგი ყოველთვის სხვა სახელმწიფოს მონობაში ვარდება.

ბევრი აღიარებს ასეთს უფლებას ერისას. ამერიკელ ბრინტონისათვის ერი უპირველესი ელემენტია კაცობრიობისა, რომლის შემდეგი განვითარება იწვევს ხაერთაშორისო განვითარებას. (*The „nation“ as an element in Anthropology*). ყოველ პირველ-ყოფილ ხალხს უფლება აქვს შეადგინოს სახელმწიფო, შემოიზომოს ტერიტორია, და ამ სახელმწიფოს საშუალებით აღასრულოს თავისი ისტორიული მისიაო, — ამბობს ნისი სხვებთან ერთად. ეროვნული პრობლემა ერთი ერისაგან შემდგარ სახელმწიფოს უფრო მალა აყენებს, ვიდრე შრავალ ერისაგან შემდგარ სახელმწიფოს. ამ პრობლემის მიხედვით ერი უნდა იყოს ხაერთაშორისო სამართლის საგანი და სახელმწიფოს ადგილი უნდა დაიჭიროსო.

როლენ ეკემენმა დააყენა შემდეგი პრობლემა: საჭიროა ვიცოდეთ, განსახილველია თუ არა ერი, როგორც უფლებათა და ვალდებულებათა მქონე იურიდიული არსი, ისე, როგორც ინდივიდი და სახელმწიფო. (*Les principes philosophiques du droit International*).

ძველად თვით საზოგადოებაში არ იყო ეროვნული მოძრაობა ისეთი ძლიერი, როგორც მეცხრამეტე საუკუნეში, რადგანაც ერთა შინაგანი კოპეზია ისეთი მქილრო არ იყო მაშინ, როგორც შემდეგ.

უკვე საფრანგეთის რევოლუციას სრულიად თანამედროვე ეროვნული ხასიათი დაეტყო. საფრანგეთის აზრმაც წამოაყენა პრინციპი ერთა უფლებისა, თავისუფლებისა და თანასწორობისა, მით უმეტეს რომ შთელი ევროპის ერთა რეაქციონური ძალა საფრანგეთის ერს ემუქრებოდა. რევოლუციამ განაცხადა, რომ „კაცობრიობა წარმოადგენს ერთს დიდს საზოგადოებას, რომლის მიზანიც უნდა იყოს მშვიდობიანობა და ბედნიერება მისი ყველა წევრისა“. „ამ დიდ საზოგადოებაში, განაგრძობდნენ რევოლუციონერები, ხალხებმა (ე. ი. ერებს, B.) (კურს. ჩვენ.) და სახელმწიფოებს აქვსთ თანასწორნი ბუნებრივნი უფლებანი და იმავე სამართალს ექვემდებარებიან, როგორსაც ინდივიდები, მაშახადაღე არც ერთს ხალხს არა აქვს უფლება შეეხიოს სხვის საკუთრებასა და წაართვას თავისუფლებას“. (კურს. ჩვ.).

პოლ ლეზერი ამბობს (*Introduction à un cours de droit International*): „საზოგადოებრივ ჯგუფებს ჰქონდათ უფლება თავიანთ ბედის განხორციელება ისეთ პოლიტიკურ წყობილებაში ენახათ, რომელნიც განიჩეოდა იმ საზოგადოებრივ ორგანიზმებისაგან, რომელთანაც ისინი შეკავშირებულნი იყვნენ. მათ ჰქონდათ უფლება შეერთებოდნენ ან იმ სახელმწიფოს, რომლისადმი ბუნებრივ სიმპატიასა ჰგრძნობდნენ, ან როდესაც ასეთს სახელმწიფოს ვერა პოუ-

ლობდნენ თანახმად თავიანთ მისწრაფებისა, განთავისუფლებულიყვნენ და თავისთავა შეექმნათ საკუთარი პოლიტიკური ორგანიზმი“. (კურს. ჩვ.).

ნისის სიტყვით, ვენის კონგრესსზედ გამარჯვებულმა რეაქციამ პირდაპირ ფეხით გასთელა ერის უფლება, უარ-ჰყო ერთა მისწრაფებანი, პირველად თანამედროვე ხანაში პირდაპირ დაუტრიგეს გამარჯვებულთ 33 მილიონი ხალხი. ამან ისეთი ძლიერი ეროვნული იდეა დაჰბადაო, მოჰყავს ნისს ლაველეს სიტყვები, რომელიც სიძლიერით მე-XVI საუკუნის რელიგიურ აღფრთოვანებას უდრიდაო. ამან გაანთავისუფლა საბერძნეთი, სერბია, რუმინია. ბოლგარია, შეაერთა გერმანია და იტალია, ამხედრა ავსტრიისა და ოსმალეთის ხალხები, დაჰბადა პანგერმანიზმი და პანსლავიზმი.

პირველი მეცნიერი, რომელმაც მეცნიერულად განიხილა ეროვნული უფლების პრობლემა, უკვე ხსენებული იტალიელი მანჩინი, რომელიც ნეპოლიდან განაძევებს და რომელიც სარდინიის მთავრობამ ტურინის უნივერსიტეტის კათედრაზედ მიიწვია 1850 წელს სამართლის მასწავლებლად. ეს ისეთი დრო იყო, როცა იტალიას მახვილი ჰქონდა აღებული, თავგანწირულად იბრძოდა, მთელი ევროპა კი ამხედრებული იყო მეტტერნიხის პრინციპის წინააღმდეგ — რაც სახელმწიფოებს აქვსო, იგი ხელ-უხლებელია და სიტყვა „იტალიის“ არავითარი პოლიტიკური აზრი არა აქვსო. პროგრესისტი აზრითა და მოყვარე თავის დიადი სამშობლოსი, რომელსაც შეიძლება ყველაზედ მეტი უფლებაც ჰქონდა საკუთარ სახელმწიფოს დაარსებისა და ეროვნული თავისუფლებისა, მანჩინი გამოესარჩლა საზოგადოდ ერის უფლებასა და აღიარა იგი მიუხედავად იმისა, რომ რომელიმე ერს შეიძლება არა ჰქონოდა სახელმწიფო; მისი აზრით სწორედ ისეთ ერს, რომელსაც არა ჰქონდა სახელმწიფო და სხვა სთელავდა მის მიწა-წყალსა, უფლება ჰქონდა სახელმწიფოს დაარსებისა, რომ ეს უფლება დაცულ ყოფილიყო. მისთვის საერთაშორისო სამართალი უნივერსალური სამართალი იყო, ერის იდეა იყო ელემენტარული, სახელმწიფოს იდეა კი მისგან უბრალო წარმომდგარი იდეა. ამიტომაც ერი უნდა ყოფილიყო საგანი საერთაშორისო სამართლისა და არა სახელმწიფო.

ამ მიზნით იკვლევდა იგი თეორიულად ერის არსებასა. ტერრიტორია, რასა, ენა, ზნე-ჩვეულება, სქული, ისტორია — აი რა ჰქმნიდა ერის სხეულსა, რომელსაც ასულდგმულებდა შეგნება საკუთარი ეროვნებისა, ეროვნული ოჯითშეგნება, — გრძნობა, რომელიც ერს შეგნით აწესრიგებს და გარედ ამოქმედებს, როგორც ერთს მთელს პიროვნებასა. საჭიროა ეს ზნეობრივი ერთობა, საერთო აზრი, უმაღლესი იდეა ეროვნებისა. ერი მისთვის არის ამგვარად: „ადამიანთა ბუნებრივი საზოგადოება, რომელთაც აქვს ერთობა ტერრიტორიისა, შთამომავლობისა, ზნე ჩვეულებათა, ენისა, თანახმად მათი საერთო ცხოვრებისა და საზოგადოებრივ შეგნებისა“. მისთვის დაცვა და განვითარება ერისა არ იყო მხოლოდ უფლება, არამედ იურიდიული მოვალეობა. იგი პირდაპირ ამბობს: „არსებობს მხოლოდ ერთი საგანი, ერთი პირი საერთაშორისო სამართლისა, — ერი“-ო (კურს. ჩვ.). „რაციონალური საზღვარი ყოველი ერის უფლებებისა არის სხვა ერები; გარანტია საერთაშორისო სამართლისა ყოველი ერის დამოუკიდებლობის პატივისცემაში და აღიარებაში“-ო. მისთვის უმაღლესი მიზანია ჯანბატისტა ვიკოს „ერთა კაცობრიობის შექმნა“\* (კურს. ჩვ.).

(Professore Pasquale Stanislao Mancini: Della nazionalità come fondamento del diritto delle genti ect).

\* E. Nys. Le droit International, p. 343 et seq.

ბლუნჩლი თითქმის ეთანხმება მანჩინის ერის განსაზღვრაში, მაგრამ რაც  
 ერია მანჩინისათვის, ის ბლუნჩლისათვის ხალხია. ხოლო ერი მას უსახელმ-  
 წიფოდ ვერ წარმოუდგენია. მაგრამ განა საქმე სიტყვაა. მაშინ, როდესაც მან-  
 ჩინისათვის ერის დაცვა და განვითარება არა თუ უფლებაა, არამედ შოვალეო-  
 ბაც კი უნივერსალურ სამართლისა, ბლუნჩლი ამბობს: „არა არს ერი უსახელ-  
 მწიფოდ“. „ერი გვიჩვენებს, რასაკვირველია, — ამბობს ბლუნჩლი, — სული-  
 ერ ერთობასა, ხასიათისა, ენისა და ზნე-ჩვეულებათა ერთობასა, როდესაც იგი  
 ერთობით დამყარებულია ერთ ხალხზედ, (კურს. ჩვ.). მაგრამ იმ ერს, რომელიც  
 შესდგება სხვა და სხვა ხალხისაგან, ან ხალხთა ნაფლეთებისაგან, ნაკლები ერ-  
 თობა აქვს, ვიდრე თვით ხალხსა. ერს ყველაზედ უფრო ახასიათებს სრული  
 ერთობა სამართლისა, მონაწილეობა მმართველობაში, ნიჭი თავის ერთიანობის,  
 ნების გამოხატვისა და მისი საქმედ ქცევისა, ის ორგანოები წეს-წყობილე-  
 ბისა, რომელიც მას აქვს, ერთი სიტყვით საზოგადოებრივი და იურიდიული  
 პიროვნება“ (Théorie générale de L'Etat). აქ ცხადია, რომ ბლუნჩლი ერსა და  
 სახელმწიფოს ერთმანეთში აღრევს. მისთვის ერი და სახელმწიფო ერთი და  
 იგივეა, ხოლო ხალხი ის არის, რაც ჩვენთვის ერი. მაგრამ უბედურება ეს კი  
 არ არის, უბედურება ის არის, რომ მას არა სწამს პირველის უფლება, არამედ  
 მეორესი. რადღა ერთხელ ოდესმე სხვადასხვა ხალხები (ერები) ერთი სამარ-  
 თლის ქვეშ მოქცეულან, ამიტომ მათ ერი (სახელმწიფო) შეუდგენიათ, ე. ი.  
 იურიდიული პიროვნება, და არ არის საგანი საერთაშორისო სამართლისა გა-  
 რეზე ასეთის პიროვნებისაო. ის კი ავიწყდება პატივცემულ ავტორს, რომ არ-  
 სად არა ჰდებია, რომ ერთი სახელმწიფოს ხალხები თანასწორად იღებდნენ მო-  
 ნაწილეობას მართვა-გამგეობაში, თანასწორად იჩენდნენ ნებასა და საქმედ  
 აქცევდნენ მას. ისიც ავიწყდება, რომ სხვა ერის იურიდიული ნორმებით დაქე-  
 რილი „ხალხი“ თვით არის პიროვნება რომელსაც უფლება აქვს ახლილი „ერის“  
 მიერ, და ამ პიროვნებას უნდა მოაპოვოს იურიდიული პიროვნებაც. რომ  
 სწორ-უფლებიანი წევრი გახდეს საზოგადოებათა საზოგადოებისა. ამიტომაც  
 არის, რომ „ხალხები“ არასოდეს არ კმაყოფილდებიან „ერის“ ნაწილად ყო-  
 ფასა და „ერობას“ სცილილობენ, — ამაში გამოიხატება მათი ნების გამოჩენა-  
 ცა და საქმედ ქცევაც უპირველეს ყოვლისა.

ყოველ შემთხვევაში ბლუნჩლი არსებულ სახელმწიფოებს აღიარებს საერ-  
 თაშორისო სამართლის საგნად. საერთაშორისო სამართალიც მისთვის მომქმე-  
 დი სამართალია, რომელიც მართა სახელმწიფოთა, უკვე ხუვერენ სახელმწი-  
 ფოთა შორის განწყობილებათ აწესრიგებს, და არა მანჩინის იდეალური, უნი-  
 ვერსალური სამართალი, რომელმაც შოვალეობად უნდა გაიხადოს ერთა (ხალ-  
 ხთა) დაცვა და განვითარება, ამ ბუნებრივ სოციალურ ორგანიზმთა საერთა-  
 შორისო სამართლის სფეროში შეეყვანა თანასწორობის პრინციპის სახელითა.  
 ბლუნჩლი პირდაპირ ამბობს: „ჩვენც (მანჩინისთან ერთად) აღვიარებთ ერებს, 6  
 როგორც რასიულად და კულტურულად ისტორიულ საზოგადოებათა, რომელ-  
 თაც უნდა განაცხოველონ სახელმწიფონი ეროვნული სულითა, და ჩვენ ვი-  
 ცით, რომ თანამედროვე სახელმწიფოთა არსება უპირველეს ყოვლისა ეროვნ-  
 ულია; მაგრამ სანამ ერები ხალხებად არ იქცევიან და სანამ სახელმწიფოს ხა-  
 ხით კანონიერ სხეულებად არ გარდაიქმნებიან, იხინი კერ წარმოადგენენ იუ-  
 რიდიულ ძალასა. მათ აქლიათ ერთობა ნებისა და ის ორგანოები, რომელთაც  
 ნება უნდა გამოიჩინონ. ეს ორგანოები კი მხოლოდ სახელმწიფოშია. საერთა-  
 შორისო სამართალი რომ ეროვნების ელასტიურ საფუძველზედ იყოს ნამდვი-  
 ლად დამკვიდრებული, და არა სახელმწიფოს მაგარ საფუძველზედ, იგი ყოვე-

ლივე ძალას დაქვარგავდა: მას აღარც აღიარებდნენ და აღარც პატივსაც სცემდნენ“ (Le droit International codifié). აქ უკვე უკუღმა ესმის ბლუნჩლის „ერი“ და „ხალხი“, ვიდრე ზემოდ. — აქ პირდაპირ არის აღიარებული — ძალა აძლევს ერს უფლებას საერთაშორისო სამართლის სფეროში შესვლისას, და არა თვით სამართალი იღებს საზოგადოდ ერს თავის სფეროშიო. აქ პირდაპირ ძალაზეა დამყარებული საერთაშორისო სამართალი, და არა საერთაშორისო სამართალია შემზღუდველი ძალისა, რომელიც შეიძლება უსამართლობას სჩადიოდეს. და რამდენს სჩადის სახელმწიფოთა ძალა ასეთს უსამართლობას! ამას თვით ბლუნჩლიცა გრძნობს და ერთ ადგილას ამბობს — ჩვენ ვაღვიარებთ სახელმწიფოთა საქმეებში ჩარევის საკიროებას, საერთაშორისო სამართლის სახელით, როდესაც ადამიანის უფლებაა შელახული რომელიმე ეროვნების სახითაო.. ერთგან კიდევ ბლუნჩლი პირდაპირ ეთანხმება მანჩინს, — იდეალური საერთაშორისო სამართალი ერთა კაცობრიობის მომწესრიგებელი უნდა იყოსო. — ყოველ შემთხვევაში ბლუნჩლის საერთაშორისო სამართალი დიამეტრალულად წინააღმდეგია მანჩინის სამართლისა იმ მხრით, რომ პირველი იხილავს მოქმედ სამართალსა, მეორე კი იდეალურსა. ამ მხრით როგორ მადლა სდგას მანჩინი ბლუნჩლიზედ, თუ გინდ იმითიც, რომ მისი სამართალი იდეალურია, ერთის მხრით უახლოვდება ნამდვილ სამართალს, საზოგადოების შიგნით რომ მოქმედობს და რომ სცდილობს თან-და-თან გამოპყოს და თითქმის ერთმანეთს დაუპირდაპიროს ძალა და სამართალი, დამცველი სუსტთა, დამცველი თავისუფლებისა ძალის წინააღმდეგ. ბლუნჩლის სამართალი კი თანამედროვეა, მოქმედი, რომელიც მხოლოდ ძალიდან გამომდინარეობს. ეს არც საკვირველია. უბრალო სამართალი უხსოვართ დროთაგან არსებულ საზოგადოებათა მიერ შექმნილია, საერთაშორისო კი შედარებით გუშინდელი, და როგორც ინდივიდი უფრო ზნეობრივია მთელ საზოგადოებაზედ, ისე ცალკე საზოგადოების სამართალი უფრო სამართლიანია საზოგადოებათა საზოგადოების სამართალზედ. — აღიდევ მახვილი, განთავისუფლდი, დააარსე სახელმწიფო, — სამართალიც მაშინ შენს მხარეზე იქმნებაო, გვეუბნება ბლუნჩლი ჩაგრულ ერთ. მაგრამ სანამ ამას თვითოეული ერი თავის ძალით არ განახორციელებს, მანამ სამართლისაგან დაცვას ნუ მოელთ. რომ გავწყვიტონ მაინც, ჩვენ უფლება არა გვაქვს შევესიოთ სხვა სახელმწიფოს შინაგან საქმეებში, რადგანაც ეს მისი უფლების შელახვა იქმნებაო; თუმცა ოდნავ, ხან და ხან, სუსტ სახელმწიფოთა ვერაგობის დროს, ამოვიღებთ ხმას „ადამიანის უფლების“ დასაცველად, ისიც მაშინ, როცა დიდ სახელმწიფოებზე რაიმე სახრავი ეგულებათ ამ სხვის სახელმწიფოშიო.. — რა იქმნებოდა, რომ უბრალო სამართალი ამასვე გვეუბნებოდეს! — თვით საზოგადოება შეუძლებელი იქმნებოდა, ისე აირეოდა ყოველივე; ეს იქმნებოდა მკლავაძეთა საზოგადოება, პირველყოფილი, ველური, კიდევ უარესი, — რადგანაც იქაც არ აღიარებს ჩვეულებითი სამართალი ასეთ პრინციპებსა.

მანჩინის გარდა სხვაც ბევრი იყო რომ აღიარა ერის უფლებანი მსგავსად ადამიანის უფლებისა უზენაესი სამართლის სახელითა. დარღვევა ამ უფლებათა უფლებას აძლევს ერებს აჯანყებისას და წინააღმდეგობისასო. მაგრამ ეს ხომ საერთაშორისო სამართალი არ არის, და აჯანყებისა და წინააღმდეგობის უფლება რა უფლებაა, თუ იგი გამარჯვებით არ დაგვირგვინდა. დამარცხებისას ხომ ბატონს უფლება აქვს მთელი ერის ძირიან ფესვიანად ამოგდებისა, და საერთაშორისო სამართალიც უკანონებს მას ამ უფლებას.

ერის უფლებათა თეორიამ ბლუნჩლის წინადაც და შემდეგაც დააფრთხო იურისტები და სახელმწიფო კაცები. საკანონმდებლო კრების 14 მარტის 1867 წლის სეანსზედ ტიერმა ეს თეორია ევროპის დამლუპველად გამოაცხადა და სთქვა: „თუ ეროვნების დოქტრინა რასმეს ნიშნავს, მხოლოდ შემდეგს: საჭირო იქმნება, რომ მთელი ევროპა, ან უმეტესი ნაწილი ევროპისა შესდგებოდეს ამიერიდან ერთი რასისაგან, ერთისა და იმავე ენით მოლაპარაკეთაგან... ასეთ პირობებში არც ერთს სახელმწიფოს არ ექმნებოდა უფლება არსებობისა“.

შვეიცურტი ამბობს: „გეოგრაფიულის თვალთ-საზრისით, ადამიანი თავის იდეებითა და ვნებით, თავის მიღრეკილებით და ზნე-ჩვეულებით არის მხოლოდ „აკცესუარი“ დედამიწისა; იგი ბუნების შემოქმედებითა, ძალამ განაცხოველა და განასულიერა, როგორც მცენარე, რომელიც მიწამ აღმოაცენა... იდეა ეროვნებისა უნდა დაემორჩილოს იდეას გონებისას, გონება კი კაცობრიობის საერთო საუნჯეა“-ო. — პირველი ნაწილი ამ ამოწერილისა, ჩვენი აზრით, სრული სიკრუეა, — ადამიანი დედამიწის ისეთი „აკცესუარი“ არ არის, როგორც მცენარე. მეორე ნაწილი კი არაფერ შუაშია — აქ სამართალზედ, უფლებებზეა საგანი და არა იმაზე, თუ რომელი იდეა რომელს უნდა დაემორჩილოს. ამავე ფორმულით რატომ სახელმწიფოც არ უნდა დაემორჩილოს იმავე იდეას გონებისას? — და მერმე რა მნიშვნელობა აქვს ამას საერთაშორისო სამართლისათვის და მის საგანთა გამორკვევისათვის?

რასაკვირველია, მანჩინისა და სხვათა იდეამ პრაქტიკაში ვერ გაიმარჯვა. ბლუნჩლის თეორია მოქმედ სამართლისა არის დღეს განხორციელებული. მაგრამ თვით საკითხი რომ იყო წამოყენებული მეცნიერებაში ერისა და სახელმწიფოს შესახებ საერთაშორისო სამართლის თვალთ-საზრისით, — ესეც დიდი პროგრესია. დიდი პროგრესია იმიტომ, რომ დღეს სახელმწიფოებრივ საერთაშორისო სამართლის მხრითაც კაცობრიობა არ არის მოწესრიგებული ჯერ კიდევ სრულიად და სავსებით და მხოლოდ დიდთა და ძლიერთა სახელმწიფოთა ორგანიზაცია, მათი საურთი-ერთო სამართალი და ვალდებულებანი, მათი ბატონობა მიაჩნიათ მთელი კაცობრიობის ორგანიზაციად. მომავალში კი, როდესაც კაცობრიობის ორგანიზაცია წინ წაიწეეს, არა თუ ერის, — უმცირესს სოციალურ ინდივიდთა უფლებაც კი უნდა იყოს აღიარებული. ამისი შთანაჩენი უკვე სჩანს ჯონ კასონის განცხადებაში 1885 წელს. — ყოველ შემთხვევაში: 1) თვით არსებობა თანამედროვე სახელმწიფოთა-შორისო სამართლისა ძველ დიდთა და პატარა სახელმწიფოთა უწესრიგობისა და უსამართლობის ნაცვლად, 2) აღიარება ამ სახელმწიფოთა თანასწორობისა მიუხედავად იმისა — დიდი იქმნება სახელმწიფო თუ პატარა, სუსტი თუ ძლიერი, — თუმცა კი უფრო თეორიულად, 3) მიღება საერთაშორისო სამართლის მიერ ყველა ერისა, რომელიც თავს გაინათვისუფლებს მჩაგვრელ სახელმწიფოსაგან, თუმცა ეს უფლება ერისა არ გამომდინარეობს თვით მისი არსებობის უფლებისაგან, არამედ მისი ძალისაგან და ძალით ნაშოვნ დამოუკიდებლობისაგან, 4) აღიარება რამოდენიმე მეცნიერისაგან შინც იმ კემშარიტებისა, რომ ერი და არა სახელმწიფო უნდა იყოს ერთად ერთი საგანი საერთაშორისო სამართლისა, ერთად ერთი იურიდიული პიროვნება უნივერსალურ სამართლის წინაშე, — ყოველივე ესე დიდი პროგრესია ერის უფლების აღიარების მხრით, მიუხედავად იმისა, რომ, როგორც არა ვსთქვით, თანამედროვე საერთაშორისო სამართალი აღსავსეა შინაგანი წინააღმდეგობით, პრაქტიკული უძლურებით

თა და ამიტომაც უმეტეს შემთხვევაში უარ-ყოფელი ხამდელი, დედალურ საერთაშორისო სამართლისა.

კიდევ ერთი ნაბიჯი გადადგა წინ მეცხრამეტე საუკუნეში ერის უფლებამ. ეს ნაბიჯი სოციალისტური ინტერნაციონალიზმის სფეროში იყო გადადგმული და, საკვირველია, რომ იგი გაცილებით უფრო ბუნდოვანად არის ახსნილი სამართლის თვალთსაზრისით, ვიდრე მომქმედ სამართლისაგან გადადგმული ესევე ნაბიჯი. შეიძლება თვით ერებსაც მეტი იდეური წინააღმდეგობა ხედებოდათ სოციალისტურ ინტერნაციონალიზმის მხრით, ვიდრე საერთაშორისო მეცნიერების მხრით. და ვინ იცის, რომ შესაძლებელი ყოფილიყო განხორციელება ასეთის სოციალისტურის ინტერნაციონალიზმისა, იქნებ ერებს მეტი ბრძოლაც დასჭირვებოდათ ამ საშინელი დესპოტიის წინააღმდეგ, ვიდრე მათ დასჭირდათ მთელი საუკუნის განმავლობაში თანამედროვე სახელმწიფოთა წინააღმდეგ!

## VI

უპირველეს ყოვლისა სოციალისტ ინტერნაციონალისტთა შეცდომა მით გამოიხატა, რომ სრულიად ყალბად გაიგეს თვით იდეა ინტერნაციონალიზმისა. მათ ესმოდათ ინტერნაციონალიზმი, როგორც კაცობრიობის ერთ დიდ სოციალურ სხეულად გადადუღება. მათი რწმენით კაპიტალიზმი მთელს კაცობრიობას მოედებოდა, მოასობდა ერთა შორის განსხვავებას, ეკონომიურად კომოგენურ მასსად გადააქცევდა მასა და შემდეგ, როცა ეს მსოფლიო კაპიტალიზმი დაილუპებოდა თავის შინაგან წინააღმდეგობის ძალით, მის ნანგრევებზედ აღმოცენდებოდა ახალი მსოფლიო საზოგადოება, სოციალისტური, საკაცობრიო საზოგადოება. ეს იქმნებოდა განხორციელება ინტერნაციონალისა, თანამედროვე ცხოვრებაში კი მომავალი სოციალიზმის მატარებელი კლასის, პროლეტარიატი, ეროვნებათა განურჩევლად უნდა შეეკავშირებულიყო და შეექმნა საერთაშორისო, „ინტერნაციონალური“ მოძრაობა მომავალ ინტერნაციონალის განსახორციელებლად.

ეს აზრი თავიდან ბოლომდის ყალბია, დიდი სოციოლოგიური შეცდომა, რომელიც კრიტიკას ვერ უძლებს. ამაზედ ჩვენ უკვე ვილაპარაკეთ.

მეორე დიდი შეცდომა ინტერნაციონალისტებისა ის იყო, რომ მათ უმთავრესი შემაკავშირებელი ძალა საზოგადოებაში ეკონომიური ინტერესი ეგონათ. ამაზედაც უკვე გვქონდა მსჯელობა.

მართალია, ინტერნაციონალისტებმა თავიდანვე აღიარეს, რომ თვითოეული პროლეტარიატი უნდა ეყადოს სოციალური რევოლუციის მოხდენას თავის საკუთარ სახელმწიფოში, მართალია, ერის ორგანიულ ცხოვრების ბევრ დარგში, — კანონმდებლობაში და ათას გვარ დაწესებულებაში, — ისინი აქტიურ მონაწილეობის საჭიროებას აღიარებდნენ და კიდევ იღებენ დღეს ასეთს მონაწილეობას, მაგრამ ზემოხსენებული ყალბი იდეები მათ ნებას არ აძლევდა შეეზღუდებინათ ნათლად და გარკვევით თეორია ინტერნაციონალიზმისა, განესაზღვრათ ერი, ელიარებიანთ ერის უფლება და ამით თავიანთ მოქმედებაში საშინელ წინააღმდეგობას არ შეჩებებოდნენ ხოლმე თითქმის ყველა ქვეყანაში, ყველგან, — შჩავგრელ ერთა ცხოვრებაშიაც და მეტადრე ჩაგრულ ერთა ცხოვრებაში. რამდენჯერმე დამართნიათ ყოვლად გულწრფელ სოციალისტ-ინტერნაციონალისტებსაც კი, რომ „ნაციონალისტურად“ მოუნათლავთ სრულიად კანონიერი მიწრაფება ერის უფლებების მოპოვებისადმი, თვითონ კი ამით ნამ-

დეილ შოვინისტებად გამოსულან, რადგანაც დაუცავსთ ინტერესი დიდი ერისა და ამით დიდ ერთა „ნაციონალისტებად“ გამხდარან ძალა-უნებურად ასე მოხდება ხოლმე ყოველთვის, როცა არ არის კარგად განსაზღვრული არც ის ცნება, რომლისთვისაც იბრძვი და არც ის, რომელსაც ებრძვი. ინტერნაციონალისტებს კი არასოდეს არ განუსაზღვრავსთ არც ერი, არც უფლება ერისა და არც მომავალი საერთაშორისო სამართალი ისე, როგორც ეს საერთაშორისო სამართლის მეცნიერებმა შეასრულეს სახელმწიფოს შესახებ.

მხოლოდ შემდეგ მიაქციეს ამ საგანს ყურადღება და ახლა რამოდენიმე უკიდურეს ინტერნაციონალისტთა გარდა, ჰერვეს მსგავს სოციალისტთა გარდა, თითქმის ყველა დამოუკიდებელი მოაზრე სოციალისტი აღიარებს ერის უფლებას; რაც შეეხება პარტიებს, ჭერ იგინი შორს არიან ნამდვილი მეცნიერული ანგარიში გაუწიონ ამ საკითხს. აქა-იქ თუ შეგხვდებით ლიტერატურაში ორიოდე გამოკვლევა „ეროვნული საკითხის“ შესახებ, როგორც მაგალითად შპრინგერის და ოტტო ბაუერის, მაგრამ იქაც ძველი შიში „შოვინიზმისა“ და „ნაციონალიზმისა“ თავს დასტრიალებს მკვლევარს, იქაც ვერ არის სწორას სიმართლით განსაზღვრული ყველა ის ცნება, რომელიც შეეხება ერსა, საერთაშორისოსა და სამართალსა.

ადვილი გასაგებია ამიტომ, თუ რად იყვნენ ხოლმე თვით დიდ ინტერნაციონალისტთა მოქმედებანი და ნალაპარაკევი აღსავსენი წინააღმდეგობითა და ორქოფობითა.

1847 წელს ენგელსი და მარქსი ლონდონში იყვნენ და დაესწრნენ იმ მიტინგს, რომელზედაც ლაპარაკობდნენ პოლონეთის შესახებ. იგონებდნენ პოლონეთის 1830 წლის რევოლუციას. თვით მარქსი, ენგელსი და ყველა ქვეყნის სოციალისტები ამ მიტინგზედ ერთმანეთს სოლიდარობას უცხადებდნენ და ყველა აღიარებდა პოლონეთის თავისუფლებას. მარქსის აზრით პოლონეთი ინგლისის დემოკრატიაში უნდა გაანთავისუფლოს, როდესაც ჩარტისტთა გამარჯვება იქმნება გამარჯვება მთელი ქვეყნის დემოკრატიისა და ამით პოლონეთიც თავისუფალი გახდება. ენგელსის აზრით პოლონეთის განთავისუფლებაში მთელი გერმანიის ხალხიც დაინტერესებულია, ამასვე ამბობდა მთელი მაშინდელი „ინტერნაციონალი“, რომელიც არ არსებობდა ამ სახელით, მაგრამ რომელიც უკვე ფაქტიურად იხადებოდა. (K. Marx et F. Engels: Le Manifeste Communiste, traduction par Charles Andler, Appendice).

ენლა მოიგონეთ, რამდენი დავა და კამათი გამოუვლიათ გერმანიის, ავსტრიის და რუსეთის სოციალდემოკრატებს არა თუ პოლონეთის თავისუფლების შესახებ, არამედ პოლონეთის ავტონომიის შესახებაც. აქ ჩვენ ყველა ამ დავას ლიტერატურაში თუ კონგრესებზედ ვერ ჩამოვთვლით, ამას მთელი ცალკე წიგნი დასჭირდებოდა. მხოლოდ ფაქტია, რომ არც ერთი სოციალისტური პარტია არ აღიარებს დღეს პოლონეთის თავისუფლებას, მაშასადამე პოლონეთის ერის ხრულ უფლებას. თვით ავტონომიაც კი ბევრის მიერ ორქოფადა და იეზუიტურად არის აღიარებული. ყოველი მისი ეროვნული მოძრაობა, ყოველი ეროვნული სულის კვეთება, ლაპარაკი და სხვ. ბურჟუაზიულად ინათლება სოციალისტთა მიერ და ის კი არ იციან, რომ ამით ხელს უწყობენ გერმანიის და რუსეთის კაცი-ჰამია ნაციონალისტებსა და იმპერიალისტებს. სად არის აქ აღიარება ერის უფლებისა ისე, როგორც ეს მოეთხოვება ნამდვილ ინტერნაციონალისტებს?

მოიგონეთ ბაკუნინის მოქმედება სლავიანთა განთავისუფლებისათვის 1848 წელს, და მარქსის აღვლები ამავ სლავიანთა წინააღმდეგ 1848—1849



წლებში, მისი დაცინვა, მისი მათდაში ზიზღი, არა თუ მათი უფლებების აღიარება. მოიგონეთ ბაქუნინის გალაშქრება მადინის წინააღმდეგ, როცა მისი იტალიის თავისუფლებისათვის იბრძოდა, აგრეთვე იმავე მარქსის დახმარებითა ებრაელებისა, რომელთა ეროვნება მარქსისათვის მხოლოდ ეკონომიური ეგონიზმი და სხვა არაფერი. მაგრამ იგივე მარქსი აღიარებდა პოლონეთის თავისუფლებას და ბაქუნინი სლავიანებისას... ანტისემიტობაში, სლავიანოფილობა, სლავიანოფობობა, — არც ერთის ამისაგან არ იყვნენ უცოდველნი დიდი ინტერნაციონალისტები.

მაგრამ დრონი იცვალნენ. ეროვნულმა იდეამ მათ შორისაც ნახა ნიადაგი. სინამდვილემ და მართალმა სამართალმა თავისი გაიტანა. სოციალისტთა შორისაც ასტყდა დავა ერის უფლებების შესახებ, განსაკუთრებით იმ ქვეყნებში, სადაც ეროვნებანი უფრო ჩაგრულნი იყვნენ — ავსტრიაში, რუსეთში, გერმანიაში.

1897 წელს ავსტრიის სოციალ-დემოკრატიის მეექვსე კონგრესსზედ აღლურმა პირდაპირ განაცხადა: „უკანასკნელ წლებში მუშებმა ძლიერ შეიცვალეს აზრი ინტერნაციონალიზმის შესახებ. შესამოცე წლებში ინტერნაციონალიზმი ნიშნავდა ეროვნების უარყოფას, — თითქოს აღამიანს შეუძლია უარხუოს თავისი ისტორია, თავისი ეროვნული ინდივიდუალობა, თითქოს შესაძლებელი იყოს კაცობრიობის განუყენებულ ცნებაში ჩაფვლა ეს იყო მხოლოდ ძველი ბურჟუაზიული ბუშინიზმი და კოსმოპოლიტიზმი (კურსივი ჩვენია). ახლა ავსტრიაში საკითხი ასეა დაყენებული: როგორ შეიძლება შეერთებული თანამშრომლობა და ბრძოლა, რომ ერთმა ერმა მეორე არ დასჩაგროს?“ (კურს. ჩვენია). ეს პრობლემა სოციალდემოკრატებმა უნდა გადასწყვიტოს, ამბობს იდღერი. „როდესაც ჩვენმა ამხანაგმა დაშინსკიმ პარლამენტში დაიძახა, — „შე პოლონელი ვარ და სოციალ-დემოკრატიცო“, ყველას გაუყვირდით! — რა იყო აქ გასაკვირალი?“

1896 წელს „Arbeiter Zeitung“-ში პირდაპირ იყო აღიარებული ერი როგორც ბუნებრივი ფაქტი და ს.-დ.—ები ანიჭებდნენ მას უფლებას თავისუფალი განვითარებისას. — მაგრამ ეს, რასაკვირველია, არ არის კიდევ ერის უფლების განსაზღვრა და აღიარება.

ავსტრიის სოციალ-დემოკრატმა პერნერსტორფერმა პირდაპირ განაცხადა, — შე გერმანელი ნაციონალისტი ვარ. მაგრამ სხვა ერთა უფლებასაც აღვიარებო, ჩვენი გზა ნაციონალიზმიდან მხეცობისაკენ კი არ მიდის, არამედ მხეცობიდან ნაციონალიზმისაკენ.

1894 წელს ნორვეგიელმა მუშებმა თავის პოლიტიკურ პროგრამაში ნორვეგიის დამოუკიდებლობა შეიტანეს.

ფლამანდელმა დემუტატმა დესვარტმა 1898 წელს მოითხოვა ფლამანდურისა და ფრანგულ ენათა სწორ-უფლებიანობა.

ჰამბურგის კონგრესსზედ 1897 წელს ფვანკუხი სოციალისტ-ინტერნაციონალისტი კი არა, ნამდვილი გერმანელი შოვინისტი აღმოჩნდა: მან განაცხადა, რომ იგი ვერ იცნობს ევრაეითარ პოლონელ ამხანაგებს გერმანიის სოციალ-დემოკრატიაში. ლიბკნეხტმა „შეასწორა“ მისი განცხადება; ალბად ფვანკუხის განცხადებას მისი აზრითაც არავითარი „საერთაშორისო“ არა ჰქონდა რა.

ბებელმა ენერგიულად აღიარა დანელების ენის თავისუფლება ჩრდილოეთ შლეზვიგში.

კაუცი, რომელიც წინად ეროვნულ იდეას აღიარებდა წმინდა ბურჟუაზიად, რომლისთვისაც ერთი მხოლოდ ეკონომიური განვითარების ნაყოფი იყო, უკვე თავის სტატიებში ავსტრიელ ერთა შესახებ (1897) აღიარებს ავსტრიის ერთა არა სოციალისტურ ადმინისტრაციულს, არამედ ეროვნულ ავტონომიასაც. წინად კი იგი პატარა ერებს გაქრობასაც კი უწინასწარმეტყველებდა. (Масарик, философския и социологическия основи Марксизма).

ძლიერ შორს წაგვიყვანდა ყველა ასეთი ფაქტების ჩამოთვლა. საშინელი იყო იდეური ჩყვეა ეროვნების შესახებ სოციალისტთა შორის ზემოხსენებულ მიზეზთა გამო. მათი მთელი ყურადღება მიქცეული იყო სოციალურ ცხოვრების შინაგან გარდაქმნაზედ, განსაკუთრებით ეკონომიურ ცხოვრების გარდაქმნაზედ, და ამიტომაც სოციალისტებმა თვით მეცნიერებაშიაც ვერა შეიტანეს რა ერის, რასისა და ენის წარმოშობისა და განვითარების შესახებ. ვერ შეიტანეს და ვერ დააფასეს ეროვნული იდეა. ეს უკანასკნელი საკითხები უფრო კარგად გამოიკვლიეს სწორედ იმ ნაციონალისტებმა, რომელთაც სოციალისტები ბურჟუებად ნათლავდნენ, როგორც მაგალითად ჩვენებმა გველიჩემა და პალაცომ, შემდეგ მასარიკმა და სხვებმა. ამ მხრით რუსეთის სოციალისტებისთანა ყოვლად უეიციი და აზრით საპყარნი მთელს დედამიწის ზურგზედ არავინ მოიპოვება. რუსის სოციალ-დემოკრატების ეროვნული პროგრამაც კი კრიტიკას ვერ უძლებს, არამც თუ მეცნიერულად არ უკვლევიათ არც საგანი ერისა, არც მისი იდეა, არც მისი უფლება, — არც საზოგადოდ და არც კერძოდ რუსეთში. რუსეთის ს. დ. პარტიის ეროვნული პროგრამამა ისეთ კაცთაგან არის შედგენილი, რომელთაც არაფერი გაეგებათ რა რუსეთის არც ერთი უცხო ერისა, და რა გასაკვირველია, რომ თავიანთ კონგრესებზედ რუსის სოციალ-დემოკრატებსა და სხვებსაც ისეთი რამეები ელაპარაკნათ და ეწერათ, რაიცა სერიოზულ ადამიანს სიცილსა და თანაც ბრახს მოჰგვრის. — თუმცა კი რუსეთის ერთა მიერ თავიანთ უფლებებზედ ყვირილმა ცოტათი მოსდრია ს.დ.—ების გული და მცირე ნაბიჯი გადაადგმევინა ერის უფლების აღიარებისაკენ.

ყოველ შემთხვევაში, მესამოცე წლებთან შედარებით სოციალისტურმა ინტერნაციონალიზმმა დიდი ნაბიჯი გადასდგა ერის უფლების აღიარების მხრით. თუ წინად მარქსი ჩვენებს ლანძღავდა და მომაკვდავ ხალხად ჰრაცხდა, ეხლა კაუცი მათ კულტურულ ხალხად აღიარებს და ადმინისტრაციულს და ეროვნულ ავტონომიას ანიჭებს. ერთობ ავსტრიის სოციალ-დემოკრატია აღიარებს ეროვნულ უფლებათა. მან იბრძოლა და იბრძვის კიდევ მათ მოსაპოვებლად. კროპოტკინი თითქმის პირდაპირ აღიარებს ერის უფლებასა და ამბობს: „ეროვნული საკითხი შეიძლება დასავლეთ ევროპის მუშებს სისულელედ მოეჩვენოს, რადგანაც არ იციან უცხოელის ბატონობის სუსხი. არ იციან რა არის დევნა ეროვნულ ზნე-ჩვეულებათა, არ განიცდიან ბატონის ამაყოფას, მისი ეროვნული ხასიათის განსხვავებას, მის ზიზღს დაპყრობილთადმი. მაგრამ მათთვის, ვინც განიცადა ეს მონობა, ეროვნული დამოუკიდებლობა ყველა ხხვა საკითხზე წინა ხდვას (კურს. ჩვენ.). გლეხი უერთდება მებატონეს საერთო სიძულვილში, ავიწყდება რა, რომ მისი თანამემამულე ისეთივე სასტიკი იქმნება ბატონობის დროს, როგორც უცხოელი. მას სძაგს უცხოელი, რადგანაც მისი ყოველისფერი ეზიზღება, მისი ლაპარაკი, მისი მიხვრა-მოხვრა, მისი მოპყრობა დაპყრობილთადმი. დაპყრობილ ერში პროგრესისი, წინსვლელობა თვით შთანაჩენში ისობა. უყურეთ სერბიას: იქ არ იყო სოციალური საკითხი, სანამ ოსმალო ბატონობდა. ოსმალოს განმევეების შემდეგ კი სოციალუ-

რის სიკეთის მიხედვით აღმოცენდა, ელაპარაკეთ სოციალიზმზე ირლანდიელს, მაშინვე გიპასუხებნით: „ჩერ ინგლისელი გვაგადოთო“. აგი სცდება, რასაკვირ-ველია სცდება, მაგრამ ეროვნული ხელშეწყობის უზენაესი გონებას (კურსი იგი ჩვენია). ამასთანავე ისტორია მეცხრამეტე საუკუნისა ერთი ვრცელი მოწა-მეობაა პატრიოტებისა, უცხოთა ხელიდან განთავისუფლებისათვის განცდილი. ჩვენ დღეს აღტაცებაში მოგყავართ რუსეთის ახალგაზრდობას, მის თავგანწი-რულებას განცვიფრებით ვუყურებთ, ვგლოვთ მის ტანჯვათა, მაგრამ ვიყო-დეთ, რომ მათი ტანჯვა არაფერია იმ ტანჯვასთან შედარებით, რომელიც განი-ცადეს საიდუმლო საზოგადოებებმა „ახალგაზრდა უნგრეთისა“, „ახალგაზრ-და პოლონეთისა“, „ახალგაზრდა იტალიისა“ განსაკუთრებით, — სადაც ბურ-ჟუა და მუშა ერთად მოქმედებდნენ, ერთი იდენით გატაცებულნი, სამშობლოს განსათავისუფლებლად“ (Un siècle d'attente). — მაგრამ არა, ათასჯერ არა! ირლანდიელი არა სცდება ეს კროპოტკინმაც კარგად იცის, მაგრამ რა უნდა უყოს იმ ყალბ იდეას ინტერნაციონალიზმისას, რომელსაც ასე მისჩვევია ევ-როპის სოციალიზმი მაგრამ თვით კროპოტკინმაც დიდი ნაბიჯი გადასდგა ამ სტრიქონთა დაწერის შემდეგ. ამ ორი წლის წინად, როცა პერვე გაიძახოდა — სულ ერთია საფრანგეთში რესპუბლიკანურ ფრანგული მთავრობა იქმნება თუ მონარხიულ გერმანულიო, — კროპოტკინმა განაცხადა, — სამოცდა ორი წელი მაწევს ზურგზედ, მაგრამ თოფს ავიღებ და საფრანგეთის რესპუბლიკას დავი-ცავ უცხო მტრისაგანო! ამისათვის მას ყალბი ინტერნაციონალისტები აუყა-ყანდნენ, მაგრამ კროპოტკინი ერთობ გულწრფელი, გონიერი და ნამდვილი ინტერნაციონალისტია, რომ მისთვის დაეკლოთ რამე პერვესთანა მყვირალა ინტერნაციონალისტებს. დღეს არსად აღარ ბატონობს ისეთი იდეა ინტერნა-ციონალიზმისა, როგორც მესამოცე წლებში იყო, შეიძლება გარდა რუსეთისა. დღეს საერთაშორისო სოციალისტურ კონგრესებზედ სწორ-უფლებიანობით არის მოსილი ყოველი ერის პარტიის წარმომადგენელი, თუ კი რომელიმე ერის მუშათა კლასს ეროვნული თავმოყვარეობა აქვს და საკუთარ სოციალის-ტურ პარტიას შეადგენს, და არ მიეტმასნება დამმონებელ ერის პარტიას, რო-გორც ეს ქართველებმა ჩაიღინეს. დღეს სოციალისტთა მიერ ვრცელი მეცნიე-რული გამოკვლევები იწერება ერისა და მის უფლებათა შესახებ. — როგორც მაგალითად შპრინგერისა (Национальная проблема) და ოტტო ბაუერისა (Национальный вопрос и Социал-демократия)

მაგრამ არც ერთს სოციალისტურ პარტიას, არც ერთს მკვლევარს არ დაუხსნავს ეროვნული იდეის განვითარება, როგორც სახელმწიფო იდეის სა-წინააღმდეგო განვითარება, — ერის სუვერენიტეტი, როგორც სამაგიერო სახელმწიფოს სუვერენიტეტისა და მომავალში კანონიერად მისი ადგილის დაპყრობა. მხოლოდ ამ თვალთ-საზრისით კი შეიძლება აღიარება ერის უფლე-ბისა, — ნამდვილი აღიარება და არა პლატონიური და ორქოფი. მხოლოდ ამ თვალთ-საზრისით შეიძლება აგრეთვე აღიარება ერთა შორის თანასწორობისა, გნურჩვევლად დიდთა და პატარა ერთა, როგორც საერთაშორისო სამართალ-მა აღიარა თანასწორობა სახელმწიფოთა, დიდთა და პატარათა განურჩევლად. სოციალისტებმა ვერ შექმნეს სწავლა ინტერნაციონალიზმისა სრულიად, და მხოლოდ სახელი აქვსთ ინტერნაციონალისტებისა. და ან კი როგორ შეეძლოთ ამ სწავლის შექმნა, როცა ინტერნაციონალიზმი გულისხმობს ერსა, ამ უკა-ნასკნელის არსება და უფლება, ერის სუვერენიტეტზედ და თანასწორობაზედ დამყარებულ საერთაშორისო სამართალი კი მათი კვლევის სერიოზულ და

უპირველეს საგნად არასოდეს არ ყოფილა. მარტო „სოლიდარობაზედ“ ლაპარაკი, მთელი ქვეყნის პროლეტარტა შეერთებისათვის მოწოდება და კაპიტალიზმის საქვეყნოდ გადაქცევის აღნიშვნა კი სრულიადაც არ მოასწავებს „ინტერნაციონალიზმის“ სწავლა-მოძღვრების შექმნას. ამ მხრით თანამედროვე სახელმწიფოთაშორისო სამართლის მეცნიერება მიუწოდებდა მალა სდგას სოციალისტთა საერთაშორისო სწავლა-მოძღვრებაზედ. მიუხედავად ამისა, განვიგებობთ, სოციალისტებმაც წარსდგეს წინ დიდი ნაბიჯი. თუ წინად კანტი-კენტად იკვლევდნენ მეცნიერები ერსა და მის უფლებას, აქცევდნენ რა ყურადღებას საზოგადოებრივ აზრსა და თვით ერთა განთავისუფლების ფაქტს, დღეს სოციალისტებიც იძულებულნი არიან მშრალი „კოსმოპოლიტიზმით აღარ გამოუღაყონ თავი აღარც დიდ ერთა პროლეტარტებს და განსაკუთრებით აღარც ჩაგრულ ერთა მშრომელ კლასებს, იძულებულნი არიან ანგარიში გაუწიონ ერთა მოძრაობას, საზოგადოებრივ აზრს. და სერიოზულად იკვლიონ ერი, მისი არსება და მისი უფლება, ურომლისოდაც შეუძლებელია შექმნა ინტერნაციონალიზმის სწავლა-მოძღვრებისა. ახლო მომავალში სოციალისტები, ჩვენის ფიქრით, კიდევ უფრო იქმნებიან იძულებულნი მთლად ერთიანად გადასინჯონ „ეროვნული“ და „საერთაშორისო“ თეორიები.

## VII

სხვათა შორის, ორ უბრალო მოვლენას ვამჩნევთ, როდესაც განვიხილავთ საზოგადოებათა და მათი ურთი-ერთ-შორის დამოკიდებულებათა ისტორიას. ერთია მისწრაფება თავის დაცვისადმი ყოველი სოციალური ჯგუფისა, მეორეა განვითარება საზოგადოებათა შორის განწყობილებათა მოწესრიგებისა. როგორც ყოველი ცოცხალი ინდივიდი მიიწრაფვის თავის დაცვისადმი, ისე ყოველი საზოგადოებრივი ჯგუფი. პირველი ისტორია არის — ისტორია მისი არსებობისათვის ბრძოლისა — მეორეს ისტორია არის — მისი საზოგადოებრივი და პოლიტიკური ისტორია. აგრეთვე როგორც ინდივიდთა შორის თანდათან იზრდება საზოგადოებრივობა, წესრიგდებიან განწყობილებანი და ამ ნიჟადაზზედ იზრდებიან რთულნი მოვლენანი სოციალურ ცხოვრებისა, საზოგადოებათა შორისაც საერთაშორისო სამართლის დღიდან დასაბამისა იზრდება საზოგადოებრივობა, წესრიგდება მრავალი განწყობილება მათ შორის, ჩნდება რთული და ფართო საერთაშორისო ცხოვრება.

ერი და სახელმწიფო უდიდესნი არიან ყველა სოციალურ ჯგუფთა შორის. სახელმწიფოთა თავის დაცვისათვის ბრძოლამ დაჰბადა უფლება მისი ხელ-უხლებლობისა. საერთაშორისო სამართლისა და ზნეობის განვითარებაში — იღეა სახელმწიფოთა თანასწორობა.

მაგრამ, როგორც არა ვსთქვით, ზშირად სახელმწიფო ერთა წინააღმდეგია და მათი უფლების უარ-მყოფელი, რადგინაც ერთ სახელმწიფოში შეიძლება რამდენიმე ერი იჩაგრებოდეს. ამიტომაც ერები, როგორც სახელმწიფოსაგან განსხვავებული სოციალური ინდივიდები, სწორედ მჩაგვრელ სახელმწიფოთა წინააღმდეგ იბრძოდნენ და საკუთარ სახელმწიფოებს იარსებდნენ. საერთაშორისო სამართალი და ზნეობა მათაც აღიარებდა სწორუფლებიან სახელმწიფოებად, — და ეს იყო დიდი ნაბიჯი საზოგადოებათა-საზოგადოების უმაღლესი ზნეობის განვითარებისაკენ.

ფაქტმა ერთა ბრძოლისამ დაჰბადა საერთაშორისო სამართლის მეცნიერებაში თეორია ერისა, რომელიც არა თუ იგივე არ არის, რაიცა სახელმწიფო,

არამედ ხშირად წინააღმდეგი ცნებაცა. უდიდეს მეცნიერებს ჰქონდათ კამათი — რომელი უნდა ყოფილიყო საგანი საერთაშორისო სამართლისა. — ერთი თუ სახელმწიფო. რასაკვირველია ჯერ-ჯერობით უმეტესი ნაწილი სახელმწიფოს მომხრეა, მაგრამ პრინციპი ერის ინდივიდუალობისა, მასი უფლებებისა და დაცვის აუცილებლობისა მაინც არსებობს და ბევრისაგან არის აღიარებული.

საზოგადოების მოწინავე ელემენტები ყოველთვის აღიარებდნენ ხოლმე ერის უფლებას განთავისუფლებისას და განცალკევებისას, ტაშს უკრავდნენ აქანყებულ ერებს. მეცნიერებაც იძულებული იყო ერის თეორიული საკითხი დაეყენებინა.

ეხლა კი ისეთი დრო დგება, როცა პირდაპირ უნდა აღიაროს საზოგადოებრივმა აზრმა ერის უფლება მხოლოდ და მარტო მისი ინდივიდუალური არსებობის მიხედვითაც, როგორც აღიარებულია უფლება ადამიანისა. ეხლა საერთაშორისო სამართალი თეორიულად მაინც უნდა მიუახლოვდეს უბრალო სამართალსა. თუ მან აღიარა თეორიულად თანასწორობა სახელმწიფოთა, მან შემდეგ, საზოგადოებრივ აზრის გალაშქრების ზედგავლენით, თეორიულადვე, ზნეობრივადვე მაინც უნდა აღიაროს ერთა თანასწორობა. მართალია, ეს დიდი წინააღმდეგობა იქმნება სახელმწიფოთა, მაგრამ წინად დიდ მონარქიათა წინააღმდეგი არ იყო პრინციპი ლიბტენშტეინისა და რუსეთის თანასწორობისა, მაგრამ მაინც აღიარა საერთაშორისო სამართალმა? წინად განა ძლიერთა ამა ქვეყნისათა წინააღმდეგი არ იყო თანასწორობა გლეხისა და ფეოდალისა, მაგრამ მაინც აღიარა. დემოკრატიულმა სამართალმა. მათი თანასწორობა კანონის წინაშე? — მეცნიერება უნდა მიჰყვეს საზოგადოებრივ აზრს, თვითონაც უნდა იქონიოს გავლენა მათზე, რომ ერის ინდივიდუალობა, არსებობა, უფლება და თანასწორობა აღიაროს უმაღლესი საერთაშორისო ზნეობისა და სამართლის სახელით. რაც შეეხება სახელმწიფოების პრეტენზიებს, მათი კბილის მომპრელი უპირველეს ყოვლისა თვით ერთა თავის დაცვა, ბრძოლა და თავისუფლების მოპოვებაა. ნუ დაავიწყდებათ სახელმწიფოთა პრინციპის მატარებელ ინტერნაციონალიზტებს, ვინც უნდა იყვნენ იგინი, — მიმდევარნი მომქმედ საერთაშორისო სამართლისა თუ სოციალიზმის სხვა-დასხვა სკოლის წარმომადგენელნი, — რომ თვით თანამედროვე სახელმწიფონი ბლუნჩლის სიტყვითვე ეროვნული საულის მატარებელნი არიან, რომ იქ ერთი ერი ბატონობს, ერთ ერს აქვს თავის ხელში სახელმწიფო მექანიზმი და ბოროტად ხმარობს მას სხვა ერთა დასაჩაგრავად, და რომ ამ ჩაგრულ ერებსაც აქვსთ ისეთივე უფლება სახელმწიფოს შედგენისა.

დღეს სახელმწიფო — ფორმაა ერის ორგანიზაციისა, იგი ამასთანავე მისი იარაღია შინაგან და გარეგან საჭირო სოციალურ ფუნქციათა აღსასრულებლად, და თუ ერთ ერს აქვს უფლება ასეთი იარაღით სარგებლობისა, მეორესაც აქვს, — ყველას აქვს თანასწორად, — მიუხედავად იმისა, დიდი იქმნება ერი თუ პატარა, მდიდარი თუ ღარიბი, თეთრი კანისა თუ შავი კანისა, აზიელი თუ ევროპიელი.

ერი სოციალური ინდივიდია, მაშასადამე, მას უნდა ჰქონდეს ყველა უფლება და ვალდებულება, რომელიც კი მას შეეფერება უმაღლესი საერთაშორისო პრინციპის ძალითა. თუ ის უფლებანი და ვალდებულებანი თანასწორობისა და თავისუფლების ნიადაგზედ არ იქმნებიან დამყარებულნი, ინტერნაციონალიზმი ფუჭი სიტყვაა, უაზრო, ტყუილი და განუხორციელებელი.

უფლება არსებობისა და ხელ-უხლებლობისა, თანასწორობა სრული და სამართლიანი, უფლება რომელიმე ფორმის სახელმწიფოს დაარსებისა, უფლება საზოგადოებათა საზოგადოების წინაშე სამართლის პოვნისა და თანასწორობა, სამართლიანი ვალდებულება მის წინაშე, — აი ერის უფლება.

ვინც ამას უარ-პყრფის, — იგი ინტერნაციონალისტი არ არის, იგი ნებით თუ უნებლიეთ სახელმწიფოთა-შორისო სამართლის თაყვანისმცემელია, ხელის შეშეწყობი უსამართლობისა და შოვინისტი დიდ სახელმწიფოთა, უარ-მყოფელი საერთაშორისო სამართლისა. ის ადამიანები კი, რომელნიც ამ პრინციპებით დაიკავენ ერის უფლებას, ნამდვილ ინტერნაციონალიზმს ემსახურებიან. დეაწლი მათი დიდი იქმნება მომავალ საერთაშორისო ძმობის განმტკიცებისათვის. საუკიროა მთელს მოაზრებ საზოგადოებაში შოვინიზმს მტკიცე და ნათელი აზრი ერის ზნეობრივ არსებობისა და ხელ-უხლებელ უფლებათა შესახებ, როგორც საფრანგეთის რევოლუციამ მოჰქვინა მთელს კაცობრიობას აზრი ადამიანისა და მოქალაქის უფლებისა, და მაშინ დიადი აზრიც დიად ნაყოფს გამოიღებს. საკვირველია, „ინტერნაციონალის“ ერთი უდიდეს მისისიათაგანი ეს იყო სწორედ, თვით მისი სახელწოდებიდან ლოლიკურად გამომდინარეობს დიადი აზრი ერის უფლებისა, და მან კი ამ მხრით ვერაფრითარი ნაყოფი ვერ მოტანა. პირიქით, — სულ არაა ცნებანი ერისა და საერთაშორისო სოლიდარობისა, რაღაც მკვდარი, უტოპიური კოსმოპოლიტიზმი ან უკიდურესი შოვინიზმი შექმნა ინტერნაციონალიზმის მაგივრად და ისე შეისისხლხორცა მრავლის უმრავლესმა სოციალისტმა ერთიცა და მეორეცა, რომ ძნელია ეხლა მათი მორჯულება და მტკიცე და ნამდვილ ინტერნაციონალიზმის ნიდაგზედ დაყენება. დიახ, სწორედ ეს ორი სრულიად ურთი-ერთის მოწინააღმდეგე ცნება გამოვიდა „ინტერნაციონალის“ ინტერნაციონალიზმიდან (სხვა დიდ და მართალ იდეათა შორის, რასაკვირველია), — კოსმოპოლიტიზმი და შოვინიზმი, და ეს ნათლად ამტკიცებს, რომ წინადაც სათავეში ნათელი წარმოდგენა სრულიად არ ჰქონიათ „საერთაშორისოზედ“.

შეიძლება გვითხრან, — როგორ, თქვენ ერის უპირველეს უფლებად აღიარებთ სახელმწიფო ორგანიზაციის მოწყობას, მაშასადამე ყველა ერი სუვერენი უნდა იყოს? — დიახ, იდეალურ საერთაშორისო სამართლის თვალთხაზრისით ყველა ერს აქვს უფლება სუვერენობისა. თუ თანასწორობა ხაფუძველია სამართლისა და საერთაშორისო ხოლიდარობისა, — ყველას სუვერენობა! — ამას გვეუბნება უმაღლესი ზნეობა და სამართალი საზოგადოებათა საზოგადოებისა, როგორც სამართალი და ზნეობა უბრალო სამართლისა გვეუბნება ინდივიდის თანასწორობასა და სუვერენობას უბრალო საზოგადოებაში. — რაც შეეხება კონკრეტულ ერებს, თანამედროვე სახელმწიფოებში არსებულთ, არავინ არ ამბობს — იღეთ და ყველას დაურიგეთ სუვერენობაო. სუვერენობა მხოლოდ იდეალია, იგი აღიარებული უნდა იყოს სამართლისაგან და ზნეობისაგან, მოწინავე აზრისაგან, და როდესაც ერი მიისწრაფის ამ იდეალისადმი, — სამართალმა მას დახმარება უნდა გაუწიოს, მოწინავე აზრმა ტაში უნდა დაუკრას, სოციალიზმმა უნდა გაიხაროს, რომ ერთი ნაბიჯი კიდევ წარესდგით წინ ინტერნაციონალისაკენ. დღეს კი წინააღმდეგს ვხედავთ: ნახევრად ველური საერთაშორისო სამართალი, მოუძმწიფებელი საერთაშორისო ზნეობა და ნახევრად ბარბაროსული სოციალიზმი ამაზედ ხშირად ლაპარაკსაც გვიშლიან. — თორემ, მართლაც, კონკრეტულად რამდენია ისეთი ერი, ისეთი ხალხი, რო-

მელთა სუვეერენობა შეუძლებელია, თუ გინდ იმიტომაც რომ ტერიტორია არა აქვს. გარდა ამისა, თანამედროვე სახელმწიფოთა ფორმა მარტო სუვერენულ არ არის. არიან სახელმწიფონი სუვერენნი. სახელმწიფონი ვასალნი, სახელმწიფონი პროტექტორატის ქვეშე მყოფნი. თანამედროვე მოქმედი საერთაშორისო სამართალი აწესრიგებს ყველა მათ უფლებათა და ვალდებულებათა. აგრეთვე თანამედროვე დიდი სახელმწიფოები თითქმის ერთ პატარა საერთაშორისო საზოგადოებას წარმოადგენენ და იქ ავტონომიები და მფლობელობანი ან სარკებლობენ განსაკუთრებული უფლებებით, ან შეუძლიანთ რომ ისარგებლონ, მსგავსად დამოუკიდებელ სახელმწიფოთა, საზოგადოებრივობის ბევრს სფეროში. და რომ მართალი სამართალი მართლაც სადმე იყოს, არა თუ ტერიტორიის მქონე ერთა, არამედ გაბნეულ ერთა უფლებათა სრული დაცვაც კი შეიძლებოდა. — მაგრამ, განვიმეორებთ, იდეალი ერის უფლებისა საზოგადოდ არის მისი სუვეერენობა და შემდეგ მის სურვილზედ და მისი თანაწორის სურვილზედაც არის დამოკიდებული იმ საერთაშორისო კავშირის განმტკიცება, რომელიც მათთვის ხელსაყრელი ან აუცილებელი იქმნება.

საერთოდ, ცოტაა სერიოზული არგუმენტი ერის უფლების წინააღმდეგ. ვერავითარი უმაღლესი მოსაზრებით ვერ დასთარგუნავ ამ უფლებასა, თუ არ ძალითა, მაგრამ იდეა მისი რჩება, და მას ვერაარა ჰძლიევს. სუსტია და უზარო მის წინააღმდეგ უტოპიური იდეალი კოსმოპოლიტიზმისა. სუსტი და უძლურია აგრეთვე იდეა სახელმწიფოსი, თუმცა ძლიერი იარაღი მის წინააღმდეგ. — ერი ინდივიდია, და მასსადამე ვერც მისი სიპატარაის მიხედვით წაართმევენ მას უფლებასა, რადგანაც ინდივიდი ერთისა და იგივე უფლების მქონეა, დიდი თუ პატარა. არც ის არის სამართალი, — კაცობრიობის სახელით პატარა ერებს რომ ზიზლით იხსენიებენ, — კაცობრიობის წინაშე რა მივიძღვისთო. ჯერ ერთი კაცობრიობა არ არსებობს, ერებს რომ ასაჩუქრებდეს და სჯიდეს ღვაწლთა და ცოდვათა მიხედვით, როგორც პატრიარქი თავის შვილებს. პირიქით, იგი ერთაგან შესდგება, ანუ, უკეთ ვსთქვათ, მომავალში უნდა შესდგეს. მეორე — პატარა ერებს მიუძღვისთ დიდი ღვაწლი ამ „პატრიარქის“ წინაშეც. ელლადა პატარა იყო, აღმოსავლეთის ღესპოტიები კი დიდი — და რომლის ღვაწლი უფრო დიდია? იაპონია პატარაა და ჩინეთი დიდი, რომლის ღვაწლი უფრო დიდია ეხლა? რუსეთი დიდია, იტალია კი მასთან შედარებით პატარაა? — რომლის ღვაწლი უფრო დიდი ყოფილა და არის? — ჩვენ ამითი ის არ გვინდა ვსთქვათ, რომ პატარა სჯობია დიდსაო, მაგრამ ისიც ტყუილია, თითქოს სიდიდით რამე განიზომებოდეს. ვიქტორ ჰიუგოს სიტყვები მართალია, — ერის ღირსება ისე არ განიზომება სიდიდით, როგორც ადამიანისა მისი სიმაღლითაო. მართლაც, მაშინ ყველა აყლავუდა ხომ დიდი ვინმე იქმნებოდა! — მაგრამ — კიდევ ვიტყვი — განა ეს არის უფლების განმსაზღვრელი? განა პატარა კაცს საზოგადოებაში უფლება არა აქვს? თუ აქვს უფლება? — სამართალი იმას კი არ დასდევს — გენიოსია, ტალანტია, თუ სხვა რამ ესე თუ ის კაცი. — სამართალი ყველასათვის ერთნაირად მოქმედებს! — პატარა კაცსაც აქვს ამასთანავე თავისი სიამაყე, თავისი სიზარული, თავისი კმაყოფილება, თავისი სულიერი და გონებრივი ცხოვრება. ხელი არავის აქვს მის სიპატარავესთან, — იგი სცხოვრობს თავისი ინდივიდუალური სიცოცხლით. საზოგადოების სამართალი მას აღიარებს, როგორც ინდივიდს, და არა ზომავს მისი სიცოცხლის სიპატარავესა და სიდიდეს. ხელი არავისა აქვს არც მის სიკვდილთან, მალე მოკვდება იგი თუ გვიან. სამართალს არ შეეხება მისი სიცოცხლის ხანგრძლი-

ვობა. მსგავსადვე ვის რა საქმე აქვს — პატარაა ერი, ღარიბია იგი გადაგვარების გზაზედ დამღვარი. მომაცდლავი თუ სხვა რამ. იგი სოციალური ინდივიდია, — საერთაშორისო სამართალმა მისი სიცოცხლე, მისი არსებობა, მისი თავისუფლება უნდა დაიცვას. თუ სამართალი იდეალურია, — კიდევაც უნდა იზრუნოს მის ხანგრძლივობაზედ, — ჩვენ კი სწორედ მის სისუსტესა და ნაკლს გვიყენებენ არგუმენტებად მის უფლებათა წინააღმდეგ!

ერი ათასგვარ და რთულ ისტორიულ პროცესისაგან შობილა, გაზრდილა. საუკუნოებით. ვინ იცის რამდენი ვაივაგლახი გამოუვლია, სანამ შეიმუშავებდა ორიგინალურ სოციალურ ცხოვრებას, გახდებოდა თვითშემგნებ სოციალურ ინდივიდად — მასაც აქვს თავისი სიხარული და სულის კვეთება, თავისი იდეალები, თავისი მიზნები, მასაც აქვს იმედი ხანგრძლივი ცხოვრებისა და იბრძვის ამ ხანგრძლივ ცხოვრებისათვის, — და თუ იგი მეორეზედ ნაკლებია, უღარიბესი, უფრო სუსტი და დაავადებული, ეს არავის უფლებას არ აძლევს გამორიცხოს იგი სამართლის სფეროდან და პრინციპიალურადაც კი უარ-ჰყოს მისი არსებობის უფლება რაღაც კაცობრიობის სახელითა და მის საკეთილდღეოდ.

ღიახ, როგორც საზოგადოებაში არსებობს დღეს უსრული სამართალი და მთელი სოციალური მოძრაობა იქითკენ არის მიმართული, რომ ეს უსრული სამართალი სრულ-ჰყოს, ათასჯერ მეტად თანამედროვე სამართალი საზოგადოებათა საზოგადოებისა უსრულია და ჩვენც მის სრულ-საყოფელად მეტი ბრძოლაც გვმართებს. — თუ დღეს უბრალო საზოგადოებაში ადამიანის უფლების დათრგუნვა აღელვებს ჩვენს სინიღისსა, ათასჯერ მეტად უნდა აგვადღვლოს ერის უფლების დარღვევამ, რომელიც მილიონ ხალხისაგან შესდგება. თუ დღეს ინდივიდის სუვერენიტეტი და თანასწორობა გაგვიხდია იდეალად, მსგავსადვე ერის სუვერენიტეტი და თანასწორობა უნდა იყოს საზოგადოებათა საზოგადოების ზნეობისა და სამართლის იდეალი. მხოლოდ შეუგნებელნი და სამართლის ფილისტერები, რომელნიც არ აღმალღებულან საერთაშორისო ზნეობისა და სამართლის იდეამდე, უარ-ჰყოფენ ამასა და ბევრნი არიან ასეთნი როგორც სოციალისტი ისე „ბუჩუკუაზიულ“ მოაზრეთა შორისაც!

„ერი ჩვენთვის სულია, სულიერი ოჯახი, სულიერი პრინციპი, იგი ისტორიული ინდივიდუალობაა“, სთქვა რენანმა. — მაშ თუ სულია, სულიერი ოჯახი, სულიერი პრინციპი, ისტორიული ინდივიდუალობა, როგორც ამბობდა ეს კეთილშობილი ფილოსოფოსი, — ასეთს ოჯახს, ასეთს სულსა, ასეთს ინდივიდუალობას უფლება არა სჭირდება, — უფლება უზენაესი, რომელიც სუვერენობით უნდა გამოიხატოს, ან უნდა მიისწრაფოდეს სუვერენობისადმი? და რადი ამ აუცილებელსა და სამართლიან პრინციპს აღვიარებთ, რასაკვირველია ყოველი მისი უარყოფელი, ყოველი დამრღვეველი საერთაშორისო პირობათა და მომატყუებელი ერთა, ან ყოველი განმამართლებელი ასეთ მოტყუებათა დასავგობი არ უნდა იყოს ჩვენ მიერ აღიარებულ უზენაეს საერთაშორისო ზნეობისა და სამართლის თვალთახედვით? —

„ქმნა მართლისა სამართლისა ზესა შეიქმნს ხმელსა ნედლადა“, სთქვა ქართველმა გენიოსმა, და მართლაც ყოველი აღდგენა უფლებისა დაჩაგრულ ერის მიერ მართალი სამართლის ქმნა არ არის, განმანედლებელი გამხმარ ერთგულ ორგანიზმისა?... ვინც უარყოფელია ყოველივე ამისა, იგი მართალი სამართლის პატივის მკემელი. არ არის, არამედ მართლაც ნამდვილი პირველყოფილი ზნეობის მქონე.



მრის ღირსება და უპირატესობა.

ერის უფლებათა აღიარება, როგორც უკვე ვსთქვით, არ უნდა იყოს დამყარებული არაფერზედ, გარდა სამართლისა.

ღირსება, სიდიდე, სიმდიდრე და სხვა — სამართლის თვალში ერთს ერს არ უნდა აძლევდეს უპირატესობას მეორეს წინაშე.

ერთად-ერთი მართალი სამართალი უნდა იყოს დამცველი და აღმსარებელი ერის სიცოცხლისა, უფლებისა, პიროვნებისა და ღირსებისა.

თვით ღირსების, უპირატესობის გამოკვლევა ბევრ შემთხვევაში ძნელია. ერი, როგორც კერძო ადამიანი, ვითარებათა კრებულია. ვითარებათა შედარება კი არ შეიძლება ისე, როგორც უბრალო რაოდენობით სიდიდეთა. როდესაც მაგალითად საგნის სიგრძესა, სივრცესა ან სიმძიმეს ვზომავთ, — უტყუარი რაოდენობითი საზომი გვიჭირავს და არა ვსცდებით. როდესაც ამავე საგანთა ღირსებაზედ, ან საარგებლიანობაზედ ვმსჯელობთ, შეუძლებელია ორი საგნის შედარება, — თუ სპეციალური თვალთახედვით, სპეციალური მიზნის მიხედვით არ განვიხილეთ იგინი.

ადამიანი რთული ვითარებაა, და ამიტომაც ძნელია პიროვნებათა შედარება, თუ იგინი ღირსებათა სრულ წინააღმდეგობას არ წარმოადგენენ ურთიერთის პირის-პირ. როგორ გინდათ შეადაროთ ერთმანეთს მაგალითად ნაპოლეონი და შექსპირი? მათ ნიჭს არავითარი საერთო საზომი არა აქვს. ცხადია განსაზღვრული თვალთახედვით შეიძლება მხოლოდ მათი შედარება და დაფასება.

ერი კიდევ უფრო რთული კომპლექსია ვითარებათა. ადვილია ინგლისელის უპირატესობის აღნიშვნა რომელიმე ბარბაროს ხალხის წინაშე, თუმცა შეიძლება განსაზღვრული თვალთახედვით ამ უკანასკნელსაც აღმოაჩინდეს ერთი უპირატესობა მაინც დიდებულ ერთან შედარების დროსა. ბევრია იმეტი, რომ ერთის მხრით ჰხედავთ ყოველ-მხრივ შემოქმედებას, პროგრესს, მეორეს მხრით ბარბაროსობას, სიბეჩავეს, ჩამორჩენილობასა. მაგრამ როგორ გინდათ შეადაროთ ინგლისელი და ფრანგი, ან ფრანგი და გერმანელი, თუ განსაზღვრული თვალთახედვით არ განვიხილეთ მათი სიდიადე? რამდენს მისცემდა ინგლისელი გერმანელთა მუსიკაში, ან გერმანელი ფრანგს თავის გენიოსს სარდლებში, წმინდა მცნოებებში, ხელოვნების ბევრ დარგში? ან იტალია რომ ხელოვნების დიდებული ტაძარი იყო მაშინ, როდესაც რუსეთი ველური იყო, — ეხლა რამდენს მისცემდა უკანასკნელი პირველს კულტურულ ისტორიაში?

დაახლოვებით ერთ განსაზღვრულ კულტურულ სფეროში ერები თანასწორ ინდივიდუალობათ წარმოადგენენ, მაგრამ მით უმძიმესია მათი შედარება. იგინი ბევრ ვითარებათა კრებულნი არიან; ერთს ერთი დარგი აქვს განვითარებულნი, მეორეს — მეორე. ამ ცალკე ვითარებათ საერთო საზომი არა აქვსთ, — ამიტომაც ერთობ მათ ინდივიდუალობათა ურთი-ერთზედ მალლა ან დაბლა დაყენება — შეუძლებელია.

ეს ადვილი ხდება მხოლოდ მაშინ, როდესაც ურთი-ერთისაგან ძლიერ და-შორებულია კულტურით ორი ხალხი.

იგივე ითქმის მთელს კულტურულ სფეროებზედაც. ძნელია შედარება აზიისა და ევროპის კულტურულ სფეროთა, რადგანაც დიდი კულტურა ორთავეს

შეუქმნია, მაგრამ რაც აზიას უქმნია, ის ევროპას არ განუხორციელებია, და წინააღმდეგ.

ერთი სიტყვით უკიდურესობათა შედარება ადვილია, მაგრამ დაახლოვებით ერთისა და იმავე სირთულის ვითარებათა კომპლექსებისა, — ძნელზედ უძნელესი, — მხოლოდ რომელიმე განსაზღვრული თვალთახედვით და არა ისეთის სისწორით, როგორითაც ვაღარებთ ერთმანეთს ორს რაოდენობით სიდიდესა.

ასეთი სიძნელე გვეღობება წინ ერთა შედარების დროსა, რადგანაც ერთი ვითარებანი არიან, ხოლო მათი განზომევა ან მარტო ტერიტორიის სივრცითა და ან მცხოვრებთა რიცხვით, ე. ი. როგორც უბრალო სიდიდეთა, თავის დღეში ვერ აღმოგვაჩენინებს ერთა ნამდვილ ღირებულებასა. მთელი ისტორია ერთა წინააღმდეგია ასეთის განზომვისა. პატარა ათინას შეედრებოდა რომელიმე დიდი დესპოტია ფილოსოფიაში, ხელოვნებაში, მეცნიერებაში? — სამაგიეროდ ასსურელთა სამხედრო გენიოსობას, ან რომისას, საბერძნეთის იგივე ნიჭი შეედრებოდა?

ერთი აგრეთვე ხანგრძლივი არსია. შეიძლება მისი ისტორიის რომელიმე ეპოქა ბრწყინვალე იყოს, სხვა ეპოქები კი — ეპოქები დაცემისა. ორი ერის შედარება მარტო განსაზღვრულ მომენტში არ შეიძლება. მაშინ ბევრი ერთი სრულიად უსამართლოდ უნდა დაგვეყენებინა შეუფერებელ ხარისხზედ. როგორ შეედრება აღორძინების ხანის იტალიას რომელიმე სხვა ერთი, მაგრამ განა შეოცე საუკუნეში იტალია ინგლისზედ დაბლა უნდა დავაყენოთ.

დრო კიდევ ერთ სიძნელეს გვიყენებს წინ, როცა ერთა შედარება გეწადია. არის ერთი დრო, როგორც ამბობს ბერგსონი, — დრო, რომელსაც ჩვენ სივრცეში გავშლით ზოლმე და ვზომავთ სივრცის განზომის ჩვეულებითა და წესითა. მაგრამ არის აგრეთვე დრო კონკრეტული, ნამდვილი, დრო შემოქმედების პროცესისა, რომელშიაც თვითონ ჩვენა ვართ, თვით ერია. ამ დროში ეწევა ყოველი ერთი თავის შემოქმედებასა. მისი სულიერი გარდაქმნა, მისი პროცესი თვალსაჩინო ხდება, როდესაც განვილილ მთელს პერიოდს გავშლით ზოლმე სივრცეში, გადავაგლებთ გონების თვალსა და განვზომავთ ზოლმე შემონაქმედსა. ამგვარად კონკრეტული დრო ჰქმნის მომავალსა, ამას ჩვენ ვერ ვიღებთ ანგარიშში და არც შეგვიძლია მივიღოთ, რადგანაც თვით ჩვენა ვართ ამ ნამდვილ დროში, ყოველი ჩვენი წარმოდგენაც მომავლისა უკვე დასრულებული პროცესის წარმოდგენაა, მამასადამე წარსულისა, დროის სივრცეში გაშლისა. თვით პროცესი კი გამოგვჩეხება ზოლმე, მას ან უკან ვრჩებით გონებითა, ან წინ უსწრებთ და გონებითვე ვამთავრებთ, — შეცდომებით, რასაკვირველია.

ერთი სიცოცხლე მარტო გარეშე პირობებისაგან არ არის დამოკიდებული. იგი ამ კონკრეტულ დროში არსებობს და საკუთარ შემოქმედებას ეწევა. ვინ იცის, წარსულში თუ ერთმა აღიპართა დიადი ძეგლი შემოქმედებისა, უპირატესობა მოიხვეჭა, იქნებ მომავალში მეორეს ეწილას ეს ბედი.

სამართალი, ეს უზენაესი თვალთახედვა ადამიანთა და საზოგადოებათა, სამართლიანად იცილებს თავიდან იდეალურად მიანც ერთა ვითარებათა შეუძლებელ შედარებას და ღირსება-უღირსობის მინიჭებას. მისთვის ერთის ღირსების უნდა იყოს ყველა ერთი, სიცოცხლის ერთისა და იგივე უფლებით მოსილი, და ლაპარაკიც არ შეიძლება უმაღლესი სამართლისა და ზნეობის თვალთახედვით ერთა „ღირსების“ თანახმად მათ უფლებათა აღიარებაზედ და მინიჭებაზედ. რამდენადაც სამართალი ამ დანიშნულებას ვერ ასრულებს, იმ-

დენად, იგი არ არის მართალი სამართალი. მისი საქმე ღირსებისა და ვითარების კვლევა კი არ არის, არამედ მოწესრიგება ადამიანთა და საზოგადოებათა საერთო ცხოვრებისა. რა ღირსებისაც უნდა იყვნენ ეს უკანასკნელნი.

მაგრამ დრო, მომავალი ვინ იცის, რას გვიქაღის. იქნებ სულ შეიცვალონ თანამედროვე ერთა ღირსებანიცა და ნაკლნიც. მაგრამ სამართალმა მაინც არასოდეს თავისი თვალთახედვა არ უნდა დაჰკარგოს და უნდა მიუახლოვდეს იდეალსა. ერთია იდეალური საერთაშორისო სამართლის განვითარება ისე, როგორც ჩვენა ვესურს, სულ სხვაა მომავალი შესაძლებელი ახალი აღრევა და ბრძოლა ხალხთა შორის ადამიანთა სტიქიონის წიაღთა შინა, სამართლის განვითარების თავიდან დაწყება.

ამაზედ შემდეგ თავში ვილაპარაკოთ.

## თ ა ვ ი მ ე თ ო რ მ ე ბ ი

### „შონდი კაცობრიობისა“, შესაძლებელი მომავალი

კაცობრიობის განვითარების კონკრეტულ ისტორიას რომ დავუკვირდეთ, ვერა ვნახავთ მის მთლიანსა და ორგანიულ განვითარებას, რადგანაც, როგორც წინადა ვსთქვიით, იგი არ წარმოადგენს ეხლაც კი ერთს საზოგადოებასა, არამედ იგი მრავალი საზოგადოების კრებულია, სხვა და სხვა განვითარების საფეხურზედ მდგომთა. კაცობრიობის ერთობა დღესაც კი მხოლოდ ზოლოგიურია და არა სოციალური.

რასაკვირველია, კიდევ უფრო ნაკლები კავშირი იყო კაცობრიობის ნაწილთა შორის უძველეს დროში, აგრეთვე ისტორიულ დროში, რომელიც ისტორიის დასაბამიდან ჩვენ დრომდე გრძელდება. საუბედუროდ ამ დროისაც მხოლოდ ნაწყვეტები ვიცით. არ ვიცით აგრეთვე სრული ისტორია ყველა ხალხისა, რომელიც გამოდიოდა ქამთა ვითარებაში ისტორიის ასპარეზზედ.

როდესაც საერთოდ გავითვალისწინებთ ხოლმე მთელს ისტორიასა, როდესაც გავითვალისწინებთ და შევადარებთ სხვა და სხვა ისტორიულ ეპოქებს, ერთი ხალხი რომ მეორეს ადგილს იჭერდა სივრცის განსაზღვრულ ნაწილზედ, ან ერთი სივრცის ნაკვეთიდან მეორეზედ რომ გადადიოდა ცენტრი ცივილიზაციისა, რომელიმე სხვა ხალხის მიერ გაჩაღებული, — მაშინ ნათლად წარმოგვიდგება ხოლმე ის ცვლილება, რომელსაც განიცდიდა კაცობრიობა ქამთა ვითარებაში. მხოლოდ მაშინ გავიგებთ ხოლმე ნათლად, რომ არც თანამედროვე კაცობრიობის ნაწილები არიან შეჩერებულნი ერთ ადგილზედ საუკუნოდ, არამედ შესაძლებელია მათ მიერ ადგილის შეცვლა, ურთი-ერთისაგან გაცამტვერება, ან მთელ კულტურათა შეცვლა. ერთი რასის ან ერის ბატონობას მთელს ქვეყანაზედ თანა სდევდა მეორეს ბატონობა. დღეს, მაგალითად, ევროპის რასა ბატონობს მთელს ქვეყანაზედ, მაგრამ ამ ბატონობას დასაბამიც ჰქონია და დასასრულიც ექმნება, როგორც ჰქონდა დასაბამი და დასასრული ბაბილონელთა და ასსურელთა ბატონობას, სპარსთა, ბერძენთა, რომაელთა და სხვათა ბატონობას. მართალია ამ უკანასკნელთა „ქვეყანა“, მათი გეოგრაფიული გავრცელება და ცოდნა ათასწერ უმცირესია, ვიდრე თანამედროვე ევროპიელთა ბატონობა და გეოგრაფიული ცოდნა, რომელიც მთელს დედამიწის სფეროს მოედო, მაგრამ ისიც ჭეშმარიტებაა, რომ ევროპიელთა გარდა ქვეყანაზედ სხვა ხალხებიც არიან, უფრო მრავალ რიცხოვანნი, რომელთაც თუმცა დიდი მონაწილეობა მიუძღიათ უძველეს ისტორიაში, მაგრამ ჯერ არც დადლი-

ლან და არც გადაშენებულან; ისინი ჭერ კიდევ ხელ-მეორედ, სავსებით არ გამოსულან თანამედროვე ისტორიის ასპარეზზედ, ჭერ არ გაუშლიათ მოქმედებაში თავიანთი პოტენციალური ენერჯია. ჩინელები, იაპონელები, ინდოელები და მრავალნი სხვანი — რომელთა რაოდენობა ნახევარ კაცობრიობაზედ მეტს შეადგენს და რომლებმაც უნდა შექმნან მთელი დიადი და გრძელი ხანა კაცობრიობის ახალი ისტორიისა, როცა გამოვლენ საქვეყნო ასპარეზზედ, — აი ეს ხალხნი. ესენი შეადგენენ უმთავრესს „ფონდს კაცობრიობისა“. თუ შეგვიძლია ასე ვსთქვათ. ამ ფონდს ემატება აგრეთვე ის ნაწილი კაცობრიობისა, — ზანგები და მალაელები, რომელთაც არასოდეს არ უთამაშნიათ როლი ძველი კაცობრიობის ისტორიაში, მაგრამ რომელნიც შეიძლება იძულებულნი გახდნენ მიიღონ მონაწილეობა მომავალ დიდ მოძრაობაში, რადგანაც მათაც გაეხსნათ გზა პროგრესისა წინამორბედ ცივილიზაციათა მიერ. როცა ეს აურაცხელი ფონდი კაცობრიობისა ამოქმედდება და იწყებს ქვეყნის დაპყრობას, მაშინ დადგება ახალი ხანა საქვეყნო ცივილიზაციისა, და როდესაც ეს ახალი ცივილიზაცია დამკვიდრდება, მაშინდელი მეცნიერებიც შეადარებენ მას წარსულს, ე. ი. ჩვენი დროის ევროპიულ ცივილიზაციას და ნათლად წარმოუდგებათ თვალ-წინ ის დიადი განსხვავება, რომელიც იქმნება ამ ძველს ევროპიულსა და მომავალ თავისებურ ცივილიზაციათა შორის. ამ მომავლის თავისებურობის ნათლად გათვალისწინება ეხლა ისევე არ შეგვიძლია, როგორც რომს არ შეეძლო გაეთვალისწინებინა ჩვენი ცივილიზაცია, რომელიც ამერიკის აღმოჩენიდან დაწყებული უკვე საქვეყნო შეიქმნა.

მომავალ ცვალებადობას — გარეშე, გეოგრაფიული პირობებიც განსაზღვრავს ერთის მხრით. მართალია, ადამიანის გენიოსობა და მოქმედების ნიჭი სცვლის გარეშე ბუნებრივ წრესა და აიძულებს მას თვით შეეგუოს ადამიანსა. მაგრამ ადამიანიც იძულებულია, — თვით ევროპიელიც კი, — შეეგუოს ამ წრესა და ეს უკანასკნელიც თავის ღრმა გავლენას ამჩნევს მასა. მკვალთები ბევრია. ამერიკაში გადასახლებული ევროპიელი, თუმცა იგი განმგრობია ევროპისა და განსაკუთრებით ინგლისურ ეროვნულ ტიპისა და კულტურისა. მაგრამ მაინც შეიკვალა ამ რამოდენიმე საუკუნის განმავლობაში. პროფესორი კარლ ვეილე ამბობს (L'Univers et L'Humanité, vol III), რომ თანამედროვე იანკი თანდათან ემსგავსება ძველს ამერიკელს, — გრძელი ტანით, სხეულის მოქნილობით, თმისა და კანის ფერითა და სხვითა. იგი უკვე განირჩევა ევროპიელისაგან. აგრეთვე ავსტრალიაში, ახალ ზელანდიაში, კაპის კოლონიაში ევროპიელი იცვლება ფიზიკურად და გონებრივადაც. მას აღარ შეუძლია ძველი წინააღმდეგობა გაუწიოს გონებრივად და ფიზიკურად გარეშე პირობებსა. ჭერ ეს ცვლილება და განსხვავება ევროპიელისაგან დიდი არ არის, მაგრამ ემათა ვითარებაში იგი საგრძნობელი იქმნება და აქაური ევროპიელებიც ძველებურად აღარ ემსგავსებიან თავიანთ წინაპართა. — ევროპიელი ამ ქვეყნებში გადაშენების გზაზეაო, ამბობს ვეილე — და განა მარტო ამ ქვეყნებში, — ყველგან, სადაც კი გადასახლდება ვინმე და ახალ პირობებში მოხვდება, ეს პირობები თავის გავლენას იქონიებს ხოლმე მოსულ ელემენტზედ; და თუ უძლიერესი ევროპიელი განიცდის ამ მოვლენის აუცილებლობას დღეს, რაღა უნდა ყოფილიყო წინად, პრეისტორიულ ან შორეულ ისტორიულ ხანებში, როცა ადამიანს უმცირესი საშუალება ჰქონდა გარეშე პირობებთან საბრძოლველად.

მამასადამე, იმ აუარებელ ფონდსაც რომ თავი დაეანებოთ და მარტო ევროპიელ რასას მივაქციოთ ყურადღება, — ეს ევროპიელის ბატონობაც

ქვეყანაზედ არ არის მართო კაცობრიობის გაერთიანების მომასწავებელი. მას მეორე მხარეცა აქვს. ეს არის დიდფერენციაცია თვით ევროპიელისა თავის პირვანდელ შოდელისაგან, რომელიც სხვა გარემოებაში მოხვდა და ამოქმედდა. — სრული ერთობა კაცობრიობისა, ერთი რასა, ერთი ენა და სხვა მაშინ არის შესაძლებელი, როცა ერთი და იგივე პირობები იქმნება ყველგან, თუმცა სიციცხლე არც ამ კანონს ემორჩილება მათემატიკურის სისწორითა.

როგორც არა ვსთქვი, ზემოხსენებული „ფონდის“ უყურადღებოდ დატოვება შეუძლებელია, რადგანაც იგი ნახევარ კაცობრიობაზედ მტრია და უკვე დაიწყო საქვეყნო ასპარეზზედ გამოსვლა მისმა რამოდენიმე ნაწილმა. როდესაც სოციალურის მოქმედებით, ე. ი. ახალ ცივილიზაციითა და ახალ ერთა შექმნით ეს ფონდი ამოიწურება, მაშინ სრულიად შეიცვლება თანამედროვე ეროვნული და საქვეყნო ცივილიზაცია. მაგრამ ამ შემთხვევაშიაც შეუძლებელია ერთი კაცობრიობის არსებობა, როგორც ერთად-ერთის ერისა, ორგანიულ განვითარების ნიჭის მქონისა, რადგანაც ვინ იცის, რამდენი თავისებური მრავალფეროვანება წარმოიშვის ამ აურაცხელ ფონდის სოციალურ მოქმედებისაგან.

ყოველად შეუძლებელია სისწორით გამოიკვლიოს მეცნიერმა, თუ რამდენი რასა არსებობდა დასაბამიდან. მხოლოდ აპრიორულად შეგვიძლია ვსთქვათ, რომ თავდაპირველად იმდენი რასა არ იქმნებოდა, რამდენიც დღეს არის, როგორც თავდაპირველად არ იქმნებოდა იმდენი სახე ცხოველთა, რამდენიც დღეს არისო. აღამიანთა რიცხვიც თავდაპირველად იმდენი არ იქმნებოდა, რამდენიც დღეს არის. იგი თავიდანვე განაწილებული არ იქმნებოდა ათასგვარ გარემოში, როგორც ესა ხდებოდა ისტორიის ვითარებაში და დღესაც ხდება. აგრეთვე ისეთი რთული იყო პროცესი რასათა არევე-დარევისა და მახასდაღმე ახალ ტიპთა შექმნისა, რომ დღეს წმინდა, თავდაპირველ რასას ველარსად შეხვდებით; ყოველი რასა, ყოველი ტომი, ხალხი, ერიც ნარევიცა, და ისეთი ნარევი, რომ ხან და ხან შეუძლებელიც არის ამ ნარევის ნაწილთა გარკვევა. მაგრამ, კიდევ და კიდევ განვიმეორებთ, ყოველი ასეთი ნარევი — ახალი ტიპია, — ახალი ტომი, ხალხი, ერი, რასა, და ამიტომაც რასათა აღრევა სრულიად არ ნიშნავს კაცობრიობის გაერთიანებას, არამედ, პირიქით, მის განმრავალფეროვანებას, როგორც ცხოველების სახეთა შერევა არ ნიშნავს ერთი საერთო სახის გაჩენას, არამედ პირიქით, სახეთა ცვალებადობასა.

არ შეგვიძლია დავეთანხმოთ იმ ავტორებს, რომელთაც ჰგონიათ, რომ ხალხთა ტიპები მკირდებიან რიცხვითა. არავითარ მოსაზრებაზედა და ტენდენციებზედ არ არის დამყარებული ეს მათი აზრი. ვეილე ამბობს, — დღეს ისეა არეული ერთმანეთში რასები, თვითთოეულ ერში იმდენი სხვა და სხვა სისხლია, რომ ანთროპოლოგებმა არ იციან, რამდენი რასა აღნიშნონო: ზოგი მთელს კაცობრიობას ორ რასადა ჰყოფს, ზოგი სამად, ზოგი თორმეტად და ერთი კიდევ სამოცდა სამ რასას ანგარიშობსო. — ეს ფაქტი ჩვენთვის უფრო იმისი დამამტკიცებელია, რომ რასათა აღრევა ტიპთა რიცხვს უმატებს და არაფერს აკლავს. — ბოლოს და ბოლოს ის რასებით, ამბობს ვეილე, რომელთაც იციან შეგუება და გავრცელება, თავის განსაკუთრებულ ბეჭედს დაასმენ საერთო რასათა და ეხლანდელ რასათა მრავალ-ფეროვანების ადგილს სხვა რასები დაიჭერენ, ან შეიძლება ერთმა რასამ დაიჭიროსო. — სხვა რასები რომ დაიჭერენ, ამაში ეჭვი არ არის, მაგრამ ერთმა რასამ რომ დაიჭიროს, ეს კი შეუძლებელია. თვით ვეილე არ ამბობს, რომ ამერიკაში, ავსტრალიაში და ახალ ზელანდიაში ევროპიელი იცვლებოა, თანდათან ემსგავსება ძველ, ადგილობრივ ტიპ-

საო, გადაშენების გზაზედაც კი ადგიაო? მაშ გარეშე პირობებს დიდი გავლენა ჰქონია რასაზედ, და რადგანაც შეუძლებელია დროთა ვითარებაში მთელს დედა-მიწის ზურგზედ ერთი და იგივე პირობები იყვნენ. — შეუძლებელია ერთი ტიპი რასისა, იმ შემთხვევაშიაც კი, თუ დღეს არსებული გარეშე პირობები დედა-მიწის სხვა და სხვა ადგილას იგივენი იქმნებიან. მაგრამ დედა-მიწის ზედა-პირს, ჰავას, გარეშე პირობებს, თვით კოსმოსს თავისი ისტორია, თავისი ევოლუცია აქვს და დროში მიწის ზედა-პირის გარემონიც ცვალებადნი არიან. ამ ცვალებადობის გავლენითაც შეცვლილა ადამიანთა ტიპები და მომავალში რა გარანტია გვაქვს ან იმისი, რომ გარემოთა ცვალებადობა არ განგრძობდება დედა-მიწაზედ, ან იმისი, რომ ამ ევოლუციის თანახმად ადამიანთა რასები არ შეიცვლება? — ერთი სიტყვით, რა საბუთი გვაქვს მისი, რომ ადამიანის სახე, როგორც Homo Sapiens, არ შეიცვლება თანდათან უამთა ვითარებაში და არ გარდიქმნება სრულიად ახალ სახედ, რომელთა ნაწილნი იმავე მრავალფეროვანებას წარმოადგენენ სხვა და სხვა ადგილას, როგორსაც დღეს წარმოადგენს კაცობრიობა სხვა და სხვა კონტინენტებზედ, სხვა და სხვა კუნძულებზედ? — სიცოცხლის ცვალებადობა, ანუ როგორც ბერკსონი ამბობს, შემოქმედებითი ევოლუცია კონკრეტულ დროშია, იგი რთულია და თვითოეული ინდივიდუალში, თვითოეული სახე გარდიქმნება თავისებურად და განმრავალფეროვანდება, და შეუძლებელია იმის წინასწარმეტყველება რომ ერთი რასა იქმნება კაცისა და არა მრავალი, როგორც შეუძლებელია იმისი წინასწარმეტყველება, რომ ერთი სახე იქმნება ცხოველისა და არა მრავალი, — საუკუნეთა შემდეგ.

ჩემის ფიქრით, არა თუ რასათა თავისებურება, არამედ ერთა თავისებურებაც არ განქრება. ერის გაქრობა უსათუოდ სხვა ერისა, ან სხვა ერთა შექმნას გამოიწვევს, — ახალი რაიმე შეიქმნის ძველის ნაცვლად. შორეულ წარსულიდან აქამდე რომ სწორი ანგარიში შეიძლებოდეს რასათა, ერთა, სხვა და სხვა თავისებურ სოციალურ ჯგუფთა რაოდენობის გაზრდისა თუ დაკლებისა, — ვეჭვობ რომ დაკლება აღმოვაჩინოთ. საკვირველიც იქმნებოდა ასეთი მოვლენა, წინააღმდეგი იმ საერთო მოვლენისა, რომ თვითოეული ინდივიდუალობა ვითარდება, იცვლება, მრავლდება, თავის ადგილას მრავალ სხვასა სტოვებს, მრავალფეროვანდება. სიცოცხლის შემოქმედების ერთი უმთავრესი გამოჩენათაგანი სწორედ ეს ზრდაა მრავალფეროვანებისა.

ეს კიდევ რა. ერთ ერში სხვა და სხვა თავისებურების მქონე ნაწილები არა ჰქრებიან, არამედ ვითარდებიან. თუ ჰქრებიან, — მათ ადგილს სხვა რამ ინდუვიდუალობა იჭერს. საერთო ტიპი არ განქრება, ან თუ განქრა პარიზელთან შერევით, — სხვა რამ ტიპი დაიბადება საერთის ტერიტორიაზედ, ვასკონისაზედ, პროვანსში, ყველგან. ბრიტანელთა და ანგლო-საქსონელთაგან შემუშავდა ინგლისელი მეთაუ საუკუნისა, — ახალი ტიპი გერმანელ-კელტური. ინგლისელისა და ფრანგ-ნორმანისაგან — თანამედროვე ინგლისელი და არა ფრანგი, — ახალი ტიპი, ახალი უორიგიანადეხი ვნითა; შოტლანდიელი კი ვინ იცის რამდენი ტიპის ნარევი, — ნორვეგიელისა, კელტის ტომის სკოტისა, პიქტისა, და სხვ. საკვირველი მოვლენაა აგრეთვე შენახვა პირველ-ყოფილი ტიპისა თვით უხანგრძლივეს ცვალებადობაში და მრავალ ტიპთა შერევის პროცესის მიუხედავად. მასპეროს გამოკვლევით ძველი ეგვიპტელი ტიპი კიდევ დარჩა თანამედროვე ფელაახთა შორის. რომ ნახოთ სურათი ძველი ეგვიპტელი კაცისა და თანამედროვე ცოცხალ ფელაახთა, — ქალისა და კაცისა, — პირდაპირ გასაკვირველია მათი მსგავსება (Histoire ancienne des

peuples de L'Orient, t. I.). მაგრამ ფელაზი მინც ახალი ტიპია, ახალი მოვლენა. ელოზე რეკლიუ (L'Homme et la Terre, t. III.) ამბობს, რომ ახალი ბერძნები, რომელთა სისხლშიაც სერბ-სლავიანთა სისხლი მეტია. ვიდრე ელინთა, თანდათან უახლოვდება ძველ ბერძნის ტიპსა, ძველ ბერძნის ტიპი კიდევ შენახულა ახალ, შერეულ ბერძენთა შორის, თუმცა ახალი ბერძენი — ახალი ტიპია, თანამედროვე ბერძნის ხალხი — ახალი ხალხი, რომელიც ღირსიც არ არის ელლინთა სახელის ხსენებისა.

მაშასადამე, თვით სიცოცხლის კანონები ინდივიდუალობის შენახვისა, შემოქმედებითი ევოლუციისა, დიფერენციაციისა, ასსიმილაციისა და ახალი ტიპის შექმნისა, არ არის წინააღმდეგი მრავალფეროვანებისა, არ არის წარმომშობი ერთფეროვანებისა. მრავალფეროვანება დედამიწის სხვა და სხვა ადგილისა და ამ მრავალფეროვანების გავლენა სიცოცხლეზედ, აგრეთვე თვით ამ გარემოთა მრავალფეროვანების ცვალებადობა დროთა ვითარებაში, — შეუძლებელ ჰყოფს კაცობრიობის რასიულად გაერთიანებასა, და თუ ზოგიერთი ავტორი წინააღმდეგი აზრისაა, — ეს მათ პირველი შეხედვით ეჩვენებათ. განსაკუთრებით იმ მოვლენას შეჰყავთ შეცდომაში, რომ სოციალურ ცხოვრების გაფართოვება ისტორიულად ფაქტია, ფაქტია განვითარება საყოველთაო წამბაძველობისა სხვა და სხვა ერთა შორის, თითქოს მაჩვენებელი კაცობრიობის ორგანიულ გაერთიანებისა. მაგრამ, როგორცა ვსთქვით, წამბაძველობა ვერა სპობს ინდივიდუალობასა.

თუ განვიხილავთ საერთოდ ეგრედ წოდებულ დიდ რასათა განვითარებას, არა მგონია რომ მონღოლთა, შავ-კანიანთა და თეთრ-კანიანთა ინდივიდუალობა მოსაპობილიყოს, — პირიქით მათი ინდივიდუალობა უფრო და უფრო მტკიცდება მიუხედავად იმისა, რომ ზოგნი მათგანი ბევრჯერ არეულან ერთმანეთში. შემდეგ, არიელ ტომისაგან არა მგონია ერთობა წარმოშობილიყოს, არამედ ისეთი მრავალფეროვანება, რომელიც თვალს გვიპრელეხს. მომავალშიაც, სწორედ იმავე ამერიკაში და აფრიკაში, არიელთაგან შექმნილ სრულიად ახალ მრავალფეროვანებას ვიხილავთ. — აგრეთვე მონღოლთა, სემიტთა და სხვა ტომთა მრავალფეროვანების განვითარება ექვს გარეშეა ისტორიის ვითარებაში. აპრიორულად შესაძლებელია, რომ თვითოეულ ამ ტომს ერთ დროს მკირე სივრცე სჭეროდეს და ცალკე სოციალური ერთეული ყოფილიყოს, დღეს კი ამგვარ ერთობასთან შედარებით თვითოეული მათგანი უადრესი მრავალფეროვანებაა. მომავალშიაც არავითარი საბუთი არ არის, რომ ერთფეროვანებას მიადწიოს მთელმა ტომმა.

ხანდახან ის მოჰყავთ არგუმენტად, რომ ერთი რომელიმე ერიც მრავალნაწილთაგან შესდგება, ერის ერთობა კი მაჩვენებელია ამ მრავალფეროვანებათა გაერთიანებისა, მაგრამ ის კი ავიწყლებათ, რომ ეს ერი ან ბუნებრივ, მონათესავე მრავალფეროვანებათაგან შესდგება, მათ ერთი სოციალური ორგანიზაცია აერთებს, ეს ერთობა კი ერის ინდივიდუალობის განმტკიცებაა და ამით რასათა საერთო რიცხვს არაფერი აკლდება. ან და, თუ ერი განსხვავებულ, უნათესავე მრავალფეროვანებათაგან შესდგება, და მიუხედავად ამისა მაინც ერობს, სამაგიეროდ ახალი ტიპი გაჩენილა, აგრეთვე უცხო ელემენტები მას საესებით ვერა ჰყლაპავს: იგი ოდნავ მაინც რჩება. ამ შემთხვევაშიაც არა აკლდება რასათა რიცხვს. — ხან და ხან ისიც მოჰყავთ ხოლმე არგუმენტად, რომ დღეს ერები ერთდებიან სოლიდარობითა, შეიძლება ეუროპამ შეერთებული შტატებიც კი დაარსოსო, მაშასადამე ერთი ერიო, — მაგრამ

თვით ერის განსაზღვრა გვაჩვენებს, რომ ვერავითარი შეერთებული შტატები ვერ მოსპობენ ერსა, როგორც უბრალო საზოგადოების წევრობა ვერა სპობს ადამიანის ინდივიდუალობასა. — თვით მომავალი საერთაშორისო სოციალისტური საზოგადოებაც რომ განხორციელდეს, საექვოა, ერთ წერტილზედ შეჩერდეს საუკუნოდ ეს ინტეგრაცია. შესაძლებელია დიფერენციაცია ისე დაიწყოს და თვითოეულ ერში თვითოეულმა კომუნამაც კი თავისი ინდივიდუალობა განიმტკიცოს და სოციალური მრავალფეროვანება ამით უფრო გააფართოვოს. — სოლიდარობა, ორგანიზაცია, საზოგადოებრივობა, უმაღლესი სოციალური ინტეგრაცია კაცობრიობისა, — ვერა სპობს ვერც ინდივიდუალობას, ვერც მრავალფეროვანებას, ვერც აგრეთვე ერთა რასათა და სხვა ინდივიდუალობათა რიცხვს ამცირებს. — კიდევ ერთი არგუმენტი აქვთ, — ერთა ურთი-ერთის მიერ მოსპობა და უფრო მარჯვე ერთა ცოცხლად დარჩენა არსებობისათვის ბრძოლაში. მაგრამ არსებობისათვის ბრძოლა რომ მარტო ჩახაჩუხი იყოს, რომ ამ საშინელი ბრძოლით ინდივიდუალობათა რიცხვი მცირდებოდეს, აქამდის ცხოველთა სამეფოშიაც სახეთა რიცხვი საშინლად შეზღუდული იქმნებოდა. ნამდვილად არც ასეთი ხასიათის არსებობისათვის ბრძოლაა სინამდვილე, არც სახეთა რიცხვი მცირდება. არც მთელი რასისა და ერის გაყვება შეიძლება სრულიად. ომებით კი სწორედ რასათა ისეთი არევე-დარევა ხდება, რომელიც ახალ ტიპებსა კქმნის, აღიღებს და არ აკლებს ადამიანთა ჯგუფთა მრავალფეროვანებასა. მცირე აზიაში რომ გამუდმებული ომები არა ყოფილიყვნენ უძველეს დროიდან, შეიძლება ეხლა იქ ერთი ერი ყოფილიყო, მაგრამ მცირე აზია ათას ხალხთა ცივილიზაციის ბინა იყო, იქ ათასი რასა და ერი სტოვებდა თავის კვალსა, და დღეს ამიტომაც იმდენი ტიპი რასათა და კულტურათა არსად არ მოიპოვება, როგორც ამ პატარა სივრცეზე.

განვიმეორებთ მრავალფეროვანება კანონია ბუნებისა. პერბერტ სპენსერმა ერთფეროვანის შეცვლა მრავალფეროვანად საყოველთაო კანონად აღიარა, თუმცა საექვოა, რომ როდისმე არსებულყო ეს „ერთფეროვანი“, — დაწყებული მკვდარ ნივთიერებიდან სოცოცხლემდე, — ყოველისფერო ემორჩილება ამ კანონსა. ორგანიზაცია, ინტეგრაცია — არ არის წინააღმდეგობა მრავალფეროვანებისა.

ჩვენ არ ვიცით ის ერთი რამ, რომლისაგანაც მრავალი წარმოსდგა. არ ვიცით ერთი ქიმიური ელემენტი, რომლისაგანაც უნდა წარმომდგარიყოს ყველა ელემენტი. არ ვიცით ერთად-ერთი ცოცხალი ნივთიერება, რომლისაგანაც უნდა წარმომდგარიყოს ყველა ცოცხალი არსი, არ ვიცით აგრეთვე ერთი უღვლი ადამიანთა, რომლისაგანაც უნდა წარმომდგარიყოს ყველა რასა და ხალხი. ბევრი თეორია, ბევრი ჰიპოტეზა ამ საკითხთა შესახებ, მაგრამ მეცნიერული ქეშმარიტების ხარისხი არც ერთს არ მოუპოვებია. თეორიები სოცოსავით ამოდიან, ურთი-ერთის წინააღმდეგნი. — პოლიგენისტები და მონოგენისტებიც ერთმანეთს ეცილებიან, — ორივეს ქეშმარიტებაც ბევრი აქვსთ თავის მხარეზედ, შეცდომანიც, მაგრამ დანამდვილებითი ქეშმარიტება — არც ერთ მხარეს.

აპრიორულად კი შეგვიძლია წარმოვიდგინოთ ერთი, ან რამოდენიმე რასა, რომლისაგანაც განვითარდა დღევანდელი მრავალფეროვანება კაცობრიობისა, როგორც რამოდენიმე სახე წარმოიდგინა დარკინმა ცოცხალ არსთა, რომელთაგანაც განვითარდა მთელი მრავალფეროვანება სოცოცხლისა. ვეილერ ამბობს: „როდესაც განვიხილავთ დედამიწაზედ არსებულ დღევანდელ პირობათა, მხოლოდ ერთის თქმა შეიძლება: იმ ხანგრძლივი განკერძოების გამო, რომელთაც



სცხოვრობდა მცენარე, ცხოველი, ადამიანი, განვითარდა ღრთთა ვითარებაში მათი თავისებური ხასიათი; ამან წარმოშვა ადამიანთა რასები. როდესაც კარ-ჩაკეტილობა ისპობა, როდესაც, გეოგრაფიულად რომა ვსთქვათ, ცოცხალნი არსნი მისწრაფვიან აღმოჩენათაჲენ, წინანდელი ნიშნები ხასიათისა ქვებდა და იწყება ცვალებადობა“. დიახ, — ცვალებადობა, რომელიც ჰქმნის ათასგვარ მრავალფეროვანებას და რომელსაც მომავალშიაც ვერ შეაჩერებს ვერაფერი, როგორც წარსულში ვერ შეაჩერა.

ამ ცვალებადობის უპირველეს მომენტიდან დაწყებული დღევანდლამდე არაფერი არ ამტკიცებს არც ადამიანთა ჯგუფთა მრავალფეროვანების მოსპობას, არც მის განსხვავებულ ტიპთა რიცხვის შემცირებას. ის ზემოხსენებული აურაცხელი ფონდი კაცობრიობისა მისი ერთობის კი არა, მისი მრავალფეროვანების მარევენებელია, და დღეს თუ ბევრ მაღალ გონების პატრონსაც ევროპა და მისი ბატონობა ჰგონია კაცობრიობა, ჩვენის ფიქრით ეს დიდი შეცდომაა.

მეომართოთ ჯერ წარსულსა, როდესაც არა თუ კაცობრიობა ერთ ორგანიზმს არ წარმოადგენდა, არამედ მისი ნაწილნი ვერც კი იცნობდნენ ერთმანეთსა. პროგრესი ამ შორეული წარსულიდან დღემდე ერთის მხრით მათი ერთმანეთის გაცნობითაც გამოიხატება; პროგრესი აგრეთვე მათ ერთგვარ სოციალურ კავშირითაც გამოიხატება, — თანამედროვე საერთაშორისო სამართლითა, — მაგრამ ერთ სოციალურ ორგანიზმს რომ დაახლოვებოდეს კაცობრიობა — ეს, როგორც უკვე აღვნიშნეთ, ჯერ არ არის სინამდვილე.

კაცობრიობის ნაწილთა ურთი-ერთის გაცნობა უძველეს დროიდან დღევანდლამდე ძმით შეგვიძლია გავზომოთ, თუ როდის რა გეოგრაფიული ცოდნა ჰქონდათ ეგრედ წოდებულ ცივილიზაციის ცენტრებს ქვეყნისა და ხალხთა, და როგორ ფართოვდებოდა ეს ცოდნა დროთა ვითარებაში.

ცივილიზაციის ცენტრებსა მეთქი, ვამბობთ, — და ეს ტერმინი პირდაპირ გვასწავლიან, რომ არასოდეს არ არსებულა ორგანიზული განვითარება კაცობრიობისა, არამედ მისი ნაწილნი ვითარდებოდნენ ისეთის მეტ-ნაკლებობით, ისე დამოუკიდებლად ურთი-ერთისაგან, რომ მაგალითად დღევანდელი აღწერა შავ-კანიანთა ინგლისელების მიერ და მათივე აღწერა კართაგენელთა მიერ თითქმის ერთი და იგივეა. აქედან სჩანს, თუ რამდენად დამოუკიდებელი ყოფილა შავ-კანიანთა ცხოვრება იმ ცივილიზაციათაგან, რომელნიც ვითარდებოდნენ და ჰქრებოდნენ, ურთიერთს ადგილს უთმობდნენ, „ისტორიასა“ ჰქმნიდნენ მთელი სამოცი საუკუნის განმავლობაში, აუარებელი ნაწილი კაცობრიობისა კი იმავე დონეზედ დარჩა დღესაც, როგორც უძველეს დროს იყო.

ბაბილონელთა ტერრიტორია, ამ უძველეს ცივილიზაციის მქონე ხალხისა, შუამდინარის მიწაზედ იყო მოთავსებული, მაგრამ მათმა მსვლელობამ და ახალ ქვეყანათა დაპყრობამ ძლიერ გააფართოვა გეოგრაფიული ცოდნა. ცნობა მაშინდელი ქვეყნისა. ბაბილონელები ნარევი ხალხი იყო ათასგვარ სემიურ და სხვა ჯგუფთა, რომელნიც სხვა და სხვა კუთხეებიდან გადასახლდნენ ტიგრისა და ევფრატის მიდამოებში და იქ შექმნეს ერთი სოციალური ორგანიზაცია, რომელსაც ჰქონდა ერთი საღმრთო ენა. ამ ენაზედ დარჩენილან დღეს ლურსმულნი წარწერანი, ქრ. დაბ-დის თითქმის 4,000 წლისა. აქედან ვტყობილობთ, რომ ბაბილონელთა ერის იმპერია ვასცილებოდა ტიგრისა და ევფრატის მიდამოებს. ეგვიპტესა, წინა აზიასა, ელამსა, ლიბიასა და სომხეთს შუა არსებობდა ერთი დიდი ცივილიზაცია, სადაც გამეფებული იყო ბაბილონური

ლურსმული წერის ენა. ეს ადგილი იყო უმთავრესი ნაწილი ქვეყნისა ბაბილო-  
ნელთათვის. აგრეთვე მთელ კაცობრიობას მათთვის რამოდენიმე მეზობელი  
ერი და თვით ისინი შეადგენდნენ. ამავე ადგილს შრავალ საუკუნის განმავ-  
ლობაში ჰყვარდა ეს უპირველესი ცივილიზაცია, ბაბილონელთაგან შექმნილი  
და დატოვებული.

ასსურელებმა დაიჭირეს მათი ადგილი, მაგრამ თითქმის არაფერი მოუმა-  
ტებიათ ბაბილონელთა კაცობრიობის ცოდნისათვის, გარდა ალაროდინელებ-  
თან და უმთავრესად ქართველ ტომებთან ბრძოლისა და მათი გაცნობისა, აგ-  
რეთვე მერვე საუკუნის ბოლოში პირველად კიპროსელ ბერძენთა გაცნობისა.

სპარსელებმა ხანგრძლივი ომები გამართეს ბერძენებთან, ეგვიპტელებთან,  
ინდოელებთან და ამით გაათართოვეს გეოგრაფიული ცოდნა მაშინდელი ქვეყ-  
ნისა. ისინი კავკასიამდის და სკვითიამდისაც კი მივიდნენ. ერთმა მეზღვაურმა  
სატასპმა კი მთელი ხმელთა შუა ზღვაც გადასცურა, შევიდა ატლანტიის ოკეა-  
ნეში, მაგრამ უკანვე დაბრუნდა.

ისრაელს მთელი თავისი კულტურა ბაბილონელებისაგან ჰქონდა ნასეს-  
ხები, აგრეთვე მთელი გეოგრაფიული ცოდნა მისი ნასესხები იყო იმ დიდ  
ხალხთაგან, რომელთაც დიდი იმპერიები შეექმნათ. ყოველ შემთხვევაში, მათ  
მეტე არა უნახავსთ რა, რაც ასსურელებმა, სპარსელებმა და ეგვიპტელებმა  
ნახეს, და არა გაუფართოვებიათ მათი ცნობა კაცობრიობისა.

ეგვიპტელებისათვის დიდ-ხანს ნილოსის მიდამო იყო მთელი დედამიწის  
უმთავრესი ადგილი. მხოლოდ თანდათან გაიცნეს მცირე აზიის ნაწილები ხე-  
თელებთან ბრძოლის დროს, გაიცნეს აგრეთვე სპარსელები, ბერძენები, ხმელ-  
თაშუა ზღვის ნაწილი, აფრიკის ზოგი შავკანიანი ხალხი, ზოგიერთი ნაპირი  
აფრიკისა. ამბობენ ფარაონ ნეხოოს დროს ეგვიპტელმა მეზღვაურებმა მთელს  
აფრიკას შემოუარეს გარსაო, მაგრამ მეზღვაურები ფინიკიელები იყვნენ და  
არა ეგვიპტელები, როგორც ამბობს ჰეროდოტე.

ფინიკიელების მოგზაურობა — პირველი ხანაა ხმელთაშუა ზღვის ცივი-  
ლიზაციის შექმნისა. ფინიკიელებმა აფრიკისა და აზიის „კაცობრიობის“ ერთ  
ნაწილს ევროპის „კაცობრიობის“ ერთი დიდი ნაწილიც მიუმატეს. მას შემდეგ  
დღეიდანდღე არ გამჭრალა ცივილიზაციის ცეცხლი ხმელთაშუა ზღვა-  
ზედ.

მათ იცოდნენ ხმელთაშუა ზღვის აღმოსავლეთი ნაპირები, ეგვიპტე, სა-  
ბერძნეთი, იტალია, გიბრალტარის სარუტე, მოგზაურობდნენ ატლანტიის ოკე-  
ანეში, სამხრეთით და ჩრდილოეთით, მიაღწიეს ბრიტანიის კუნძულებსა. ნეხო-  
ოს ბრძანებით რომ აფრიკას შემოუარეს, ჰეროდოტეს სიტყვით, ფინიკიელები  
იყვნენ. თვით ჰეროდოტეს თუმცა არა სჯერა ეს მოგზაურობა, მაგრამ ფინი-  
კიელთათვის ეს შეუძლებელი არ იყო. ამგვარად მთელი ხმელთაშუა ზღვა,  
ჩრდილოეთის ზღვა და ატლანტიის ოკეანე, ნაწილად ინდოეთის ოკეანე გაც-  
ნობილი ჰქონდათ ფინიკიელებს. აგრეთვე აღმოსავლეთის ხალხთა და დასავ-  
ლეთ ბარბაროსთა შორის მათ ვაჭრობისა და ერთობ კულტურის კავშირი  
შექმნეს.

მათ საქმეთა გამგროვბნი კართაგენელები იყვნენ. კართაგენი ფინიკიე-  
ლების კოლონია იყო. მეტროპოლიიდან მემკვიდრეობით მიიღეს ვაჭრობისა  
და მოგზაურობის ნიჭი. რაც ფინიკიელებმა იცოდნენ, ის კართაგენელებმაც  
იცოდნენ, მაგრამ მათი შესანიშნავი მოგზაურობა აფრიკის დასავლეთ ნაპირ-  
ებისაყენ, მოგზაურობა ჰანონისა 470 წელს ქრისტ. წინედ ზედა-გვირგვინის ნაპი-

რამდენ, სადაც მან ისეთნაირად აღწერა ზანგები, რომ დღევანდელ მათ აღწერილობას მოგვეგონებს. — დიდი შემატება იყო გეოგრაფიის და კაცობრიობის ცოდნისათვის. ლამე ზანგებს ყვირილი და ღრიალი მოესმა პანონს მიწის ნაპირიდან და შიშმა უკანვე გამოაბრუნა, მხოლოდ ეს ღრიანცელი კი აღწერა. შორს აღარ განუგრძობა მოგზაურობა. მოვიგონოთ მეორე შესანიშნავი მოგზაურობა პანონბალისა, ყველასაგან ცნობილი, როდესაც მან მთელი ესპანია და გალლია განვლო, ალპები გადაიარა, იტალიაში ჩავიდა და რომს მიუახლოვდა.

ამგვარად თანდათან ფინიკიელთა და კართაგენელთა წყალობით თითქმის მთელი ევროპის ხალხები შევიდა ხმელთაშუაზღვის თუ საერთო ცივილიზაციისა არა. ურთი ერთ ცნობის სფეროში მანაც წინა აზიის „კაცობრიობას“ ახალე კაცობრიობა მიემატა. ამ ორ კაცობრიობის შორისაც განმტკიცდა უფრო ახლო ცნობა ურთი-ერთისა, და ეს დიდი საქმე უმთავრესად ალექსანდრე მაკედონელის ომებმა შეასრულეს.

ალექსანდრე მაკედონელამდის ბერძნებმა უკვე გაიცნეს მცირე აზიის ნაწილები, შავი ზღვის ნაპირები, მთელი ხმელთაშუა ზღვა, ეგვიპტე, აფრიკის ნაპირები, მრავალგან დააარსეს კოლონიები, განსაკუთრებით შავი ზღვის ნაპირებზე და იტალიაში. ამ კოლონიების დაარსებით მათ შექმნეს მთელი ბერძნული ცივილიზაცია, მოკფინეს ელინნიზმი მთელს ხმელთა-შუა ზღვაზე და შავ-ზღვაზეცა.

ალექსანდრე მაკედონელმა კი დიადი იმპერია დააარსა, დაიპყრო მთელი აღმოსავლეთი, ინდოეთშიაც შევიდა, ძველი ბაბილონი სატახტო ქალაქად გაიხადა. ბერძნებმა ალექსანდრეს დროს სპარსეთის ზღვაც კი გაიცნეს, გაიცნეს ინდოეთის ოკეანე ინდის ბოლომდის, აგრეთვე მეწამული ზღვა. აღმირალი ნეარხი იყო ამ საქმეთა ჩამდენი. ჩრდილოეთში პითესამა ალექსანდრეს დროსვე ბრიტანია ნახა, შემოუარა გარს, ჩამოვიდა ჩრდილოეთის ზღვაში ელბის ბოლომდე.

ერთი სიტყვით ალექსანდრეს ხანაში ბერძნებმა უკვე იცოდნენ თითქმის მთელი ევროპა ირგვლივ ბალტიის ზღვამდე, აზია თითქმის ინდოეთამდე და მთელი ჩრდილოეთი აფრიკა მეწამულ ზღვის გაყოლებამდე. ეს კი დიდი გაფართოება იყო გეოგრაფიულ ცნობათა და თვით კაცობრიობის ცნებისა.

რომის ცივილიზაცია განგრძობა იყო საბერძნეთის ცივილიზაციისა. პირველი ხანები რომის ცივილიზაციისა იყო აგრეთვე ხმელთა-შუა ზღვის ცივილიზაცია. მაგრამ საბერძნეთის ცოდნა ქვეყნისა და კაცობრიობისა მთელს კულტურულ მემკვიდრეობასთან ერთად რომსაც გადაეცა. ეს კიდევ არაფერი, — რომის იმპერიაში როცა საბერძნეთიც შევიდა, ბერძნები იყვნენ უმთავრესნი მოგზაურნი, რომელნიც მთელს ქვეყნებს იკვლევდნენ, როგორც მაგალითად პოლიბიოსი. რომის იმპერიის ხელში ქვეყნის ცოდნისათვის უმთავრესი იარაღი იყო დაპყრობა ქვეყანათა, და მართლაც ალექსანდრე მაკედონელზედ კიდევ უფრო დიდი იმპერია შექმნეს რომაელებმა. იტალია, საბერძნეთი, მთელი წინა-აზია, აფრიკის ჩრდილო ნაპირები, გალლია, ესპანეთი, ბრიტანია და სხვა ქვეყნები — რომის იმპერიის კუთვნილება იყო. ცოდნა რომის გეოგრაფოსთა, რასაკვირველია, კიდევ უფრო გაფართოვდა. მათ მემკვიდრეობით გადაეცათ გეოგრაფიული ცოდნა მთელ წინასწარ ცივილიზაციათა. მათ იცოდნენ ეგვიპტის სამხრეთით მდებარე ქვეყნები, სხვა ნაწილები აფრიკისა, იცოდნენ შავ-კანიანთა ქვეყნები. იცოდნენ გერმანია, რომელსაც ისინი

ებრძოდნენ, ოდნავ სკანდინავიაც კი, იცოდნენ ბალტიის ზღვა, კასპის ზღვა. სამხრეთი ნაწილი თანამედროვე რუსეთისა, მისი დასავლეთი ნაწილი, ყირიმი, კავკასია, თურქესტანი და მთელი აზია ინდოეთამდე და ჩინეთამდე. იმპერატორ შარკ-ავრელიუსის დროს ტონკინამდისაც კი მივიდნენ რომაელები. ისტორიამ სამი ექსპედიცია იცის რომაელებისა ჩინეთში 166—281 წლ. ქრ. შემ.

ისეთივე ღვაწლი მიუძღვისთ ეგვიპტის პტოლემეოსებს გეოგრაფიისა და კაცობრიობის გამოკვლევაში, როგორც რომაელებს, თუ მეტი არა. ალექსანდრიის სკოლის დაარსების შემდეგ მთელი ბერძნული მეცნიერება იქ გადავიდა და ალექსანდრიელებმა მრავალი რამ შესძინეს აღამიანის ცოდნას როგორც საზოგადოდ მეცნიერებაში, ისე კერძოდ გეოგრაფიაში. მაგრამ ეს სფეროც ცივილიზაციისა ხმელთა-შუა-ზღვის ცივილიზაციის სფერო იყო, და თუმცა შორსა ჰქონდა გაწვდილი თავისი ტოტები, მაგრამ მთელს კაცობრიობას მაინც ვერა სწვდებოდა.

ინდოეთმა და ინდოეთის ნახევარ-კუნძულზედ გადასახლებულთ ვერ შექმნეს ფართო ცივილიზაცია. მთელი მათი ორიგინალური შემოქმედება შიგნითვე დატრიალდა და ფართო მდინარესავით არ მოსდებია ქვეყანასა. ინდოელების რელიგიური გავლენაც კი ტიბეტსა, აღმოსავლეთ აზიასა და ინდოეთის კუნძულებს შორის ტრიალებს. ამ მხრით ჩინეთი უფრო საინტერესოა. მაგრამ როგორც ინდოეთი, ისე ჩინეთი სულ სხვა კულტურულ სფეროებსა, სულ სხვა „კაცობრიობათ“ წარმოადგენენ და არა ჰგვანან არც ასსურთა-ზაბილონელთა, არც ეგვიპტელთა, არც ხმელთა-შუა ზღვის ხალხთა, ე. ი. ფინიკიელთა, კართაგენელთა, ბერძენთა, რომაელთა. ჩინელებმა ყამთა ვითარებაში თავისებური ცივილიზაცია შექმნეს, თავისებური კულტურული სფერო, მაგრამ ამ სფეროს განიადაგებული ურთიერთობა არა ჰქონია ზემოხსენებულ სფეროებთან. ჩინელების ცივილიზაცია ორიგინალური იყო, ნაყოფი საკუთარის შემოქმედებისა უმეტეს ნაწილად. მათი ეკონომიური ტენზიკა, მათი მეცნიერება და სხ. არაფრით არ იღვა დასავლეთელებისაზედ დაბლა, — ბევრ დარგში კი უფრო დაწინაურებულიც იყო.

ჩინელები ისეთი მოძრავნის არ იყვნენ, როგორც ფინიკიელები, ბერძენები და რომაელები, მაგრამ არც ინდოელებსავით უძრავნი იყვნენ. ბევრი ცნობა არ მოიპოვება მათ მოძრაობაზედ უძველეს დროში. ქრისტეს წინად მესამე საუკუნეში კი მათ ეტყობათ გამოფხიზლება. 212 წელს ქრისტეს წინ მათ კედელი ააშენეს გარეშე მტერთაგან იმპერიის დასაცველად. ამ მტრებმა თითქმის მთლად ამოქლიტეს ერთმანეთი და ჩინელებსაც გზა გაუადვილდათ დასავლეთისაკენ მოძრაობისათვის. ამის შემდეგ გაიცინეს მათ თურანის ხალხები და მათი ცივილიზაცია. პირველ საუკუნეში ქრისტემდის ჩინელებმა პამირი გადმოიარეს და კასპის ზღვამდის მოვიდნენ. ეს ის დრო იყო, როცა რომს ეჭირა ევროპა ჩრდილოეთ ზღვამდე, აფრიკა საპარამდე და აზია კასპის ზღვამდე. აქ უნდა გამტკიცებულიყო ურთი-ერთობა ორ დიდ იმპერიის შორის — აღმოსავლეთისა და დასავლეთისა, — მაგრამ ეს არ მოხდა: ჩინელებს არ შეეძლოთ მტკიცედ გაჩერებულიყვნენ ძლიერ შორს თავიანთ სამშობლოდან; მათგან გამოგზავნილმა ელჩმაც ვერ გამოიჩინა დიდი ვაჟაკობა, კასპის ზღვა ვერ განვლო. შემდეგ თანდათან ჰქარგავდნენ ჩინელები გავლენას დასავლეთ აზიაში. უკვე 150 წელს ქრისტეს შემდეგ შემაერთებელი გზაც აღმოსავლეთსა და დასავლეთს შორის ისევე შეიკრა.

ჩინელებმა ზღვაზედ მოგზაურობის უნარი მხოლოდ ჩვენი საშუალო საუკუნეებიდან გამოიჩინეს. მათ ოდნავ გამოიკვლიეს დიდი ოკეანე. მეოთხე საუკუნეში ნახეს მალაკა და ცეილანი. მეხუთე საუკუნეში სპარსეთის ზღვა ნახეს, ზღვა მეწამული და შემდეგ კი, მონღოლების ბატონობის დროს, მადაგასკარიც კი აღმოაჩინეს, ევროპელებზედ წინად. არსებობს ჩინელთა საუცხოო აღწერილობა მათ მიერ ნახულ ქვეყანათა.

აი ეს ხალხებია, რომელთაგან ძველად ზოგს მეტად და ზოგს ნაკლებად მიუძღვის ღვაწლი „საქვეყნო“ ცივილიზაციის შექმნაში და კაცობრიობის ცნების გაფართოებაში. მაგრამ აბა დაუკვირდით, — მთელი ორმოცი საუკუნის განმავლობაში ეცადნენ მთელი ცივილიზაციები, რომ დედამიწის მხოლოდ ნაწილი, კაცობრიობის აგრეთვე მხოლოდ ნაწილი გაეცნოთ, ხოლო კაცობრიობის ამ ნაწილისაგანაც ვერ შესძლეს ვერასოდეს ერთი საზოგადოებრივი ორგანიზმის შექმნა, მიუხედავად იმისა, რომ მაგალითად, ალექსანდრე მაკედონელმა და რომის სარდლებმა უდიდესი იმპერიები დააარსეს და ამ იმპერიებში შეპყარეს აუარებელი ხალხი და ერი. — მართალია, ხალხთა ურთიერთს გაცნობისა და დიდ იმპერიათა დაარსების გამო ჩნდებოდა ხოლმე დაახლოვებით საერთო კულტურული სფერო; მართალია ერთი ხალხის ცივილიზაცია მემკვიდრეობით გადადიოდა მეორეზედ, რომელიც საკუთარ ახალ შემოქმედებას უმატებდა ძველსა, — მაგრამ საერთო, მაშინდელი ვიწრო საკაცობრიო საზოგადოება, ორგანიული განვითარების ნიჭის მქონე, მაინც ვერ შეიქმნა, არამედ ყოველთვის ინგრეოდა ხელოვნურად შეკოწიწებული დიდი იმპერიები. იშლებოდა ეს კულტურული სფეროებიც ან მის ნანგრევებზედ, ან მის პირის-პირ ახალი ცივილიზაციები ჩნდებოდა. ბაბილონმა 40 საუკუნით ქრ. წინად შეიქმნა ცივილიზაცია, — აღრია ერნი და ხალხნი, შექმნა საერთო კულტურული სფერო, მაგრამ მისი საზოგადოება დაირღვა და მისი ადგილი ასურეთმა დაიკირა. ფინიკიამ მთელი ხმელთა შუა-ზღვის ცივილიზაციის ხანა დაიწყო მით, რომ ხმელთა-შუა-ზღვის ხალხები გაიციო და გააცნო ურთიერთს, მაგრამ იგიც განქრა და ბერძენთ დაუთმო ადგილი. ალექსანდრე მაკედონელმა მთელი აღმოსავლეთის გაელღინება მოინდომა, მაგრამ ვერ შესძლო, — ელღინიზაცია აღმოსავლეთისა და ელღინიზმის გავლენა ერთი და იგივე არ გამოდგა. რომმა დაიკირა საბერძენეთის ადგილი მაშინდელ მსოფლიო ისტორიაში. მაგრამ იგიც იძულებული იყო თავისი კულტურის განგრძობა ბარბაროსთათვის ჩაებარებინა, და სხვ.

ცივილიზაციები დამოუკიდებლად გამოდიოდნენ, ურთიერთსა ჰბაძავდნენ; ურთი ერთისაგან მემკვიდრეობით იღებდნენ კულტურასა, ურთიერთსა სცვლიდნენ, ამით დედამიწის განსაზღვრულ სივრცეზედ უდიდესი ფონდი აღამიანთა სოციალურად შემოქმედელ ელემენტად ხდებოდა, — მაგრამ არავითარი ორგანიული ერთობა 40 საუკუნის განმავლობაში, არავითარი მსგავსი ერთი საკაცობრიო საზოგადოებისა არ შეუქმნიათ. არც ერთ ცივილიზაციას არ შემოუკრებია მთელი კულტურული კაცობრიობა და არ შეუკავშირებია ისეთი სიმტკიცით, რომ დღევანდლამდე ორგანიულ განვითარების პროცესში ყოფილიყოს.

ქრისტეს დაბადების შემდეგაც გრძელდება იგივე პროცესი ცივილიზაციათა დამოუკიდებელ გამოსვლსა, ცილობისა; იგი დღესაც ახასიათებს კაცობრიობის ფონდსა და მომავალშიაც ეს ფონდი არ დაჰკარგავს მოძრაობის ნიქსა, ჩინეთი და ინდოეთი, რომელთაც წინად ვერ მოასწრეს საქვეყნო ას-

პარეზედ გამოსვლა და რომთან დამოკიდებულებაც კი ვერ მოახერხეს, მომავალში შეიძლება გამოვიდნენ ამ ასპარეზზედ, იქნებ იაპონიის თაოსნობითაც და შესცვალონ სრულიად თვით ევროპის „კაცობრიობა“.

საშუალო საუკუნოების ხანას არაბთა ცივილიზაციის აღორძინებამდის თითქმის არაფერი შეუძენია რა კაცობრიობის ცნების გაფართოებისათვის, თუმცა ევროპაში მან საკუთარი ახალი ცივილიზაცია შექმნა. ღარიბი იყო აგრეთვე ეს ეპოქა გეოგრაფიული აღმოჩენებითა. დიდი ვნება მოიტანა ამ მხრით ქრისტიანობამ. ქრისტიანობასთან ერთად რომის იმპერიაში და ევროპაში შემოვიდა ებრაელებს მცენიერება, დაბადება გახდა მცენიერებისა და კერძოდ გეოგრაფიის ცოდნის წყაროდ. ეს „მცენიერება“ კი თავიდან ბოლომდის ბაბილონური იყო. ებრაელებს საკუთარი შემოქმედებით ბევრი არა შეუქმნიათრა; რაცა ჰქონდათ, თვით რელიგიური მითებიც კი სამოთხისა, შემოქმედებისა და სხვ. — ბაბილონური იყო. ბაბილონური იყო აგრეთვე მათი უცნაური კოსმოგონია. ამ მხრით ევროპამ დაბადების შემოტანით საშუალო საუკუნოებში ორმოცი საუკუნით უკან დაიხია და თითქმის სრულიად დაივიწყა ბერძენთა დიდი მცენიერება და ერთობ კულტურა. მხოლოდ არაბების დროს ისევ დაიწყო აღორძინება ძველმა კულტურამ ელლინთა.

მაგრამ საშუალო საუკუნოებმა მიუზღდავად საშინელი საერთო რეგრესისა ერთი რამ განახორციელეს. ეს იყო კულტურულ ასპარეზზედ გამოსვლა გერმანელ, კელტ და სლავიან ბარბაროსთა; შეიქმნა მთელი ახალი ქვეყანა, მთელი ახალი ცივილიზაცია, რომელიც პირდაპირ მიემატა ძველს ქვეყანას, თუმცა ახალმა ძველისაგან პირდაპირ ვერ ისარგებლა ძველის პროგრესითა. გაჩნდნენ ახალი ქვეყნები: ხალხთა დიდ გადასახლების ჩანელების შემდეგ, — გერმანიისა, საფრანგეთისა, იტალიისა, ირლანდიისა, ანგლო-საქსონელთა, სკანდინავიისა და სხვათა, რომელნიც გამოვიდნენ მოქმედების ასპარეზზედ და თავში დაუდგნენ ევროპასა, დაიწყეს მისი ახალი ისტორია. როდესაც შესწყდა ძველი ისტორია რომისა — სწორედ მაშინ დაიწყეს ახალმა ხალხებმა ეს ახალი ისტორია, რომელიც დღევანდლამდე დიდებულად გრძელდება. შორეული კუნძულები ევროპის ჩრდილო მხარისა, გერმანია, რუსეთის ჩრდილო ნაწილები, სკანდინავია, ინგლისი აღარ იყვნენ ბარბაროსთა ქვეყნები, ზღაპრად გაგონილნი კულტურულ და ისტორიულ ბერძენ-რომაელთაგან, არამედ შემოქმედნი ისტორიისა, უმთავრესნი ხალხნი ევროპისა, რომელთაც თვითვე უნდა განეხილათ სხვა ხალხნი თავიანთ თვალთ-საზრისით და თვითონვე უნდა ედვათ თავს ქვეყნის დამყრობა და გაცნობა.

და მართლაც სკანდინავიელებმა რაც ქვეყნები აღმოაჩინეს და გაიცნეს, რამდენგან შესცვალეს თვით საფუძველი ცივილიზაციისა, რამდენი ღვაწლიც მათ დასდევს ურთი-ერთზედ დიდის მანძილით დაცილებულ ხალხთა შორის კავშირის გაბმისათვის, — დაუფასებელია ისტორიაში. მეხუთე საუკუნიდან მეთორმეტემდე ირლანდიელების და განსაკუთრებით ჩრდილოეთ ვიკინგების მოგზაურობა არ შეწყვეტილა. ვიკინგებმა დასავლეთისაკენ მოგზაურობის დროს ამერიკაც კი აღმოაჩინეს მათე საუკუნის ბოლოში, მაგრამ ეს აღმოჩენა ნაადრევი იყო და შესაფერი ნაყოფი ვერ გამოიღო. მხოლოდ გრენლანდია დარჩა ცნობილი ქრისტიფორე კოლუმბამდე. ამ უკანასკნელმა შესძინა მხოლოდ კაცობრიობას ამერიკა. ამავე სკანდინავიელებმა აღმოსავლეთისაკენ მოგზაურობის დროს რუსეთი გაიცნეს, ჩამოვიდნენ შავ ზღვაზედ და კონსტანტინეპოლსაც კი მიაღწენ 907 წელსა.

თუ ევროპაში გერმანელები და სკანდინავიელები გამოვიდნენ საქვეყნო

ანპარტიზზედ და იწყეს ისტორიის შექმნა, — მთელი ევროპა და მისი ჩრდილოეთი მხარე ისლანდიაშიდის შემოუერთეს ქრისტიანულ კულტურასა და ამერიკამდისაც კი მიაღწიეს, — არა ნაკლები ღვაწლი მიუძღვისთ არაბებს აღმოსავლეთის ქვეყანათა გაცნობაში და კაცობრიობის ცნების გაფართოებაში. არაბებს არავითარი ისტორიული როლი არ უთამაშნიათ შაჰმადის დაბადებამდის. შაჰმადიანობამ მათ ისეთი სიძლიერე შთაბერა, შაჰმადის სჯულის აქტივეურმა თვისებამ ისეთი ენტუზიაზმი დაბადა მათ შორის, აგრეთვე უკვე დაღლილ მეზობელ სახელმწიფოთა დაპყრობა ისეთი აღვილი საქმე იყო, რომ არაბებმა სულ ას წელიწადში დააარსეს უდიდესი იმპერია ქვეყანაზედ. ბევრი ატორი და მათ შორის ელიზე რეკლოუ ამბობს, რომ შაჰმადიანთა გავრცელებას ხელი შეუწყო ფრიად შაჰმადის კომმუნისტურმა მოძღვრებამ, რომელსაც დიდის აღრაცებით ეგებებოდა ყველა ხალხი დესპოტიზმისაგან დაჩაგრული და განადგურებული, ისე როგორც წინად ქრისტიანობას ეგებებოდა ყოველი დამაშვრალი, მონა და „კაცთა შორის კაცად არ მიჩნეული“-ო.

მართლაც, შაჰმადის სიკვდილის (632 წ.) ოთხი წლის შემდეგ სპარსეთი დაიპყრო ომარმა, წინასწარმეტყველის შემკვიდრემ. ერთი წლის შემდეგ არაბები ინდოეთში გაჩნდნენ. 638 წელს ეგვიპტე და სირია დაიპყრეს. 647 წელს ისლამის მახვილი ბატონობდა მთელს ჩრდილოეთ აფრიკასა. 649 წ. კიპროსისა და როდოსის კუნძულები დაიპყრეს. მერვე საუკუნეში ესპანია დაიპყრეს და საფრანგეთსაც შეესივნენ. ამავე დროს გვეწვიენ საქართველოშიც. მისწვდნენ ჩინეთსა და ტეილანსა და სავაჭრო ქარავანები გამართეს. ინახულეს და აღწერეს მალაის კუნძულები, გაავრცელეს შაჰმადის სჯული, და ამბობენ თვით იაპონია და მოლუკის კუნძულებიც ინახულესო, თუმცა ეს ფაქტი ნამდვილად არ არის დამტკიცებული მეცნიერებაში. ზღვაზედაც გამოიჩინეს დიდი უნარი მოგზაურობისა. გაიცნეს მთელი ხმელთა შუა ზღვა, ინდოეთის ოკეანე, მიაღწიეს მადაგასკარის კუნძულს და საბოლოო ფაქტად ჰყვეს მისი აღმოჩენა. აფრიკის აღმოსავლეთ ნაპირებზედ განამტკიცეს თავიანთი სჯული და პოლიტიკური საზოგადოებანი, რომელთაგანაც უკანასკნელი, ზანზიბარის სასულთნო, სულ უკანასკნელად დააქცია ევროპამ.

მეცამეტე საუკუნემდის და შემდეგაც არაბებმა შექმნეს და განავითარეს მრავალი მეცნიერება, აზიარეს თვით ევროპა კლასიკურ კულტურასა, გაიცნეს კაცობრიობის დიდი ნაწილი, მრავალი შესძინეს გეოგრაფიასა. მასუდი, იბნ-ბათუთა, სოლიმანი, ელრიზი და სხვანი, — დიდი გეოგრაფოსები და მოგზაურნი იყვნენ, რომელთაც მრავალი ქვეყანა აღმოაჩინეს და აღწერეს. არაბებმა აღმოსავლეთი ევროპაც კი გაიცნეს, ვოლგის ნაპირები და სამხრეთი ნაწილი თანამედროვე რუსეთისა.

არაბთა შორის დიდად იყო გავრცელებული ცოდნა გეოგრაფიისა და ხალხთა აღწერისა, — როგორც აბასიდების დროს, ისე ომეიადებისა და სხვა დინასტიების დროსა, — როგორც აღმოსავლეთში, ისე დასავლეთში. მაგრამ არაბთა იმპერია მალე დაეცა; როგორც მალე აღენთო მათი ცივილიზაციის ცეცხლი, ისე მალე ჩაქრა. ისევ ევროპელებსა ხვდათ წილად ნამდვილი საქვეყნო ცივილიზაცია შეექმნათ, თუმცა მერვე საუკუნეში არაბებმა კიდევ სკადის მუდმივი კავშირი განემტკიცებინათ აღმოსავლეთსა და დასავლეთს შორის, ე. ი. ჩინეთსა და არაბთა იმპერიის შორის; ეს ცდაც ისე უბედურად გათავდა, როგორც წინად რომისა და ჩინეთისა.

მეცამეტე საუკუნეში მონღოლებმაც მოინდომეს საქვეყნო და საკაცობრიო საზოგადოების შექმნა. ჩინგის-ხანი ამბობდა: „როდესაც ამოდენა ხალხი

შევერთე, ჩემი პირველი ცდა იყო მათ შორის წესიერების და სამართლის დამყარებაო. მონღოლებმა მთელი აზია დაიპყრეს, შემოესიენ რუსეთს, გადალახეს პოლონეთი, ვენგრია, სპალატროსაც კი უწიეს, მაგრამ შემდეგ ისევ დაიხიეს აღმოსავლეთისაკენ და წელ წელა განელდა მათი აღტყინების ცეცხლიცა.

ამავე დროს თურქები ნაცარ-ტუტას აღენდნენ მთელს წინა აზიასა. ბიზანტიის იმპერიას მათ საშინელი ომი გამოუტყადას, და არაბებსავეთ მაჰმადიანობით გატაცებულნი, ეკვეთნენ ბიზანტიასა და არაბებს და მალე შეიძლეს მათ ნანგრევებზე თავიანთ იმპერიის დაარსება. ოტტომანები ევროპასაც კი თავ-ზარსა სცემდნენ. ხმელთა-შუა-ზღვანუდაც გაბატონდნენ. მალე მათმა ბატონობამ დაიჭირა ადგილი არაბთა და ბიზანტიელთა ბატონობისა.

ამგვარად, რომის იმპერიის დაცემის შემდეგ ზედი-ზედ აწყდებოდა წინა-აზიასა და ევროპას სულ სხვა და სხვა ხალხი, ზედი-ზედ სცდილობდნენ ყველანი საქვეყნო იმპერიები დაეარსებინათ, მაგრამ საბოლოოდ ვერც ერთმა ვერ შექმნა იგი მკვიდრად. შედეგი მხოლოდ ცივილიზაციათა, რჩულთა, ხალხთა აღრევა იყო, რადგანაც ყველანი იცავდნენ თავიანთ ინდივიდუალობასა. მართალია, ამ აღრევიდან მეორე მხრით ერთობაც იბადებოდა, დამყარდნენ საერთაშორისო დამოკიდებულებანი სრულიად სხვა და სხვა ურთიერთისაგან დამორებულ ხალხთა შორის, მაგრამ ნამდვილი ერთობა არასოდეს არ დამყარებულა, როგორც იგი არც დღეს არის მიუხედავად საერთაშორისო სამართლსა.

თუ რამდენად იცავდა ყოველი კულტურა თავის ინდივიდუალობასა, ამას სხვათა შორის ჭვაროსანთა ომებიც ამტკიცებს. როდესაც ევროპაში ქრისტიანობა ჩამოყალიბდა და დასავლეთ აზიაში და აფრიკის ჩრდილოეთში მაჰმადიანობა, როდესაც ეს ორი კულტურა ერთმანეთს პირისპირ შეხვდნენ და დაუწყეს ცილობა არა თუ იმ ადგილებში, სადაც პირველი ბუდე იყო მათის რჩულისა, არამედ საკუთარ სამფლობელოებშიაც, მაშინ ეს ცილობა ორი დიდი კულტურისა უზარმაზარ ღუელად გადაიქცა და არც ერთი მხარე არა ზოგავდა არც სიცოცხლესა და არც შეძლებას, რომ ბატონობა დარჩენოდა. ბოლოს და ბოლოს ევროპას დარჩა გამარჯვება როგორც ხმელეთზედ, ისე ზღვაზედ. ხმელთა-შუა ზღვიდან გამოძევებულ იქმნა ისლამის ბატონობა და გაძლიერდა ქრისტიანული ევროპა. შემდეგ ამ ბატონობის პრივილეგია რამოდენიმე დიდ სახელმწიფოს ერგო. მაგრამ ისიც არ უნდა დავივიწყოთ, რომ ამ დიად ბრძოლას ერთი დიდი საქრისტიანო იმპერია, — ბიზანტია მსხვერპლად შეეწირა და თურქთა საკბილოდ უახდა.

მიზეზი ისლამის დამარცხებისა იყო ევროპის გაძლიერება სრულიად სხვა მხრით ჭერ კიდევ იტალიის რესპუბლიკებმა განავითარეს ვაჭრობა-მრეწველობა, და რასაკვირველია ამას შედეგად დიდი მოგზაურობანი უნდა მოჰყოლოდნენ. ვენეციელი მარკო პოლო მეცამეტე საუკუნეში ერთი უდიდესი მოგზაურთაგანი იყო ამ ხანისა. მან უცხოეთში 1271 — 1295 წლები დაჰყო. მან მთელი აზია შემოიარა და პეკინშიაც იყო, რომელიც ამ დროს მონღოლთა იმპერიის აღმოსავლეთის სეტახტო ქალაქი იყო. იქიდან იგი დაბრუნდა ინდოეთზედ, სპარსეთზედ, მცირე აზიაზედ, ტრაპიზონით გამოიარა და კონსტანტინეპოლში ჩამოვიდა მან აღწერა ჩინეთი, მონღოლია, ინდოეთი, კონსტანტინეპოლში, სპარსეთი, ყველა ქვეყნები, რომლებზედაც გაიარა, აგრეთვე ინახულა და აღწერა ზანზიბარი და აბაშეთი აფრიკაში, ციმბირი, ჩრდილო ყინულოვანი



ქვეყნები. ამგვარად მან დაახლოვებით ნამდვილი წარმოდგენა მისცა თავის თანამედროვეთ გეოგრაფიასა და ეთნოგრაფიაზედ, რომლებსაც მაშინდელ ევროპაში არავითარი მეცნიერული საფუძველი არა ჰქონდა, განსაკუთრებით დაბადების მითოლოგიის გავლენის წყალობითა. შემდეგ ჯოვანნი მონტეკორკინომ მეთოთხმეტე საუკუნეში ჩინეთი ინახულა, ფრიულელმა ბერმა ოდერიკმა იმავე საუკუნეში მალაის კუნძულები და ჩინეთი ნახა, ფლორენციელმა ჯოვანნი მარინიოლიმ აგრეთვე ჩინეთი და სხვ.

1346 წელს ჩინეთის იმპერია ისევ დაიკეტა ევროპიელთათვის და აღმოსავლეთი ისევ მოსწყდა დასავლეთსა. ევროპიელებმაც სხვა მხრივ მიაპყრეს თვალი. 1404 წელს ესპანელი რუი გონზალეს დე-კლავიხო სამარყუანდში მიდის, თურანგლებს ეცნობა: ვენეციელი იოსაფატ ბარბარო სპარსეთში მოგზაურობს მეთოთხმეტე საუკუნეში. ნიკოლო კონტი, აგრეთვე ვენეციელი, ინდოეთსა და მალაის კუნძულებს ნახულობს. კონტი პირდაპირ ბრუნდება შინ აღენითა და მეწამული ზღვითა, და არა სპარსეთის ზღვითა და სირიით, როგორც ეს წინად ჩვეულება იყო. მამელუკების გაბატონების შემდეგ ეგვიპტეში, — ეს გზაც დაიკეტა.

მაშინ კი უფრო დიდის ენერგიით მიაქციეს ევროპიელებმა ყურადღება ქვეყნიერებასა. ინდოეთისაკენ პირდაპირი გზის ძებნაში გაიჭიბრნენ მაშინდელნი მეზღვაურნი სახელმწიფონი, სადაც ვაჭრობა და მრეწველობა იყო განვითარებული. იტალიის რესპუბლიკები, ესპანელები და პორტუგალელები იყენენ განსაკუთრებით მუდმივ დაინტერესებულნი, რომ ეს გზა აღმოეჩინათ, ამისათვის იგინი არც ძალასა და არც შეძლებას არა ზოგავდნენ, რომ შორეულ ქვეყნებში მოგზაურობა გაებედნათ.

ისლამმა განაშორა მთელი აზია ევროპასა, ხმელთა-შუა ზღვის ცივილიზაციასა; აქაც კიდევ არაბებისაგან და თურქებისაგან არ იყო მოსვენება. ევროპა კი ველარ კმაყოფილებოდა ჩრდილოეთითა და ბალტიის ზღვითა, სადამდისაც მიდიოდა მისი ვაჭრობა. ამიტომაც უკვე პორტუგალელებმა აფრიკას შემოუარეს მეთხუთმეტე საუკუნეში, რომ ამ გზით მაინც დაეპირათ კავშირი აღმოსავლეთთან. ამავე მეთხუთმეტე საუკუნეში მოგზაურობდა ქრისტეფორე კოლუმბი, რომლის უდიდეს შრომისა და მოგზაურობის შედეგი იყო ამერიკის აღმოჩენა 1492 წელსა.

1498 წელს პორტუგალელმა ვასკო-დე-გამამ კეთილ-იმედის კონცხს შემოუარა სამხრეთ აფრიკაში და საუკუნოდ განსაზღვრა გზა, დასავლეთისა და აღმოსავლეთის შემაერთებელი. 1521 წელს მაგელანმა დიდი ოკეანე განვლო, ბოლოს ჭემს კუკმა თავისი უდიდესი სამი მოგზაურობით (1768—1775 წ.) სრულიად შესცვალა გეოგრაფია ძველი დროისა და საშუალო საუკუნოთა. ამით პირდაპირ დაიწყო ეპოქა საქვეყნო ცივილიზაციისა და ევროპიელთაგან მთელი ქვეყნის გაცნობისა და მასზედ ბატონობისა.

ცნობილია, თუ რა მნიშვნელობა ჰქონდა ამერიკის აღმოჩენას მსოფლიო ისტორიაში. მთელი ახალი კონტინენტი და ახალი კაცობრიობა აღუჩნდა თვალ-წინ ევროპასა. ევროპიელებმა იწყეს შეუწყვეტელი დენა ამ ახალ ქვეყანაში. მალე მთელ სამხრეთ ამერიკაში ახალი ესპანია და პორტუგალია გაჩნდა. ჩრდილოეთში კი ინგლისელებმა იწყეს გადასახლება და ინგლისისა და ირლანდიის საუკეთესო მშრომელი და ენერგიით აღსავსე ხალხი სულ იქ გადასახლდა, რომ ეს თვალ-უწვდენელი ქვეყანა გაენაყოფიერებია თავისი შრომითა და მუყაითობითა. მთელი ევროპიდანაც მრავლის უმრავლესი ხალხი გა-

დასახლდა ჩრდილო ამერიკაში. პოლანდიელებმა უმთავრესად აზიის შორეულ ქვეყნებს მიაქციეს ყურადღება და იქ დააარსეს თავიანთი კოლონიალური იმპერია. პორტუგალელები, ფრანგები, ესპანელები, პოლანდიელები, ინგლისელები, — ყველანი ატლანტის ზღვით მიეშურებოდნენ ზოგი შორეულ დასავლეთს, ახალ ქვეყანაში, ზოგიც შორეულ აღმოსავლეთს. ცივილიზაციის ცენტრი ხმელთა-შუა ზღვიდან. ეზლა ატლანტის ოკეანეზედ გადავიდა, საიდანაც გაშლილი გზით მიეშურებოდა ევროპა მთელის ქვეყნის დასაპყრობად. რასაკვირველია ამის შემდეგ შეიცვალა სრულიად როგორც გეოგრაფია, ისე ეთნოგრაფია ევროპიელის წარმოდგენაში, რადგანაც მრავალი გამოკვლევა და მრავალი აღწერა ახლად ნახულ ხალხთა გამოქვეყნდა იმ დიად საშუალებით, რომელიც უკვე კაი ხნის მოგონილი იყო, — ბექდვის საშუალებითა.

ამერიკაში და სხვაგან ნახეს ახალი კაცობრიობა, მაგრამ თვით ევროპელებმაც ახალი კაცობრიობა შექმნეს ამ ახალ ადგილებში, — კაცობრიობა, რომელიც შესცვალა ჟამთა ვითარებამ და ევროპას პოლიტიკურად დაამორჩა, დამოუკიდებლად გაჰხადა. ადგილობრივი „კაცობრიობა“, მართალია, გაანადგურეს, მაგრამ ნაცულად ახალი აღორძინდა, და დღევანდელი იანკი ან ჩილიელი აღარ არის ინგლისელი ან ესპანელი.

ამერიკის აღმოჩენიდან დაწყებული თანდათან ვრცელდებოდა ეს ბატონობა ევროპიელთა და ევროპის რასისა მთელს ქვეყანაზედ და დღეს მან უმწვერვალესს ხარისხს მიაღწია, მაგრამ ერთი კაცობრიობა ვერც ამან შექმნა, ევროპის გენიოსობამ შექმნა უდიდესი ტენიკა, უდიდესი ცოდნა, უდიდესი მეურნეობა, უფართოესი ცნობა დედა მიწისა, შექმნა საერთაშორისო სამართალი, მაგრამ კაცობრიობის ერთობა მაინც ვერ შექმნა. ატლანტის ოკეანედან გაძლიერებულებმა, ხმელთაშუა ზღვაზედაც მოიპოვეს ბატონობა, ინდოეთზედაც გაიყვანეს უმოკლესი გზა ჯუეციის არხის საშუალებით, მთელი დიდი ოკეანის კუნძულებზედ და ავსტრალიაზედ გაბატონდნენ, დიდ-ოკეანეზედაც ისეთივე დიდი ცივილიზაცია გააჩაღეს, როგორც ატლანტის ოკეანეზედ, მაგრამ ყოველისფერს საზღვარი აქვს, და დღეს შეიძლება სწორედ ამ დიდი ოკეანის ხალხთაგან, ჩინელთაგან და იაპონელთაგან არის მოსალოდნელი საქვეყნო ბატონობა. ევროპამ დაკეტილ აღმოსავლეთის გზას შორიდან მოუარა და ამით საქვეყნო ბატონობა მოიპოვა. მან გაძლიერების შემდეგ დაკეტილი გზაც გაარღვია, მაგრამ საუკუნოებით დატოვებული ფონდი ჩინელთა, ინდოელთა, იაპონელთა და სხვათა, რომელთა რიცხვი აუარებელია, დღეს სწორედ დიდი ოკეანიდან და ინდოეთის ოკეანიდან ემუქრება მას. თუ უწინ უმთავრესად ჯერ აღმოსავლეთიდან დასავლეთს მიდიოდა ცივილიზაცია, ხალხთა მოძრაობა და ურთი-ერთის გაცნობა, ურთი ერთის წამბაძველობა სოციალურ შემოქმედების ყოველ დარგში, აგრეთვე შემდეგ, პირიქით, თუ ყოველი გაძლიერებული დასავლეთის ერის მისწრაფება აღმოსავლეთისაკენ იყო მიმართული, დღეს შეიძლება ისევე აღიმართოს უზარმაზარი ტალღა აზიის მრავალ-მილიონიან ერთა, ისევე დასავლეთისაკენ გამოეშუროს და კიდევ მრავალი საუკუნე შეიქმნეს საჭირო, სანამ მთელი კულტურული კაცობრიობა საუკუნოდ დაამკვიდრებდეს დაახლოვებით ერთს კულტურულ სფეროს მაინც\*.

\* იხ. ზემოხსენებულ ცნობათა შესახებ: Prof. Ch. Weule: *La Surface Terrestre (L'Univers et L'Humanité, vol. III)*; Elisée Reclus: *L'Homme et la Terre*, 401, I, II, III, IV, V, VI E., Nys, *Études de droit international et de droit politique*; და სხვ.

ერთს საზოგადოებას, ერთს ორგანიულ კაცობრიობას რომ ვერაერთადი ძალა ვერ დაამყარებს, ამბუნდ წინადა გვეონდა ლაპარაკი, — მაგრამ უდიდესმა აღრევამ ვეროპისა და აზიის კულტურულ სფეროთა რომ ერთი კულტურული სფერო წარმოშვას, — ესეც დიადი ნაბიჯი იქმნება კაცობრიობის გაერთიანებისაკენ, წარმოსადგენი მინც არის იგი, თუ შესაძლებელი და განსახორციელებელი არა.

ევროპის ბატონობამ წარმოშვა დღევანდელი რწმენა „კაცობრიობისა“. მაგრამ აბა ერთი გადახედლოთ ევროპიელთა და სხეთა რიცხვს, თუ მართლა საუკუნოდ უზრუნველ-ყოფილია ევროპიელთა ბატონობა მთელს ქვეყანაზედ. თუ მართლა ევროპიელებმა ამოსწურეს მთელი სოციალური შემოქმედებითი ენერჯია კაცობრიობისა და თუ მთელს ქვეყანაზედ სხვა არაენ არის, ვისაც შეეძლოს სრულიად ახალ საქვეყნო კულტურათა შექმნა.

მართალია, საშუალო საუკუნოთა ბოლოში მთელი ევროპის მცხოვრებთა რიცხვი მართლ 50 მილიონი, 1787 წ. 144 მილიონი, 1815 წ. 180 მილიონი, ეხლა კი 390 მილიონია, — მართალია, ეს დიადი პროგრესია ევროპის ხალხთა განმრავლებისა. ისიც მართალია, რომ რასა ევროპისა, რომელსაც უპყვრია მთელი ევროპა, ამერიკა და ოკეანია ძლიერ დიდა, აგრეთვე მისი გავლენა დიდა აზიაზედ და აფრიკაზეც, მთელს ქვეყანაზედ. მართალია, ისიც, რომ მისი პოლიტიკური მფლობელობა და საერთაშორისო გავლენა ვრცელდება 112 მილიონ ოთხკუთხ კილომეტრზედ, ე. ი. დედა-მიწის ხმელეთის 82%-ზედ; — ყოველისფერი ეს მართალია, მაგრამ ჭერ ერთი გავლენასა და საერთაშორისო სფეროში ძალით ხალხთა შეკრებას, აგრეთვე დიდ ტერრიტორიათა მფლობელობას გადამწყვეტი მნიშვნელობა არა აქვს, როდესაც მოწინააღმდეგეთა შორის უფრო მრავალ-რიცხოვანი ხალხებია, რომელნიც თანდათან ითვისებენ ევროპის კულტურასა და თავის ინდივიდუალობასაც არა ჰყარგავენ, და რომელთაც აუცილებლად უნდა გადალახონ თავიანთი საზღვრები, შეიძლება ქვეყნის ბატონობა მოინდომონ და მოიპოვონ კიდეც. მართალია ისიც, რომ დღეს ევროპის ცივილიზაცია, მეცნიერება, ხელოვნება, სამხედრო ძლიერება დიდა, მაგრამ სხვა დიდი ხალხები, რომელთაც არა-ისტორიულადაც კი სთელიდნენ, დღეს ამავე სიძლიერის მოხვეჭის გზაზედ დაადგნენ და სამხედრო ძლიერებაში ერთმა მათგანმა, იაპონიამ, ჩვენ თვალ წინ საშინლად დაჰკრა ერთს უდიდესს ევროპულ სახელმწიფოს — რუსეთს.

რომ ევროპიელთა გავლენა, საერთაშორისო სამართალი, სიდიადე და ბატონობა ევროპიელთა არა ჰქმნის არც კაცობრიობასა და არც მთელს ქვეყანას აევროპიელებს, რომ აგრეთვე კაცობრიობის ფონდი ეხლაც აუარებელია მიუხედავად 60 საუკუნის სხვა და სხვა ხალხთა კულტურულ მოქმედებისა და ურთი-ერთში აღრევისა, — ამას ამტკიცებს პირდაპირი სტატისტიკა. ვსარგებლობთ სხვა და სხვა დროის სტატისტიკით: ერთი არის 1897 წელს ა. კ. ჯონსტონისაგან გამოცემული ინგლისურად: *The Multum in Parvo. Atlas of the World*, მეორე არის პროფ. ჰემანსის გამოცემული 1907 წ. *Geographisch Statistischer Universal-Taschen-Atlas*. ვსარგებლობდით აგრეთვე: *E. Nys-ით-ე droit International, t. I.*

ავლოთ ჭერ ჯონსტონის შედარებითი სტატისტიკა ერთის მხრით ამერიკისა და ევროპისა, სადაც დიდი უმრავლესობა ევროპიელია, და მეორეს მხრით აზიისა და აფრიკისა, სადაც დიდი უმრავლესობა აზიელ-აფრიკელი არიან, არა ევროპიელი. — ჩვენის აზრით უმთავრესი ფონდი კაცობრიობისა, მომავალ საქვეყნო კულტურათა შემქნელი:

|         | სივრცე (კვ. მილ.) | მცხოვრებთა რიც. | სისქე მოსახლ.    |
|---------|-------------------|-----------------|------------------|
| ევროპა  | 3,760,000         | 357,380,000     | 96               |
| ამერიკა | 14,800,000        | 121,710,000     | 11 ჩრდ. 5 სამხრ. |
| აზია    | 17,040,000        | 825,950,000     | 49               |
| აფრიკა  | 11,280,000        | 163,950,000     | 13               |

თუ პირველ ორ ქვეყანაში ერთად მხოლოდ 479,090,000 მცხოვრებია, — მეორე ორ ქვეყანაში ერთად 989,900,000 მცხოვრებია, ე. ი. ორჯერ მეტი ვიდრე პირველებში. მაგრამ შეიძლება ისა სთქვან, რომ მეორე რიგის კონტინენტებში ევროპელებიც ბევრნი არიანო. მართალი არის, მაგრამ ადგილობრივ მცხოვრებლებთან შედარებით ძლიერ ცოტა. სისწორისათვის მეორე ანგარიშიც მოვიყვანოთ: ჯერ ერთი მთელი ჩასა ინდო-ევროპიელთა დღეს უღრის ჯონსტონის ანგარიშით მხოლოდ 570 მილიონს, მაშინ როდესაც მართო მონლოლთა ჩასა არის 625,000,000. — მეორე, — ქრისტიან საარწმუნოების მშოსავი არის ევროპაშიაც, აზიაშიაც და ამერიკაშიაც, — ყველგან — მხოლოდ 500,000,000, მაშინ როდესაც არა ქრისტიანეთა რიცხვი არის ერთი მილიარდი, ორჯერ მეტი. მათ შორის მაჰმადიანია 180,000,000. ბუდდისტი 500,000,000, ბრაჰმანი 200,000,000, წარმართნი 112,000,000, ებრაელები 8,000,000. ჩვენ კი ვიცით, რომ ბრაჰმანი, ბუდდისტი და მაჰმადიანი განსაკუთრებით აზიაში სცხოვრობს, აგრეთვე წარმართნი განსაკუთრებით აფრიკაში. სწორედ ეს არის ის ფონდი კაცობრიობისა, რომლის ჩაოდენობაც ვაცილებით აჭარბებს ევროპიელთა რიცხვსა. ასე რომ ევროპიელთა რიცხვი, როგორც რიცხვი, აფრიკაში და აზიაში, ანგარიშში ჩასაგდები არ არის შედარებით ადგილობრივ აურაცხელ მოსახლეობასთან. — მაშასადამე ოთხი უმთავრესი კონტინენტი თუ შევადარეთ; დაახლოვებით მართალი იქმნება, თუ ვიტყვი, რომ ფონდი კაცობრიობისა ორჯერ მეტია, ვიდრე თანამედროვე კაცობრიობის დამჩემებელ ევროპიელთა.

შეიძლება მოსახლეობის სისქეზედ სთქვან ჩამე, — რომ მაგალითად ევროპის მოსახლეობის სისქე საშუალოდ 96-აო. მაგრამ ჯერ ერთი, საშავიეროდ, ამერიკაში 11 და 5-ა ეს სისქე მოსახლეობისა, აქ კი უმთავრესად ევროპელები სცხოვრობენ, მეორე — სისქე მოსახლეობისა აზიაშიც საშუალოდ არის გამოყვანილი, თორემ მართო ჩინეთში, რომელიც ევროპაზედ სივრცითაც მეტია და მცხოვრებთა რიცხვითაც (იმპერიის სივრცე — 4,218,401 კვადრატი მილ., მცხოვრებთა რიცხვი 402,680,000), თითქმის იგივე რიცხვი მოდის საშუალოდ — 95. ინდოეთში კიდევ მეტია სისქე მოსახლეობისა ბევრ ადგილას. ამასთანავე არც ის უნდა დაგვავიწყდეს, რომ ჩინეთში სწორი სტატისტიკა არ არის, როგორც ევროპაშია, და ზოგიერთ ნაწილებში, მაგალითად ზღვის პირად, დიდ ქალაქებში მოსახლეობის სისქე უმწვეკრავლეს ხარისხამდის არის მიღწეული — ხალხი ზღვაზედა სცხოვრობს დამდგარ გემებზედ და იქ მრავლდება.

ამას გარდა ევროპიელთა რიცხვი (ამერიკის გარდა) დანარჩენ ქვეყნებში არც ისე დიდია. მათი მხოლოდ ბატონობაა დიდი, და არა რიცხვი. ინგლისელები ყველაზედ მეტნი არიან სხვა ქვეყნებში გადასახლებულნი და მათი რი-

ცხვიც ავსტრალიაში მხოლოდ 4,000,000 იყო 1905 წელს, შედარებით ადგილობრივ მცხოვრებლებთან ძლიერ მცირე აფრიკის ექვს კოლონიაში, და სხვაგან კიდევ უფრო ცოტა, ყანადის გარდა.

საერთოდ აი როგორ არის განაწილებული მთელს ქვეყანაზედ რასები ჯონსტონის ატლასით:

|  |               |
|--|---------------|
| ინდო-ევროპიელნი . . . . .              | 570,000,000   |
| მონღოლნი . . . . .                     | 625,000,000   |
| მალაელები და პოლინეზიელები . . . . .   | 35,000,000    |
| ამერიკელი ინდიელები . . . . .          | 15,000,000    |
| აფრიკის ნეგრები . . . . .              | 215,000,000   |
| საქულის განაწილებაჲ შემდეგნაირად არის: |               |
| ქრისტიანები . . . . .                  | 500,000,000   |
| მათ შორის პროტესტანტი . . . . .        | 200,000,000   |
| მართლმადიდებელი . . . . .              | 105,000,000   |
| კათოლიკე . . . . .                     | 195,000,000   |
| არა ქრისტიანები . . . . .              | 1,000,000,000 |
| ებრაელები . . . . .                    | 8,000,000     |
| შაჰმადიანები . . . . .                 | 180,000,000   |
| ბუდდისტები . . . . .                   | 500,000,000   |
| ბრაჰმანები . . . . .                   | 200,000,000   |
| წარმართნი . . . . .                    | 112,000,000   |

აქედან ცხადათა სჩანს, რომ ინდო-ევროპიელთა რასა თითქმის ორჯერ ნაკლებია სხვა რასებზედ, სახელდობრ ევროპიელები კი ფაცილებით ნაკლები. აგრეთვე რჩული ევროპიელთა, ქრისტიანობა ორჯერ ნაკლებია სხვა რჩულთან შედარებით. — ამას გარდა არც ამერიკისა და ოკეანისა, მეტადრე მალაის და ნეგრთა რასა გამჭრალა, თუმცა ევროპიელები უწყალოდა ელეტავდნენ მათა.

შაგრამ ჯონსტონის სტატისტიკა ძლიერ არეულია. მივმართოთ ჰიკმანსს, რომლის ანგარიშით:

|   |             |
|---|-------------|
| 1) არიელთა რასა უდრის . . . . .                         | 780 მილიონს |
| აქედან უმთავრესნი:                                      |             |
| გერმანელები . . . . .                                   | 222 მილ.    |
| სლავიანები . . . . .                                    | 132 მილ.    |
| ბერძენ-ლათინნი . . . . .                                | 165 მილ.    |
| ინდოელნი . . . . .                                      | 230 მილ.    |
| ირანელები . . . . .                                     | 25 მილ.     |
| 2) სემიელთა რასა . . . . .                              | 30 მილ.     |
| 3) ქაშიელთა რასა . . . . .                              | 20 მილ.     |
| 4) მონღოლთა რასა . . . . .                              | 503 მილ.    |
| 5) მალაელთა რასა . . . . .                              | 25 მილ.     |
| 6) ამერიკელთა რასა . . . . .                            | 8—10 მილ.   |
| 7) შავი რასა: მარტო ჩრდილო და ცენტრალური აფრიკ. . . . . | 60 მილ.     |
| დანარჩენები. სამხ. აფრიკაში და სხვ. —                   |             |

აქედანაც ცხადადა სჩანს რიცხვითი უპირატესობა კაცობრიობის ფონდისა ევროპიელებზედ. არიელთაგანაც ევროპიელები, კელტებსა და ალბანელებს

თუ მიუვმარტებთ, არიან მხოლოდ 530 მილიონი. დანარჩენი არიელი კი აზიაში სცხოვრობს და ევროპის ბატონობას განიცდის და არა გავეროპიელებას.

|  |   |
|--|---|
| მისივე ანგარიშით ქრისტიანები არიან . . . . . | 560 მილ.  |
| მაჰმადიანები . . . . .                       | 220 მილ.  |
| ებრაელები . . . . .                          | 11 მილ.   |
| დანარჩენ სხვა სარწმუნოებისანი . . . . .      | 777 მილ.  |
| ენის მხრითაც ასეთია ადამიანთა განაწილება:    |   |
| გერმანულ ენებზედ მოლაპარაკე . . . . .        | <div style="display: flex; align-items: center; justify-content: center;"> <span style="font-size: 2em; margin-right: 5px;">}</span> <span style="writing-mode: vertical-rl; transform: rotate(180deg); font-size: 0.8em;">საერთაშორისო ენები</span> </div> |
| ბერძნულ-რომაულზედ . . . . .                  |   |
| სლავიანურზედ . . . . .                       |   |
| ირანის ენებზედ . . . . .                     |   |
| ინდოეთის ენებზედ . . . . .                   | 236 მილ.  |
| მონღოლურ ენებზედ . . . . .                   | 468 მილ.  |
| ქ.მიურ ენებზედ . . . . .                     | 20 მილ.   |
| სემურ ენებზედ . . . . .                      | 30 მილ.   |
| ნეგრების ენებზედ . . . . .                   | 89 მილ. და სხ.  |

მაშასადამე ყოველთვის თითქმის ორჯერ მეტი გამოდის ფონდი კაცობრიობისა ევროპიელებზედ, — ჩასით, ენით, რჯულით ეს ამ მეორე ანგარიშიდანაც სჩანს.

სად არის აქ ერთობა კაცობრიობისა, რით გამოიხატება იგი? — ევროპიელებს რომ 82% უპყრიათ მიწისა? — მაგრამ ამ 82%-ზედ სულ ევროპიელები ხომ არ არიან დასახლებულნი. მათ მხოლოდ უპყვრიათ ეს ქვეყნები, მათი მოსახლეობა კი აფრიკაში და აზიაში გაცილებით ნაკლებია ადგილობრივზედ. ეს კონტინენტები შეიცავენ უმთავრესად კაცობრიობის ფონდს. აგრეთვე მაღალის კუნძულებზედ მთელი ცივილიზაციაა მაღაელებისა და ევროპიელები იქ მხოლოდ ბატონობენ, და არა მოსახლეობის უმეტესობას შეადგენენ ასე რომც და სხვა დიდი დესპოტიებიც ბატონობდნენ ოდესმე მაშინდელ კაცობრიობაზედ. გარდა ამისა ამ 82%-დან ბევრი ადგილი სრულიად დაუსახლებელია და ანგარიშში არ არის ჩასაგდება კაცობრიობის ერთობის მხრით. — კიდევ მეტი, როგორც არა ესთქვით, — ავსტრალიაში, ამერიკაში, ოკეანიაში — თვით ევროპის რასა ნელ-ნელა იცვლება, ჩნდებიან ახალი რასები და ახალი ენებიც კი — მოსულთა და ადგილობრივთა შერევით. ერთი სიტყვით სოცოცხლე თავის ბუნებრივ კანონის ძალით ახალ მრავალფეროვანებათა ჰქმნის. თვით ინგლისის კოლონიებმაც შეიძლება მალე ცალკე ეროვნული ცხოვრება დაიწყონ. როგორც ესა ჰქმნეს შეერთებულმა შტატებმა. იგინი შეიძლება ეამთა ვითარებაში ევროპიელთა სხვა მრავალფეროვანებად გარდიქმნენ.

მაშ რა ჰქმნის კაცობრიობის ერთობას ევროპიელთა ბატონობის თვალსაზრისით? — ერთად-ერთი საერთაშორისო სამართალი. ეს არის ერთი სუსტი ჭაჭვი, რომელიც თითქოს აერთებს კაცობრიობას, მაგრამ როგორც ერთ წინა თავში ესთქვით, — ეს ერთობაც უფრო მოჩვენებელია, ვიდრე ნამდვილი ერთობა. — მართალია საერთაშორისო სამართალი გაფართოვდა და მთელს ქვეყანას მოედო. მაგრამ ორი რამ არა ჰქმნის მას კაცობრიობის ერთობის შემქმნელად. — ერთი ისა, რომ კაცობრიობის ერთობას მხოლოდ სოციალური ერთობა ჰქმნის, საერთაშორისო სამართალი კი მხოლოდ ერთიდაზრგია ყურძლი

სამართლისა, და თვით სამართალი მხოლოდ ერთი დარგია ერთობ სოციალურ-ორგანიულ ცხოვრებასა. — მეორე ეს სუსტა ჩაქვი საერა-შორისო სამართლისა მაშინვე გასწყდება, როგორც კი დაიძვრის რომელიმე დიდი ნაწილი კაცობრიობის ფონდისა და მოინდომებს ახალ ერთა შექმნას, ახალ საქვეყნო ცივილიზაციის შექმნას და ქვეყანაზედ ბატონობას.

ყველა ამ მოსაზრებით უარ ვყოფთ „კაცობრიობასა“, როგორც ერთს სოციალურ ორგანიზმსა, უარ-ყოფთ მის ერთობას წარსულში და აწმყოში და მომავალშიაც იგი შეუძლებლად მიგვაჩნია.

ერთბამად რომ ფადავავლოთ თვალი მთელს კაცობრიობას, შეუძლებელია წარმოვიდგინოთ მისი განვითარება, როგორც ერთისა და განუყოფელის ორგანიულის არსისა, მით უმეტეს როგორც ერთის თვით-შემგნების სოციალურს არსისა. მთელი ისტორია კაცობრიობისა, და არა მარტო ისტორია, არამედ მეცნიერება ადამიანის წარმოშობისა და მისი განსაზღვრულ პირობებში ცხოვრებისა ამტკიცებს ამას.

ჩერ დამტკიცებელი არ არის, — ადამიანი ერთი წყვილისაგან წარმოიშვა ერთ ადგილზედ, თუ სხვა და სხვა წყვილთაგან სხვა და სხვა კაცის მსგავს ცხოველთაგან, სხვა და სხვა ადგილზედ.

მონოგენისტთა და პოლიგენისტთა შორის კამათი ამ ფრიად საყურადღებო საგნის შესახებ ჯერაც არაფრით დამთავრებულა, თუმცა ვერც ერთს მხარეს ვერ შევსწამებთ ულოლიკობასა და მეცნიერულ საბუთების მხრით სიკოტრესა.

რასათა თავდა-პირველი წარმოშობაც არ იცის მეცნიერებამ. იგი პირდაპირ ამბობს, გულ-წრფელად: პირველიდან იყო ალბად რამოდენიმე რასა, განჯერძობებულად მცხოვრები. თვით პროცესი ისტორიისა არის მათი ურთიერთთან დაახლოვებისა, ბრძოლისა, აღრევისა და საერთოდ მათი მოძრაობის პროცესისი.

პრეჰისტორია ბნელით არის მოცული და ცოტა-ოდენ ცნობას გვაძლევს საზოგადოდ პირველ-ყოფილ ადამიანთა ცხოვრების შესახებ, მან სრულიადაც არ იცის დანამდვილებით უპირველესნი მოძრაობანი რასათა და მათი დაახლოვების და აღრევის პროცესისი.

ისტორიაშიც ბევრი რამ არის ბნელით მოცული, ბევრი რამაც ვიცით, მაგრამ საერთოდ კი იგი პროცესისა ხალხთა მოძრაობისა და დაახლოვებისა, მათი სოციალური შემოქმედებისა და მხოლოდ ქრისტეს წინად 40 საუკუნის დროის განმავლობას შეიცავს, ქრისტეს შემდეგ კი ახალ ხანასა. და აქაც თვალწინ გვეშლება არა ორგანიული განვითარება კაცობრიობისა, არა ორგანიული განვითარება თვით ერთი რომელიმე მთელი რასისა, ან მისი ნაწილისა, არამედ ზედი-ზედ მოყოლებული გამოსვლა სხვა და სხვა ხალხთა, ერთი ცივილიზაციისაგან მეორეს დათრგუნვა, ერთის მიერ მეორეს ადგილის დაჭერა, საურთიერთო ცილობა ქვეყნის ბატონობისა. ეს კიდევ არაფერი, — თვით ისტორიის განმავლობაში, მრავალი ხალხი ისე ვითარდებოდა, ისე ეწეოდა ბრძოლას მეზობელ ხალხებთან, ისე ჰქმნიდა თავის კულტურულ სფეროს, რომ შორეულმა ხალხებმა და მათმა კულტურულმა სფერომ არც კი იცოდა მათი არსებობა. მთელი რასები ამერიკისა, ავსტრალიისა, თვით აფრიკისაც ისე არსებობდნენ, ისე განვლეს მრავალ-საუკუნოვანი ისტორია, რომ არც კი იცოდნენ არაფერი ევროპაზედა და აზიაზედ, არც ამ უკანასკნელებმა იცოდნენ არაფერი მათ შესახებ დიდი ხნის განმავლობაში. აქედან დაიბადა ყოველ აზრს მოკლებული სიტყვა, ევროპიელთაგან შეთხზული, — „არა ისტორიული ხალ-

ხები“, — თითქოს მარტო ევროპასა და მის მიერ კარგად ცნობილ ხალხებსა ჰქონდეს ისტორია, თითქოს მარტო იგინი შეადგენდნენ მთელს კაცობრიობას, თითქოს მთელი ისტორია მარტო მათი არსებობის თვალთახედვით განიხილებოდეს.

რაც ისტორია ვიცით, მან შემდეგ ეგრედ წოდებულ ისტორიულ ტერმინებზედ, რომელიც ერთი უმცირესი ნაწილი იყო ადამიანთაგან დასახლებულ სივრცისა, — შუამდინარის მიდამოებში, ირანში, კავკასიაში, მცირე აზიაში, ეგვიპტეში და აფრიკის ჩრდილო ნაპირებზედ, ხმელთა-შუა ზღვაზედ და სამხრეთ ევროპაში და სხვ. რიგ-რიგად და დამოუკიდებლად, სხვა და სხვა დროსა და ერთსა და იმავე დროსაც გამოდიოდნენ ხოლმე — ბაბილონელები, ასსურელები, სპარსელები, ეგვიპტელები, ფინიციელები, ბერძნები, რომაელები, არაბები, — რომელნიც ჭარ თვითა ქმნიდნენ ეროვნულ კულტურათა, შემდეგ ერთმანეთს ებრძოდნენ. იცნობდნენ, იპყრობდნენ, აარსებდნენ მსოფლიო იმპერიებსა, ჰქმნიდნენ ფართო კულტურულ სფეროებს, — აფართოებდნენ ადამიანთა დაახლოების ფარგალსა. აფართოებდნენ კაცობრიობის ცნებასა. მაგრამ არასოდეს მათ ამ სხვა და სხვა ხალხთაგან ერთი კაცობრიობა არ შეუქმნიათ. პირიქით, ყოველი აღრეეაც კი ამ სხვა და სხვა ხალხთა შორის ახალ კულტურულსა და ეროვნულ ტიპსა ჰბადებდა, რომელსაც ებადებოდა იგივე პრეტენზია ქვეყნის ბატონობისა, მაგრამ რომლის ცდაც აგრეთვე უნაყოფოდ ჩაივლიდა ხოლმე.

მაგრამ რამდენი იყო აღბად სხვაგან ასეთივე მოედანი ხალხთა ისტორიისა, — შორეულ აღმოსავლეთში, ამერიკაში, აფრიკაში, სადაც საუკუნოები განვლილა და იგივე შეტაკება, ბრძოლა და დაახლოება ყოფილა ხალხთა შორის ისე, რომ პირველს დიდს სფეროს ცივილიზაციისას მისი არა სცოდნიარა. ამერიკის კაცობრიობა მხოლოდ მე-XV საუკუნეში აღმოაჩინა ევროპის კაცობრიობამ!

მართალია, დროთა ვითარებაში ბოლოს და ბოლოს კაცობრიობის ნაწილებმა გაიცნო ერთმანეთი, უძველეს დროიდან აზია, აფრიკა და ევროპა სცილობდნენ ურთი ერთის დაახლოებასა. ომი, ვაჭრობა, მოგზაურობა, მეკობრეობა, რელიგიური პროპაგანდა ქრისტიანეთა, განსაკუთრებით ნესტორიელთა, მაჰმადიანთა, ბუდდისტთა, — აი რა საშუალებით იცნობდნენ ხოლმე ერთმანეთს სხვა და სხვა ხალხები და კულტურული სფეროები. ბოლოს ამერიკაც აღმოაჩინეს, ყველა დასახლებული ადგილები დედამიწისა, მთელი კაცობრიობა, მაგრამ ეს აღმოჩენა არ უნდა განვიხილოთ მარტო აღმოჩენელთა აქტიური თვალთა ხედვით, არამედ პასიური თვალთახედვითაც, — მათი თვალთახედვითაც, ვინც აღმოჩენილ იყო. აღმოჩენაც არ არის კაცობრიობის გაერთიანება, განსაკუთრებით იმიტომ, რომ ევროპიელებს აღმოჩენილნი ადამიანებად არ მიაჩნდათ და სცილობდნენ ან თავისი კაცობრიობის მსგავსად ექციათ იგინი, ან მთლად გაეჟლიტათ, რადგანაც კაცობრიობის ღირსებას მარტო თავის თავს ანიჭებდნენ. ასეთი აღმოჩენილები ხომ მონღოლებიც იყვნენ, რომელთაც მთელი აზია და ნახევარი ევროპა „აღმოაჩინეს“, დაიპყრეს და კინადამ მთლად ერთიანად არ წალეკეს, — აგრეთვე თურქები და სხვა ეულნი ხალხნი.

უძველეს დროიდან და ისტორიულად 60 საუკუნის განმავლობაში არსებობს ასეთი მოძრაობა და აღრევა ხალხთა და არაერთი მსგავსება კაცობრიობის ორგანიულ ერთობისა არ ეტყობა ამ პროცესსა. — პირიქით, — თვი-



თოველი ახალი რასა, ახალი ხალხი, ახალი ერი სცილილობს თვისი ინდივიდუალობა განამტკიცოს და სხვები დაიპყრას. სამაგიეროდ დაჩაგრულნი წინააღმდეგობას უწყევდნენ შემოსეულთა. იწყებოდა ისევ ბრძოლა. განთავისუფლება პყრობილთა, მერმე ისევ ბრძოლა, პყრობა და აღრევა, ისევ ახალ ინდივიდუალობათა შექმნა ამ ბრძოლაში და ასე დაუსრულებლივ. ფონდი კაცობრიობისა არ მცირდებოდა, — არამედ იზრდებოდა და მრავალფეროვანდებოდა.

მართალია განვითარდა საერთა-შორისო სამართალი. უძველესი დროიდან სჩანდა მისი ნიშნები, თუმცა მკრთალი. ჭერ კიდევ, როცა დასავლეთი მსოფლიო იმპერია რომისა და აღმოსავლეთი მსოფლიო იმპერია ჩინეთისა ურთიერთს შეეხენ, მაშინ მოინდომეს რეგულიარულ კავშირის განმტკიცება აღმოსავლეთსა და დასავლეთს შორის, — მაგრამ ამაოდ. შემდეგ არაბთა დასავლეთი იმპერია და ოგივე ჩინეთის აღმოსავლეთი იმპერია შეეცადნენ ამავე კავშირის განმტკიცებას, მაგრამ ამ ცდამაც ამაოდ ჩაიარა, — მონღოლები გაეჩხირნენ შუაში და დაუსალეს. შემდეგ მაჰმადიანთაგან შეზინებული ქრისტიანობა სცილილობდა აღმოსავლეთის მონღოლთა იმპერიასთან კავშირის დაქერას მუსულმანთა წინააღმდეგ, მაგრამ ამ ცდამაც ვერ გამოიღო ნაყოფი. მონღოლთა იმპერია, ეულ ხალხთაგან შემდგარი, არ იყო ისეთ მტკიცე საფუძველზედ დამყარებული. რომ საერთაშორისო სიმართლის შემომქმედად გამზდარიყო. — ესე ყოველი იყო ძველად ცდა კაცობრიობის უდიდეს ნაწილთა შორის კავშირისა.

უძველეს დროიდან აგრეთვე თვით მეზობელ ხალხთა შორისაც იკვროდნენ ხელ-შეკრულებანი, მაგრამ იმ დროს ომი იყო უმთავრესი მოქმედება ხალხთა და ამ ხელშეკრულებებსაც დიდი ფასი და სიმტკიცე არა ჰქონდათ. მხოლოდ ევროპამ განავითარა საერთაშორისო სამართალი ჭერ ვიწრო სოციალურ ჭკუფთა შორის, მერმე სახელმწიფოთა შორის. და როდესაც გაძლიერდა მისი მხედრობა, მეცნიერება, ვაჭრობა-მრეწველობა, დაარსდა თანამედროვე დიდი სახელმწიფოები, — მთელი ქვეყანა შეიყვანა ევროპამ ამ საერთაშორისო სამართლის სფეროში. მაგრამ, როგორც არა ერთხელა ვსთქვი, მარტო საერთაშორისო სამართალი ვერა ჰქმნის კაცობრიობის ერთობასა, იგი არ არის ნამდვილი პატივისმცემელი სხვა და სხვა სოციალურ ჭკუფთა, არამედ პატივისმცემელი არსებულ სახელმწიფოთა უკანონო უფლებათა. სწორედ ამავე საერთაშორისო სამართლის და ზნეობის სახელით მრავალი ერი განთავისუფლდა და საერთაშორისო სამართალმა მიიღო იგი თავის სფეროში, მრავალი ერი ეხლაც სცილილობს განთავისუფლებასა. ამით საერთაშორისო სამართლის მოძრაობა წინააღმდეგია დღევანდელ დიდ სახელმწიფოთა. ეს წინააღმდეგობა ღრღნის თვით თანამედროვე საერთაშორისო სამართალსა. ინდოეთი მაგალითად, ეს უდიდესი, 200 მილიონზედ მეტი ფონდი ადამიანთა, დამოუკიდებლობას თხოულობს საერთაშორისო იდეალურ სამართლის ძალით, მომქმედი საერთაშორისო სამართალი კი ინგლისის უფლებას იცავს, რომლითაც ინდოეთი ხელუხლებელი მფლობელობაა ინგლისისა. მაგრამ თუ ინდოეთი განთავისუფლდა, ამავე საერთაშორისო სამართალმა უნდა მიიღოს იგი თავის სფეროში, ინგლისთან თანასწორად უნდა აღიაროს. შემდეგ შეიძლება ინდოეთმა მთელი ევროპაც წალეკოს და ახალი „საერთაშორისო სამართალი გააჩინოს!.. — აი როგორა ჰქმნის თანამედროვე საერთაშორისო სამართალი კაცობრიობის ერთობასა!

ვაკრობა-მრეწველობა, ცოდნა, ტეხნიკა, — ვერც ყოველივე ესე აერთებს კაცობრიობას ერთ ორგანიულ სხეულად. — პირიქით, — სწორედ იგია გამღვი-  
პებული და ამოძრავებელი კაცობრიობის ფონდისა. ევროპის კაპიტალიზმი,  
კულტურა, მეცნიერება, — მთელი წამბაძველობა ევროპისა — იზიის, აფრიკის  
და სხვა ხალხთა მიერ, ამ უკანასკნელთა ინდივიდუალობის ძალას აასკეცებს,  
სურვილს უღვიძებს ბრძოლისას, თავის დაცვისას, შემდეგ კი ბატონობისასაც.  
აბაშეთმა იტალია დაამარცხა. იაპონიამ, ამ „არა-ისტორიულმა ურმა“, რუსე-  
თი დაამარცხა. ეხლა მისი ბატონობა უზრუნველყოფილია შორეულ აღმოსავ-  
ლეთში. იგი ხელად შეიქმნა ახალ-ისტორიულ ინდივიდუალობად და სხვებს  
მიემატა. ჩინეთი ევროპის კულტურის შეთვისებებს გზაზეა, — იგიც ამოძრავ-  
დება და დაიძვრის დასავლეთისაკენ. ინდოეთმა გაიღვიძა, — მან ინგლისი ინგ-  
ლისისავე კულტურული ძალით უნდა დაამარცხოს და შექმნას მომავალი. თი-  
თქმის ორი მესამედი კაცობრიობისა ამ გზაზეა და როდესაც იგი მთელს ცოდ-  
ნას, მეცნიერებასა, ტეხნიკას და ეკონომიურ ძალას შეიძენს, — იგი ბრძოლას  
გამოუცხადებს დასავლეთსა „ახალი კაცობრიობის“ შესაქმნელად. ექვს გარე-  
შეა, რომ გამარჯვება მათია, როგორც უფრო მრავალ-რიცხოვანთა. ეს ბრძოლა  
უკვე დაიწყო და მათი გამარჯვებით გათავდა ჭერ-ჭერობით. ამგვარად, თვით  
ტეხნიკა და მეცნიერება, მთელს ქვეყანაზედ რომ გავრცელდა, შემაერთებელი  
კი არ არის კაცობრიობისა, არამედ მიზეზი ახალ ბრძოლათა, წყარო ჩვენთვის  
წარმოუდგენელ მომავალ ისტორიისა.

თითქმის მილიარდი ადამიანია დღეს კაცობრიობის ფონდი, იგი ძალას  
იკრებს, ინდივიდუალობა უღვიძებთ ათასის წლობით მძინარე ხალხებსა, —  
ნიჭიერთა, კულტურის შემთვისებელთა და პროგრესის ნიჭის მქონეთა. მომავ-  
ალში მათ უნდა დაიწყონ ახალი სერია ისტორიულ ეპოქათა, რომელთათვის-  
საც ევროპის ისტორია. ისეთივე წარსული იქმნება, როგორც ჩვენთვის რომის  
ისტორიაა მილიარდ ხალხის დაძვრა, ბრძოლა, ქვეყნის წაღეგვა, ერთი სი-  
ტყვიით ხანგრძლივი მომავალი ისტორია და სოციალური შემოქმედება უამთა  
ვითარებაში ათასნაირ სოციალურ ინდივიდუალობას, ათასნაირ ერს შექმნის.  
ხელახლავ განმეორდება წარსული, — ერთა ბატონობა, მონობა, მათი სულის  
კეფთება, ბრძოლა თავისუფლებისათვის, გაქრობა ან წარმატება, ახალ ნა-  
რევე ერთა შექმნა და სხვა და სხვა, — დაუსრულებლივ, სანამ სულ მთლად  
არ ამოიწურება ფონდი კაცობრიობისა და მთელი მილიარდ-ნახევარი  
კაცობრიობა დაახლოვებით ერთ კულტურულ სფეროს არ წარმოადგენს. მაგ-  
რამ, ვინ იცის, იქნებ ამ საერთო კულტურულ სფეროში უფრო მწვავეც იქმ-  
ნეს ბრძოლა სხვა და სხვა სოციალურ ინდივიდუალობათა შორის. მართალია,  
დღეს უფრო ადვილია მოძრაობა ერთა, უფრო მალე თავდება საშინელი დუე-  
ლები ერთა და კულტურათა შორის, მაგრამ რა არის ძველი კაცობრიობა შე-  
დარებით ახალთან, — ან სიმრავლითა და ან სოციალურის ცხოვრების სირ-  
თულითა. თუ აქამომდე მართო ისტორიას დასჭირდა 60 საუკუნე და ოდნავ  
მანც ვერ განეხორციელეთ ერთობა კაცობრიობისა, — რამდენი დრო დას-  
ჭირდება თანამედროვე კაცობრიობის ფონდის ამოწურვასა და ერთ კულ-  
ტურულ სფეროს შექმნას?

მერმე, — განა ასეთ პროცესის დროს მთელი კულტურანი არ იღუპე-  
ბიან? — ვინ იცის, ეს ახალი ისტორია რამდენს კარგს ძველს დათრგუნავს,  
რომლის შექმნასაც თვითონვე შემდეგ საუკუნოებს მოანდომებს? — თუმცა,  
რასაკვირველია, დღეს უფრო იციან ჩინელებმა და იაპონელებმა ფასი ევრო-  
პის კულტურისა, ვიდრე ეანდალებმა იცოდნენ ფასი რომის კულტურისა!..

მაგრამ, განვიხილოთ, კიდევაც რომ შესაძლებელი იყოს ერთი კულტურული სფეროს შექმნა მთელი კაცობრიობისათვის, მაინც შეუძლებელია ერთი ორგანიზული სხეული კაცობრიობისა, როგორც ერთი საზოგადოებრივი ორგანიზმი. მრავალფეროვნება ბუნებისა და სიცოცხლისა მრავალფეროვნებას წარმოშობს ყოველთვის სოციალურ ცხოვრებაში, და სხვა და სხვა ერთი და სოციალური ჯგუფებიც, — განსაკუთრებული ენით, რელიგიით, კულტურითა და ტიპით — ყოველთვის იქმნებიან. — კიდევ უფრო გაიზრდება მათი რიცხვი, კიდევ უფრო ეცდება ყველა განვითაროს თავისი ორიგინალობა. კულტურული სფეროს ერთობა კი წარმოსადგენია. ევროპაში ძლიერ ინდივიდუალობის მქონე ერები არიან, მაგრამ კულტურული სფერო ერთი აქვს, თუმცა ასეთ მკვიდრო საერთო კულტურულ სფეროს შექმნაც მხოლოდ პატარა სივრცეზედ შეიძლება, როგორც ევროპაა. უკვე კულტურული სფერო ამერიკისა თანდათან ოდნავ განსხვავდება ევროპისაგან და კაცობრიობაშიაც შეუძლებელია დამყარდეს ისეთი საერთო კულტურული სფერო, როგორც ევროპაში, ხოლო ინგლისელი და ჩინელი რომ არ წარმოსადგენდეს ორს ურთიერთისაგან ძლიერ დაშორებულ ნიმუშს კაცობრიობისა, — ეს კი წარმოსადგენია.

ასეთია კაცობრიობა. იგი მოძრავია, და ამ მოძრაობაში სრულდება მისი სოციალური შემოქმედება. შექმნა და შეცვლა ერთა, კულტურათა, განახლება ისტორიისა.

ბევრი ხომ არა გგონიათ მაინცა და მაინც კაცობრიობა. იგი მილიარდ ნახევარია. ელიზე რეკლიუს ანგარიშით, თანასწორად რომ გავანაწილოთ ხმელეთზედ ყველა ადამიანები, ურთი-ერთისაგან თანასწორ მანძილზედ, თვითონ მოუწევს 9 მეტრი, ანუ 900,00 ოთხ-კუთხი მეტრი. თავის ირგვლივ 300 მეტრზედ იგი ვერ დაინახავდა თავის მეზობელსაც. ყველას კი ერთად რომ მოუყარო თავი და იმდენი ადგილი დაუთმო, რაც რომელიმე კრების დროს უჭირავს ხოლმე საზოგადოების თვითოეულ წევრს, — დაახლოებით ერთი ოთხ-კუთხი მეტრი, — მაშინ მთელი კაცობრიობა დაეტეოდა 1600 ოთხკუთხი კილომეტრზედ, ანუ ხმელეთის ზედაპირის 1/6000-ზედ. ლონდონი თავისი მიდამოებით დაიტევდა მაშინ მთელს კაცობრიობას. — მაგრამ მოძრავია კაცობრიობა და ერთ ადგილზედ გაჩერება მას საუკუნოდ არ შეუძლია. ისტორია რომელიმე ხალხისა კაცობრიობის სიცოცხლის დროსთან შედარებით ერთი წამია, მაგრამ ამ წამშიაც მოძრაობს ეს ხალხი და სწორედ ამიტომაცაა ჰქმნის ისტორიასა. ხანდახან ჰგონიათ ხოლმე, რომ მარტო ჩამოღენიმე ერის მოძრაობაა ისტორია, მარტო მათი ბატონობაა კაცობრიობის მხსნელი და შემაერთებელი, როგორც ეს ეგონა რომსა, ჩინგის ხანსა, როგორც ესა ჰგონია ევროპასა. მაგრამ მის ნანგრევებზედ ამასვე იფიქრებს ახალი ბუმბერაზი. საკვირველი მხოლოდ ის არის, თუ რად ფიქრობს ასეთნაირად კაცობრიობაზედ ბევრი თანამედროვე დიდი გონების ევროპელიცა, რადა ჰგონია მას თავისი ბატონობა ან ცოდნა კაცობრიობის ერთობის განმამტკიცებელი? რათა აქვს მას დამალული გრძნობა, რომლითაც იგი კაცობრიობასა და ევროპას ერთსა და იმავე მოვლენადა სთვლის? — თავმოყვარეობით თუ გონების სიეიწროვით? რასაკვირველია თავმოყვარეობითა. მისი რწმენა ევროპის მარადისობისა ისეთივე მტკიცეა, როგორც რომაელსა ჰქონდა რომის მარადისობისა. რომაელისთვის რომ ეწინასწარმეტყველა ვისმე და დაეხატა საშუალო საუკუნოები. — გვიად ჩასთვლიდა...

დაუსრულებელი მრავალფეროვანება კაცობრიობის სოციალური შემოქმედებისა, — აი რა არის შინი სიცოცხლის კანონი. ერთფეროვანება არც შესაძლებელია და არც სასურველი. იგი სიკვდილი იქმნებოდა. როგორც ისეთი საზოგადოება არ ვარგა, სადაც ორიგინალური ინდივიდუალობა არ არის, ისე კაცობრიობა არ ვარგა, სადაც საზოგადოებრივი ორიგინალური ინდივიდუალობა არ არის. ასეთი კაცობრიობა ჩლუნგი და მკვდარი იქმნებოდა. იგი ცოცხალ შემოქმედების ისტორიას ვერ შექმნიდა...

მხოლოდ ერთი რამ გუაღვილებდა საქმეს სოციოლოგიის მეცნიერებასა: არ არის არც ერთი მოვლენა ქვეყანაზედ, რომელსაც იმდენი შემთხვევითი ელემენტი ქმნიდეს, რამდენიც ერგვა ისტორიულ მოვლენის შექმნაში. თუ კაცობრიობის ფონდი ამოიწურა, თუ დაახლოვებით მაინც მთელი კაცობრიობა ერთ კულტურულ სფეროში შევიდა, თუ მთელმა კაცობრიობამ მართლაც განავითარა საერთაშორისო სამართალი ისე, რომ საზოგადოებანი არ შეიქმნენ ხოლმე წამდაუწუმ მსხვერპლნი დაცემისა და განადგურებისა, თუ ყველამ იცხოვრა თავის უფლებათა და ვალდებულებათა შეგნებით, თუ წამბაძველობის ტალღამ რეგულიარული სრბოლით იწყო ღელვა თანაბრად მთელს კაცობრიობაში, — მაშინ კონკრეტულ საზოგადოებათა განვითარება უფრო რეგულიარულის წესით მოხდება და განყენებულ სოციოლოგიასაც ნაკლებად გადაეღობებიან წინ შემთხვევით მოვლენათა სიძნელენი, რომელნიც ხელს უშლიან სოციალურ კანონთა კვლევას. იგი მაშინ უფრო წმინდა სოციალურ შემოქმედებისა და უფრო რეგულიარულ წამბაძველობის სფეროში აღმოაჩენს საზოგადოების განვითარების განყენებულ კანონთა.

## თავი მცამეტე

### არის თეორიები

მრავალია ლიტერატურაში ერის შესახებ ნალაპარაკევი, თუმცა, საკვირველია, ამ ფრიად საყურადღებო საგნის სპეციალურნი კვლევანი შედარებით ფრიად ცოტანი მოიპოვებიან.

რამოდენიმე კიდევ დავასახელეთ წინად, რამოდენიმე ამ თავში განვიხილოთ.

მაგრამ ზემოდ-ნახსენებ თეორიათაგან ზოგიერთი ისეთი ღრმა იყო, რომ არ შეგვიძლია ჯერ მათ არ დაუბრუნდეთ.

ბევრია ისეთი მწერალი, რომელიც ერთმანეთში ურევს ერისა და რასის ცნებათა. მაგრამ ეს, რასაკვირველია, შემცდარი აზრია. მართალია, ოდესმე რასაც სოციალური შინაარსისა უნდა ყოფილიყოს, მაგრამ დღეს აღარაღარ არის წმინდა რასა. ყოველი რასა ნარევი. ენის ნათესაობაც არაფერს არ ამტკიცებს, მაგალითად არიულ ენათა ნათესაობა ურთი-ერთისა. შესაძლებელია ეამთა ვითარებაში ერთი შტოს ენა სრულიად სხვა ეთნიურ გუფის კუთვნილებად გადაიქცეს წამბაძველობისა, დაპყრობისა და სხვა მიზეზთა გამო. ყოველ შემთხვევაში, ფაქტია, რომ დღეს არც არიული, არც სემიური, არც მონღოლთა რასა ერთ ერს, ერთ სოციალურ ორგანიზმს არ წარმოადგენს, არამედ სხვა და სხვა ერთა და სხვა და სხვა კონკრეტულ სოციალურ ორგანიზმთა, რომელთაგანაც თვითოეულს აქვს თავისი საკუთარი ინდივიდუალობა და შეგნება ამ ინდივიდუალობისა მეტისა თუ ნაკლების სიძლიე-

რით. სოლომონ რეინაქი მართალია, როდესაც ამბობს თავის „L'origine des nationalités“-ში. რომ ცნება „რასა“ თავის დღეში არ მიგვითითებს ისტორიულ ტრადიციებზედ, არამედ ლინგვისტურ ფაქტებზეო. — ისტორიული ტრადიციები კი მართლაც დამახასიათებელია ერისა, იგი პირდაპირ იგულისხმებს პიროვნება განვითარებულ სოციალურ ინდივიდს, რომელსაც შეუძლია ჰქონდეს ისტორიული ტრადიცია. ერის ცოცხალი და თვით-შემგნები ინდივიდუალობა თავისივე ხელით საკუთარის ისტორიის წერაში უზენაესად გამოიხატება.

მაგრამ ჩვენ აქ უფრო ერის წმინდა განსაზღვრა გვინტერესებს.

ამ მხრით კი ვერ გვაკმაყოფილებენ ვერც თვით დიდი მეცნიერები საერთაშორისო სამართლისა. ერნესტ ნისი ამბობს, — „განსაზღვრება საერთო მიზნისა“, — აი რა არის ერიო“. (Le droit International, I p. 338). მაგრამ მარტო ამის თქმა არ არის საკმარისი. თუ ერი რეალიზაციაა საერთო მიზნითა, — მასასადამე იგი ცოცხალი, მიზნის დასახვის ნიჭის მქონე არსი ყოფილა. საჭიროა მასასადამე გარკვევა და ყოველმხრივი ანალიზი ამ ქმნილების არსებისა. ამას კი ვერსად ვერა ვხედავთ მის მრავალ თხზულებაში. იქ ბევრია ნალაპარაკევი სახელმწიფოზედ, სახელმწიფოთა საზოგადოებაზედ და სხვა, — მაგრამ ვრცლად და სპეციალურად ერზედ, არსად.

დიდი მნიშვნელობა არა აქვსთ არც ძველ თეორიებს, — ვიკოსას, ფიხტესას, ჰეგელისას და მრავალთა სხვათა, რომელნიც სცილობდნენ სოციოლოგიის შექმნას, მაგრამ ვერ შექმნეს, და ამიტომაც მათი განსაზღვრანი ერისა სრულიად ვერ გვაკმაყოფილებენ. უმეტეს ნაწილად ისინი ერსა და სახელმწიფოს ერთმანეთში აღრევენ; ხშირად თვით სახელმწიფოს განსაზღვრასაც არა აქვს არავითარი საფუძველი წმინდა სოციოლოგიური მხრით. პირველი შეხედვით, მაგალითად ჰეგელის განსაზღვრა სახელმწიფოსი სწორად მოეჩვენება კაცს. მისი აზრით „სახელმწიფო არის სოციალური სუბსტანცია, რომელმაც თვით-შეგნებას მიადწია“. ეს განსაზღვრა თითქოს სწორია, თუმცა არასოდეს საკმარისი. მაგრამ თუ მის მთელს თეორიას გავითვალისწინებთ, მყისვე დაერწმუნდებით, რომ ეს განსაზღვრა სრულიად შემთხვევითია, და ნამდვილად ჰეგელს არავითარი ნამდვილი სოციალური წარმოდგენა არა ჰქონია არც საზოგადოებაზედა და არც სახელმწიფოზედ, არამედ წმინდა მეტაფიზიკური და თანამედროვე სოციოლოგიის მხრით ფრიად უცნაური. აგრეთვე ფიხტეს განსაზღვრანი სახელმწიფოსი და ერისა, თუმცა ნისი მათ იხსენიებს, ეხლა არავითარი ღირებულებისანი არ არიან. ამ ფილოსოფოსის განსაზღვრანი მხოლოდ თავიანთი რადიკალიზმით თუ მოისყიდიან მკვლევარს, თორემ სოციოლოგიური მნიშვნელობა არავითარი არა აქვსთ.

მიემართოთ ისევე ახლებს.

როგორც წინადა ვსთქვით, იტალიელი პასკვალე სტანისლაო მანჩინი პირველი მეცნიერი-თეორეტიკოსი იყო ერისა. ჩვენ ვიცით ერთი ამისი მიზეზი. იგი მუშაობდა მეცხრამეტე საუკუნის შუა-გულში, როცა გამწვავებული იყო ეროვნული საკითხი, როცა იტალია განთავისუფლებას ლაშობდა. სწორედ მაშინ იყო იდეური ნიადაგი ერის თეორიის შექმნისა, რომ მისი უფლების აღიარებაც მკვიდრ საფუძველზედ ყოფილიყო დამყარებული.

მანჩინიმ უკვე მოხსენებულ თხზულებაში „Della nazionalità come fondamento de dritto delle genti“ etc. ორ კონკრეტულ სოციალურ არსად აღიარა ოჯახი და ერი. ეს არის ორი ფორმა, რომელშიაც იხატება ბუნებრივი საზოგა-

დობრივობა ადამიანთა. ერს ახასიათებს ტერრიტორია, რასა, ენა, ზნე-ჩვეუ-  
 ლება, ისტორია, რელიგია, რაიკა ერთად ჰქმნის ერის ბუნებასა. მაგრამ ამას  
 ემატება ერთი უმთავრესი, მოქმედი ელემენტი, — თვით სული, რომელიც  
 აცხოველებს ერის არსებასა; ეს არის ეროვნული შეგნება, გრძნობა, რომე-  
 ლიც ერს ამოქმედებს ცხოვრების შინაგან და გარეგან სფეროებში. ზნეობრი-  
 ვი ერთობა, იდეა ეროვნებისა, თვით-შეგნება — აი რა არის სულიერი არსება  
 ერისა, და ამგვარად ერი არის: „ადამიანთა ბუნებრივი საზოგადოება, რომელ-  
 საც აქვს ერთობა ტერრიტორიისა, სისხლისა, ზნე-ჩვეულებათა, ენისა. — თა-  
 ნახმად მისი სიკოცხლისა და საზოგადოებრივ შეგნებისა“. ასეთი განსაზღვრა  
 ერისა დაახლოვებით სრული და სწორია. მაგრამ შეცდომანი აქაც მოიპოვე-  
 ბიან. ჭერ ერთი, — შემცდარი აზრია, თითქოს მარტო ოჯახი და ერი იყოს  
 ფორმა საზოგადოებრივობისა. — ფორმანი საზოგადოებრივობისა მრავალნი  
 არიან. ოჯახი არ არის დასაწყისი ფორმა მისი, არამედ, როგორც თანამედ-  
 როვე მკვლევარნი ამტკიცებენ, — უფრო პირველყოფილი კომპუნა. ოჯახი  
 შემდეგი განვითარების ნაყოფია — იგი არც საზოგადოება შეიძლება რომ  
 იყოს არამედ ერთი მისი ორგანოა. იქ, სადაც მარტო ოჯახი წარმოადგენს  
 მთელს საზოგადოებრივ ორგანიზმს, — საზოგადოება არ არსებობს, ანუ სრუ-  
 ლიად ცხოველურია, პირველ ყოფილი, შემთხვევითი და უბრალო განმრავ-  
 ლების მიზნით შემდგარი. როგორ არსებობდა ადამიანთა შორის ასეთი ოჯა-  
 ხი, ან არსებობდა თუ არა, — ამასზედ არაფერი არა ვიცით რა, რადგანაც ეს იმ  
 დროინდელი ამბავი შეიძლება იყოს, როდესაც ადამიანი ჭერ კიდევ უბრა-  
 ლო ცხოველობას არ გასცილებოდა. — მეორე, — მანჩინის არა აქვს განსა-  
 ზღვრული საზოგადოდ თვით არსება საზოგადოებისა, სოციალური ფაქტი, არც  
 საზოგადოება, როგორც მთელი რამ, უამისოდ კი ძნელია კონკრეტულ საზოგა-  
 დოებებზედ საფუძვლიანი ლაპარაკი. შემდეგ, მანჩინის კლასიფიკაცია სო-  
 ციალურ მოვლენათა და მათი აღმოჩენა ერის ცხოვრებაში არ არის განხილუ-  
 ლი საერთო სოციოლოგიურის მხრით. ამიტომაც მათ მარტო აღნიშნავენ ავ-  
 ტორი და არა მეთოდურად აღაგებს, როგორც კონკრეტულ საზოგადოების  
 ელემენტებს. როგორ შეიძლება, მაგალითად, თუ ერის წარმოდგენა არა გვაქვს,  
 როგორც განსაზღვრულ კონკრეტულ სოციალურ ორგანიზმისა. რელიგია მის  
 დამახასიათებლად ჩავთვალოთ, როდესაც ერთი რელიგია შეიძლება მრავალი  
 ერის კუთვნილება იყოს? — სულ სხვაა, როდესაც ერი გვაქვს წარმოდგენი-  
 ლი, როგორც კონკრეტული სოციალური ორგანიზმი, რომელიც თავის ეროვნ-  
 ულ-სოციალურ სფეროში გაატარებს განსაზღვრულ რელიგიასა და ამით  
 შესაფერად გარდაქმნის მას, შეისისხლბორცებს და აქცევს თავის სპეციალურ  
 საზოგადოებრივ ფუნქციად. ან სად არის წმინდა რასა, რომელი ერი შესდგე-  
 ბა წმინდა რასისაგან? — ჩამომაგლობა ერისა მრავალი შტოიდან მომდინარე-  
 ობს. მხოლოდ როდესაც ხდება სოციალურ ორგანიზმად, მას შეუძლია შეის-  
 ვას სხვა და სხვა შთამომავლობის ელემენტი, და მიუხედავად ამისა მაინც  
 დარჩეს სოციალურ ინდივიდუალობად. — ერთის სიტყვით, თუ ერის თეორიას  
 სოციოლოგიური ანალიზი არ უძღვის წინ, არც მისი არსებობის დამტკიცება  
 შეიძლება, როგორც განსაკუთრებული არსისა, და არც მისი ნამდვილი და  
 სწორი განსაზღვრა. ხოლო როცა მანჩინიმ ერი გამოაცხადა ერთად ერთ საგ-  
 ნად საერთაშორისო სამართლისა, — ამას უდიდესი მნიშვნელობა ჰქონდა და  
 აქვს. ამისათვის ერის არსებობის თვალსაჩინო ფაქტიც საკმარისია ნამდვილ  
 საერთაშორისო ზნეობის მოთხოვნის დასაკმაყოფილებლად. — საერთოდ

კი მანჩინის ანალიზი ერისა, მიუხედავად შეცდომათა, მაინც იმ დროის საუკეთესო ცდაა ერის თეორიის შემუშავებისა.

მეორე შესანიშნავი მწერალი და საერთაშორისო სამართლის მეცნიერი ბლუნჩლი აღწერს ერის წარმოშობასა და აღნიშნავს იმ ძალებს, რომლებმაც შექმნეს ვარი. ეს ძალები ჰქმნიდნენ ადამიანთა ბრბოებში საერთო სულსა, საერთო ინტერესთა, საერთო ზნე-ჩვეულებათა. ამ ძალათა შორის მოსახსენებელნი არიან რჩული, რომლის გავლენა ხან მეტი ყოფილა და ხან ნაკლები, ენა, ტერრიტორია, ზნე-ჩვეულება, პოლიტიკა. როგორც წინაღ შევნიშნეთ. რაც ჩვენთვის ერია, იმას ავტორი ხალხს უწოდებს. ხალხია საერთო სულისა და საერთო შთამომავლობის შეგნების მქონე არსი, ხოლო ვარი არის სახელმწიფოსაგან შეკავშირებული და მოწესრიგებული ხალხი. უსახელმწიფოდ არ არსებობს ერიო (Théorie générale de l'Etat), — ამბობს ბლუნჩლი.

მაგრამ რა არის თვით ეს სული, ერის შემქმნელი, რა არის რჩული, ზნე-ჩვეულება, პოლიტიკა და სხვა, რომელი არსის კუთვნილებანი არიან იგინი ბუნებაში, რა არის ის არსი, რომელსაც საზოგადოებას ეძახიან, როგორია მისი განყენებული ვითარება და რა დამოკიდებულებაშია კონკრეტული ვარი მასთან, — ეს ბლუნჩლის არა აქვს გარკვეული. ამიტომაც იგი ვერ არჩევს ვარს, კონკრეტულ საზოგადოებრივ ორგანიზმსა და სახელმწიფოს, რომელიც ერთი ფორმად საზოგადოებრივობისა, რომელიც შეიძლება ერთ ერსაც ჰქონდეს და მრავალსაც საერთოდ. მართალია, იგი ხალხს აღიარებს იმ არსად, რომელსაც ჩვენ ვერ ვუწოდებთ, მაგრამ მაშინ რაღა არის მაგალითად პოლონეთის „ხალხი“, ან საზოგადოდ ის ხალხები, რომელთაც უკვე წართმევიათ სახელმწიფოებრივობა? — ნუ თუ მათ ერებს ველარ ვუწოდებთ? — მართალია ხალხი ერის შემადგენელი მასალაა, იგი შთაბერავს სულს ეროვნულ სახელმწიფოს, მაგრამ მარტო პოლიტიკური ორგანო კი ვერა ჰქმნის ხალხს ვერად, არამედ საერთოდ კოპეზია მის ნაწილთა, მის ორგანოთა და ფუნქციათა ჰარმონია. ამასთანავე ხალხი და ვარი ორი ცნებაა ერთი და იგივე არსის გამომხატველი, — მხოლოდ სხვა და სხვა მხრით უნდა შევხედოთ ამ არსსა: როდესაც მისი კოპეზიისა და ორგანიულ სოციალურ სიცოცხლის მხრით შევხედავთ — იგი ვარია, როდესაც მისი შემადგენლობის მხრით, — იგი ხალხია. — შემდეგ, თუ ფორმულა: „ერი არის ერთობა ადამიანთა, სახელმწიფოს მიერ შეერთებულითა“, — მართალია, მაშინ გერმანიის ან ინგლისის იმპერია — ვარი ყოფილა, და არა თუ პოლონელები გერმანელებად გამოდიან, არამედ აფრიკის ნეგრები ინგლისელებად! — ეს არეუდარევა ცნებათა იქიდან წარმოსდგება, რომ საერთო, განსაზღვრული საზომი, განყენებული ცნება სოციალურისა არა ჰქონია არც ბლუნჩლის, როდესაც ზომავდა სახელმწიფოსა, ვარსა, ხალხსა და სხვ.

ბლუნჩლი თვითონვე ებმება წინააღმდეგობაში, როდესაც ამბობს: „ერი იგულისხმებს, რასაკვირველია, სულის ერთობასა ხასიათისა, ენისა და ზნე-ჩვეულებათა ერთობასა, როდესაც იგი დამყარებულია საერთოდ ხალხზედ. პირიქით, იქ კი, სადაც იგი დამყარებულია მრავალ ხალხზედ. ან ხალხთა ნაწილებზედ, ერთობა ნაკლებია, ვიდრე ერთ ხალხში. — ვარს უმთავრესად დაახასიათებენ: უფრო სრული ერთობა სამართლისა, მონაწილეობა მართვა გამგეობაში, შეიძლება საერთო ნების გამოჩენისა და საქმით განმტკიცებისა, არსებული კონსტიტუციონალური ორგანოები, ერთი სიტყვით საზოგადოებრივი და იურიდიული პიროვნება“ — რ.

მიაქციეთ ყურადღება ორივე ნახევარს ამ აზრისას. პირველში ავტორი აღიარებს სახელმწიფოს ორგანიულ ერთობას, როდესაც იგი დამყარებულია ხალხზედ, ხოლო თუ სახელმწიფო სხვა და სხვა ხალხზედ არის დამყარებული, იგი არ წარმოადგენს ასეთს ორგანიულ ერთობასა. — რას ნიშნავს ეს. თუ არა იმის აღიარებას, რომ ერი არის წამდელი, ბუნებრივი სოციალური ორგანიზმი, და არა სახელმწიფო, რომელიც ფორმაა ერის ორგანიზაციისა და რომელსაც შეუძლია სხვა და სხვა სოციალურ ორგანიზმთა ძალით შეერთება, რაც აუცილებლად წინააღმდეგობას იწვევს მჩაგვრელთა და ჩაგრულთა შორის? — ერი და სახელმწიფო რომ ერთი და იგივე იყოს, იქნებოდალა განა ასეთი წინააღმდეგობა, იქნებოდა და განა თვითოეულ ერის. ანუ როგორც იგი ამბობს, — ხალხის მოსწრაფება საკუთარ სახელმწიფოს დაარსებისადმი?

მეორე ნახევარი ზემოდ მოყვანილი აზრისა ვერ შევლის პირველსა, რადგანაც მონაწილეობა მართვა-გამგეობაში, საერთო სამართალი და სხვა ვერა ჰქმნიან ერისა ანუ სახელმწიფოს ორგანიულ ერთობასა. ამას უარ ჰყოფს იგივე ფაქტი, რომ სხვა და სხვა ხალხი, ანუ ჩვენებურად ერი, მთელს რევოლუციებს ახდენს სახელმწიფოს საერთო სამართლისაგან გამოყოფისათვის, სწორედ მის მართვა გამგეობაში არ უნდა მონაწილეობა მიიღოს, არამედ მისი სურვილია საკუთარი სამართალი ჰქონდეს, საკუთრადვე გამოიჩინოს საქმით თავისი ნება და არა საერთო სახელმწიფოსთან ერთად.

ბლუნჩლი თვითონვე გრძნობს ამ წინააღმდეგობასა და თითქმის ასწორებს თავის შეხედულებას ერზედ და სახელმწიფოზედ. აი რას ამბობს იგი: „ჩვენ აღვიარებთ მანჩინისთან ერთად, რომ ერები, როგორც ეტორიულნი ხაზოვადობენი რასისა და კულტურისა, ახულდგმულებენ სახელმწიფოებს ეროვნული ხულითა და ჩვენ ვიცით, რომ თანამედროვე სახელმწიფონი უმთავრესად ეროვნულნი არიან. მაგრამ ერები, სანამ ისინი ხალხებად არ გადიქცივიან და არ ჩამოისხმიან სახელმწიფოების კანონიერ სხეულებად, — არ არიან იურიდიული ძალანი მათ აკლიათ ნების ერთობა და საჭირო ორგანოები ამ ნების გამოსაჩენად; ეს ორგანოები მარტო სახელმწიფოს აქვსო“. როგორცა ჰხედავთ ეს პირდაპირ ეწინააღმდეგება ზემოდ ნათქვამსა. იქ ერი და სახელმწიფო ერთი და იგივე იყო, აქ კი ერები, როგორც „ისტორიულნი საზოგადოებანი რასისა და კულტურისა“. სახელმწიფოებს ახულდგმულებენ, თანამედროვე სახელმწიფონი ეროვნულნი არიან. მაშასადამე ცნება ერისა სულ სხვაა, ვიდრე ცნება სახელმწიფოსი — ერებს არა აქვს იურიდიული ძალა საერთაშორისო სამართლის ძეგროში, სანამ ივინი „ხალხებად“ არ გარდიქცივიან, არ ჩამოისხმიან კანონიერ სახელმწიფო სხეულებადო, — მაშასადამე აქ უკვე ცხადადა სჩანს, რომ ბლუნჩლისავე აზრით ერი ყოფილა ისეთი არსი, რომელსაც შეუძლია სახელმწიფოს დაარსება, — ისეთი შემომქმედი სოციალური ორგანიზმი, რომელსაც შეუძლია სახელმწიფოს ფორმა მიიღოს. ამას უწოდებს იგი ხალხად გადაქცივას, მაგრამ იგი წინად ამასვე ხალხის ერად გადაქცივას უწოდებდა.

მაგრამ ყველაზედ უფრო საყურადღებო ის არის, რომ ბლუნჩლი შეიძლება უმაღლესი კეთილშობილური გრძნობით, უზენაესი სამართლიანობით გატაცებული, პირდაპირ ამბობს: „თვითოეული ერის მისხია არის ცალკე სახელმწიფოს დაარსება, და მას უფლებაც აქვს ამისა. ქვეყანა უნდა განიყოს იმდენ სახელმწიფოდ, რამდენ ერადაც კაცობრიობა განიყოფება. დღე, თვითოეული ერი გახდეს სახელმწიფოდ, თვითოეული სახელმწიფო ეროვნულ ორგანიზმად“ო. — აქ პირდაპირა სჩანს, რომ ავტორისათვის ერი და სახელ-



მწიფო ერთი და იგივე არ არის. თუ ზემოხსენებულ ამონაწერებში სახელმწიფო უპირველესი პირობა იყო ერის არსებობისა, აქ კრია შემოქმედელი სოციალური ორგანიზმი, რომელმაც სახელმწიფო უნდა შექმნას. — ყველა ერმა, რამდენიც კი მოაბოვიება კაცობრიობაში. აქ სახელმწიფოს იდეა ემორჩილება ერის ძირითად იდეასა. — მისი იდეალია აგრეთვე სახელმწიფოთა ეროვნულ ორგანიზმად ქცევა; და ერთა მიერ სახელმწიფოთა შექმნა. — სრულიად განსხვავდება ეს აზრ- ზემოხსენებულისაგან. აქ ბლუეჩლი სავსებით აღიარებს მანჩინის აზრსა, აქ იგი ნამდვილი მანჩინია. საერთოდ კი ბლუეჩლისაც არა აქვს გარკვეული, თუ როგორ სოციალურ ორგანიზმს წარმოადგენენ ერი და სახელმწიფო, ვერა აქვს განსაზღვრული ნათლად ცნებანი ხალხისა. ერისა, სახელმწიფოსი ურთი-ერთისაგან, არა აქვს განზომილი იგინი საერთო სოციალური სახისითა. ჩემრად ურთი-ერთის წინააღმდეგი განსაზღვრანი აქვს ამ ცნებათა. როგორც ზემოთ დავინახეთ. მაგრამ მასაც მიუძღვის დეაწლი ერის თეორიის შექმნავეებაში, თუმცა შეიძლება მანჩინიზე რაკლები.

ერნესტ რენანის თეორია ერისა აგრეთვე ერთი უმნიშვნელოვანესაგანია (რენანის სიტყვა სობობონნაში 11 მარტს 1882 წელს: Qu'est-ce qu'une nation). 1887 წელს გამოცემულ „Discours et conférences“-ის წინასიტყვაობაში რენანი ამბობს თავის პატარა წიგნაკის შესახებ, სადაც განვითარებულია ერის თეორია: „მე აქ ყოველი სიტყვა ავსწონენ; ეს არის ჩემი აღსარება კაცთა საქმეთა შესახებ. და როდესაც თანამედროვე ცივილიზაცია დაილულება ერისა, ეროვნებისა და მსგავს სიტყვათა გაურკვეველობის წყალობით, — მე მსურს რომ ეს ჩემი ოცვერდიანი წიგნაკი მოიგონონ. მე იგი სრულიად მარტებულად მიმაჩნიაო“-ო.

ადამიანიო, ამბობს რენანი, არ ეკუთვნის არც თავის ენას, არც თავის რასას, — იგი ეკუთვნის მხოლოდ თავის თავსა, რადგანაც იგი თავისუფალი არსებაა, მორალური არსება. ხალხთა უფლება თვითონვე გადასწყვიტონ თავიანთი ბედ-იღბალი — არის ერთად-ერთი საშუალება თანამედროვე გაქირვებულ მდგომარეობიდან გამოსვლისა, — ერთად-ერთი საშუალება, რომელიც ბრძენს ადამიანს შეუძლია აღიაროს... უზუნაეს ენისა, რასისა. ბუნებრივ საზღვართა, გეოგრაფიისა, ჩვენ ვაყენებთ ხალხთა ურთიერ-შორის მორიგებასა, როგორიც უნდა იყოს მათი ენა, მათი რასა, მათი სარწმუნოება. შევიცარიო, შეიძლება, მთელს ევროპაში ყველაზედ უფრო კანონიერად შედგენილი ერი იყოს, და იქ კი სწოხედ სამი თუ ოთხი ენაა, ორი თუ სამი სარწმუნოება და ვინ იცის რამდენი რასა. ერი ჩვენთვის არის სული, — სულიერი ოჯახი, რომელიც წარსულში ნაყოფია მოგონებათა მსხვერპლთა, სახელოვან საქმეთა, ხშირად საერთო გლოვათა და საერთო სინანულთა; აწყყოში კი იგი ნაყოფია საერთო ცხოვრების ვანგრძობის სურვილისა, ერთისა და იმავე ეთნოგრაფიულ ჯგუფისადმი კუთვნილებისა; იგი მოგონებაა წარსულში დიდთა საქმეთა აღსრულებისა და სურვილი მომავალში კვლავ დიდთავე საქმეთა ჩადენისა“.

შემცდარია ჩვენის ფიქრით, რენანის თეორიაც. ვსთქვათ რომ ადამიანი არ ეკუთვნის არც თავის ენას და არც თავის რასას, რადგანაც იგი თავისუფალი და მორალური არსებაა, მაგრამ წარმოუდგენელია ადამიანი და მისა ზნეობრივი არსება უენოდ, ენა კი ბევრია და ყოველი ადამიანიც უსათუოდ რომელიმე ენით უნდა მეტყველებდეს. ადამიანის კუთვნილება რომელიმე ენისადმი მოასწავებს მის კუთვნილებას რომელიმე სოციალურ წრისადმი, რომელიმე სოციალურ ორგანიზმისადმი. ადამიანი აგრეთვე უეპველად უნდა ეკუ-

თენოღეს რომელიმე რასას, ან რასათა ნარევეს, რომელიც ბოლოს და ბოლოს უსათუოდ იმუშავეებს განსაზღვრულ ტიპსა გარეშე ამ ტიპისა, გარეშე ამ ენისა არ არის კონკრეტული ადამიანი, არ არის მისი ინდივიდუალობა, თავისუფლება. გარეშე განსაზღვრული სოციალური წრისა არ არის აგრეთვე განსაზღვრული ზნეობრივი არსი, მორალური ადამიანი. ისტორიულად განსაზღვრულ სოციალურ წრეში იბადებოდა ეროვნული შეგნება; განსაზღვრული სოციალური ორგანიზმში ზღებოდა თვითშემგნებ ისტორიულ პიროვნებად. — რენანის აზრით, თითქოს ერი ახალი ცნება იყოს, თითქოს იგი ცნობილი არ იყო ძველ დროს, შემცდარია, რადგანაც, მაგალითად, საბერძნეთი თავისი ენით, რასით, რელიგიით, ერთობ კულტურით — განსაკუთრებულ სოციალურ პიროვნებას წარმოადგენდა, „ისტორიულ ინდივიდუალობას“. საბერძნეთიც ერთი „სულიერი ოჯახი“ იყო, თუმცა პოლიტიკური არა, და თუ იქ სწირად ცალკე პოლისთა“ შორის ბრძოლა იყო, — შინაური ბრძოლა ხომ „სულიერი ოჯახშია“ შესაძლებელია? მაგრამ ეს ბრძოლა განა სპობს ოჯახის ერთობასა? შვეიცარიის მაგალითი სწორედ იმას გვეუბნება, რომ ეროვნული ელემენტების თანხმობა მხოლოდ მაშინ შეიძლება, თუ სოციალური ინდივიდუალობა მათ შორის დაცულია და ერთმანეთისაგან პატივცემული. უამისოდ ყოველი ეროვნული ელემენტი სცილილობს გამოეყოს მჩაგვრელს და დაიარსოს სახელმწიფო ორგანოები, რომ სრულ ინდივიდუალობად იგანდეს.

რასათა სხედასხვაობა რომ ვერა ჰქმნის ერის ერთობასა — ეს ცხადია, რადგანაც ერი არა რასიული ინდივიდუალობაა, არამედ სოციალური. შვეიცარია კი ერი არ არის, არამედ ერთა ნაწილთა პოლიტიკური და რამოდენიმედ სოციალური კავშირი. სრული ჰემშარიტება არ არის აგრეთვე რენანის აზრი, თითქოს ერი, ისტორიული ინდივიდუალობა, ნაყოფი იყოს წარსულ დიდ საერთო საქმეთა მოგონებისა და მომავალში მათი განგრძობის სურვილისა. ეს მხოლოდ იმ შემთხვევაშია მართალი, თუ ერი საკუთარი შემოქმედების საქმეთ იგონებს, — საკუთარ ენაზედ, საკუთარ რწმენათა თანახმად, თორემ რამდენია მოსავლელი საერთო საქმე წარსულში მჩაგვრელთა და ჩაგრულთათვის ერთად, — სპარსთა და ქართველთათვის, რუსთა და ქართველთათვის, — მაგალითად, — მაგრამ ამ უქანასკნელთათვის ყოველი ასეთი მოგონება მწარეა, სურვილი კი მომავალში მათი განგრძობისა არ არსებობს, არამედ არსებობს ძლიერი სურვილი მჩაგვრელთან „საერთო მოქმედების“ შეწყვეტისა და საკუთარი შემოქმედების დაწყებისა.

მართალია, ერი ისტორიული ინდივიდუალობაა, მაგრამ იგი ამასთანავე სოციალური ინდივიდუალობაა და სწორედ ამიტომ არის იგი ისტორიული ინდივიდუალობა. მართალია იგი „სულიერი ოჯახია“, სულიერი პრინციპი, მართალია ბევრი ერი სხვა და სხვა რასიულ და ეროვნულ ელემენტთაგან არის შემდგარი, სხვა და სხვა რჯულის მქონე ელემენტთაგან, მაგრამ იგი ამასთანავე განსაზღვრული, კონკრეტული სოციალური ორგანიზმია, — უწინარეს ყოვლისა სოციალური პრინციპი, ყოველი ცალკე სოციალური ორგანიზმში განსაზღვრულ პირობებში გაზრდილა და განვითარებულა, მიუღია განსაკუთრებული ელ-ფერი ეს სოციალური არსება ერისა, მისი სოციალური ინდივიდუალობა არის საფუძველი მისის სულიერის, მისის ისტორიულის ინდივიდუალობისა. და სწორედ ამ მხარეს არ მიიქცია რენანმა ჯეროვანი ყურადღება.

მიუხედავად ამისა რენანის პროტესტი ერთა მიერ სხვა ერთა ძალით შეერთებისა და დაჩაგვრის წინააღმდეგ — უკეთილშობილესი პროტესტია, და საერთაშორისო სამართალი რომ ოდესმე რენანისაგან წამოყენებულ პრინციპს

ერთა ნებაყოფლობით თანხმობისას ნამდვილად აღიარებდეს და განახორციელებდეს, — ეროვნული პრობლემის პრაქტიკული გადაწყვეტა ათასჯერ გაადვილდებოდა. რამდენ სიხსლის ღვრას აიცილენდა მაშინ ადამიანი თავიდან! — საუბედუროდ ჯერ არ მოვსწრებოვართ ამ ბედნიერებასა და ვინ იცის, როდის მოვესწრებით?..

საერთოდ რენანის თეორიას ფრიად აკლია წმინდა სოციოლოგიური ანალიზი, რომელიც წინ უნდა უძღოდეს ერის ანალიზსა, რადგანაც ერი განხორციელებდა სოციალური პრინციპისა.

როგორც უკვე ვსთქვით, ერის შესახებ ლიტერატურა ძლიერ მცირეა სხვა საკითხთა ლიტერატურასთან შედარებით, მაგრამ მაინც გვარიანად მოიპოვება იგი. განსაკუთრებით საერთაშორისო სამართლის მეცნიერებს ულამაზაა რაინათ ბევრი ამ საგნის შესახებ\*, აგრეთვე გაცირით სოციოლოგებსა.

მაგრამ უბედურება ის არის, რომ სოციოლოგებს სპეციალურად ერზედ ძლიერ ცოტა აქვს ნათქვამი, საერთაშორისო სამართლის მეცნიერთა და სხვათა კი აკლიათ სოციოლოგიური განმარტებანი და აგრეთვე ბევრი ურთი-ერთში აღრევს ხალხისა, სახელმწიფოსა და ერის ცნებათა.

აქამდის ჩვენ მოვიხსენიეთ ის მწერლები, რომელნიც წმინდა სოციოლოგები არ არიან. ეხლა ორიოდე მაგალითი სოციოლოგებისაც მოვიყვანოთ. მოვიხსენიოთ, მაგალითად, რენე ვორმსი, რომელმაც განავითარა ორგანიული თეორია საზოგადოებისა, და ტარდი, — შეიძლება ყველაზედ უფრო ორიგინალური ფილოსოფოსი სოციოლოგთა შორის. საუბედუროდ არც ამათ დაუწერიათ რა სპეციალურად ერის შესახებ. ამიტომაც მცირე შენიშვნებით დავეკმაყოფილდებით.

რენე ვორმსის მთავარ თხზულებებში (*Organisme et Société* და *La philosophie des sciences sociales*) მხოლოდ ერთი რამ არის შესანიშნავი ერის შესახებ. იგი განარჩევს ცნებათა: ერისას, სახელმწიფოსას, ხალხისას, საზოგადოებისას. ერი მისთვის მთელი რამ სოციალური არსებაა. ხალხი — შემადგენელი ელემენტებია მისი. სახელმწიფო — მისი ფუნქციონალური მხარეა. ამგვარად ზრდა-დამთავრებული კონკრეტული საზოგადოება რომ ავიღოთ, როგორც განსაკუთრებული არსი, ჩვენ შეგვიძლია მას შევხედოთ ამ სხვა და სხვა თვალთახედვით და მაშინ იგი წარმოვიდგება ერთად, როგორც მთლიანი საზოგადოებრივი არსი, ხალხად, როგორც მთლიანობა, შემდგარი ადამიანთა განსაზღვრულ ელემენტთაგან, სახელმწიფოდ, როგორც მოქმედი საზოგადოებრივი ერთობა. ავტორს რომ განვეითარებინა ეს სხემა, შეიძლება ცალკე რთული თეორია შეექმნა ერისა, მაგრამ იგი საუბედუროდ მცირე ანალიზით კმაყოფილდება, საერთოდ კი მისი თეორია განყენებულ საზოგადოებას შეეხება და არა კონკრეტულ საზოგადოებას, — ერსა.

ტარდისათვისაც ერი და სხვა სოციალური ქვეყნები არიან კონკრეტული სოციალური ორგანიზმები, თუმცა საზოგადოება, მისი აზრით, უფრო ცოცხალი ორგანიზმის ერთ ორგანოს — ტვინსა ჰგავს, ვიდრე მთელს ორგანიზმსა. შესაძლებელია კიდევ ცხოველთა საზოგადოება, ან ძველი საზოგადოებანი, მაგალითად „პოლისი მოვამსავსოთ ორგანიზმსა, მაგრამ თანამედროვე საზოგადოება, სადაც მრავალ ფუნქციებს არა-ცოცხალნი უჭრდნი, არამედ ავტო-

\* იხ. ზემოხსენებულ თეორიათა შესახებ: E. Nys, *Le droit International*, t. I, განკ. II, თავი II.

მატები ასრულებენ, უფრო ტენსა ჰგავს, რადგანაც ხელმძღვანელობა ამ ფუნქციითა ეკუთვნის საზოგადოების გონებრივ ძალეებსა" (La Logique Sociale). — არსება საზოგადოებისა ტარდის აზრით არის წამბაძველობა. „რა არის საზოგადოებაო?“ — კითხულობს ტარდი, — „წამბაძველობაო“. პირდაპირ უბასუხებს (Les lois de l'imitation, p. 80). ამ რიგად განარჩევა იგი კონკრეტულ საზოგადოებისაგან, კერძოდ ერისაგან, როგორც პრინციპი მისი კონკრეტულ განზოგადოებისაგან. მოქმედება და ფუნქციითა აღსრულება ცოცხალ არსთათვის აუცილებელი პირობაა მათი შენახვისა და იმ დედა აზრის გავრცელებისა, რომელსაც იგინი ატარებენ. ამისათვის პირველად საკმარისი იყო ერთგვარ მავალითთა განმრავლება რამდენიმე ხნის განმავლობაში განსავითარებლად. მაგრამ უპირველეს ყოვლისა სიცოცხლესა და საზოგადოებრივობას სურს გავრცელება და არა ორგანიზაცია. „ორგანიზაცია მხოლოდ საშუალებაა, მიზანი კი შთამომავლობის განგრძობა ან წამბაძველობააო“ (ibid, p. 80) — აქ ტარდი გვაგონებს ბერგსონს. მისთვისაც სიცოცხლე აგრეთვე პრინციპია, რომელიც კონკრეტულად ხორცს ისხამს ცხოველთა და მცენარეთა ფორმებში, ასულდგმულებს მკვდარ ნივთიერებასა.

ეს „ორგანიზაციაა“ კონკრეტული საზოგადოება. ერიც ერთი კონკრეტული საზოგადოებათაგანია. „...სხეული არის შეთანხმება გამრავალფეროვანებულ და იერარქიულად დაწყობილ ეიბრაციითა, რომელნიც ცალ-ცალკე მეორეებიან სხვა და სხვა სერიებად, მაგრამ ერთმანეთზედ გადახლართულ სერიებად; ორგანიზმი არის ელემენტარულ შინაგან ზრდათა შეთანხმება, სხვა და სხვათა და ორგანიულთა, შეთანხმება სხვა და სხვა და ერთმანეთზედ გადახლართულ პისტოლოგიურ ელემენტების შროთა. მსგავსადევე ერი არის, შეთანხმება ტრადიციითა, ზნე-ჩვეულებათა, აღზრდათა, მისწრაფებათა, იდეათა, რომელნიც წამბაძველობით ვრცელდებიან სხვა და სხვა გზითა, მაგრამ ურთიერთს ემორჩილებიან იერარქიულად და ძმურად ენმარებიან ერთმანეთსა“. (ibid, p. 76). — ამიტომაც ტარდის აზრით „სულ სხვაა ერი. მსგავსი პიპერ-ორგანიულ ორგანიზმისა, რომელიც შესდგება კასტათაგან, კლასთაგან და ურთი ერთის დამხმარე პროფესიათაგან, — სულ სხვაა საზოგადოება“ (ibid, p. 70), რომელიც წამბაძველობა თვით პრინციპია წამბაძველობის გავრცელებისა საზოგადოდ ადამიანთა შორის. „ამას იმ წამსვე ვხედავთ, ამბობს ტარდი, როდესაც ასობით მილიონი ხალხი დენაციონალიზაციას განიცდის და სოციალიზაციის პროცესში გადადის თანდათანაო“ (ibid.). — ამით ტარდს არ უნდა სთქვას, რომ ერები აღარ იქმნებიან მომავალშიო, მაგრამ ამაზედ შემდეგ. — საერთოდ ტარდისათვის ყოველი სოციალური ჯგუფი არის „კრებული ადამიანთა, რომელნიც ურთი-ერთს ჰბაძვენ, ან და წაუბაძველად ერთმანეთსა ჰგვანან და მათი მსგავსება წარმოსდგება ძვილი რომელიმე საერთო მოდელის წაბაძვისაგან“ (ibid, p. 73). აი ეს მსგავსება ჰბადებს კონკრეტულ სოციალურ ორგანიზმსა, რომელსაც განსაკუთრებული პისიკია აქვს, და ისეთი, რომ „ყოველ ბუნებრივ მოვლენას განვიხილავთ სამშობლო ენისა, ეროვნული სარწმუნოებისა, რომელიმე გავრცელებული მოქმედებისა, ან გაბატონებულ სამეცნიერო თეორიისაგან განსაკუთრებულ ფერით შეღებილ სათვალეებითა. თუ ეს გამოვალეთ ჩვენს დაკვირვებასა, რაც თუ გინდ დამოუკიდებელი იყოს ეს დაკვირვება, — მაინც განჰქრება იგი“ (p. 47).

თავის მეორე შესანიშნავ თხზულებაში ტარდი ამბობს: „საზოგადოებრივ ორგანიზმის მეტაფორულ შეხედულებაში არის რაღაც ღრმა ჰუმანიტიტება, თუმცა დღეს მოდაში აღარ არის ეს შეხედულება. საზოგადოება, თუ ორგა-

ნიშნს არ შეედრების, სამაგიეროდ იგი შეედრება ორგანიზმის უმნიშვნელო-  
 ვანეს ორგანოს. — ტენის. სოციალური ცხოვრება არის უაღრესი ალტერინება  
 ტენის ცხოვრებისა. მაგრამ სოციალური არის განარჩევა ცოცხალი არსისა-  
 გან ზეკრით, უპირველეს ყოვლისა მით, რომ იგი ნაკლებად არის განსაზღვრუ-  
 ლი დროში და სივრცეში. სხვა და სხვა ცოცხალი ინდივიდები, ცხოველები  
 და მყენარეები განირჩევიან და განსაზღვრებიან ცალ-ცალკე ურთი ერთისა-  
 გან, იბადებიან და კედებიან თვითთაველნი განსაზღვრულ დროსა. მაგრამ რა  
 არის სოციალური არსი? — იგი რომ მართო პოლიტიკური ჭკუფი იყოს. მაშინ  
 შეიძლება იმის თქმა, რომ სოციალური არსნი ერთმანეთისაგან განირჩევიან,  
 რადგანაც მათი საზღვრები ნათლად არის გარკვეული. მაგრამ ერნი და სა-  
 ხელმწიფონი ყოველთვის ერთნი და იგივენი არ არიან. ლინგვისტიკური ჭკუფი  
 შესდგება სხვა და სხვა სახელმწიფოთა, სხვა და სხვა ხალხთა ნაფლეთთაგან.  
 იგივე ითქმის იურიდიულ ჭკუფებზედ, რელიგიურზედ და მაშასადამე ეროვ-  
 ნულ ჭკუფებზედ, რომელიც — თუმცა ძნელად განსაზღვრება და განარკვე-  
 ვა, — მაგრამ ივლისსხმებს ორიგინალურ კომპინაციას ხჭულიხას, ენისას, სა-  
 მართლისას, ზნე-ჩვეულებათა ხაერთოდ, — თუ შესაძლებელია ერთ ადგილზედ,  
 ბუნებრივ საზღვართა შორის. ეს იმასა ჰგავს, სხვა და სხვა ინდივიდები რომ  
 მიკრულნი იყენენ ერთმანეთზედ ყველა თავიანთი ასობითა, — როგორც ამა-  
 ზედ ორი ერთმანეთზედ მიწეპებული მახინჯი გეძლევს დღეს მკრთალ წარ-  
 მოდგენასა, — სისხლის ბრუნვა, სულქმა, საქმლის გადახარშვა და სხვა რომ  
 ერთსა და იმავე დროს ყველა მათგანის ფუნქცია იყოს, ხოლო თავები რომ  
 ცალ-ცალკე მოქმედებდნენ“. (La Logique Sociale, Préface, pp. X—XI).  
 თუმცა ტარდი არჩეეს საზოგადოებასა და ორგანიზმსა, თუმცა იგი შემდეგ  
 ამტკიცებს, რომ წინააღმდეგ ორგანიზმისა, საზოგადოებაში სხვა და სხვა მოვ-  
 ლენანი სხვა და სხვა დროს იბადებიან და კედებიან, მაგრამ ორგანიზმშიაც  
 არა ხდება ერთდროული სიკვდილი ყველა ორგანოთა და ფუნქციათა. ტარდი-  
 სავე აზრით ეს სიკვდილი ორგანიზმში ხდება — *presque simultanément*, —  
 თითქმის ერთდროულად. რიბო კი ამტკიცებს, რომ სიკვდილი პირველად  
 ეწვევა ურთულეს ორგანოებს, მერმე უმარტივესთა. დე-გრაფი ამ ფაქტზედ  
 აშენებს თავის ანალოგიასა და იკვლევს, რომ რთული სოციალური ორგანოე-  
 ბი უფრო მალე გადაშენდებიან ხოლმე, ვიდრე მარტივნიო.

ყოველ შემთხვევაში ტარდის ამ განსაზღვრიდან პირდაპირა სჩანს, რომ  
 მისთვის ერი კონკრეტული სოციალური ორგანიზმია, — მსგავსრ თუ მთელის  
 ორგანიზმისა არა, მისი უმთავრესი ორგანოსი — ტენისა მაინც.

სოციალური ლოდიკისა და ინდივიდუალურ ლოდიკის შორის შეიძლება  
 ანალოგიის გაყვანა. ინდივიდუალური ლოდიკა არის წესი რწმენისა და სურვი-  
 ლის გარდაქმნათა (Log. Sociale). სოციალური ლოდიკა არის წესი მთელი  
 საზოგადოების სურვილთა და რწმენათა გარდაქმნათა. სილოგიზმები ლო-  
 დიკური და ტელეოლოგიური დაახასიათებენ აგრეთვე საზოგადოების სუ-  
 ლიერ ცხოვრებასა. მხოლოდ საზოგადოება მოქმედობს მსგავსად სონნამბუ-  
 ლისა, რომელსაც შთაავგონებენ რამე აქტის შესრულებასა, მას კი ჰგონია რომ  
 თავისუფლად მოქმედებს „წარმოიდგინეთო, ამბობს ტარდი, რომ შთამგო-  
 ნებელი, იმის მაგიერად რომ სანამბულს გარკვეულად ავგონებდეს ყოველ  
 აზრსა და ყოველ აქტს, რომელიც მას უნდა ჰქონდეს და ასრულებდეს, უტო-  
 ვებს მას არა სრულ თავისუფლებას, არამედ მხოლოდ თავისუფლებას თანა-  
 მშრომლობის შესაძლებლობისას საკუთარ მიზანთა და აზრებთან. ასეთმა შთა-  
 მგონებელმა ჯოჯმები, კანონები უნდა გაქოსკეს უმაღლესად, გამოაცხადოს

საზოგადო პრინციპები და საზოგადო წესები, რომელსაც იგი წმინტობს თავის მედიუმს, და დაუტოვებს ეგრედწოდებულ თავისუფალ ინიციატივას, ანუ ასე ესტევათ დამორჩილებულ თავისუფლებას, რაზე უწინონთა და წესთა უხლოდ გამოყენებაზედ ზრუნვას. ასეთი რამ ხდება ყოველთვის, ენსესე. შპასს სჩადიან უმეტესად ნამდვილნი ხალხის წინამძღოლნი, უმეტეს ნაწილად უკვე მეკლარნი, რელიგიათა და იმპერიათა დამაარსებელნი, პოეტნი — ენის კამრმდებელნი, ფილოსოფოსნი და სკულის მდებელნი, დიდი მეცნიერნი და დიდი გამომგონებელნი, კანონმდებელნი და სახელმწიფო უკნი. (L'origine sociale, p. 63). საზოგადოებას წამბაძველობა ხდის სონნამბულას მსგავსს, არსად, ლოლიკაც მისი მსგავსია სონნამბულის ლოლიკისა: სილლოგიზმი, რომელიც საზოგადოება მსჯელობს, სონნამბულის სილლოგიზმის მსგავსია და კონკრეტული „სონნამბული“, — ერი ასეთის სილლოგიზმისაგან შეხადგება. იგი მსგავსად, ამბობს ტარდი, ერი არის რთული სილლოგიზმი, ლოლიკური და ტელეოლოგიური, რომლის უფროსი წინასწარ სჯა არის კრებულ მოძღვრებათა და ბრძანებათა ჭერ ღეთისაგან მოვლენილად ცნობილთა, შემდეგ შემსრტიებათა და უმაღლესად მიჩნეულ ნებათა, — ერთი სიტყვით დოგმათა და წესთა; — უნკროსი კი წარმოსდგება ყოველ წამს, ყოველი პიროვნებისათვის, ყოველი მოქალაქისათვის მისი ცხოვრების რომელიმე შემთხვევისაგან, რომელიც მას უჩვენებს დოგმის ახალ გამოყენებას ან კანონის ახალ აღსრულებას; — ხოლო დასკვნა არის ყოველივე, რაც განისჯების და გადამწყდების, რაც ნიქმის და რაც კეთდება ხალხის უმაღლეს პრინციპთა და წესთა თანახმად. ე. ი. დიდი უმეტესობა მოქმედებათა და აზრთა, რომელნიც სწარმოებენ და მუშავდებიან ერის წიაღთა შინა“ (ibid).

ერთის სიტყვით, — ტარდის აზრით, ერი — ერთი სოციალური ორგანიზაციაა, საშუალება საზოგადოებრივობის გავრცელებისა, ერთი რთული სილოგიზმი, მაგალითი სოციალურ ლოლიკურ მსჯელობისა.

საუბედურად ტარდს სპეციალურად არ განუყოფთარებია ერის თეორია; არამედ იგი ერზედ ლაპარაკობს ხოლმე გაკერით, საზოგადოდ, წმინდა სოციოლოგიურ მსჯელობათა დროს, მაგრამ მისი ზემოხსენებული განსაზღვრანი ფრიად საგულისხმიერონი არიან, რომლებზედაც შეიძლება ერის თეორიის აშენება, და ჩვენ თუ ტარდის სოციოლოგიური თეორია თავიდანვე ხელმძღვანელად არ ავიღეთ, ეს იმიტომ რომ იგი ძლიერ რთულია და ჩვენ საგანს ძნელად გახდიდა. აგრეთვე შეიძლება ბევრში არ დავეთანხმოთ ტარდს, თუ გინდ თვით საზოგადოების განსაზღვრაში. მისთვის ელემენტარული ფაქტი საზოგადოებრივობისა არის წამბაძველობა, — ჩვენ კი აღფრედ ფულლიყ მიგვანინია უფრო მართლად, რომელიც შენიშნავს, რომ წამბაძველობა არ არის ელემენტარული სოციალური ფაქტი, არამედ მისი დეტერმინანტი: სოციალური ფაქტი კი სულ სხვაა. — კონტრაქტიო.

ტარდი აღიარებს კონკრეტულ სოციალურ ორგანიზმთა, ერთა არსებობას, განსაზღვრავს აქვს მათი, მაგრამ მისთვის პრინციპი საზოგადოებრივობისა, წამბაძველობა ისეთის სიძლიერისაა, რომ მას თითქმის შესაძლებლად მიიჩნია ერის მოსპობა წამბაძველობის დაუსრულებელ გავრცელებითა მთელს კაცობრიობაში. მასა სწამს თითქმის ერთი საზოგადოების არსებობის შესაძლებლობა, თუმცა მას ეს სწორედ თითქმისა სწამს და არა სრულად. — საზოგადოება კიდევ მით განირჩევა ორგანიზმისაგანაო, ამბობს ტარდი, რომ „რაც უფრო ზევით ავიღებთ ორგანიზმთა განვითარების კიბეზედ, ინდივიდუალობა ორ-

განიხილეთა მით უფრო გარკვეულია, ავტონომია მისი უფრო თვალსაჩინოა. პირიქით, რაც უფრო მაღალ საფეხურზედ სდგანან საზოგადოებანი, მათი პიროვნება არა თუ ნაკლებად რეალური ხდება (კურსიკი ჩვენი). არამედ ნაკლებად განცალკევებული, უფრო და უფრო საერთაშორისო. მაგამ ანუ ნათლიამ) სოციოლოგიისამ (იგულისხმებს ოგიუსტ კონტს) შექმლო წარმოდგინა კაცობრიობა, როგორც ერთი დიდი არსი; თავის დღეში მას აზრადაც არ მოუვიდოდა. გაეპიროვნებინა ყველა „ცოცხალ არსთა კრებული“ (Logique Sociale, Préface, p. XI.). მართალია, აზრადაც არავის მოუვა ცოცხალ არსთა ევოლუციის ვითარებაში წარმოდგინოს ერთად ერთი ცოცხალი ორგანიზმი, ან გააპიროვნოს მათი კრებული, მაგრამ ისიც მართალია, რომ როგორც მხოლოდ ერთი სახის არსებობისათვის ბრძოლაში გადარჩენა ან შექმნა შეუძლებელი ცხოველთა ევოლუციის ვითარებაში, ისე ერთი საზოგადოებისა, რადგანაც, როგორც ზემოდ ვილაპარაკეთ, ერთფეროვანება ბუნებაში და საზოგადოებაშიაც შეუძლებელია. როგორც აგრეთვე წინადა ესტეკით, არც არის არავითარი საბუთი დღეს ვიფიქროთ, რომ ოდესმე ერთ ორგანიულ საზოგადოებას წარმოადგენს მთელი კაცობრიობა. ეს არც ტარდა სწამს სრულად და ამიტომაც ამბობს — საზოგადოებათა რეალობა არ ისპობა, არამედ საზოგადოებანი ურთი-ერთის ემსგავსებიან. საერთაშორისო ელფერი ეღებათო. მაგრამ ერთა მოსპობა არ არის საერთაშორისოდ ვარდაქცევა აგრეთვე. წინააღმდეგ ტარდის აზრისა, ჩვენა გვეგონია, რომ განვითარებასთან ერთად საზოგადოებას სწორედ პიროვნება უვითარდება მსგავსად კერძო ადამიანისა. კერძო ადამიანი შეიძლება ბევრ რამეში სხვებსა ჰგავდეს, მაგრამ ბევრი მხრით ანვითარებდეს საკუთარ პიროვნებასა. ორ-მხრივი განვითარება ორგანიულ არსთა: — 1) განვითარება მათ ინდივიდუალურ თვისებათა და ორგანოთა. — 2) განვითარება მათ ინდივიდუალობათა — ურთი-ერთს არ ეწინააღმდეგება. ურთი ერთის დამატება იგი, და არა ურთი-ერთის უარყოფა. აგრეთვე საზოგადოებამ შეიძლება ბევრი მსგავსი რამ მოიპოვოს სხვა საზოგადოებათა წაბადვითა. შეიძლება ყველა საზოგადოება გარეგნულად და შინაგანი მხრითაც ურთი ერთს დაემსგავსოს, მაგრამ ინდივიდუალობა მათი კიდევ უფრო განვითარდეს — კერძოდ ენა, სარწმუნოება, სამართალი, ლიტერატურა, ხელოვნება და სხვა. მაგალითად, რაც ვითარდება გერმანია, მისი ინდივიდუალობაც ვითარდება. ღირსშესანიშნავი მოვლენაა ამ მხრით, რომ გერმანული მეცნიერება სცილობს საერთაშორისო ლათინური ტერმინები ეროვნულ გერმანულ ენაზედ შექმნას. — ავიღოთ აგრეთვე ენათა შესწავლის განვითარება თანამედროვე კულტურულ ერთა შორის პოლიგლოტიზმი ისეთი საზოგადო მოვლენაა ესლა, როგორც წინად არასოდეს არ ყოფილა, და პოლიგლოტი არასოდეს არ იფიქვებს საკუთარ ენასა. — წიგნების თარგმნა ერთი უმნიშვნელოვანეს მოვლენათაგანია ეხლანდელ დროში, უფრო ფართოდ დაყენებული საქმე, ვიდრე წინად, და თუ ერთის მხრით თვით ფაქტი წიგნის გადათარგმნისა მაჩვენებელია წამბადველობისა, მეორეს მხრით იგი ეროვნულ ენაზედ გადმოტანა სხვის ნაწარმოებისა, მამასადამე შემატება ერის ინდივიდუალურ კულტურისა. ამასთანავე თარგმნა არა თუ არ უმლის ორიგინალურ შემოქმედებას, არამედ ახალ გზაზედ აყენებს მასა, ახალ აღმოჩენათა, ახალ შემოქმედების წყაროა. — ესევე ითქმის სოციალურ მოვლენათა ყველა დარგის წამბადველობით გავრცელებაზედ. წამბადველობა არა თუ არა სპობს ინდივიდუალობას განვითარებულ ერებში, არამედ უფრო ამავე ინდივიდუალობის განმავითარებელია, — ყოველ შემთხვევაში არა მისი წინააღმდეგი, როგორც პოლიგლოტიზმსა არ არის წინააღმდეგი ეროვნული ენის ცოდ-

ნისა, გავრცელებისა და განწმენდისა, და უცხო ლიტერატურის თარგმნა—  
ეროვნულ ლიტერატურის განვითარებისა, ტარდიც საეგებით არ უარ-ჰყოფს  
ამასა.

თავის წიგნის *Les lois de l'imitation*-ის ბოლოში ტარდი წამბაძველობის  
კანონებს ასახელებს. პირველი კანონი არის — გავრცელება წამბაძველობისა  
უსაზღვროდ. მეორე კანონი არის ის, რომ წამბაძველობის ფორმებს ინახავს  
ტრადიცია და ჩვეულება, მესამეც ის არის, რომ თესლი წამბაძველობისა,  
რომელიც წამბაძველის თავში ჩნდება რომელიმე მისწრაფებისა, რწმენისა ან  
იდეის სახით, ვითარდება თანდათანობით და გარეგნულად ხორციელდება, —  
იხატება ენითა და მოქმედებითა, გადადის და ერევა ნერვების სისტემასა და  
მთელს სხეულს, თანახმად შიგნიდან გარეთისაკენ მისწრაფების კანონისა და  
სხვ. — აი ამ კანონთა წყალობით წამბაძველობა მარტო ცალ-მხრივი კი არ  
არის, არამედ საერთოეოთოდ ხდება, იგი მთელს კრებულს ადამიანთა გან-  
წყობილებისას ედება. ამიტომაც მივისწრაფით ერთფეროვნებისაკენ, და თვით  
საერთაშორისო დამოკიდებულებაში ასპარეზი თავისუფალ წამბაძველობისა  
იზრდება განუწყვეტლივ. — ეს არის მიზეზი კასტათა, კლასთა, ეროვნებათა  
შორის საზღვართა მოსპობისაო. მაგრამ ამავე დროს ტარდი არ ამბობს, თით-  
ქოს მსოფლიო განმეორებ, რომლის სოციალური გამოჩენაც წამბაძველობაა,  
მსოფლიოს ძირითადი არსება იყოს. იგი ამბობს: „მისი არსება არის შინაგან  
განსხვავებათა რომელიმე რაოდენობა; ეს განსხვავებანი მოუსპობელნი, მარ-  
დინნი არიან; უამისოდ ქვეყანა ისეთივე ერთფეროვანი იქმნებოდა, როგორც  
იგი უსაზღვროაო“ (p. 413). ამიტომაც საქვეყნო ტენდენცია ერთი დიდი სა-  
ზოგადოებისადმი თუმცა არსებობს, მაგრამ სამაგიეროდ კონსოლიდაცია ზნე-  
ჩვეულებათა, ის კანონი, რომ „მოღის“ (*la mode*) წინააღმდეგი მოვლენა, —  
ჩვეულება ყოველთვის არსებობს, შეუძლებელ ჰყოფს ერთის მსოფლიო საზო-  
გადოების შექმნას.

„ბუნებრივი გადიდება სახელმწიფოსიო, ამბობს ტარდი, ვერასოდეს ვერ  
გადასცილდება ერთს საზღვარსო“ (p. 126). ამასთანავე პატრიოტული გრძნო-  
ბა, ისტორიულნი მოგონებანი და სხვანი, თანდათან ძლიერდებიან, და ეს  
დაუშლის ერთი საზოგადოების შექმნასაო.

ამას ისიც შეუშლის ხელს, რომ წამბაძველობის წინააღმდეგი მოვლენაც  
არსებობს საზოგადოებებში, — უარ-ყოფა სხვის ზნე-ჩვეულებათა და კულ-  
ტურისა, და ზშირად სწორედ მაშინ, როდესაც ხალხები ერთმანეთს გაიცნობენ  
ხოლმე. ტარდსა სწამს, რომ სწორედ ამ გაცნობის შემდეგ დაბრუნება ეროვნ-  
ულ თავისებურობისაკენ შესაძლებელია და ამის ნიშნები ეხლაც არისო.

ტარდის აზრი, ვითომც შესაძლებელი იყოს ევროპისაგან მთელი ქვეყნის  
დაპყრობა და *pax romana*-ს რაღაც მსგავსის შექმნა ჩვენ პირდაპირ უსა-  
ფუძვლოდ მიგვაჩნია. ამაზედ ჩვენ წინა თავში ვილაპარაკეთ. მართლაც, სწო-  
რედ წამბაძველობის კანონის ძალით დღეს ევროპის კულტურას აზიის აუარე-  
ბელი ხალხი იძენს, მაგრამ თავის ინდივიდუალობას არა ჰკარგავს, — პირი-  
ქით, ანვითარებს მას, და ევროპის ბატონობასაც საზღვარი დაედება. ვინ იცის,  
შემდეგ ვის დარჩება ქვეყნის ბატონობა. მართალია, ცივილიზაცია არის სო-  
ციალური გაერთიანებისა და გართულების პროცესი, მაგრამ მასაც თავისი  
საზღვარი აქვს ტარდისავე აზრით, და თუ განსაზღვრული მასალა ხალხისა  
შეუძლია შეაერთოს, მთელის კაცობრიობის მრავალფეროვნებას ვერასოდეს  
ვერ შეაერთებს ვერავითარი ცივილიზაცია. ტარდისავე აზრით არსებობს რა-



დაც შინაგანი სუფთა სხვადასხვაობისა ბუნებაში, დაუპრეტელი და უკუნი, და იგი საზოგადოებათა ცხოვრებაშია ჩნდება. წამბაძველობა შეიძლება განსაზღვრულ წყაროებში მივიღო, მაგრამ იდენტურად რომ ჰყოს მან მთელი კაცობრიობა, — ეს შეუძლებელია. ჩვენ აქ ადამიანის პიროვნებათა იგივეობაზედ არ ვლაპარაკობთ, — რადგანაც თვით ტარდის აზრით წარსულში, აწმყოში და მომავალში შეიძლება დათრგუნვილ განსხვავებათა მაგიერ ჩნდებოდნენ უფრო და უფრო ღრმა ინდივიდუალური განსხვავებანი და ცივილიზაციისაგან შექმნილი მსგავსება მცირე რამ იყოს ამ ინდივიდუალურ განსხვავებასთან შედარებით. არა, ჩვენ კონკრეტულ სოციალურ ორგანიზმებზედ ვლაპარაკობთ: მიმოსვლაც შეიძლება გაძლიერდეს, ხალხთა შორის აღრევაცა, ან ერთი ძლიერი ხალხისაგან მეორეს დაპყრობაც, — დაუსრულებელი, ფართო წამბაძველობაცა, მაგრამ კონკრეტული სოციალური ორგანიზმი ყოველთვის ეცდება შეინახოს თავისი ინდივიდუალური სახე, — განავითაროს იგი და ნახესხებიც თავისებურად გარდაქმნას. რაც უფრო იზრდება თვით-შეგნება კონკრეტულ სოციალურ ორგანიზმთა, მით უფრო დიდია ასეთი ტენდენცია, და თუ ერთი მხრით ისტორიაში ვამჩნევთ წამბაძველობის მოვლენასა, ერთა მიერ ერთი-ერთის კულტურით სარგებლობასა, — მეორე მხრით ვამჩნევთ მათი ინდივიდუალობის განვითარების ფაქტსაც, — ვამჩნევთ, სხვა არა იყოს-რა, ტენდენციისა და ფაქტს დაპყრობილ ერთა განთავისუფლებისას. ამის უარყოფა შეუძლებელია. ვამჩნევთ აგრეთვე წამბაძველობასთან ერთად ინიციატივას. ორიგინალურ შემოქმედებას ყოველი ერის შინაგან ცხოვრებაში — მრავალფეროვანება ტარდისავე აზრით შინაგანი კანონია ბუნებისა და კაცთა საზოგადოებათა ცხოვრებისა, — ამიტომაც ვერავითარი უნივერსალური იმპერია ვერ შექმნის ერთ სოციალურ ორგანიზმსა. კიდევ ვიტყვი, — წამბაძველობა არ არის წინააღმდეგი ინდივიდუალობისა; ეს კეშმარიტებაა კონკრეტულ სოციალურ ორგანიზმთა ცხოვრებაშია; ხანდახან შეიძლება და უმეტეს ნაწილადაც. რომ იგინი პარალელურად იზრდებოდნენ. ამიტომაც კონკრეტულ სოციალურ ორგანიზმთა, ერთა მოსაპობა და ნაცელად ერთი საკაცობრიო საზოგადოების შექმნა შორეულ მომავალშია შეუძლებლად მიგვაჩნია. მაგალითები რომის იმპერიისა, ვეროპის „ერთობისა“ (?) და სხვანი არაფერს არ ამტკიცებენ. არც ერთსა და არც მეორეს არ შეუქმნია ერთფეროვანება. პირიქით, ამ ნაძალადევი ან მოჩვენებულ ერთფეროვანების შემდეგ საშინელი მრავალფეროვანება იხადებოდა, ეხლაც თავს იჩენს ხოლმე იგი, და მომავალში როგორი ერთფეროვანებაც შეუძლია შექმნას „კაცობრიობის ფონდს“, ამაზედ ჩვენ ზემოდ საკმაოდ ვილაპარაკეთ.

ბევრი სოციოლოგი ეხება იმავე საკითხებს, რომლებსაც ტარდი შეეხო. ბევრი იკვლევს გაკვრითვე ერის არსებასა, როგორც მაგალითად ესპანელი სოციოლოგი სალეს ი ფერრე. მისი აზრითაც ერი სოციალური ორგანიზმია, წარმოშობილი ქალაქებისაგან, ეს უკანასკნელები — თემებისაგან, თემები პატრიარქატისაგან და სხვ. ასე მოდის ერის წარმოშობა ისტორიულად (Tratado de Sociologia). — ჩვენ აქ ყველას გარჩევა ძლიერ შორს წავიყვანდა.

ესლა სოციალისტებს მივმართოთ. ვერც მათ ჩამოვთვლით ყველასა. უმეტეს ნაწილად მათ ბროშურებს „ეროვნულ საკითხის“ შესახებ, მათ „განცხადებებს“ და სიტყვებს არავითარი მეცნიერული ღირებულება არა აქვს. ზოგი უარ ჰყოფს ერსა, ზოგი სოციალიზმის შემდეგ პირდება თავისუფლებას დაწაგრულ ერებსა, ზოგი პატრიოტი და შოვინისტიც არის თავისთვის, მაგრამ სწვისთვის ვერას იმეტებს, ზოგი აღიარებს ერთა უფლებას არსებულ სახელმ-

წიფოთა საზღვრებში, ზოგი რას ამბობს, ზოგი რას, მაგრამ რისთვის და რა საბუთით, — ამას უმეტესი ნაწილი არ დაგიღვეს. იგინი უმეტეს ნაწილად არასოდეს არ ლაპარაკობენ საზოგადოდ ურზედა და მის უფლებებზედ. საერთოდ არა აქვთ გამოჩვეული არც ინტერნაციონალიზმი და არც ერი აუცილებელი ელემენტი ინტერნაციონალიზმზედ მსჯელობის დროსა. რასაკვირველია მათ შორის ბევრი ისეთიც არის, რომელსაც საღი და სამართლიანი მსჯელობა აქვს, მაგრამ აქ მხოლოდ ორ ავტორს მივაქცევთ ყურადღებას, რადგანაც იგინი და ინტერესებულნი იყვნენ ძლიერ ეროვნული საკითხითა და ამიტომ მიაქციეს ყურადღება ურას პრობლემასა და შეიბუშავეს იგი. ესენი არიან ოტტო ბაუერი და რუდოლფ შპრინგერი, — ავსტრიელები.

ოტტო ბაუერი (Национальный вопрос и социал-демократия) აღნიშნავს ფაქტს ერთა არსებობისას, ფაქტს მათის ჰერთიერთისაგან გარჩევისას, მოგვითხრობს ერთა წარმოშობის ისტორიასა და მის მიზეზებს, განსაზღვრავს ერსა, ეროვნულ იდეასა, შეგნებასა და გრძნობასა და ამხუდლ ამყარებს ერის უფლების აღიარების სამართლიანობასა და კანონიერებას.

მაგრამ ჩვენის ფიქრით, ბევრი მისი საზოგადოდ დებულება არ არის ჭეშმარიტი, თუმცა საერთოდ წიგნს ბევრი ღირსება აქვს და ბევრგან ავტორი ჭეშმარიტებას ლაპარაკობს. ბევრგან სწორედ იმიტომ ვეთანხმებით ავტორს, რომ იგი ისეთ ჭეშმარიტებას ლაპარაკობს, რომელიც თვალსაჩინოა, ზოლო სრული განსაზღვრა და გარკვევა ცნებათა არ მოეპოვება.

ერი არის, ოტტო ბაუერის აზრით, უპირველეს ყოვლისა შედარებით ერთობა ზასიათისა. — მაგრამ ზასიათის ერთობა ისეთი ფართოა ცნებაა, რომ ამ განსაზღვრით შეგვიძლია ათასგვარი სხვა არსი დაეახსიანოთ. — ეროვნული ზასიათი არის კრებული იმ ფიზიკურ და სულიერ ნიშანთა, რომელნიც ყოველ ერს აქვს, აერთებს მას და რომლითაც იგი განიჩრევა სხვა ერთაგანო, — არც ეს განსაზღვრაა კარგი, რადგანაც აქ ეროვნული ზასიათი ეროვნულ კუთვნილებად არის აღიარებული, თვით ერი კი განუსაზღვრელი რჩება. — შემდეგ ავტორს განსაკუთრებული წყობილება ნებისა შეაქვს ეროვნულ ზასიათის განსაზღვრელად. ამგვარად უფრო სწორი განსაზღვრა ეროვნული ზასიათისა არის შემდეგი: ეროვნული ზასიათი არ არის მარტო კრებული ყველა ფიზიკურ და სულიერ თვისებათა, რომელიც ერსა აქვს, არამედ ნების მიმართულების თავისებურებაც, ის ფაქტი, რომ სხვა და სხვა ერში ერთი და იგივე საგანი სხვა და სხვა რეაქციას იწვევს, ერთი და იგივე მდგომარეობა იწვევს ნების სხვა და სხვა მიმართულებასა. ერი ასეთ თვისებას არსებობისათვის ბრძოლაში იძენს. — აქაც წასახი არ არის ერის განსაზღვრისა, — არამედ აღნიშნულია ფაქტი ერთი ერის მცორისაგან გარჩევისა და სხვა არაფერი. აქ მტკიცდება, თუ გნებავთ, ერის არსებობა, მაგრამ მისი განსაზღვრა არ არის.

შემდეგ ავტორი ამტკიცებს, რომ ასეთი თვისება იბადება ერში მხოლოდ საერთო ბედ-იღბლის გამო. ერი არის ამიტომ ერთობა ბედ-იღბლისა. — ისეთი განსაზღვრაა, რომ ერის გარდა სხვა ცნებებსაც ებება, — შეიძლება ბევრ სხვა სოციალურ არსებას ჰქონდესთ საერთო ბედ-იღბალი, მაგრამ ურნი არ იყვნენ.

შემდეგ ავტორი იღებს საერთო ტერმინოლოგიას, შთამომავლობას, ენას, ზნე ჩვეულებას, საერთო ისტორიულ-წარსულს, საერთო კანონებსა და სარწმუნოებას და, თუმცა აღიარებს მათ ერის განსაზღვრელ ელემენტებად, მაგრამ არა ცალ-ცალკე, არამედ როგორც მთელს სისტემასა. — ცალ ცალკე უგი-

ნი ვერაშაძედს ვერ განსაზღვრავენ ესა, ზოლო როგორც სისტემა, — განსაზღვრავენ, რა იქნება შედეგები ევლტურულ ერთობასა, რაიცა ერს მთლიან არსად ხდებდა. ეროვნული ისტორიის ქმნის ეროვნულ ხასიათს, სარგებლობს რა ამ საერთო ევლტურიითა, როგორც იარაღითა. — მაგრამ ავტორი აქაც სტდებდა, — რადგანაც არ შეიძლება გაყოფა ისტორიისა და ზემოხსენებულ მოვლენათა, როგორც აქტიურ და პასიურ ელემენტთა, როგორც იარაღის მხმარებელისა და მატარებლისა. არ არის რთული, ნამდვილი ისტორია გარეშე ზემოხსენებულ მოვლენათა, არ არის მათ გარეშე თვით ერიც; ჯერ ერი უნდა განსაზღვროს, როგორც ზემოხსენებულ მოვლენათა მატარებელი კონკრეტული არსი, მერმე აქედან უნდა გამომდინარეობდეს მისი უნარი ისტორიული მოქმედებებისა.

ბაუერსს, სავსებით განსაზღვრა ერისა ასეთია: „ერი არის კრებული ადამიანთა, რომლებიც შეკავშირებულნი არიან ხასიათის ერთობით ბედ-იღბლის ერთობის წინადაგზად“. (Национальный вопрос и социал-демократия, p. 139). არა ეფიქრობთ, რომ ეს განსაზღვრა ზემოხსენებულთაგან განირჩეოდეს ბევრით. ესეც, რომელსაც გინდათ, იმ სოციალურ ჯგუფს შეეფერება, — სოფლის კომუნას, ქლაქს, აგრეთვე კლასს, წოდებას, რელიგიურ სექტას, თუ გინდ უბრალო საზოგადოებასაც. ვერავითარ ნამდვილ წარმოდგენას ერზედ იგი ვერ გვამდობს.

ზოლო როცა ავტორი ჩამოსთვლის მთავარ სოციალურ მოვლენებსა და ერის განსაზღვრელ ელემენტად შეაქვს მათი სისტემა, — იგი ახლოა ქეშმარიტებასთან. — იგი ხშირად იმეორებს, რომ ერი არის სოციალური მოვლენა, მაგრამ ბაუერს სწორედ აქედან უნდა დაეწყო თავისი ანალიზი. თუ კი ერი სოციალური „მოვლენა“, რასაკვირველია იგი ერთი სოციალურ მოვლენათაგანია და არა ერთად-ერთი სოციალური მოვლენა. მაშასადამე, საჭირო იყო ჯერ სოციალური მოვლენის დახასიათება საზოგადოდ და მერმე ერისა, როგორც კერძო სოციალური მოვლენისა. მხოლოდ ამის შემდეგ შეიძლებოდა ერის ცნების საკვებით განსაზღვრა. ოტტო ბაუერმა ეს არ აღასრულა, — დაიწყო ერის ცნების ანალიზი და ნაცვლად ერის წარმოშობის ისტორია გვიამბო, რაიცა სულ სხვა პრობლემაა, თუმცა ძლიერ საჭირო და აუცილებელი ერის ცნების განსაზღვრისათვის. აგრეთვე არ არის საკმარისი რომა სთქვა, — ერთი ერის ხასიათი, ნება, აპერტეპცია მეორისაგან განირჩევათ, — ეს უბრალო ფაქტია, რომელსაც ღრმა ანალიზი ეჭირება, მაგრამ მაინც თვალსაჩინოა, — არამედ საჭიროა აღნიშნო, რა არის თვით ეს ერი, რომლის ხასიათიც, ნებაც, აპერტეპციაც იმდენადვე მრავალფეროვანია, რამდენიც კონკრეტული ერი არსებობს. არც ის არის აგრეთვე საკმარისი, რომ სთქვა, — ერი სოციალური მოვლენაა. — ესეც თვალსაჩინოა, — არამედ იმის გარკვევა საჭირო, თუ რა ვითარებისა არის ეს სოციალური მოვლენა და რა ადგილი უჭირავს კერძოდ მას სხვა სოციალურ არსთა შორის.

ამიტომაც ბაუერი თუმცა ბევრს იღწვის, მაგრამ ერს მაინც სწორად და სავსებით ვერა საზღვრავს.

არ ვეთანხმებით ავტორს არც ერის წარმოშობის თეორიაში. იგი, როგორც მარქსისტი, ეკონომიური მოვლენებით ხსნის ერის წარმოშობასა და განვითარებას. მაგრამ ყოვლად შეუძლებელია ასეთი ახსნა, ამიტომაც ეს ადგილები იმის წიგნში ძლიერ სუპტია და გარჩევად არა ღირს. შორსაც წაგვიყვანდა. — ერის ცხოვრება, როგორც კონკრეტულ სოციალურ ორგანიზმისა, ორგანიულია, მაშასადამე იგი დახასიათდება ყველა იმ ორგანოთა ფუნქციე-

ბით, რომელიც მასა აქვს, — როგორც ეკონომიურით, ისე იურიდიულით, პო-  
ლიტიკური, რელიგიური და სხვ. საჭიროა ყველა სოციალურ მოვლენათა  
განვითარების თვალთახედვით განვიხილა ერის წარმოშობისა, და არა მარტო  
ეკონომიურ მოვლენის თვალთახედვითა. აგრეთვე შეუძლებელია ეგრედ წო-  
დებულნი შემთხვევითნი მოვლენანი, როგორც მაგალითად მოვლენანი, გამო-  
წვეულნი აღამიანთა მუდმივ მოძრაობის მიერ, და ხან დროებით, ხან ზანგრძ-  
ლივად შემწვლენი ერის ორგანიულ განვითარებისა, არ შიილო მხედველობა-  
ში, რადგანაც არ არსებობს ერთი საკაცობრიო საზოგადოება, რომლის ორგა-  
ნოები რეგულიარულად ასრულებდეს თავის ფუნქციებს.

არ ვეთანხმებით ავტორს, ეთიომც ფეოდალობის დროს ერი იყო მხო-  
ლოდ თავად-აზნაურობა და გაბატონებული კლასები. როგორც უნდა იყოს  
კულტურული განსხვავება კლასთა შორის, როგორც უნდა იყოს კულტუ-  
რული როლი გაბატონებულთა, ამ კლასთა და დანაგრულთა შორის მაინც არ-  
სებობს მრავალი სოციალური ჯაჭვი ერთობისა, არსებობს მათ შორის საერთო  
სოციალური მოწესრიგება, ორგანიული ცხოვრება, — და მხოლოდ ამ პირობით  
არის შესაძლებელი ერის ორგანიული განვითარება, სოციალური ცხოვრების  
ერთი ფორმიდან მეორეში გადასვლა. რასაც ორგანიული ზასიათი შთანაჩენიც  
არა აქვს, იგი ერთ ორგანიზმადაც ვერ ფანვითარდება. რაც თუ გინდ დაყოფი-  
ლი ყოფილიყოს ფეოდალური საზოგადოებრივობა ყოველი ერის ცხოვრებაში,  
ერი მაინც შესდგებოდა ერთგვარ, სოციალურად მონათესავე ელემენტთაგან,  
რომელთა კოპეზიამაც შექმნა თანამედროვე ერი. სადაც მონათესავე ელემენ-  
ტები არ არის, ან უცხო ელემენტები არ ენათესავეებიან ერთმანეთს დროთა  
ვითარებაში, იქ არც კოპეზია შეიძლება. სადაც არ არის ელემენტები ერთობი-  
სა, იქ არც ერთობა შეიძლება, და რაც თუ გინდ გამსხვავდებოდნენ მაგალი-  
თად ენანი გერმანელ ფეოდალისა და გლეხისა, — იგინი მაინც ერთი ენის  
ელემენტნი არიან, რომელნიც ვითარდებიან და წარმოშობენ ერთ ენას. ენამაც,  
რაც თუ გინდ მაღალი კლასების იყოს იგი, ხალხურ ენაში უნდა ეძებოს თავი-  
სი სიცოცხლის და განვითარების წყარო. — დღესაც, როდესაც ერი ნამდვი-  
ლი ორგანიზმია, ხალხი არ ლაპარაკობს ლიტერატურული ენით, არამედ ამ  
ენით ლაპარაკობენ მხოლოდ განათლებული კლასები, ინტელიგენცია. ესევე  
ითქმის ბევრ სხვა კულტურულ მოვლენაზედ, მაგრამ ამით თანამედროვე ერი  
არ შესდგება გაბატონებულ კლასთაგან და ინტელიგენციისაგან. — არას  
დროს არ ყოფილა კლასიური ერი, — ერი ყოველთვის კონკრეტული სოცია-  
ლური ორგანიზმი იყო, ამა თუ იმ საზნისა, მეტის თუ ნაკლების ცოპეზიისა.

არ ვეთანხმებით ავტორს არც ეროვნულ პროგრამაში. საერთოდ აღვნიშ-  
ნოთ, რომ იგი ერის უფლებას არ აღიარებს საესებით, არამედ თანამედროვე  
სახელმწიფოთა საზღვრებში; მისი პროგრამა არ არის სახელმწიფოს წინააღმ-  
დეგი, არამედ იგი იცავს თანამედროვე სახელმწიფოთა საზღვრებსა, — პო-  
ლონეთის ავტონომიაც აუცილებლად რუსეთის სახელმწიფოს საზღვრებში უნ-  
და განხორციელდეს მისი აზრით. მართალია, ყველა სახელმწიფოებშიაც უნდა  
მოეწყოს ეროვნული ავტონომიები და პროლეტარიატმაც ასეთი ინტერნა-  
ციონალიზმი უნდა აღიაროს და არა გულ-უბრყვილო კოსმოპოლიტიზმი, მაგ-  
რამ ერთა სუვერენიტეტი ავტორის პრინციპიალურადაც არა სწამს — თუმცა  
ერთა ავტონომიებიც დიდი წყალობაა სოციალ-დემოკრატიისაგან, ესეც დიდი  
ნაბიჯია ჭეშმარიტ ინტერნაციონალიზმისაკენ წარდგმული.

ბევრში არ ვეთანხმებით ავტორს, ბევრ კერძო თეორიულ საკითხში, მაგ-

რამ ამხეუდ აქ ვერ ვილაპარაკებთ, თუმცა ავტორს ბევრი საინტერესო ადგილები აქვს. ისტორიული მხარე მისი წიგნისა მშვენიერია: ჩეხთა ისტორია, მაგალითად, აგრეთვე საუბუხოვოა თვით თეორია „ეროვნულ ხასიათისა“, რომელიც ისტორიული კრისტალიზაციაა ერისა. ორიგინალურია თეორია ისტორიული აპპერცეპციისა, რომლის ძალითაც ყოველი უცხო კულტურა შეითვისების უკვე არსებულ ეროვნულ კულტურასთან შეგუებით მსგავსად ინდივიდუალურ აპპერცეპციისა. თუმცა ავტორს ახალი არა უთქვამს რა. კაი ხანია ოგივე აზრი გამოსთქვა ტარდმა თავის Les lois de l'imitation-ში, სადაც ოგი ამტკიცებს, რომ ყოველი წამბაძველობა გარდიტეხების განსაზღვრულ სოციალურ სფეროში, მსგავსად სხივისა, რომელიც გარდატეხას განიცდის განსაზღვრულ ფიზიკურ სფეროში. საინტერესოა აგრეთვე მისი ანალიზი ერთა ხასიათის ურთი-ერთისაგან განსხვავებისა და სხვ.

მაგრამ როცა ავტორი შტამლერის კრიტიკას ეწევა, როცა აგრეთვე მისთვის ერთის მხრით ერი გამოჩნდების ცალკე ინდივიდუუმის ეროვნებაში (p. 142), მეორეს მხრით კი მისთვის საზოგადოება არ არის მარტო სუბმა ინდივიდებისა არამედ ყოველი ინდივიდი არის ნაყოფი საზოგადოებისა, — და სხვა, — აქ ჩვენ მას ვერ ვეთანხმებით, აქ იგი წინააღმდეგობათა ქსელში ებმება.

კარგი კრიტიკა აქვს წინ-წამბდვარებული ოტტო ბაუერის წიგნს ხ. ეიტლოვსკის მიერ. იგი ბევრ სამართლიან შენიშვნას აძლევს ავტორს, მხოლოდ აკლია შენიშვნები ერის უფლებებისა და ერის სოციოლოგიურ ანალიზის შესახებ. მაგრამ როდესაც თვით ლაპარაკობს ბ-ნი ხ. ეიტლოვსკი, — იგი ძლიერ სუსტია. შევნიშნავთ მხოლოდ ერთს ასეთს სისუსტეს. ეიტლოვსკის აზრით, — რადგანაც ჩვენ ერის არსების გაგება შეგვიძლია მხოლოდ არსებულ ერთა ურთი-ერთის შედარებით, ამიტომ რომელიმე ჩვეულის ეროვნული ხასიათის გამორკვევსათვის და განსაზღვრისათვის საჭიროა შემდეგი საკითხის დაყენება: „რომელ სხვა ეროვნულ ჩვეულებთან შედარებით იჩენს (ან არ იჩენს) ეს ჩვეუფი თავის ეროვნებასა? ტულის გუბერნიის რუსები რუსინებთან შედარებით ნაკლებად არიან ერნი ვიდრე კანადელებთან, — სხვა ველიკოროსებთან კი ისინი სრულიად აღარ წარმოადგენენ ერსაო! აქედან პირდაპირა სჩანს არა მარტო ის, რომ ორგანიული ხასიათი ერისა სრულიად არ ესმის ავტორს, — ეს კიდევ არაფერი, ბევრი არ არის ორგანიცისტი, — არამედ ისიც, რომ მას შედარებითი მეთოდის ხმარებაც არა სცოდნია: როგორ შეიძლება აღაშინანმა მეტი თუ ნაკლები ეროვნება აღიაროს, თუ ეროვნება ვითარებაა და არა რაოდენობა? და ვინ იტყვის, რომ ეროვნების განზომება რაოდენობითად შეიძლებოდა? — ვინ განზომავს ინდივიდუალობა რაოდენობითად? სად არის მისი ერთეული? — აბსურდია ეროვნების მეტ-ნაკლებობა, როგორც მეტ-ნაკლებობა ინდივიდუალობისა. შეიძლება მსგავსება იყოს ერთა შორის, მაგრამ ერთი ერის მეორესთან შედარებით მეტი თუ ნაკლები ეროვნება, — შეუძლებელია. შესაძლებელია მსგავსება და დიდი მსგავსებაც ორ ძმას შორის, მაგრამ ერთი მეორესთან ან მესამესთან შედარებით მეტი თუ ნაკლები ინდივიდუალობა — აბსურდია.

ასეა ყოველთვის, როდესაც შესაფერი მეთოდით არ იყვლევენ მოვლენათა. ერის გამოკვლევას თავისი მეთოდი უნდა ჰქონდეს. იგი სოციალური არსია, — მაშასადამე მისი ანალიზის დროს საერთო სოციოლოგიური მეთოდები უნდა ვიხმაროთ. საჭიროა მისი განზომება საერთო სოციალური საზომითა, რო-

გორკ კერძო კონკრეტულ სოციალურ არსისა. ეს მეთოდი არ უხმარია არამც თუ ფიტლოვისის, აგრეთვე არც ოტტო ბაუერს და ეს უყანასკნელიც ამიტომ შესესდა, ვერ გადასწყვიტა დაყენებული პრობლემა. ეკონომიური მატერიალიზმის მეთოდი, — კერძო მეთოდია და არა საერთო სოციოლოგიური, და რასაკვირველია ვერს, მთელს ერთ კომპლექსს ყველა სოციალურ მოვლენათა, ვერ გამოიკვლევდა ამ მეთოდითა.

მაგრამ, განვიმეორებთ, მისი წიგნი მაინც ჩინებული რამ არის, საინტერესო, ბევრის მომცემი, მრავალი კერძო ქვეშეპირებების მთქმელი, და განსაკუთრებით საგულსხშიერო ჩვენ სოციალისტთათვის იმ მხრით, რომ ერის უფლებების უსრული აღიარება მაინც სოციალიზმს უკვე სამარცხვინოდ კი არ მიაჩნია, არამედ თავის უზენაეს მოვალეობად.

რუდოლფ შპრინგერი მეორე ავსტრიელი სოციალისტია, ამავე საგანზედ რომ დასწერა თავისი კიდევ მეტად საინტერესო „*Национальная проблема*“ (*Борьба национальностей в Австрии*). ეს წიგნი მართლაც არა ჩვეულებრივი სოციალისტისაგან არის დაწერილი. მართალია, ბევრი სოციალისტი აღიარებს ერის უფლებასა და ერის საკითხსაც ურყევად, მაგრამ ასე ნათლად და მკაფიოდ რომ ელაპარაკოს, — ძვირად მოიპოვება სხვა ასეთი სოციალისტი. რუდოლფ შპრინგერი განსაკუთრებით პრობლემის იურიდიულ მხარეს აქცევს ყურადღებას, მისი წიგნი სწორედ „ერის უფლებათა“ ტრაქტატია. მთავარი პრობლემა მისი არის, — გამოკვლევა ერის სახელმწიფოსთან დამოკიდებულებისა. მაგრამ, საუბედუროდ, შპრინგერი სწორედ მიტომ აყენებს ასეთს პრობლემას, რომ მას სახელმწიფოთა დაშლა, ან კერძოდ ავსტრიის სახელმწიფოს დაშლა არც სურს და არც სასარგებლოდ მიაჩნია ერთა განთავისუფლებისათვის. პირიქით — იგი სწერს და ამბობს, რომ ავსტრიის სახელმწიფო იშლება ერთა ბრძოლის გამო, და საჭიროა განსაზღვრა ყველა ერის უფლებებისა, რომ ერი ბოლოს და ბოლოს გარკვეულ დამოკიდებულებაში იყოს საერთოდ სახელმწიფოსთანაო. ამისათვისაც იგი საჭიროდ აღიარებს ეგრედ წოდებულ პერსონალურ კავშირთა, დამოუკიდებლად ტერრიტორიისა, სადაც თვითოეული ერი იურიდიული პიროვნებაა, უფლება-მოსილი ერთეული. მას არამც თუ თავის ტერრიტორიაზედ უნდა ჰქონდეს განსაზღვრული უფლებანი, არამედ სხვის ტერრიტორიაზედაც. ამ საურთი-ერთო უფლებათა და ვალდებულებათა აღსარებაზედ უნდა იყოს დამყარებული ავსტრიაში ერთა კავშირი და სოლიდარობა შპრინგერის აზრით. — შპრინგერი დაწერილებით არკვევს ერის უფლებასა და ამ პერსონალურ კავშირთა მოწყობის შესაძლებლობასაც, აგრეთვე მათ დამოკიდებულებას მთელ სახელმწიფოსთან. იგი ნიჭიერი იურისტი და მისი ანალიზიც უმთავრესად კერძო იურიდიულია. და არა საზოგადოდ სოციოლოგიური. ამიტომაც დაწერილებით არ გამოუვლდებოდა არც მისი წიგნის შინაარსის გადმოცემასა.

პოსტულატნი ეროვნულ იდეისა შპრინგერისათვის არიან შემდეგნი: 1) საუფუძველი ერის გაჩევიისა სხვა ერისაგან და სახელმწიფოსაგან არის პერსონალური პრინციპი. ტერრიტორიალური პრინციპი გამოსადეგია მხოლოდ ერთ დიდ ეროვნულ სახელმწიფოსათვის, მაგრამ არა ეროვნებათა სახელმწიფოსათვის. — ასეთი პრინციპი შპრინგერმა სწორედ იმიტომ წამოაყენა, რომ ერთმა ერმა მეორე ერი არ შეაფიქროვოს თავის ტერრიტორიის საზღვრებში, თუმცა შპრინგერი არ უარ-ჰყოფს ერის საკუთრებას ტერრიტორიაზე, თუ რასაკვირველია ვერს აქვს ეს ტერრიტორია, უმეტეს ნაწილად ეროვნული ელე-

მენტით დასახლებული. 2) ერი არის სოციალურად განსაზღვრული ჯგუფი და ამიტომაც საჭიროა მისი იურიდიული მდგომარეობის განსაზღვრა. ამისათვის უპირველეს ყოვლისა ყოველმა კაცმა უნდა შეიტანოს დაბადების ქალაქებში თვითონვე თავისი ეროვნული ვინაობა. — კაცს აქვს ვალდებულება თავის ერის წინაშე, სახელმწიფოს წინაშე და სხვა ერთა წინაშე. ეროვნული ერთეული უნდა ჯახდეს იურიდიულ პიროვნებად, კერძო და საზოგადო უფლება-მოსილ პიროვნებად. 3) ამ განსაზღვრული ფორმით ერი არის თავისუფალი სახელმწიფოსაგან, იგი ავტონომიურია, არ ემორჩილება არც უმრავლესობის გადაწყვეტილებას, არც სახელმწიფოს. ყოველ სხვა სფეროში ერი ეკუთვნის სახელმწიფოს, როგორც კრებული მოქალაქეთა, და ემორჩილება მის კანონებს. 4) ერს, როგორც სუბიექტს სამართლისას, უფლება აქვს უმაღლეს წარმომადგენლობით ორგანოს დაარსებისა და სულიერ-კულტურულ თვით-გამორკვევისა. მას რამოდენიმედ თავის ფინანსიურ საქმეთა გაძღოლის უფლებაც აქვს საკუთარ მიზანთა მისაღწევად, აგრეთვე უფლება სხვა ორგანოთა მოწყობისა და სხვ. — (pp. 111—112). — აი შპრინგერის აზრი ერზედ და მის უფლებაზედ.

იმ ადგილებს, სადაც შპრინგერი ეხება კონკრეტულ განზოცოცილებას ამ უფლებათა, — არ შეეხებოთ. ჩვენი წიგნის მიზანი ერის არსებისა და უფლების გამოკვლევაა და არა მის ავტონომიის მოწყობის პროექტი. ამ უკანასკნელი მხრით შპრინგერის წიგნი დაუფასებელია, თუმცა, რასაკვირველია, ბევრში შეიძლება არ დავეთანზმობთ, — მაგალითად როდესაც იგი ეკონომიურ მდგომარეობის მიხედვით ჰყოფს ოლქებად სახელმწიფოს მთელი სახელმწიფოს საერთო ადმინისტრაციისათვის. ეს იმით რომ ავტორი გერმანელი პატრიოტიც არის. ავსტრია მისთვის მინც გერმანული სახელმწიფოა.

მიუხედავად ავტორის მშვენიერი პერსონალური პრინციპისა, არ შეიძლება ერის უფლების საფუძვლით აღსარება, თუ სახელმწიფოთა დაშლის აზრს არ შეეუბრებოდით, ეს კი შეუძლებელია პატრიოტ ავსტრიელისათვის. ამიტომაც შპრინგერი ბლუნჩლის აზრს, — სასურველი იქმნებოდა მთელი კაცობრიობა ერთა სახელმწიფოთაგან შესდგებოდესო, — უტოპიას უწოდებს, მაგრამ, ჭერ ერთი ბლუნჩლის აზრითაც ასეთი მომავალი აწმყოში არსებულ საერთა-შორისო სამართალს დაშლიდა და შესცვლიდა ქვეყნის რუკას, — ამიტომაც არც ბლუნჩლი სცნობდა მას შესაძლებლად, — მეორე — შეუძლებელია ერის პრობლემის გადაწყვეტა სახელმწიფოთა დაუშლელად. ეს პროცესი სახელმწიფოთა დაშლისა. მართლაც ზდება ერის უფლების ზრდის მიზეზით, და ამიტომაც ავტორი არ უნდა გამოსულიყო ავსტრიის სახელმწიფოს თანამედროვე არსებობის ფაქტიდან და არ უნდა მოეხმარებინა მთელი თავისი ნიჭი თვით ამ ფაქტის წიაღში ეროვნულ პრობლემის გადაწყვეტისათვის.

სოციოლოგიური ანალიზი ისე არა აქვს განვითარებული ავტორს, როგორც ოტტო ბაუერს, თუმცა მისი შენიშვნები ძლიერ საინტერესოა.

ერი, მისი აზრით, არ არის სახელმწიფოში მარტო კრებული უფლებამოსილ ინდივიდთა. ერი ორგანიულად უნდა იქმნას განხილული. მისი განსაზღვრა ერისა დაახლოვებით ნამდვილია: „ერებო, ამბობს შპრინგერი, არიან ეთნოლოგიური მხრით სუბმანი ინდივიდთა, ზშირად გამოურკვეველ რასიულ ტიპისა, სოციალური მხრით კი, — კრებული ინდივიდთა, რომელთაც აქვსთ ჩვეულებრივად საერთო ენის წყალობით გრძნობისა და აზროვნების მსგავსება. იგინი განვითარების განსაზღვრულ საფეხურზედ გარდქცევიან ხოლმე ერთის ნების მქონე საზოგადოებად და მიისწრაფიან ეროვნულ კულ-

ტურის დასაცველად შექმნან პოლიტიკურად განკერძოებულნი და დამოუკიდებელნი ძალები“. (p. 36—37). შპრინგერი ხშირად უწოდებს ერს ორგანიზმსა, მაგრამ ისეთ ორგანიზმს, რომელსაც აქვს მხოლოდ საერთო გრძნობა და აზროვნება, ხოლო ნება კი არა (p. 67). ამ უკანასკნელს იგი მარტო სახელმწიფოს აწერს. მაგრამ სახელმწიფოც ხომ შექმნილია ერისაგან და მისი ნების გამოხატვაა. აგრეთვე დამონებული ერის სწორედ ნება მოქმედებს, რომ განთავისუფლდეს და საკუთარი სახელმწიფო შექმნას.

კიდევ ბევრი რამ არის შპრინგერის წიგნი ისეთი, რასაც შეიძლება არ დაუეთანხმოთ, მაგრამ საერთოდ ეს წიგნი დაუფასებელია სოციალისტურ ლიტერატურაში, ავტორმა სოციოლოგიური ანალიზი არ განავითარა, მაგრამ ეს არც იყო მისი მიზანი. ხან და ხან ნიჭიერი მწერლისათვის არც კია საჭირო გრძელი ანალიზი, როდესაც იგი ერთის კალმის მოსმით გაგაგებინებს, თუ როგორ წარმოუდგენია მას ესა თუ ის საგანი. შპრინგერისათვისაც „ერი ნაწყვეტად აზროვნებს, სუსტად გრძნობს, ზანტად მოქმედებს, თუ მას არა აქვს საერთოდ, სახელმწიფო ორგანოები აზროვნებისა და ნებისა, ჰაჰიროა სულიერი მუშაობა მრავალ ათას თავისა, გულისა და სულისა, რომ გამოჩახულ იქმნას ახალი ორგანოები, რომ გაჩნდნენ სიტყვისა და საქმის ადამიანები. ამ დრომდის ხალხი აზროვნობს ფანტაზიებით, გრძნობს სიმღერებითა, მოქმედებს და ირჩება როგორც მძინარე; პირიდან პირზედ, როგორც დაუდგრომელი ქარი ხის ფოთლიდან ფოთოლზედ, გადადის ჩურჩული: ჩვენ გვინდა ვიყოთ ერთი ხალხი, ერთი სახელმწიფო! ეს ღრმა შინაგანი მისწრაფება ჰქმნის გერმანელთა პანგერმანიზმს, შესაძლებელ ჰყოფს, მიუხედავად ყოველ დაბრკოლებისა, ეროვნულ პარტიათა არსებობას, სტოცხლობს დაფლეთილ პოლონეთის ნაწილებში; იგი უკვდავი სულია იტალიის სხეულისა, იგი მუდმივ ცეცხლს აღვივებს ფიცხ საფრანგეთის გულში“ (p. 24). ეს ორიოდ სიტყვა ბევრ გრძელ და მშრალ ანალიზზედ უკეთესია.

მოვისხენით აგრეთვე კიდევ ერთი საინტერესო წიგნი ერის შესახებ, წიგნი Louis Legrand-ისა — *L'idée de la Patrie*, — და დავამთავროთ ეს თავი, თორემ ყველას ჩამოთვლა, ვისაც კი რამ უწერია ამ საკითხის შესახებ, თვით საინტერესო ავტორებისაც, ძლიერ შორს წაგვიყვანდა.

ავტორს არა აქვს საკუთარი მიზნად დასახული ერისა, ან სახელმწიფოს განსაზღვრა. იგი სამშობლოს იდეასა და ცნებას აქცევს უმთავრესს ყურადღებას. სამშობლო მისთვის განიჭრევა სახელმწიფოსაგან, ერისაგან, ხალხისაგან, თუმცა ხანდახან თვითონვე აღრევს ხოლმე ერთმანეთში ამ ცნებათა. — კაცობრიობის კონცეპცია ძლიერ ვადამეტებულია და მისი დაყოფაც დამოუკიდებელ ერებად არამც თუ უნდა მოისპოს, არამედ თავდებია მშვიდობიანობისა და პროგრესისა.

ავტორი იკვლევს სამშობლოს იდეის ევოლუციას უძველეს დროიდან თანამედროვე ეპოქამდე და ამტკიცებს, რომ სხვა და სხვა ფორმით, თანახმად სხვა და სხვა სოციალურ ორგანიზაციისა, იდეა და სიყვარული სამშობლოსი ყოველთვის არსებობდა. იგი აღნიშნავს ყველა პირობას სამშობლოს არსებობდნას. იგი შემდეგ განსაზღვრავს სამშობლოს ცნებასა. კრიტიკის ქარ-ცეცხლში ატარებს კოსმოპოლიტიზმსა და ვადამეტებულ, ყალბ ინტერნაციონალიზმსა. შემდეგ არჩევს პატრიოტიზმს რელიგიური სულის თვალთახედვით. აღნიშნავს აგრეთვე პატრიოტიზმის ნაკლსა, მაგრამ ამასთანავე მის კარგ მხარეებსა, მის სიდიადესა და სარგებლობას. აღნიშნავს მოვალეობას სამშობლოსადმი,



აღნიშნავს საერთაშორისო საურთიერთო ვალდებულებათა, კონფლიქტს ადამიანთა სხვა და სხვა მოვალეობათა შორის — სამშობლოსადმი, ოჯახისადმი და კაცობრიობისადმი. ვრცლად ლაპარაკობს ეროვნულ აღზრდის შესახებ. შემდეგ კი მომავალზედ ლაპარაკობს, — ამტკიცებს რომ სამშობლოს ადგილს ვერც კომუნა დაიჭერს, ვერც ერთი საკაცობრიო სახელმწიფო. ბოლოს საფრანგეთის სამშობლოს ნაკლებად და ღირსებაზედ ლაპარაკობს, აგრეთვე ყოველი ფრანგის მოვალეობაზედ საფრანგეთისადმი და ამით ათავეებს თავის ძლიერ საინტერესო წიგნსა.

როგორც მკითხველი ჰხედავს, ამ წიგნში დაყენებული პრობლემები თითქმის იგივენი არიან, როგორნიც ჩვენ დაეაყენეთ ჩვენს წიგნში, მაგრამ ჩვენი მსჯელობა და ავტორისა დიდად განსხვავდება ურთი-ერთისაგან. მაინც უმეტესს ნაწილად მისი აზრები ჩვენ ჰემშარიტად გვეჩვენება.

ბევრში არ ვეთანხმებით ავტორს, მაგრამ თვით სამშობლოს განსაზღვრაში ავტორს არ შეიძლება არ დაეთანხმეთ. იგი ამბობს, რომ „სამშობლო გულისხმობს განსაზღვრულ კუთხეს, რომელზედაც ერს მოუწყვია სახელმწიფო თავის არჩევითა. — ამ აზრით ცნებანი კუთხისა, ერისა და სახელმწიფოსი შედიან ელემენტებად იმ რთული არსის განსაზღვრავად, რომელსაც ეწოდება სამშობლო“ (p. 77) — სწორია ეს განსაზღვრა, მაგრამ ისიც შესაძლებელია, რომ ადამიანს სამშობლო ჰქონდეს, და სახელმწიფო კი არა. ისიც მართალია, რომ ხანდახან რომელიმე ერსაც ეკუთვნის ადამიანი, სამშობლო კი დაჰკარგვია. პირველის მაგალითები — ყველა დამონებული ერები თავიანთი სამშობლოებით, მეორეს მაგალითი — ებრაელები.

„ერი არის კრებული ინდივიდთა და ოჯახთა, რომელნიც შეაერთა ნათესაობა და სიმპატიამათ“ (p. 75), ამბობს ავტორი, მაგრამ ეს სრულიად ვერ არის მეცნიერული განსაზღვრა ერის ცნებისა. „სახელმწიფო არის იურიდიული არსი, კოლლექტიური ორგანიზმი, რომელსაც წინად არსებული ზნეობრივი პიროვნება, ერი ჰქმნის, თავის დამოუკიდებლობის დასაცველად და მოთხოვნილებათა დასაკმაყოფილებლად“. (იქვე). — ეს კი, როგორც მკითხველი ჰხედავს, გაცილებით უკეთესი განსაზღვრაა, თუმცა სახელმწიფოსი და არა ერისა.

ავტორი ზშირად უწოდებს ერსა და სამშობლოს სოციალურ არსთა, — თუმცა არა სცდილობს დაამტკიცოს, როგორ და რად არიან იგინი ასეთნი არსნი. იგი აგრეთვე დიდ როლს აწერს ტერიტორიას, ენას, სკულს, ზნე-ჩვეულებასა და სხვას ერისა და სამშობლოს შექმნაში, მაგრამ მისი აზრით თვით იგინი არ შეადგენენ სამშობლოს სუბსტანციასა, — იგინი მხოლოდ პირობანი არიან, რომლებშიაც სცოცხლობს სამშობლო, და არა წყარო, საიდანაც იგი გამომდინარეობს. სამშობლო არის ავტორისათვის კუთხე, ერი, სახელმწიფო, გამოყოფილი მკაფიოდ სხვათაგან, და ყოველი მოქალაქისათვის გრძნობათა და ვალდებულებათა წყაროდ ქვეული. იგი იგივეა საერთაშორისო ცხოვრებაში, რაც ოჯახი უბრალო ცხოვრებაში, — ადგილი, „სადაც ადამიანს ძურს თავის ნებაზედ, თავის სიმპატიის და ნათესაობის მიხედვით იქონიოს საკუთარი საზოგადოებრივი ცხოვრება, ორიგინალური ცენტრი მოქმედებისა, სავანე თავის უწმინდეს გრძნობათა“.

„იგი სოციალური პსიხოლოგიით აიხსნება“ (pp. 80—81), და სხვ. და სხვ...

ჩვენ არ გამოვუდგებით ავტორის სრულ კრიტიკასა. ბევრი ჰემშარიტება აქვს მას გამოთქმული, ბევრიც შეცდომა. მხოლოდ ერის უფლება მას არა აქვს კარგად განსაზღვრული. სწორედ აქ აღრეეს იგი ცნებათა — და ერი, სამ-

შობლო და სახელმწიფო მისთვის აღარ ირჩევა ერთმანეთისაგან. თუმცა ისიც უნდა ვსთქვათ, რომ ავტორი ყოველ ერს ანიჭებს თავისუფლების უფლებას, როგორც კი ამ ერს დაებადება გრძნობა და შეგნება თავისუფლებისა. ისეთი ერის ნაწილებსაც კი ანიჭებს იგი ასეთ უფლებას, რომლებიც მოსცილებიან მეტროპოლიას, ახალ ქვეყანაში ახალი სამშობლოს გრძნობა და სიყვარული შეუძენიათ.

მიუხედავად ბევრი ნაკლისა, ამ წიგნს, ერთი სიტყვით, ისეთი ღირსებაანი აქვს, რომ იგი ერთი საუკეთესო ნაწარმოებთაგანია ეროვნულ პრობლემის ლიტერატურაში. მისი წაკითხვა დიდ სიამოვნებას აგრძნობინებს ყველას. ვისაც კი ამ საგანზედ უფიქრნია.

## თ ა ვ ი მ ე თ ო თ ხ მ ე ბ ა

### ქართველი ერი

ქართველი ერი მართო ჩვენთვის კი არ არის საინტერესო, არამედ იგი ერთი იმ უძველეს და უორიგინალეს ერთაგანია, რომლის ძირიც უძველეს ისტორიაშია ჩამარხული. დღეს მისი ნათესაობაც ვერ დაუდგენიათ საბოლოოდ წარსულ და აწ არსებულ, ცოცხლად დარჩენილ ერებთან. ქართველი ერი ისტორიული ერია. უძველეს დროიდან მას მონაწილეობა მიუღია საერთო კულტურულ და ისტორიულ ცხოვრებაში, ზანგრძლივი დამოკიდებულება ჰქონია უძველეს ხალხებთან; იგი ისტორიული და კულტურული ერია განსაკუთრებით იმიტომ, რომ კავკასიის განსაზღვრულ ტერიტორიაზედ მან შექმნა უკვე საუკუნოდ დამკვიდრებული თავისებური სოციალური ორგანიზმი, შექმნა განსაზღვრული სამშობლო, რომელსაც საუკუნეთა განმავლობაში ვეტრფოდით და დღესაც გვიყვარს იგი. ქართველმა ხალხმა შექმნა თვით სახელი „საქართველო“, შექმნა პოლიტიკური ცხოვრება, საერთო კულტურული ენა, მდიდარი და განვითარებული და შედარებით სხვებთან წმინდად დაიცვა იგი. საკუთარი ანბანით სწერდა იგი უძველეს დროიდან საუცხოვო საღმრთოთა და საერო თხზულებათა; ჰქონდა საკუთარი, შშვენიერი მუსიკა, მრავალი სხვა დარგი ხელოვნებისა. ქართველი ერი, „საქართველო“ დღესაც არსებობს, იგი მოკლებულია ზოგიერთ უპირველეს სოციალურ ორგანოებს, მაგრამ მაინც ცოცხალი სოციალური ორგანიზმია, მოიხმედ შორეულ წარსულის განგრძობისა, ძველ დამოუკიდებელ ცხოვრების აღდგენისა. მას დღესაც აქვს ზნეობრივნი და კანონიერნი უფლებანი თავისუფალი არსებობისა, და თუ ნიჭი თავის დაცივისა განუვითარდა, თუ აგრეთვე საერთაშორისო სამართალი ოდნავ მაინც დაიცავს ერის კანონიერ უფლებასა, — იგი არ მოკვდება, კიდევ მიიჩნევენ კაცობრიობის შემადგენელ ერთა შორის. — მრავალ თვალთა-ხედვით არის საინტერესო ქართველი ერი, საზოგადოდ ისტორიისათვის და ერთობ მეცნიერებისათვის, საერთაშორისო სამართლისათვის, — განსაკუთრებით კი ჩვენთვის, მაგრამ ამ პატარა თავში ჩვენ ვერ განვიხილავთ ვრცლად საქართველოს ყოველ-მხრივად. საქართველოს ისტორიას ზომ არა ვსწერთ, — არც შეგვიძლია, — იგი სპეციალისტების საქმეა.

ჩვენ მხოლოდ გვინდა მოვავაზოთ გკითხველს, რომ ზემოხსენებულ თეორიის თვალთახედვით ქართველი ერიც ერია, და ღირსეული ისტორიული ერიცა, ღირსი ზიცოცხლისა და უსამართლოდ მოკლებული ამ ელემენტარულ უფლებასა.

საუბედუროდ ჭერ-ჭერობით ორიოდ მეცნიერი გვყავს ქართველთა შორის, რომელიც ორკვეფს ქართველი ერის ნამდვილს ვინაობასა. ბევრი უცხო მეცნიერიც აკვლევს ამავე საგანსა, მაგრამ იგინი, მიუხედავად იმ დიდი ღვაწლისა, რომელიც მათ მოუძღვისთ საქართველოს ისტორიის კვლევა-ძიებაში, გადაჭრილსა და ბტკიცე მეცნიერულ ცნობებს ვერ გვაძლევენ. უმთავრესი მიზეზი ამისა ის არის, რომ მათ ქართული და მისი დიალექტები ან სულ არ იციან, ან ძლიერ სუსტად იციან. არ იციან, აგრეთვე ძველი ქართული მწერლობა, როგორც ამას შენიშნავს სამართლიანად ჩვენი ისტორიკოსი ივ. ჯავახიშვილი.

ხალხის წარმოშობა რომელიმე რასისაგან ან მისი ნათესაობა სხვა ხალხებთან ორი რამით შეიძლება იყოს გამოჩვენული, — ენის ნათესაობითა და ანთროპოლოგიური ნიშნებითა. ხშირად ენის ნათესაობა არაფერს არ ამტკიცებს, რადგანაც შეიძლება ენა წამბაძველობის კანონის ძალით ერთმა ეთნიურმა ჯგუფმა მეორეს გადასცეს, სრულიად სხვა ანთროპოლოგიურ ტიპსა. — აგრეთვე შეიძლება ერთისა და იგივე ანთროპოლოგიურის ტიპის ხალხი სხვა და სხვა ენაზედ ლაპარაკობდეს, — იმავე წამბაძველობის კანონის ძალით: შეიძლება შემოსევა მომხდარიყოს რომელიმე ქვეყნის ნაწილებში და მოსულ ტიპს თავისი ანთროპოლოგიური ნიშნები შედარებით წმინდად დაეცეს, ენა კი შაჰინძლის შეეთვისებინოს. ან შეიძლება აღრევა მომხდარიყოს ენისაც და ტიპისაც. — ბევრი ამგვარი შემთხვევაა შესაძლებელი. წმინდად დარჩენილ ტიპთა და ენათა შემწეობით კი შესაძლებელია გარკვევა ნარევი ენისა და ტიპისა, — აგრეთვე შესაძლებელია სხვა და სხვა საბუთებით დაახლოვებით იმის გამოკვლევა, თუ სად უცხოვრიათ ამა თუ იმ ხალხებს უძველეს დროსა.

ქართველი ერი, რასაკვირველია, როგორც ყოველი ერი ქვეყანაზედ, სხვა და სხვა დროს ნარევიცა, სხვა და სხვა ხალხთა. აგრეთვე მის ენაში ბევრი უცხო სიტყვაა, მაგრამ ამ მხრით შეიძლება შედარებით სხვებთან ქართველები ძლიერ წმინდად ვიყოთ დაცულნი. ამას თუ გინდ ისიც ამტკიცებს, რომ მრავალმა მეცნიერმა, ხანგრძლივი კვლევის შემდეგ, მხოლოდ ის აღიარა, რომ ქართველთა ენა და ჯგუფი განსაკუთრებულიაო. ყოველ შემთხვევაში, ნარევი იგი თუ არა, ქართველ ხალხს ერი შეუქმნია და დღესაც არსებობს ეს ერი, როგორც განსაკუთრებული სოციალური ორგანიზმი, თავისი ისტორიის მქონე და თვითარსებობის შემგნები.

ვინა ვართ ჩვენ ენის მხრითა? — რომელ საერთო ენათა ჯგუფს ვეკუთვინთ?

წინადა ქართულ ერას ინდო-ევროპულ ენათა ჯგუფს აკუთვნებდნენ; თვით ბროსსეც ამ აზრს იყო. მაგრამ ფრანგმა მეცნიერმა ბიურნულმა დაარღვია ეს აზრი. — ზოგი ჰფიქრობდა, — ქართული თურანულ ენათა ჯგუფს ეკუთვნისო. მაქს მიულლერი და დე-მორგანი იყვნენ ამ აზრისა. არც ეს აზრი გამოდგა სწორი. — არიან ისეთნი მეცნიერნიც, რომელნიც „კავკასიურ“ ენებს აღრევენ ერთმანეთში და სთვლიან მათ განსაკუთრებულ ჯგუფად. ეს აზრი გამოსთქვა კლაპროტმა, ფრ. მოულლერმა, შპიგელმა და სხვებმა. მას ემხრობა აგრეთვე ალ. ცაგარელიც, აგრეთვე უსლარი და ერკერტი. ფრიც ჰიმმელმა უფრო ჭეშმარიტი აზრი გამოსთქვა, — ქართულს ძველ ელამიურ, კათბადუციურ, ზეთურ, თანამედროვე ბასკურ და სხვა ენებთან აქვს ნათესაობაო. იგი ფრ. ლენორმანსავით ამ ენებს განსაკუთრებულ „ალაროდულ“ ენათა ჯგუფად სთვლის. მისი აზრით უძველეს დროს მთელი მცირე აზიის, მიდიის, სომხეთის და ჩრდი-

ლო ასსურეთის მიწები ამ ალაროდელეებს ეჭირათ. — ლენორმანი, სეისი და სხვანი უძველეს ქართულ ენად სთელიდნენ იმ ალაროდელეთა ენას, რომლითაც არის დაწერილი ვანის ლურსმული. — პროფესორმა შუხარდტმა, რომელმაც იცის ქართული ენა, ის აზრი გამოსთქვა, რომ ქართული ქამიურ ენათა ჯგუფს ეკუთვნისო. მას მხარი დაუჭირა იტალიელმა პროფ. ა. ტრომპეტტიმ. მისი აზრით კავკასიურ ენებს კავშირი და ნათესაობა აქვთ ქამიურ-სემიურ ენებთან, განსაკუთრებით აფრიკის ენებთან, და ბასკური ენაც ამ კავკასიურ ენათა ჯგუფს ეკუთვნისო. საუბედუროდ არც ტრომპეტტიმ იცის ქართული ენა, იგი აგრეთვე „კავკასიურ“ ენებს აღრევს ერთმანეთში; ამას გარდა არც „ქამიური“ ენებია კარგად შესწავლილი. ჩვენი მეცნიერი ნ. მარრიც ამას სამართლიანად შენიშნავს ტრომპეტტის. — თვით ნ. მარრის აზრი უფრო საინტერესოა. მისი აზრით ქართული სემიურ ენათა მონათესავეა, მაგრამ არა სემიურის, არამედ იაფეტურის შტოსა: ქართულ ენის ზოგიერთი კანონები, ბოლოსათვისა და თავსართების ერთად ხმარება, ერთის და იმავე ნაცვალსახელების ხმარება ზმნებში, ორგვარი მიმღობა, ერთობ აგებულება ზმნისა და სიტყვათა წარმოება, — აი რა აქვსთ საერთო ქართულ და სემიურ ენებსა. მაგრამ თუ ქართულს ეს ერთობა აქვს სემიურ ენებთან, ამასთანავე მას განსაკუთრებულნი თვისებანი აქვს, რომელნიც სრულიად ანსხვავებენ მას სემიურ ენათგან და ამიტომაც მარრის აზრით ქართული სემიური ენა კი არ არის, არამედ სემიურ ენათა მონათესავე ენა. ქართული (ქართლური, მეგრული, სვანური), კუზის ენა, ვანის ლურსმულ წარწერის ენა, ანუ ურარტუს ენა, პირველ-ყოფილი სომხური — ესენი ერთ დროს ერთს ენათა ჯგუფს შეადგენდნენო. (იხ. ამის შესახებ ნ. მარრის ძველ ქართულ გრამმატიკის ტაბულათა წინასიტყვაობა (რუსულად) და ივ. ჯავახიშვილის „ქართველ ერის ისტორია“, თავი პირველი, pp. 11—19).

ქართული ენა სამი შტოსაგან შესდგება: ქართლურისაგან, რომლითაც ლაპარაკობენ ქართლ-კახელები, იმერლები, გურულები, მესხები, მთიულნი და სხვანი, — მეგრულისაგან, რომლითაც ლაპარაკობენ მეგრელები და ჭანები, და სვანურისაგან — რომლითაც სვანები ლაპარაკობენ. მიუხედავად ამისა, — ქართული ენა ერთია, ერთისა და იმავე აგებულებისა, ერთისა და იმავე ძირისა. უძველეს დროს, ივ. ჯავახიშვილის აზრით, ალბად მწერლობაც იქმნებოდა ქართულ ენის რომელიმე შტოზედ, მაგრამ ჩვენ დრომდე მხოლოდ ქართლურ ენაზედ განვითარებულ მწერლობას მოუღწევია და დღესაც ეს ენა არის ჩვენი საერთო სამწერლო, კულტურული ენა. ყოველ შემთხვევაში უკვე ქრისტეს წინად არსებობდა ჩვენი ენის ან-ბანი და მთელი საქრისტიანო ეპოქის განმავლობაში ეს ენა იყო ჩვენი ერთადერთი საუნჯე, ერთად-ერთი ლიტერატურული ენა.

ქართველი ერი ერთია ლინგვისტიურად, მას აქვს სამი ერთისა და იმავე ენიდან წარმომდგარი დიალექტი, ხოლო სამწერლო ენად შეიძლება უძველეს დროიდან მეგრული ან სვანურიც ყოფილიყოს, — ოც საუკუნეზედ შეტი და ეხლა კი ქართლური დიალექტი იყო და არის ჩვენი საერთო, ეროვნული, კულტურული და სალიტერატურო ენა. ამ ენით ვლოცულობდით, ამ ენით ვსთარგმნეთ საეკლესიო წიგნები, ამ ენით სწერდნენ და მღეროდნენ ჩვენი მკონეები; მითი ვმსჯელობდით დიდ საქვეყნო საქმეებზედ, ვსწერდით ისტორიასა; — ეს იყო და არის ჩვენი ხაშობლო ენა, უძვირფასესი განძი, დამცველი ჩვენი ეროვნული სულისა.

ქართველებს საერთოდ ყველას „ქართველები“ არ ერქვათ თავდაპირ-

ველადვე. როგორც ყოველი სხვა ერი, რომლის სოციალური ცხოვრება თავდაპირველად არ არის ძლიერის კოპეზიისა, იგი დაყოფილი იყო სხვა და სხვა ჭკუფუხად, რომელთაც სხვა და სხვა სახელები ჰქონდათ მიუხედავად ერთის გნისა და ერთის ზისხლისა.

მაგრამ ეს სახელწოდებანი მხოლოდ რამოდენიმე ქართულ ძირისაგან არიან წარმომდგარნი. მაგალითად, სიტყვა „ტაბალისაგან“ და „თუბალისაგან“ რომელიც მოხსენებულია ასსურეთის მეფის სალმანასსარ მეორის წარწერაში (860—825 წ. ქრ. წ.), როგორც ქართველი ტომი, მტკიცე ენათმეცნიერების კანონთა ძალით წარმომდგარან: ჰიბერი, ივერი, „იბერეს“ (ლათინურად), ვიჩქ (სომხურად), იბერი, იმერეთი, იმერელი, ეგერი, ეგრისი, მეგრელი, გურია. — როგორც მკითხველი პხედავს; ეს მთელი ნახევარი საქართველოს ტომების სახელებია. — აგრეთვე ასსურულ წყაროებში ტაბალი და მუსკი, ანუ მესხი, ყოველთვის ერთად არიან მოხსენებულნი. მათ ერთად იხსენიებს აგრეთვე პეროლოტი. მესხის სახელი კი ეხლაც არის დარჩენილი და ქართველთა ერთ საუკეთესო ტომს აღნიშნავს. თაბალისა და თუბალისაგან წარმომდგარი ხალხი მეგრულ კანურ-ქართული შტოს ხალხი იყო. აგრეთვე ბერძნულ მწერლობაში მოხსენებული მოსინიციები იმავე კანებსა ნიშნავდნენ და ეკუთვნოდნენ ამავე შტოს.

ქართლურ შტოს ეკუთვნოდნენ მუსკები, ანუ მესხნი, ტაოხნი, ჭავახნი, კახნი და სხვანი. დაბოლოვება „ხი“ — ლინგვისტიურად ქართველობისადმი ეკუთვნილების აღმნიშვნელია. და სწორედ ეს გარემოება გვაძლევს შეძლებას დავამტკიცოთ, რომ ზემოხსენებული დიდი შტოც ქართველობის ნაწილი იყო: იყო ერთი ტომი, მეგრულ-ლაზური, რომელსაც ერქვა „ქარღუხი“, — რაც „ქართუ-ხი“-ს უდრის. ამ „ქართუ“-დან (მეგრულად — ქორთუ) წარმოსდგა სიტყვა ქართველი, რომელიც შემდეგ სახელწოდება შეიქმნა ყველა ქართველთა. ამგვარად მტკიცდება ერთობა ქან-მეგრელთა და ქართლელთა შორისაც.

სევანური შტოს წარმომადგენელი ეხლაც არის საქართველოში — თვით სევანეთის ხალხი. — „ზან“ და „ლაზან“ სევანური სიტყვებია, რომლებიც ნიშნავენ ქანს ანუ მეგრელს და სამეგრელოს. ეხლაც სევანები მეგრელებს „ზან“-ებს ეძახიან.

უძველეს დროს საქართველოში მოსახლეობა და ენა ამ სამი შტოსა ისე არ ყოფილა განაწილებული, როგორც დღეს არის. ბ-ნ ივ. ჭავახიშვილის გამოკვლევებიდანა სჩანს, რომ იქ, სადაც დღეს იმერლები და გურულები არიან — წინა მებრელები ყოფილან. ამას ამტკიცებს გეოგრაფიული სახელები და თვით სახელი „იმერეთი“, „გურია“, — იბერეთი, ეგერი — გვერ რაიცა ნიშნავდა მეგრელს. იქ, სადაც ეხლა სცხოვრობენ მეგრელები, ალბად წინა სევანებს უნდა ეცხოვრათ, რაიცა აგრეთვე მტკიცდება დარჩენილ გეოგრაფიულ სახელებითა. ალბად თვით საქართველოს შიგნით ყოფილა ხშირი შეტაკება ტომთა შორის. ურთი-ერთისაგან ადგილის წართმევა და დღეს ამიტომაც იმერლები და გურულები ნარევი არიან ქართლელთა და მეგრელთა, — ანუ გაქართლელებული მეგრელები, ხოლო მეგრელები — სევან-მეგრელნი.

თუ სად იყო უძველესი ჩვენი სამშობლო, ამის გამორკვევა შეიძლება რამოდენიმე საბუთით.

თვით სიტყვა ქართველი, „ქართუ“-ელი ნიშნავს სადაურობას. „ქართუ“-კი ნიშნავს ქალდას. დღესაც არის შენახული სევანეთში, სახელი — ქალდე, — სახელწოდება ერთის სოფლის საზოგადოებისა. ჩვენი წინანდელი სამშობლო ალბად ქალდეა ყოფილა. ასსურეთის მეფე ტუგლატ-პილესსარ II 1275 წლის

(ქრ წ.) წარწერაში ამ ქვეყანას პირდაპირ „კარლუ“ დ უწოდებს. თუ როდის აც-  
ყარნენ იქიდან ქართველები, — ამის გამოკვევა ძნელია, მაგრამ ზოგიერთი  
ძვირფასი ცნობა მაინც მოიპოვება ასსურულ წყაროებში ქართველ სხვა და სხვა  
ტომთა ბინადრობაზედ. ამ ცნობათა მიხედვით ტაბალები უძველეს დროს, მეც-  
ხრე საუკუნეში ქრისტეს წინად, სცხოვრობდნენ სწორედ იმ ადგილას, სადაც  
შემდეგ დიდი კათბადუკია იყო, კილიკიელების მეზობლად. მესხების ქვეყანაც  
მეთერთმეტე საუკუნეში ტაბალის ჩრდილოეთით მდებარეობდა, ფრიგიის აღ-  
მოსავლეთით. კოლხების ქვეყანა (ესეც ერთი მეგრულ-ქანური ტომი იყო) მეგრ-  
ვე საუკუნეში ქრ. წ. მდებარეობდა მესხების ჩრდილოეთ აღმოსავლეთისაკენ,  
რომლის აღმოსავლეთითაც იქმნებოდა ურარტუს ქვეყანა, სამხრეთით კი ნაი-  
რის ქვეყანა (ეს სულ ასსურული წყაროებით). პეროლოტეს დროს (V საუკ.  
ქრისტეს წინ.) კოლხებს უკვე შავი ზღვის ნაპირას უცხოვრიათ, იქ, სადაც შავ  
ზღვას მდინარე ფაზისი შეერთვის. იქვე უცხოვრიათ მაკრონებს, ანუ მეგრე-  
ლებს, მათ მეზობლად მესხებს, ტიბარენებსა და მოსსინიკებს. მაშასადამე ჩრდი-  
ლოეთით და შავის ზღვის პირას ამოუწევიათ ქართველებს. ამ XI-V საუკ. გან-  
მავლობაში. ქსენოფონტეს ცნობით (მესუთე საუკუნის ბოლო) ყველაზედ სამ-  
ხრეთით კარდუხები სცხოვრობდნენ, სხვანი კი შავი ზღვის სამხრეთ-აღმოსავ-  
ლეთის ნაპირებზედ სცხოვრობდნენ. ყველაზედ დასავლეთით სცხოვრობდნენ  
ტიბარენები, შემდეგ აღმოსავლეთით ხალიბები, შემდეგ მოსსინიკები, შემდეგ  
კოლხები. კოლხების სამხრეთით იყვნენ დრილები, სამხრეთ აღმოსავლეთით  
მაკრონები, მაკრონების აღმოსავლეთით სკეითინები. ამგვარად მეოთხე საუკუ-  
ნეში ქართველებს ისევე უცვლიათ ბინა და ჩრდილოეთისაკენ ამოუწევიათ. მი-  
ზეზი ამ გადასახლებისა იყო კიმმერიელების შემოსევა მცირე აზიაში მეშვიდე  
საუკუნიდან ქრ. წინ. ამ კიმმერიელებმა აიძულეს ქართველები დაეტოვებინათ  
ძველი სამშობლო და ამოწეულიყვნენ ჩრდილოეთისაკენ. მათაც შეამცირეს  
ქართველთა ძლიერება და რაოდენობა. ძლიერნი მესხნი, რომელთაც ერთ დროს  
პონტოს ადგილები ეჭირათ, მეოთხე საუკუნეში უკვე იქ იყვნენ, სადაც შემდეგ  
სამცხე-საათაბაგო იყო და პატარა უმნიშვნელო ტომად ითვლებოდნენ. რომ წი-  
ნად ქართველების ბინადრობა მცირე აზიაში ყოფილა და მათი ძლიერებაცა და  
ენაც გავრცელებული ყოფილა, ამას ისიც ამტკიცებს, რომ დღესაც კი არის  
დარჩენილი ქართული ენის კვალი მცირე აზიაში: სახელწოდებანი გეოგრაფიულ-  
ნი, აგრეთვე საკუთარნი სახელნი. ქსენოფონტეს შემდეგ სამი საუკუნის გან-  
მავლობაში აღარავის აუწერია საქართველო. მხოლოდ სტრაბონმა აღწერა იგი  
პირველ საუკუნეში ქრისტეს შემდეგ. ბინადრობა ქართველთა თითქმის აღარ  
შეცვლილა, მაგრამ პოლიტიკური და ეროვნული მდგომარეობა კი შეცვლილა  
საქართველოს შინაგან ცხოვრებაში. კოლხებისა და მოსსინიკების ადგილები უკ-  
ვე ხალდებს დაეჭირათ. კოლხები აღმოსავლეთისაკენ გაერეკათ, მოსსინიკები  
სამხრეთისაკენ.

ბინადრობა ქართველთა ძლიერ შემცირებულა სომეხთა და ბიზანტიელთა  
შემოსევითა და ბატონობით. მაგრამ ამ მოვლენაზედ უფრო საინტერესო კიდევ  
შინაგანი ცვლილებაა ქართველ ტომთა ბინადრობისა და ენისა. იქ, სადაც ეხ-  
ლა იმერეთი და გურია არის, როგორც არა ესთქვით, წინად მეგრელები ყოფი-  
ლან; ეს კიდევ პლინიუსისა, პტოლემესა და სტრაბონის ცნობებით, ე. ი. პირ-  
ველ ორ საუკუნეში ქრისტეს შემდეგ. სწორად არ შეიძლება დროის განსაზღვ-  
რა, თუ როდის შეიქრა ქართლურად მოლაპარაკე ტომი სამეგრელოს შუა-გულ-  
ში და გააქართულა თანამედროვე იმერეთი და გურია, შუაზედ გასჭრა მათი

მოსახლეობა და ენაც მათი შვიი ზღვის აღმოსავლეთისა და სამხრეთ აღმოსავლეთის ნაპირებზედ დასტოვა, შუაში კი ქართული გაამეფა.

ქართველები, როგორც ვხედავთ, უკვე უძველეს დროიდან შემოსულან ამიერკავკასიაში და დასახლებულან. ხოლო ის ტერიტორია, რომელიც ცნობილია ჩვენ ისტორიულ ტერიტორიად, თან და თან დაუჭერათ, ჩრდილოეთისაკენ თან და თან ამოწვეით. თუ როდის მოხდა ქართველთა შემოსვლა კავკასიაში, ძლიერ ძნელია ამისი ნამდვილი და სწორი გამოჩვენება ყოველ შემთხვევაში უძველესი კვალი ქართველთა კავკასიაში არ უნდა ვეძიოთ. ქართველებზედ წინად აქ სხვა რასა სცხოვრობდა, — გრძელ-თავიანთა, რომელსაც განვლილი ჰქონია ქვის ორივე ხანა და ბრინჯაოსიც.

ქართველებს ბევრი ამსგავსებს ურარტელებსა და ხეთელებს. ურარტელები სცხოვრობდნენ კოლხების აღმოსავლეთით, ეფრატისა და ტიგრის სათავეებში, ვანის ტბისა, მდ. არაქსისა და არარატის მთის მიდამოებში. აქ იყო ნაირისა და ურარტუს სამეფოები; ისინი ერთად მოქმედებდნენ ხოლმე საერთო მტრის წინააღმდეგ და დიდ მეტოქეობას უწევდნენ ასსურეთსა. როლი მათი დიდი იყო ისტორიაში. ბევრი ანათესავენს მათ ქართველებსა განსაკუთრებით მათ წარწერათა ქართულთან შედარებით, — მაგ. ლენორმანი, სეისი, ნიკოლსკი და სხვანი, — მაგრამ ივ. ჯავახიშვილის აზრით ჯერ არ შეიძლება დანამდვილებით ამ აზრის გამოთქმა, რადგანაც არც ვანის წარწერებია კარგად წაკითხული და შესწავლილი, არც თანამედროვე ქართული ენის შედარება შეიძლება ურარტუს ენასთან, რადგანაც ქართულ ენას მრავალი საუკუნის ისტორია ჰქონია და განვითარებულა, ხანგრძლივი ცვალებადობის პროცესი განუცდია. აგრეთვე ქართული ენა სამი შტოისაგან შესდგება და ყველანი უნდა შევადაროთ ურარტუს ენასა და არა მარტო ქართული. საჭიროა ჯერ ვანის წარწერათა საფუძვლიანი შესწავლა, შემდეგ ძველის ქართულისა, აგრეთვე მეგრულისა და სვანურის ცოდნა, რომ შედარებას გადაჭრილი ნაყოფი მოპყვეს და საბოლოოდ დამტკიცდეს ქართულისა და ურარტუს იგივეობა.

ხეთელთა მსგავსება ქართველებთან შესაძლებელია ანთროპოლოგიურად, რადგანაც ანთროპოლოგიურ ნიშნების მიხედვით იგინი ერთმანეთსა ჰკვანან. ერთნიც მოკლე-თავიანები არიან და მეორენიც. ლინგვისტიურად მათი მსგავსება ჯერ არ შეიძლება: მეცნიერულს, გადაჭრილ აზრს ვერც გამოვსტკევათ, რადგანაც არც ხეთელთა იეროგლიფები არიან წაკითხულნი და შესწავლილნი. (იხ. ყოველივე ამაზედ ივ. ჯავახიშვილი: „ქართველ ერის ისტორია“, თავი I; ქართულ გრამატიკის ტაბულათა წინასიტყვაობა ნ. მარჩისა).

ვინა ვართ ჩვენ ანთროპოლოგიურად? — ჯერ ანთროპოლოგიურად სავსებით არ არის შესწავლილი საქართველო. გარდა უცხოელთა, ჩვენი მეცნიერებიც მუშაობენ ამ საგნის გამოსარკვევად, — სხვათა შორის ორი ჯავახიშვილი: გიორგი ჯავახიშვილი და ალექსანდრე ჯავახიშვილი. პირველი ახალგაზრდა ნიჭიერი მეცნიერია და მისგან უსათუოდ ფრად საინტერესო შრომებს მოველოთ ჩვენი ქვეყნის ანთროპოლოგიის შესახებ. მას უკვე დაუწერია შრომა „К вопросу об этнологии Малой Азии и Закавказья“. რომელიც ჩვენ საუბედუროდ არ გვინახავს. იგი ამტკიცებს, რომ თავ-მოკლე რასა ქართველი მოდგმისა და ნათესავისა დიდი რასა იყო და ეპირა 2000 წლის წინად მთელი შუა მდინარე, ირანი და მთელი მცირე აზია. შემდეგ სემიელთა და არიელთა შემოსევამ გამოდევნა იგი ამ ადგილებიდან და შემოხიზნა კავკასიაში. (იხ. ივ. ჯავახიშვილი, ib. p. 61). — მეორემ, ალექსანდრე ჯავახიშვილმა უკვე გამოსცა თავისი წიგნი: აღმოსავლეთ საქართველოს ანთროპოლოგია — Антропология Грузии, I. ამ წიგნში. გარდა

იმისა, რომ იგი ამტკიცებს ჩვენს თავ-მოკლიანობას, — სხვა ხალხებთან შედარებით, სხვა და სხვა მეცნიერთა ცნობებით, ჩვენ ანთროპოლოგიურ თავისებურებასაც აღნიშნავს. ეს ჩვენი ანთროპოლოგიური თავისებურება შემდეგნაირად გამოიხატება: ქართველებს ტვერის გუბერნიის რუსებთან შედარებით (200 კაცის გაზომვის მიხედვით) 27 შესადაარებელი ანთროპოლოგიური ნიშანი აქვს: საერთო — 17, განსხვავებული — 10. პოლონელებთან (226 კაცის გაზომვით) — 20: საერთო — 11, განსხვავებული — 9. ყუბანის ყაზახებთან (41 — 61 კაცის გაზომვით) — 22: საერთო 10, განსხვ. — 12. აღმოსავლეთელ ქართველ სომხებთან (105 კაც. გაზომვ.) — 22: საერთო — 15, განსხვ. — 7. პოლონელ ებრაელებთან (100—200 კაც. განხ.) — 28: საერთო — 17, განსხვ. — 11. თერგის ოლქის რსებთან (36—200 კაც. განს.) — 18: საერთო 9, განსხვ. — 9. სპარსელებთან (46 კაც. განხ.) — 25: საერთო — 10, განსხვ. — 15. თორლოუთის მონღოლებთან (43—138 კაც. განხ.) — 26: საერთო — 17. განსხვ. — 9. ყუმიყებთან (107 კაც. განხ.) — 18: საერთო — 15, განსხვ. — 3. ყაბარდოელებთან (40 კაც. განხ.) — 20: საერთო — 11, განსხვ. — 9. ყარაყირღიზებთან (46 — 66 კაც. განხ.) — 12: საერთო — 6, განსხვ. — 6. სართებთან (8 კაც. განხ.) — 12: საერთო — 8, განსხვ. — 4. ადერბეიჯანელ თათრებთან — 13: საერთო — 4. განსხვ. — 9. (იხ. Антропология Грузин, I, გვ 237—240). საერთოდ, ვინ იცის რამდენ რასას შეერევივართ დროთა ვითარებაში, რამდენად შერეულა ჩვენი ენა, ჩვენი სისხლი და ანთროპოლოგიური ტიპი. შერევა ჩვენი სისხლისა და ენისა კემშარიტებაა მიუხედავად იმისა, ხეთელებისა და ურარტელების შთამომავალნი ვართ თუ არა. ექვს გარეშეა, რომ ჩვენ რომელიმე უძველესი დიდი ხალხის ნაშთნი ვართ. ამ ხალხს ნ. მარჩი ხემიელთა ნათესავ ფაფტელებს უწოდებს. ათასი ბრძოლა, შემოსევა და აღრევა განუცდია მასა, მაგრამ მიუხედავად ყოველივე ამისა ჩვენ, მისი შთამომავალნი, მაინც თავისებურ ხალხად დავრჩენილვართ ლინგვისტიურად — და ანთროპოლოგიურად, და ეს პირველი მაჩვენებელია ჩვენი რასიული სიძლიერისა. თუ მართალია ის ჰიპოთეზა, რომ ხეთელთა შთამომავალნი ვართ, — მაშასადამე ჩვენი სოციალური სიცოცხლის ერთ პერიოდთაგანი ხეთელთა ცხოვრება ყოფილა. თუ ურარტელები ვყოფილვართ, — მაშინ ურარტუს ცხოვრება ყოფილა ჩვენი ცხოვრების ერთი უძველესი პერიოდი. შეიძლება თვით ხეთელთა და ურარტუს ტომის ნათესაობა დამტკიცდეს და ჩვენიც ორივესთან, — მაშინ ჩვენი ცხოვრების გზა ხანგრძლივი და კიდევ უფრო სწორი ყოფილა. მაგრამ თვით საკუთრივ ქართველ ტომთა ცხოვრების უძველესი პერიოდი გვიჩვენებს ჩვენს მთლიანს ეროვნულ ცხოვრებასა. შეთანხმებულად მოქმედებდნენ ჩვენი ტომები საერთო მტერთა წინააღმდეგ. ალბად მაშინ მწერლობაც ექმნებოდათ ამ ქართველ ტომებს ან სვანურად, ან მეგრულად. მრავალ ბრძოლისა და შემოსევის წყალობით კიდევ დაქვეითებულა მაშინდელი „საქართველო“ და მეოთხე საუკუნეში ქრისტეს წინად მდიდარი და ძლიერი ქვეყანა კი აღარ იყო, როგორც ასსურთა დროს, არამედ სუსტ, ურთიერთის მოქიშპე, პატარა და ღარიბ, თითქმის გაველურებულ ტომებად გადაქცეულა. მაგრამ — მიუხედავად ყოველივე ამისა ჩვენ მაინც არ შეგვიძლია ამ ძველ წინაპართა ისტორია მივითვისოთ, არავითარი ნასხოვრობა არ არსებობს, გარდმოცემული იმ სოციალურ ორგანიზმის მიერ ახალ საქართველოს სოციალურ ორგანიზმისადმი. ეს ახალი ორგანიზმი დაახლოვებით საცა ეხლა ვართ — იქ იწყებს ახალ ცხოვრებასა, საქრისტიანო კულტურასა, ქართლურ ენაზედ მდიდარ ლიტერატურას ჰქმნის, აღწევს ერთობასა და კოპეზიას ჩვენს სხვა და სხვა ტომთა შორის; აქ იბადება საქართველოს



ხაშშობლო და მას შემდეგ ძველსა და ახალ შორის არ გაწვეტილა კავშირად ხსონა. ეს საქართველო გვახსოვს და გვიყვარს ეხლა, მისი წარსული გმირნი და მოღვაწენი სოციალბობენ დღეს ჩვენ შორის და ამიტომაც ჩვენ ამ საქართველოს ერის ორგანიზმს ვეკუთვნიოთ და არა უძველესსა — ძველი მხოლოდ ჩვენი ვინაობის მხრით არის საინტერესო, აგრეთვე ობიექტიურ მეცნიერების მხრით. ხოლო ჩვენს ეროვნულ პსიხიკასა და იდეალს იგი არაფერს ეუბნება.

შავ ბნელი და უბედური იყო უმეტეს ნაწილად საქართველოს პოლიტიკური ისტორია. ერთხელ გვექონდა მხოლოდ ბრწყინვალე ხანა, ხანა სიძლიერისა და აღყვავებისა, შემდეგ მხოლოდ დრო გამოშვებით. უმეტეს ნაწილად კი „შავ დროთაგან“ შესდგება ჩვენი ისტორია. მას შემდეგ რაც ჩვენი საქრისტიანო ისტორია იწყება, ერთობა ეროვნულ-სოციალური ყოველთვის იყო ჩვენში, მაგრამ პოლიტიკური ერთობა ყოველთვის არა გვექონია. ეს იყო უმთავრესი მიზეზი რომ მტერი ადვილად გვძლევდა და გვანადგურებდა ხოლმე. ხოლო დიდა დავეითისა და თამარის დროს მტერს ირგველივ უძლეველად ლეწდა გალაღებული საქართველო.

ჩვენი კულტურა საქრისტიანო ისტორიულ ხანამდისაც ცნობილი იყო. განსაკუთრებით მადნეულობის ხელობით ვიყავით განთქმულნი. როგორც ბნი იე. ჯავახიშვილი ამტკიცებს, „კალის“ მეტი არც ერთი მადნის სახელი არ გვისახებია უცხო ენათაგან, — პირიქით ყველა ენაზედ ქართული სახელწოდება აქვს ბევრ ლითონს, ან სახელწოდება ქართველ ტომთა. მაგალითად — „ბრინჯაო“ (bronze) და „ხალობდიკოს“ რომელთაგან ერთი წმინდა ქართული სიტყვაა და მეორე ქართველ ტომის, ხალიბთა სახელწოდებისა (ნიშნავს ხალიბურს) და სხვ. ჩვენ თვით ბერძნებსა და სხვა უფრო დაწინაურებულ ხალხთა მასწავლებელნიც ვიყავით ამ მხრითა.

საქრისტიანო ეპოქაში ჩვენ განვაავითარეთ ქართლური ენა, შევქენით საკუთარი ორი ანბანი, ხეცური და მხედრული, შევქენით საკუთარი საერო და საეკლესიო მდიდარი ლიტერატურა, ვეწაფებოდით უცხო — ბერძნულ, სომხურ სპარსულ და არაბულ კულტურასაც, მეცნიერებასა და ფილოსოფიას განსაკუთრებით ბერძნულსა, ვრგავდით მათ საშობლო ნიადაგზედ ეროვნულ ენითა. გვექონდა ჩვენი ხელოვნება, — მხატვრობა, არქიტექტურა, მუსიკა და სხვ., — რომელიც განირჩეოდა სხვა ერთა ხელოვნებისაგან, თუმცა, შეიძლება მუსიკის გარდა, უცხო გავლენა განეცადა, როგორც ეს საზოგადოდ ხდება ერთა ურთიერთ დამოკიდებულებათა მიზეზით. გვექონდა ჩვენი დამოუკიდებელი ეკლესია, ჩვენი მონასტრები და პრესტიჟი წმინდა ადგილებში, ჩვენი უფლებანი, რომელნიც ჩვენის ძლიერების დროს ბევრ სხვა ერის უფლებას აღემატებოდა. — გვექონდა ჩვენი სამეფო, გვყავდა ჩვენი დინასტიები.

მაგრამ სწორედ აქ არის ჩვენი ისტორიის უკუღმართი მხარე. ჩვენ ერი ვიყავით, ერთი კონკრეტული სოციალური ორგანიზმი, ყველა ეროვნული ორგანობით, მაგრამ არასოდეს არ დაგვცლია ხანგრძლივი სახელმწიფოებრივი ცხოვრება, რომ დაგვეცვას საკუთარი სოციალური ორგანიზმი, არასოდეს არა გვექონდა მოსვენება ბერძენთაგან, რომელთაც ბოლოს და ბოლოს ლაზისტანი მოგვეწყვიტეს, სპარსთაგან, რომელთაც მუდამ თვალში ეჩხირებოდათ საქართველოს დამოუკიდებლობა, თურქთაგან, მონღოლთაგან, რომელთაც ქვეყანა წაღიქეს და ჩვენი ძლიერებაც დაამხვეს, შემდეგ ისევ სპარსთაგან და განსაკუთრებით ოსმალთაგან, რომელნიც მუდამ სცემდნენ ჩვენს სამხრეთსა და სამხრეთ დასავლეთ ნაწილებსა და ბოლოს და ბოლოს წაგვართვეს და გაამაჰმადიანეს, სრულიადაც გააველურეს მესამედზედ უდიდესი ნაწილი საქართველოსი.

მთელი მეშვიდე, მერვე, მეცხრე, მეათე და მეთერთმეტე საუკუნეთა განმავლობაში არ დაგვკლებია შემოსევა ბერძენთა, სპარსთა, თურქთა, არაბთა. მიუხედავად ამ პოლიტიკურ და ეკონომიურ განადგურებათა მაინც ვითარდებოდა ჩვენი კულტურა, ჩვენი ეროვნული თვითშეგნება, და როდესაც დავით აღმაშენებელი ტახტზედ ავიდა მეთერთმეტე საუკუნეში, — უმცირესი დამოუკიდებელი ნაჰერი რამ ეპყრო საქართველოსი. ამ პატარა ნაჰრიდან შექმნა გენიოსმა მეფემ ძლიერი სამეფო, გააფართოვა მისი საზღვრები, ააყვავა იგი და ისე გადასცა თავის მემკვიდრეებს. თამარ მეფის დროს და შემდეგ, მონღოლების შემოსევამდის საქართველოს ოქროს ხანა დაუდგა. ქვეყანას აჩვენა მაშინ საქართველომ, თუ როგორი ნიჰის პატრონი იყო მისი ერი და რა შეეძლო კულტურულად, როცა ბატონი არა ჰყავდა და თავისუფალ განვითარებას ეძლეოდა. მაშინ გახვითარდა კოპეხია ქართველ ერისა. საქართველო პოლიტიკურად შეერთებული იყო, აგრეთვე კულტურულად იგი კიდევ უფრო ერთდებოდა, თუმცა მთელი მისი კულტურული განვითარება წინადაც ეროვნული იყო, და ყოველი მიმართულება მრავალ-მხრივი კულტურისა, წამბაძველობითი იყო იგი თუ ორიგინალური, ერთ ეროვნულ კალაპოტში მიდიოდა და საერთო ქართულ ეროვნულ საუნჯედ ჩამოისხმოდა. მონღოლთა შემოსევამ მეცამეტე საუკუნეში და მათმა ბატონობამ დასცა საუკუნოდ საქართველოს ძლიერება. დავნაწილდით პოლიტიკურად, დაქვეითდა ჩვენი კულტურა, შეირყვნა ენა, დაქვეითდა ჩვენი ზნეობა და სამართალი. თუმცა მეთოთხმეტე საუკუნეში გიორგი ბრწყინვალემ ისევ შეაერთა საქართველო და ეცადა მისის ძველის დიდების აღდგენასა. მაგრამ შემდეგ იგი ისევ დაიყო. დაქსაქსული ერი მტრებმა დაგვიჯაბნეს. ირგვლივ გვეხვია მტერი და გაქრობას გვიქადა. შიგნით ყოველ-მხრივი დაქვეითება დაგვეტყყო. მეთექვსმეტე და განსაკუთრებით მეჩვიდმეტე საუკუნეში ისეთი გახრწნილება და დაცემა იყო ჩვენში, რომ ისტორიკოსებს გული უკვდებათ, როცა ამ ეპოქას აღწევენ. აგრეთვე მუდმივი ომები ოსმალებთან წელში სტეხდა და ანადგურებდა სამცხე-საათაბაგოსა და დასავლეთ-სამხრეთ საქართველოს, სადაც ისლამი ძლიერად იკიდებდა ფეხსა.

მეჩვიდმეტე საუკუნის დასაწყისში პირდაპირ მსხვერპლნი შევიქენით სპარსთა და ოსმალთა. შაჰ აბაზის შემოსევა აღმოსავლეთ საქართველოში და ოსმალთა თარეში სამცხე-საათაბაგოში და დასავლეთ საქართველოში მთელი საუკუნის განმავლობაში, რისხვად დაგვატყდა თავზედ. მან გასტეხა წელში კახეთი და ქართლი: კახეთის ნაწილი, ძველი მდიდარი ჰერეთი განადგურდა, 60,000 ქართველი სპარსეთში წაასხეს. უპატრონოდ დავდებულნი განადგურებული ქვეყანა ლეკთა ბატონობის მსხვერპლადაც კი ვახდა და გამაჰმადიანდა. სამცხე-საათაბაგომ და სამხრეთ-დასავლეთ საქართველომ ვეღარ გაუძლო ოსმალთა ბატონობასა. მუდმივ წამებასა და მთლად ჩაიფლო ისლამის მორევში, უარ-ჰყო მამა-პაპათა რჯული და კულტურა, გაველურდა და მოსწყდა სრულიად საქართველოს ეროვნულ ორგანიზმსა. რამდენიმე ადგილებში ენა თუ შერჩათ კიდევ, — სხვა ყოველისფერი ცეცხლსა და მახვილს, განადგურებასა და დავიწყებას მიეცა.

მეთვრამეტე საუკუნეში ისევე სდგება გამოღვიძებისა და განახლების ხანა. მეფეები ვახტანგ მეექვსე და ირაკლი მეორე ბრწყინვალე პიროვნებანი არიან ამ ხანისა. პირველი სცდილობს საქართველოს კულტურულად აყვავებან, მეორე პოლიტიკურად მის გამაგრებასა. ამ დროს იწერება და სწორდება სამართლის წიგნები, სწორდება ისტორია, სწორდება ენა და სხვ. ერეკლე მეფე სცდილობს ალაგმოს ლეკები. დამოუკიდებელ ჰყოს საქართველო სპარსთაგან და ოსმალ-

თავან, აგრეთვე დასავლეთ საქართველოს მეფეები და მთავრები სცდოლობენ დამოუკიდებლობას და საერთო მიმდინარეობაც-კი არსებობს საქართველოს პოლიტიკურ ერთობის აღდგენისა. სოლომონ ლიონიძე და სხვა მაშინდელი პოლიტიკური მოღვაწენი სცდილობენ განახორციელონ ეს მისწრაფება. \* მაგრამ დიდი ხნიდან იყო საქართველოში ბევრ მოღვაწეთა სურვილი საქართველო რუსეთთან შეერთებინათ. სპარსეთი და ოსმალეთი რასაკვირველია ამის წინააღმდეგნი იყვნენ, მაგრამ მათმა მატყუარა დიპლომატიამ, მუდმივმა დაპირებამ საქართველო მშვიდობიანად დაეტოვებინად და მუდმივმა პირის გატეხამ, — ყოველივე ამან ძალა გამოუღია საქართველოს და პირი აბრუნებინა რუსეთისაკენ. თუმცა მეორე მიმდინარეობაც იყო მთელს საქართველოში, — მიმდინარეობა საქართველოს პოლიტიკური შეერთებისა, რომლის საუკეთესო წარმომადგენელიც იყო სოლომონ ლიონიძე, მაგრამ ბატონიშვილების ქიშპობამ, სამეფო ტახტის ძებნამ ათას პრეტენდენტის მიერ, შინაურმა გახრწნილებამ და ურთი-ერთის მტრობამ დაამარცხა ეს მიმდინარეობა და გადასწყვიტა საბოლოოდ საქართველოს რუსეთთან შეერთება. ამიტომაც წამოვიდა ალა-მამხალ ხანი რისხვითა და აიკლო საქართველო. ირაკლის შემდეგ კი კიდევ უფრო უხეიროდ წაიყვანეს საქმე საქართველოს მმართველებმა და საუკუნოდ „შეუერთეს“ საქართველო რუსეთსა...

მობდა ეს „შეერთება“, მაგრამ კიდევ დიდება საქართველოს, რომ მეცხრამეტე საუკუნის კარამდის მოიტანა დამოუკიდებლობის დროშა, — როგორც ქართლმა და კახეთმა, ისე იმერეთმა, გურიაში, სამეგრელომ და სხვ.

საქართველო შეუერთდა რუსეთს, მაგრამ შეუერთდა როგორც სამეფო, განსაზღვრული პოლიტიკური და იურიდიული პირი საერთაშორისო თვალსაზრისით. — ასეთი ხელ-შეკრულება პირველად დაიდვა 1783 წელს ქართლ-კახეთის მეფის ირაკლი მეორისა და რუსეთის დედოფლის ეკატერინე მეორის შორის. იქ იყვნენ განმტკიცებულნი ჩვენი უფლებანი, როგორც საპროტექტატორო სახელმწიფოისა, და აგრეთვე ნაწილად იმპერატორ პავლე პირველისა და იმპერატორ ალექსანდრე პირველის მანიფესტებში 18 იანვარს 1801 წელს (პავლე I-ისა) და 12 სექტემბერს იმავე 1801 წელს (ალექსანდრე I-ისა).

მას შემდეგ ასზედ მეტი წელი გავიდა. ძლიერ შეგვბერტყა უცხოთა ბატონობამ. მაგრამ ერი მაინც ვართ, ერი ისტორიული, აგრეთვე უფლებათა მქონე ზემოდ მოხსენებულ ტრაქტატისა და მანიფესტების ძალით.

ჩვენ ერი ვართ, მიუხედავად იმისა, რომ მესამედი საქართველო მოწყვეტილია ჩვენ კულტურულ სფეროსა. შეგვრჩა ენა, თუმცა მას რუსთაველის ენის მშვენიება აღარა აქვს; ამ ენაზედ გვექონდა ჩვენი მწერლობა მთელი ამ უკანასკნელი ასის წლის განმავლობაშიაც. შეგვრჩა ტერრიტორია, თუმცა თან და თან მას სხვა ელემენტები იჭერდნენ და ეხლაც იჭერენ. მალე გამოგვეცლება ხელიდან, თუ ყოველი ღონე არ ვიღონეთ მისი დაცვისათვის. შეგვრჩა ორ მილიონამდის ქართველი ხალხი, განსაზღვრული ანთროპოლოგიური ტიპისა, განსაზღვრული ეროვნული სახისა, თუმცა მრავალი შემოსევებისა და უცხო ელემენტთა გადმოსახლების წყალობით ჩვენი ისტორიის ვითარებაში წმინდა ქართულ ტიპს მრავალი უცხო ტიპი შეურეგია და გაუქართველებია. შეგვრჩა ოჯახი ქართული ტრადიციებით, თუმცა მას უცხო ზნე და უცხო ელფერი დაეტყო განსაკუთრებით

\* იხ. ყოველივე ზემოხსენებულზედ: ივ. ჯავახიშვილი: ქართველ ერის ისტორია; ქართულ სამართლის ისტორია — ლექციები 1909 წ.; ქართული საისტორიო მწერლობა — ლექციები 1910 წ.; ქართველ ერის ეკონომიკური ისტორია და სხვ.—მ. პარც: История Грузии—და სხვ.

დრო-მოკმულ წოდების შორის. შეგვჩაჩა ჩვენი მიწა-წყალი და სიმდიდრე, ჩვენი მეურნეობაც არსებობს, თუმცა ჩვენსავე ქვეყანაში სხვები გეჯობნიან. სხვები სარგებლობენ ჩვენზედ მეტად ჩვენი სიმდიდრითა, და თუ სამეურნეო შემოქმედება არ გამოვიჩინეთ, სხვების მონები შევიქმნებით. შეგვჩაჩა ჩვენი ხელოვნება, — ლიტერატურა, რომელსაც შეძლებისადა გვარად ვანვითარებთ, არქიტექტურა, რომელიც ეკლესიების სტილმა მაინც დაიცვა, მუსიკა — საუკეთესო მთელს აღმოსავლეთში, წმინდა ქართული, ორიგინალური და მდიდარი, რომლის მზგავსიც არ მოიბოვება მთელს აზიაში და რომლის განვითარებასაც ნელ-ნელა ვეწევი. შეგვჩაჩა ჩვენი სარწმუნოება, თუმცა ეკლესია უცხოთაგან არის წარტყვენილი და მრავალი ქართველი ისლამის მმოსავად გადიქცა ჩვენ შავ-ბნელ ისტორიის ვითარებაში. — შეგვჩაჩა ზნე-ჩვეულება, თუმცა გარუსების ფერმა ძლიერ გადაგვკრა განსაკუთრებით მაღალ სფეროებში. შეგვჩაჩა სურვილი მეცნიერებისა და სწავლისა. ესცილიობთ კიდევ ვიქონიოთ ქართულად ჩვენი ისტორია და სხვა მეცნიერებანი, თუმცა ბავშვობიდანვე სცილიობენ სკოლებში ჩვენს გადაგვარებასა და ნება არა გვაქვს ვიქონიოთ ჩვენი სკოლები, ჩვენი აკადემიები. შეგვჩაჩა ჩვენი სამართლის ნაშთები, რომელიც ხალხის იურიდიულ შეგნებაში სციოცხლობს, თუმცა მისი ადგილი უცხო სამართალმა დაიჭირა; უცხო ენაზედ სწარმოებს იგი, უცხო დაწესებულებებში. როცა კი ჩვენი ხალხი თავისუფლად იგრძნობს ხოლმე თავს, — იგი მყისვე აციოცხლებს თავის სამართალსა. შეგვჩაჩა შეგნება ჩვენი ეროვნებისა, თავმოყვარეობა, თუმცა იგი სუსტია და ძლიერი კულტურული კოპეზიაა საჭირო, ძლიერი სულიერი ერთობა, რომ საქართველომ მძლავრად იგრძნოს საკუთარი არსებობა და თავმოყვარეობის შელახვა, კიდი-კიდემდე. დასასრულ. შეგვჩაჩა ნაცვლად პოლიტიკური არსებობისა, რომელიც ძალით წავგვართვეს, უფლება ავტონომიისა, განმტკიცებული ზემოსხენებულ ტრაქტატითა და მანიფესტებითა...

ჩვენ ვიცით, თუ როგორ აღასრულეს არა მარტო 1783 წლის ხელ-შეკრულება, არამედ ისიც კი, რაც აღთქმული იყო ორი იმპერატორის ფიცით განმტკიცებულ მანიფესტებში, ვიცით თუ როგორ გადააქციეს საქართველო რუსეთის გუბერნიებად და ამით შელახეს თანამედროვე საერთაშორისო სამართალი, რომლის წინაშეც ჩვენ შეგვიძლია მოვითხოვოთ ჩვენ კანონიერ უფლებათა დაცვა. ისიც ვიცით, თუ რა ბრძოლა გასწია მთელმა საქართველომ, — მთიულეთმა, კახეთმა, იმერეთმა, ქიზიყმა და სხვა კუთხეებმა თითქმის მთელი მეცნარამეტე საუკუნის განმავლობაში (იხ. ა. ფრონელი: მთიულეთი 1804 წ., ამბონება კახეთისა 1812 წ. და სხვ.) დარღვეულ უფლებათა დასაცველად. მაგრამ სამართალი მაინც სამართალია, იგი განიოჩევა ძალისაგან, და როგორი ცეცხლი და მახვილიც უნდა დაატრიალონ სამართლის დამრღვეველებმა, საერთაშორისო სამართლის წინაშე ჩვენ მაინც შეურყეველი საბუთები გვიჭირავს მისი უარყოფელი ძალის წინააღმდეგ.

აგრეთვე ყოველ ერს თავის თავის იმედიც უნდა კქონდეს, რომ საერთაშორისო სამართლის განხორციელებას მტკიცე საფუძველი მისცეს: სურვილი თავის უფლებათა დაცვისა, სციოცხლე, სოციალური გაუმჯობესების სურვილი, თვითმოქმედება. ამ ნიქსაც ვიჩენდით მთელი მე-XIX საუკუნის განმავლობაში და უზენაესად გამოვიჩინეთ იგი 1904—5 წლებში, არა ნაკლებ თვით დიდი რუსის ხალხისა, ყოველ შემთხვევაში უფრო კულტურულად. (იხ. ივ. ჭავახიშვილის: Социальное и политическое движение в Грузии в XIX веке).

სამართალი და კულტურული ძალა კი არის სწორედ ის ცხოველ-ყოფელი, წმინდა წყარო. რომელმაც უნდა გაანედლოს და განაძლიეროს ჩვენი ერის და-

ვადებული ორგანიზმი, თუ მართლაც არსებობს საკაცობრიო სინდიისი და ჩვენც მისი სამართლის გადაჭრამდე შევინარჩუნეთ თვითარსებობა და სიცოცხლე, გამოვიჩინეთ ნიჭი კულტურული შემოქმედებისა.

განვიმეორებთ, — ჩვენ ერი ვყოფილვართ და ვართ დღესაც. — განსაზღვრული, კონკრეტული სოციალური ორგანიზმი, რომელსაც ისეთივე უფლება აქვს სიცოცხლისა, როგორც ყველას, დიდსა თუ პატარასა, ბრწყინვალესა თუ დაქვეითებულსა. თუ საბუთია საჭირო „კაცობრიობის“ წინაშე თავისუფალ არსებობის უფლების მოსახვეჭად, აი ეს საბუთებიც: განსაზღვრული ეთნიური და ლინგვისტიური ტიპი, განსაზღვრული კოპეზიის მქონე სოციალური ორგანიზმი, ისტორია, კულტურა ხანგრძლივი და თავისებური, ხან შავ-ბნელი და შფოთიანი, უფრო იშვიათად კი მშვიდობიანი, — განსაზღვრული უფლება, ნამდვილი და მართალი მომქმედ საერთაშორისო სამართლის თვალთსაზრისით.

## თ ა ვ ი მ ა ხ უ თ ი მ ე ბ ა

### დასკვნა: იდეალი და პრაქტიკა.

პირველ თავში განმარტებულ „სოციალურის ცნების“ საშუალებით ჩვენ გავარკვევთ სოციალური შინაარსი ერისა და კაცობრიობისა და ვნახეთ, რომ პირველსა აქვს სოციალური შინაარსი, იგია საზოგადოებრივი სინამდვილე, მეორეს კი დღეს არავითარი სოციალური შინაარსი არა აქვს, — იგი ფიქტია და არა საზოგადოებრივი სინამდვილე.

კაცობრიობა არ არის სოციალური ინდივიდუალობა, იგი ვერა ჰქმნის ვერც ადამიანის პიროვნებასა. ადამიანის პიროვნების კაცობრიობისადმი კუთვნილებას არავითარი სოციალური ხასიათი არა აქვს, არამედ წმინდა ბიოლოგიური, რადგანაც ადამიანი კაცობრიობის უჭრედი კი არ არის, როგორც განსაზღვრული სოციალური ორგანიზმისა, არამედ მისი უბრალო ერთეული, როგორც Homo Sapiens-ის სახის ერთი ნიმუში.

სოციალურ ინდივიდუალობას წარმოადგენენ კონკრეტული სოციალური ორგანიზმები, რომლებიც სხვა და სხვა ნაირია და სხვა და სხვა განვითარების საფეხურზე მდგომი კაცობრიობის წიაღთა შინა. კაცობრიობა უფრო იმ ბუნდოვან ნივთიერების მასას ემსგავსება, სადაც ჩნდებიან გარკვეულნი სხეულნი, ინდივიდუალობის მქონენი; სოციალურად ეს სხეულნი არიან კონკრეტული სოციალური ორგანიზმები და მათ შორის უსრულესი — ერი. ერი ჰქმნის (მსგავსად უმდაბლეს სოციალურ ორგანიზმთა, რომლებზედაც ჩვენ აქ არა ვლაპარაკობთ) ადამიანის განსაზღვრულ პიროვნებას; გარეშე ერისა ეს პიროვნება არ არსებობს. დღეს არსებულ ინდივიდთა შორის არ არსებობს არც ერთი ადამიანი, რომელიც არ ეკუთვნოდეს რომელიმე სოციალურ ორგანიზმს. ეგრედ წოდებული საერთაშორისო ტიპებიც უსათუოდ უნდა ეკუთვნოდნენ თავდაპირველად რომელიმე სოციალურ ჯგუფსა და თუ იგინი საერთაშორისოდ გახდნენ, — მათი საერთაშორისო ხასიათი ან ძლიერ არა-სიმპატიურ ხასიათის შემუშავებას მოასწავებს, და თითქმის მათ კანონს გარეშე აყენებს (აუარებელი მაგალითი საერთაშორისო გაიძვერათა!), ან და ბოლოს და ბოლოს იგინი მანც ეკედლებიან ერთ რომელიმე სოციალურ ორგანიზმს, ან კიდევ სულიერ კავშირს არ სწყვეტენ მშობელ ერთან, კონკრეტულად, თანამედროვე კულტურული სოციალური ადამიანი — ეროვნული პიროვნების მქონე ადამიანი.

კაცობრიობა საერთაშორისო სამართლის მხრითაც ფიქტია. მომქმედ საერთაშორისო სამართლის თვალთახედვით არსებობს „სახელმწიფოთა საზოგადოება“ და არა კაცობრიობა; იდეალურმა საერთაშორისო სამართალმა კი უნდა მოაწყოს „ერთა საზოგადოება“ ორივე შემთხვევაში კაცობრიობა არ წარმოადგენს ერთს სოციალურს ორგანიზმს, არამედ იგი წარმოადგენს სახელმწიფოთა, ერთა, ე. ი. განსაზღვრულ ინდივიდუალობის მქონე საზოგადოებათა კავშირს. დღეს კი კაცობრიობა — ხაოსია სოციალურად, საერთო ორგანოებს მოკლებული. ამას სჩივიან დღეს თვით საერთაშორისო სამართლის მეცნიერნიც, როგორც მაგალითად ბლუნჩლი. — თუ მომავალში შესაძლებელია კაცობრიობის ორგანიზაცია, — არა კონკრეტულ სოციალურ ინდივიდუალობათა, ერთა მოსპობით არის იგი შესაძლებელი, არამედ მათი შეთანხმებითა და მორიგებით.

მაგრამ დღეს ერებს შეუქმნიათ სახელმწიფოები, გაუფართოებიათ მათი საზღვრები და დაპყრობილ ერთა უფლებას ფეხ ქვეშ სთელავენ, უარ-ჰყოფენ მათ ინდივიდუალობასა, მათი არსების უფლებასაც. საერთაშორისო სამართალიც, რომელიც უნდა იყოს სწორედ ერთა საურთიერთო განწყობილებათა მომწესრიგებელი, როგორც ამას მისი სახელწოდებაც პირდაპირ გვეუბნება, — „სახელმწიფოთა-შორისო“ სამართლად გამხდარა, სახელმწიფოთა საურთიერთო განწყობილებათ აწესრიგებს, მათ უფლებას იცავს, მაშასადამე უარ-ჰყოფს ერის უფლებასა ამით იგი საკუთარ განსაზღვრის დასაწყისშივე ატარებს შინაგან წინააღმდეგობას, რომელიც მყისვე იჩენს ხოლმე თავს, როდესაც დაჩაგრული ერი ძალით განთავისუფლდება სახელმწიფოს წინააღმდეგ აჯანყებით და საერთაშორისო სამართალიც იძულებულია მიიღოს იგი თავის სფეროში და მფარველობა გაუწიოს, ე. ი. უარ-ჰყოს გუშინდელი უფლება თავის ნამდვილ წევრისა, სახელმწიფოსი. წინააღმდეგობა ერისა და სახელმწიფოს შორის ჰბადებს საერთაშორისო სამართლის შინაგან წინააღმდეგობას და იდეალურმა საერთაშორისო სამართალმა უნდა მოსპოს ეს წინააღმდეგობა, — მისგან განთავისუფლებულმა უნდა აღიაროს ერის უფლება და არა მჩაგვრელ სახელმწიფოსი. ამ იდეალის განხორციელებას კი ხელს შეუწყობს ყველა ჩაგრულ ერთა სახელმწიფოთაგან ძალით განთავისუფლება. — ჩვენი იდეალიც — ერის უფლებათა სრული განხორციელება და საერთაშორისო სამართლის იდეალურად გარდაქმნა უნდა იყოს. ერის უფლება და ღირსება შესაბაღალავი არ უნდა იყოს არავისაგან, განსაკუთრებით სამართლისაგან, რადგანაც სამართალმა მხედველობაში უნდა მიიღოს მხოლოდ სამართლის საგანნი, არსებობის უფლების მქონე სუბიექტები და არა მათი მეტი თუ ნაკლები „ღირსება“. ერთა ურთიერთის წინაშე უპირატესობა ძნელი დასამტკიცებელიც არის, განსაკუთრებით თუ ისინი ერთსა და იმავე კულტურულ სფეროში სცხოვრობენ; არც სამართალს შეეხება ამის დამტკიცება. როგორც გენიოსს და საშუალო ადამიანს ვერ გაარჩევს უბრალო სამართალი, ისე დიდსა და პატარა ერსა, ისე გენიოსსა და საშუალო ერს ვერ გაარჩევს მართალი საერთაშორისო სამართალი.

დღეს სოციალიზმი ერის წიაღთა შინა არსებულ შინაგან წინააღმდეგობას აქცევს უმთავრეს ყურადღებას, მას კლასსთა ბრძოლა მიაჩნია ისტორიის ისეთ მამოძრავებელ ძალად, რომ ყველა ქვეყნის პროლეტარათა შეთანხმებული ბრძოლითა და ეკონომიურ კოლექტივიზმით ან კომმუნისში შესაძლებელი და სასურველი ჰგონია ერთა საზღვრების მოსპობა და ერთის საკაცობრიო საზოგადოების შექმნა. თითქმის არავითარ ყურადღებას არ აქცევს იგი ერის ორგანიულ-სოციალურ თვისებასა. მაგრამ ეს დიდი შეცდომაა. კლასსთა ბრძოლა, საზოგადოდ ეკონომიური ცხოვრება, თვით არის ერის შინაგანი ორგანიული

მოვლენა, ერთი ნაწილი მისს შინაგან ორგანიულ ცხოვრებისა. ერის მთელი ცხოვრებაა — ცხოვრება მთელი სოციალური ინდივიდუალობისა. სოციალიზმი კი — ერის შინაგანი გარდაქმნის საკითხია. ამიტომაც ეროვნული საკითხი და სოციალიზმი სხვა და სხვა სფეროებში არიან და ლოღიკურად ერთმანეთს არ ეწინააღმდეგებიან. ამიტომაც სოციალისტური ინტერნაციონალიზმი მხოლოდ მაშინ უქმნება ნამდვილი ინტერნაციონალიზმი, როდესაც ერის უფლებებზედ, ერის ინდივიდუალობის ხელ-შეუხებლობაზედ დაამყარებს ერთა თანხმობასა, — ე. ი. ინტერნაციონალსა, და არა მათ უარ-ყოფაზედ, — რაიცა ხშირად ემართებათ ხოლმე სოციალისტებს. ნამდვილი ინტერნაციონალიზმი დღეს ვერ ასცილდება სახელმწიფოთა დაშლის და ერთა განთავისუფლების აუცილებლობის აღსარებასა, და რამდენადაც დღევანდელი სოციალისტები თანამედროვე დიდ სახელმწიფოთა საზღვრებს იცავენ, — იმდენად იგინი შოვინისტები და იმპერიალისტებია არიან და არა ინტერნაციონალისტები. ჩვენი მოქმედებაც მაშასადამე მიმართული უნდა იყოს ასეთ ინტერნაციონალისტთა წინააღმდეგ, სწორედ ჭეშმარიტ ინტერნაციონალიზმის სახელითა.

კოსმოპოლიტიზმი — შეუძლებელი უაზრობაა და არა-სასურველი. ერთ-ფეროვანება საზოგადოებათა და ბოლოს ერთი საზოგადოების შექმნა, — შეუძლებელია, რადგანაც მრავალფეროვანება კანონია ბუნებისა და სოციალურ ორგანიზმთა ცხოვრებაც მას ემორჩილება. მრავალ-ფეროვანება არსებულ საზოგადოებათა და რასათა, აგრეთვე მრავალ-ფეროვანება გარემოთა დედამიწის ზურგზედ — შეუძლებელ-პყოფენ ერთად-ერთს საკაცობრიო საზოგადოებასა — ამ ერთფეროვანებას ვერა ჰქმნის ვერც სოციალისტთა საქვეყნო კაპიტალიზმი, ვერც ტარდის დაუსრულებელი მსეღელობა წამბაძველობისა. პირველი უფრო აღვიძებს და აძლიერებს ჩაგრულ და ჩამორჩენილ სოციალურ ინდივიდუალობათა, მეორეს თავისი საზღვარი აქვს. აგრეთვე ზრდა წამბაძველობისა და ინდივიდუალურ შემოქმედებისა ორი პარალელური პროცესია ერის ცხოვრებაში. — ამასთანავე ფონდი კაცობრიობისა უზარ-მაზარია, ორჯერ მეტი ვიდრე კაცობრიობის დაპყრობის იმედის მქონე ევროპის რასა, — და ვინ იცის რამდენი ხანი გაივლის, რამდენი ეპოქა ორიგინალურ ცივილიზაციათა შეიცვლება, რამდენჯერ იცვლიან ერნი ადგილსა, აღირევიან ერთმანეთში, შექმნიან ახალ ერთა, ახალ ეპოქათა, სანამ მთლად ამოიწურებოდეს ეს ფონდი, და მთელი კაცობრიობა, ერთფეროვანად აღრეული, ერთს ორგანოსან საზოგადოებას შეადგენდეს და ჩინეთის მსგავსად მიეცემოდეს კულტურულ თვლემასა. კიდევაც რომ შესაძლებელი იყოს ასეთი მოვლენა მომავალში, — ისიც ჭეშმარიტებაა, რომ სრულიად მიძინებულმა უზარმაზარმა ერთად-ერთმა სოციალურმა არსმაც უნდა გაიღვიძოს ბოლოს და ბოლოს, როგორც ეხლა ჩინეთი შეიშუშუნა ძლიერად. ძილისა და ღვიძლის მოძრაობაც რითმიულია. მოძრაობა ძილის შემდეგ ხალხთა ხალისია, და ეს მომავალი ჰიპოთეტური ერთობაც შეიძლება დაიშალოს და მრავალფეროვანებას დაუთმოს ადგილი, — ისევე ძველი ისტორია დაიწყო.

შეუძლებლობის გარდა ასეთი ერთობა არც სასურველია. იგი სიკვდილი ინდივიდუალობისა, ორიგინალობისა. იგი მოსაწყენია და მკვლელი შემოქმედებისა.

მაგრამ ყოველივე ამას რომ თავი დავანებოთ, — თანამედროვე ერთა არსებობისა, დამოუკიდებლობისა და განვითარების უფლებას მაინც ვერ უარყოფთ ვერავითარის მოსაზრებით. უპირველეს ყოვლისა ერი ცოცხალი არსია და მისი

სიციხის უფლება ელემენტარულია, საფუძველი, რომელზედაც მისთვის ყოველივე დაწყებული, -- სოციალიზმიც, ანარქიზმიც, კაცობრიობის მომავალიც. განა ინდივიდი უარ-პყოფს უფლებას საკუთარ არსებობისას რომელიმე პრინციპის სახელითა? მაშინ ხომ მისთვის თვით ეს პრინციპიც ისპობა, როგორც ისპობა ყოველისფერი! იგივე ითქმის ერზედაც, როგორც ცოცხალ სოციალურ ინდივიდზედ. იგი უნდა სცდილობდეს მარადის სიციხლეს, -- ეს იქმნება მისი უდიდესი, უპირველესი ნიჭი, სულიერი სიძლიერე. ამიტომაც უპირველეს ყოვლისა ერის დაცვა აუცილებელია სოციალიზმისთვისაც. უამისოდ ჰქრება სოციალისტისათვის თვით პრობლემა სოციალიზმისა, რადგანაც სოციალიზმი ერთა შინაგანი გარდაქმნის პრობლემაა. სიდიდე და სიბატარავე ერისა, მეტი თუ ნაკლები ღირსება აქ არაფერ შუაშია. რომელი საშუალო ადამიანი იკლავს თავს გენიოსის შემოქმედების ნაყოფით სარგებლობისათვის! სიკვდილის შემდეგ მისთვის ხომ აღარც გენიოსია და აღარც მისი შემოქმედება! -- ან სად არის ერთეულები ეროვნული სიდიადისა და ღირსების განზომისა, რომ დაბეჯითებით შეგვექლოს თქმა -- ეს არის მინიმუმი ღირსებისა, რომელიც საჭიროა ერის არსებობის აღსარებისათვის, ეს არის მისი რაოდენობის მინიმუმი, რომლიდანაც იწყება ერის სიდიადე! -- არაეის არ აღმოუჩენია ჯერ ასეთი უცნაური „ერთეულები“!

დიდ ერთა ანარქისტები და სოციალისტები მხოლოდ მაშინ იქმნებიან დიდ იდეალთა მატარებელნი, თუ ყველა ერის უფლებას აღიარებენ; ჩაგრულ ერთა ანარქისტები და სოციალისტები კი უაზრობას სჩადიან, როდესაც საკუთარ ერთა თავისუფლებისადმი არ მიისწრაფიან უპირველეს ყოვლისა, რადგანაც მათი სოციალისტობისა და ანარქისტობის საგანი სწორედ ის არის, რომ ამ ერებს განახორციელებიონ დიადი მომავალი და შეუერთონ იგინი სხვა მოძმე განთავისუფლებულ ერებს. მონობა ერისა კი სიკვდილისაქენ მიმართვაა მისი. მკვდარი რას განახორციელებს!

ქართველი ერი -- ერთი დამონებული ერთაგანია. მისთვის უმთავრესი პრობლემა -- თავისუფლებაა გარეგანი. ხოლო შინაგანი პრობლემა -- სოციალიზმი, რამდენადაც საერთოდ ეს პრობლემა არსებობს და შესაძლებელია მისი განხორციელება.

მე პირადად, შვილი ქართველის ერისა, აღვიარებ, რომ ჩემი რწმენა ანარქიისა არა თუ არ ეწინააღმდეგება ქართველ ერის გარეგან თავისუფლებას, არამედ უკანასკნელი აუცილებელია პირველის განხორციელებისათვის; უამისოდ ფუქია ჩვენში ანარქიზმი, სოციალიზმი და სხვა სოციალური იდეალები, რადგანაც ძალით გვართმევენ ეროვნულ სულსა და ლამის-არის სრულიად ამოგვართვან. სოციალიზმი სამქვეყნო იდეალია, საქაოს კი მე ვარ ცოცხალი ეროვნული ინდივიდი, რომელმაც შიგნით უნდა გარდაქმნა საკუთარი სოციალური ცხოვრება და გარედ მოძმე ერებს ძმურად უნდა გაეუწოდო ხელი, როგორც სწორმა სწორის წევრს კაცობრიობისას.

აი ჩემი გულწრფელი მსჯელობა და გულწრფელი დასკვნა.

უზენაესი საერთაშორისო მართალი სამართალი, უზენაესი საერთაშორისო ზნეობა, -- აი რა უნდა იყოს ჩვენი გზის მაჩვენებელი ვარსკვლავი, რომელიც აწმყოში წარგვიტაცებს ეროვნულ თავისუფლებისათვის ბრძოლისაქენ, მომავალში კი მოაწესრიგებს თავისუფალ ერთა კავშირსა.

კომუნისტი და თავისუფლება ინდივიდისა ჩვენს საზოგადოებაში, -- აი რა უნდა იყოს ჩვენი შინაგანი საზოგადოებრივი იდეალი, რომლის განხორციელებაც ღირს-პყოფს ჩვენს ერს მომავალ საერთაშორისო ძმობის წევრობისა.



მუშაობა და შრომა ამ ორი იდეალის განხორციელებისათვის, — აი რა უნდა იყოს ჩვენი პრაქტიკა.

უპირველეს ყოვლისა კი ერის დამოუკიდებლობა, რადგან უამისოდ არაერთარ იდეალს ჩვენთვის აზრი არა აქვს, --- აი რა უნდა იყოს ჩვენი უღრმესი სურვილი და მისწრაფება: სუვერენობა გაგვიასკეცებს საკუთარ სოციალურ შემოქმედების ნიქსა. მონობას არასდროს არა შეუქმნია რა დიადი. ეროვნული მონობა — აი რა არის უარ-მყოფელი საერთაშორისო ძმობის იდეალისა, და არა ერთა დამოუკიდებლობა და სწორუფლებიანობა. ყოველი სახე მონობისა — მტერია „კაცობრიობისა“. ეროვნული მონობა — უმძიმესია ყველაზედ, რადგანაც იგი მონობაა მთელი სოციალური პიროვნებისა.

თუ ეკონომიური მონობა — შავბნელი და აუტანელია, მით უმეტეს ეროვნული მონობაა ათასჯერ უარესი, რადგანაც ეკონომიური მონობა თავის თავად არსებობს დამოუკიდებლად ეროვნულ მონობისა, ხშირად კი კიდევ უფრო ძლიერდება ეროვნულ მონობისაგან, როცა ეს უკანასკნელი მისი საშინელი ზედ-ნართია. თუ ეკონომიური მონობა კუჭის ტკივილია, ეროვნული — მთელი ზორციელსულიერ ორგანიზმის, განსაკუთრებით სულის სნეულებაა კუჭთან ერთად. ჩვენ ორივე გვძაგს და ორივეს ვებრძვით. ამის სახელ-წოდება კი მგონი ვიცი, რომელიც არის.

იდეალი კაცობრიობისა — ყოველ-მხრივი თავისუფლება უნდა იყოს. თავისუფლება და თანასწორობა უნდა ჰქონდეს მინიჭებული როგორც ინდივიდს საზოგადოებაში, ისე სოციალურ ინდივიდს, — ერს საზოგადოებათა საზოგადოებაში, „კაცობრიობაში“. შეიძლება ვერ მივალწიოთ ამ იდეალსა, რადგანაც საზოგადოდ იდეალის მიახლოვება შეიძლება და არა განხორციელება. მაგრამ შეიძლება თუ მთელი კაცობრიობა არა, მისი რამოდენიმე ნაწილი დროებით მაინც დასტკბეს ამ დაახლოვებითი ბედნიერებითა“. — შეიძლება აკრეთვე კაცობრიობა ვერ გახდეს სინამდვილედ, როგორც ერთი დიდი საზოგადოება, მაგრამ იქნებ ადამიანობის იდეალს მაინც მიეუახლოვდეთ კაცთა შორის საზოგადოებაში და ერთა შორის საზოგადოებათა საზოგადოებაში.

საკვირველია, ზოგიერთ ხალხს, მაგალითად ფრანგებს, ერთი და იგივე სიტყვა „Humanité“ აქვსთ ორი ცნების გამოსახატავად კაცობრიობისა და ადამიანობისა. მართლაც, თუმცა კაცობრიობა და ადამიანობა სრულიად სხვა და სხვა ცნებაა, მაგრამ მათ შორის მაინც არის ერთგვარი დამოკიდებულება: რაც უფრო ვრცელდება საზოგადოებრივობის სფერო, მით უფრო ვითარდება ადამიანობაც.

და „ადამიანობის“ იდეალი რომ დაიჭერდეს ადგილს „კაცობრიობის“ იდეალისას ადამიანის შეგნებაში, — ვგონებთ მისთვის ეს უფრო ჰემმარტი, კეთილშობილი და დიადი იდეალი იქმნებოდა.

დასასრულად.



୧ ୬ ୬ ୬ ୩ ୦ ୦



I

ბევრ ისტორიკოსს და კულტურათა მკვლევარს სხვა ძველ ხურჩინთა შორის ერთი ყველაზედ უფრო უშვერი დააქვს თან დასაბამითგან მათი მეცნიერებისა დღემდე: არიან უფრო ნიჭიერნი ერნი მიმცემი მათ კულტურულ ნაშრომებდართა, და ნაკლებად ნიჭიერნი, მიმღებნი უცხოთა წყალობისა. პირველნი არიან უფრო მოქმედნი და შემოქმედნი, უკანასკნელნი უფრო პასიურნი და ორიგინალური შემოქმედების ნიჭს მოკლებულნი. გარეშე პირველთა გავლენისა უკანასკნელნი კულტურულ ერებად ვეროდეს გახდებოდნო, და სხვ...

რომ ერთი ერი უფროა დაჯილდოებული შემოქმედებითი ნიჭით, ვიდრე მეორე, ეს სიმართლე და სინამდვილეა, მაგრამ ამისი მაჩვენებელი სულ სხვა რამ არის, ვიდრე „მიცემა“ და „მიღება“, და გავლენაც ერთისა მეორეზედ და ერთის „გავლენის“ განცდა მეორეს მიერ მათი არც ნიჭის და არც უნიჭობის დამამტკიცებელია.

ზოგიერთ მეცნიერს, გარდა ამ ტყუილი რწმენისა, რომელიმე ერის ისტორიისა და კულტურის არა ნამდვილი ცოდნაც უბნელებს ხედვას. მახსოვს, როდესაც ბერლინში 1500 წლის თავი დაბადების სომხურად თარგმნისა ილღესასწაულეს სომხებმა, მთავარი მომხსენებელი იყო ერთი „გამოჩენილი“ გერმანელი მეცნიერი ორიენტალისტი. გადაშალა რა სურათი სომხური კულტურის განვითარებისა, გადმოგვხედა თვალების ბრიალით იქვე მჯდომ ქართველებს და თქვა: ქართული კულტურა სომხური კულტურის „განალექიაო.“ გარდა ქართული კულტურის უცოდინარობისა და შემოხსენებული „ძველი ხურჩინისა“, რალაც სიძულვილი ქართველებისა, ვინ იცის ვისგან და რად მის გულში ჩანერგილი, ამეტყველებდა ამ მეცნიერს, მაგრამ დარწმუნებული იყო: რომ სომხურმა ქართულს მრავალი სიტყვა „მისცა“ და გახადა იგი „კულტურულ“ ენად; რომ სომხებმა ქართველებს ანბანი „მისცეს“ და ამით საფუძველი ჩაუყარეს მისს მწერლობას; რომ ქრისტიანობა საქართველოში სომხეთითგან შემოვიდა და საღმრთო წერილიც ქართული პირველად სომხურითგან იყო თარგმნილი; რომ ქართული საეკლესიო ხუროთმოძღვრება სომხეთში შექმნილი ხუროთმოძღვრების პირია; რომ ერთობ ქართული ქრისტიანული კულტურა სომხურის მიბაძვავა. მისი „გავლენით“ შექმნილი, და სხვ. და სხვ. — სპარსეთზედ რომ ყოფილიყო ჭაუბარი, იგი აგრეთვე სპარსული კულტურის „გავლენას“ მიაწერდა მთელი ქართული ცივილიზაციის შექმნას, ასე აღნიშნავდა ბერძნულ „გავლენასაც“, და სხვ., ისე, რომ თითქოს ქართველებს საუკუნეთა განმავლობაში არც აზრით, არც გულით და არც ხელით არაფერი ჰქონდესთ შექმნილი. იმეო-

რებდა ეს ყოყლოჩინა მეცნიერი შეცდომებს და ზღაპრებსაც, რაც წარსული საუკუნის სხვისი ნაწერებიდან ამოეკითხა, ხოლო თვით არ იცოდა არც ქართული ენა, არც ქართული პალეოგრაფია (მართლსაჩინოდ არც სომხური), არც ქართული მწერლობა და მისი ისტორია, არც ქართული ხელოვნება და მისი ისტორია, — არც სხვა არაფერი ქართული! მაგრამ აქ ყურადსაღები ის არის, რომ, კიდევ რომ სცოდნოდა მას ყოველივე ესე, სხვათაგან „მიცემულისა“ და ქართველთაგან „მიღებულის“ მაგალითები მაინც საკმარისად ექმნებოდა, რომ სრულიად მცდარი წარმოდგენა ჰქონოდა ქართულ კულტურაზედ.

„საქართველოს მეცნიერებათა აკადემიის“ მოამბეში (ტ. X. 1949 წ. თბილისი) დაბეჭდილია წერილი პროფ. გ. წერეთლისა პასუხად რუსი არქეოლოგის ბორის კუფტინისა, რომლის ბრძნული აზრითაც ქართველი ერის „თვითგამორკვევა“ (?) განსაზღვრა თურმე ირანმა და მისმა კულტურამ, აგრეთვე საბერძნეთისა და რომის კულტურამ. კუფტინი ქართველ ერს აცხადებს მხოლოდ კულტურის მატარებელთაგან გადმომღებლად, როგორც ჩამორჩენილი და მდაბალი კულტურის მქონე ერს. — გ. წერეთელი კარგად უპასუხებს: „ქართველი ხალხის ეროვნულ თვით-გამორკვევას განსაზღვრავდა არა ირანი ან რომი და ბერძნული სახელმწიფოებრივი ერთეულები, ან კიდევ მათთან კავშირი, არამედ ქართველი ხალხის ეროვნულ თვით-გამორკვევას განსაზღვრავდა ის ფაქტორები, რომელიც საფუძვლად უდევს ყოველგვარ ეროვნულ წარმონაქმს“-ო.\*

ეს ერთი მაგალითი ქართველთა „მიმღებლობისა“ და „გავლენის“ განცდისა და მათ მეზობელთა „მიმცემლობისა“ და „გავლენისა“ ქართულ კულტურაზედ ჭერ ვიკმართო, ვითარცა საუკეთესო ზემოხსენებულ აზრთა სრული უაზრობის ნათელ-ყოფად.

არ არსებობს არც ერთი ენა კულტურულ ერთა, რომ მას უცხო, მეზობელთაგან ნასესხები სიტყვები არ ჰქონდეს მიღებული. ბერძნულ ენაში მრავალი სიტყვაა ეგრედ წოდებული „აზიანური“ (დიდი ნაწილი ქართული ძირისა), აგრეთვე სპარსულში, მაგრამ ამით მათი ინდოევროპიული თვისება არ წარმოსილია, და აგრეთვე რაც მათ მეზობელთაგან შეუთვისებიათ, მეტი თვით მიუციათ მეზობელთათვისვე. თუ სომხურს ქართულისათვის სიტყვები „მიუცია“, მეტი ქართულითგან „მიუღია“ უძველესი დროითგან, როდესაც სომხური ტომები, ქართველი ჰან-მეგრელთა ტომების მოსაზღვრენი იყვნენ, — მიახლოვებით მერვე საუკ. ქრ. წ. — და საკვირველია, რომ ეს „მიმცემი“ სომხური ენა ნარევე ენად არის ცნობილი ენათმეცნიერთა მიერ (თვით ნ. მარის მიერაც), შერეული უცხო ელემენტი ქართულია (ჰანურ-მეგრული), ხოლო „მიმღები“ ქართული ენა წმიდა („იაფეტურ“) ენად არის აღსაარებელი, მიუხედავად მისი „მიმღებლობისა“.

ვთქვათ რომ მართალია ლეგენდა მესროფ-მამტროცის მიერ სომხური ანბანის „გამოგონებისა“ და შემდეგ მის მიერვე ეროვნულ ანბანთა მიცემისა ქართველთათვის და ალბანელთათვის. დავანებოთ თავი ეჭვს, თუ რად შეიწუხა თავი მესროფმა ქართველთა და ალბანელთათვის ეროვნულ ანბანთა მიცემისათვის, რად არ გადასცა პირდაპირ სომხური, რომელიც აგრეთვე ქართულ ბგერებს გადმოგვცემს. ხოლო რა დამამკირებელი იქმნებოდა სომხური ანბანის მიღება ქართველთათვის ან რომელიმე სხვა ერისათვის? ლათინური ანბანი ევროპის ერთა დიდ უმეტესობას აქვს მიღებული, მაგრამ ამიტომ ისინი უნიკო „გადმომღებლებად“ უნდა გამოვაცხადოთ? ხოლო საქმის ვითარება სულ სხვაა: მესრო-

\* ამ ცნობისათვის დიდ მალღობას უძღვნი ბ-ნ ექიმ გივი კობახიძეს (ნიუ-იორკიდან).

ფის ლეგენდა სომხის ისტორიკოსის კორიუნის თხზულებაში შემდგომად მისი დაწერისა არის ვილაც ინტერპოლატორისაგან ჩამატებული (ჩალაც მიზნით). თვით სომხური ანბანიც და ქართული ანბანიც მეხუთე საუკუნეზედ (ქრ. შ.) დიდად უფრო ადრეა „გამოგონილი“, — ი. ჭავჭავაძის პალეოგრაფიული გამოკვლევით ქართული დაახლოებით მეექვსე საუკუნეში ქრ. წინათ. ქართული ანბანი როგორც ბერძნული, სომხური და სხვა დამოუკიდებელნი განშტოებანი არიან ეგრეთ წოდებული ფინიკიური ანბანისა, რომელიც მისი თვისების გამო ბგერათა (და არა მარტვალთა) გარდმოცემისა მრავალ განშტოებათა სახით გავრცელდა მთელ კულტურულ წინა-აზიაში და ევროპაში. მეხუთე საუკუნეში ქრ. შემდეგ უკვე განვითარებული. მაღალ ხარისხზედ მდგომი ქართული და სომხური მწერლობა არსებობდა, რომლის შექმნა წარმოუდგენელია ანბანთა „გამოგონების“ მოკლე დროის შემდგომად. რომ სომხური და ქართული წარმართული მწერლობის ან დამწერლობის ნაშთი ჯერ არ აღმოჩენილა, ეს არაფერს ამტკიცებს. — და ყოველივე ეს ნებას გვაძლევს ვთქვათ, რომ ერებმა წინა-აზიისა და ევროპისა ფინიკიელებს უნდა დაუმაღლონ მათი „კულტურული თვითგამორკვევა“ (?!), — ფინიკიელებს, რომლებიც თვით აროდეს აულან არც ძველი ბერძნული და არც შემდეგი ქართული კულტურის სიმაღლემდე? ამას გარდა, დაეუკვირდეთ ყოველ ეროვნულ ანბანს, ფინიკიურის განშტოებას, და ჩვენს თვალს წარმოუდგება წინ განსაკუთრებული სახე, ინდივიდუალობა თვითულის მათგანისა, ვითარცა ეროვნული შემოქმედება, და მივხედებით, რომ აქ სხვა ძალას უმოქმედია.

ხუროთმოძღვრება ქართული სომხურის პირად ითვლებოდა და გერმანელმა ხელოვნებისმეცნიერმა შტრიგოვსკიმ სომხური ხუროთმოძღვრების „გავლენა“ არა თუ საქართველოზედ, არამედ ბიზანტიაზედ გაავრცელა და იტალიამდისაც კი მიიყვანა იგი. რასაკვირველია ქართული სტილი ღმრთის სახლთა სომხურს ჰგავს, მაგრამ იგი მისგან საგრძნობლად განსხვავდება, როგორც მაგ. ლათინური ანბანი ბერძნულისაგან. ჩვეულებრივი დამკვირვებელის თვალისათვის ცხადია: სინაზე, მარტივი კეთილშობილობა ხაზთა, აღმაფრენა აგებულიობისა, რაიცა ქართულ ეკლესიათა ინდივიდუალური თვისებაა, — და სხვაეც ბევრი რამ არის განმასხვავებელი ქართული და სომხური ხუროთმოძღვრებისა, რაის შესწავლა და ნათელყოფა სპეციალისტთა საქმეა. — ამიტომ ქართული ხუროთმოძღვრება ქართულ ხუროთმოძღვრებად რჩება, სომხურის წაბძვითაც რომ იყოს იგი პირველად შექმნილი, სრულიად თავისებურად და ქართველის სარწმუნოებრივ განცდათა გამოხატულებად. მაგრამ ყურადსაღები იქ ის არის, რომ შტრიგოვსკიც და მისი წინამორბედი მეცნიერებიც სცდებოდნენ, როდესაც ისინი ამ ხუროთმოძღვრების წარმოშობის ნიადაგად სომხეთს სთვლიდნენ. ქართული ძეგლები „სომხური ხუროთმოძღვრებისა“ უფრო ძველი აღმოჩნდა ვიდრე სომხური და უახლესმა კვლევა-ძიებამ (გ. ჩუბინაშვილისა, ამირანაშვილისა და სხვ.) ცხადჰყო, რომ ეს ხუროთმოძღვრება საქართველოში დაიბადა და არა სომხეთში. საქართველოთგან გავრცელდა მისი „გავლენა“ არა მარტო სამხრეთისაკენ და სასწრეთ-დასავლეთისაკენ, არამედ ჩრდილოეთისაკენაც. ეს ძლიერ არ ეამა განსვენებულ შტრიგოვსკის და მის სკოლას, მტრული გრძნობებით და სიმართლის მძებნელი მეცნიერის არა შესაფერისი სიტყვებითაც კი დაეტაკენ ისინი ქართველ მეცნიერთ და მათ მსგავსად მოაზრეთ, მაგრამ სიმართლე სიმართლედ დარჩა, იგი რისხვით და წყრომით არ წარიშლება, ხოლო ამით არც სომხის ხელოვნ-

ნებით ნიკს დაჰკლებია რამ და არც მისი ხუროთმოძღვრების ეროვნულობას და ორიგინალობას.

ქართული მწერლობა, რომლის დასაწყისი ჩვენ ვიცით მეხუთე საუკუნითგან ქრ. შ., აგრეთვე ქართული შემოქმედების ნაყოფია. თარგმანი საღმრთო წერილისა უცხო ენებითგან ამის წინააღმდეგ სრულიად არაფერს მოწმობს. ქრისტიანი ერები ურთი-ერთის ენათაგან სთარგმნიდენ რელიგიური შინაარსის თხზულებებს: ლათინები ბერძნულითგან ბერძნები სირიულითგან, სირიელები ბერძნულითგან, სომხები სირიულითგან და ბერძნულითგან, ქართველები სირიულითგან, სომხურიდან და ბერძნულითგან და სხვ.. ქართული თარგმანები უმთავრესად ბერძნულითგან არის ნაწარმოები. გიორგი მთაწმინდელი ამბობდა, — ჩვენ გვექონდა კეთილი თარგმანები საბა-წმიდური (ე. ი. წმ. საბას ქართულ მონასტერში თარგმნილი) და ხან-მეტყუაო. მხოლოდ რამოდენიმე წიგნი ითარგმნა სომხურიდან. თავის დროზედ ნ. მარმა ძლიერ შეუტია გიორგი მთაწმინდელს, — ვნახავთ. თუ მართო „რამოდენიმე წიგნი“ ითარგმნა ქართულად სომხურიდანო მაგრამ მიუხედავად ბევრი ჩხრეკისა მან ვერ დაამტკიცა მთელი უძველესი ქართული საქრისტიანო მწერლობის სომხურიდან თარგმნა და დაჩუმა. გიორგი მთაწმინდელის ცნობა კი მართალი გამოდგა: აღმოჩნდნენ პალიმფსესტები მეშვიდე საუკ. ხან-მეტი ტექსტებით, — უფრო ძველი, ვიდრე სომხური ძეგლები, ცხადი ნიშნებით ბერძნულითგან თარგმნილობისა. აქ საკვირველი არაფერია, რათგანაც ქართველები ქალკედონური მართლმადიდებლობის მიღებისა და სომეხთაგან სარწმუნოებრივად განყოფის შემდეგ სომხურიდან საღმრთო წერილის თარგმნას მიუღებლად ჩასთვლიდენ. ქართველთა მონასტრები აგრეთვე განსაკუთრებით ბერძნულ საქრისტიანო სფეროში მოღვაწეობდენ და შესანიშნავ ათონის იბერთა მონასტერში დამთავრდა თარგმნა საღმრთო წერილისა ბერძნულითგან დიდ ქართველ მწერალთა მიერ. — პალიმფსესტთა აღმოჩენამ დიდად აღაშფოთა „მიცემისა და მიღების“ მეცნიერები, განსაკუთრებით ნ. მარი და მისი მოწაფე დონდუა. ეს ფაქტი ცხადი მხილება იყო მათი თეორიის სიცრუვისა, და იგინიც არა მართებული სიტყვებით გაცოფებულნი შეებრძოლენ ივ. ჯავახიშვილს, — მეცხვე საუკ. უნდოდათ პალიმფსესტების ვადმოტანა, — მაგრამ ივ. ჯავახიშვილის მაგარი და დასაბუთებული პასუხის შემდეგ „მიცემისა და მიღების“ თეორეტიკოსები კვლავ დადუმდენ. —

პაგიოგრაფიული მწერლობა ქართული (მოწამეთა და წმიდათა ცხოვრების აღწერა) ორიგინალურიც არის და ნათარგმნიც. აქაც ქართული საქრისტიანო მწერლობა იმავე გზას აღგა, რაგვარსაც იგივე მწერლობა სხვა ქრისტიან ერთა: აღწერდენ ეროვნულ მოწამეთა და წმიდათა ცხოვრებას და სთარგმნიდენ უცხოთა ცხოვრების აღწერას იმ ენებითგან, რომელითაც იგი იყო დაწერილი. ხოლო რაგვარადაც პალიმფსესტთა ქართული ჰმოწმობს, რომ იგი იყო შედეგი ქართული სამწერლობო ენის ხანგრძლივი განვითარებისა, ნაყოფი ქართული მეტყველებითი შემოქმედებისა, აგრევე ენა ქართული პაგიოგრაფიულ თხზულებათა, თარგმანთა და უფრო ორგინალურთა, გვაჩვენებს, თუ სიმაღლის რა საფეხურისათვის მიუღწევია სამწერლობო ქართულს მეხუთე საუკუნითგან მეთემდე: „წმ. შუშანიკის ცხოვრება“ იაკობ ხუცესისა (V ს.), „აბო თბილელის ცხოვრება“ იოანე საბანისძისა (VIII ს.), „გრიგოლ ხანძთელის ცხოვრება“ გიორგი მერჩულისა (X ს.), „იოანეს და ეფთვიმეს ცხოვრება“ გიორგი მთაწმინდელისა (XI ს.), „გიორგი მთაწმინდელის ცხოვრება“ გიორგი ხუცეს-მონაზვნისა (იმავე დროისა) და მრავალი სხვა მაღალი ღირების სამწერლობო ძეგლები.



თია. ფრიად მხატვრული ენით დაწერილი, სანდო ისტორიული წყაროები საქართველოს ისტორიისათვის, უაღრესად ორიგინალური და არა უცხოთა წაბადვით შეთხზული, შინაარსით უფრო მდიდარი და სანტერესო ვიდრე მრავალი ბერძნული, სირიული და სხვა პაგიოგრაფიული თხზულებანი. ეს იყო და მათმა ღრმად შემსწავლელმა მამა პეტერსმა და ამიტომ სთარგმნიდა მათ საქრისტიანო პაგიოგრაფიული მწერლობის გამდიდრებისათვის. და ეს შესანიშნავი ძეგლები მით იყო შესანიშნავი, რომ იგი „გავლენას“, „მცემას“, „წაბადვას“ კი არ შეუქმნია, არამედ ნიჭით აღსავსე ქართველ მწერალთა კლასმა „აღწერა“ იგი. რომელთაც ეროვნული ტრადიცია ქონდათ მწერლობისა.

თვით „წმიდათა ცხოვრებებში“ იყო შთაჩენი ქართული საისტორიო მწერლობისა. ხოლო პოლიტიკურმა ცხოვრებამ ერისა დაბადა საქაროება „ამბავთა“, „საქმეთა“, „მეფეთა ცხოვრების“ აღწერისა, საქართველოშიც ისევე, როგორც ყველგან, სადაც ერს პოლიტიკური ცხოვრება ჰქონდა და მერვე საუკუნითგან უკვე ჩვენ ვახედავთ დამოუკიდებელ დარგს ისტორიული შინაარსის ქართული საერო მწერლობისა. თუ პირველი საისტორიო თხზულებანი ზოგნი ქრონიკანი არიან, ზოგნი ლეგენდარულ ამბავთა მომთხრობნი, ასეთ მოვლენას ყველა ერთა საისტორიო მწერლობაში ვახედავთ. მაგრამ „ქართ. ცხოვრების“ (ან „წმ. ნინოს“ ცხოვრების) ლეგენდები ამავე დროს იმდენ მნიშვნელოვან და ნამდვილ ცნობათ შეიცავს, გარდამონაცემთ უშორეულესი წარსულითგან ჩვენი ერისა, რომ მათი გამოყენება მეცნიერულად დღესაც არ დამთავრებულა. ხოლო ქართული ისტორიული თხზულებანი თანამედროვეთა ისეთი განსაკუთრებული წესით. მეცნიერული მეთოდით, სიმართლის სიყვარულით და ღირსებით აღსავსე სტილით არიან დაწერილნი, რომ მათი მკვლევარი ამ თვისებებით ქართულ საისტორიო თხზულებათა განცვიფრებული და ალტაცებულაც რჩება. „ძატიანე ქართლისაჲ“, „ცხოვრება მეფეთ მეფისა დავითისი“, თამარ მეფის ისტორიკოსთა თხზულებანი („ისტორიანი და აზმანი“ და სხვ.), ეამთა-ალქწერელის თხზულება (მონღოლთა ხანისა, XI-XIV ს.) არა ჰგვანან არც სომხურს, არც არაბულს და არც ბერძნულს საისტორიო თხზულებებს (თუმცა ქართველმა ისტორიკოსებმა კარგად იცოდენ უცხოთა საისტორიო მწერლობა და განსაკუთრებით ბერძნულს აქცევდენ ყურადღებას). მათ აზის ბეჭედი უაღრესი ორიგინალობისა, მიუხედავად იმისა, რომ ჩვენი ისტორიკოსები უცხო წყაროებითაც სარგებლობდენ, — სხვანაირად ისტორიის წერა არც შეიძლება, — და აქ არც „მოცემაზედ“ უცხოთა მიერ და არც მათ „გავლენაზედ“ და „წაბადვაზედ“ საუბარიც არ შეიძლება. ეს თხზულებანი, აღსავსენი ნამდვილი ცნობებით, დაკვირვებებით და მალალი, უშიშარი და კეთილშობილი აზრებით უმთავრესნი წყარონი არიან ჩვენი ისტორიისათვის და სამართლიანადაც. მათი ნაკლი ის არის, რომ ისე ვრცელნი და იმდენ ცნობათა შემცველნი არ არიან, რაგვარადაც დღეს ჩვენთვის სასურველი იქმნებოდა, მაგრამ ერთობ მათი თვისებით და შინაარსით იგინი მათი დროის უცხო საუკეთესო ისტორიულ თხზულებათ არ ჩამოუვარდებათ.

ქართული სიტყვა-კაზმული მწერლობის წარმომშობი ქართველი ხალხის თხრობისა და მღერის მოთხოვნილება იყო, როგორც ყველგან, სადაც ასეთი მწერლობა შექმნილა. განსაზღვრულ პირობებში, განსაზღვრულ საფეხურზედ ერის კულტურული განვითარებისა ჩნდებიან დიდი ხელოვნებით შექმნილნი ძეგლნი სიტყვის დიდ ხელოვანთაგან, და რაც უნდა ჰქონდესთ მათ უცხოთაგან „მიღებული“ და „შეთვისებული“, ფესვები მათ ქმნილებათა ერის სულშია, და ნიჭი მათი აშენებისა. შემქმნელი მათი ღირებულებისა, შემოქმედის. მამენე-

ბელის კუთვნილებაა, და არა გარეთგან ვისგანმე მოცემული. „სიბრძნე ბალავარისა“, ეს მშვენიერი თარგმანი თუ ვადაკეთება (XI ს.) შეიძლება სირიული ვერსიისა, სასიამოვნო საკითხავ წიგნად დარჩა ქართველთათვის, ვითარცა სასულიერო რომანი, მაგრამ ჩვენი სიტყვა-კაზმული მწერლობისათვის მას მიმართულება არ მიუცია. ეფთვიმე მთაწმინდელმა იგი ბერძნულად თარგმნა ქართულითგან და შემდეგ იგი მთელს ევროპაში გავრცელდა, მაგრამ ევროპის ერთა სიტყვა-კაზმული მწერლობა ამით არ დამდგარა განვითარების განსაკუთრებულ გზაზედ. ერთობ არც სომხურს, არც სირიულს და არც ბერძნულს სიტყვა-კაზმულ მწერლობას ქართულ სიტყვა-კაზმულ მწერლობაზედ არავითარი ისეთი გავლენა არ მოუხდენია, რომ მისთვის გზა გაეჩინოს განვითარებისა, და ვერც მოახდენდა, რათგანაც მათი ლირებულება ძლიერ მდარე იყო. — საუბარიც კი ძნელია საშუალო საუკუნეთა სომხურ, სირიულ, თვით ბერძნულ სიტყვა-კაზმულ მწერლობაზედ!

„წასაბაძავი“ მაგალითი ჩვენი სიტყვა-კაზმული მწერლობისათვის არაბულ-სპარსული სიტყვა-კაზმული მწერლობა იყო, — უფრო სპარსული, — მაგრამ ძირი ჩვენი სიტყვა-კაზმული მწერლობისა არც ამ წაბაძვაშია. მის დასაწყისს ჩვენ ვხედავთ უკვე „წმ. შუშანიკის ცხოვრებაში“, „წმ. გრიგოლ ხანძთელის ცხოვრებაში“ და სხვ... რუსთველის ლექსით არის დაწერილი „ბეთლემის საგალობელი“ ფილიპესი (X ს?), ეს ლექსი კი „ხალხური“ იყო და დარჩა დღემდე საქართველოს ყველა კუთხეში.

ქართული ფეოდალური კულტურის წიადში აღზრდილნი ხელოვანნი სიტყვისა დიად „განათლებულნი“ იყვნენ: მათ იცოდნენ ბერძნული, სპარსული, არაბული მწერლობა. მრავალი სახე ამ მწერლობათა ქმნილებათაგან რასაკვირველია მათ თვალწინ უდგათ და მოსწონდათ კიდევ. მაგრამ მათი შემოქმედება აქეთგან კი არ მომდინარეობდა, არამედ იგი იყო წმიდა ეროვნული, ქართული პატრონ-ყმობის საზოგადოებრივობის და კულტურის ნიადაგზედ შესაძლებელი.

ქართველ „შემსხმელთა“ ლექსები არც ბერძნულისა და არც სპარსულ-არაბულის წაბაძვით არ იყვნენ დაწერილნი, არამედ კარის პოეტთა, ქართული კარის კულტურის მქონეთა მიერ, თუმცა მათ ლექსებში ბერძნული სიტყვებიც არის და სხვა უცხოც. „ამირან-დარეჯანიანის“ სპარსულ ორგინალს, საითგანაც ის უნდა იყოს თითქოს „გადმოკეთებული“, ამაოდ ეძებენ მკვლევარნი, იგი არ არსებობს. „ამირან-დარეჯანიანი“ ქართული რაინდული ცხოვრების მოთხრობაა მაღალი ხელოვნებით, და მაშინდელი ნიღაბით, თითქოს უცხო ქვეყნებში იქმოდნენ რაინდნი მათ დიდ „საქმეთ“. სპარსული გავლენა სომხეთში კიდევ მეტი იყო ვიდრე საქართველოში, მაგრამ იქ „ვეფხისტყაოსანი“ არ დაწერილა და არც თვით სპარსეთში დაწერილა მსგავსი რამ. რუსთველის სიტყვები: „ესე ამბავი სპარსული, ქართულად ნათარგმანები, ეპოვე და ლექსად გარდავთქვიო“, — ესეც ნიღაბია, რათგანაც რუსთველს „შეფარვით“ უნდოდა „ექო“ თავის თხზულებაში საქართველოს ხელმწიფენი. ცხადად მან იგინი „აქო“ „ისტორიათა და ამბათა“ შინა. — რუსთველის „კარის პოეტობა“ ზღაპარია. იგი თავისუფალი, დიდი ხელოვანი იყო, მაგრამ რიდი მეფეთა, რომელთა ცხოვრება „სახედ და დარად“ არის „ვეფხისტყაოსანში“ თქმული, მაინც ჰქონდა მას, და ამიტომ მოიგონა მან სპარსული ამბავი, „ქართულად ნათარგმანები“. ვახტანგმა ეს იცოდა და ამბობს: „სპარსუიდ ეს ამბავი არსად იპოება, ამბავიც თვითონ გააკეთა

(რუსთველმა)“-ო და სხვა \* რუსთველის „ვეფხისტყაოსანში“ სჩანს ელემენტები მისი დროის კულტურული გარემოცულობისა, მაგრამ იგი წმინდა ქართული ძეგლია სიტყვის ხელოვნებისა მაშინდელი ქართული პატრონ-ყმობისა და მისი კულტურული გარემოცულობის ნიადაგზედ შექმნილი, და ამიტომ არ შეიძლება იყოს იგი ნაყოფი ან სპარსულ-არაბული ან სხვა უცხო გავლენისა, რადგანაც ქართული პატრონ-ყმობა დიდად განსხვავდებოდა მაშინდელი სპარსულ, არაბულ ან ბიზანტიურ საზოგადოებრივ ანაგებთაგან. იგი დასავლეთ-ევროპიულს უფრო ჰგავდა ვიდრე ამ უკანასკნელთ, მიუხედავად იმისა, რომ საქართველოს დასავლეთ ევროპასთან ისეთი ახლო კავშირი არ ჰქონია, როგორც აღმოსავლეთ რომთან და აღმოსავლეთთან. ამისი მიზეზი ღრმად და განსაკუთრებული, რაიცა სპეციალური კვლევის საგანი უნდა იყოს, და აქ ამხედ სიტყვას ვერ განვავრცობთ.. ხოლო შეითხველმა ყურად უნდა იღოს შ. ნუტუბიძის მიერ ღრმად გამოკვლევა რუსთველის მსოფლიოს-ხედვისა და სხვ., რომ დაინახოს, თუ ვინ იყო რუსთველი და რაგვარია მისი შემოქმედება (იხ. მისი „რუსთველის სოფლმხედველობისათვის“, შრომები I, გვ. 1—54). აქ დაკვირვებული მკითხველი „სპარსული ამბავის“ არ არსებობის სიცხადესაც განიცდის და მაშინ საეჭვებით წარმოიდგენს სიმრუდეს იმ გზისა, რომელსაც ადგენ რუსთველის მკვლევარნი, ეძებდენ რა ამოდ „ვეფხისტყაოსნის“ სპარსულ „ორიგინალს“, აცხადებდენ რა თვით რუსთველს მუსულმანადაც კი და სხვ. და სხვ.. — რუსთველის მეფენი არაბთა შეიხები და სპარსეთის შაჰები არ არიან, არც მისი რაინდები სპარსთა „პილოტანები“, არც თინათინი და ნესტანდარეჟანი ჰარამხანის ან გინეციონის ქალები, არამედ ფეოდალური საქართველოს მეფენი, რაინდნი და დედოფალნი, მიუხედავად ბევრის რაისამე გარეგნულისა, რაიცა „გ. ტ“-ში „სპარსულია“, ან „არაბული“, „ბერძნული“ და სხვ..

უცხო გავლენა და უცხოს ბაძვა ჩვენი დაცემის დროს იყო, როდესაც მონღოლთა მიერ საქართველოს განადგურების შემდეგ ორმა მძლავრმა იმპერიამ საუკუნეთა განმავლობაში ძიძგნა ჩვენი ერის სხეული და შემოქმედებითმა ძილამ ერისა იკლო. მთელი სამხრეთ-დასავლეთი საქართველო დაიღუპა ეროვნულად და იქ სულ გაქრა ეს შემოქმედებითი ძალა, ხოლო დანარჩენ საქართველოში სხვა და სხვა — „იანთა“ თარგმანებით და მიბაძვით იყვნენ კმაყოფილნი, რათგანაც მთელი ენერგია ერისა სიკვდილისაგან გადარჩენას ეწირებოდა და კულტურული შემოქმედებისათვის არც სიწყნარე, არც მოცალეობა, არც მყარი წეს-რიგი ცხოვრებისა აღარ იყო. აქ სხვა მოვლენათა შორის სულხან-საბა-ორბელიანს შეგვიძლია მივაპყროთ თვალი შემდგომად ამ დიდი დაცემის ხანისა და მის შემდეგ ბესიკს, ვითარცა სასწაულთ ქართული შემოქმედებითი სულის სრულიად არ გაქრობისა. მაგრამ განვლეს რა ამ „შავთა დროთა“, მეცხრამეტე საუკუნეში, მიუხედავად პოლიტიკური დამონებისა და მიმძლავრებელთა წინააღმდეგომ ბრძოლისა, ქართული შემოქმედებითი სული კვლავ გაცხოველდა: მოგვევლინენ ნ. ბარათაშვილი, გრ. ორბელიანი, შემდეგ ილ. ჭავჭავაძე, აკაკი წერეთელი, ვაჟა-ფშაველა და სხვანი, შემდეგ გრ. რობაქიძე და სხვანი. მწერლობის გარდა კულტურის სხვა დარგებშიც გამოჩნდა შემოქმედებითი ნი-

\* დანარჩენი სიტყვები ვახტანგისა: „და ლექსიდაც ამისთვის უბნობს, რომ სპარსის ლექსის ბაძვად რომ სთქვა, სპარსული ამბავი ქართულად ვსთარგმნეო“, გუგუგუბარია: რუსთველს „სპარსის ლექსის ბაძვად“ არ „უთქვამს“, არამედ ქართული მღერის ლექსით თქვა. და არც ის უთქვამს, „სპარსული ამბავი ვსთარგმნეო“, არამედ „სპარსული ამბავი, ქართულად ნათარგმანები“, ვპოვე და გავლექსეო (იხ. ვახტანგისეული „გ. ტ“-ი 1712 წლისა, აღდგენილი ა. შა-ნაიძის მიერ, ტფ. 1937, გვ. სეჟ).

ქი ქართველისა, და წარმოიშვა ახალი ქართული კულტურა ახალგარემოცულობაში, რომელიც, მიუხედავად საქართველოს ახალი ურთიერთობისა სხვა კულტურულ ერებთან, ისევეა ქართული და არა რუსული ან წმიდა ევროპული, რაგვარადაც ძველი ქართული კულტურა იყო ეროვნული და არა სპარსულ-არაბული ან ბერძნული, მიუხედავად ქართველთა მაშინდელი ურთიერთობისა მეზობელ კულტურულ ერებთან. ვაჟა-ფშაველას, აკაკი წერეთლის, გრ. რომაძის შემოქმედებაში ისევე არაფერია რუსული, ან ფრანგული, ან გერმანული, რაგვარადაც რუსთველის შემოქმედება არ იყო სპარსული ან ბერძნული.

რომელი „გავლენით“ ან „წაბადებით“ იყო შექმნილი ქართული მუსიკა, ეს საკვირველი და უაღრესად შვენიერი სხვა ერთა მუსიკათა შორის? ძველი ქართული საეკლესიო მუსიკა უძველესი საწარმართოთგან მომდინარეობდა, რაც დღეს დავგრჩენია მისგან, იგი უმაღლესი ღირებისაა და წმიდა ეროვნული. ასევე მდიდარია და მშვენიერი ქართული საერო მუსიკა, და უნდა მოველოდეთ, და ეს მოლოდინიც გამართლდება, რომ ქართველი მუსიკის შემოქმედნი კაცობრიობას უდიდეს მუსიკალურ ქმნილებათ მიუძღვნიან ფას-დაუდებელ ძღვნად, ვინაითგან ის ერი, რომელმაც ასეთი „ხალხური“ მუსიკა შექმნა, მისგან უდიდეს ქმნილებათა შემთხვევლათაც წარმოშობს.

ასევე შეგვიძლია განვიხილოთ ყოველი დარგი ქართული კულტურისა. ზოგან მეტი სჩანს ქართული შემოქმედებითი ძალა, ზოგან ნაკლები, მაგრამ ამ მოვლენას ყოველი ერის კულტურის ისტორიაში ვპხედავთ. მთავარი ის არის, რომ ყველგან სჩანს ნამოქმედარი ერის სულიერი ენერჯისა.

და ბოლოს, რომელი „გავლენით“, ან ხელისშეწყობითაც კი შეიქმნა საქართველოს სახელმწიფო და შემდეგ კავკასიის იმპერია, საქართველოს სახელმწიფო საფუძველზედ დამყარებული? ირანისა, რომისა, საბერძნეთისა? არა, არამედ სწორედ მათ წინააღმდეგომ ბრძოლით შექმნეს ქრ. წინათ ქართველთა ტომებმა უძნელეს პირობებში კავკასიის ნიადაგზედ საქართველოს სახელმწიფო, რისთვისაც კულტურაც დიდი იყო საჭირო, პოლიტიკური შემოქმედების ნიჭიც და ეროვნული შეგნებაც. — ქრ. შემდეგ, საშუალო საუკუნოებში, საქართველოს სახელმწიფომ შეუქმნა ქართველ ერს ყოველი პირობა ახალი კულტურული განვითარებისათვის და მე-XI-XII ს. ვხედავთ მდიდარს, ძლიერს და კულტურისა ქრისტიანულ საქართველოს, რომელმაც შესძლო მთელი კავკასიისა და სომხეთის შემოერთებით მაშინდელი დროისათვის დიდი იმპერიის შექმნა, — არა შემოერთებულ ერთა შეწუხებით და მათი გადადგვარების პოლიტიკით, არამედ მათი ეროვნებისა და სარწმუნოების პატივისცემით და მათი დაცვით საერთო მტერთა წინააღმდეგ, თუ ეს დიდი პოლიტიკური სხეული მონღოლებმა დაამხვეს (ამის მიზეზებზედ აქ საუბარი არ გვმართებს), პოლიტიკურადაც დაშლილ ქართველ ერს კიდევ შესწევდა ძალა საუკუნეთა განმავლობაში ორ დიდ იმპერიას გამკლავებოდა ისე, რომ არ აღიგავა პირისაგან მიწისა. მან საუკუნე-ნახევრის რუსის ბატონობასაც გაუძლო. დღესაც განაგრძობს იგი არსებობას, ვითარცა კულტურული ერი, გამომჩენი შემოქმედებითი კულტურული ძალისა, მიუხედავად მის პოლიტიკურ ბორკილთა და ერთხელ განთავისუფლებული ამ ბორკილთაგან ამ ძალას იგი უფრო მეტი რაოდენობით გამოიჩენს. და ყოველივე ამას იგი დიად არვის უნდა უმაღლოდღეს თვინიერ თავისათვისა!

ასევე შეგვიძლია განვიხილოთ ყველა ერთა კულტურა: ზოგან ვინილავთ მეტს ნიჭს ეროვნული შემოქმედებისა, ზოგან ნაკლებს, ზოგათა კულტურის ერ-

თი დარგის უფრო მაღალ განვითარებას, ვიდრე მეორისა, და სხვ.. მაგრამ ყოველი ერის კულტურა ერთობ ეროვნული შემოქმედებითი ძალის მიერ ქმნილად მოგვევლინება. მიუხედავად იმ გარემოცულობისა, სადაც ეროვნული ენერჯია მოქმედებდა, უცხო საც ითვისებდა, ხოლო ეროვნულად გარდაჰქმნიდა.

და ყოველი მტრული ისარი, გამოსროლილი რომელიმე ერის წინააღმდეგ მის დასაპირებლად თვით „მეცნიერთა“ მიერაც, არის მხოლოდ „სიტყვა უმეტრული“, რომელიც უფრო მსროლელთ ავნებს, ვიდრე მათი სროლის საჯანს.

რა უნდა თქვას მაგ. კუფტინმა, თუ მისი სიბრძნით, რომლითაც მან ქართულ ერს მეზობელთა მიერ „გამოარკვევია თავი“ და თვით იგი რაღაც ჩამორჩენილ ერად დასახა, მის მშობელ ერს მიუვლექით? რუსებს ანბანი „მისცეს“ კოპტებმა, ქრისტიანობა ბერძნებმა, პირველი სახელმწიფოებრივობა სკანდინაველებმა. აუარებელი სიტყვა მათი ენისა ფინებმა და მონღოლებმა ამ უკანასკნელებმა წესი ცხოვრების გარიგებისა, შემდეგ ევროპიელებმა ევროპიული განათლება და სახელმწიფოებრივობა, კერძოდ გერმანელებმა დინასტიაც კი, და სხვ.. ნუ თუ ამით მოხდა კულტურული და სახელმწიფოებრივი „თვითგამორკვევა“ რუსის ერისა? კუფტინი რასაკვირველია სხვას გვეტყოდა და დიდი სიამაყით მოგვითხრობდა თვისი ერის შემოქმედებით ნიჭზედ, და საძართლიანადაც, ხოლო იგი მისი საკუთარი დებულების წინააღმდეგ უნდა წასულიყო აუცილებლად, რომელიც მის საქართველოსთვის მიაჩნია მართლად, თვის ერისათვის კი არა: დიახ, მიუხედავად უცხოთაგან მრავლის „მიღებისა“, რუსის ერმა თვით შეჰქმნა თვისი კულტურაც და თვისი სახელმწიფოებრივობაც. და ბოლო ხანაში თვისი ისტორიისა, შემოიგლიჯა რა უცხო, გამოჩნდა იგი თვისი წმიდა ბუნებით, და ეს მისი ბუნება ასეა მისი განსაკუთრებულ ბეჭედს დღევანდელ მის კულტურასაც და მის სახელმწიფოებრივობასაც!

შეუსაბამოა ხშირად ერისა და პიროვნების შემსგავსება. მაგრამ მიუხედავად ამისა აქ ერთი რამ უნდა მოვიგონო: ლ. ტოლსტოის თვისი რაგვარადაც უცნაური ისე მცდარი ფილოსოფიით და მართლ-საჩინოდ თვისი ბუნებითაც დიდი კაცები ეჩხირებოდა თვალში და მათ ჩამოგდებას პლამობდა მათ მაღალ კვარცხლბეკთაგან: ჯერ ნაპოლეონს მოუნდომა ჩამოგდება, მერმე დანტეს და შექსპირს, მერმე „მუსიკის შექსპირს“ ბეთჰოვენს. ხოლო ვერც ერთი ვერ ჩამოაგდო განსვენებულმა, ის გიგანტები კვლავ დგანან შეურყევლად მათ მიუწოდომელ სიმაღლეზედ და იქვე დარჩებიან მარად, ვიდრე კულტურული კაცობრიობა არსებობს, თვით ტოლსტოის სიდიდე კი რაც დრო გადის, მით უფრო კლებულობს. ასევე კულტურული ერის ჩამოგდება მისი სიმაღლითგან, რომელსაც მახ მიაღწია საუკუნეთა განმავლობაში ღვაწლით და შემოქმედებით, მისი კულტურის გამოცხადება რომელიმე მეზობლის კულტურულ განაღუკად, და სხვ., უაზრობაა და უმეტრება. საწყალი რომის კულტურაც „მიცემისა“ და „მიღების“ ფილოსოფოსთა სიბრძნით ბერძნულს წმიდა „განაღუკად“ ჩაითვლებოდა! ხოლო, მადლობა უფალს, ეს „ბრძენნი“ რომს ძვირად უბედავენ, რაიმე მსგავსი ჰქადრონი!..

## II

სამხრეთ შუა-მდინარის ქვეყანა და ეგვიპტე ითვლება მეცნიერების მიერ ორ უძველეს ნიადაგად, სადაც შეიქმნა და განვითარდა ის კულტურა, რომლის შემკვიდრე თანამედროვე კულტურული კაცობრიობა არის. ამ ორ ადგილს შექმნილან თითქოს „დამოუკიდებლად“ სუმერული და ეგვიპტური კულტურა-

ნი იქ მცხოვრებ ერთა მიერ, და გავლენა ამ კულტურათა საუკუნეთა განმავლობაში ძლიერი იყო შემდეგ ისტორიის ასპარეზზედ გამოსულ სხვა ერთა კულტურაზედ, და ელემენტები მათი დღემდე დარჩენილან. — დაახლოვებით 6.000 წლის ყოფილა კულტურა, რომელიც განსაზღვრული სახელ-წოდების ერთ შეუქმნიათ დღემდე და რომლის კვლევაც და ისტორიის დაწერაც შესაძლებელია იმ ნაშთთა მიხედვით, რომელნიც ამ ერთა შემოქმედებას დაუტოვებია. — ზოგიერთი მკვლევარი ჩინურ კულტურასაც ძველის-ძველად სთვლის და „დამოუკიდებლად“, მაგრამ ეს საკითხი სპეციალურია და აქ ნათელსაყოფი აზრისათვის უმნიშვნელო.

მაგრამ რა არის 6.000 წელი იმ მრავალ ათიათას წელთან შედარებით. რომლის განმავლობაში ადამიანთა სხვა და სხვა მოდგმის ჯგუფებს ღვაწლი გაუღია ერთობ კულტურის პირველ საფეხურთა შესაქმნელად? ჩვენ კმაყოფილნი უნდა ვიყოთ, თუ ამ უძველესი დროის ადამიანთა ჯიშში ვიცანით დაახლოვებით, რომელიც მრავალი და სხვა და სხვა ფიზიკური და სულიერი თვისებისა იყო და მოქმედებდა დედა-მიწის მრავალ ადგილს, ხოლო არც ერთ მოქმედ ჯგუფს სახელიც კი არ დაუტოვებია ჩვენთვის, რათგანაც მათ ჯერ საწერი ნიშნები არ ჰქონდათ, რომ მათნი საქმენი და სიტყვანი დაწერილნი გარდმოეცათ მათ მემკვიდრეთათვის.

ამიტომ ვიწყებთ „ისტორიას“ კულტურული კაცობრიობისა სუმერთაგან და ეგვიპტელთაგან, — მათ პირველთ დაგვიტოვეს დაწერილი ძეგლები და მოგვცეს საშუალება მათი ცხოვრება და ბედი წარმოგვედგინა თვალის წინ გარდა მათ მიერ დატოვებულ ნივთიერ ნაშთთა მათგანვე ნათქვამითაც.

როდესაც ვადარებთ ეგვიპტელთა კულტურას სუმერთა კულტურას, განსხვავება მათ შორის ისე დიდია, რომ ორისავე ინდივიდუალობა ცხადი ხდება, ცხადი ხდება ორივე ერის დამოუკიდებელი შემოქმედება, კიდევ რომ ყოფილიყო მათ შორის რაიმე ურთიერთობა უძველესი დროისა, როგორც ამას ზოგიერთი მეცნიერი აზრობს. მთელი სახე სუმერული კულტურისა ისე განსხვავდება ეგვიპტის კულტურის სახისაგან, რომ პირველი ხილვისთანავე ამ ორი ქმნილებისა სჩანს ორი ერის ინდივიდუალური შემოქმედება.

და ეს მიუხედავად იმისა, რომ ხრულთად „დამოუკიდებელი“ არც სუმერული კულტურა ყოფილა და არც ეგვიპტური: სუმერნი სამხრეთ შუა-მდინარეში ჩრდილოეთითგან მოსრული არა-სემიტები და არა-ინდოგერმანელები იყვნენ, მათ თან მოიტანეს ლურსმული წერილი და მართლსაჩინოდ სარწმუნოება და კულტურის სხვა ელემენტები. და რომელმა ჯგუფმა ადამიანთა რა „მისცა“ მათ სამხრეთისაკენ წასვლამდე, ჯერ არ ვიცით, ხოლო უეჭველია, — საფუძვლები პირველყოფილი კულტურისა, რომელზედაც მათ მათი შემოქმედებით ააშენეს თვისი, ეროვნული. თვით ლურსმული წერილი მთის ხალხისაგან შექმნილი ხატოვანი წერილისაგან სჩანს წარმომდგარი, განვითარებული შემდეგ სუმერთაგან მათ ახალ სამშობლოში. — სარწმუნოებაც მათი არ სჩანს სამხრეთ შუა-მდინარეში შექმნილად, არამედ სარწმუნოებრივი წარმოდგენანი მათნი მთისაკენაც მიგვიითიებენ. ხოლო სუმერულ ენაში უტყუარი ნიშნებია იმისა, რომ უცხო არა-სუმერულ ელემენტებს შეიცავს იგი, მაგ, მრავალ სიტყვას, რომელიც სუმერული არ არის, არამედ უძველეს მეზობელთაგან შეთვისებული უხსოვარი დროითგან. — ნილოსის მიდამოებში სხვა და სხვა მოდგმის ხალხები დასავლეთითგან, — ლიბიითგან, — აღმოსავლეთ-ჩრდილოეთითგან და სამხრეთითგან იყო შემოსული და მათგან შეიქმნა ერთი ერი ეგვიპტისა. მათ რა-

საკვირველია თან ჰქონდათ მოტანილი პირველყოფილი ელემენტები კულტურისა. თვით ენა ეგვიპტური ქამურ-სემური ნარევი, — ეს დამტკიცებული ფაქტია, — მაგრამ ეგვიპტური კულტურისათვის, რომელიც ჩვენ ვიცით, ამ პირველყოფილ კულტურის ელემენტებს კი არ მიუცია მისი სახე, არამედ ეგვიპტის კულტურას ნილოსის გარემოცულობაში საუკუნეთა, ათასეულ წელთა განმავლობაში შემოქმედებამ ეგვიპტის ერის სულისა მისცა მისი სახე, განსხვავებული სხვა დიდ კულტურათა სახეთაგან. გრანდიოზული პირამიდები, ტაძრები და ქანდაკებანი ცივნი, უმოძრაონი, მონუმენტალურნი, სარწმუნოებრივნი წარმოდგენანი, იეროგლიფური წერილი და მისგან წარმომდგარი კიდე ორი წერილი, — იერატიული და დემოტიური, მწერლობა თავისებური, არა მდიდარი, მაგრამ შვენიერი, კულტი მიცვალებულთა, რომლის მსგავსიც არსად სხვაგან ყოფილა და მასთან დაკავშირებული ხელოვნება მხატვრობა თავისებური და სხვ., სახელმწიფოს ორგანიზაცია და სოციალური წყობილება აგრეთვე თავისებური, რომლის მსგავსი სხვაგან აღმოსავლეთში არ ყოფილა, რომ აქ რაიმე „გავლენაზედ“ შეიძლებოდეს მსჯელობა, — ყოველივე ესე ეგვიპტის ერის შემოქმედების ნაყოფი იყო, შედეგი მისი ღვაწლისა, შესაბამისი მისი გონებისა, გრძნობისა და განცდათა. არც ერთ მეზობელ ერს ეგვიპტის ერისათვის ისეთი არაფერი მიუცია, რაც მას არ მოენელებიოს სავსებით, ან რასაც შეეძლო ეს სახე მიეცა მისი კულტურისათვის, რომელსაც იგი გამოაჩენს.

აღმოსავლეთის ისტორიაში საუკეთესო მაგალითი კულტურის „მიცემისა“, კულტურული „გავლენისა“, არის სემიტ ბაბილონელთა მიერ შეთვისება სუმერული კულტურისა. როდესაც აღმოსავლეთი არაბეთიდგან სემიტები შეესივნენ შუა მდინარეს, იქ მათ დახვდათ განვითარებული კულტურა სუმერთა. სუმერთაგან შეითვისეს მათ ლუქსმული წერილი. სარწმუნოების ელემენტები, ტექნიკა. საუკუნეთა განმავლობაში მათ შექმნეს სემურ-ბაბილონური კულტურა, სემიტთა სახელმწიფონი, — ბაბილონი, ასურეთი, — დიდი, მდიდარი ქალაქები, მწერლობა სემური, ხელოვნება სემური. მათ თვით სუმერნი გაასემიტეს, მაგრამ სუმერული ენა მათთვის წმიდა, სარწმუნოებრივ ენად დარჩა, ისე, ვითარცა ლათინური ევროპიელთათვის რომის დაცემის შემდეგ, — საგნად სწავლისა, ენად უძველეს ლოცვათა, და სხვ. მაგრამ აქაც ეროვნულმა შემოქმედებითმა სულმა ბაბილონელთა და ასურთა არა თუ გარდაქმნა სუმერული კულტურა და გაასემიტა. არამედ ერთობ მათი კულტურა სრულიად „დამოუკიდებლად“ გვეჩვენება, თავისებური სახისა, რომელიც მკაფიოდ განსხვავდება სუმერულისაგან: ნაცვლად ნაზი სუმერული ხუროთმოძღვრებისა და სკულპტურისა, — მკაცრი და მონუმენტალური სემური; ნაცვლად სუმერული ღრმა სარწმუნოებრივი განცდისა, დაჰყარა რა სუმერულმა სარწმუნოებამ უძველესი პრიმიტივობა და სიმკაცრე, — მუდამ და ყველგან მკაცრი სემური სარწმუნოება, მკაცრი, სასტიკი ღმერთებით; ნაცვლად უფრო ჰუმანური სუმერული საზოგადოებისა, — დესპოტური ორგანიზაცია სახელმწიფოსი, რომლის სისასტიკეს ეგვიპტური ოდნავ თუ აღემატებოდა; ნაცვლად სუმერული ეპოსის შთანაჩენისა, რომელსაც ვხედავთ გილგამეშის ამბავში, გრანდიოზული ეპოსი გილგამეშისა, სემური ლექსით უებრად ნათქვამი, და სხვ. და სხვ. და როდესაც კაცი აღარებს სუმერულსა და ბაბილონურ-ასურულ მწერლობას, ან და მუზეუმებში განიხილავს ნაშთებს სუმერულისა და ბაბილონურ-ასურული ხელოვნებისა, და სხვა ნივთიერ ნაშთებს, მის თვალწინ აღიმართება ურთიერთისაგან თვალსაჩინოდ განსხვავებული ორი სახე კულტურისა, ორი სხვა და სხვა თვისების სულიერი ენერგიის ნაშთქმედარი. — და ნუ ვის ჰგონია, რომ სემიტები ვერას შექმნიდენ, რომ

შუამდინარეში სუმერული კულტურა არ დახვედროდათ. მათი შემოქმედებითი ენერგია უსუმერებოდაც ორიგინალურ. თავისებურ კულტურას შექმნიდა შუამდინარის გარემოცულობაში, როგორც ეგვიპტელებმა შექმნეს ნილოსის გარემოცულობაში მათი კულტურა, მიუხედავად იმისა რომ იქ დამკვიდრებისას მათ განვითარებული ადგილობრივი კულტურა არ დახვედრიათ, სუმერთა მსგავსნი წინამორბედნი არ ჰყოლიათ.

ეგრეთ-წოდებული „ხეთელები“ ინდოგერმანელები იყვნენ, შემოსული მცირე-აზიაში თრაკიითგან ბოსფორზედ გადმოვლით, მიახლოებით მესამე ათასეულის ბოლოს. — ჩრდილოეთის წარმოშობისა, ევროპიელები. რა მო-ტანეს თან, არ ვიცით, ხოლო ვიცით, რომ შემდეგ მათ შეითვისეს კულტურული ელემენტები ადგილობრივ ხალხთაგან, — „პროტო-ხატთაგან“, ხურრთაგან და სხვათაგან. აგრეთვე ბაბილონთან ჰქონდათ მათ მჭიდრო კავშირი, რასაც გვაჩვენებს მათ მიერ ხმარება ბაბილონური ლურსმული წერილისა (არა ასურულისა). მაგრამ თვით ძლიერი და ხანგრძლივი წარსულის მქონე ხეთის ერის კულტურა, მცირე აზიაში შექმნილი, გვევლინება ნაყოფად მისი შემოქმედებისა, მიუხედავად მის მიერ მრავალფეროვან უცხო გავლენათა განცდისა, მისი მწერლობა, რაოდენადაც იგი შეგვინახა თიხის ტაბლეტებმა, არ არის მხოლოდ წაბაძეა ბაბილონურისა. ხეთურად ნათარგმნი ფრაგმენტებიც არის გილგამეშის ეპოსისა, მაგრამ მათი შინაარსი განსხვავდება ბაბილონურისაგან, — მათაც ბეჭედი აზის ხეთური ეროვნული შემოქმედებისა. — ხუროთმოძღვრების სტილი ხეთური ინდივიდუალური იყო, განსხვავებული ბაბილონურ-ასურულისაგან, და ასურეთის მეფეები ამყობდნენ მით, რომ ხეთური სტილის სასახლეები ააგეს („ბიტ-ხილანი“, ე. ი. ხეთური საკმელებით). — სახელმწიფო ორგანიზაცია ხეთური განსხვავებოდა ბაბილონურისაგან და ეგვიპტურისაგან, აგრეთვე კანონმდებლობას ხეთურს წმინდა ინდო-ევროპიული ხასიათი ჰქონდა, რაიცა ეგვიპტელთ ძლიერ ეუცხოებოდათ. სარწმუნოებრივი წარმოდგენანიც ხეთელთა სხვანი იყვნენ, ვიდრე იმ ერთა, რომელთა მეზობლად იგინი ცხოვრობდნენ, და სხვ. და სხვ.. თვით ლურსმულ ნიშანთა სახეც კი განსხვავდება ხეთური ნასესხები ბაბილონურისაგან და რაც უნდა ჰქონოდესთ მათ შეთვისებული მეზობელთაგან, ერთობ მათი კულტურა მათი ეროვნული ნამოქმედარი იყო, და რაც მათ სხვათაგან „აულიათ“, იმოდენივე საკუთარი სალაროთგან „მიუციათ“ გარემო ერთათვის.

მეთოთხმეტე საუკუნეში ქრ. წინათ ჩვენ გვეშლება თვალწინ დიდი კულტურული სფერო ეგვიპტურ-ბაბილონურ-ხეთური: იყო რთული პოლიტიკური და ეკონომიური დამოკიდებულება ურთიერთობა ეგვიპტისა, ბაბილონისა და ხეთის იმპერიათა შორის, სადიპლომატიო ენა მათ შორის ბაბილონური იყო, არსებობდა დიდი გაცვლა-გამოცვლა არა მარტო საქონელთა, არამედ კულტურული ლეაწლის ნაყოფთა, მაგრამ ამავე დროს ამ ერთა კულტურათაგან ერთი არ წარმოშობილა, მათნი კულტურანი ერთმანეთში არ გაქნილან, არამედ თვითივეული მათგანის ინდივიდუალობა მათ დაცემამდე და სრულ გაქრობამდე არსებობდა და თვალსაჩინო იყო.

სწორედ მეთოთხმეტე საუკუნეში შევიდა ჩრდილო არაბეთიდგან ერთ შტო სემიტთა ქანანის ქვეყანაში, — ებრაელები. ქანანის ქვეყანა სხვა, არა სემური, „გასემიტებული“ ხალხის საკუთრება იყო, პოლიტიკურად ეგვიპტის ბატონობის სფეროში. ბაბილონის და ეგვიპტის კულტურათა გავრცელების ნი-დაგიც იყო ეს ქვეყანა. და რასაკვირველია ებრაელებმა შეითვისეს იქ ყოველი



ვლემენტი მათთვის უცხო კულტურისა. მაგრამ შევხედავთ რა უკვე სრულყოფილ სახეს ებრაელთა კულტურისა, თვალწინ გვევლინება ებრაული შემოქმედება. მიუხედავად ამ ეული ხალხის მიერ უცხოთაგან მრავალის შეთვისებისა ჩვენ ვხედავთ ებრაულ სარწმუნოებას. რომელიც არც ეგვიპტურია და არც ბაბილონური, ებრაულ მწერლობას, რომელიც აგრეთვე არც ერთს უცხოს, დიდ მუზონებელთა მწერლობას არ ჰგავს. ბაბილონური შექმნის ეპოსი და ბაბილონურ „გილგამეშიანში“ მოთხრობილი ამბავი წარღვნისა, ისეა შეტანილი ებრაულ მწერლობაში, რომ უცხადესად სჩანს, თუ საითგან მიუღიათ ისინი ებრაელებს. მაგრამ ებრაულად ისეთ-ნაირად არიან ეს ბაბილონურნი ამბავნი მოთხრობილნი, ისეთი ბუნებრივი შეთანხმებით ებრაულ მონოთეიზმთან, რომელიც თავისებურია და განსაკუთრებული ძველი აღმოსავლეთის სარწმუნოებათა შორის, რომ „ბიბლიაში“ იგინი ებრაული სულიერი შემოქმედების წმიდა ნაყოფად სჩანან. — ერთობ ებრაული კულტურა არ იყო ისეთი მრავალფეროვანი და ისეთი ღირებულების მქონე, როგორც მაგ. ეგვიპტისა, ან ბაბილონისა, ებრაელებს არ დაუტოვებიათ ჩვენთვის არც პირამიდები, არც მრავალი უზარმაზარი ტაძარი, არც გოდოლნი, მსგავსნი ბაბილონის გოდოლთა, არც სასახლეები, არც ქანდაკებანი და მხატვრობა, მსგავსნი ეგვიპტისა და ბაბილონისანი, — იერუსალიმის ტაძარიც სოლომონისა თვით ებრაელთა გადმოცემით ტვირელი პირამის მიერ იყო აშენებული, — ანბანიც ებრაული ერთი შტოა ფინიკიურიდან წარმოშობილი არამეულისა; ებრაელებს არც ძლიერი სახელმწიფო შეუქმნიათ, მსგავსი ასურეთისა, არც კანონმდებლობა ჰქონიათ, მსგავსი ჰამურაბისა, და სხვ. და სხვ., მაგრამ ებრაელთა ხალხის მწერლობა უაღრესად ეროვნული შემოქმედების ნაყოფი იყო, ღარიბი პოეზიით, შევნიერებით, მაგრამ ბევრი სხვა თვისებით, რომელსაც ვერც ერთ მწერლობაში ძველი აღმოსავლეთის ერთა ვერ ვპოულობთ, და ამ ერთის, უდაბნოს ღმერთის მორწმუნე ერის მწერლობა შემდეგ ქრისტიანულმა ეკლესიამაც თვის „საღმრთო წერილად“ სცნო და სცნობს დღესაც, მიუხედავად იმისა, რომ თვით ქრისტეს სარწმუნოებასთან, ქრისტეს წმიდა და ნამდვილ მოძღვრებასთან მას არაფერი საერთო აქვს, არამედ სრული წინააღმდეგობა მისი, — თუ თვით ქრისტეს სარწმუნოება ამით ძლიერად ივნო, სამაგიეროდ ქრისტიანული ეკლესია „ძველი აღთქმის“ მიღებით და მისი ხელოვნურად და მიზან-შეწონილად გადაბმით „ახალი აღთქმის“ ოთხ სახარებასთან უძლიერესი სულიერი საქურვლით აღიჭურვა.

იაპვეს, ებრაელთა ღმერთს, განმკითხველს, დამსჯელს, მცნებათა მიმცემს მისგან ამორჩეული ხალხისათვის, მისი მორწმუნე კაცისათვის, რომელიც მისთვის მუდამ სათნოა, თუ იგი მის მცნებათ არ გადუხვევს. არაფერი საერთო არა აქვს სპარსთა ჰურა მახდასთან, ან ინდოთა კროშნასთან, არიელთა უზენაესი ღვთაება დასაბამია სიწმიდისა და კეთილისა, მარადის წინააღმდეგომი ბოროტისა და ბოლოს მძლეველი მისი. და ადამიანის განწყობილება მასთან მისი შეურყეველი ნებისყოფაა მასთან სიახლისა და შეერთებისა. ეს სული იყო შემქმნელი არიელთა საკვირველი სარწმუნოებისა და მათი უღრმესი აზროვნებისა, მიუხედავად მაგ. სპარსთაგან მრავალ უცხო სარწმუნოებრივ წარმოდგენათა შეთვისებისა, ერთობ მათი ისტორიულად ცნობილი სარწმუნოების „სიჭრელი-სა“. — ამ განსაკუთრებულმა არიულმა სულმა შექმნა სპარსთა და ინდოთა დიდი კულტურანი, — მათი მწერლობა და ხელოვნება, რომელნიც ისე განსხვავდებიან სემურთაგან, და ამავე დროს თვითოეულ მათგანს წმიდა ეროვნული ბეჭედი აზის, რადგანაც სპარსელი არიელი და ინდოელი არიელი იდენტიურნი არ იყვნენ. და მათ კულტურათა ეროვნულობა სინამდვილეთა, მიუხედავად იმისა,

რომ სპარსთაც მრავალი რამ აქვს შეთვისებული არა-არიელ მეზობელთაგან და ინდოთაც. პირველი სპარსთა „ანბანი“ ბაბილონური ან ელამური ლურს-მულის მიხედვით იყო შექმნილი, შემდეგ იგინი ხმარობდენ არამეულ ანბანს, შემდეგ არაბულს, და სხვ., მაგრამ სპარსული კულტურის სემურად გარდაქცევა მაშინაც არ მომხდარა, როდესაც სპარსთ სემის მოდგმის არაბებმა ძალით აწამეს ისლამი, ეს სრულიად არა-არიული და სპარსის ბუნებასთან შეუსაბამო სარწმუნოება. სპარსთა არიულმა სულმა, საუკუნეთა განმავლობაში ცოცხალმა, მაინც დალევწა მისი შემკრავი უცხო ჯაჭვები და კიდე მოევლინა კულტურულ კაცობრიობას განსაკუთრებით იმ მწერლობით საშუალო საუკუნეთა, რომელიც აღმოსავლეთის მწერლობათა შორის საკვირველი სიდიდისა, ბრწყინვალეებისა და მშვენიერების მქონეა. — იგივე ითქმის მწერლობაზედ ინდოთა ერისა, რომლის კულტურის გაფურჩნას ხელს უშლიდა ჯერ ადგილობრივი შავი ჯიში ადამიანთა, რომელნიც ინდოთ, როდესაც პირველად ნახეს იგინი, მაიმუნებად ეჩვენებოდენ და მაიმუნებს უწოდებდენ მათ, და ძლიერ დიდი ხნის შემდეგ ისლამიც. — და იგივე ითქმის მთელ კულტურაზედ არიელ სპარსთა და ინდოთა. ვერავითარმა უცხო „გავლენამ“ ვერ შესცვალა მათ არსებაში ის, რაც მათი ეროვნული სულის შემოქმედებას უნდა გამოეღო ბუნებრივ ნაყოფად.

თვით არაბთა მაგალითი უაღრესად ყურადსაღებია ამ მხრით. მათი გამოსვლა ისტორიის ასპარეზზედ უკანასკნელი გამოსვლა იყო სემიტთა უდაბნოთაგან. ხოლო ის, რაც არაბთ ჰქმნეს და შეჰქმნეს მათი უდაბნოთგან გამოსვლის შემდეგ, ნაყოფია მათი ნიჭისა და ძლიერი სულის ენერჯიის გაშლისა განსაზღვრულ გარემოცულობაში, სადაც იგინი გაბატონდენ, მიუხედავად უცხოთაგან შეთვისებული ყოველი კულტურისა, რომელიც „მიიღო“. თითქმის „უკულტურო“ უდაბნოს ერმა. — მუჰამედმა მის მიერ მოცემულ ახალ სარწმუნოებაში უხედავად შეიტანა იუდაიზმის და ქრისტიანობის ელემენტები, მაგრამ მისი „კურანი“ არც თორაა და არც სანარება, არამედ უაღრესად ორიგინალური, „სემური“ ქმნილება, შექმნილი უდაბნოს არაბთათვის, შესაბამისი მათ სულიერ თვისებებთან და ცხოვრების გაგებასთან. მეშვიდე საუკუნიდგან დაწყებული ნახევარი ათასეულის განმავლობაში არ შეწყვეტილა მათი ბრძოლა წინა-აზიის და ხმელთაშუა-ზღვის კულტურულ მსოფლიოსთან და ბოლოს უზარმაზარი სივრცე მათი ბატონობისა კავკასიიდან და ინდოეთიდან დაწყებული სამხრეთ ესპანიაშიდღე განიცადეს ხალხთა და ერთა. ეს ენერჯია იმპერიათა შექმნისა, რელიგიური ფანატიზმი და ურყევი დისციპლინა, რომლითაც არაბები ბრძოლის ველზედ ნაკლები ღირსების საჭურველით უფრო მრავალრიცხოვან და კულტურისან მტრებსაც კი სძლევედენ, მათთვის არაიის „მიუცია“, არამედ ეს მათ სისხლში, მათ სულში იყო, რომელიც მათ მათი უდაბნოთგან გამოიტანეს. — და რამოდენი რამ არ ისწავლეს, „მიიღეს“ მათ სპარსთაგან, ბერძენთაგან და სხვა კულტურულ ერთაგან, მაგრამ მიუხედავად ამისა ყოველ მათ ნამოქმედარს ცხადად სახილველი ბეჭედი აზის ეროვნულ-ინდივიდუალური შემოქმედებისა: ჯერ ვთქვათ ანბანი მათი, ერთი შტო „ფინიკიურისა“, ხოლო ბოლოს არაბულად ქცეული, შემდეგ კი მიცემული მათგან სხვა გამუსულმანებულ ერებისათვის სარწმუნოებასთან ერთად. „ათას-ერთი“ დამე უფრო სპარსულ ზღაპართა კრებულია, მაგრამ შესანიშნავი არაბულით დაწერილი. თხზულებანი არაბთა ისტორიკოსთა უდიდესი განძია დღესაც ისტორიის მეცნიერებისათვის, თუმცა ამ დარგის მწერლობა არაბებმა ბერძენთა საისტორიო მწერლობის შესწავლით და „გავლენით“ დაიწყეს და განავითარეს. მთელი ანტიური მწერლობა, მეცხიერული, ფილოსოფიური და სხვ., არაბებმა ღრმად შეისწავლეს და რაც ეც-

როპისათვის მრავალი რამ დაკარგულად ითვლებოდა, მას შეუწახსეს არაბულ ენაზედ და ევროპითგან „შეთვისებული“ ევროპასვე გადასცეს, მათ მიერ მრავალი ახალი ნააზრის და კვლევის მიმატებით (ვარსკვლავთმრიცხველობაში, მედიცინაში და სხვ.). აგრეთვე დაუფასებელია დღესაც არაბთა გეოგრაფების და მოგზაურობათა აღმწერლების თხზულებები, და სხვ. და სხვ.. — ერთობ არაბული მწერლობა ერთი უდიდესი დარგია მსოფლიო მწერლობისა სწორედ მისი ორიგინალობით. — და რაოდენი რამ არ შეუთვისებია არაბთა ხელოვნებას, — ხელოვნებას სიტყვისა, ხუროთმოძღვრებისა და სხვ. უცხოთაგან, მაგრამ არაბთა პოეზიაც წმიდა არაბულია, თუმცა არა სპარსული სიდიდისა, და არაბული სტილიც ხუროთმოძღვრებაში ცნობილია როგორც არაბული ერთი უშვენიერესთაგანი, რომლის ეროვნულობასაც პროფანის თვალის განარჩევს ყველგან, სადაც არსებობს ხუროთმოძღვრების ძეგლები უზარმაზარ სივრცეზედ მათი ბატონობისა. — კიდევ მეტი, — ერთობ არაბთა შემოქმედებითა სულმა მთელი კულტურული სფერო შექმნა, რომელიც პირისპირ დაუდგა ქრისტიანულ კულტურულ სფეროს, ებრძოდა მას უპირატესობისათვის. და იყო დრო, როდესაც მას მართლაც თითქოს ჰქონდა ეს უპირატესობა.

კეთხულობთ და ესწავლობთ რა ბერძნული ენის ეტიმოლოგიურ ლექსიკონებს, შედგენილს უნიჭიერეს სპეციალისტთა ხანგრძლივი შრომით, ვხედავთ, თუ რაოდენი რამ მიუღია ბერძნულ ენას ბერძენთა მეზობელ ერთა ენათაგან იმ გარემოცულობაში, რომელშიც ბერძენთა ერი ცხოვრობდა რაოდენიმე ათასეულის განმავლობაში დღითგან მისი ჩრდილოეთითგან მოსვლისა, დამკვიდრებისა ბალკანეთის ნახევარკუნძულზედ და მისი მოსახლეობის გავრცელებისა ხმელთაშუა ზღვის კუნძულებზე, მცირე აზიის დასავლეთ ნაპირებზედ, აგრეთვე ლაიკებზედ სამხრეთი იტალიისა, სიცილიისა და სხვ.. აუარებელია ბერძნულში „ნასესხები სიტყვები“: თრაკიული, ე. წ. აზიანური: ანუ მცირე-აზიური, ხმელთაშუა ზღვის ენათაგან, სემიტურთაგანაც კი, შემდეგ სპარსულითგან და სხვ.. მაგრამ განვიხილავთ რა ბერძნულ ენას მთლიანად, იგი გვევლინება ვითარცა წმიდა ინდო-ევროპიული ენა, და მისი განვითარება, რაიცა სჩანს ბერძნულ მწერლობაში, ისეთი ძლიერი იყო და თანაც არა განსაზღვრული რომელიმე უცხო გავლენისაგან, რომ არ არსებობს სხვა ძველი ენა, რომლის უმაღლესი ხელოვნება აზრთა გადმოცემისა სიტყვით და შევნიერება ბევრათა ბერძნულისას უდრიდეს. და რაც ბერძნულს უცხოთაგან მიუღია, მრავალჯერ მეტი უცხოთათვისვე მიუყია, როდესაც სამბერძენეთის კულტურა მის ირგვლივ შორს განსხივონდა და დღესაც კულტურულ ერთა ენები ბერძნული ზიტყვებით არის აღსავსე. ბერძნული ენა, ეს ერთი უმდიდრესთაგანი და უშვენიერესი ძველ და ახალ ენათა შორის, უდიდესი და უორიგინალესი ნაყოფი იყო ბერძენთა ერის სულიერი მოქმედებისა, და მეტიც რომ მიეღო მას უცხოთაგან, ეს ვერ შესცვლიდა მის „ბერძნულობას“, მის თვისებას ეროვნული ქმნილებისა.

თვით ანბანიც ბერძნული აგრეთვე სემური წარმოშობისაა. მაგრამ მხოლოდ სპეციალისტმა ხალეოგრაფმა იცის, რომ ძირი მისი და მაგ. არაბულისა ერთი და იგივეა, ხოლო უბრალო განმხილველი ამ ანბანთა უდიდეს განსხვავებას ჰპოვებს მათ შორის. მათს ნათესაობას არც კი დაიჭერებს! და გარდა იმისა რომ ბერძნულ ანბანს (როგორც ქართულს და სხვათ) ის მთავარი უპირატესობა აქვს სემურთა წინაშე, რომ მას მოეპოვება ხმოვანთა გადმოცემა ნიშნები, თვის ფორმამ ბერძნულ ასოთა მშვენიერების უაღრესს ხარისხს მოაღწია ხანგრძლივი

განვითარების შემდეგ. და ესე ყოველი არა მცირე, არამედ ერთი უდიდესი კულტურულ ქმნილებათაგანია ბერძენთა ერისა.

რა გინდ ბევრი ესწავლოთ ბერძენთ ხმელთაშუა-ზღვის ხალხთაგან, ეგვიპტელთაგან, ბაბილონელთაგან, ხეთელთაგან და სხვა მცირე-აზიის ხალხთაგან, ნაყოფი მათი გონებისა, აზროვნებისა, დაკვირვებისა, ფანტაზიისა, რომელიც მათ გადმოგცემს მათ დიდ მწერლობაში, იმდენად დიდია, რომ ყოველი მათ მიერ უცხოთაგან შეთვისებული უკნინესად სჩანს, და იმდენად ეროვნულ ქმნილებად, რომ მხოლოდ ძირთა, დასაბამთა მკვლევარს შეუძლია იხილოს იქ „არა-ბერძნული“ ელემენტები. ბერძნული ფილოსოფია, განვითარებული იონიის მოაზრეთა ნააზრთაგან პლატონის იდეათა მოძღვრებამდე და არისტოტელის ლოგიკამდე „ეგვიპტის სიბრძნე“ არ არის. ბაბილონელთა „გილგამეშინანი“ დიდი ქმნილება იყო, მას შეიძლება ძლიერ შორეული კავშირიც ჰქონდეს „ოდისეიასთან“, მაგრამ ჰომეროსის „ილიადა“ და „ოდისეია“ სხვა არის, უფრო დიდი, სხვა სისხლის და სულის ერის შემოქმედების ნაყოფი, — ეპოსი, რომელიც დღემდე არც ერთი სხვა ერის ეპოსს არ გადაუჭარბებია. ეგვიპტური ლირიკა საყვარელია, მაგრამ საფოს და სხვა ბერძენ ლირიკოსთა ქმნილებანი სულ სხვანი არიან, — სიდიდითაც და ღირებითაც. ჰეროდოტეს, თუკიდიდეს და სხვა ბერძენ მრავალ ისტორიკოსთა თხზულებანი არ არიან ისტორიული შინაარსის წარწერანი ბაბილონელ-ასურთა ან ეგვიპტელთა, არამედ ნამდვილნი „ისტორიანი“. მათ შემდეგ სწერდენ იმავე წესით სხვა ერთა ისტორიკოსები და დღესაც კი შავ. თუკიდიდე „მეცნიერ“ ისტორიკოსად უნდა ესცნოთ. რა გინდ „გავლენა“ ჰქონდეს ბერძნებზედ მცირეაზიურ „მისტერიებს“, ბერძნული თეატრი, დრამა არა მცირე აზიელთა, არამედ „ბერძნული“ შემოქმედებაა და სოფოკლესის ქმნილებათ ისევე არ უდევს საფუძვლად არაერთი მცირე-აზიური ქმნილება, როგორც თუკიდიდეს ისტორიას ასურული მატრიანები ისტორიული შინაარსისა. არც ბერძენთა გეომეტრია იყო ეგვიპტური ან ბაბილონური მიწის-აზომელობა, არამედ წმიდა მეცნიერება ხაზთა, კუთხეთა და მოცულობათა განწყობილებისა, ურყევ-კანონიერებითი. არც მთელი „მეცნიერება“ ეგვიპტელთა და ბაბილონელთა, ამ უკანასკნელთა ვარსკვლავთმრიცხველობაც კი. სადაც უფრო სჩანს ბაბილონელთა შემოქმედებითი ნიჭი, არ ჰგავს ბერძნულ მეცნიერებას, რომელიც უკვე მძლავრი დასაწყისია კანონთა აღმოჩენისა: პითაგორას, არხიმედეს, ევკლიდეს, ჰიპარხოს და სხვანი სულ სხვა ხარისხზედ მდგომნი მეცნიერნი იყვნენ ვიდრე შავ. თვით ბაბილონელი კიდიხუ, რომელსაც დიდი ღვაწლი მიუძღვის ვარსკვლავთმრიცხველობის მეცნიერების წინაშე და სხვ. და სხვ. —

როდესაც ბერძენთა ტომები ჩრდილოეთითგან ბალკანეთის ნახევარ-კუნძულზედ ჩამოსახლდენ (მესამე ათასეულში ქრ. წ.), აქედან ზღვის ნაპირები დაიჭირეს, შემდეგ მათი სახელით წოდებული ჰელადისა და დასავლეთი მცირე-აზიისა, აგრეთვე ეგეის ზღვის კუნძულები, მათ დახვდათ ადგილობრივ მკვიდრთა, მათთვის უცხო ტომთა დაწინაურებული, ძველი კულტურა, და მათ რასაკვირველია ამ უცხოთა კულტურის ელემენტები შეითვისეს, მათგან ბევრი რამ „ისწავლეს“. ურთიერთობა მათი ეგვიპტელებთან და მცირე-აზიელებთანაც რთული და მუდმივი შეიქმნა საუქუნეთა განმავლობაში და მათგანაც შეითვისეს ბერძნებმა ბევრი რამ, რაიცა მკვლევართ მიერ ხილულია ბერძნულ ხუროთმოძღვრებაში და ერთობ ხელოვნებაში. მაგრამ ვხედავთ რა ბერძნულ ხუროთმოძღვრებას, ქანდაკებას, მხატვრობას და სხვ. ბერძნული კულტურის სრული აყვავების ხანაში (მეშვიდე საუკუნიდგან ქრ. წ. და შემდეგ), განა პარ-

თენონი, ერეხთიონი და სხვ. ეგვიპტურ, ბაბილონურ, ან მცირე-აზიურ ხუროთმოძღვრების ქმნილებათა მსგავსნი არიან? ან განა ფილიასის, პრაქსიტელე-სის და შემდეგ მრავალ ბერძენ მოქანდაკეთა ქმნილებანი ეგვიპტურ ან ასურულ ქანდაკებათ ჰგვანან? რომელ ეგვიპტელს ან ასურ-ბაბილონელს, ან აზიანელს შეუქმნია „ზევსი“ ან მილოსის „აფროდიტე“, ან როდის მოვლინებია ბაბილონს, ეგვიპტეს ან მცირე-აზიას მხატვარი პოლიგნოტის სიდიდისა? სწორეთ ხუროთმოძღვრებისა და სხვა ხელოვნებათა დარგში გვევლინებიან ბერძნები როგორც უდიდესნი შემოქმედნი, თავისებურ წმიდა-ეროვნულ ქმნილებათა მომცენი კაცობრიობისათვის, ქანდაკებათა სიმშვენიერით სიცოცხლისა და მოძრაობის გადმოცემით დღესაც ვერ ნაჯობნნი, მიუხედავად იმისა, რომ მაგ. შეიძლება იონიის სვეტი „მცირეაზიური წარმოშობისა“ იყოს, ან და ეგვიპტის ქანდაკებებს, ცივს და უძრავს, მაგრამ დიდებულს, ბერძენ ხელოვანებზედ დიდი შთაბეჭდილება მოეხდინოს, და შეიძლება პირველად მათ ეგვიპტელთაგან ხელოვნებისაც ბევრი რამ ესწავლოს...

სარწმუნოებრივი წარმოდგენანი ბერძენთა, მისტიკა, რწმენა „უცნობისა და უთქმელის“ ერთის ღმერთისა, — „ერთისა“ — და სხვ. ამსგავსებენ მათს და მათ უცხო მეზობელთა სარწმუნოებას, შეიძლება დიონისოს და აპოლონ მცირე აზიითგან იყენენ შესულნი ბერძენთა პანთეონში, მაგრამ განვიხილავთ რა ერთობ ბერძენთა სარწმუნოებას, მითოლოგიას და მისტიკას, ჩვენ თვალ-წინ აღიმართება უზარ-მაზარი შემოქმედება ერისა, განსხვავებული სხვათაგან, ისევე, როგორც, სული ბერძენთა განსხვავდებოდა სხვათა სულისაგან და თავისებურად ჰხედავდა მსოფლიოს და ჰქმნიდა თვისს სარწმუნოებასაც. ამაო იქმნებოდა ძებნა ოლიმპისა სხვაგან თვინიერ საბერძნეთისა, სადაც „უკვდავნი“ და „ნეტარნი“ ცხოვრობდენ, მსგავსნი კაცთა, კაცთა ვნებათა აღსაყვანი და მათთან დაახლოვებულნი, ხოლო გამგენი მათი ბედისა, მზრუნავნი მათთვის, მაგრამ ზოგჯერ დამსჯელნიც მათნი, ღმერთნი, კაცთა შევნიერებათა და ზოგჯერ ნაკლთა მქონენიც, განმცდელნი კაცთა ლხინისა და ჰმუნვისაც, რომელთა ცხოვრებას ჰუმორიც არ აკლდა, და რომელ ერს შეუქმნია მითოლოგია აღსაყვანი ისეთი უკვდავი პოეზიით, როგორც ბერძენთა შექმნეს და რომელიც დღესაც ჩვენთვის უძვირფასესი გარდმონაცემია ამ საკვირველი ერისა. კავშირი ბერძნული მითოლოგიისა, ერთობ ბერძენთა სარწმუნოებისა ბერძნულ ხელოვნებასთან იგივეა, როგორიც კავშირი ყოველი ერის სარწმუნოებისა მის ხელოვნებასთან, და ბერძნული ხელოვნების მშვენიერებაც ბერძენთა რელიგიის სრული შესაბამი იყო...

ბერძენთა საზოგადოებრივი ცხოვრება სულ სხვა იყო, ვიდრე ეგვიპტელთა, ბაბილონელთა და სხვ., თუმცა შეიძლება მაგ. ჰამურაბის სამართლის ელექტები ბერძენ ტომთა სხვა და სხვა კანონმდებლობაშიც კპოვოს მკვლევარმა; საბერძნეთში ჩნდება „პოლის“, მოქალაქეთა სახელმწიფო, — მუდმივ „თავისუფლებისათვის“ და „სამართლისათვის“ მებრძოლ „პიროვნებათა“; აქ ჩნდება „პოლიტიკური“ ცხოვრება, ჩნდებიან პოლიტიკური პარტიები, სახელმწიფო საქმეთა განგება და გარიგება პარტიათა მიერ, რომელთაგან ყველას აქვს პრეტენზია „ხალხის“, ან მისი „საუკეთესო“ ნაწილის სახელით სახელმწიფოს საქმეთა „საუკეთესოდ“ მართვისა და განგებისა. ამიტომ ვიცით საბერძნეთის ისტორიითგან სახელნი იმ პიროვნებათა, რომელნიც მაშინ „ისტორიას ჰქმნიდენ“, სახელნი საზოგადოების და სახელმწიფოს მოღვაწეთა, — მთავრობის უფროსთა, ხალხის ტრიბუნთა, რეფორმატორთა, ტირანთა და მათ მკვლელთაც, მხე-

დართობათვართა და სხვ. და პიროვნების მოქმედების დამფასებელ საზოგადოებაში რასაკვირველია დიდ ხელოვანთა, ფილოსოფოსთა, პოეტთა და მეცნიერთა სახელნიც იყვნენ ცნობილნი და განდიდებულნი, რომელნიც დღესაც ვიცით და დაუვიწყარნი იქმნებიან კულტურული კაცობრიობისათვის. -- ესე ყოველი სხვა ერთა ისტორიამ ძველი აღმოსავლეთისა არ იცის. -- თვით სახელნიც აღმოსავლეთის კულტურულ ერთა წიაღში მოღვაწეთა, გარდა მეფეთა და რამოდენიმე მოხელისა ან სხვით რაითამე გამოჩენილი კაცისა. გადმოცემულნი არ არიან.

აი ეს კულტურა ბერძენთა იყო პირველი დიდი კულტურა ევროპისა, რომელმაც საბერძნეთიდან დასავლეთს და აღმოსავლეთს მოჰფინა თვისი სხივები, განსაკუთრებით ალექსანდრე მაკედონელის მიერ წინა-აზიის დაპყრობის შემდეგ. კიდევ შემდგომად ამისა ქრისტიანობის ხანაში, მან გამოიღო თვისგან ერთი შტო, -- ბიზანტიური, ბევრი მიზნის გამო არა სავსებით ღირსი ძირისა, მაგრამ მაინც საუკუნეთა განმავლობაში განმგრძობი ელენიზმისა, „მიმცემი“ ბევრისა გარემო ერთათვის. ხოლო აქაც ვხედავთ, რომ მიუხედავად „მიმცემისა“ ელენიზმისა და ბიზანტიური კულტურის მიერ და „მიღებისა“ გარემო ერთა მიერ, ამ უკანასკნელთ მაინც თავისებურნი კულტურანი შეჰქმნეს, რომელნიც არ იყვნენ ბერძნულნი, ან ბიზანტიურ-ბერძნულნი არამედ ეროვნულნი, -- სირიული, სომხური, ქართული და სხვანი.

### III

განვიხილავთ რა სხვა და სხვა ერთა ურთიერთობას ეამთა სარბოლაში, ძვირად ვხედავთ ისეთს სიახლოვეს ორ ერთა, რაგვარიც იყო ბერძენთა და რომაელთა შორის. ის ინდოგერმანული ურთიერთობის მონათესავე ჯგუფები, რომლებიც აგრეთვე საუკუნოებით უწინარეს მათი გამოსვლისა ისტორიის ასპარეზზედ ჩრდილოეთი და შუა ევროპიდან ჩამოესახლენ იტალიაში, მოდგმით და ენით ახლო იდგენ ბერძენ ტომებთან, რომლებმაც, იმავე ადგილთაგან წამოსულებმა, ბალკანეთის ნახევარკუნძული დაიპირეს და იქითგან დაიპყრეს ქვეყანანი მცირე-აზიის დასავლეთ ნაპირთა, ეგეოსის ზღვის კუნძულები, და სხვ. გეოგრაფიული პირობებიც იტალიისა და საბერძნეთისა თითქმის ერთი და იგივე იყო. და წარმოშობა და ზრდა რომის კულტურისა მოხდა ერთი მხრით ბერძნულსა და მეორე მხრით ეტრუსკულ კულტურულ გარემოცულობაში. მოსალოდნელი იყო ამიტომ, თუ „მიცემას“ და „მიღებას“ გადამწყვეტ მნიშვნელობას მიეაწერდით, ნარევი ბერძნულ-რომაულ-ეტრუსკული კულტურა. ხოლო შევხედავთ რა ზრდა-დამთავრებულ ანაგებს რომის კულტურისა იმპერატორთა ხანის დასაწყისში, სულ სხვა ნამოქმედარი ადამიანის სულისა აღიმართება ჩვენ თვალთა წინ, ვიდრე იყო ბერძნული, ან ეტრუსკული.

ენა რომისა, ლათინური, რომელიც სამწერლობო ენად გახდა ლათინთა, უმბრთა და სამნიტთა დიალექტთაგან, ძლიერ მცირე ნასესხებ ელემენტს შეიცავს ბერძნულისაგან, მცირესევე ეტრუსკულისაგან, მიუხედავად იმისა, რომ ეს ტომები ბერძენთა და ეტრუსკთა მეზობლები იყვნენ ხანგრძლივად. და ამ საკვირველმა ენამ ისეთი თვისება მიიღო აზრთა მკაცრი სისწორით გადმოცემისა, რომ ძვირად თუ შეედრება მას ამ მხრით რომელიმე სხვა ენა. არავითარი მნიშვნელობა არ აქვს იმას, თუ რომი მართლად ეტრუსკთაგან დაარსებული ქალაქი იყო (მეცხრე თუ მერვე ს. ქრ. წ.) და სახელიც მისი შეიძლება ეტრუსკული იყოს. ეტრუსკები თვით მალე მოისპვნ რომაელთაგან სამხრეთის მხრით

და ეკლტაგან ჩრდილოეთი იტალიის შპრით და მათი ენისაგან დანაშთენი კვალი ლათინურში ენათმეცნიერთა მიერ ძნელად საძებარი და აღმოსაჩენია მხოლოდ. ეტრუსკულ ენაზედ ნამდვილი წარმოდგენაც არ შეუძლია ქონდეს დღეს ენათმეცნიერებას საფლავთა და სხვა მცირე წარწერათა მიხედვით. რომელნიც დარჩენ ერთ დროს მართლსაჩინოდ განვითარებულ ეტრუსკული მწერლობითგან და ეკუთვნიან უმეტეს ნაწლად მეოთხე ს. ქრ. წ. — დიდებული ენა რომაელთა, ლათინური ენა სამ ზემოხსენებულ ინდოგერმანულ ჯგუფთა ქმნილებათა და ძალამ ამ ენისა გააჩლია რკალი ბერძნულისა და ეტრუსკულისა, არ გახდა იგი ნარევი ლათინურ-ბერძნულ-ეტრუსკულად და განვითარდა მისი თავისებურობის სრული შენახვით. — ხოლო ბედი ამ ენისა ისეთი დიდი იყო, რაგვარიც არც ერთის სხვისა, — არც ბერძნულისა: მის ძირებზედ აღმოცენდნენ შემდეგომად რომის მიერ გალიისა და იბერიის ნახევარკუნძულის დაბყრობისა ახალი „ლათინური“ ენები, ლათინური გახდა ენად მათგან, კათოლიკე ეკლესიისა და ენად დასავლეთი ევროპის მეცნიერებრისა საშუალო საუკუნეებში, და შემდეგაც დიდხანს დაშთა. ანბანი ლათინური ბერძნულთაგან არის ნასესხები, მაგრამ მას ლათინთა ეროვნული შემოქმედებებს ბევრად აზის: სახით იგი განსხვავდება ბერძნულისაგან და მშვენიერაც არის. — არ უშეო, უკუღმა დაწერილი ასოებით, ეტრუსკულივით. რომელიც აგრეთვე ბერძნულთაგან იყო ნასესხები. და ეს ლათინური ანბანი აგრეთვე შემდეგ დასავლეთი ევროპის ყველა ერთაგან იყო შეთვისებულ და დღესაც მით სწერენ ისინი. ეს არის უპირველესი გამოჩენა რომაელთა. ლათინთა სჯლის შემოქმედებითი ეხერგისა, და არა ისეთი უმნიშვნელო და თავის-თავად გასაგები რაგვარადაც შეიძლება ბევრს ეგონოს და ეჩვენოს.

თუ რომაელთა მწერლობა, წარმოშობილ მართლსაჩინოდ უკვე მენტეზედ საუკუნეში ქრისტეს წინად, მეოთხე და მესამე საუკუნეში ამავე ქრისტეს წინად რომისა სუსტი და უფრო წაბადე იყო ბერძნულისა. თუ მცირე საუკუნეში. რადესაც საბერძნეთი რომის პროვინციად გადაქცა. რომელზედ კდე უფრო დაუახლოვდნენ ბერძნებს და ისე შეითვისეს მათი ეულტურა, რომ ყოველგან განათლებულმა რომაელმა იცოდა ბერძნული ენა და მალე საგნებზედ სუბარბი ბერძნულად იყო რომის ეულტურულ საზოგადოებაში. ყოველივე ესე მაინც ვერ შეიქმნა მიზეზი რომის მწერლობის მართლად ბერძნულს განაღდაცად გახდომისა. შეძლებული, სწავლის მოყვარე რომაელი ათინანი დღესაც განათლებას და ამით ამაყოფდა, მის წიგნთსაცავში ბერძნული მწერლობის ძველები იყო უმთავრესი განძი, ეულტურული რომის პელენოფილობა იქმნე იყო მისული, რომ თვით მის პოლიტიკაზედაც ბერძნულთა მიმართ ქონდა გავლენა. მაშინ როდესაც რომის პოლიტიკა სხვა დაპყრობილ ერთა მიმართ მკაცრი იყო. მაგრამ ამან ყოველმან ვერ შესძლო შეეჩერება ზრდა და გაფურჩხნა რომელი ეროვნული მწერლობისა, რომელსაც ეროვნული გენია აძლევდა ძალას და თავისებურებას რაოდენიმე საუკუნის განმავლობაში მიუხედავად ძლიერი ეკსპოზიციისა, რომის მწერლობამ ეს ეულტურული რკალიც გატუნა. ისე მჭიდროდ შემორტყმული, და პირველ საუკუნეში ქრისტეს წინად იგი გვევლინება დიდად, მშვენიერად, სიცოცხლით სავსედ. წმიდა ეროვნულად და იმ დროის ბერძნული მწერლობის მჭობდაც. იგი იზრდება და პირველ საუკუნეში ქრ. შემდეგ უმძლავრეს საფეხურს აღწევს განვითარებისა და შემდეგ საუკუნეებშიც დიდი წარმომადგენელი ჰყავს. ამ ეპოქას (პირ. ს. ქრ. წ. — პირ. ს. ქრ. შ.) ეკუთვნიან პოეტები კატულუსი, ლირიკოსი, ლუკრეტუსი. პოეტი ფილოსოფოსი და მეცნიერი, მეორე საუკუნის (ქრ. წ.) კომედიათა მწერლის პლატერ-

სის შემდეგ სატირიკოსი ლუცილიუსი, იურისტი და ფილოსოფოსი ციცერონი, ისტორიკოსი იულიუს კეისარი, შემდეგ ლივიუსი და ტაციტუსი, კულტურის ისტორიკოსი ტერენტიუს ვარო, შემდეგ დიდი ვერგილიუსი, ავტორი დიდი ეპოსის ენეიდისა, შეუდარებელი ავტორი მეტამორფოზთა ოვიდიუსი, დიდი პოეტი ჰორაციუსი; შემდეგ (მესამე ს. ქრ. შ.) შესანიშნავი იურისტები პაულუსი, ულპიანი, პაპინიანი, და სხვანი. აი ვინ იყვნენ უკვდავი შემქმნელი რომაელთა ეროვნული მწერლობისა, იტალიის სხვა და სხვა ადგილს დაბადებულნი, როდესაც ერი რომელი, ლათინური ენით მეტყველი, უკვე იტალიის ვრცელ იყო გაზრდილი, გადიდებული. ზოგიერთი ამ მწერალთაგანი ძველი საბერძნეთის უდიდეს სიტყვის შემოქმედსაც დაეტოვებოდა, რაგვარადაც მაგ. ვერგილიუსი, რომელიც იმავე პექსამეტრით სწერდა, რაგვართაც ჰომეროსი, მაგრამ მისი ენეიდა სრულად განსხვავდება ჰომეროსის ეპოსთაგან: ენეიდა უკვე თითქმის რომანია, რომელიც ჩვენ გულს სხვაგვარად ესაუბრება, ვიდრე ოდისეა და ილიადა, რომელთაც იგი სიდიდით სრულად თუ ვერ აღწევს, ძლიერ უახლოვდება. — იულიუს კეისარის და ტაციტუსის ისტორიულნი თხზულებანი მათი მკაფიო, ნათელი ენით, მოკლე გამოთქმით ბევრ ბერძნულ ისტორიულ თხზულებას აღემატებიან ლიტერატურულად, ზოლო ისეთნივე სანდონი არიან, რაგვარადაც ბერძნულნი. სამართლის მწერლობა რომაელთა კი შეუდარებელი იყო, მსგავსი რამ სხვა ძველ ერთ არ შეუქმნია, თუმცა რომაულ სამართალში უცხო ელემენტებიც მოიპოვება. და ეს იურიდიული მწერლობა, მთელი სამართალი რომისა, დღესაც ერთი უდიდესი საგანია სამართლის მეცნიერებისა. რაგვარადაც თვით რომის სამართალი, დიდი მომაწესრიგებელი საზოგადოებრივი ცხოვრებისა, მთელი კულტურული ევროპის მიერ იქმნა მიღებული და დღესაც ცოცხლობს მის ერთა სამართალში.

რომაელთა, ლათინთა სარწმუნოება, მსგავსი იყო სხვა ინდოგერმანულ ტომთა სარწმუნოებისა. მას ამიტომ ბერძენთა სარწმუნოებასთანაც ჰქონდა ნათესაობა. აგრეთვე მას ისევე ჰქონდა მეზობლობით განწყობილება ეტრუსკულ სარწმუნოებასთან, რაგვარადაც ბერძენთა სარწმუნოებას იგივე განწყობილება მათ მცირე-აზიელ მეზობელთა სარწმუნოებებთან. მაგრამ ვერც ეტრუსკულმა „გავლენამ“ და ვერც ბერძენთა სარწმუნოებრივმა „ნათესაობამ“ შეუძლებელყო რომის სარწმუნოების თავისებურება. რომის ღმერთები, ლათინთა ღმერთები და ქალ-ღმერთები იყვნენ დამცველნი ერისა და სახელმწიფოსი, კაცთა და მისი სახლისა, ან და საშობარნი და მტრულად განწყობილნი მათ მიმართ, რაგვარადაც სხვა ერთა ღმრთაებანი, მაგრამ მაგ. ის საზიზლარნი ჩვეულებანი, რომელნიც თან სდევდენ ეტრუსკულ კულტს რომაელებს არა ჰქონდათ. და მიუხედავად იმისა რომ საბერძნეთთან მჭიდრო სიახლოვის გამო რომაელ ღმრთაებათა სახელნი ბერძენთა ღმრთაებათა სახელთ შეუთანასწორეს: იუპიტერ = ზევს, ნეპტუნ = პოსეიდონ, მარს = არეს, მინერვა = ათენე, ვენუს = აფროდიტე, იუნო = პერა, მერკურ = პერმეს, დიანა = არტემის, და სხვ. და სხვ., ეს სრულიადაც არ ნიშნავდა, რომ რომაელს და ბერძენს ერთი და იგივე წარმოდგენა ჰქონოდა მათზედ, ან ერთი და იგივე განცდა მათ ღმრთაებათა. რომაელისთვის ეს ღმერთები უფრო განყენებულნი განსახიერებანი იყვნენ კეთილის ან ბოროტის-მყოფელ ძალთა და ნაკლებად მქონე ადამიანთა თვისებათა, ვიდრე ბერძენთა ღმერთები. ეს ცხადია ყოველი შემდარებლისათვის რომისა და საბერძნეთის სარწმუნოებათა. შემდეგაც, ყოველი გარეთგანაც შემოტანილი კულტი უცხო ღმრთაებათა რომაელის მიერ ისე იყო მიღებული, რაგვარადაც იყვნენ განსახიერებულ დროს მისნი სულიერნი განცდანი.



რომაელთა ხელოვნება რესპუბლიკის დროსა უფრო ძველი ეტრუსკულის — და შემდეგ ბერძნულის მიბაძვა იყო ვიდრე რომაული ხელოვანნი მოქმედნიც უმთავრესად ბერძენნი იყვნენ, მაგრამ რომის ეროვნული ხელოვნების შთახაჩენი უკვე ძველი დროიდან იყო. რესპუბლიკის ბოლო საუკუნეებში რომაელ ხელოვანთა მეორე შექმნილ ქანდაკება-პორტრეტებს ორგანოლობის ბეჭედი ემჩნევა. ხოლო იმპერატორთა დროის ხელოვნება რომისა უკვე ეროვნულ დიდ ხელოვნებად იშვა ძველი დროის შთანაჩენისაგან: რომში, და მთელ იტალიაში აღიმართენ ხუროთმოძღვრების დიდი ძეგლები: ტაძრები ღმრთაებათა, სასახლეები იმპერატორთა, ქანდაკებანი (მაგ. ავგუსტუსისა), და სვეტნი რელიეფებით (მაგ. ტრაიანისა), აბანოები (თერმები) მისი გუმბათებით, სვეტებით, მხატვრობით დიდი დარბაზებისა, წიგნსაცავთა და გასართობთა განყოფილებებით, თეატრებით, ტრიუმფის თაღებით და სხვ. რომი იმ დროისა, უზარმაზარი სატაბრე ქალაქი მაშინდელი მსოფლიო იმპერიისა, მართლსაჩინოდ წარბეჭატი სახანავე იქნებოდა მისი მრავალ-სართულიანი სახლებით, მისი კაპიტოლით, სადაც ტაძრები აღიმართებოდენ, მის ქვევით ფორუმით, რომელსაც უშვენიერესნი ქანდაკებანი და სვეტნი განამაგებდნენ, მის გვერდით იმპერატორთა სასახლეებით და სხვ. და სხვ., და ყოველივე ესე უკვე არა ბერძნული, არამედ რომაული, ეროვნული სტილისა და იმპერიის სიდიდის შესაფერი დიდებულებისა იყო. აქაც ეროვნულმა გენიამ ის შექმნა, რაც მას უნდა შეექმნა, ვითარცა ეროვნულს, განსაკუთრებულს, და გამოაჩინა თვისი ძალა და სიხე, გაარღვია რა კედელი უახლოესი მაგრამ უცხო კულტურის გარშემორტყმულობისა.

ხოლო სახელმწიფოებრივი ცხოვრების ნიჭი რომაელთა იმოდენად სწარბობდა ბერძენთა ამავე ნიჭს რომ აქ ვხედავთ უმეტესად ყოველთა მათ შორის განსხვავებას. ცხოვრების ამ დარგში რომაელებს ბერძენთაგან არა თუ დიდი არაფერი „მიუღიათ“ და შეუთვისებიათ. მიუხედავად მათი ნათესაობისა და სიახლოვისა, არამედ აქ გვევლინებთან ერთი მხრით რომაელის სული, პოლიტიკურ სასწაულთა მოქმედი, და მეორე მხრით სული ბერძნისა. პოლიტიკურად ანარქიული, და თვით უკულტურესი და უნიჭიერესი ერისაგან ვერ შექმნილა ერთი და ძლიერი პოლიტიკური ორგანიზმისა.

ძველმა ბერძენებმა განვლეს დრო მათი პოლიტიკური არსებობისა მათ მონარქიულ, დემოკრატიულ, არისტოკრატიულ, ოლიგარქიულ, ტირანიულ მცირე სახელმწიფოთა ურთიერთს შორის ბრძოლით, ბერძენთა იმით ბერძენთა წინააღმდეგ, ურთიერთის ამოხოცვით. კავშირებიც მათ „სახელმწიფოთა“ მიმართული იყო არამარტო გარეშე მტრისა. არამედ აგრეთვე ურთიერთის წინააღმდეგობ. ერთი ეროვნული სახელმწიფო პელადისა ვეროდეს შექმნა. და თვით გაბერძნებული უცხოელის, დიდი მაკედონელის იმპერიაიც, რომელიც ეგრეთვე შეიცავდა „გაერთიანებულ“ საბერძნეთს, მისი სიკვდილის შემდეგ დიადოხებმა დანაწილეს და შემდეგ საბერძნეთი რომის პროვინციად გადაქცა.

ხოლო რომიდგან, რომელიც პირველად აგრეთვე ქალაქის სახელმწიფო იყო, მცირე, მცირე ზომის მიდამოებით, ისეთი უზარმაზარი ენერჯია გამოვიდა, რომლის ოდენი ძლიერ ძვირად გამოუღია რომელიმე ეკსკაობრიობის მთელი ისტორიის განმავლობაში. იგი იყო გამაერთიანებელი იტალიის ტომთა და მომაწესრიგებელი მათი პოლიტიკური ცხოვრებისა. და იგი არ დაშრეტელა მთელი ერთი ათასეულის განმავლობაში და ამოიწურა მხოლოდ მაშინ, როდესაც ამ ენერჯიის მქონე რომაელი აღარ არსებობდა და რომის იმპერიაში

სხვა მოდგმისა და სისხლის და სულის ადამიანები სჭარბობდენ. რომმა თავით განვე აღრე მოსილია შემოჭრილ ეტრუსკთა ბატონობა, განდევნა მათი მეფეები და გაააროებელა დამთენილი არისტოკრატია; მან გადაიტანა ყოველნაირი ეკონომიური და სოციალური კრიზისი, სძლია იტალიის ტომთა მეტოქეობას და განდგომას, შექმნა იტალიის ერი, უზრუნველყო იგი სამხრეთითგან კართაგოს შემოსევათაგან, დაიპყრა საბერძნეთი იტალიისა და სიცილიისა, განდევნა კართაგო სიცილიითგან და შემდეგ დაიპყრა იგი, დაიპყრა საბერძნეთი და მაკედონია, დაიპყრა და აღავსო კოლონიტებით იტალიითგან ისპანია და გალია, დაიპყრა ბრიტანეთი. განავრცელა თვისი ბატონობა ახლო აღმოსავლეთზედ სპარსეთამდე და აფრიკის ჩრდილოეთ ნაპირებზედ ჯერ კიდევ რესპუბლიკის დროს, ხოლო იმპერატორთა დროს, რომელიც ნახევარ ათასეულს გაგრძელდა, იგი იყო უდიდესი იმპერია მაშინდელი ევროპა-წინა-აზია-აფრიკისა მისი მაღალი კულტურით, მტკიცე ხელით მმართველობისა, მისი ძვირად ძღვეული ლეგიონებით, გზებით და სხვ. და სხვ. — ხოლო თუ რაგვარი იყო რომის ბატონობა ბევრგან, მიუხედავად მისი კულტურისა, ეს სხვა საკითხია, არც ისე სასიამოვნო განსახილველად...

რომის კულტურა მეორე დიდი კულტურა იყო ევროპისა. მონათესავე ბერძნულისა იგი ამასთან ერთად ტუპს წარმოადგენს, და ამიტომ ვუწოდებთ ანტიკურ ცივილიზაციას ბერძნულ-რომაულს.

რომი თუ წინათ „მიძღვნი“ იყო, იგი თვისი სიძლიერის დროს, თვით შემქმნელი დიდი კულტურისა, „მიმცემად“ გახდა, და თვით ბერძენთაც მან მისცა უკეთესი რამ, — მისი სამართალი და წესები სახელმწიფოებრივი ცხოვრებისა, რომლის მსგავსი ძველ ბერძენთ არ ჰქონიათ. და დასავლეთ ევროპაში თუ რა შედეგები მოჰყვა მის ბატონობას და კოლონიზაციას, ცნობილია, ხოლო ჩვენი თვალთახედვით შემდეგ განსახილველი.

ბერძენ-რომაელთაგან „გარდამოცემული“ დღესაც მრავალი სჩანს ევროპის კულტურულ ცხოვრებაში, დღესაც ესარგებლობთ მით, გვიყვარს იგი, ვსწავლობთ მას. პომპროსი და ვერგილიუსი, პლატონი და ციცერონი დღესაც დაუძველებელი არიან ჩვენთვის. რომის სამართალი მართო უნივერსიტეტთა მეცნიერება არ არის, არამედ იგი კიდე ცოცხალია და მოქმედი ევროპის საზოგადოებრივ ცხოვრებაში.

ხოლო როდესაც რომელნიმე იტყვიან, — ჩვენ დღესაც ბერძნულ-რომაული კულტურით „ესაზრდობთო“, ეს სრული სიმართლე არ არის: ძვირფასს გარდმონაცემს არ ვივიწყებთ ხოლო „ესაზრდობთ“ უმთავრესად სხვა კულტურით. სხვა ადამიანთა შექმნილით, ვიდრე იყვნენ ბერძენი და რომაელი.

#### IV

რომის დაცემის შემდეგ დასავლეთ ევროპაში სხვა ეთნიური ჯგუფები გამოვიდა ისტორიის სარბიელზედ, — კელტურ-გერმანული, რომლისაგანაც წარმოიშვა ახალი ერები, ახალ პოლიტიკურ ორგანიზმთა და ახალ ეროვნულ სახელმწიფოთა შექმნელი.

გარეგნულად ამ ჯგუფთა მიერ შეთვისებული კულტურა ანტიკური იყო, ხოლო მათ ჰქონდათ აგრეთვე საკუთარი, მაგრამ განუვითარებელი, და სწორედ აქ იყო საგონებელი, რომ კულტურა დასავლეთი ევროპის ახალ ერთა განგრძობა იქნებოდა ბერძნულ რომაული კულტურისა, მართლაც „განაღვი“ მისი. მაგრამ განვიხილავთ რა ამ ერთ მათი ზრდის პროცესში, სწორედ აქ გვივ-

ლენება თვალ-წინ უკეთესი მაგალითი ეროვნული სულის შემოქმედებითი ძალისა, რომელიც ჯანაღრვევს უმტკიცეს გარემოცულობასაც. გარდაქმნის უცხოს შეთვისებულს და ჰქმნის ახალს, განსხვავებულს შეთვისებულისაგან, გარეთგან შემოტანილისაგან. „ნასწავლისაგან“.

რომის ბატონობა დაპყრობილ პროვინციებში დასავლეთ ევროპის უარესი იყო ვიდრე იგივე ბატონობა მათი აღმოსავლეთში. გარდა რომაელთათვის ჩვეულებრივი ძარცვა-გლეჯისა, რომელიც ყველგან თანსდევდა რომაელთა გამარჯვებას და დამკვიდრებას, დასავლეთი ევროპის დაპყრობილ პროვინციებს კიდევ ის უბედურება დაატუდა თავს, რომ მათი ქვეყნები იესებოდნენ იტალიითგან. მისული კოლონიტებით. ვაჭრებით, ჩარჩებით, ჯარისკაცებით, მოხელეებით. დასავლეთი ევროპის პროვინციები ახლოს იყო იტალიითგან და იქ გადასახლება და დამკვიდრება ზემოხსენებულ ელემენტათვის ადვილსაქმეს წარმოადგენდა. ამიტომ საკვირვლად მოკლე ხანში „რომანულად“ გარდაქცა კელტ-იბერთაგან უხსოვარი დროითგან დასახლებული პირენეის ნახევარკუნძული. მხოლოდ ბასკები გადურჩენ ამ გადაგვარებას. იგივე მოხდა გალიაში: კელტობა გარომანდა. ბრიტანეთის კუნძულზედ კელტების გარომანება არ მოხდა იმ ზომით, რა ზომითაც ესპანეთში და გალიაში, რათგანაც ბრიტები ზღაპრული ვაეკაცობით ებრძოდნენ რომაელებს, იტალიიდან მისული ელემენტებიც ცოტა იყო, და თვით რომის იმპერია დაიღუპა, სანამ იგი ბრიტანეთს დაიმონებდა საყსებით, რაგვარადაც დაიმონა ესპანეთი და გალია. რომმა აგრეთვე ვერ შესძლო გერმანიის დაპყრობილ დასავლეთ ნაწილთა სრული გარომანება, რადგანაც იგი სრულიად გერმანიას ვერ დაეპატრონა და გერმანიის შუაგულითგან და აღმოსავლეთითგან შეუწყვეტლად მოდიოდა დასავლეთისაკენ გერმანული ნაკადი.

უკუ-ვხედავთ რა მოვლენას კელტთა გარომანებისა, ჩვენ იგი უდიდეს ვნებად გვევლინება დასავლეთი ევროპისა: გადაგვარება კელტთა, ამ ისეთივე დიდი ნიჭით დაჯილდოვებული და შევნიერი მოდგმისა, რაგვარიც იყვნენ გერმანელნი, მათ წარხდენას მოასწავებდა, წართმევას მათთვის მომავლისა, მათ უნაწილოდ-ყოფას იმ როლისაგან, რომელიც მათ უნდა აღესრულებიათ დასავლეთი ევროპის ახალი კულტურის შექმნაში. მაშინ რომაელებმა არ იცოდნენ რას ჩადიოდნენ და, რასაკვირველია, არც შეიძლებოდა, რომ სცოდნოდათ. იულიუს კეისრისათვის გალიის დაპყრობა და კელტთა განადგურება დიდი სახელმწიფო საქმე იყო, სატრიუმფო, და მისი ტრიუმფის შემდეგ დამარცხებული გმირი გალიისა ვერცინგეტორიქსი მოაკლევინა, რომაელთა „კეთილშობილი და რაინდული“ წესისამებრ, ვერცინგეტორიქსი და სხვა გმირები კელტთა კი თავგანწირულად იბრძოდნენ მათი ხალხოსნობის გადასარჩენად შემოსეულ მსუნჯათა წინააღმდეგ, ხოლო დამარცხდნენ. მაგრამ ძველი გალიაში მხოლოდ ვერცინგეტორიქსს ეკუთვნის, რაც თუ გინდ გარომანებული იყოს გალია!

ბრიტანეთის კუნძულზედ კელტთა მომავალს გერმანელთა შესევამ მოულოდლო. და ამით მათი ბედიც გადაწყდა დასავლეთ ევროპაში.

და რაოდენი რამ უდიდესი ღირებვის მქონე განქრა სამუდამოდ განადგურებით იმ დიდი მოდგმისა, რომელსაც ერთხელ უდიდესი ადგილი ეჭირა ევროპაში, ბოჰემიიდან დაწყებული დიდი ბრიტანიის კუნძულებამდე! რაოდენი თქმულება, რაოდენი პოეზია, რომელიც ითქმოდა მხოლოდ მათი ენით, რომლის ძირები ძველი იყო და ბუნებრივი, ცოცხალი, რაოდენი თავისებური ჰანგი, და სხ... რომ კელტური ენები განვითარებულიყო საუკუნეთა განმავლობაში დღემდე. დაარჩენილიყო კულტურულ ერთა ენებად ესპანეთში, გალიაში, ბრიტანეთ-

ში, შეიძლება ბგერათა სიმშენიერით ისინი ვერ იქმნებოდნენ სწორნი მაგ. ესპანურისა ან „ფრანგულისა“ (ამას გვაზრებს ნაშთები კულტურისა), მაგრამ პოეზია და ერთობ კაზმული მწერლობა კელტური რაოდენად უფრო დიდი და ძარღვიანი იქმნებოდა ვიდრე ის, რომელიც კელტთა მიწა-წყალზე წარმოიშვა უცხო ძირებისაგან. ვინაიდან, წინა-უქმო, წარმოვიდგინოთ, რა იქნებოდა მაგ. დღეს გერმანული მწერლობა, წარმოშობილი და განვითარებული არა გერმანული, არამედ ლათინური ძირებისაგან, — ან „ქართული“ სპარსული დიალექტისა!.. ყოველ ენას, უხსოვარი დროითგან საკუთრებას განსაზღვრულ მოდგმათა, თავისი უძველესი ცოცხალი ძირები აქვს, აქეთგან საზრდოობს იგი, აქეთგან იქმნება ყველაფერი დიდი, რაც ენით გამოითქმის, და როდესაც ეს ძირები მოექტება ენას, უცხო დიქტერს ადგილს ეროვნულისა, მაშინ ხდება რაღაც არა კეთილი, ძალადობა, რაის შემდეგაც ერო მრავალი ნაკლის მქონე მეტყველებით რჩება.

ბედი ერთა ხშირად უღმობელად არა კეთილია, ვითარცა ბუნება, პირველმა დანდობა ისე არ იცის, რაგვარადაც უკანასკნელმა. მაგრამ ხშირადვე ერთგვარი „რევანშიც“ ხდება: მიძლავებულ ერს შეუძლია კვლავ აღდგეს, თუმცა სხვა ფერით, ისე რაგვარადაც ბუნება წარმოშობს მოსპობილ სახეთა ნაცვლად ახალთ. — ესპანეთში და გალიაში შესეულმა მდბაღლი ღირსების მქონე ელემენტებმა მათი საშინელი იტალიური დიალექტებით შერყენეს კელტთა კეთილშობილი რასა და სიკვდილს მისცეს მათი ენები, მაგრამ კელტთა რასას ამით შემოქმედებითი ძალა მაინც არ დაუკარგავს. ამ ძალამ შექმნა ახალი ერები ესპანეთისა და გალიისა, ახალი ენები, რომანული ძირისა, მაგრამ განსხვავებული ლათინურისაგან, — ენები უაღრესად მშვენიერი, დახვეწილი, თავისებური, რომლებზედაც წარმოიშვენ და განვითარდენ უდიდესნი მწერლობანი დასავლეთი ევროპისა, სრულიადაც არა განგრძობანი ლათინურ-რომაული-სა, — ენა კალდერონისა და სერვანტესისა, საშუალო საუკუნეთა ენა ტრუბადურებისა, და ენა „ფრანგული“, რომლის ბედი აგრეთვე დიდი იყო საუკუნეთა განმავლობაში, რაგვარაც თვით ლათინურისა. — ამ ენას სრულიად არა-მართებულად ეწოდება „ფრანგული.“ ენა გარომანებული ვალებისაა, რომლებიც გერმანელ ფრანკთაგან იყენენ დაპყრობილი. დამპყრობთაგან მათ სახელმწიფო შეექმნათ, თვით მათ ერსაც და სახელმწიფოსაც გერმანული სახელები ეწოდათ (ფრანსე, ფრანს), მაგრამ მათი ენა ისეთი მტკიცე გამოდგა, რომ ვერც ვალორომეელთა შერევამ ფრანკ-გერმანელებთან იგი ვერ გააგერმანელა, როგორც თვით ერი ვერ გააგერმანელა, და თვით მათ ენაშიც შესული გერმანული სიტყვები მაგ. guerre, garder, boulevard, maréchal, და ათასი სხ. ისეა „გაფრანგულებული“, „გალათინებული“, რომ დღეს რომ საშუალო განათლების ფრანგს მათი „გერმანულობა“ უთხრათ, გაუკვირდება და შეიძლება ხუმრობად ან შეურაცყობადაც მიიღოს.

თვით იტალიაში იმ დიალექტთაგან, რომელნიც უეჭველად რომის დროსაც არსებობდნენ, შეიქმნა სამწერლობო ენები, რომლებსაგან ერთი გახდა სამწერლობო ენად მთელი ერისა, — ტოსკანური დიალექტისაგან განვითარებული. ამ ენაზედ სწერდა დიდი დანტე, ხოლო ეს დიალექტები იტალიისა არ იყო გალიის პატუები, მათ სამშობლოში ჰქონდა ძველი, ცოცხალი ძირები. ჩრდილოეთითგან იქ ჩასახლებულ გერმანელთა ცნების ელემენტები მათაც შეითვისეს, მაგრამ ისეთივე სრული ასიმილაცია უყვეს მათ, რაგვარიც „ფრანგულმა“ იმავე გერმანულ ელემენტებს. და თუ იტალიური სამწერლობო ენა რომანულ

ენათა შორის უმდიდრესია და უკეთესობილესი, ეს აიხსნება მით, რომ იგი ბუნებრივი შეცვლით განგრობა ადგილობრივი ლათინურისა და მის მონათესაეფ ენათა, მაშინ როდესაც სხვა რომანული ენები უცხო მიწაზედ არის წარმოშობილი უცხო და თანაც უშვერ იტალიურ დიალექტთაგან.

გერმანულ ენათა ბედი უკეთესი იყო ვიდრე კელტურ ენათა, ვითარცა ერთობ ბედი გერმანელთა უკეთესი იყო ვიდრე კელტთა. წარმოიშვა სამწერლობო ენა გერმანული ყველაგან, სადაც მათ ეროვნულ-პოლიტიკური ცხოვრება ჰქონდათ. თვით ინგლისური, რომელსაც საშუალო საუკუნოებში ფრანგული შეეჭრა, გერმანულ ენად დარჩა. იგი ნარევია, რათგანაც ერთ მესამედზედ მეტი მასში არა გერმანული, განსაკუთრებით ფრანგული ელემენტია, ასიმილაცია ამ ელემენტთა მან ვერ შესძლო მსგავსად იტალიურისა და ფრანგულისა, რომელთაც გერმანულ ელემენტთა სრული ასიმილაცია მოახდინეს, მაგრამ ინგლისურმა უცხო არსებით სახელთა ბრუნება და უცხო ზმნათა უღვლილება გერმანულად ჰყო, გამოთქმაც მათი თავისებურად შესცვალა და ამით ამ ნარევი ენამ შეიჩინა თავისი გერმანული ინდივიდუალობა ამას გვიჩვენებს არა თუ ჩოსერის ენა მე-14-ე საუკუნისა და შექსპირის ენა მე-16-ე საუკუნისა, არამედ ახალი ინგლისური ენაც, უფრო სავსე უცხო ელემენტებით.

ხოლო კელტურ ენათა ბედი, რაგვარადაც ზემოთ აღვნიშნეთ, უბედური იყო: მოხდა მათი სრული ასიმილაცია გერმანულისაგან სამხრეთ და დასავლეთ გერმანიასში, იტალიურმა დიალექტებმა მოსპო კელტური წინათ ჩრდილოეთ იტალიასში და შემდეგ ესპანეთში და გალიასში. დიდი ბრიტანეთის კუნძულებზედ დაშთენ ირლანდიური, საუკუნეთა განმავლობაში დევნილი ინგლისურისაგან, და მის აღდგენას დღეს სცდილობენ ირლანდიის პატრიოტები. შოტლანდიაში კელტური მხოლოდ მთებშია კიდევ შერჩენილი, ველსური ბრიტანეთის კუნძულის სამხრეთ-დასავლეთ კუთხეში გადარჩენილა, გალიასში ბრეტონული. ხოლო არც ერთს მათგანს არ არგუნა ბედმა გამბდარიყო დიდი კულტურული ერის ენად, რაგვარიც არის გერმანული, ფრანგული, ინგლისური და სხ., და ამით დასავლეთ ევროპის კულტურას უდიდესი რამ დააკლდა: ვერ გაიშალა გენია კელტურისა, რომელიც განსხვავებული იქნებოდა გერმანულისაგან და რომანულისაგან, მაგრამ მათებრ დიდი, — და წაერთვა დასავლეთ ევროპას ამით მესამე სახე, რომელიც ისეთივე თავისებური და დიდებული იქნებოდა, რაგვარიც არის მისი რომანული და გერმანული სახეები.

ზოგი მკვლევარი სარწმუნოებათა იმ აზრის არის, რომ მითრას კულტი რომში ქრისტიანობას ისეთს მეტოქეობას უწევდა, რომ საკითხი იყო, მითრას სარწმუნოებას უნდა გაემარჯვა თუ ქრისტიანობასაო.

ჩვენ ეს დიდ შეცდომად მიგვაჩნია. — მართალია, როდესაც რომის იმპერია უზარ-მზარად გახდა და მრავალ ქვეყანათ შეიცავდა, როდესაც რომაელთა, სარწმუნოებამ, ისედაც მკრთალმა და ძალის არა მქონემ სარწმუნოების თვისება დაჰკარგა.

რომში მაშინ არსებობდა მრავალი სარწმუნოება, იდეებით ცოდვისა, ცოდვათა და მათგან ხსნისა, ახლად შობისა, მკვდრეთით აღდგომისა, საუკუნო ნეტარი ცხოვრებისა და სხვა, რომლებიც იტაცებდა სარწმუნოებას და სულის სიმშვიდეს მოწყურებულ ადამიანს. ამ უცხოეთითგან შემოსულ სარწმუნოებათაგან ყველაზედ უფრო გავრცელდა მითრას (სპარსული მზის ღმერთის) სარწმუნოება, კულტი, მისტერიები, განსაკუთრებით მხედრობაში. მაგრამ განა შეიძლება შედარება მითრანიზმის გავლენისა ქრისტიანობის მოქმედებათა.

ადამიანის სულზედ, მის ძალასთან? ქრისტიანობასაც ბევრი რამ ჰქონდა აღმოსავლური, — ებრაელთა ერთი-ღმერთის იდეა, იგივე იდეები ცოდვისა, ცოდვათაგან ხსნისა, აღდგომისა, კეთილის გამარჯვებისა ბოროტზედ განკითხვის დღისა, სამოთხისა კეთილთათვის და ჯოჯობეთისა ბოროტთათვის, აგრეთვე მისტერიებიც აღმოსავლური არ იყო მისთვის უცხო, მაგრამ ქრისტიანობა წარმოიშვა ელენიზმის წიაღში, მის ელემენტთა შორის ბერძნული ფილოსოფია უმნიშვნელოვანესი იყო. იგი არ იყო წმიდა აღმოსავლური სარწმუნოება, მიუხედავად მისი აღჩენისა პალესტინაში. ხოლო აქ უმათერესი ის არის, რომ განმაცხადებელი ამ სარწმუნოებისა იყო ქრისტე, ისტორიული პიროვნება, რომელიც მისი სარწმუნოების ქადაგებისათვის გაასამართლეს და ჯვარს-აცვეს, — ჯვარს აცვა თვით აღმოსავლეთის ებრაელობამ, დასავლეთის, — პილატეს — არა გულწრფელი სურვილით და ნებით. იესო ქრისტე იყო კაცი, მაგრამ ღმერთი განაცხებული, გამოგზავნილი მამისაგან კაცთ-მოყვარეობით კაცთა ხსნისათვის ცოდვათაგან, იგი იყო მესია, ცნებული, იგი იყო მაცხოვარი და დიდი პარაკლელი წინაშე მამისა კაცთა მაცხოვარებისათვის. მქადაგებელი კეთილისა და სიყვარულისა ბოროტისა და სიძულვილის წინააღმდეგ, კაცთა სიყვარულისათვის შემწირველი თვისი სიცოცხლისა. სწავლა ქრისტესი ყურით ჰქონდა ხალხს მოსმენილი და მას მოწაფენი ჰყავდენ. ვნება მისი მათ თვალთ იხილეს. აღდგომა მისი, ღმერთ-კაცისა. მათ ირწმუნეს. მისი ზეცადვე ასვლის შემდეგ მის გამოგზავნელ მამასთან მას დარჩა თავ-განწირული, კლდესავით შეურყენელი რწმენის მქონე მოციქულები, რომლებიც მთელს იმპერიას მოედვენ ქადაგებით... რომელნიც ქრისტეს სიყვარულისათვის არავითარი სახის სიკვდილს არ ერიდებოდნენ! ქრისტიანობა აღიარეს ბერძენ და რომაელ უგანათლებულეს და უნიჭიერეს კაცთაც და მათ განსაკვიფრებელი გონებრივი ენერჯია დახარჯეს მის ერთ დიდ სარწმუნოებრივ-ეთიკურ-ფილოსოფიურ სისტემად. ჩამოსხმისათვის. მართო ღვაწლი ორიგენის და ავგუსტინის არის განსაკვიფრებელი. შეიქმნა ეკლესია, რომელსაც მართლაც ვერ მოეროდენ „ბრძენი ჯოჯობეთისანი“ და მან იღვა თავს დოგმათა დამყარება, რათა ერთი, საბოლოო სახე მისცემოდა ახალ სარწმუნოებას და ბოლო მოღებოდა არეუ-დარევეს, რომელსაც მრავალი სექტა იწვევს ყოველთვის ახალი სარწმუნოების დადგენის დროს. ეკლესიის მამებმა ეს შესძლეს, თუმცა ისინი მათ ყრილობებზედ ერთმანეთს წვერ-ულვაშს ჰგლეჯდენ და კვერთხებით თავს უტეხდენ მსჯელობათა დროს.

და რა მეტოქეობა უნდა გაეწია ასეთი ძალის მქონე სარწმუნოებრივ-სულიერი მოძრაობისათვის მითრას, ან ოზირისის ან სხვა რომელიმე აღმოსავლური სარწმუნოებას, ანუ კულტს მისი პეკატომბებით და მისტერიებით ევხარისტიისათვის, „უსისხლო მსხვერპლისათვის“!

გაჩნდა უზარმაზარი მწერლობა ქრისტიანული, შექმნილი ხანგრძლივ მოძრაობაში; — გადმოტანილ იქმნა ქრისტიანულ მწერლობაში ებრაელთა ძველი ალტჰმა, უკვე თარგმნილი ბერძნულად ებრაელ მეცნიერთაგან, დაიწერენ სამოციქულონი, სახარებანი, აუარებელი საღვთისმეტყველო და ფილოსოფიური თხზულება მეცნიერ ღვთის-მეტყველთა და ფილოსოფოსთა. შეიქმნა „წერილი“, რომელსაც საწარმართო მეცნიერება ველარ ერეოდა. ქრისტიანულმა მეცნიერებამ და ფილოსოფიამ თვით მათნი „ქეშმარიტებანი“ შეითვისა და წარმართობას მისივე საჭურვლით ებრძოდა და ამარცხებდა.

ახალი სარწმუნოება ბოლოს ყოველ ქვეყანაში ხალხურ სარწმუნოებრივ წარმოდგენებზედ და ჩვეულებებზედაც დაემყნო და ამით განიმტკიცა საფუძველი ხალხთა შორის.

და იგი ძლიერამოსილი გაბატონდა ბოლოს და ბოლოს ვითარცა ერთი სარწმუნოება რომში და მის პროვინციებში, საბერძნეთში და აღმოსავლეთის მრავალ ქვეყანებში.

მკლესია ქრისტესი აღშენდა მართლაც „ეკლესია ზედა“, რომის ეკლესიამ პირველობა მოიპოვა თითქოს იმ ფაქტის თუ ტრადიციის მიხედვით, რომ მთავარი მოციქული ქრისტესი პეტრე რომში მოღვაწეობდა და იქ ეწამა. ნამდვილად კი მან მიითვისა უნივერსალობა არა მარტო იმიტომ რომ ეკლესია ერთი უნდა იყოს, არამედ იმიტომ რომ მან თავს იღვა რომის იმპერიის უნივერსალობის განგრძობა, — სხვა სახით სასულიერო რომის შექმნით. და პავლეც, ეს უდიდესი მოციქულთა შორის, ნამდვილი შემქმნელი „ეკლესიისა“ ევროპაში ხომ აგრეთვე რომშიც მოღვაწეობდა და იქ ეწამა. და ესეც არგუმენტი იყო რომის ეკლესიის პირველობისა.

იი ეს სარწმუნოება დაედვა სულიერ საფუძვლად რომის შემდეგ წარმოშობილ დასავლეთ ევროპას, — და ეს იყო საფუძველი, რომელიც ამ ახალ ევროპას სულიერად საესებით განასხვავებდა ძველისაგან, — საბერძნეთ-რომისაგან.

რა „მისცა“ აღმოსავლეთმა დასავლეთს ქრისტიანობით? უფრო მისივე დაუბრუნა. ვინაითგან რაც კარგი იყო ქრისტიანობაში, მიუწვდომელი იდგა. უმაღლესი ზნეობა. სწავლა, აღმამაღლებელი ადამიანის სულისა და სხ., — ესე ყოველი „ევროპიულიც“ იყო. ერთი ღმერთი მარტო აღმოსავ. კაცთა. ებრაელთა მოგონილი არ იყო. მას თვით ბერძნულ „სარწმუნოებაშიც“ ვხედავთ, და ამასთანავე ქრისტიანულ ერთ ღმერთს ძლიერ ცოტა მსგავსება აქვს ებრაელთა იაპევსთან. თვით ქრისტე იუდის ტომისა არ იყო, არამედ გალილეველი, აღზრდილი ებრაულ სარწმუნოებაში, რომელიც მან თვისი მოძღვრებით სავსებით უარკყო, ხოლო პავლე მოციქულმა უკანასკნელი ძაფი გასწყვიტა, რომელიც ქრისტიანობას იუდაიზმთან აერთებდა. თუ ეკლესიამ ძველი აღთქმა, ეს კრებულები ებრაულ სხვა და სხვა დროს დაწერილ და სხვა და სხვა შინაარსის თხზულებათა, საღმრთო წერილად მიიღო, ეს მხოლოდ იმიტომ, რომ მას იგი თვისი მოძღვრების სისტემისათვის სჭირდებოდა და გამოიყენა კიდევ. გადააბა რა იგი ხელოვნურად, განგებ ახალ აღთქმას, ბერძნულად დაწერილს, რომელთანაც მას. ნამდვილად არავითარი კავშირი არ აქვს, არც ერთ დიდ ქრისტიანს არც ძველად და არც შემდეგ განმაცხოველებელი, ნამდვილი „სასუმელი“ მისი სულისა „ძველი“ აღთქმის წყაროთგან არ ამოუღია, არამედ ქრისტეს სახარებითგან, მოციქულთა წერილებითგან და სხვა „ახალი“ წყაროებითგან ითუ ქრისტიანობა პალესტინაში, აღმოსავლეთში აღმოცენდა, ესეც არ ამტკიცებს მის სრულს „აღმოსავლურობას“, ვინაითგან დიად პალესტინა იყო ადგილი, სადაც ხვდებოდენ ურთი-ერთს რელიგიურ-ფილოსოფიური იდეები დასავლეთისა და აღმოსავლეთისა, და უფრო დასავლეთის კულტურის სფეროში, ვიდრე აღმოსავლეთისა. თვით ასევე ზი უცხო არ იყო ბერძნის სულისათვის!

და თვით ქრისტიანობამაც ყველგან, ყოველი ერის წიაღში მიიღო ერთი ფერი, იგი ვახდა ეროვნულ შემოქმედებად მიუხედავად ერთაგან მისი „მ ი ღ ე ბ ის ა“. ამას ამტკიცებს განსაკუთრებული საეკლესიო ცხოვრება ყოველი ერისა და კულტურა მისი, მისგან ახლად შექმნილი ქრისტიანობის ნიადაგზედ, და მუნ გაზრდილი. თვით დასავლეთის ანტიკური კულტურა კვდებოდა ქრისტიანობის წინაშე, და მიუხედავად მის მიერ ქრისტიანობისათვის მრავლის რაისამე გარდაცემისა, იგი მას საბოლოოდ გამოეთხოვა, ვითარ-

ცა ახალ მოვლენას, ახალ შემოქმედებას დასავლეთისა, სრულიად განსხვავებულს ძველისაგან. და როდესაც იელიანე „განდგომილმა“ მოინდომა ახლის სიკვდილი და ძველის გაყოცხლება, იგი დამარცხდა, რათგანაც უნდა დამარცხებულიყო: მეკდრის აღდგენა შეუძლებელი იყო. ეს ბოლოს მანაც იგრძნო და მას მიაწერენ სიტყვებს, რომელიც მას დამარცხებულს და მომაკვდავს უნდა ეთქვა: „გამარჯვება შენია, გალილეელო“.

რომის იმპერიის დაშლის შემდეგ წარმოშობილი დასავლეთი ევროპა გერმანელ ტომთა მიერ გალიისა, იტალიისა, ესპანეთისა და ბრიტანეთის კუნძულთა დაპყრობით და მათ მიერ იქ შექმნით ახალ პოლიტიკურ ორგანიზმთა შეიქმნა. გერმანელთა შესევას ამ ქვეყნებში „ბარბაროსთა შემოსევას“ უწოდებენ, აძლევენ რა სიტყვა „ბარბაროსს“ მნიშვნელობას „არა კულტურული ველურისა“ და სხ.. და ესეც დიდი შეცდომაა. „ბარბაროს“ ბერძნულად ნიშნავს უპირველესად „გაუგებარი ენით მეტყველს“. „უცხოელს“, „არაბერძენს“ და სხ. ასე უწოდებდნენ ბერძნები სპარსთაც, რომელთაც სრულიად არ სთვლიდნენ ისინი „არა-კულტურულად და ველურად“. ეს მნიშვნელობა სიტყვას შემდეგ მიეცა. ხოლო თვით სიტყვა არც ბერძნულა, არამედ უნდა იყოს სუმერული ბარ-ითგან გარდმონაცემი, რაიცა ნიშნავს „გარეგანს“. „უცხოს“ „მტერსაც“...

პატრონყმობა, რომელიც მეფითგან დაწყებული გლეხამდე ყველას ადებდა განსაზღვრულ მოვალეობას, უმცროსს უფროსისადმი და უფროსს უმცროსისადმი, ურთიერთის სამსახური და გაუტეხელი ერთგულება, რაინდობა, აგრეთვე ქალაქები, მუდამ მებრძოლი მათი რესპუბლიკანური თავისუფლებისათვის, ცენტრები ხელოსნობისა, ვაჭრობისა, მაშინდელი ხელოვნებისა და მეცნიერებისა, — სხვა თვისებისა ვიდრე ანტიკური „პოლის“ და სხვ., რაიცა კუთვნილებანი არიან ე. წ. „ფეოდალური“ წყობილებისა, ეს იყო საზოგადოებრივი საფუძველი, რომელიც დაედო დასავლეთი ევროპას ახალ ცხოვრებას და შეიქმნა ახალი კულტურა, სულ სხვა ვიდრე მანამდე არსებობდა.

წარმოიშვა ქრისტიანულ-ფეოდალური ევროპა, რომელსაც სულიერად აერთებდა უმთავრესად უნივერსალური ეკლესია რომისა. თუ წინათ იტალიაში პერული ოდოვკარ, მის შემდეგ ოსტ-გოთი თეოდორის (დიტრიხ) და ამის შემდეგ ლანგობარდები აშენებდნენ ახალ იტალიას, თუ იგივე ხდებოდა ესპანეთში ვესტ-გოთების ენერგიით. გალიაში ფრანკი ხლოდოვეხ (ხლოდვიგლუდეიგ) ჰქმნიდა ფრანკულ მონარქიას. დიდ-ბრიტანეთში ანგლები და საქსები ახალ, გერმანულ ერსა და სახელმწიფოს ქმნიდნენ, თვით გერმანიაში და სკანდინავიაში იგივე შემოქმედებითი ძალა მოქმედებდა, და სწორედ გერმანიაში იქმნებოდა ხერხემალი ევროპის კონტინენტისა და უკვე მეცხრე საუკუნეში კარლ დიდის იმპერია დასავლეთ ევროპის უდიდეს ნაწილს შეიცავდა. „იმპერატორები“ რომში პაპისგან იყურთხებოდნენ და მისი ხელით იღვამდნენ თავს საიმპერატორო გვირგვინს. პაპობას და იმპერიას, — ორივეს ჰქონდა უნივერსალობის პრეტენზია. ამ ნიადაგზედ მომხდარ ბრძოლათა შედეგები, ზოგჯერ დიდად მვენებული ევროპისათვის, ცნობილია, — ეს არ არის საგანი ჩვენი მსჯელობისა, ვიტყვით მხოლოდ, რომ ორი უზარმაზარი პოლიტიკურ-სულიერი შენობისაგან ერთი დარჩა „წმიდა რომის იმპერიად გერმანელი ერისა“ დასავლეთი ფრანკეთის განშორების შემდეგაც მეცხრამეტე საუკუნის დასაწყისამდე.

წარმოიშვა ახალი სავსებით განსხვავებული ანტიკური ქვეყანისაგან: ახალი სახელმწიფოები, ახალი ერები, ახალი სოციალური წყობილება, ახალი



სარწმუნოება. ყოველივე შექმნილი ახალი ადამიანისაგან, რომელსაც არაფერი საერთო ჰქონდა რომელთან და ბერძენთან, თვინიერ ამ კულტურათა ცოდნისა და შეთვისებისა, ვითარცა ნასწავლისა. ესე ყოველი არ იყო პირდაპირი განგრძობა ანტიკისა, არამედ სრულიად ახალი შემოქმედება სხვა სისხლისა და სხვა სულის მატარებელი ადამიანის მოღვმისა და რა „მისცა“ ამ ახალ ქვეყანას რომმა? ბევრი რამ დაუტოვა მემკვიდრეობად, — ენა საეკლესიო, სამეცნიერო, სამართალი, რომელიც უფრო საშუალო საუკუნეთა შემდეგ აწესრიგებდა ევროპის კონტინენტის ცხოვრებას და სხვა, უმთავრესად კი ნანგრევები და ნაშთები ძველი კულტურისა, რომლის შესწავლას და შეთვისებას ახალი ქვეყანა საუკუნეთა შემდეგ თვისი წარმოშობისა შეუდგა. მაგრამ ეს „მინაცემი“ არ იყო განმსაზღვრელი ახალი ქვეყნის მიერ ახლად შექმნილის არსებისა და მთავარი პირობა ახალი კულტურის განვითარებისა.

ეს ე. წ. „საშუალო საუკუნეთა“ ეპოქა დასავლეთი ევროპის ისტორიისა ხშირად ყოფილა და არის დღესაც ცილწამებულ: იგია წარმოდგენილი დროც სიბნელისა, უფიცობისა, ცრუმორწმუნეობისა, სისასტიკისა, სირეგენისა. მაგალითად ისეთი დიდი ფილოსოფოსი. რაგვარიც იყო არტურ შოპენჰაუერი, „ქრისტიანულ-გერმანულ სისულელეს“ უწოდებს, — ამ უკეთილშობილეს მოვლენას, რომელიც რაინდულ-ფეოდალური კულტურის ნიადაგზედ აღმოცენდა, დიად „ქრისტიანულ-გერმანულ“ დასავლეთ ევროპაში, მაგრამ სხვაგანაც, მაგ. საქართველოში, სადაც იგი იყო „ქრისტიანულ-ქართული“. — მონასტრებში სწარმოებდა დიდი სამწერლობო მოღვაწეობა ევროპაში ისევე როგორც სხვა საქრისტიანო ქვეყნებში (საქართველოში და სხვაგან). და ბერების ნააზრი ყოველთვის სიბნელე და სირეგენე არ იყო, არამედ დასაწყისი შემდეგ განვითარებული მეცნიერებისა და ფილოსოფიისა. — ამ დროსვე ხდებოდა ლათინური ენის ბატონობის გარღვევა და იბადებოდა მწერლობა დასავლეთ ევროპის ახალ ერთა, — რომანულ და გერმანულ ენებზედ. — მეფეთა და დიდ ერისთავთა კარნი ყველგან დიდნი კერანი იყვნენ ეროვნულ კულტურათა და მათი გაზრდისა და გაფურჩქენის შედეგად გვრდებოდა ნათლად თვალწინ დიადი სხივი კულტურის ამ ბუდეთა—ამ ეპოქაში წარმოიშვა ე. წ. გოთური სტილი ხუროთმოძღვრებისა ჩრდილოეთ საფრანგეთში და გავრცელდა მთელ საშუალო და ჩრდილოეთ ევროპაში, — განსხვავებული რომანულიაგან. — ამ ეპოქაში გაჩნდნენ ქალაქები, ნამდვილი რესპუბლიკები, სადაც განსაკვიფრებელი მხნეობით და მამაცობით იბრძოდა მოქალაქე მისი თავისუფლებისა და მის უფლებათა დასაცავად ყველას წინააღმდეგ, ვინც მათ შეზღავდა, — იქმნებოდა ეს წინააღმდეგობი მეფე, ფეოდალი თუ ეპისკოპოსი. ცნობილია მათი შესანიშნავი ორგანიზაცია ვაჭრობისა და ხელოსნობისა, მრეწველობისა, მათი კორპორაციები, მათი მეთოდები ხელოსანთა სწავლისა და აღზრდისა, მათი „შედევრები“, გაწერთნა ხელოსანთა ოსტატად და ხელოვანებად. ამათი მოგზაურობა და ხელობის სწავლა ყველგან, სადაც მათ ახალის რაისამე სწავლა შეეძლოთ, და სხვ. ამ ქალაქებში კეთდებოდა, სხვათა შორის, ისეთი სისწორის ინსტრუმენტები, რომელიც დღესაც განცვიფრებას იწვევს. და ერთობ ეს ქალაქები იყო ის ძველი ბუდეები, სადაც გამოიჩეკა სწორი ცდის მეცნიერება, გაზრდილი და განვითარებული ჩვენ დღემდე. და სხვ., და თვით „აღორძინებაც“ ხომ გარეშე ამ ქალაქთა არ მომხდარა!..—ხოლო ვინც სიბნელეს, სირეგენეს და სისასტიკეს უწოდებს საშუალო საუკუნეებს, მათ კეთილ-ინებონ და აღორძინების ხანა მოიგონონ ინკვიზიციისა და სხვა საშინელებათა მძვინვარებით. მათ „ახალ“ ეპოქას გაუსინ-

ჯონ სახე და ნახავენ, რომ იგი არც ერთი უკეთურობით არ ჩამორჩება საშუალო საუკუნეებს და ერთობ სისაძაგლით მათმა ეპოქამ ისევე გადააჭარბა მას, რაგვარადაც აღორძინების ეპოქამ, მიუხედავად ორივე ეპოქის წინსვლისა, „პროგრესისა“, რომელიც პარალელურად ხდებოდა. მან დაჰკარგა ყოველი კეთილშობილება, სინდისი, სამართლისა და ერთობ ადამიანობის გრძნობა, რაინდობა და სხვ., რაიცა საშუალო საუკუნოებში იყო მიუხედავად მისი სიბნელისა, სისასტიკისა, სირევნისა, ცრუ-მორწმუნეობისა, და ღღეს ადარ არსებობს მიუხედავად ახალი დროის მეცნიერებისა, ტექნიკისა და სხვა „მონაპოვართა ცივილიზაციისა!“ ერთობ საშუალო საუკუნეთა დასავლეთი ევროპა მისი ბრძოლებით მონარქთა და დინასტთა შორის, საეროსა და სასულიეროს შორის, მისი სასახლეებით, ციხე-დარბაზებით და კოშკებით, საითგანაც გამოდიოდა სისასტიკე, მტრობა და ინტროგა, მაგრამ ამავე დროს დიდი კულტურა ცოცხლობდა და იზრდებოდა, მისი დიდებული ტაძრებით, რომელთა მსგავსის შექმნა ღღევანდელ ადამიანს ადარ ძალუძს, მისი ქალაქებით, სადაც ცხოვრება არ იყო სამოთხე, მაგრამ რომელიც იყო მტკიცედ აგებული ბუდეები ხალხის შემოქმედებისა. შემდეგ მისი რაინდობით, ქალის კულტით და სხვ. და სხვ., შეიძლება ბევრად უფრო სიმპათიური იყო ვიდრე ჩვენი ქვეყანა. იმ ქვეყანას ეკლესია მაინც აერთებდა, სარწმუნოებრივი აღფრთოვანება, რომელმაც ჭვაროსანთა ომები შესაძლებელ-ჰყო, პირველად დიდი იდეალიზმით ხელმძღვანელი, ღღეს კი ამის ნაცვლად ერთა მიერ ურთიერთის მოსპობის მისწრაფებას ვხედავთ, ცრუ ერთობის ქადაგებით და მლიქვნელობით, და, რაიცა საესებით უიმედოდ-ჰყოფს განმცდელს ამა ქვეყნისა...

ტერმინი rinascimento (რენესანს) გაუგებრობას ჰბადებს: რა მოხდა დასავლეთ ევროპაში მეხუთმეტე საუკუნეში და შემდეგ? „ახლად შობა“ კულტურისა? რომელი კულტურისა? თუ ვისმე ჰგონია რომ მაშინ ანტიკური კულტურა „დაიბადა ახლად“, ეს დიდი შეცდომაა: ანტიკური კულტურა მოკვდა და იგი აროდეს შობილა ახლად. მკვდრებით მხოლოდ ქრისტე აღდგა ჩვენთვის, მაგრამ იგი ღმერთ-კაცი იყო, ხოლო არც კაცი, არც ერი და არც მისი. კულტურა მკვდრებით აროდეს აღმდგარა. შესწავლა და შეთვისება ანტიკური კულტურისა ამ ეპოქაში კი სრულიადაც არ არის ამ კულტურის ახლად-შობა... მას სწორად ვუწოდებთ აღორძინ-ებ-ას. ეს იყო საუკუნეთა შემდეგ ნაშობი კულტურა ფეოდალური კულტურის მიერ. გაფურჩინილი, რომლის ყვავილოვნება დიდ-ხანს იყო და ჩვენ საუკუნის დამდეგს წარხდა. — მიუხედავად ანტიკური კულტურის შეთვისებისა, იმ ნაშთების შესწავლით, რომელიც მას დარჩა რომითგან და საბერძნეთიდგან და უფრო ბიზანტიაში მოიპოვებოდა, აღორძინების არც ხელოვნება, არც მეცნიერება და არც ჰუმანიზმი ანტიკური არ იყო, არამედ ახალი დასავლეთ-ევროპული. ლეონარდო-და-ვინჩი, მიქელ-ანჯელო, რაფაელი, დიურერი და სხვა დიდნი ხელოვანნი ანტიკური ხელოვნების წამბაძველნი და უშუალო გამგძობნი არ იყვნენ, არამედ მათი გენიოსურ-ორიგინალური ხელოვნება შეუძლებელია არსებულიყო გარეშე ქრისტიანობისა და ფეოდალური კულტურისა. დიდნი მოაზრენი და მეცნიერნი, რაგვარნიც იყვნენ გალილეი, ბრუნო, კოპერნიკი და მრავალნი სხვანი, სრულიად სხვა მოვლენა იყო, ვიდრე ბერძენთა და რომაელთა მეცნიერნი და ფილოსოფოსნი. და მათი ნააზრის, მათ აღმოჩენათა საფუძვლებზედ შეიქმნა ახალი მეცნიერება და ფილოსოფია დასავლეთი ევროპისა, და სხვ. და სხვა.

ფეოდალური დასავლეთი ევროპა ერთი დიდი კულტურული სფერო იყო.

გახსხვავებული რაგვარადაც ძველი, მისი წინამორბედი ანტიკური კულტურული სფეროსაგან, ისე სხვა, მის თანამედროვე კულტურულ სფეროთაგან. ამ სფეროს თავისი ინდივიდუალობა ჰქონდა, და ეს ინდივიდუალობა მას შერჩასაუკუნეთა განმავლობაში მომხდარ მრავალი მიზეზით გამოწვეულ ცვლილებათა. ისე რაგვარადაც ადამიანი იბადება, იზრდება იცვლება და სიკვლიანდე ცხოველ ინდივიდად რჩება, ასე რაგვარადაც ერი წარმოიშვის, იზრდება, ვითარდება, იცვლება და მას წარხლომამდე საზოგადოებრივ ინდივიდად რჩება, ეგრეთვე პირველი კულტურული სფერო ამვე გზას განვლის არსებობისა და ბოლოს განსაზღვრულ მიზეზთა გამო შეიძლება წარხლეს და მისი ინდივიდუალობაც ჰქრება. ჩვენ ამ კულტურული სფეროს ჰაერით ვსუნთქავდით, მით ვცოცხლობდით...

ეს კულტურული სფერო წარხლდა. ნგრევა ძველი კულტურისა დაწყო 1914 წელს დაწყებული „მსოფლიო ომით“. თვით ომის დროს გამოჩნდა მრავალი ახალი თვისება ევროპიელი კულტურული კაცისა, რომელიც აღარ ჰგავდა ძველს, რომელიც ჰქონდა მოპოვებული ძველი კულტურის კაცის სულს საუკუნეთა განმავლობაში ედით და ღვაწლით თვისი გაკეთილშობილებითათვის. ომის შემდეგ მოხდა გარღვევა ძველ წარმოდგენათა სამართალზედ, სინიღისზედ, ზნეობაზედ, რაინდობაზედ „ადამიანობაზედ“, „ერთა შორის სოლიდარობაზედ“ და პატივისცემაზედ და სხვ. ევროპის სულიერ-ზნეობრივ წესრიგი დაინგრა. მოხდა შემდეგ დიდი, გიგანტური ედა ამ წესრიგის კვლავ დასამყარებლად, ევროპის კულტურის გადასარჩენად. მაგრამ თუ ამ ელას შეიძლება უმეცარესი კრიტიკა გაეწიოს მცდელთა შეცდომათა გამო, ეს შეცდომები არ იყო მიზეზი მეორე მსოფლიო ომით და მის შემდეგ მომხდარი საქმეებით ევროპის ძველი სულიერ-ზნეობრივი წესრიგის სრული დანგრევისა და ამით ძველი ეპოქის დასრულებისა, არამედ ის რომ რასაც ცხოვრების ეადა გაუვიდა, იგი გარღვიდა, წარხლდა, და მას ახალს, რაც მოდის, შეიძლება სხვა, ჭიანჭველის უპიროვნებო ცხოვრების მსურველი, უცნაური ზნეობისა და „ადამიანობის“ მქონე კაცი შეურიგდეს, ჩვენ კი ვერ, ვეროდეს. ვითარცა ძველ კულტურულ სფეროში დაბადებულნი და აღზრდილნი, რაც ძველმა ახალს უზარმაზარი მემკვიდრეობა დაუტოვა, მას ახალი გარდაქმნის, გამოიყენებს, რაგვარადაც ახლა ჩანს, ბევრს რასმე უფრო ბოროტად ვიდრე კეთილად, მაგრამ სული ახლისა ისე აღარ ეგვანება სულს ძველისა, რაგვარადაც ფეოდალური ევროპის სული საბერძნეთ-რომისას არ ჰგვანდა...

დასავლეთ ევროპის კულტურული სფერო მის ერთა კულტურულ შემოქმედებით იყო შექმნილი, ურთიერთისადმი გარდაცემით და მათ მიერ შეთვისებით გარდანაცემისა, მაგრამ გარდანაცემს შექმნა უნდა და შეთვისებულს გარდაქმნა და შემატება ღირებულებათა, რომ იგი შემდეგ გახლეს საერთო კუთვნილებად ერთა. და აქ გვეშლება თვალწინ სურათი დასავლეთ ევროპის ერთა ინდივიდუალური, ეროვნული შემოქმედებისა: მაგ. პროვანსალური სარაინდო სამიჯნურო პოეზია შექმნილი იყო პროვანსის ერის მიერ, რომელიც საშუალო საუკუნოებში ერი იყო, თვისი ეროვნული, პროვანსალური ენით. არაბული გავლენა აქ არაფერ შუაშია. არაბთა მწერლობამ, სამიჯნურომაც. თვით ესპანეთის მწერლობაზედ ვერ მოახდინა გავლენა. მიუხედავად იმისა რომ არაბები ესპანეთში იყვნენ, და ესპანური მწერლობა უადრესად „ეროვნულად“ განვითარდა. ესპანურ მწერლობაზედ თვით პროვანსალურსაც არ ჰქონდა ისეთი გავლენა, რომ მიმართულება მიეცა რომელიმე მისი დარგისათვის. ხოლო

პროვანსალურის მსგავსება დიდი იყო გერმანულ მწერლობასთან იმავე რიგისა; ვალტერ-ფონ-დერ-ფოგელეაიდე იყო გერმანელი მგოსანი. ეროვნული შემოქმედი, სულერთია, წარმოიშვა გერმანელთა მინეზენგერობა პროვანსალური საპიიჯნურო მწერლობის გავლენით თუ ადგილობრივი რაინდობისა და ქალის კულტის ნიადაგზედ. — თქმულებანი „პარსიელისა“ და „ტრისტან და იზოლდისა“ კელტურნი არიან, საფრანგეთში პროზად შენახულნი. ხოლო იგუვე თქმულებანი, ლექსად ნათქვამნი გერმანელ ვოლფრამ ეშენზახელისა და გოტფრიდ შტრასბურგელის მიერ წმიდა გერმანულნი შემონაქმედნი არიან საშუალო საუკუნეთა და ნიბელუნგების თქმულება ხომ წმიდა გერმანული შემოქმედებაა. — დანტემ წმიდა იტალიურ სულიერ სფეროში დასწერა თავისი უკვდავი „სალმტო კომედია“ განსაწმედელად ადამიანის სულისა. ხოლო აქაც „მიცემისა“ და „მიღების“ თეორეტკოსები რაღაც უცხო „გავლენას“ ეძებენ ამ დიდ განმამწმედელზედ, მაგ. ესპანელი მწერალი მიგუელ აზინ პალასიოს „მუსულმანური ესხატოლოგიის“ გავლენას. დანტეს კი ნამდვილად არაფერი არ „ამოუღია“ არაბული მწერლობითგან, არამედ მისნი წარმოდგენანი. მისტიკა და სხვა ნამდვილნი ქრისტიანულნი არიან საშუალო საუკუნეთა. და შემდეგაც იტალიური მწერლობა თვისი ეროვნული გზით მიდიოდა. — დიად — იგივე ითქმის ესპანურ მწერლობაზედ, რომლის უდიდესნი წარმომადგენელნი არიან სერვანტესი, ლოპე-დე-ვეგა, კალდერონი, დიდნი სწორედ მათი ეროვნული შემოქმედებითი ნიჭით. — საფრანგეთში ჩვენ ვხედავთ რაბლეს, მონტენს, უალრესად ფრანგ ეროვნულ მწერლებს. შემდეგ დიდ რიგს დიდ მწერალთა მოლიერამდე და ვოლტერამდე და სხვ. ერთობ დიდებულ ფრანგულ მწერლობას, რომელსაც თვით მოუხდენია უცხოზედ მეტი „გავლენა“ ვიდრე უცხოსაგან განუცდია. — ინგლისელთაგან კმარა დასახელება ჭერ ჩოსერისა და შემდეგ შექსპირისა იმის წარმოსადგენად, თუ რა ხარისხს მიაღწია ინგლისელთა წმიდა ეროვნულმა შემოქმედებამ მწერლობაში. — გერმანული მწერლობა უფრო გვიან განვითარდა, მან „გავლენაც“ დიდი განიცადა უცხო, მაგრამ ეროვნულმა გენიოსობამ ესეც გაარღვია და შილერი, პოლდერლინი და სხვანი, და ბოლოს ბუმბერაზი გოეთე. მაჩვენებელნი არიან გერმანიის ერის გენიალური შემოქმედებითი ნიჭისა, და არა უცხო გავლენის ქვეშ მწერალნი, — რასაკვირველია, სრულიად „უგავლენოდ“ უცხოს მიერ არც ერთი თვით გენიოსიც არ აზრავნობს და არ ჰქმნის, მაგრამ მათ შემონაქმედთა დიდ ღირებულებას ეს გავლენა კი არ ჰქმნის, არამედ მათი გენია. „გავლენა“ სწავლითგან, შეთვისებითგან მოდის. ხოლო მარტო სწავლული, შემთვისებელი, რაც უნდა ცოდნითა და განათლებით იყოს აღჭურვილი, დიდს რასმე ვეროდეს შექმნის. თუ მისი სული არ არის შემოქმედი, თუ მის ერს, სისხლს არ მიუცია მისთვის ეს ღვთაებრივი ძალა. — აღორძინების ხანის იტალიელი მხატვრების გენიოსური შემოქმედება არაბიზანტიურ გავლენას შესაძლებელ-უყვია, არამედ ეს შემოქმედება იტალიელ გენიოსთაგან მოდიოდა, — იგი იტალიური იყო, სრულიად განსხვავებული ბიზანტიურისაგან, და რომელი კუთხითგან ევროპისა არ მოდიოდენ ხელოვანი სწავლად ამ ღვთაებრივი ხელოვნებისა. და ერთობ იტალიური ხელოვნებისა? მაგრამ განვლო ჟამმა და ყველგან ევროპაში სხვა ხელოვნება შეიქმნა, — ესპანეთში ესპანური, საფრანგეთში ფრანგული, გერმანთა ქვეყნებში გერმანული, ყველგან ეროვნული. განსხვავებული იტალიურისაგან, მიუხედავად ამ უკანასკნელის გავლენისა. დიდმა მკეციერმა ხელოვნებისა ვოლფლინმა მაგ. განსხვავება იტალიური მხატვრობისა გერმანულისაგან მით გამოთქვა, რომ თუ პირველის არსებითი თვისება ჩაჩთა სიდი-

დეა, მეორესი „მხატვრობააო“, და სხვ.—და ყოველ დარგს კულტურისა ვეროპაში ოდეს განვიხილავთ, ყველგან ვხედავთ დემონს ეროვნული შემოქმედებისა, რომელიც უცხოთ ითვისებს, მაგრამ გარდაქმნის და თვითაც ახალს ჰქმნის, ეროვნულს, ინდივიდუალურს, რასაც ერის განცდათა სიღრმეში აქვს ძირი. რა ძალა ამოქმედდება მაგ. მიქელანჯელოს, თუმცა სასწაულის და ბევრის უცხო მკოდნეს, როდესაც იგი ჰქმნიდა მას, რასაც აღნიშნულ დროს შემოქმედებად ვხედავთ?

ყოველი ერი თავისებურად მღერის და გალობს და სხვა ჰანგებსაც ხომ თავისებურად გარდაქმნის... — ევროპის ერთა წილში გაჩნდა ძალა უნიკოსალური ეკლესიის და მის დოგმათა განმარტვენი და ინგლისში ეიკლესიამა და სხვებმა თავისუფალ ჰყვეს ერი მათგან, შემდეგ კალვინმა, ლუტერმა და სხვათა იგივე საქმე ჰქმნეს და შექმნეს ეკლესიები, დამოუკიდებელი რომისაგან. ქრისტიანობის სხვა გაგებით. და განთავისუფლებულმა სულმა ევროპის ერთა, კაოლოჯურ თუ პროტესტანტულ ქვეყნებში, წარმოშვა დასავლეთი ევროპის ე. წ. „მოადერული“ მეცნიერება და ფილოსოფია, კვლევისა და აზროვნების განტოთაგან შექმნილი, რომლითაც ახლა ვმაცყობთ, და სხვ. და ამას ყოველს ეროვნული ბეჭედი აზის; ოდნავ მეცნიერებასაც კი...

მეცნიერება თვისი კვლევისა და დაფასების დროს სხვა და სხვა ერთა კულტურათა სწორი ანალიზი უნდა ჰქნას მათი. ნასწავლს და შეთვისებულს ის რილი უნდა მიანიჭოს, რაც მას კეთუნის, აროდეს მეტი. ხოლო ერის მიერ შექმნილს, ახალს (განსაზღვრულ გარემოებებში, სხვა ერებთან ურთიერთობის სფეროში) თვით ერის გენიაში უნდა უძებნოს წყარო. გაიგოს ეს გენიოსობა და დააფასოს იგი ეითარცა შემოქმედებითი ძალა. ბევრ მიქნაერს ეს არ ძალუძს, არც მურს (რაიმე მიზეზით): მაგ. ზოგიერთი ენათმეცნიერი ნახავს ერთ ენაში უცხო სიტყვებს და მაშინვე დაასკენის: ამ ენით მეტყველ ერს მეორე „მოსტემდა“ (მუდამაც), იგი (ყოველთვისაც) „მიიღებდა“. მაშასადამე „მიმცემი“ დიდი შემოქმედების მქონე ერია, „მიიღები“ ნაკლებია. და სხვ. — ნამდვილად კი არ არსებობს ენა, სადაც უცხო სიტყვები ან სხვა ელემენტები არ იყოს. განსაკუთრებით სიტყვები „მოგზაურობენ“, შედიან ერთი ენითგან მეორეში და „მოსტემის“ ენაც ისევეა საესე სხვა უცხო ელემენტებით, რაგვარადაც „მიმღებისა“. არაფერს ეს მოვლენა არ ამტკიცებს.

ეს თეორეტიკოსები „მიცემისა“ და „მიღებისა“ ზან და ზან უდიდეს ამსურსაც კადნიერებით წამოისვრიან ხოლმე: ერთმა არა-ინდო-გერმანელმა — დიდებული დასკენა“ გააჟეთა თავის კვლევათაგან, — ინდო-გერმანელებს არსად და აროდეს „დამოუკიდებლად“ კულტურა არ შეუქმნიათ, რათგანაც ყველგან მათ კულტურაში არა-ინდო-გერმანული ელემენტებიანო! თითქოს „ინდო-გერმანული“, შექმნილი მათ მიერ ათასეულთა განმავლობაში, არ არსებობდეს! ზვენ მერს ვიტყვოდით. — რომც არ ეხილათ ინდო-გერმანელთ აროდეს არც სემიოლები და არც სხვანი, ინდოეთის, ირანის, საბერძნეთის და სხვა ინდო-გერმანელები „დამოუკიდებლად“ იაზროვნებდენ და შექმნიდენ მათ განსაკუთრებულ სარწმუნოებებს, ფილოსოფიას, მეცნიერებას, ხელოვნებას, ათას-ჯერ მეტი ღირებულებას მქონეს, ვიდრე ამ არა-ინდო-გერმანელთა შემონახვადი იყო!..

კულტურული შემოქმედება ადამიანმა მრავალ ათასეულთა წინათ დაიწყო, მართლსაჩინოდ დედამიწის ზურგის სხვა და სხვა ადგილს. ყოველი შექმნილი ერთი საზოგადოებრივი ჯგუფისაგან რასაკვირველია გადაეცემოდა მეორეს, რაოდენსაც მათ შორის მიმოსლვა და ურთიერთობა იყო. მაგრამ

ყოველი ჩვეულებრივი შენაჩემს და ნასწავლს თვის მიერ შექმნილს უმჯობესად და ამით იზრდებოდა და რთულდებოდა ერთობ კულტურა ადამიანისა. ეს მოვლენა იმ უზსოვარ დროითაგან დაწყებული დღემდე მუდმივია, ხდებოდა რა კულტურულად თან და თან უმაღლესს ზარისხს მიღწეულ ერთა შორის მიმოსვლა და ურთიერთობა უფრო და უფრო სწრაფად და განუწყვეტლად. და თუ „მიცემა“ და „მიღება“ დღეს უმოკლესი დროის განმავლობაში ხდება, ვიდრე ოდესმე ხდებოდა, „მიმცემიც“ თვით ჰქმნის, რომ სხვასაც, სხვა ერებსაც. მთელ კაცობრიობასაც „მისცეს“, და „მიმღებიც“ „მიცემულზედ“ თვისი ნაშრომების დართვით აგრეთვე „მიმცემი“ ხდება. დღეს ყველა „მიმცემია“ და ყველა „მიმღები“, ზოგი მტრად, ზოგი ნაკლებად. ამით იზრდება კულტურა. ხოლო ძველის ზედ-ნართავს, ახალს, ერი ჰქმნის და მისი ნიჭიც მით დაფასდება, თუ რას ჰქმნის იგი და რაგვარს.

ნიადაგი და პირობანი, ბუნება და გარემოცულობა, რომელთა წილში ადამიანი კულტურას ჰქმნის, უდიდესი მნიშვნელობისანი არიან, მაგრამ მათ მხოლოდ ის გავლენა აქვს კულტურაზედ, რომელიც მათ შეუძლიათ ჰქონდესთ. ხოლო თვით კულტურა ადამიანის სულიერი და ფიზიკური ენერჯის შემოქმედებაა. ეს ენერჯია არის ჩამსახველი და მზარდელი კულტურისა, ნიადაგი კი მიმღები ჩანასახისა და ხელის-შემწყობი მისი ზრდისა. რაოდენადაც კარგია ნიადაგი, იმოდენად კულტურის ზრდა და განვითარება წარემართება. თავისებურებაც ნიადაგისა მას თავის ბეჭედს აძევს. ხოლო რამდენადაც დიდია ენერჯია კულტურის შემქმნელისა, რამდენი და რაგვარი თვისებაც აქვს მოქმედ ადამიანს, იმოდენად დიდია, დიდი ღირების მქონე მისგან შექმნილი კულტურა.

გადავაგლებთ რა თვალს ადამიანთაგან შექმნილ კულტურათ, ყოფილთ და მყოფთ, ვხედავთ მათს დაუსრულებელს მრავალ-ფეროვნებას. და ეს მათი მრავალ-ფეროვნება ეთანხმება მრავალ-ფეროვნებას ადამიანთა მოცულობათა, რომელთაც არა თუ სხვა და სხვა ნიადაგზედ და სხვა და სხვა პირობებში, არამედ მსგავს და ხშირად ერთსა და იმავე ნიადაგზედ და მსგავს და ერთსა და იმავე პირობებშიც შეუქმნიათ სხვა და სხვა თვისებისა და ღირებულების კულტურა.

ეს სინამდვილეა და აქეთგან აუცილებელი დასკვნა ის არის, რომ ყოველ კულტურას უპირველეს ყოვლისა ადამიანის ჩიშის თვისებანი აძლევენ მის განსაკუთრებულ ხასიათს და ჰქმნიან მის დიდს თუ მცირე ღირებულებას.

ყოველი ჩიში ადამიანისა განსაკუთრებული თვისების მქონეა, განსაკუთრებული ხასიათისა, უფრო დიდი ან უფრო მცირე შემოქმედებითი ნიჭით დაჭილდოვებული. ჩიშნი ისეთნი ინდივიდუალობისანი არიან, რომ ერთს ერთნი ნიჭნი აქვსთ მიცემულნი ბუნებისაგან, მეორეს სხვანი, და ამისდა მიხედვით მათგან შექმნილნი კულტურანიც განსხვავდებიან: თუ ერთი კულტურა ერთ დარგში გვიჩვენებს უპირატესობას მეორეს წინაშე, მეორე სხვა დარგშია უფრო მაღალი ვიდრე პირველი. და როდესაც საკითხი დგება: რომელი ერთი უფრო ნიჭიერი: ეს თუ ის? პასუხი არც ისე მარტივად შეიძლება მიეცეთ ამ საკითხზედ, რაგვარადაც შეიძლება ბევრს ეგონოს: თუ ერთ ერში სჭარბობს უაღრესად ბუნებისაგან შემოქმედებითი ნიჭით დაჭილდოვებული ჩიში, ხოლო მეორეში მდარე ნიჭი სჭარბობს, რასაკვირველია პირველი უფრო ნიჭიერია, ვიდრე მეორე, — აქ ადვილია პასუხი, ვინაითგან უკიდურესობათ ცადარებთ. ხოლო პასუხი ძნელდება, როდესაც დგება მაგ. საკითხი: რომელი ერთი უფრო

ჩვენი აზრით: ბერძინისა თუ რომისა? აქ უკვე გამოწულილვით განხილვას ს. ს. ბროსის მიერ არის შემოქმედებისა და დადინახავთ, რომ ერთი ერთ დარგში ფილ სუბორი ჩვენი. მეორე ქეორეში, ერთის სულეირნი თვისებანი განსხვავდებიდა: ქეორეს სულეირ თვისებთაგან, და სხვ. და ეს კი იმას მოასწავებს, რომ ორივე ერთი არსებული და მოქმედი ჯიში ადამიანთა, მიუხედავად უახლოესი სათესობისა. თითქმის ერთსა და იმავე პირობებში მანიც განსხვავებულ კულტურათ ჰქმნიდა. არა მარტო იმიტომ, რომ ამ ორი ერის ადამიანთა ჯიშს მათი ერთი ადგილითგან გადასახლების შემდეგ სხვა უცხო ჯიშები შეჩვევას. არაქედ იმიტომ რომ თვით შვეიცარ მათა და ბიძაშვილთა შორისაც არის განსხვავება მათი ხასიათისა, თვისებათა და ნიქთა.

ყოველი კულტურის შექმნილი ჯიში, რომელიც სპარბობს ერში, რთული სოციალური აგებულების ორგანიზმში, ნარევიანა. ნარევიანა თვით ერთი რომელიც საუკუნეთა განმავლობაში შექმნილა და ერთად ჩამოსხმულა ადამიანთა სხვა და სხვა მოდგმათა შერევით და შეჯერდინებით. ზოლო აგრეთვე დროთა მსვლელობაში იქმნება ეროვნული ტიპი, ესეც ერთგვარი ჯიში, თვისი განსაკუთრებულ ფიზიკური და სულიერი თვისებებით, თვისი განსაკუთრებული ნიქით კულტურის შექმნელებისა. ამ ჯიშის მქონენი არიან გვარნი ერის შემადგენელ ნაწილთა შორის. რომელნიც საუკუნოებით იცავენ მათი „სისხლის კეთილშობილობას“, აქესო რა შეგნება „სისხლისა“. ზოგან ეს შეგნება ხელს უშლიდა მიღწევას სისხლის შენახვის მიზნისა, ჰბადებდა რა ინცესტს და მთელი გვარი სრული გადაგვარებისაკენ მიჰყავდა ნაცვლად მისი სისხლის შენახვისა, რადგანაც ეს ხედებოდა მავ. ძველ სპარსეთში და სხვაგანაც.

ამ ერ ჯიში, ეს გვარები ჰქმნიდენ ეროვნულ კულტურათ. რაოდენადაც მეტნი და მრთელნი იყვნენ ისინი ერის ორგანიზმში, იმდენად მეტი იყო შემოქმედება ერისა, რათგანაც ისინი მეტ და უძლიერეს პიროვნებათ აძლევდენ ერს. — ხელმძღვანელთ. ერის დამკველ მებრძოლთ გარეშეთა წინააღმდეგ, კულტურის შემოქმედთ. ამიტომ არის რომ ერთი ინსტინქტით და შეგნებითაც ებრძვის უცხო თესლის დათესვას თვის წიაღში, — წინააღმდეგება „განაბიჭვრებას“. ამიტომ არის აგრეთვე, რომ ხალხი, რომელიც დამპყრობელი ყოფილა სხვა, უფრო მდარე ჯიშის ხალხთა, და თვისი უკეთესი ჯიშით, მაგრამ ნაკლები რიცხვით ბატონობს მასზედ და ჰქმნის ეროვნულ კულტურას, ერთ დროს შეიძლება დაკნინდეს ან სრულიად დაიღუპოს, თუ მის წიაღში დამალულ მრავალრიცხოვან მასა აღდგა და თითქოს მხოლოდ შეგნებით, — სოციალურ-ეკონომიური მიზეზით. — ნამდვილად კი ინსტინქტურად შეებრძოლა ე. წ. „მაღალ კლასებს“ და დაამარცხა იგი, და სხვ..

ესე ყოველი დიდი ხანია რაც ნათელჰყო ადამიანთა ჯიშთა მეცნიერებამ, მაგრამ ბევრს, თითქოს კაცთმოყვარეობით აღსაყუ სულით, დიდ ცოდვილად მიანიხი ყველა, ვისაც არ სწამს მავ ზანგი პლატონი, ან ზანგი-ნიუტონი, ან ზანგი-კანტი და სხვ. ადამიანის ჯიშთა უთანასწორობითგან სრულიადაც არ გამომდინარეობს „მაღალთა“ უფლებება „მდაბალთა“ დამონებისა და მოსამობისა. მაგრამ „მაღალთა“ დამდაბლებმა ჯიშთა აღრევით, განურჩევლად მათ თვისებათა, ყოველი მაღალი და კეთილშობილი კულტურის მოსამობას მოასწავებს. და ვინც მას ჰქადაგებს ან სრულ-ჰყოფს რაიმე ზომით. საერო თუ სამღვდელო, სამართლიანა თუ ყოვლის შემოქმედი ღმერთის სახელით, არ იცის რას იტყვის და რას იქმს. მაგალითები, მათი მოძღვრების მცდარობის და მავნებლობის მაჩვენებელი, ბეყერია, ზოლო აქ ადგილი არ არის ამაზედ საუბრისათვის.

... განსაზღვრულ კულტურულ სფეროში ერთა კულტურას ჰქმნიან შემოქმედებითი ნიჭის მქონე პიროვნებანი, გაბნეულნი და მოქმედნი მათ ყველა ნაწილში. განსაზღვრულ სულიერ თვისებათა პატრონი ჯიშნი ჰქმნიან ამ სფეროს თავისებურებას, განასხვავებენ მას სხვა კულტურულ სფეროთაგან, სადაც სხვა სულიერ თვისებათა მქონე ჯიშნი მოქმედებენ და ჰქმნიან. ამ ჯიშთა განსაზღვრული კულტურული სფეროსა აქვს ნათესაობა ურთიერთ შორის სულიერი და მტერი ან ნაკლები ფიზიკური. და ეს სულიერი თვისებანი არსებითად უცვლელნი რჩებიან, სანამდე თვით ეს ჯიშნი არ გადაგვარდებიან, ან არ მოიპოვებენ. მათ აქვთ განსაკუთრებული მიდგომა მსოფლიოსადმი, ეხორციელებიან, ხედვა და განცდა, და აქედან გამომდინარეობს განსაკუთრებული ხასიათი ერთა კულტურისა, რომელთა წიაღში ისინი მოქმედებენ. „მიმცემ-მიმღებლობაც“ კულტურისა ამ სულიერ თვისებათა გარეშე არ ხდება, და ყოველი უბედური შემთხვევა, დაკნინებისა და დაუძღურების დროს მომხდარი, შეთვისება ერთი ერის მიერ მეორესაგან ისეთი რაისამე, რაც სრულიად უცხია მისი სულისათვის, ყოველთვის განმანადგურებელ უნებას აყენებს მას.

მოზღბება ხოლმე ისიც, რომ რომელიმე დიდი კრიზისის დროს ერთი ველარ აზროვნობს, ველარ ჰხედავს და ველარ განიცდის თვის ბუნებრივ სულიერ თვისებათა მიხედვით. დგება დრო კეთილს ბოროტად და ბოროტს კეთილად ცნობისა, სარწმუნოების შერყენისა, ან გაცრუებისა, მშვენიერის უშვერად და უშვერის მშვენიერად ხედვისა, აზროვნების გადარეულობისა და ყოველი სირეგვნის გონიერებად აღსარებისა, და სხვა. თუ რაგვარ სარგებლობს ამ მდგომარეობით გარეშე სატანა და შინაური დეგენერატი, ცნობილია: რომელიმე სულელი და ყოვლად გარყვნილი „შწერლის“ ნაჭიდან დიდ კულტურულ ძეგლად არის მიჩნეული, ყოველი მახინჯი ქანდაკება ან დაჭიანჭილი სურათი „შედევრად“ ითვლება, ყოველი კაკოფონია უშვენიერეს სიმფონიად, და სხვა. საშუალოდ სიყვარული, მისთვის თავის დადება ბრძოლის ველზედ მტრის წინააღმდეგ „დანაშაულია“, გამცემლობა საშუალოდ, ერთობ ყოველი შინაგამცემლობა, — „იდეურობა“, მოქალაქეობრივი სათნოებაა. მლიქვნელობა სარწმუნოების ადგილს იჭერს, და ასე დაუსრულებლად! — საღიზიანი, ადამიანის წვალება, კვლა, დამონება, მოსპობა მისი პიროვნებისა, სახლისა, ქონებისა საბელმწიფო ფუნქციად იქცევა, და ასე დაუსრულებლად. ხოლო როდესაც განივლის კრიზისი, თუ მას გადურჩა ერთი ან კულტურული სფერო და შემკურობმა სენმა ბოლო არ მოუღო თვით არსებობას მათსა, გამართლებული ჯიშნი მათი კვლავ პოულობს მის ბუნებაში დასაბამითგან ჩანერგულ სულიერ თვისებათ და კვლავ მათ შესაბამად აზროვნებს, ხედავს და განიცდის და განცვიფრებით შესცქერის მისი სწეულობის დროს შექმნილ იმ საშინელებათ, რომელთაც „ახალ, მოდერნულ მიმართულებათა“ სახელი ეწოდებოდა. ბოროტი და უშვერი კვლავ ბოროტად და უშვერად იქცევა, კეთილი და მშვენიერი კვლავ კეთილად და მშვენიერად: „ბოროტსა სძლია კეთილმან, არსება მისი გრძელია,“ — შარად მებრძოლი და ბოლოს დამამარცხებელი ბოროტისა, სანამ ცოცხლობს თვით ის ჯიშნი ადამიანისა, რომელსაც აქვს თვისი შეგნება კეთილისა და ბოროტისა, ვითარცა უმადლესსა და უკეთილშობილესსა.

თუ მრავალ მიზეზთა გამო ჯიშნი გადაგვარდა ან კნინ უმცირესობად გადაიქცა წიაღში, ან მოიპო, მაშინ ერთი კულტურაც გადაგვარდება, კნინდება, ან მთლად ისპობა. რომის ისტორიის დასასრულს კეთილშობილი, მაგარი და შემოქმედი ჯიშნი რომელთა გადაგვარებული და უმცირეებული იყო. ერის მასა მრავალ სხვადასხვა, აზიიდან და აფრიკიდან შემოჭრილ ჯიშთაგან შეიღ-



გებოდა ხოლო ევროპიდან შემოსული ელემენტები სხვა, უფრო კეთილშობილი ჯიშისა. ოდნავ აცხოვრებდა სულიერად რომის ეროვნულ ორგანიზმს. ამიტომ რომის კულტურაც დაეცა, ხოლო თვით იმპერაცი დაინგრა. იტალიას დაეპატრონენ გერმანელები. და თუ დიდი ხნის შემდეგ კვლავ შეიქმნა იტალიის ნიადაგზედ ახალი კულტურა, უფრო დიდი ვიდრე ძველი რომაული იყო, ამისა შემოქმედელი იყო საუკუნეთა განმავლობაში შექმნილი ახალი ჯიშის, წარმოშობილი გერმანელთა სისხლის უხვად შერევისაგან ადგილობრივ იტალიურთან. ამ ჯიშის აღამიანები იყვნენ შემქმნელნი ე. წ. აღორძინების კულტურისა შემდეგ ყველგან დასავლეთ ევროპაში, მონათესავე ჯიშთა მიერ შექმნილი კულტურის წინამორბედისა. დანტე და მის შემდეგ მოქმედნი გენიოსნი აღორძინებისა ამ ახალი იტალიური ჯიშის კაცები იყვნენ, რომელთაც ვერც მრთელი რომის „დიდნი“ შეედრებოდნენ გენიოსობით. — და, ყურადსაღებია, რომ აღორძინების შემდგომი დროის იტალიის კულტურა დაკნინდა აღორძინების კულტურასთან შედარებით, — მართლსაჩინოდ იმიტომ რომ შემოქმედებითი ენერგია იტალიის ახალი ჯიშისა შემციირდა, რადგანაც თვით ჯიშის კვლავ გაიქნა მდარე ჯიშთა მასაში და დაკნინდა, ან მდარესთან შეჭვარადინებით დაჰკარგა მან პირველყოფილნი თვისებანი.

გადაგვარების გზაზედ დამდგარ ბერძენთა ჯიშს არ ღირსებია ისეთი განახლება ახალი კეთილშობილი სისხლით, რაგვარც წილად ხვდა გადაგვარებული ჯიშს რომაელთა. შემოსეული უცხო ჯიშის ეთნიური ელემენტები თვით საბერძენეთში და არსებული, დიდი ღირებულების არა მქონე, მცირე აზიაში ვერ შექმნიდნენ ახალს ჯიშს ბერძენთა, დიდი შემოქმედებითი ნიჭის მქონეს, და ამიტომ ბერძენთა კულტურა ბიზანტიური დროისა ვერც ანტიკურს ბერძენულს შეედრებოდა და მისი აღორძინებაც მე-12-ე ს.-ში ოდნავაც ვერ მოგვაგონებს იტალიის კულტურის აღორძინებას მე-15-ე ს.-ისა. საბერძენეთში თითქოს კიდევ „ბრწყინავდა“ ანტიკა, მაგრამ ეს უფრო ღვევა იყო ძველისა, და შედარებით ძველ წარმართულთან საშუალო ღირებულებებს მქონე იყო ახალი, ქრისტიანულ-ბიზანტიური კულტურა. ბიზანტიამ პლატონი აღარ სიბრძნისმეტყველებდა, არამედ მისნი წამბაძველნი, აქ პომპროსი, პინდარი, სოფოკლე და სხვ. ვეღარ გაჩნდებოდნენ, არამედ მხატვრული მწერლობა ბიზანტიისა სრულ არარაობად იქცა. ვერც მისი ხუროთმოძღვრების ძეგლნი, თუმცა რაოდენიმე გამონაკლისი დიდი ღირებულებისაა, გვაგონებენ ძველ ბერძენთა გენიოსობას ამ დარგში კულტურული შემოქმედებისა, და სხვ.. არც მხატვრობა ბიზანტიისა არის შესადარებელი იტალიის მხატვრობასთან აღორძინების დროისა. ერთობ ბიზანტიის კულტურა დიად საშუალო ღირებულებისაა, მისი ისტორიული მეცნიერებისა და ღვთისმეტყველება — ფილოსოფიის მწერლობაც რომ „დიდად“ დავაფასოთ. აქ ვერ ვხედავთ ვერც ძველ გენიოსებს აზრისა და ხელოვნებისა და ვერც ახლებს, — დანტეს, ლეონარდოს, მიქელანჯელოს, რაფაელს, გალილეის და სხვათა. და ეს იმიტომ, რომ შემოქმედი აქ ის ბერძენი აღარ იყო, რომელიც ძველად ქმნიდა და არც ახალი ბერძენი წარმოშობილა, განახლებული, კეთილშობილი სისხლით, ახალი შემოქმედებითი ენერგიის მქონე. და სწორედ იმ დროს, როდესაც იტალიის კულტურა აღორძინების მწვერვალს აღწევდა, სრულიად დამძალი ბიზანტია დაეცა, დაინტეჟა, ჩაუვარდა მონად ხელში ისეთი ჯიშის ხალხს, რომელსაც არაღეს შეუქმნია ღირებულების მქონე კულ-

ტურა, რომელსაც სხვისაგან „მიღებაც“ და მიღებულის ეროვნულად გარდაქმნაც არ შეეძლო, არა თუ განახლება დაპყრობილი ხალხის კულტურისა, ან მისი ჭიშისა, რომელიც შესძლებდა ახალი კულტურის შექმნას. — რაც დარჩა ბიზანტიისაგან, ახალი საბერძნეთი, პატივი და დიდება მას, მაგრამ მან აგრეთვე თვით იცის, რომ აღარც მის ნიადაგზედ ცხოვრობს და მოქმედებს ძველი ბერძენი, არამედ ახალი, ახალი ჭიშის, რომელსაც სახელი აქვს მხოლოდ ძველი, ხოლო საუბედუროდ არა ძველი შეუღარებელი შემოქმედებითი ნიჭი და ენერჯია. — თეალსაჩინოა: ჭიშ-დაკარგული საბერძნეთის ქრისტიანულმა კულტურამ თვისი ღირებულებით ვეროდეს მიიღწია ძველი, წარმართ ბერძენთა კულტურის სიმძლავს, ხოლო ჭიშ-განახლებული იტალიის ქრისტიანულივე კულტურა — ძველი, წარმართ რომაელთა კულტურის უმაღლესი გახდა.

მდარე ჭიშთა მასაში გაქნილი კეთილშობილი ჭიში არიელ სპარსთა დღეს შემოქმედების ნიჭის მქონე აღარ არის; სპარსეთის კულტურა შორითგანდა სხივისნობს და მცირედ-ლა შერჩენია კიდევ იგივე ნიჭი ინდოეთის არიელთ, რომელნიც აგრეთვე გაქნილნი არიან ინდოეთის სხვა ჭიშთა მასაში, ძველად ფასდაუდებელ კულტურულ ღირებულებათა შემქმნელნი.

ყოველმა დიდმა რევოლუციამ, მომხდარმა ღრმა მიზეზთა გამო, აუცილებლობით, უნდა მისცეს ერს ახალი ძველის, დრომოქმულის ნაცვლად, რაც საჭიროა, მაგრამ როდესაც სიღრმითგან მის ზედაპირს ამოსრული მდარე ჭიშის მასები და მათი მეთაურები სპობენ შემოქმედ ჭიშს ერისა, „კლასთა ბრძოლაში“ შექმნილი შურის ძიებით და სხვ., ეს ჭიშთა ბრძოლაა, ინსტინქტურა, და ამ ბრძოლაში მოკვლა იმ ჭიშისა, რომელსაც საუკუნეთა განმავლობაში ხელმძღვანელობა გაუწევია ერისათვის, პოლიტიკური და სხვაგვარიც, და შეუქმნია მისი კულტურული სიღრმადე. იგივე ჭიში ახალ პირობებშიც გაუწევს ერს იმავე სამსახურს, რომელიც მას მუდამ გაუწევია, ხოლო მისი მოსპობით რევოლუცია ზშირად ათასჯერ შეტს აყლებს ერს, ვიდრე ანაქებს.

ამის მაგალითები ბევრია. აქ არ არის საჭირო მათი ჩამოთვლა. ხოლო რა იქნება ამ მხრით თვით რუსეთში, სადაც ბოლშევიზში ოცდათვრამეტი წლის განმავლობაში ანადგურებს რუსის ხალხის იმ ჭიშს, რომელმაც შექმნა საკვირველ მოკლე დროში რუსის ერის კულტურა, არ ვიცით. ყოველ შემთხვევაში გაჩნდება ახალი რუსეთი, რომელიც არ იქნება ძველი რამ, — გაჩნდება ახალი შემადგენლობა ჭიშთა, რომელთა რიცხვი და მრავალფეროვნება დიდია რუსეთის ნიადაგზედ და რომელთა სრული მოსპობა თვით ბოლშევიზმსაც არ ძალუძს.

დასავლეთი ევროპის ერთა ჭიშები ძლიერ ვნებულია მრავალ ომთა და რევოლუციათაგან. აქ დღეს საფრთხეშია მთელი შემოქმედებითი ნიჭის მქონე რეზერვი ადამიანთა. ევროპიელის სულიც დასწეულებულია. ტექნიკის გარდა აღარავითარი გენიოსურის შექმნა მას აღარ ძალუძს, არამედ მრავლად ყოველივე გადაგვარებულისა და გადარეულისა. ევროპის „კაცობრიობას“ წინ-უძს შექმნა ახალი კულტურისა, ნაცვლად ძველისა, რომელიც აღარ გაცოცხლდება, მაგრამ იგი თვისი დაუძლურებით „ევრაზიის“ მიერ შთანთქმის საფრთხის წინაშე დგას. შთანთქმის იგი, მაშინ მის კულტურას სულ სხვა სახე მიეცემა. შექმნილი შერეულ ახალ ჭიშთაგან. ხოლო რა სახე მიეცემა ერთობ კულტურას ადამიანთა, როდესაც ეს ახალი პერიოდში განივლის, ამისი თქმა არვის ძალუძს: სულ სხვა ჭიშები სულ სხვა კულტურას შექმნიან, განსხვავებულს ევროპიული ან ევროპა-ევრაზიულ კულტურისაგან. ევროპის ერებმა „მეზობლის წახ-

უნისა“ პოლიტიკით ურთიერთი გასაბყრეს. გერმანული სისხლის ხალხებმა  
 ნათიკე ჯიშა 15 მილიონზედ მეტი გერმანელობა ამოაწყვეტინეს და ააყრე-  
 ვინეს. ოუჯაბს და მათ მოხათესავეთ და მისი მიწა-წყალი მის მეზობლებს მის-  
 ცეს, ხოლო რუსი გერმანიის, ე. ი. ევროპის შუა-გულში დაამკვიდრეს. ამით  
 უმეტეს თავიკ „წაიზღინეს“. მხედვენ საფრთხეს, მაგრამ ძნელად, ძლიერ  
 მსჯელად ჩანს მისი თავითგან აცდენა: უკუაგდებენ „აღმოსავლეთს,“ — იგი  
 ყველგ მოვა და დაეკადება „დასავლეთს“ შთანთქმით, ხოლო თუ ვერ შესძლე-  
 ბენ მას უკუგდებას, კატასტროფა „დასავლეთისა“ მით უფრო აღრეა მოსა-  
 ლოდნელი. ორივე შემთხვევაში „აღმოსავლეთი“ სულიერად ხრწნის „დასავ-  
 ლეთის“ ერთა სხეულებს, დაავადებულს, დასნეულებულს. და მას ვერ უშვე-  
 ლის ვერც დემოკრატია, ვერც სოციალიზმი, ვერც „ევროპის ერთობის“ ლაღ-  
 დისი, ვერც პოლიტიკა და დიპლომატია, ვერც ქრისტიანობა და ვერც სხვა რამ,  
 და ვერც ატომისა და წყალბადის ყუმბარები: ესე ყოველი „აღმოსავლეთსაც“  
 აქვს, — საქურვლები, ზოგი უკეთ ხმარებულნი მის მიერ, ვიდრე „დასავლე-  
 თის“ მიერ. — ერთადერთ საშუალებად ევროპის ერთა და მათი კულტურის  
 ხანისა, — თუ ეს უკვე გვიან არ არის, — შეიძლება გახდეს გაღვიძება მათ  
 ჯიშთა შორის სისხლის ერთობის, ნათესაობის გრძობისა და აქეთგან სახის  
 შენახვის საჭიროების შეგნება. ეს უნდა მოხდეს ევროპის ერთა ყველა ჯიშთა  
 შორის, განსაკუთრებით გერმანული სისხლის ჯიშთა შორის, რაოდენადაც იგი-  
 ნი ჯერ არ გადაგვარებულან. ნურას ვიტყვი იმ სიბეცეზედ, რომლითაც მოს-  
 ჰო „რაიხი“, საუკუნეთა განმავლობაში ევროპის დამცველი „აღმოსავლეთის“  
 წინააღმდეგ და ამით შესაძლებელ-მყოფელი არა თუ გერმანიის ერის, არამედ  
 მთელი დასავლეთი ევროპის კულტურის არსებობისა და ზრდისა. თვით გერ-  
 მანიის სხვა და სხვა ტომებს არ აქვსთ შეგნება ერთი სისხლისა, და დღეს სამ-  
 ხრეთ გერმანიისაში მრავალი მოიპოვება, ფრიალ განთლებულიც კი, რომელსაც  
 „ლორ-პრუსიელთა“ აღარყოფნა უხარის — ხოლო ამ სისხლის ერთობისა და  
 ნათესაობის გრძობის გაღვიძება და მისი შეგნების დიდ იდეურ ძალად ქცევა  
 დიდ წინასწარმეტყველთა საქმეა, რომელნიც უნდა აღდგენ ევროპის ერთა  
 შორის, წინასწარმეტყველთა გამოჩენა კი იშვიათად ხდება, შეიძლება ღმერთ-  
 შაც აღარ გამოგზავნოს ისინი, რათგანაც იცის ყოვლად საზიარმა, რომ მრავალი  
 მისგან მოვლენილი მისი კაცთმოყვარეობით კაცთ მოძულეთ ჯვარს აცევს. —  
 ამასობაში კი „ევრაზიის“ ვეშაპს პირი აქვს გაღებული და ემზადება „დასავ-  
 ლეთის“, მისთვის „დამპალი ლეშის“ ჩასანთქმელად..

„ქართული ჯიში“, ზოგთაგან გადაქარბებით ნაქები, ზოგთაგან უსინდი-  
 სოდ ძაგებული, კულტურის შემოქმედ ჯიშთა შორის დაბალი ღირსებისა არ  
 იყო. რაც მან შექმნა ძლიერ არახელისშემწყობ პირობებში, იმაზედ მეტს  
 ბევრი სხვა ვერ შექმნიდა. — მონღოლთა შემოსევამ და ხანგრძლივმა მძლავ-  
 რობამ იგი დააყინა, შეამკირა, და წარსტაცა მას დრო და მოცალეობა კულ-  
 ტურული შემოქმედებისათვის. — მეხუთმეტე საუკუნითგან იწყება საქართ-  
 ველოს დიდ ნაწილთა სრული განადგურება, მოსაობა იქ ქართული მოსახლეო-  
 ბისა, ქართული ჯიშისა, განსაკუთრებით სამხრეთ საქართველოში, სადაც  
 უმეტესად ყველა მის კუთხეთა იქმნებოდა და იზრდებოდა ქართული კულ-  
 ტურა არ დასცალდა საქართველოს განეცალდა ნათელი იტალიის, ერთობ და-  
 სავლეთ ევროპის „აღორძინებისა“, რომ თვით იგი მსგავსადვე აღორძინებუ-  
 ლიყო. კლასიკური საქართველოს კულტურამ ისეთი სახე მიიღო, რომ იგი ბი-  
 ზანტიის სფეროთგან უნდა გამოსულიყო და აუცილებლად უნდა შესული-

ყო დასავლეთი ევროპის სფეროში. „აღმოსავლეთმა“ ეს მისთვის შეუძლებელ ჰყო და რასაც ჩვენ ქართულ „აღორძინებას“ ვუწოდებთ, ის არ იყო ნამდვილი აღორძინება, არამედ კიდევ ერთი გვიანდელი ცდა დაკნინებული ქართული ჯიშისა რაიმე „ქართული“ შექმნა. ხოლო რა გვაქვს ვითარცა ნაყოფი ამ ცდისა გარდა სულხან-საბა-ორბელიანის, დავით გურამიშვილის და ბესიკის შემოქმედებისა და სხვათა ნაღვაწისა, რაიცა დიად ფრიად მცირე იქნებოდა იმასთან შედარებით, რასაც ქართული ჯიში შექმნიდა მეთორმეტე საუკუნის შემდეგ, რომ „აღმოსავლეთის“ რისხვა არ დატყდომოდა თავს უბედო საქართველოს! — მეცხრამეტე საუკუნეში რუსეთმა მოსპო საქართველოს სახელმწიფო და ყველა ეროვნული დაწესებულება მისი. მაგრამ ქართველმა ერმა მოისვენა აღმოსავლეთის შემოსევათაგან და ხალხის ფიზიკურ განადგურებათაგან. და მოხდა სრულიად ბუნებრივი რამ; ქართული ჯიში კვლავ გამრავლდა და გამავრდა და მისი შემოქმედების ნაყოფი უძნელეს პირობებში ერის პოლიტიკური მონობისა იყო მეცხრამეტე საუკუნის და შემდეგი დროის ახალი ქართული კულტურა. მართა მწერლობა რომ ავიღოთ ამ დროისა, ის გვაძლევს წარმოდგენას ქართული ჯიშის შემოქმედებით ნიჭედ: გრიგოლ ორბელიანი, ნიკოლოზ ბარათაშვილი, შემდეგ ილია ჭავჭავაძე, აკაკი წერეთელი, ვაჟა-ფშაველა, შემდეგ გრიგოლ რობაქიძე... ეს სიტყვის დიდ მოქმედთა ისეთი რიგია, რომლით წარდგომა დიდ კულტურულ ერთა წინაშეც საქართველოს ამყად შეუძლია. — ხოლო დღეს ქართველი ერი უარეს მდგომარეობაშია ვიდრე იყო წინათ აღმოსავლეთის მძლავრობის დროს, — იგი ვეშაპის მიერ არის შთანქმული; და თუ ოდესმე მას ეღიროს რაიმე „სასწაულით“ მისი გაუმძღარი, მუცლითგან გამოსვლა, მისი მომავალი შემოქმედება იმდენად იქნება შესაძლებელი და ნაყოფიერი, რაოდენადაც დარჩება მის მიწაზედ ქართველთა მოსახლეობა და ქართული ჯიში მთელი, მაგარი, არა დაკნინებული და შემციირებული. —

და ყოველი კულტურული ერის წიაღში შეგვიძლია ვიხილოთ განსაკუთრებული ჯიში, ყოველთვის ნარევი, რომელიც ჰქმნის განსაზღვრულ პირობებში და გარემოცულობაში მის კულტურას. მოისპობა ეს ჯიში მისი ფიზიკური განადგურებით ან მისი გადაგვარებით სხვა და სხვა მიზეზთა გამო, მოისპობა შემოქმედებაც ერისა. დაკნინდება და შემციირდება ჯიში, დაკნინდება და დაეცემა კულტურაც ერისა, — ერი დიდს ვეღარას შექმნის: რა გვაქვს დანატოვარი „დიდი“ მაგ. ბიზანტიისაგან გარდა ჰაგია-სოფისა და „კოროზხ ოფრის“-ისა, ან „მართლმადიდებლობისა“?... — ერში არსებული ჯიშია აგრეთვე, სხვა ერთა კულტურას რომ ითვისებს და გარდაქმნის ეროვნულად და შემდეგ სხვა ერთაც, თვით მათაც, ვისგანაც მას რაიმე შეუთვისებია, აძლევს მეტსაც, ვიდრე მათგან მიუღია. ხოლო ისეთნი ერნიც არიან, რომელნიც ვერც თვით ჰქმნიან თავისებურ კულტურას და სხვათ ვერაფერს მისცემენ ღირებულების მქონეს, და ვერც სხვათაგან შეთვისებულს გარდაქმნიან ეროვნულად, ვერავითარ პირობებში და ვერავითარ გარემოცულობაში, რათგანაც მათ წიაღში არ მოიპოვება შემოქმედებითი ნიჭის მქონე ჯიში. საბედნიეროდ რიცხვი ასეთ ერთა მცირეა, ხოლო საუბედუროდ ვნება მათგან მიყენებული ადამიანთა კულტურისათვის, სხვა, შემოქმედებითი ნიჭის მქონე ერთა განადგურებით, ხშირად დიდი ყოფილა, არის დღესაც და იქნება მუდამ...

მამულიშვილნი

„გინა თქვა საქართველოზედ, რა დიდი ლომი კვდებაო!“ — ბევრმა რამ და ბევრმა ვინმე! ყოფილან ჩვენ ისტორიაში შავნი დრონი, როდესაც თავზარდაპყენი სიტყვანი — საქართველოს დიდი ლომი კვდება, — სიმართლედ მოგვეჩვენებია, ექვს შეუპყრია მთელი საქართველოს გონება, მართლა ხომ არ წახდა საქართველო საუკუნოდ! იყო ერთი, უკანასკნელი შავი დრო. ოდეს საქართველოს ლომი პოლიტიკურად მოკვდა, დამარხა რა თვისივე ხელით თვისი საკუთარი თავისუფლება, დამოუკიდებლობა და შემდეგ, მთელი ასი წლის განმავლობაში, მთელი მისი არსება მომაკვდავი სულსა დაფავედა. — მაგრამ ამ შავ დროებზედ უფრო მჭერმეტყველურად, უფრო მედვარად და უფრო კადნიერად ილია ჭავჭავაძის მკვლევებმა ჩამოგვძახეს ყურში მთელ საქართველოს, — საქართველო, ეს დიდი ლომი, მართლაც მოკვდა, — მოკვდა ზნეობრივად, და ეს სიკვდილი მისი საუკეთესო ძის, მისი დიდების ვერაგულად მოკვლით გამოიხატა!

ერთ დროს ჩვენც ვიყავით ერი, ჩვენც შევადგენდით კაცობრიობის ნაწილს, ჩვენც გვექონდა ფასი და ხალხს გვეძახდნენ. ჩვენი კულტურა, — ჩვენი მწერლობა და მწიგნობრობა, მეცნიერება, სიტყვა-კანზული ლიტერატურა და სხვა, — ჩვენი საზოგადოებრივი სიძლიერე, — განთქმული იყო არა მარტო კავკასიაში, არამედ კავკასიის გარეშეც. ჩვენი, „გურჯისტანის“ სიძლიერე თავზარსა სცემდა ირგვლივ-მომდგარ მრავალ მტერს, და ჩვენც ვიცავდით ჩვენს თავისუფლებას, მიწა-წყალსა და კულტურას.

მე-IX-XII საუკუნეებში საქართველო სიმდიდრით, სულითა და გონებით გაბრწყინებული იყო, საქართველოს მდიდარმა კულტურამ, ქართულმა ძლიერმა ენამ წარმოშვა ჩანგი რუსთველისა და, სიცოცხლით სავსენი, ჩვენცა ვცდილობდით საშვილიშვილოდ განგვემტკიცებია ეს ჩვენი სულიერი და ნივთიერი სიძლიერე.

მაგრამ ველარ გაუძეულით მრავალ-რიცხოვან მტერს, რომელიც ყოველი მხრით გარს გვესია. ვიბრძოლეთ საუკუნეთა განმავლობაში ბრძოლის ველზედ, მაგრამ მთელი აზიის ურდოებს გაკაჟებული საქართველოც ვერ გაუძლებდა, და ჩვენც ვიწყეთ ნელ-ნელა დაკარგვა იმ დიადი საუნჯისა, რომელიც მთელმა ერმა შექპირბა თავისი შემოქმედებით ეამთა ვითარებაში.

აღმოსავლეთით, დასავლეთით და განსაკუთრებით სამხრეთით მოგვადგა აუარებელი მტერი, მოგვეწყვიტა საუკეთესო განათლებული ქვეყნები, შთანთქა ყოველი თავის ველურობის და განადგურების ზღვაში და შეამოკლა, შეასუსტა საქართველოს სიცოცხლე.

მაგრამ მაინც ვიბრძოდით და რაღაც იმედით აღსავსენი დანარჩენ ჩვენ დიდებას, მიწა-წყალსა და კულტურას მაინც ვირჩენდით. ასე მომდინარეობდა ჩვენი ისტორია შეთვრამეტე საუკუნის დამლევამდე, და ეს ისტორია ერთი ხანგრძლივი, საუკუნოებითი წამება იყო ქართველი ერისა, ჩვენი მუდმივი ექვი იყო, — საქართველოს დიდმა ლომმა მტრის შიშის ზარის დამცემი ღრიალი შესწყვიტა?

დასუსტებულებმა, დამციარებულებმა და შინაური უთანხმოებითა და მტრობით დაღლილებმა მოვახსოვით მე-XIX საუკუნის კარამდე. იმდენი სულიერი ძალაც აღარ შეგვეწევდა, რომ სურვილი, ძეგლებური ვაჟკაცური ფოლადის სურვილი მაინც შეგვერჩინოდა ბრძოლის განგრძობისა.

თუმცა მთელი საქართველო შეიძრა, ოდეს სცნა სურვილი ერეკლე მეფისა, საქართველო რუსეთისათვის გადაეცა, თუმცა საქართველოშიც გამოჩნდნენ დემოსტენები, რომელთაც სურდათ განეხორციელებიათ დიდი ხნის იდეალი საქართველოს კვლავ გაერთიანებისა, მაგრამ „ირაკლის დიდი ხანია გადაეწყვიტა ბედი ქართლისა“, — და არა მარტო ირაკლის, არამედ მთელ მაშინდელ თავად-აზნაურობას, რომელიც განაგებდა საქართველოს ბედ-იღბალს, — და საქართველომაც თავისი ხელით გამოიჭრა ყელი რუსეთის ტახტის წინაშე. მთელი ჩვენი პოლიტიკური უზუნეობა, მთელი ჩვენი სულიერი დაღლილობა მაშინ გამოჩნდა. არაერთარი პროტესტი ხალხის მხრივ, არაერთარი ძახილი „ქართველო ხელი ხმაღს იკარს“ — გარდა თავ-განწირულ ბატონიშვილთა, რომელთაც ჩვენი უპირველესი თავადები მგლებივით დასდევდნენ დასაჭერად. ხოლო როდესაც დამკვიდრდა რუსის მთავრობა ჩვენში და შეუდგა ჩვენი ცხოვრების განადგურებას სკვითური ვერაგობით, მაშინ იკბინა ხალხმა თითზედ, მაშინ მისწვდნენ ხმაღს, მაგრამ გვიანდა იყო, და იმ დიდმა და პატარა აჯანყებებმა, რომლითაც სავსეა მე-XIX საუკუნის ჩვენი ისტორია, ვეღარ განდევნა ძლიერი მტერი, რომელიც მთელი თვისი უკულტურობითა და ველურობით დაგვაწვა თავზედ.

ჩქარი ნაბიჯით მთელი საქართველო ბრწყინვალე კულტურიდან გაველურებადმდის, სრულ დეკადანსამდის ჩამოეშვა მე-XIX საუკუნეში, მაშინ როდესაც სხვა დამოუკიდებელი ერები, ან ის ერები, რომლებმაც მოასწარეს მტრის კლანჭებიდან თავის დახსნევა, წინ მიდიოდნენ და მე-XIX საუკუნის ბრწყინვალე შემოქმედებაში მონაწილეობას იღებდნენ.

მე-XIX საუკუნის პირველ ნახევარში, განსაკუთრებით მაშინ, როდესაც ჩვენში აჯანყებამ უნაყოფოდ ჩაიარა და საქართველოს უფრო მეტი განადგურებით გათავდა, ჩვენი დალაჩრება უმწვერვალესი ხარისხისა იყო. ჩინმენდლებით შეიმოსა მთელი ბრწყინვალე წოდება. ინტელიგენცია თითქმის სულ არ იყო, და ჩვენი მწერლობა ოდნავდა ბუტუავდა, ისევე იმ ჩინოსანთა კალმის ქვეში თუმცა გრიგოლ და ვახტანგ ორბელიანებმა, ნიკოლოზ ბარათაშვილმა და სხვებმა დიადი, გენიოსური შემოქმედებითი ნიჭი გამოიჩინეს, ენის სიმდიდრე, ჩვენი ენის საუნჯე თვალწინ გარდაგვიშალეს, მაგრამ მათ მაინც ვერ შეჰქმნეს ეპოქა ჩვენს ლიტერატურაში. შემოქმედება მათი სიღიღით ვერ იყო ძლიერი, ამას ჩვენი დაბეჩავებული ცხოვრებაც ვერ უწყობდა ხელს, — და ამიტომაც ისინი ჩვენი ახალი მწერლობის წინამორბედებად უნდა ჩაითვალოს მხოლოდ, და არა შემოქმედებად.

მაგრამ დადგა მესამოცე წლები, ის ხანა, როდესაც ბარბაროსულმა რუსეთმაც გაიღვიძა, რათგან მთელმა კაცობრიობამ ამირანისებური სიძლიერით დიდი ნაბიჯი წარსდგა წინ, და ჩვენს ქვეყანასაც მოხვდა ამ საყოველთაოდ აღელვებული ზღვის ტალღები. ჩვენი ცხოვრებაც შეიძრა, შეტოკდა, და ამ ახალ მოძრაობას თავისნი გამომხატველნი უნდა გაჩენოდნენ. გაუჩნდნენ კიდევ. ჩვენშიც დაიბადნენ: აკაკი წერეთელი, სერგი მესხი, ნიკო ნიკოლაძე, ილია ჭავჭავაძე, გიორგი წერეთელი და სხვანი და ამათ იკისრეს ხელმძღვანელობა ჩვენი ცხოვრებისა. აღორძინდა ჩვენი ლიტერატურა, აყვავდა ჩვენი

პოეზია, გაჩნდა პუბლიცისტიკა. გაჩნდა ახალი წესები ლიტერატურული მიმოკმედებისა, — და ჩვენც ცოტათი მაინც გავერიეთ კაცობრიობაში ამ მწკრალთა და მოღვაწეთა წყალობით. და სწორედ ილია ჭავჭავაძე იყო პირველი იმათ შორის, — ჩვენი საუკეთესო პოეტი, რომანისტი, პუბლიცისტი ეკონომისტი, ასე გასინჯეთ სოციოლოგიც.

ენა მკვდარი და მხოლოდ რაოდენიმე „წინამორბედთა“ პირში მეტყველი. ენა მდიდარი, მაშინ დაკარგული ჩვენი ერის „განათლებულთა მიერ“ ისე ლაჩრულად. რომ ლაპარაკსაც აღარ კადრულობდენ ქართულად, ენა, რომელიც ათასი წლობით შევიწახეთ და შავთა დროთაც ვერ გადაგვაღიწყეს, აღადგინეს, ზემოხსენებულმა საქართველოს შვილებმა, და ილია ჭავჭავაძე პირველი იყო, რომლის პირისაგან მოგვესმენ მძლავრ ქართულად ნათქვამნი, სამაგალითონი, უმშვენიერესნი თხზულებანი მისნი.

ჩვენ ქვეყანას ათასი გასაჭირი ადგა, კაცი არავინ იყო ხმის ამომღები ყველა საჭირობოროტო საკითხებზედ, და ილია პირველი იყო, რომ მეცნიერების იარაღით აღჭურვილი სწვევტდა რთულ პრობლემებს ჩვენი ცხოვრებისათვის თავისებური სიღრმით და იმავე შვენიერი ენით, რომელიც მან გაგვაგონა თავის ლიტერატურულ ნაწარმოებებში. ილია იყო შეუღარებელი პუბლიცისტი, ილია იყო გლეხთა მუღმივი მეგობარი, და იგი ამ მეგობრობას ხატავდა როგორც „გლახის ნაამბობში“, „ოთარაანთ ქერივში“, ისე ბატონ-ყმობის, მონობის წყევლა-კრულვაში და გმობაში, — როგორც საჯარო კრებებზედ, ისე თავის პუბლიცისტურ ნაწარმოებებში. იგი მუღმივი დამცველი იყო შრომის ინტერესებისა, და მაშინ როდესაც საუკეთესო დემოკრატებიც კი მთელი ევროპისა პარიზის კომუნას უშვერად, ურცხვად და ცინიკურად იხსენიებდენ, — ილია მის დამცველად, მისი დიდების ქართულ ჩანგზედ მომღერლად გამოვიდა ჩვენში. ეს რა არის, — თვით სოციალიზმის-პრინციპებიც კი არის გატარებული მის მრავალ თხზულებაში. „შრომის ახსნა“, — აი რა იყო ილიას იდეალი.

საქართველოს დაბეჩავებულ საზოგადოებას ორგანონი ეპირვებოდენ, ილია ჭავჭავაძე იყო სწორედ ის ადამიანი, რომელსაც უდიდესი ღვაწლი მიუძღვის მათ შექმნაში და მათში მუშაობით. მარტო ბანკში და წერა-კითხვის გამავრცელებელ საზოგადოებაში ჩამდენი ენერჯია ჩაჰკლა ილია ჭავჭავაძემ ქართული საზოგადოების აღსადგინებლად, სამაგალითოთა და განსაკვირვებელი, თუ დაუკვირდება ადამიანი და ღირსეულად დააფასებს ილიას შრომასა და ღვაწლს.

დიად, ილია ყოველმხრივი მოღვაწეობით გაცილებით მაღლა იდგა ყველა თავის თანამედროვეებზე და თანამოღვაწეებზედ, — თავისი მრავალ-ფეროვანი ნიჭითა და ყოველმხრივი შემოქმედებით.

მაგრამ მე ილიას უწინარეს ყოვლისა ვაფასებ როგორც მამულიშვილს. ის იყო მართლაც საქართველოს გუშაგი მთელი ნახევარი საუკუნის განმავლობაში. გრიგოლ ორბელიანი ამბობდა ძველ ქართველ ვაჟაკებზედ: „ვაი მას მტერსა, ვის ანუ, კლდენი, ან ტყეთა სიღრმე არ დაჰფარავიდნენ, ვითარ შურდულეებ მტრედთ შევარდენნი მიესევოდნენ და შემუსრვიდნენო!“ ილია სწორედ ასეთი მამულიშვილი იყო ჩვენ მ-ს ლაქობრივ ცხოვრებაში. ვაი მას მტერსა, ვის ანუ ბოღიში, ანუ იეზუიტობა არ დაჰფარავდა, — ვით ვეფხვი ილია მივარდებოდა მას და შემუსრვიდა თავისი ცოდნით, ლოგიკით და, — რაც უფრო ძლიერია, — სიმაართლით, რათგანაც ილიას არა ჰქონდა ჩვეულებ-

ბად მტერს გამოჰკამათებოდა, თუ მის სიტყვებში სიმაართელესა ჰხედავდა. განსაკუთრებული რისხვით ილია მოველინებოდა ხოლმე შინაურს მტერს, რომელიც ცხვრის ტყავში გამოხვეული შინ იეზუიტობდა და თავს იკატუნებდა, გარეთ კი ლომობდა და საქართველოს გაბიაბრუებისათვის არაფერსა ზოგავდა. მტერისა შინა ყოლასა ლომისა გზასა ზედა წოლა სჯობიაო“, იტყოდა ხოლმე ილია ძველ ვაჟკაცთა თქმულს, და მართლაც ვინ გაუძლებდა მის დიალექტიკას, მის შეუბრალებელ, მწარე დაცინვას და მძიმე მსჯელობას, რომელიც ვულკანის ჩაქუჩივით სცემდა თავში მტერს და მტვრად აქცევდა მის სუსტსა და იეზუიტურ არგუმენტებს. მასთანაც შეუდარებელი ორატორი, იგი იყო ჩვენი პირველი მამულიშვილი, მოქალაქეობრივი ვაჟკაცობით და სიბრძნით ჩვენი ციცერონი, „მამა ჩვენი სამშობლოსა“. და აქი მისი ბედიც ხვდა წილად! პოი ისტორიავე, საკვირველ არიან საქმენი შენნი..

და ეს ილია ბავშვაძე, რომელიც შეუდარებელი პოეტი იყო, შეუდარებელი პუბლიცისტი და ჩვენი პირველი ეკონომისტი და სოციოლოგი, პირველი საზოგადო მოღვაწე, პირველი მამულიშვილი, რომელსაც ერთად-ერთსა ჰქონდა ძული თავისუფალი სრული ადამიანისა იმდენ ლაჩართა და მონური სულის პატრონთა შორის, — ეს ილ. ჰავჭავაძე დღეს კუბოში დევს მთელი საქართველოს წინაშე, ქართველის ხელით განგმირული, ჩვენდა სასირცხოდ, სატირლად და სავეალალოდ!

თურმე სულ ტყუილი ყოფილა ჩვენი იმედი, რომ ცოტათი მაინც წინ წავედით მეცხრამეტე საუკუნის მეორე ნახევარში, სწორედ ისეთი კაცების წყალობით, როგორიც იყო ილია ჰავჭავაძე! სულ ტყუილი ყოფილა ჩვენი ზნეობრივი პროგრესი, თურმე კიდევ უფრო დაცემულ ვართ!

კაცი, რომლისათვისაც ერის ხანგრძლივი სამსახურისათვის იუბილე უნდა გადაგვეხადა, დაფნის გვირგვინით უნდა შეგვემკო მისი შუბლი, ტრიუმფით უნდა შემოგვეყვანა დამაშვრალი მცხოვანი ჩვენს სატახტო ქალაქში. ტყვიით გავგმირეთ, ეკლის გვირგვინი დავადგიოთ, და მისი კუბო შემოვიტანეთ დღეს აქ, ჩვენდა საუკუნო შესარცხვენად!

ვაგლახ, ბედშავო საქართველო! ვინ რას იტყვის, რომ გაიგებს ჩვენს ასეთს საქციელს, ვინ რას იტყვის, რომ გაიგებს, ვინ მოვეკალით, ვინ დავმარხეთ ჩვენივე ხელით ტყვიით განგმირული — საქართველოს ერი, ლაჩარი, ზნედაცემული, გახრწნილი, უგრძნობელი, რომელმაც მთლად დაჰკარგა კაცთა სახე, — აი ამ ერმა თვით მოჰკლა თავისი საუკეთესო ძე და ყოვლად უგვაწონი, უმსგავსონი და სულელნი დაიბოვა თავისი ცხოვრების წინამძღოლებადო, — აი რას იტყვიან და მართლაც რას უნდა მოელოდეს ადამიანი იმ ერისაგან, რომელსაც მონური სილაჩრე შეჰპარვია, რომელიც ეს სამი წელსწადია გაჰყვირის ძლიერად, გაჰყვირის შავი ზღვის ნაპირებიდან დაღესტნის საზღვრებამდე — ძირს ჩვენი საკუთარი თავისუფლებათა... მართლაც და „სხვა საქართველო სად არის, რომელი კუთხე ქვეყნისა, ერთ ძაბუნი, ლაჩარი, მორჩილი თავის ბედისა. შავთა დროთ სრულად შესცვალეს მის გული ადამანტისა, აღარც მხნე, აღარც მღერალი, მოძულე თავის მიწისა“, — და თავისი წარსულისა, თავისი კულტურისა, თავის საკუთარ შვილთა, რომელთაც შუბლში ტყვიით უმასპინძლებათ!

ახლა რაღა უნდა ვქმნათ? — უპირველეს ყოვლისა მე არ ვეთანხმები აქ წარმოთქმულ სიტყვებს, — ილიას ხსოვნას „შურის ძიება არ ეკადრებაო“ კი ეკადრება ამ სირცხვილს მხოლოდ შურის ძიებით გავაქარწყლებთ, შურის ძიება მთელი ერისა იმ უმსგავსოთა წინააღმდეგ, რომელთაც დღეს მთელი სა-



ქართველთა ძაძით შემოსეს და მთელ ქვეყანაში გააბიბრეს, ერთად-ერთი საშუალებაა მთელი ერის გასამართლებლად. წინააღმდეგ შემთხვევაში ჩვენ ყველანი დამნაშავენი ვიქმნებით ილიას წინაშე! ყოველივე სხვა ერი ჩვენს ალაგას ამასვე ჩაიდენდა. ჩვენი სიჩუმე ჩვენი ჰუმანური თვისების და დიდ-სულოვნობის დამამტკიცებელი კი არ იქმნებოდა, არამედ ჩვენი სისუსტისა და გულგრილობისა!

მაგრამ ასეთი შურის ძიება ვერ დააკმაყოფილებს ჩვენს შეურაცხყოფილ თავმოყვარეობას. ჩვენ უნდა ყველამ ჩავინერგოთ გულში ის მცნებანი, რომელნიც ილიამ თავის თხზულებებში გაატარა და გვიანდერძა: სიყვარული საქართველოსი, იმ განყენებული „საქართველოსი“, რომელიც აგრეთვე მისი თანამოდევანის, აკაკის გულსაც მუდამ ატოვებდა, სიყვარული ჩვენი მიწა-წყლისა და მისი შენახვა, რაიცა ილიას აზრით უმთავრესი საშუალება იყო ჩვენი ერის სიცოცხლისა, სიყვარული ქართველი ხალხისა, რომლის გუშაგად მუდამ უნდა იდგეს ყოველი ჩვენგანი, რომლის უფლება არავის უნდა შევალახვინოთ, ისე, როგორც ილია არავის აძლევდა ამის ნებას. აი რა არის ილიას ნაანდერძევი. შევექმნათ ჩვენც ისეთი ქართული საზოგადოებრივი წრე, — სალი და ზნეობით ამალღებულო, რომელშიც შესაძლებელი აღარ იქმნება ასეთი დანაშაული, როგორსაც ახლა ვხედავთ. მხოლოდ ეს დაგვაკმაყოფილებს. ეს მოგვბანს მოცხებულ ჩირქს. ამით უკვდავეყოფთ ილიას ხსოვნას.

მაგრამ ამ დიად საქმეს ვინ იციან აღვასრულებთ თუ არა! ჭერ-ჭერობით კი ჩვენი დაცემა ილიას მოკვლაში გამოიხატება, ამ უსაშინელეს დანაშაულში, რომლის უუმსგავსოესიც კაცობრიობას არა უნახავს-რა. ვინ იციან, როგორ იქნება ჩვენი მომავალი, აწმყოში კი კარგი რაც იყო აი ამ კუბოში ასვენია, ჩვენ ხელთაგანვე დათრგუნვილი და შეგინებული დაგვრჩა მხოლოდ სასო-წარკვეთილება და ძლიერი ეჭვი ჩვენი მომავლისა!...

შენ კი, დიდებულო ადამიანო, ივერიის ტანჯულო ძეგ, გვაპატივე აქ შეკრებილ სრულიად საქართველოს, რომ სწორედ იმ ადგილას მოგისპო ხიცოცხლე ჩვენმა ზნეობით დაცემამ, ხადაც შენ გულამოსკენილი სტიროდი „ბედსა ქართლისასა“, გვაპატივე, რომ შენს შუბლს ტყვია ვარგუნეთ წილად დიდების გვირგვინის მაგივრად, გვაპატივე, რომ ჩვენ სატანტო ქალაქში ტრიუმფის მაგივრად სამგლოვიარო პროცესისა გავიმართეთ გვაპატივე, — ეს შეეფერება შენს დიდსულოვნობას! იქ, ზევით, პოეტთა მიერ შემკულ, მღუმარე მთაწმიდა-ზედ განგისვენებთ, ჩვენ მცხოვან, ტანჯულ ისტორიულ დედაქალაქ თბილისს რომ ბატონობს იღუმალად! მაგრამ ვაგლახ ჩვენ, რომ „იქიდან ველარ გადმოხედავ შენსა სამშობლო მხარეს და ტუბილი ტიკტიკითა ველარ დაატუბო მის არემარეს“, ველარ იხილავ მომავალში შენსა ივერსა, „ფენიქსებრ განახლებულსა“, თუ მომავალმა ეს ბედი კიდევ გვარგუნა, მაგრამ აწმყოში მაინც ბედნიერი იქმნები, — ველარ იხილავ აგრეთვე იმ ხიწითლეს სირცხვილისა, რომელიც აწ დაცემულმა ივერმა ჰამა შენი წამებითა და რომლის ჩირქსაც იგი დიდხანს ვერ მოიბანს.

### ილია ჭავჭავაძის მოკვლა<sup>1</sup>

(1907—1957)

ნახევარმა საუკუნემ განვლო მას აქეთ, რაც ილია ჭავჭავაძე მოიკლა ვერაგულად.

<sup>1</sup> ბელი ქართლისა, იელსი — 1957 წ. № 24—25.

ის მართლაც „შავი დრო“, როდესაც უდიდესი ქართველი ტყვიით წა-  
აქციეს, დასაწყისი იყო საქართველოს უკანასკნელი ტრაგედიისა.

რად იყო ილია ჭავჭავაძის მოკვლა ქართველი ერის ტრაგედია? იმიტომ  
რომ მან დაკარგა დიდი მწერალი და დიდი პოლტიკა? არა: ილიას თვისნი  
დიდნი საქმენი უკვე აღსრულებულნი ჰქონდნენ, იგი უკვე მოხუცი იყო, საუ-  
კუნოდაც არავინ ცოცხლობს და ცხოვრების მიმწუხრს მოსალოდნელია  
ყველასათვის ამ სოფლითგან განსვლა. — იმიტომ რომ იგი ქართველთა ხე-  
ლით მოიკლა? არა: უბედური შემთხვევის, ან მეკობრეთა თავდასხმის მსხვერ-  
პლი შეიძლება ყველა შეიქმნას, სულ ერთია ვინ არის დამნაშავე, უცხო თუ  
თანამემამულე მსხვერპლისა. — რად იყო ილიას მოკვლა დასაწყისი საქარ-  
თველოს უკანასკნელი ტრაგედიისა? იმიტომ რომ იგი დღემდე გრძელდება და  
შეიძლება მართლაც უკანასკნელი იყოს დღეს მოსაქალაქად განწირული ქარ-  
თველი ერისა.

აქ ნათლად უნდა ვხედავდეთ მიზეზს ამ სამინელი მოვლენისა, რომელიც  
ილიას მოკვლით დაიწყო, და არა ვაბრალოთ მეკვლეობის დანაშაული მე-  
კობრეთ, ან რუსის უანდარბთ, და ამით გავამარტივოთ რთული მოვლენა და  
სინიღისი დავიმშვიდოთ, — რომ ქართველ ერს ილიას მოკვლის დანაშაული  
არ მიუძღვის და სხვა.

ილია დაეცა იმ ბრძოლაში, რომელიც წარმოებდა საქართველოში ილიას  
ეროვნულ იდეოლოგიასა და უცხო, შორითგან შემოტანილ შარქსიზმს შორის.  
ამ უკანასკნელის „რევოლუციონურმა“ სიმკაცრემ და დაუნდობლობამ იმსხ-  
ვერპლა საქართველოს დიდი „წინასწარმეტყველი“, — მოვლენა, რომლის  
მსგავსი სხვაგანაც გვინახავს. ქართველ ერს კი არ მიუხჯია სიკვდილი თვისი  
„წინასწარმეტყველისათვის“, არამედ ვნება მას არგუნეს სასჯელად იმ უსჯუ-  
ლო სინიღისის ქართველთ, რომელთაც ერი არ სწამდა და ილიას მოკვლის  
თოთხმეტი წლის შემდეგ თვით მთელი ერი, მონობისაგან ახლად განთავი-  
სუფლებული, უცხო ძალებით შეიპყრეს, ჯვარს-აცევს და დღემდე ჯვარზედ  
ჰყავთ გაკრული.

ილია ჭავჭავაძისთვის ერი ცოცხალი საზოგადოებრივი პიროვნება იყო,  
ერთი მრთელი რამ, რომლის ნაწილთა შორის ვერავითარი განსხვავება მას  
ვერ შლის და არც უნდა დაშალოს იგი. დასაბამითგან დღემდე ცხოვრება ქარ-  
თველი ერისაც მუდამ ცვალებადი იყო, ხოლო თვით იგი იმავე პიროვნებად  
დარჩა. დროთა სრბოლაში, მისი ისტორიის განმავლობაში მას არა თუ მხო-  
ლოდ თვისი განსაკუთრებულ თვისებათა მქონე მოდგმა შეუენახავს, არამედ  
მას შეუქმნია დიდნი ღირებულებანი კულტურისა. ხშირად განმცდელი დიდი  
ტრაგედიისა, ხშირად დამარცხებული და განადგურებული, იგი მუდამ იყო  
მცდელი თვისი ენერჯით ნაცართგან კვლავ აღდგომისა და განახლებისა, და  
ამ ენერჯიის წყარო იყო ყოველი ნაწილი მისი, ერის შვილი ყოველი სოცია-  
ლური მდგომარეობისა, — ყოველი წესწყობილების დროს. „ჩვენ ყველანი  
ერთნი ვართ“, ერთი ერის შვილით, ამბობდა ილია. და სამსახურიც საზო-  
გადოებმსა მისთვის ერის სამსახური იყო, გაუმჯობესებისათვის და წინსვლი-  
სათვის ყველა მის ნაწილთა, ყოველი მისი წევრის უზრუნველ-ყოფილ, თავი-  
სუფალ, შეგნებულ და ღირსების მქონე პიროვნებად ქცევისა, — ერთობ მთე-  
ლი ერის სამარადისოდ და ღირსეულად თვითმყოფობისათვის. ერის ნივთიერი  
სიმდიდრე ყველასათვის უნდა იყოს წყარო კეთილდღეობისა, და არა ერთი

ნაწილსათვის ერისა, და ენერჯიის გაღება ამ სიმბოლოს ზრდისათვის ყველას მოეთხოვება. — უწარსულო ერი უღირია, ეს თვით იმას ნიშნავს, რომ მისი ცხოვრება საუკუნეთა განმავლობაში უქმი, და თვით იგი ყოველი შემოქმედებითი ხიჯის არა-შქონე ყოფილა. ხოლო რაც წარსულში ერს შეუქმნია დიდი და სამარადისო ღირებულების მქონე, მას შესწავლა, ცოდნა, პატივი უნდა, რომ კულტურულ ერად დადგეს იგი სხვა კულტურულ ერთა შორის. „ეეთილის“ შენახვა და „ჩერკეალოს“ განგდება ერის ნამოქმედართაგან წარსულსა, ცხოვრების რომელი დარგითგანაც უნდა იყვენ იგინი, ერთი უდიდეს საზრუნავთაგანია ერის მსახურისათვის, ვინაიდან მხოლოდ წარსულთან უშუალო კავშირი ინახავს იმ სულს, რომელიც მას უდგას იმ დღითგან, როდესაც ერი ერად გახდა. ხოლო გმობა წარსულისა საკუთარი თავის გმობაა, და მოწყვეტა მისგან, — გადაგვარება, არარად ქცევა, და არა განახლება ცხოვრებისა.

შორს წაგვიყვანდა ილია ქავკაეაძის მსოფლიოს ხედვის აღწერა. ვიკმაროთ ეს, რაც ვთქვით. ამ აზრებით ხელმძღვანელი ემსახურებოდა ილია თვის ერს, საქართველოს, — სიტყვით, კალმით და საქმით. დიდი პოეტი, ძლიერი თეორეტიკოსი, შეუდარებელი პუბლიცისტი, მრავალფერი ცოდნით აღჭურვილი და აროდეს უსაბუთოდ და უსაფუძვლოდ მწერალი ან მეტყველი, დიდი ენა-მკვერი, დაუძინებელი მოქმედი ყოველი საქმისა, რომელიც ესაჭიროებოდა ქართველ ერს, მთელ ქართველ ერს, — აი ვინ იყო ილია ქავკაეაძე, და რა საკვირველია, თუ მან უდიდესი ავტორიტეტი მოიპოვა ქართველი ერის შორის მისი ხანგრძლივი ღვაწლით და თუ იგი ბუნებრივად გახდა მეთაური, ხელმძღვანელი, დამცველი, მესაიდუმლე, „წინასწარმეტყველი“ მისი. — ილიას „შრომის ახსნაც“ სწამდა ყველგან, იგი არ იყო არც ისეთი „ნაციონალისტი“, მხოლოდ მისი ერი რომ სწამს და სხვა არც ერთი. — მან ისიც იცოდა, რომ ხშირად მხოლოდ ძალით, რევოლუციით მოიპოვებს ჩაგრული ნაწილი ერისა თავისუფლებას და შეიქმნის უკეთესს ცხოვრებას, მაგრამ ისიც იცოდა, რომ დეგენერაცია რევოლუციის იდეისა ბრძოლის პროცესში და მის ხელმძღვანელთა უგუნური ხელმძღვანელობა ტერორითა და სისხლის წყურვილით ერის საუკეთესო ნაწილს სობს, და ამით ე. წ. „მონაპოვარი“ რევოლუციისა დიან კინი და მცირეა ხოლმე იმასთან შედარებით, რაც გახლებულთა აღტყინებას ვნება მოუყენებია ერისათვის, და შეიძლება ისეთი „ახალი“ რამ გამოვიდეს აგრე გამხეცებული რევოლუციითგან, რომ „ძველი“ სანატრელ განმქრალ სამოთხედ ეჩვენებოდეს ყველაფრისაგან განძარცულ ადამიანს. მაგალითებს ასეთ მოვლენათა ბევრს ვხედავთ ისტორიაში და ერთი უდიდესი თვალ-წინ გვაქვს. — და ილიამ ისიც იცოდა, რომ საკუთარი ერის უფლებათა დაცვა არ ნიშნავს მეზობლის შტრობას და წახდენას, „უმეზობლობისადმი“ მოსწრაფებას, არამედ მისი იდეალიც ერთა შორის თანხმობა და მშვიდობა იყო.

სრულიად სხვა რამ იყო საქართველოში შემოქრილი უცხო მსოფლიოს-ხედვა, — მარქსიზმი, — და იდეოლოგია და საქმე მის მიმდევარ ქართველთა. ფილოსოფია მარქსიზმისა გამატერიალისტებული დიალექტიკა იდეალისტის პეგელისა, — ერთად-ერთი „მეცნიერული“ სწავლა ბუნების ყველა მოვლენათა და მსგავსადვე სოციალურ მოვლენათა ახსნისათვის, ისტორიის გაგებისათვის, კულტურული კაცობრიობის მომავლის განკვერტისათვის და სხვ. „ეკონომიური მატერიალიზმი“, ანუ „ისტორიული მატერიალიზმი“, ანუ „დიალექტიური მატერიალიზმი“, — აი რა არის მარქსიზმის „მეცნიერება“ და მარქსისტები დიალექტიკის განგებით გარდაუვალი სოციალიზმის მოძღვრებას „მეც-

ნიერულ სოციალიზმად“ უწოდებენ, თუმცა არც ერთ ნამდვილ მეცნიერებას არც წინათ დასჭირებია იდეალისტური ან მატერიალისტური დიალექტიკა თვის აღმოჩენათათვის და არც დღეს სჭირდება მას იგი არსად, გარდა „საბჭოთა“ კომუნისტურ-პროლეტარული“ საზოგადოებისა. — იდეათა იმ სისტემაში, სადაც საწარმოო საშუალებათა განვითარება და განმრავალფეროვანება ჰქმნის ეკონომიურ აგებულებას საზოგადოებისა; სადაც ეს ეკონომიური აგებულებაა საფუძველი, სხვა ყველაფერი სულიერ-კულტურული კი ზედნაშენი მასზედ, ყოველთვის შეცვლილი საფუძვლის შეცვლის შემდეგ; სადაც ეკონომიურ განვითარების ნიადაგზედ წარმოშობილ კლასთა შორის ბრძოლაა მთელი ისტორია კულტურულ ერთა და ამ ბრძოლაში გამარჯვებულ გაბატონებულ კლასთა ბატონობა მხოლოდ დამარცხებულ კლასთა საექსპლოატაციოდ არის განმტკიცებული და საფუძვლად უდევს სახელმწიფოთა ცხოვრებას; სადაც უკანასკნელ, კაპიტალისტურ ხანაში საზოგადოებათა განვითარებისა პროლეტარიატია ჩაბმული ბურჟუაზიის წინააღმდეგ ბრძოლაში, — პროლეტარიატი, რომელსაც არც საშობლო აქვს, არც არაფერი სხვა, გარდა ბაზარზედ გასასყიდი საშუალო ძალისა, — პროლეტარიატი, რომელიც იზრდება კაპიტალის კონცენტრაციასთან ერთად და ირახმება შეგნებულ მხედრობად, რომ თვით გაბატონდეს, თვით ბურჟუაზიული დემოკრატიზმის ხანის განვლითაც, და თვისი დიქტატურით უკლასო საზოგადოება შექმნას მთელ მსოფლიოში „ექსპროპრიატორთა ექსპროპრიაციის“ შემდეგ, — მსოფლიო კომუნისში, — და ამით იქმნას დიალექტიკის განგება: თვისი — პირველ-ყოფილი კომუნისში, ანტითვისისი, უარ-ყოფა მისი — ცერძო საკუთრებაზედ დამყარებული კლასთა საზოგადოებანი შორამელთა ექსპლოატაციისა, კვლავ თვისი, უარყოფა უარყოფისა — მსოფლიო კომუნისში, უკლასო საზოგადოება, სადაც ექსპლოატაციას ადამიანისა ადგილი არ ექნება, და სხვ. და სხვ. — ასეთ სისტემაში ადგილი არა აქვს არც შემოქმედებით სულს ადამიანისა, არც სულს საზოგადოდ, არც სარწმუნოებას, არც წარსულისა და მის კულტურათა ნამდვილ გაგებას და დაფასებას, არც ერს და მისი პიროვნებისა და მის განსაკუთრებულ უფლებათა დაცვას. ეს მოძღვრება დამშლელია ერის მთლიანობისა, მისი სულიერი ორგანიზმის განმანადგურებელი, და ამით დამაშრობელი კულტურის წყაროსა, ვინაითგან არავითარი დიდი კულტურა ერის გარეშე არ წარმოშობილა და მსოფლიო კომუნისში წიაღში მისი დეგენერაცია და სრული გაქრობაც იქნება აუცილებელი, — მით უმეტეს, რომ მარქსიზმისათვის უცხო და მიუღებელია, და სამტროც, ყოველივე არისტოკრატიული, რჩეული ერის შორის, ხოლო ის ერი, რომელსაც ვერ შესძლებია თვისი წიაღითგან არისტოკრატიულ ელემენტთა შობა, ყოველთვის არარაობა ყოფილა კულტურული შემოქმედების მხრით. თვით დემოკრატიაც არარაობაა, არავითარი ღირებულების მქონე, თუ თვით „დემოსი“ არად ვარგა, ესე იგი მოკლებულია ყოველ „არისტოკრატისა“. არისტოკრატია „წოდება“ არ არის, რაგვარადაც ზოგს პკონია, არამედ შერჩეული ჯიში ერის შორის, შემქმნელი ერის კულტურისა, მისი დიდებისა, თავსმდები აღურაცხებლ მოვალეობათა მის დასაცავად, სახელმძღვანელოდ და მარადის-ყოფად.

აი ამ მსოფლიოს-ხედვის წინააღმდეგომ მოუხდა ბრძოლა ქართულ ნაციონალიზმს. — ვხმარობ ამ სიტყვას მისი ნამდვილი მნიშვნელობით და არავითარი მნიშვნელობა არ აქვს ჩემთვის მის განქიქებას ცრუ-პუმანისტთა მიერ, რომელთაც, თითქოს რაღაც უმაღლესი იდეის მსახურთ, არც ერთი ერი არ

სწამს, — არც საკუთარი და არც უცხო! — კონფლიქტი აუცილებელი იყო და ნაციონალისტთათვის ბრძოლა ძნელი, — არა იმიტომ რომ მარქსიზმის დებულებანი თეორიულად აუღებელ სიმაგრეთ წარმოადგენდნენ, არამედ სიძნელე სულ სხვა გარემოებისაგან იყო შექმნილი: რუსეთის მიერ საქართველოს მოტყუებით და კერავობით შეპყრობისა, მისი სახელმწიფოს მოსაზრებისა და ერის განძარკვის შემდეგ ყველა მის დაწესებულებათაგან, საუკუნ. განმავლობაში ბრძოლით ისეც დაღლილ ქართველ ერს ახლა ძველებზე უფრო ძლიერ მტერთან მოუხდა ბრძოლა, და კიდე შესძლო მან ოც და ათის წლის განმავლობაში გაძარკება მის წინააღმდეგომ, — ბრძოლა, რომელიც მისი დამარცხებით უნდა გათავებულყო. ძალა-მიხდისს ახლა მის მოსვენება სჭირდებოდა და სხვა მოქმედებით, მშვიდობიანი შრომით გამოპრთელება, ზრდა და განვითარება. და მის მოღვაწეთა მიზანი იყო შექმნა ერის ორგანოთა, ნაცვლად რუსეთის მიერ მისგან მოკვეთილთა, რომ გამაგრებულს, გაძლიერებულს, რიკხვობრივად, ნივთიერად და სულიერად გაზრდილს ერს კვლავ დაეწყო ბრძოლა პოლიტიკური თვით-მყოფობის აღსადგენად. ეს ძნელი, დიდი და რთული საქმე იყო და მისთვის ილეოდა მთელი ენერჯია ქართველ ეროვნულ მოღვაწეთა. მათთვის შეუძლებელი იყო რევოლუციონურ ნაციონალისტურ რაზმთა შექმნა პოლიტიკური ბრძოლისათვის არა თუ ხალხის მასათა, თვით ინტელიგენციის შორისაც. უცხოეთში ქართული ეროვნული საკითხი არც ერთი სახელმწიფოსათვის არ იდგა; და ბრძოლის განახლება უდიდესი იმპერიის, რუსეთის წინააღმდეგომ შეუძლებელ რამედ და აბსურდად იყო მიჩნეული ქართველ მოღვაწეთაგან. — მხოლოდ გვიან, ქართველი ერის ოდენ მომაგრების შემდეგ ზემოთ-მოსხნებულთა ღვაწლით, დაარსდა სოც. დემოკრატიკა პარტია, გარკვეული სოციალურ-პოლიტიკური პროგრამით, — საქართველოს ავტონომიით და სხვ. ქართული საკითხი უცხოეთის წინაშე მათ დააყენეს და თვით საქართველოში მათ შექმნეს კადრები პოლიტიკურ მებრძოლთა ინტელიგენციისაგან და ხალხის ყველა ნაწილისაგან. 1905 წ. ეს კადრები ქართულ ეროვნულ-სოციალისტთა უკვე მებრძოლ ძალად გამოდის რუსეთის თვითმპყრობელობის წინააღმდეგ და მეტოქედ სოციალ-დემოკრატიკა, ერის უფლებათა დამცველად, მათი აღდგენის მომთხოვნელად. — ილია ჭავჭავაძის იდეათა აღმსარებელ ქართველ პოლიტიკურ მებრძოლთა დარაზმვა კი უფრო გვიან, ილიას მოკვლის შემდეგ შეიქმნა შესაძლებელი. და ამას წინ უსწრებდა კიდე მცირე ორგანიზაციულად, მაგრამ იდეით რადიკალური ნაციონალისტთა ჯგუფი, მებრძოლი საქართველოს დამოუკიდებლობის აღდგენისათვის, ბოლოს თანამოქმედი ილიას მიმდევართა, რომელთაც საქართველოს დამოუკიდებლობის აღდგენა მათი პოლიტიკური ბრძოლის მიზნად დაისახეს.

ბოლო ესე ყოველი მცირე იყო იმასთან შედარებით, რაც მარქსიზმმა შექმნა საქართველოში პოლიტიკური დარაზმულობის მხრით. მარქსისტებს შეეძლოთ დარაზმულ ძალთა უპირატესობა მოეპოვებიათ საქართველოში, და ამისი მიზნები აი რა იყო: მათი პროგრამა მხოლოდ პოლიტიკურ-სოციალური იყო, — არა ეროვნული. მათი პროგრამის ე. წ. მინიმუმის განხორციელება შესაძლებელი იყო და არა ოცნება: მოსაზრება თვითმპყრობელობისა, დამყარება დემოკრატიისა რუსეთში, შრომელთა მდგომარეობის გაუმჯობესება და სხვ. — შექმნა წესწყობილებისა, რომელიც აგრეთვე მოისაზრებოდა შემდეგ და მთელი კაცობრიობა შეედიოდა სოციალისტურ სამოთხეში. ამისთვის იბრძოდა რუსის ხალხის და რუსეთში მყოფ ყველა სხვა ხალხთა დიდი მასები და ამ დიდ მოძრაობაში შესვლა მისცემდა ქართველ ხალხსაც იმედს უკეთესი

მომავლისა. ვარდა ამისა მარქსისტულ-სოციალისტური მოძრაობა საერთაშორისო იყო, და ქართველი ხალხიც, რომელიც რუსის და რუსეთში მყოფ ხალხებთან იბრძოლებდა საერთო მიზანთა მისაღწევად, დიდ ინტერნაციონალთან იქმნებოდა გადაბმული. მთელი რუსეთისა და მთელი კაცობრიობის ამ უზარმაზარ მოძრაობაში შესვლით მას ზურგი ექმნებოდა გამაგრებული და ამით მისი ბრძოლაც გამარჯვებით დამთავრდებოდა. — თუ ვისმე შიანც საპიროდ მოეჩვენებოდა ყოველივე ამასთან ერთად ქართველი ერის უფლებათა ხსენებაც, მას უპასუხებდენ, — ამგვარი რამ დღეს არა მარტო მშრომელთა „კლასობრივი შეგნების დაბნელება“ იქმნებოდა, არამედ ხელის შემშლელი საერთო დიდი მოძრაობისა. და ამას ვარდა, დამყარდება რა გამარჯვების შემდეგ ყოველთა მაცხოვრებელი დემოკრატია, სხვა საკითხებთან ერთად ეროვნულიც ადვილად გადასაწყვეტი იქნება რუსეთშიო. — ფანტიკოსმა რევოლუციონერებმა, რომლებიც ბრძოლის საშუალებად ტერორს იყენებდნენ, და თვით თავსაც არ ზოგავდნენ, არ ერიდებოდნენ არც დევნას მთავრობის მიერ, არც ციხბირს და კატორღას, არც სასჯარობელას, შექმნეს ძლიერი კადრები თავგანწირულ პროპაგანდისტთა და დარაზმეს საქართველოში ხალხი, ამგვარად სრულიად განთავისუფლებული წმიდა ეროვნული ბრძოლის სიმძიმისაგან და სიძნელეთაგან: შიგნით ბრძოლა მშრომელთა კლასისა „მყველფელთა“ წინააღმდეგ, განსაკუთრებით თავად-აზნაურობისა, ცხოვრების ეკონომიურად უმჯობესად შეცვლისათვის, გარეთ სხვა ერებთან თანაბრობა მთელი რუსეთის დიდ მოძრაობაში პოლიტიკურ მიზანთა მისაღწევად, — დემოკრატის დასამყარებლად, და სხვა!.. ქართველებს ყველაფრის გადაჭარბება გეფეარს, და ჩვენი მარქსისტებიც ისე შორს წავიდნენ თვისი ანტინაციონალიზმით, რომ „ხალხს“ აყვირებდნენ, — არ „გვინდა ავტონომიაო“, და რაიცა მართლაც საკვირველია, არც ქართული ს. დ.-ული პარტია შექმნეს მათ, არამედ „რუსეთის ს. დ. მუშათა პარტიის“ წევრები იყვნენ. ქართველები იყვნენ მხოლოდ, რომლებსაც საკუთარი ს. დ. პარტია არ უნდოდათ, სხვას კი ყველას ჰქონდა იგი რუსეთში: სომხებს, ებრაელებს, პოლონელებს და სხვ..

ბრძოლა ნაციონალისტთა და მარქსისტთა შორის საქართველოში მკაცრი, უსიამოვნო და მთელი ერისათვის მავნებელი გახდა. თეორიულმა ბრძოლამ უკვე მნიშვნელობა დაჰყარა. რა მნიშვნელობა ჰქონდა ს. დ.-ებისათვის, დაამტკიცებდენ თუ არა ნაციონალისტები მაგ. ენის „ზედნაშენობის“, ან კლასთა ბრძოლით ისტორიის ამოწურვის, ან ისტორიაში პიროვნების უმნიშვნელობის უსაფუძვლობას და სხვ., ან და აჩვენებდნენ თუ არა ნათლად, რომ მაგ. საქართველოს თავად-აზნაურობის მოღვაწეობა მთელი ქართველი ერისათვის იყო და არა მხოლოდ მისი კლასობრივი ინტერესებისათვის, და სხვ.. მარქსიზმმა „ხალხი“ დარაზმა მის წინააღმდეგომ, ყველა „გამბატონებულ“ კლასთა წინააღმდეგომ, იდეურად და ორგანიზაციულად, „შეგნებულად“ მებრძოლი „მტრის“ დასამარცხებლად, და მარქსისტთათვის უმთავრესი ეს იყო. ხოლო ამით ერის მთლიანობა ისაობოდა, იშლებოდა ის კავშირები, რომელიც საუკუნეთა განმავლობაში აერთებდა ქართველი ერის ნაწილთ და რომელმაც შეინახა იგი ათას წელთა დროის სივრცეზედ ათასი მტრის წინააღმდეგ ბრძოლაში. ერი განხეთქის გზაზედ იდგა, რადგანაც ის ნაწილიც მისი, რომელსაც საჭურველით, ტერორით აღარ ზოგავდნენ, საჭურველს ისხამდა თავის დაცვისათვის, და ამგვარად საქართველოს სამოქალაქო ომის ცეცხლი უნდა წაქიდიებოდა.

რასაკვირველია ყველა ქართველ მარქსისტს, ყველა ს. დ.-ს არ მოსწონ-

და ეს მოვლენა, დამლუბველად მიაჩნდა იგი თვით მათი მოძრაობისათვის. მათ შორის მრავალი იყო ჭკვიანი, გონიერი პიროვნება, და მათი გავლენის და მოქმედების წყალობით მრავალი უბედურება აცდა თავითგან ქვეყანას. მაგრამ მათ შორის იყო აგრეთვე ყოველად ბოროტი და რეკვენი ელემენტები, რომლებსათვის „გადრმავება კლასთა ბრძოლისა“ უდიდესი რევოლუციური მიღწევა იყო. ყველაზედ უკეთური მათგანი იყო ფილიპე მახარაძე. და როდესაც მან დაინახა, რომ ნაციონალისტები იღუურად ვერ იქმნენ დამარცხებულნი, არ დაკმაყოფილდა მით, რომ „ხალხის“ დარაზმული ძალა მათი მეტი იყო ვიდრე ნაციონალისტთა და ამ მხრით მათ საფრთხე არ მოელოდა, არამედ იღუური სიკვდილი განიზრახა ნაციონალიზმისა და მისი უდიდესი მეთაური ამოიღო მიზანში. წმინდა იღუური ბრძოლით რომ ვერა დააკლო-რა, ცილისწამებით და დევნით მისდგა ილია ჭავჭავაძეს, და რაც მახარაძემ, გელეიშვილმა და მათმა სხვა მომხრეებმა მის წინააღმდეგ სიბინძურე წერეს, მართლა უდიდეს სირცხვილად არის მოსაგონებელი იმ უბედური ეპოქითგან ჩვენი ცხოვრებისა. და როდესაც ვერც ამან გასჭრა და განმანადგურებელი პასუხი მიიღეს ილიასაგან და შერცხვენა მათი, მაშინ სატანამ საქურველი ააღებინა მათ ხელში და მოაკლვევინა დიდი ქართველი. რასაკვირველია ილია არ მოკლულა ს. დ.-თა პარტიული დადგენილებით. ერთობ ქართველ ს. დ.-ას არავითარი წილი არ უდევს ამ კრიმინალიზმში. მე დარწმუნებული ვარ, რომ თვით მახარაძე და გელეიშვილიც ვერ გაბედავდენ უშუალოდ მოეწყობთ იგი. ხოლო მათ მიერ ილიას დევნით და ცილის წამებით წაქეზებულთა, ვილაც ღმრთისაგან შეჩვენებულთა საიდუმლო სინედრიონმა დაატეხა თავს ქართველ ერს ეს უბედურება და სირცხვილი. მათ მეკობრეები გამოიყენეს აღმასრულებელ ორგანოდ, რომ ბოროტი საქმე მათი არ განცხადებულყო და უბრალო თავსდასხმად მეკობრეთა მიერნია იგი საზოგადოებას. ხოლო იმ შეჩვენებულთა სახელს და გვარს ვერც გავიგებთ ვეროდეს, და შადლობა ღმერთს, რომ ვერ გავიგებთ! სირცხვილად თვით აქტი ეყოფა იმ ღროსაც და ჩვენც, ვინც მას სიმწრით ვიგონებთ. — ილია ჭავჭავაძის მოკვლის შემდეგ ფ. მახარაძე გაქრა საქართველოთგან, ზოლო არა ვითარცა სინიღის-შეწუხებული იუდა, არამედ ვითარცა იუდა, იუდის საქმეთა გამგარძობი.

ილია ჭავჭავაძის მოკვლა მთელმა ქართველმა ერმა განიცადა ვითარცა კერა ლახვრისა გულსა შუა. გლოვითა და ტირილით აღივსო საქართველო, ყოველი სარწმუნოების და მდგომარეობის ნაწილი ქართველი ერისა, და თუ გლოვა დიდი და ღრმა იყო, დიდი იყო აგრეთვე რისხვა ერისა: მისი თავის მოჭრა მოინდომეს, წაართვეს რა მას მისი დიდი მეთაური. და ეს შეიძლება მიხეზი გამხდარიყო ქართველთა მიერ ურთი-ერთის განადგურებისა. ამან ყველა გონს მოიყვანა. გონს მოგვიყვანა ჩვენც, მაშინდელი ახალგაზრდობის ერთი ნაწილი, რომელმაც არ იცოდა რას როტავდა და რას ჩამახავდა 1905 წლის წინად, ამ წლის დღეებში და შემდეგაც, ღმერთმა იცის ვისი და რაის გავლენით, „რევოლუციონური ბრძოლით“ გატაცებული. ილიას მოკვლამ თვალის აგვიხილა. დაეინახეთ „რაშიგან ვართ“. დაეირაზმეთ ერის სამსახურისათვის, მივხვდით რა, რომ სხვა უდიდესი მოვალეობა ადამიანისათვის არ არსებობს, და ჩვენმა მცირემ, მაგრამ მტკიცე დარაზმულობამ თავის ღროზედ თვისი მოვალეობა ერის წინაშე ნათლად აღასრულა. — გონს მოვიდა თვით ქართული მარქსიზმიც, ქართველთა ს. დ.-ია. წარმომდგენია რას აზრობდა მრავალი მათგანი: რა ნაყოფი გამოიღო ჩვენ მიერ ნაქადაგებმა მოძღვრებამ, მართალია ბოროტთა და გონება-დაბნელებულთა მოქმედებით, მაგრამ ჩრდი-

ლი მათი უკეთურების ჩვენც გვადგებაო და სიტყვები ვლასა მეგლადისა და კარლო ჩხეიძისა ილიას დასაფლავებაზედ ნათლად მოწმობენ, რომ ილიას მოკვლა მათაც ისევე ეცათ ლახვარივით გულს, რაგვარადაც სხვა ქართველს „რევიზია“ მათ მიერ მათი მსოფლიოს-ხედვისა და ბრძოლის მეთოდთა მაშინ დაიწყო. და დაიწყო აგრეთვე გამოყოფა ქართული მარქსიზმის წიაღითგან ქართული ეროვნული ს. დ-იისა, რომლის მეთაურებად ერთნი საუკეთესონი გამოვიდნენ. და ყოველივე ამით კვლავ განმეორდა მოვლენა: ყოველი წინა-სწარმეტყველის მოკვლა მკვლელთა მიზანთა შერცხვენაა და არა მიღწევა, ხოლო მსხვერპლის კულტი ჩნდება ხალხთა შორის: — „ესე არს სისხლი ჩემი თქვენთვის და მრავალათვის დათხეული, მისატყვევლად ცოდვათა“, გაის-მის შეუწყვეტლად ხმა ხალხის მიმართ ვნებული წინასწარმეტყველისა.

პირველ დიდ მსოფლიო ომში კვლავ საეცებით ცხად-იქმნა, რომ „პრო-ლეტარს“ სამშობლოც ჰქონია, კაცობაც, ვაჟკაცობაც და ბევრი სხვა რამ ღირ-სეული, — არა მარტო სამუშაო ძალა, ბაზარზედ გასასყიდი, რაგვარადაც და-დადებდა სწავლა მარქსიზმისა. „პროლეტარი“ გმირულად იბრძოლა სამშობ-ლოსათვის, თვისი ერისათვის, თავადთან, აზნაურთან, „ბურჟუასთან“, გლეხ-თან ერთად, და თუ მას, მებრძოლს, სადმე ვინმე სიცრუის ქადაგებით და მუხთლობით მახვილი ჩასცა ზურგში იგი სატანა იყო, გარეთგან მოსული მაც-დური მისი. — აგრეთვე ყოველი ერი, სახელმწიფოს არა მქონე და უცხოსა-გან დამონებული, ჩაება ომში ამა თუ იმ სახით და მოითხოვდა მისი პოლი-ტიკური თვით-მყოფობის აღდგენას და საერთაშორისო ცნობას, როდესაც ზავის შესაკრავად და ქვეყანაზედ კვლავ წესიერების აღსადგენად დასხდებო-დენ გამგენი ამა ქვეყნისანი. და მაშინ ქართველთა ს. დ-იის მეთაურს, ნ. ჟორ-დანიას დაუდგა საკითხი: საქართველოს ბედის გადაწყვეტა ამ დიდ, ქვეყნის გარდამქმნელ ღროს, ვის დაედებოდა ვალად და ტვირთად თუ არა მას, ხელ-მძღვანელს და მბრძანებელს ქართველი ხალხის დიდი ნაწილის დარაზმულო-ბისა? ახალი იდეის სწრაფად მიცემა დარაზმულობისათვის, რომელსაც სხვა იდეა ჰქონდა მიცემული, არა ეროვნული, ადვილი საქმე არ იყო. მაგრამ თვით პოლიტიკური დარაზმულობა არსებობდა, დიდი ძალა მის ზურგს უკან, და ახლა მისი ჭკუისა, მოხერხებისა და პოლიტიკური გამჭრიახობის საქმე იყო ამ ძალის დაყენება ეროვნულ გზაზედ. ყოველივე ეს მას შესწევდა და სრუ-ლი იმედით თავისი თავისა იგი ღროს უცდიდა, ქართველი ერისათვის ის მიე-ცა, რისთვისაც ილია ჭავჭავაძე იბრძოდა, რომელთანაც მას წინათ მუღში-ვი თეორიული დავა და შეტაკება ჰქონდა. — როდესაც გერმანიის მიერ ომში დამარცხებულ რუსეთს რევოლუციის ცეცხლი წაეკიდა, იქ თვითმპყრობელო-ბის ნაცვლად დემოკრატია დაჰდა ტახტზედ, ხოლო უკვე პირველი ქამითგან მისი ბატონობისა ცხად იქმნა, რომ იგი რუსეთის მიერ დამონებულ ერებს თა-ვისუფლებას არ მინიჭებდა: საქართველოსათვის ეკლესიის ავტოკეფალიაც არ გაიმეტა მან, რაის მომხრე წინათ თვით „მემარჯვენე“ რუსი დურნოვოც კი იყო. ესეც კარგად განსჭვრიტა ნ. ჟორდანია, რომელმაც უცხოეთში მყოფ რუს რევოლუციონურ პარტიათა განწყობილება დამონებულ ერთა მიმართ კარგად იცოდა — ხოლო ლენინმა, ფანატიკოსმა მეთაურმა ბოლშევიზმისა, ე. ი. კონსექვენტური მარქსიზმისა, გვერდზედ გადადგა მარქსის დებულება: „მდგომარეობა ჰქმნის შეგნებას და არა შეგნება მდგომარეობასო“, და ვერ ნახა რა მან ვერავითარი „მდგომარეობა“ სოციალიზმის განხორციელებისა-თვის, სრული „შეგნებით“ და „მეცნიერებით“, ე. ი. ზარბაზნით, თოფით და



ქმრით, ქაჯის გვლით და ტერორით, სატანური ძალადობით შეუდგა იგი  
„მდგომარეობის“ შექმნას და სოციალისტური სამოთხის დამყარებას ნახევ-  
რად ბარბაროსულ ქვეყანაში. მან ერთი სულის შებერვით გააქრო უნიკოთ;  
დემოკრატია და ერთი შეიქმნეს დაამარცხა ბოლშევიზმის წინააღმდეგისი  
მხედრობანი, აღმოაჩინა დიქტატურა...

ჩვერად ამ დროს ნ. ჟორდანიამ აღასრულა ის დიდი ხრორიული როლი,  
რომელმაც რგი უკვდავ ჰყო ქართველთათვის: ჯერ მან გაწმიდა საქართველო  
ოსმალეთის ფრონტიდან მოზღვეებულ, გაბოლშევიკებულ რუსის ჯარისკაც-  
თაგან, ჩაუდგა სათავეში ქართულ „ეროვნულ საბჭოს“, რომელიც წინამორ-  
ბედი იყო დამოუკიდებელი საქართველოს მთავრობისა. მას ნდობა გამოუც-  
ხადა მთელმა ქართველმა ერმა და მისმა თავად-აზნაურობამ თვისი ქონება მას  
გადასცა ერის საქაროებათათვის მოსახმარებლად. ბოლოს მან ისარგებლა  
გერმანიის ჰეგობრული განწყობილებით საქართველოსადმი და გაუწია რა  
ანგარიში მთელი ერის სურვილს, გამოაცხადა დამოუკიდებლობა საქართველო-  
ისა, რომლის პრეზიდენტი და მთავრობის თავმჯდომარე თვით გახდა. მან დაუბ-  
რუნა ერს ერთხელ სხვა გზაზედ დამღვარი დიდი ნაწილი მისი, და ქართველმა  
ერმაც იგი იქნო თვის მეთაურად, დაიეწყო წარსულნი უთანხმოებანი და არა-  
რად მიიჩნია აწმყოს შეცდომანიც. არამედ სიხარულით შესტკეროდა მონობი-  
საგან განთავისუფლებულ სამშობლოს და თვის ახალ მეთაურს.

იმევე განსვენებულმა ვლასა მგელაძემ მამა-დავითის ეკლესიის ზარების  
რეკით და თერა მკექარე ხმით ჩასძაბა საფლავებში იქ დაკრძალულ დიდ  
ქართველთ: საქართველო აღდგა. მოხდა ის, რაზედაც თქვენ მუდამ ოცნებობ-  
დითო! და მაშინ მოხდა შერაგება ქართველთა, და ილიას მიცვალებულს მაშინ  
შეურავდა ნ. ჟორდანიას ცოცხალი, ბედისაგან არჩეული 117 წლის მონობისა-  
გან განთავისუფლებული და განახლებული საქართველოს საპატრონოდ. ამით  
იგი დიად სხვა მოვლენად გახდა, ეიდრე წინათ იყო.

მაგრამ იუდა ეამს ეძიებდა! მახარაძე, ორჯონიკიძე, ორახელაშვილი,  
მდივანი, ელიაძე, ქავთარაძე და სხვანი ზოგი საქართველოში დაძრწოდა, ზოგი  
მთავარ იუდათან, ი. ჭულაშვილთან იყო მოსკოვში. ყველანი ძირს უთხრიდენ  
განთავისუფლებულ სამშობლოს, არ ზოგადდენ მათაც, ვინც გუშინ მათი „ამ-  
ხანაგები“ იყენენ, რადგანაც ამათ სამშობლო იწამეს. ჯერ შიგნითგან სცადეს  
ქვეყნის „აფეთქება“, მაგრამ საქართველოში მტკიცედ დამყარებული წესრიგი  
ვერ შეარყიეს. დამარცხდნენ სასტიკად!—და როდესაც შიგნით ვერა გააწყეს  
რა, იუდეები მოსკოვს გაერიდნენ და იქითგან მოაწყვეს სამშობლოს ღალატის  
საქმე ჭულაშვილთან ერთად.

რუსის ჯარებით დაესხენ თავს საერთაშორისოდ და თვით რუსეთის მიერ  
ცნობილ საქართველოს და დაიპყრეს იგი. ნოე ჟორდანიას, მისი მთავრო-  
ბა და მათთან ძრავალი ქართველი უცხოეთში გარდმოიხვეწა, სადაც ნ. ჟორდა-  
ნიას სამ ათეულ წელზედ მეტს იღვწოდა თვისი სამშობლოს ასე ვერაგულად  
დათრგუნულ უფლებათა აღსადგინად, ხოლო იმედ-გაცრუებული, რწმენა-და-  
ქარგული ე. წ. თავისუფალი კაცობრიობის მიმართ განვიდა ამა სოფლითგან.

ბოლშევიკები დაეპატრონენ საქართველოს და დღემდე „პატრონობენ“  
მას თავისებური პატრონობით. წაართვეს ქართველს დემკრთი, დასაყრდნობი  
მისი, ქრისტე, სასოება მისი, ძღველი, მოძღვარი, მნათვლელი. ჯვარის დამ-  
წერი და დამარბველი მისი, ეკლესია სალოცავი მისი, დღესასწაულები, სი-  
ხარული და განსვენება მისი, ზიარება, ერთობ სარწმუნოება, განმანწმედელი  
მისი, პიროვნება და სახლ-ქარაბაქუთრება. სიამაყე მისი, „გაპროლეტარეს“

ერი ამ სატყევის ნამდვილი მნიშვნელობით. მისი დამღუპველი რუსეთი მის მგობრად გამოაცხადეს ძალით, თვით რუსეთი, მთელი უზარმაზარი ტერიტორია „საბჭოთა-კავშირისა“, მის საშრობლოდ, რომელიც სოციალისტური „განსაწყვედელია“, საითგანაც ერი შემდეგ მსოფლიო სოციალიზმის „სამოთხეში“ შევა. დი ოჟ „საბჭოთა-კავშირისა“ ქართველის საშრობლო, სულ ერთი არ არის, სადაც უნდა ცხოვრობდეს იგი, საქართველოში თუ თურქესტანში თუ ციმბირში, და მის ადგილს რომ მისი რუსი „უფროსი ძმები“ დაესახლონ, ესეც ხომ კანონიერია? და ამით ქართველი ერიც და სხვა არა-რუსი ერებიც მოსპობის გზაზედ დააყენა რუსეთმა: დღეს ჩვენ ჩვენ ქვეყანაში 40%-იც აღარა ერთ მოსახლეობისა!

გვეტყვიან, — ქართველი ბოლშევიკებიც რომ არ ყოფილიყვნენ, რუსეთი მაინც დაიპყრობდა საქართველოს, მისი დამცველის დამარცხების შემდეგ ყოველად დაუტველს სხვათაგანო. მართალია, მაგრამ შინა-გამტყვემელთა დაუბმარებლად უცხო ვეროდეს იმდენ ვნებას ვერ მიაყენებდა საქართველოს, რაც მან ჩვენ იუდათა დახმარებით მიაყენა, და თვით შინა-გამტყვემლობაც არ დაედებოდა მას სამარადისო სირცხვილად. ჩვენ სხვა მაგალითებიც გვაქვს თვალის წინ იმისა, რომ ქვეყნის დალატისაგან გამოსული, მოღალატეთა მიერ ხელძღვანილი საზოგადოება ყოველად ბინძურია, და ერი მოკლებულია იმედს ღირსეული ახლო მომავლისა.

და აქ ერთ მოვლენას უნდა დაუყვირდეს ყოველი ქართველიც, განსაკუთრებით ახალგაზრდა, რომელსაც შეიძლება ბედმა არგუნოს ოდესმე საქართველოში ღვაწლი ერისათვის: 40 წლის განმავლობაში საბჭოთა სახელმწიფოში „დიქტატორებმა“ დახვრიტეს მილიონობით ადამიანი ყოველი სოციალური მდგომარეობისა და სქესისა, დახოცეს შიმშილით მილიონობითვე, აწამეს საპყრობილებებში და საკატორღო ბანაკებში და აწამებენ დღემდე აგრეთვე მილიონობით ხალხს, გაჟლიტეს ურთი-ერთიც კი, და სხვა მრავალი ბოროტება მათი კიდე სხვა იყო და არის, — და რად? რა მიზნით? ოდესღაც შემდეგ „გასაბედნიერებლად ხალხისა“? ამ საშუალებით გაბედნიერება ვისიმე ხომ აბსურდია, უაზრობა, — ეს ვიცი ბევრი მაგალითითგან წარსულისა, — პირიქით, ასეთ უბედურებათა გამოვლის შემდეგ ერს ძლიერ დიდი ხანი სჭირდება ხოლმე, რომ გამოორთელდეს, სულიერად და ნივთიერად ნაყარათაგან აღდგეს. ზოგს ჰგონია, რომ ასეთი რამ რუსის ბუნებაშია. რასაკვირველია თავის საქმეთათვის ყოველმა ერმა თვით უნდა აგოს პასუხი და არა სხვას აბრალოს იგინი, მაგრამ ბოლშევიზში ყოველგან, ყოველი ერის შორის იმავე ნაყოფს იღებს, თუ მისმა თესლმა სადმე გაიხარა. ესპანიაში, მაგ., ბოლშევიკები „ესპანურად“ მძვინვარებდენ ისევე, რაგვარადაც რუსეთში „რუსულად“. და სხვ. მიზეზი ამისა ერთია: ადამიანი შთამომავალია არა-წმიდა, გაიძვერა, ხორცის-მჭამელი, სისხლის-მსმელი და მეომარი მხეცისა, ხოლო გონებით დაჯილდოვებული ბუნებისაგან. მან იცის თვისი ბუნება, და მისი ზნე და წესი, სამართალი და სხვ. ამ ბუნების ასალავმავად არის მისგან შექმნილი საზოგადოების დაცვისათვის. შემოქმედი სულიც მისი მის ალაგმვას მოითხოვს.

ხოლო შეიპყრობს რა მას წყურვილი სისხლისა და დათრგუნვისა პერიოდულად, განსაკუთრებით მისი ცხოვრების შეცვლის აუცილებლობისაგან გამოწვეულ მოძრაობაში, იგი გონების ჰკარგავს და განარღვევს ყველაფერს, რაც მას საუკუნეთა განმავლობაში შეუქმნია, — აესაც და კარგსაც, — სჩადის ყოველ სიმხეტეს და უკეთურებას. ამის მაჩვენებელია ყველა დიდი რევოლუ-

უიბ. პირველ-ყოფილი იდუალი იკარგება მოძრაობის ქაოსში და სიძებეკა მძვინვარებს, მიზანი მოძრაობისა მოღწეველი, ან ოდნავ მოღწეული რჩება.— კიდეუ უარესი რამ მომხდარა ხოლმე: ინევიზიტორები მე-16-ე საუკუნეში ქრისტეს ხახელით ცოცხალ ადამიანებს სწევედენ საშინელი წამებს შეძღვე ათი-ათასობით და რა უნდა ექმნა ბოლშევიზმს, რომლის თვით მოძღვრებაშია შხამი კაცის-კელისა, წამებისა, დამცილებისა, დამონებისა!

ეს უნდა იცოდეს ყოველმა ხელმძღვანელმა მოძრაობისა, თუ იგი ნამდვილი მსახურია ერისა. დამოუკიდებელი აზროვნება პირველ ყოვლისა მიხთვის ხაჭირო, რომ თვით იყოს პატრონი მის მიერ აღსარებული მოძღვრებისა და არა გონება-ჩლუნგი მონა მისი, გონიერად მიბართოს იგი კეთილ მიზანთა მი-საღწევად და სრულიადაც უკუაგდოს, თუ იგი ბოროტებას წარმოშობს. დიად, უამისოდ არავინ ვარგა მოძრაობის ხელმძღვანელად!

ბოლშევიკები, რომლებიც თითქოს ბევრს ძველს რასმე დაუბრუნდენ, კარგი ხანია მორფიუმს გვიშხაუნიებენ ქართველთ და სხვა მათგან წამებულ ერთაც მათი „აღმშენებლობით“, ხელოვნებისა და მეცნიერების მფარველობით, — თუმა კეტით ადგან თავს საწყალ მეცნიერთ და აიძულებენ, „დი-ალექტიურ-მატერიალისტურად“ იაზროვნონ, — რომ სასიკვდილო ტყვილები შეგვიწილონ. დღეს ივინი ილია ჭავჭავაძის მოკვლის შემდეგ 50 წლის თავს იგონებენ და ეშხადებიან სადღესასწაულოდ. აგრეთვე უკვე კარგი ხანია, რაც მათ დაიწყეს ილიას ქება და ღიღება და კიდე მეტად შეაქებენ და აღიღებენ მას ამ დღესასწაულზედ, — კაცს, რომელიც თვით მოკვლის, და ახლა თითქოს ამით უნდათ მათ, უსირცხვილოთ, სირცხვილი მოიხადონ.

ჩვენ კი აქ სხვა გრძობით მოვიგონოთ დიდი მეთაური ქართველი ერისა, რომლის მოკვლითაც ბოლშევიზმმა დაიწყო უკანასკნელი ტრაგედია მისი. და მასთან და მის თანამოაზრებთან ერთად მოვიგონოთ ოდესმე მათი მეტოქე-ნიც, ნოე ჟორდანიას და მისნი თანამოაზრენი, რომელნიც აგრეთვე მსხვერპლ-ნი გახდენ ბოლშევიზმისა, თვით მთელი საქართველოს მსხვერპლად მიმტანისა სატანის საკურთხეველზედ. ერისათვის აღსრულებულმა საქმემ, ერისათვის მსხვერპლობამ და ერთისა და იმავე მტრის მიერ დათრგუნვამ შეირიგა ივინი დიდ ილიასთან და ჩვენც მათი ბედის მოგონებამ შეგვარიგოს აქ, — ყველა ქართველი, ყოველი მოძღვრების აღმსარებელი, მით უმეტეს რომ არც ერთი ჩვენი ძველი სოციალურ-პოლიტიკური პროგრამა აღარ გამოდგება დღეს სა-ფუძველ-დანგრეული ქართველი ერისა და მისი სრულად შეცვლილი ცხოვ-რების აღდგენად და განახლებად, თუ თვით ერი ცოცხალი გადურჩა ამ მის უკანასკნელ ტრაგედისა.

## მცირე შენიშვნა მართველთა წინაპართა საკითხისათვის I

გერმანულმა გამოკემამ (ამერიკულ ზონაში) „Ost-Probleme“ (1951) გა-მოაქვეყნა თარგმანი ს. ჭანაშვიას და ნ. ბერძენიშვილის წერილისა, რომელიც ამ მეცნიერთა მიერ დაბეჭდილი იყო „კომუნისტში“ და მერე „პრაგდაში“ დეკ. 1945 წელს. მისი სათაურია: „ჩვენი კანონიერნი მოთხოვნანი ოსშალეთი-საგან“. წერილი შეეხება ოსშალეთის მიერ დაქერილ სამხრეთ-დასავლეთ ნა-წილს საქართველოს ტერიტორიისა.

ჩვენ არ ვიცით, რა მიზნით გამოაქვეყნეს იგი ამერიკელებმა. გეინტერე-

სებს აქ მხოლოდ ერთი რამ, რაცა დიდი ხნითგან დიდ გაუგებრობას წარმოადგენს: წერილის ავტორებს ხეთლები და სუბარელები, რომლებიც მეორე ათასეულში ქრ. წ. წინა-აზიაში ბატონობდნენ, ქართველთა წინაპრებად მიიჩნიათ.

უცხო და ქართველ მეცნიერთაგან ხშირად არის განმეორებული ეს აზრი, ხოლო ჩვენ ვგონებთ, რომ საფუძველი მისი მტკიცე არ არის.

არის ხალხები, რომელთაც სწორედ წინაპართა ენა დაუქარგავსთ და უცხო ენა შეუთვისებიათ და სამშობლო ენად გაუხდიათ განსაზღვრული მიზეზით. ხოლო არის ხალხები, რომელთაც უხსოვარი დროითგან შეუნახავსთ იგივე ენა, რომლითაც წინაპარნი მეტყველებდნენ და რომლის ცვალებადობის შესწავლა შეიძლება იმოდენად, რაოდენადაც იგი სჩანს ერის ძველი და ახალი მწერლობის შედარებითგან.

ასეთ შემთხვევაში ძველი ხალხი ახალი ხალხის „წინაპრად“ ჩაითვლება, რათგანაც ძველი მეტყველებდა იმ ენით, რომლისაგანაც წარმოსდგა ენა ახლისა.

ხოლო არც ძველი ხეთის ქვეყანაში, არც სუბარეთში, არც ურარტუს ქვეყანაში და არც სხვაგან ძველ მცირე-აზიაში და ჩრდილოეთ შუამდინარის ქვეყანაში არ აღმოჩენილა ჯერ ლურსმული (ან სხვა) წარწერები, რომლების ტექსტი ქართულად ან რომელსამე ენაზედ ქართული ჩუგფისა (მეგრულ-ჭანურად, სვანურად) დაწერილი იყოს. „ხეთური“ ენა ინდო-გერმანულია, — ბევრ უცხო ელემენტთა შემცველი, მაგრამ მინც ინდო-გერმანული, არა — ქართული, „ხურიტების“ ენა (სუბარელთა მთავარი ენა) ურარტულის მონათესავედ სჩანს, ურარტული კი ქართულის მონათესავე არ არის. მას მხოლოდ რამოდენიმე გრამატიკული ფორმა და სიტყვა მოეპოვება მსგავსი ქართულისა, რაცა სრულიად არ ამტკიცებს მის გენეტიურ ნათესაობას ქართულთან. ე. წ. პროტო-ხატური ტექსტები მცირეა, მაგრამ ისიც გვაჩვენებს, რომ ენა არც ქართულია, არც მეგრულ-ჭანური, არც სვანური და არც „პირველ-ყოფილი ქართული“ (ე. ი. ენა, რომლის განშტოებისაგან წარმოდგენ ქართული, მეგრულ-ჭანური, სვანური, მათი მრავალი კილოებით).

ერთი ხალხის ტომთა და სხვა ხალხების ტომთა სახელების მსგავსება, თვით იგივეობაც კი, თუ ხშირად ფრიად მნიშვნელოვანია ამ ხალხების ნათესაობის დასამტკიცებლად, ხშირადვე უდიდეს შეცდომას ჩაადენინებს არაფრთხილ მკვლევარს, რომელიც მარტო სახელთა მსგავსებას და იგივეობასაც მეტ მნიშვნელობას მისცემს, ვიდრე მას ეკუთვნის, და სხვა საბუთებზედ არ დაამყარებს ხალხთა ნათესაობას, რომელ საბუთთა შორის ერთი მნიშვნელოვანი ეს მსგავსება და იგივეობაც იქნება.

სულ სხვაა გარდაცემა ერთი ხალხისაგან, ერთი ერისაგან მეორისათვის სიტყვათა, ნივთიერი კულტურის ელემენტთა, სარწმუნოებრივი წარმოდგენათა, ღვთაებათა და სხვ. რასიული ელემენტებიც შეიძლება საერთო ჰქონდეს სრულიად „უნათესაეო“ ერთ, — ერთი ხალხითგან მეორეს წიაღში, ან ორივეში შესრული, ორივესათვის უცხო ხალხითგან. — მაგ. ბერძენთა ერში მრავალი იყო არა-ბერძნული, არა-ჩრდილოეთური, მცირე-აზიისა და ხმელთაშუაზღვის ხალხთაგან შესული რასიული ელემენტები; ბერძნულ ენაში მრავალი არა ინდო-გერმანული რამ არის, ბერძნულ სარწმუნოებაში მრავალი სარწმუნოებრივი წარმოდგენა, ღვთაებანი მცირე აზიის ხალხთა; ერთობ კულტურული გავლენა მცირე აზიისა და ხმელთაშუაზღვის ხალხთა დიდი იყო საბერძ-

ქნეთხედ, მაგრამ განა რომელიმე ხალხს, ბერძნებზედ ასეთი გავლენის შქონეს, კლინთა „წინაპრად“ გამოეცხადებთ? — მსგავსადვე, ხეთელები, სუბარელები, ურარტელები და სხვანი არ არიან ქართველთა წინაპარნი, მიუხედავად იმისა, რომ ქართველთა შორის დღესაც ეხედავთ სხვა ტიპთა გარდა ძველ ჩეთურ ტიპსაც (წინა-აზიურს); ბევრი სარწმუნოებრივი წარმოდგენა ქართველ წარმართთა ძველი ხეთური იყო, აგრეთვე უცხო ღვთაებანი იყვნენ შემოსრულნი საქართველოში, როგორც მაგ. „პროტო-ზატურა“ ტელეფინუ (შეად. სვან. ტულეფია — მელია) და და სხვ. და უძველესი სიტყვებიც არის ქართულში შემოსული უძველეს უცხო მეზობელ ხალხთა ენებითგან, აუბსნელი ქართული ენათმეცნიერების ნიადაგზედ, რომლის ვინაობას მხოლოდ მაშინ გავიგებთ, როდესაც მათ სადღაც ჯერ აღმოუჩენელ ან წაუკითხავ ძველ ტექსტებში ვიხილავთ. უფრო რთულია პროცესი ნივთიერი კულტურის შეთვისებისა ხალხთა მიერ ურთი-ერთისაგან. და აქ ჰმართებს მეცნიერს დიდი სიფრთხილე, — აღნიშნოს და გაიგოს მოვლენანი ისე, რომ შემცდარი დასკვნები არ გამოიღოს ხალხთა „ნათესაობისა“ ან ერთის „წინაპრობისა“ შეორისათვის და სხვ..

ჩვენ ხშირად გვითქვამს და ახლა კვლავ ვიმეორებთ, რომ ერთად-ერთი ენა, რომლის გენეტიური ნათესაობა ქართულთან სჩანს, არის სუმერული. მაგრამ ეს ნათესაობაც შორეულია, — არა ისეთი, რომ სუმერული ქართულ ენათა ჯგუფს (ქართულ-მეგრულ-ქანურ-სვანურ-სუმერულს) ეკუთვნოდეს, ან ქართულ ენათა ჯგუფი სუმერულის განშტოების შედეგი იყოს. ამიტომ აბსურდი იქნებოდა იმისი თქმა, რომ „სუმერნი ქართველთა წინაპარნი იყვნენ“. სუმერულისა და ქართულის ნათესაობა და აგრეთვე საქართველოში ახლად აღმოჩენილი საგნები მეორე ათას. ქრ. წ. (მაგ. თრიალეთში, იხ. შ. ამირანაშვილის ისტ. ქართ. ხელოვნებისა [რუს.], გვ. 31,34), და სხვა მოსაზრებანიც გვეუბნებიან მხოლოდ, რომ ყოფილა ერთი უძველესი ჯგუფი ხალხთა კავკასიაში და მისი სამხრეთით მდებარე ადგილებში მოსახლე, რომელთა ენები ურთი-ერთის მონათესავე იყო. ერთი ამ ხალხთაგანი, სუმერის ხალხი, სამხრეთისაკენ წამოსულა, სამხრეთ მესოპოტამიაში დასახლებულა და იქ შეუქმნია უძველესი დიდებული კულტურა. სხვა ძველ ხალხთა ბედი ამ ჯგუფისა ჯერ არ ვიცით. ხოლო ქართველები, ამავე ჯგუფის ხალხი, ესთა ვითარებაში მეზობელთა ყოველნაირი გავლენის გამცდელნი, დღესაც ვარსებობთ, მკონენი „ეროვნული“ ისტორიისა და შემქმნელნი „ეროვნული“ კულტურისა.

და ჩვენი ძირების ნახვა, ჩვენ „წინაპართა“ აღმოჩენა შესაძლებელია და მოსალოდნელი სუმერთა წარმოშობის საკითხის საბოლოოდ გამორკვევასთან და გადაწყვეტასთან დაკავშირებითაც.

პარიზი

## მიხაკო ღირეთლის ღირილები ივანე ჯავახიშვილისადმი

ლონდონი,  
16 იანვარი, 1910.

### ქირფასო ბ-ნო მანო,

მივიღე თქვენი წერილი და ვაჩქარებ პასუხსა. ვერ წარმოიდგენთ, რა მადლობით აღივსო ჩემი გული, როდესაც წავიკითხე თქვენი წერილი: მეუბნებით, პირდაპირ და გულწრფელად მომწერეთო და მეც ვსარგებლობ ამით და მთელი ჩემი აღსარება მინდა გადმოგიშალოთ, თუ ამით თავს არ შეგაწყენთ.

პირველად იმას ვიტყვი, რომ სრულიად დამებნა გზა და კვალი და არ ვიცი რა ვქნა: სახლში ვეღარ დავბრუნდები, რადგანაც ხუთი წლით მეც გამომაძევეს, სხვებთან ერთად. აქ კი მაისს შემდეგ აღარაფერი მექნება. მაგრამ ეს არაფერი; ნამდვილად არ ვიცი, როდის აპირებენ ლექტორის მოწვევას და რა პირობებით. ბერიძეს მიტომ ვსწერდი მოემზადეთ მეტი, თქვენც მიტომ მოგწერეთ, რომ ალბათ მოიწვევენ, მაშ ისე ხომ არ დასტოვებენ საქმესა და მეც ყოველ შემთხვევაში ვფიქრობდი, რომ ვინმე გვეყოლოდა სახეში. ჩემ თავზედ ბევრი ვიფიქრე, ავსწონდავსწონე ყოვლისფერი და დავრწმუნდი, რომ არ გამოვდგები, კიდევაც რომ მოვახერხო ლექტორობის შოვნა; დიდი მომზადება მჭირდება. მჭირდება ქართული სიტყვიერებისა და მწერლობის ცოდნა, უპირველეს ყოვლისა, და რთგორ და როდის უნდა შევისწავლო ეს ამ მოკლე ხანში, არ ვიცი. ამას გარდა, მე ინგლისურიც არ ვიცი ისე, რომ ხეირიანად ვსწერო და ვილაპარაკო; ჩემი ინგლისური ნაწვალბები და ნაჯახირებით, და დაწერილიც კი არაფრად ღირს, თუ მცოდნემ არ გაასწორა. ასე რომ ინგლისურშიც დიდი მომზადება დამჭირდება, ერთი წლისა მაინც, რომ შევსძლო უხეირო ლექციების კითხვა. — ან ეს ორი უმთავრესი გარემოება პირდაპირ სპობს ჩემი ლექტორობის შესაძლებლობასაც კი ჭერჯერობით. ამას გარდა, არ ვიცი დანამდვილებით, რა იქნება რას იზამს უორდროპი, როდის მოიწვევენ ლექტორს. ჯერ უორდროპი ისევე ჩვენშია, თუ არ ვიცი სპარსეთში. გაზაფხულამდის არ დაბრუნდება და როცა მოვა, მაშინ უკვე დანამდვილებით გავიგებ ყველაფერს. ეს კი მითხრეს, რომ უბრალო ლექტორს უდიპლომოდაც იღებენო, ხოლო თუ დისერტაციის დაცვა უნდა და კათედრის მიღება, მაშინ უსათუოდ აქაური დიპლომია საჭირო.

ჩემი პლანი კიდევ სხვანაირი იყო. მე მინდოდა მესწავლა და მოემზადებულყავ ან ასირიოლოგიაში, ან სპეციალურად ქართულ-სებიურ ფილოლოგიაში. ჩემით აქ დავიწყე ასირიოლოგია, მაგრამ ვატყობ, უხელმძღვანელოდ არაფერი გამოვა, შორს ვერ წავალ. უსისტემოდ სწავლა ძნელია, ხოლო უნი-

ვერსიტეტი კი აძლევს კაცს სისტემას: ან და უდიდესი ნიჭის პატრონი და შრომის შემძლე უნდა იყოს კაცი, რომ მიზანს მიაღწიოს. მე კი რა ვქნა? აქ უნივერსიტეტი ძვირია, მე ვერ შევეძლებ. ამიტომაც ჩემი ოცნება იყო გერმანიაში შევსულიყავ უნივერსიტეტში და დელიჩთან მესწავლა, თანაც ინგლისური მეზუპირებიანა, რომ როცა გავათავებდი, მზად ეყოფილიყავ ლექტორობისათვის, თუ მანამ სხვა არავინ იქნებოდა, ან სხვა და სხვა ადვილს გადავიდოდა და მე ვიქნებოდი მის ძაგვიერ. ყოველ შემთხვევაში, მომზადებული ვიქნებოდი. და თუ აქ არა, სხვაგან მაინც ავიღებდი ლექტორობას და ჩემი სპეციალობაც „(ლურსმული) და ქართული იქნებოდა“. ნუ დაივიწყებთ, ბატონო ვანო, რომ მე არაფერი არ ვიცი სრულიად ამ საგნებში, და კაი ოთხი წლის მომზადება მჭირდება, რომ არ შეგარცხინოთ. ამიტომაც გწერდით. -- უკვე მცოდნე საგნისა ისეთ, რომელსაც ინგლისურის მეტი არა სჭირდებოდეს რა, იქნებ ნახოთ და მოამზადოთ, რომ როდესაც დადგება წამი ლექტორის მოწვევისა, უცბად მივავნოთ — აი გვყავს ქართველი მეთქი, --- და ინგლისელები დიდის სიხარულით მიიღებდნენ.

ეხლა სტიპენდიაზეც უნდა მოგახსენოთ: ისე ვარ დაშინებული და იმედდაკარგული, რომ მეშინია: კიდევაც რომ მოხერხდეს სტიპენდია, ვაი თუ ვერ შევძლო სწავლა უნივერსიტეტში და შევრცხე, ან თქვენც და სარაქიშვილიც უხერხულ მდგომარეობაში ჩაგაყენოთ, მერმე სადღა წაუვიდე სირცხვილსა და თავის მოჭრას? პირმოთნეობით კი არა, არამედ მთელის ჩემის გულთ გეუბნებით, რომ თქვენი პატივისცემა ისე მაქვს გულში გამჯდარი იმ დროიდანაც, როდესაც ვერც კი გიცნობდით, რომ თქვენ რომ რამე საყვედური დაიშახუროთ ჩემის მიზეზით ვისგანმე, ღმერთმა ნულარ გამახელიოს თვალი ამ ქვეყნად! — დავიღალე, ძმაო, ისე დამღალა და გამომატყინა ამ პარტიულმა ცხოვრებამ და ობროდობამ, ისე წაიღო ტენი, გული, ხალისი, განსაკუთრებით სისტემატიური მუშაობის ნიჭი, რომ რწმენა დაეკარგე ჩემის თავისა და მეშინია. დავჩლუნგდი ისე, და მეხსიერება დამეკარგა ისე, რომ წარმოიდგინეთ, როცა ენებს ვსწავლობ, ყველაზე უფრო გრამატიკის სწავლა კი არა, ან ბანის შესწავლა მიჭირს, არ გამახსოვრდება ფორმები ასოებისა! ასეთია ჩემი მდგომარეობა, და ამიტომაც, როცა ამას წინათ ჩემი ძმა ჩამაძივდა, მოსწერე „სიენდს“ თხოვნა, შავი ქვის სტიპენდია დამინიშნონო, უარი შევეუთვალე, მაგრამ რომ აღარ მომეშვა, გავუგზავნე თხოვნა, — ვიცი მაინც არა გამოვა რა და იმითომ. — თქვენცა მწერთ დაღლილი ვარო მაგრამ თქვენი დაღლა სისტემატიური და ნაყოფიერი შრომისაგან არის. დაისვენებთ და მერმე კიდევ უფრო დიდის ენერჯით შეუდგებით თქვენის მართლაც დიდის გეგმის აღსრულებას. მარტო ხართ, მაგრამ მით უფრო გმირულად იბრძოლებთ და ლელოს გაიტანთ. ჩემი დაღლა კი, პირიქით, უსისტემობისა და სულისკეთების, უნაყოფო ტანჯვის შედეგია და მიტომ აღარა მაქვს იმედი რომ აღვსდგე. მაგრამ თანაც მიყვარს ეს საგნები, ეხლა ვიცი მხოლოდ, რომ ქართველი კაცისთვის ერთი უდიდესი ნუგეშია მისი წარსულის სწავლა, აგრეთვე ვიცი, რომ ამით იგი არა თუ ჩვენს საცოდავ ერს, არამედ მეცნიერებასაც დიდს სამსახურს უწევს, და მეც მწყურია სწავლა. თუ ეხლაც ვერ შევეძელი ჩემი მიზნის მიღწევა, სულ დავეცემი და დავიღუპები, — აი, ძმაო, ამ ორ ცეცხლს შუა ვარ და არ ვიცი რა ვქნა, საით წავიდე. შეგაწუხოთ და მიგაწერიოთ წერილი სარაქიშვილთან ვაი თუ ვერ გავამართლო იმედი, არა და დაღუპვის კარზედა ვდგავარ. არ გეგონოთ, ამას დაუფიქრებლად გწერდით, --- ეს ჩემი გულის ნაღებია, ბებრი ჩემი ცრემლისა და სასოწარკვეთილების

შემდეგ ჩემდამივე ნათქვამი დასკვნა. არ ვიცი, იქნებ ისევ თქვენა ჰქნათ მადლი და გამომიყვანოთ ამ გაჭირვებიდან მით; რომ მიჩვენოთ სადმე ევროპაში უნივერსიტეტი. სადაც ჩემისთანა ადამიანს შეეძლოს ოთხ წელიწადს თუ დასრულება არა კურსისა, იმდენის სწავლა მაინც. რომ შემდეგ თვით შესაძლოს მუშაობა. თუ კი ძლიერ დიდი ენერჯია, დიდი ნიჭი და დიდი დრო უნდა ასირიოლოგიის შესწავლას, მაშინ არ ღირს დაწყება. ამასთანავე ისიც მინდა ვიკოდე: რა სჯობია, თუ უნივერსიტეტში შევიდვ ასირიოლოგიის ნაწილით, თუ სპეციალურად სემიტოლოგია, რომ შემდეგ ქართულის კვლევისათვის ვიყო სპეციალურად მომზადებული?

ეხლა თქვენს პედაგოგიურ ინსტიტუტს მივმართავ პირდაპირ. რაც მოგწერეთ მართალია. მიიღეთ ყოველივე ეს მხედველობაში და თუ ნახოთ შესაძლებლად, რომ კიდევ არის შესაძლებელი ჩემი სწავლა, ჰქენით მადლი და მისწერეთ დ. სარაჯიშვილს, რომ სტიპენდია მომცეს, ან აქ, ან გერმანიაში, ჩემის ფიქრით, გერმანიაში უფრო იაფია და სჯობია კიდევ, აქ კი, ლონდონში არც კია სპეციალური კურსები ასირიოლოგიისა, ოქსფორდში კი. სადაც ჩვენი კათედრაც უნდა იყოს. ნამეტანი ძვირია ცხოვრება და სწავლა. ისე რომ მოხერხდებოდეს, რომ ოქსფორდში ლექტორადაც ვიყო, სტუდენტადაც, კარგი იქნება, მაგრამ ჭერ-ხნობით ლექტორობას ვერ შევძლებ მოუზადებლობის გამო და ინგლისურის უხეიროდ ცოდნის გამოც. ცოტა შეიძლება რომ მქონდეს კი. ინგლისურ საზოგადოებაში ვიქნებოდი, ისეთ ბინას ამოვიჩრჩევდი, ეხლა კი ინგლისელს თვალითაც ვერა ვხედავ. მელუქნეებსა და მერესტორნეებს გარდა.

ქრესტომათიას შევუდგები, როგორც რომ ჩამოვა უორდროპი. მან ინგლისური ლიტერატურული ენითა სწეროს და მე კი თქვენის დახმარებით, მასალასა და წიგნის გეგმას მივცემ. ძლიერ გაეხარდება. თვითონ უნდოდა შედგენა, მაგრამ ვერ მოახერხა, დამხმარე არაყინა ჰყავდა. ამ საქმეს უხათუოდ შევუდგებით. როგორც რომ დაბრუნდება უორდროპი. მას ლექსიკონის (ქართულ-ინგლისურისა და ინგლისურ-ქართულისა) უდიდესი ნაწილიც უკვე შედგენილი აქვს თავის დის დახმარებით.

დასასრულ გისურვებთ ჭანმრთელობას. კარგად მოსვენებას, რომ თქვენი დიდი გეგმა აგესრულებიოთ --- საქართველოს ისტორიის დაწერა. ჩვენში რომ ესმოდეთ, თუ რა არის ეს შრომა, მაშინ ასე აღარ გაგიჭირდებოდათ, მაგრამ არ ესმით ჩვენს უბედურებს. ჩემის დღეები არ დამავიწყდება, --- თქვენს ლექსიაზედ რომ სამი კაცი იყო ერთხელ და... სხვებს რომ ათასობით აწყდებოდა ხალხი! ეს დამახასიათებელია ერთგვარი უმსგავსოებისა ჩვენში, თორემ სხვა მხრივ კი არა არის რა. არც ის ესმით და აფასებენ, რომ ქართულად სწერთ თქვენს თხზულებებს. რა დიდი მსხვერპლია ეს პირადად თქვენთვის --- ეს არ იციან და როდის გაიგებენ, როდის ჩაეარდებიან ჭკუაში ჩვენები, რომ თავისივე სასარგებლოდ თავისივე კაცებს შეუმსუბუქონ შრომა --- არ ვიცი!

მგონი მართლაც თავი მოგაბეზრეთ. თქვენი წერილი კი ჩემთვის ძვირფასი რამ არის, არა თუ თავის მომაბეზრებელი, მხოლოდ სინდისი მაწუხებს ხოლმე, რომ დროს გაკარგვიანებთ, ისიც ავადმყოფობის დროსა. --- აწ აღარ შეგაწუხებთ ხოლმე. მხოლოდ ჩემს ნაჩიხრკედელავეებს შეგატყობინებთ ხოლმე თუ რამე ვნახე და თქვენც როცა დრო და ხალისი ნახოთ, ათასზე ერთხელ, მაშინ მომეწოდეთ შენიშვნები.



ეს მეც თუ ბედმა გამიღიმა ერთხელ, ერთი შევიბერტყე წარსული მძიმე ტვირთი დალილობისა და ბრკვალი ჩავეკიდე მეცნიერებას, იქნებ ამან თანდათან უფრო გამომაცოცხლოს, გამამხნევოს და მაშინ არ დაეზოგავ ძალ-ლობეს, თავს შოვიკლავ და აქაურებს მაინც გავაცნობ ჩვენს ვინაობას. სხვა თუ ვერაფერი გავაკეთე.

თქვენი წერილის თარგმანი დავემთავრე. ეხლა ვეძებ ინგლისელს, რომ გავასწორობიო, რადგანაც უორდრობი აქ არ არის. აქ რომ ყოფილიყოს, ის გამისწორებდა. თუ ის დავებუქდიე, მაშინ კარგად იქნება საქმე. მერმე სხვას მივიტან. ამგვარად, თუ აქ ვიქენ, რაც არის უკვე გაკეთებული თქვენგან, მარისაგან და სხვათაგან (თუმცა „სხვა“ კი არავენ არის მგონი!), იმას მაინც გავაცნობ აქაურებს, და ჭერ-ჭერობით ესეც კარგი იქნება.

თქვენი მარად პატივისმცემელი

მ.ხ. წერეთელი

ლონდონი  
1910, 9 ნოემბერი

### ძვირფასო ბატონო ვანო!

მივიღე თქვენი წიგნაკი, რისთვისაც ძლიერ გმადლობთ. მაშინათვე გადავიკითხე და ბრიტანიის მუზეუმში ყველა ის ავტორებიც, რომელთაც თქვენ ეხებოთ, გადავათვალიერე. მართლაც რომ საკვირველია, ქართული სულ არ იციან ამ მეცნიერებმა და ქართულს კი ადარებენ ძველ მკვდარ ენებსა. მაგრამ ერთი რამ კი არის: აუარებელი სიტყვა და სიტყვის ძირი მოიპოვება მიდიურსა და ურარტულ ენაში ქართული. მიუხედავად იმისა, რომ ცუდად კითხულობენ და ტრანსკრიპციაც უხეიროა, მაინც ბევრია იქ ქართული ელემენტი. გრამატიკული ფორმებიც ბევრია საერთო; ეს ყოველისფერი თქვენს კარგად იცით და რა არის თქვენი აზრი ამის შესახებ, ძლიერ მაინტერესებს. — ეს მეცნიერები ერთის მხრით ქართულს ადარებენ მიდიურსა, ურარტულსა და სხვათა და ნახულობენ მსგავსებას. ამასთანავე მთელს ამ გრუპას ქართულიანა თურანულ გრუპად აღიარებს უმეტესი მათგანი. მაშ ქართველები თურანელები ვყოფილვართ? მეორეს მხრით ნ. მარი ქართველებს მთელს იმ გრუპიანად (იაფეთიდებს) სემიტების ბიძაშვილებადა სთვლის. თუ ორივე მხარე მართალია, მაშ სემიტები და თურანელებიც ყოფილან ბიძაშვილები. რა აზრისაა მეცნიერება ამის შესახებ? — ამას გარდა ერთი რამ მაფიქრებს: თუ სემიტების ენა და ქართული ერთის მხრით ბიძაშვილებია, აგრეთვე თუ ქართული ღვიძლი შვილია მკვდარ აღაროლიულ ენათა, მაშინ რაც უფრო ძველ ნიმუშებს შევადარებთ ამ აღაროლიულისა და სემიურისას, მით უფრო ახლო ნათესაობა უნდა იყოს მათ შორის. ნამდვილად კი სუმერული ენა (უძველესი იაფეთური) და ბაბილონურ-ასურული სრულიად განირჩევიან ერთმანეთისაგან, ვიდრე თანამედროვე ქართული (ან ძველი ქართული) და რომელიმე სემიური ენა.

აქ რაღაცაა ისეთი, რაიც ვერ გამომიჩვენვია და ვერც გამოვარკვევ. მარტო ვარ. უხელმძღვანელოდ. მარტო მუზეუმში კითხვით არა გამოვა რა. გვიანაც დავიწყე სწავლა და სანამ ენებს ვისწავლიდე და მოვიხმარდე ლურს-

მულისათვის, ვინ იცის რამდენი დრო დამპირდება, ან შეეძლება თუ არა. ეხლა ვნანობ, რატომ როცა დრო იყო, მაშინ არ დავიწყე სწავლა ამ საგნებისა. ცოტათი სასოწარკვეთილება მეპარება, არ ვიცი ვსძლევ თუ არა მას. თან კი ბუნდოვანად ვხედავ, რა ღრმა და ხანგრძლივი წარსული ჰქონია ჩვენს ერსა! რამდენია გასასწორებელი ევროპიელთა მეცნიერებაში. რა ულინსონის იმას (გორგს) რომ ჰკითხო, მაგალითად, — „მესხებმა“ „მოსკოვი“ დააარსეს-სო!

აბა ჩემთვის წერილების წერისათვის სად გეცლებათ, მაგრამ თუ დრო ნახოთ, ორიოდ სიტყვა გაიმეტეთ ჩემთვის, ან ბერიძეს უთხარით და ის მომწერს:

თქვენი მარად პატივისმცემელი მიხეილ წერეთელი.

P.S. ეხლა თქვენი წიგნიდან „მთვარის თაყვანისცემის“ ამბავი მინდა დავწერო. დამპირდნენ. დაგიბეჭდავთო და არ ვიცი, ვნახოთ.

21 დეკემბერი, 1910.

### ქვირფასო ბ-ნო ვანო!

წარმოიდგინეთ აქაური ფოსტის სიკეთე! თქვენი გამოგზავნილი წიგნი (ქანური გრამატიკა) ნახეს და მომიტანეს ღლეს. დიდად და დიდად გმადლობთ თქვენც და ბატონ მარსაც, რომ მეც მითავაზეთ ეგ წიგნი. ეხლა ვზივარ და ბეჯითად ვკითხულობ.

თქვენი პატივისმცემელი მიხაკო წერეთელი.

14 თებერვალი, 1911.

### ქვირფასო ბ-ნო ვანო,

მივიღე თქვენი წერილი და უნდა მოგახსენოთ, რომ დიდად გმადლობთ დახმარებისათვის, სარაჯიშვილისათვის რომ წერილი მიგიწერიათ. მისი ავადმყოფობა კაი ხანია მესმის და არ ვიცი, როგორ არის ეხლა მისი საქმე. ვინ იცის, იქნებ გასათვებულ გულზედ აღარც კი დაეძებდეს სტიპენდიებსა და ამგვარ საქმეებსა.

ქრესტომატიის გამოცემას უსათუოდ შეეუღლებით ამ გაზაფხულზედ, თუ აქ დავრჩი როგორმე. უორდროპი ჩამოვა ამ ორ კვირაში. წერილი მოიწერა, და როგორც ჩამოვა, იმ საათშივე მოველაპარაკები. ვიცი, მას ეს დიდად ეამება, თუ კი კიდევ იმას მოახერხებთ, რომ მანდ გამოიციეს, თუ აქ არ მოხერხდა, ამას რაღა აჯობებს.

თქვენი ახალი გამოკვლევა „ტანისამოსის“ შესახებ ძლიერ საინტერესოა, თუ გინდ იმიტომაც. რომ აქამდის არ ვიცი, რომელია ჩვენი ნამდვილი ეროვნული ტანთ-საბურავი და რომელია ნასესხები. თუ დიბეჭდოს თქვენი მოხსენება, იქნებ სათაური და ნომერი მაცნობოთ იმ გამოცემისა და აქ მუზეუმში წაეკითხავ. აგრეთვე დიდი საქმე იქნება მართლაც, რომ „ეთნოგრაფიულ საზოგადოებას“ ჩვენი ნაშთების მოვლის უფლება მიენიჭოს და აგრეთვე დახმარებაც აღმოუჩნდეს.

სურათებიც ძლიერ საინტერესოა, ნეტავ დაახლოებით მაინც ნამდვილია ეს დარჩენილი სურათები? ალბად ნახავდით თამარაშვილის ახალ წიგნს, ფრან-

გულად რომ გამოსცა, „საქართველოს ეკლესიის ისტორია“-ს. იქაც იყო სხვა და სხვა ძველ პიროვნებათა სურათები, კათოლიკეთე ბერებისაგან გადაღებული, და არ ვიცი, ნამდვილია თუ მათი ფანტაზია ან როგორ უნდა გამოარკვიოს საქმა ნამდვილია თუ არა?

ჩვენებურ საქმიანობაზედ ნულარას ვიტყვი, ძმაო. როგორც მატყობინებენ, თურმე არაეინ არაფერს არ აკეთებს ეხლა ჩვენში: არც არაეინ პირადად და არც ერთი საზოგადო დაწესებულება. საციციანოს გაყიდვის ამბავმა მეც ძლიერ ამაღლევა, მაგრამ რაც ერთხელ არ იყო გაზეთებში, მას უკან აღარაფერი ყოფილა და არ ვიცი როგორ არის საქმე. ალბათ გაყიდვიან, ვინ ან რა დაუშლით ის კი არა და ალბათ ათასი ოხერია შეჩენილი ვინ იცის ვისგან და როგორ, რომ როგორმე ხელიდან გამოგვატალონ ეს საუკეთესო ადგილიც.

მშვიდობით, ბ-ნო ვანო. მე ისევ და ისევ ვარ როგორც ვიყავ. ეხლა სუმერის ენას ჩაეკირკიტებ და პატარა ხანს იქით შეგატყობინებთ ამის შესახებ ჩემს აზრს. ძლიერ საინტერესოა. ახალი ტრანსკრიპცია ტიურო-ლანჯენისა ბევრს რასმეს ჰფენს ნათელს და ქართულს ამსგავსებს ამ ენას.

თქვენი პატივისმცემელი მიხ. წერეთელი.

P.S. კინალამ არ დამავიწყდა: თქვენი წიგნის („ქართველი ერის ისტორიის“) მე-109 გვერდზე რომ ლექსია, ის გადაეთარგმნე, მაგრამ „ცხავე აცხავებულია“-ს ვერა მოვეუხერხე რა, ვერ გადაეთარგმნე. აგრეთვე მე-113 გვერდზე „ქართლის ცხოვრებიდან“ მოყვანილი ციტატა ვერ გადაეთარგმნე. არა მაქვს აქ ზაქ. ჭიჭინაძის გამოცემა და ამ ცალკე ამონაწერით კი აზრი ვერ გავიგე.

გთხოვთ, ეს ორი ადგილი როგორმე გადაამთარგმნოთ, ანუ კიდევ აჯობებს ქართულადვე დასწერეთ მათ მაგიერ ისეთი ტექსტი, რომ ინგლისურად შემოდლოს გადათარგმნა, და გამომიგზავნოთ. დანარჩენი სულ მზად არის.

თქვენი პატივისმცემელი მიხ. წერეთელი

24 მარტი, 1911.

### ქმირზასო ბატონო ვანო!

მივიღე თქვენი წერილი და დიდად გმადლობთ პასუხისათვის და აგრეთვე სარაჯიშვილთან წერილის მიწერისათვის. სარაჯიშვილს მგონი 100 000 მანეთი მუზეუმისთვისაც შეუწირავს და თუ ანდერძით კიდევ 100 000 მანეთს „ისტორიულ საზოგადოებას“ უტოვებს, ეს მართლაც დიდი საქმე იქნება. მაგრამ იქნებ ამის გამოც სტიპენდიასაც აღარაეინ აძლევს და მაშინ მართლაც ველარ. გაავამტყუნებთ. 200 000 მანეთის მიცემის შემდეგ საზოგადო საქმისათვის როგორღა უნდა ვსთხოვოთ სტიპენდია. ყოველ შემთხვევაში ვაჩქარებ ამ წერილს, რადგანაც თბილისში წასვლას აპირებთ, და თუ მოსახერხებელი იქნა, იქნებ მოახერხოთ როგორმე, თუ კი ძნელი და ძვირე სათხოველი იქნეს, თავს მაინც და მაინც ნუ შეიწუხებთ. ამ ორ წელიწადს როგორმე გავატარებ, რომ არ მოგვედ შეშლილით, მერე 1913 წელს ამნისტია იქნება და ისევ დავბრუნდები შინ, თუმცა ამნისტის იმედით ყოფნაც მხოლოდ უკიდურეს მდგომარეობაში შეიძლება. — თამარაშვილის შესახებ თქვენ მართალს ამბობთ. მართალი მოგახსენოთ, მე ისიც მიკვირს, რომ ასეთს წიგნებს მაინცა სწერს. ხოლო სურათებს რომ მხოლოდ დაახლოებით შეუძლიათ დაგვიხატონ ძველი ცხოვრება, ეს არ მესიამოვნა. მეგონა გიორგი სააკაძისა და

სხვა რამდენიმე პირთა სურათი მაინც ნამდვილი იქნებოდა. — პახომოვის წერილს უსათუოდ წავიკითხავ. აქ არის ეგ გამოცემა მუზეუმში. და თქვენს რეცენზიასაც უსათუოდ ვნახავ, რადგანაც Ж. М. Н. პ. მოსდის მუზეუმს, თუ მოვასწარ ჩემს აქ ყოფნაში. თუ მე რომ მოგწერეთ, „ქ. ერის ისტორიის“ იმ აღგილებს განმეძარტავთ, ძლიერ დაგიმადლებთ, რადგანაც საქმე იმის მიზეზით არის შეჩერებული.

უორდროპი ჩამოვიდა და მართლაც კიდევ უარესად არის, ვიდრე აქედან გავისტუმრეთ. მოველაპარაკე ქრესტომატიის შესახებ და შითხრა, მაგის მასალას დიდი ხანია ვკრეფ, გავათავე კიდევ მასალის შეკრება, მაგრამ გული არა მაქვს მუშაობისა და ავდაც ვარო. მერე შეიძლება დავიწყო. მგონი ამ ცოტა ხნის შემდეგ თავისი დედითურთ მიდის სამხრეთ საფრანგეთში ზაფხულის გასატარებლად. თუ პ. სურგულაძის ადრესს შემატყობინებთ, ან ჩემს ადრესს მისცემთ ძლიერ კარგი იქნება. მიკვირს, იგი რომში იყო თამარაშვილთან, ხოლო თამარაშვილმა იცის ჩემი ადრესი და არ მიუცია.

ჩემს ამბავს თუ იკითხავთ, ვარ ისევ მუზეუმში გამომწყვდეული და ვმუშაობ, მაგრამ დავიღალე კი ძლიერ. ამ საძაგელ ლონდონში კი გაზაფხული საშინელი სკოდნია და ცოტა არ იყოს, ვერა ვარ კარგად. მაგრამ ეს არ მაწუხებს, — მაწუხებს ის, რომ ჩემ მუშაობას სასურველი ნაყოფი ვერ მოაქვს და ვერც მოიტანს, თუ სხვანაირად არ მოვაწყვე საქმე, თუ სისტემატურად არ ვიმუშავე ვისმეს ხელმძღვანელობით. ძნელი ყოფილა ეს ასირიოლოგია: უნდა იცოდე სემიური ენები და ენათმეცნიერება კარგად, საზოგადო ისტორია და ისტორიული კვლევის მეთოდი, ისტორია მოგზაურობათა და არქეოლოგია მთელის წინა აზიისა და კიდევ ვინ იცის რამდენი წვრილი და მსხვილი რამ. ამას გარდა ლურსმულის წასაიკთხავად პირდაპირ „ფოკუსები“ საქირო ლოგიკასთან ერთად და ხანდახან ეს გონების „ფოკუსები“ უფროც შევლის კაცს, ვიდრე მსჯელობა, ამ მეცნიერებაში. ეს ნიჭი კი ყველას არა აქვს და ამიტომაც ძნელია, ძალიან ძნელია ჩემთვის ყოველივე ესე, მაგრამ რაღაი დავიწყე, არ ვეშვები, და ვნახოთ რა გამოვა. მხოლოდ ერთი რამ არის ჩემთვის ცხადი: რომ ყოფილა დამოუკიდებელი რასა „ქართველთა“, ანუ „იაფეთელთა“ როგორც მარსი უწოდებს. ეს რასა პრესემიური და პრეასიული იყო მკირე აზიაში, სპარსეთში და ბაბილონში. სემური, ელამი, ურარტუ, ხეთა, ნაწილნი არიან ამ რასისა. ხეთელები უნდა იყვნენ პირდაპირნი წინაპარნი ქართველთა. მესხები, ტმელები და სხვ. — ხეთის ტომნი უნდა იყვნენ. ხოლო სუბერი, ელამი და ურარტუ — თუმცა ამავე მოდგმის, მაგრამ გარეშე ბიძაშვილები ქართველთა. თქვენი აზრი, რომ ჩვენი ძველი მწერლობა ხეთურში უნდა ვეძიოთ, მართალია. ერთი სიტყვა „ქვეყანა“ ხეთურ ლურსმულში „ქვეყანასავე“ ნიშნავს, როგორც სეისმა გამოიკვლია, და რომ იეროგლიფების წაკითხვა შეიძლებოდა, ვინ იცის, რა არ გამოჩნდება. — გარდა ამისა, ერთი რამ არის საინტერესო: რაც უფრო უმჯობესდება ტრანსკრიპცია ლურსმულისა, იმდენად ჩნდება იქ ქართული. ძველ სუბერულ ტრანსკრიპციაში ქართული არ იყო თითქმის, ახალში კი ნელ-ნელა ამოდის ქართული სიტყვები; გრამატიკა, განსაკუთრებით ზმნის აგებულება კი ქართულს ისე ჰგავს, რომ განსაცვიფრებელია. შეგატყობინებთ ამის შესახებ ყოველისფერს ამ ზაფხულს, როცა დავანებებ თავს მუზეუმსა და რაც მასალა მაქვს იმის შესახებ დავწერ პატარა რამეს. — იგივე ეტყობა ელამურსა და ახალ სუბერ ტრანსკრიპციას. საყურადღებოა ამ მხრით ვეისბახის ახალი წიგნი „Die Adämenideninschriften“. ერთი სიტყვით. მართალია გიორგი ჯავახიშვილი

და სხვებიც, ვინც ამბობს ძველს პრე-სებიურ და პრე-ასიულ რასის არსებობაზედ ზემოხსენებულ ადგილებში. სემიელებს, ეგვიპტელებსა და ასიელებს დაუღუპავართ და ბოლოს ამ დიდის რასისაგან ჩვენსა გადავრჩენილვართ და შეიძლება კიდევ რამოდენიმე სხვა კავკასიის ხალხი. ხოლო „სომხებს“ კი ტყვილა აწვალებს მარსი, ჩემის ფიქრით, სომეხი აქ არაფერ შუაშია. ამ ნარევი ხალხის იაფეთურ რასისადმი მიწერა შეუძლებელია, კლასიფიკაციის პრინციპის მკაცრი მოთხოვნილებების მიხედვით.

გავაგრძელე მაინც წერილი. იყავით კარგად და ჭანმრთელად. მომიკითხეთ გიორგი და თქვენი ოჯახი.

თქვენი მარად პატივისმცემელი მ. წერეთელი

6 მაისი, 1911.

### ქვირფასო ბატონო მანო!

თქვენი წერილი გავასწორებინე და გაუუგზავნე აქაურ ეურნალ *l'Es-Quest*-ში დასაბეჭდად, მაგრამ შემდეგი პასუხი მივიღე:

1. სტატია გრძელია და ვერ დაგებქდავთ შეუმოკლებლად, ე. ი. ავტორმა ნება უნდა მოგვეცეს შევამოკლოთ და ჩვენ კი გარანტიას ვიძლევიტ სამეცნიერო ხასიათი არ დაუუკარგოთ წერილსაო.

2. სტატია გადმოთარგმნილია წიგნიდან, ჩვენ კი გვესურს ბატონმა ჭავჭავიშვილმა ნება დაგვართოს ეს წერილი გამოვსცეთ როგორც ცალკე წერილი მის მიერ *Quest*-ისთვის დაწერილიო.

3. სტატია მხოლოდ იანვარში 1912 წელს გამოვა, რადგანაც მანამდის მასალა შეგროვილი გვაქვსო.

ებლა შემატყობინეთ, დავეთანხმო ამაზედ თუ არა. თუ თქვენ თანახმა იქნებით, რომ ამ პირობებში გამოიცეს წერილი, მომწერეთ და შევატყობინებ. აგრეთვე გამომიგზავნეთ თქვენი თანხმობის წერილი ან რომელიმე ევროპულ ენაზედ, ან რუსულად, და ყოველისფერს გაუუგზავნი გამომცემელს. თუ ეს არ დაგიჭდეთ ჰკუაში, მაშინ წერილს გამოვართმევ და გაუუგზავნი „*Morgenländische gesellschaft*“-ში. მითხრეს, იქ უფრო კარგი პირობები არისო.

ბევრს არასა გწერთ. ვიცი დრო არა გაქვთ და არ მინდა თქვენი შეწუხება. მხოლოდ იმას გეტყვიტ, რომ ეწერ ქართულად სუბერული ენის შესახებ. ქართულად დაგებქდავ ჭერ, რადგანაც ძალიან საინტერესოა, თორემ ინგლისურად ვინ მალირსებს წერილის დაბეჭდვას. ძლიერ ბევრი საინტერესო რამეებია ლექსიკაში და გრამატიკაში.

მე აქა ვრჩები ივლისის დამლევამდი, ვუცდი რასათა კონგრესს. მეც უნდა მივიღო მონაწილეობა. გისურვებტ ყოველივე სიკეთესა და ჭანმრთელობას.

თქვენი მარად პატივისმცემელი მ. წერეთელი.

P.S. დღეს ვიყავ კონგრესის მდივანთან და მითხრა, 7 წუთის ნება გაქვს სალაპარაკოდ, ხოლო შეიძლება სულაც გამოგრიცხოვან როგორც პატარა ერის წარმომადგენელიო. მეც თავი დაუუკარი და წამოვედი, -- არა ვრჩები კო-

ნგრესზედ. თუ მალე მომწერთ წერილს, შეიძლება კიდევ მომისწროს აქ, თუ არა და სადაც ვიქნები, იქ მომწვდინან: მე აქედან 20—21 წავალ ლეიფციგში და იქიდან შეგატყობინებთ ჩემს მისამართს.

მ. წ.

3 აპრილი, 1913.

### ღრმად აატიმცემულო ბატონო ვანო!

მივიღე თქვენი წერილი და ძლიერ გამეხარდა, რომ გამომეხმაურეთ. თქვენი წერილები ყოველთვის საუკეთესო ძღვენი იყო ჩემთვის და დარჩება ყოველთვის. ხოლო თანაც ვწუხვარ ხოლმე, რომ დროს გართმევთ. ვიცი, ბევრი სამუშაო გაქვთ და მარტოდ მარტო ხართ ამ დიდ საქმეში, არავინ არ გეხმარებათ. ან კი ვინ უნდა მოგეხმაროთ, ჩვენში ყველა პოლიტიკანობით არის გართული და ვილას აგონდება მეცნიერება, წარსულის შესწავლა, ან თუ გინდ აწმყოსი მეცნიერულად. ამას წინად ნ. ჟორდანიას წერილებს ვკითხულობდი საქართველოს XIX საუკუნის ისტორიიდან და ისეთი სახით ამტკიცებდა რაღაც-რაღაც უსაფუძვლოებს და ისიც მარტო „აქტებიდან“ ამონაწერი გენერლების წერილებიდან, რომ გეგონებოდა კაცს გადაუყლაპავს მთელი მასალები, რაც მოიპოვება მთელი ასი წლის შესახებო!

თქვენი მონოგრაფიებისა და წიგნების გამოცემა დიდი საქმეა არა მარტო მეცნიერებისათვის, არამედ თვით ჩვენი განკაცებისათვისაც. საუკეთესო პროპაგანდაა იგი საქართველოს იდეისა. მე ეს დაკვირვებითა და გამოცდილებით ვიცი. ჯერ თბილისში რომ ვიყავი თვალთ ვნახე, რამდენი ურწმუნო და უმეცარი მოარჯულა თქვენმა ლექციებმა და საქართველო აწამებია. არა იციან რა, არც გაუგონიათ არაფერი საქართველოს წარსულზედ, ჩვენმა გადარჯულებულმა ხალხმა აბა ვინ უნდა შეიყვაროს, რას უნდა ეთაყვანოს, როცა ჩვენი ხალხის არც წარსული იცის, არც აწმყო. აქ კიდევ ერთი მაგალითი ვნახე. ერთ ქართველს, რომელსაც ორი ბროშურა წაუკითხავს და კაცობრიობის სახელით საქართველოს უარყოფდა, ძალით მივაჩეჩე ხელში ქართული წიგნები. რასაკვირველია, თქვენი წიგნებიც მივეცი. წაიკითხა. თუმცა ჯერ მაჰმადიანს რომ ღორის ხორცი შესთავაზო, ისე შეხედა ქართულ, შოვინისტურ წიგნებს. მაგრამ როცა გაიგო, რაში იყო საქმე, როცა გაიგო რომ ქართველები სხვებზედ ნაკლებნი არ ვყოფილვართ წარსულში, ყოყობადაც კი დაიწყო, ჩვენც ვყოფილვართ ხალხიო! — სამეცნიერო ტერმინების შემუშავებას დიდი როლი შეუძლია ითამაშოს მწერლობის განვითარებაში. ეხლა ყოველი მწერალი წერის დროს თხზავს ტერმინებს, როცა გვაქვს ეს ტერმინები. მეცნიერებისა და ფილოსოფიის ყველა დარგში, ეხლა თქვენის აღმოჩენით ცხადია, რომ ხელოვნების ტერმინებიც ყოფილა. მხოლოდ შესწავლა უნდა, მუშაობა, და თქვენს წინაშე დიდი მადლობით თავს მოვიხრით მთელი საქართველოს ახალგაზრდობაც და ყველანიც, თუ ერთს დიდ წიგნს დასწერთ, სადაც ყოველნაირი ნამდვილი ქართული ტერმინები იქნება აღნიშნულ-განმარტებული. მე ვერც კი წარმომიდგენია, თუ რა დიდ ცვლილებებს მოიტანს ეს საქმე ჩვენი მწერლობის აღორძინებაში. სამართლის ტერმინების შემუშავება უკვე დამთავრებული გაქვთ, აგრეთვე ხელოვნებისა. ალბათ სამეცნიერო და ფილოსოფიური ტერმინებიც დამუშავებული გექნებათ, და მე ვფიქრობ, დიდი საქმე იქნება, თუ დამოუკიდებლად მეცნიერულ ტრაქტატებისა სამარ-

თლისა, ხელოვნებისა და სხვათა ისტორიისა, ცალკე გამოსცემთ ტერმინოლოგიას. იგი მაშინ ჩვენ სახელმძღვანელოდ იქნება წერისა—მუშაობის დროსა. მაგრამ თქვენ უკეთ იცით, ბატონო ვანო, როგორც უნდა ასრულდეს ის დიდი გეგმა, რომელიც თქვენ გაქვთ დასახული. მოველით მოუთმენლად. ამიტომაც ყველანი „ქართველი ერის ისტორიის“ ორ ტომს, „სამართლის ისტორიისა“, „ხელოვნების ისტორიისა“ და სხვათა. ამასთანავე არ შემძლია არ აღენიშნო შემდეგი სასიხარულო მოვლენა ჩვენში. რაღაც ახალი ხანა დადგა ჩვენში. ქართულად ისინი სწერდნენ ჩვენში, ვინც შინ იყო და ისიც ნამდვილი მეთოდით აღქურვილი მეცნიერი კი არა, არამედ უფრო დილექტანტი იყო. თუმცა ისინიც კი არა სწერდნენ ხოლმე ყოველთვის ქართულად. ხოლო ვინც რუსეთში იყო და კათედრა ეჭირა, მას ან რაღაც ცოტა და უმნიშვნელო დაუწერია ქართულად, ან სულ არაფერი. ვასო პეტრიაშვილმა მართო ორი წიგნი მოგვცა ქართულად. მელიქიშვილმა და თარხნიშვილმა არაფერი. ცაგარელმა, რომლის ვალდებულება იყო ბევრი მოეცა, რადგანაც სპეციალისტად ითვლებოდა ქართულში, ძლიერ ცოტა. მარმა — მგონი მართო ერთი წერილი და ასე მოქმედებდა ყველა. თუ კი მით ხელმძღვანელობდნენ, რომ საქართველოში მეცნიერებისათვის შზად არ არის ხალხიო, ან სულ ერთია მეცნიერებისათვის რა ენაზედაც არ უნდა სწერო, — დიდი შეცდომაა, რადგანაც მეცნიერება ციდან არ ვარდება. რუსეთშიც ასის წლის წინად სამეცნიერო ტრაქტატებს ლექსებითა სწერდნენ, მაგრამ შემდეგ განვითარდა ნამდვილი მეცნიერება. მეცნიერებას დაწყება უნდა, თუ დასაწყისი არ იქნა, განვითარება როგორ შეიძლება მისი? ამას გარდა, არის ისეთი მეცნიერება, რომელიც რომელიმე ენაზედ რომ შეიმუშავო, მართლაც დაკარგულია შრომა და ჯაფა. საქართველოს შესახებ რაც დაუწერია მარს, ქართულად რომ დაეწერა, გაცილებით მეტი მნიშვნელობა ექნებოდა, ვიდრე რუსულად რომ სწერს. რუსეთში რუსს არ ეინტერესება ქართული. არც კი ვიცი, ყოფილა კი ოდესმე რუსი მკოდნე ქართულისა? — ქართულს თუ გინდ თავი დავანებოთ, ვთქვათ ისიც, რომ აკადემიკოსს არ შეუძლია არა სწეროს იმ ენაზედ, რომელიც სახელმწიფო ენაა, მაგ დალოცვილს ერთი რამ მაინც დაეწეროს ევროპიულ ენაზედ, სადაც საქართველოს ინტერესი მეტია, ვიდრე რუსეთში. თქვენ კი ბატონო ვანო, იმიტომ გაქვთ მოპოვებული ღრმა პატივისცემა და სიყვარული ჩვენს გულში, რომ ქართული მეცნიერების ნამდვილი დამწყები ხართ, ქართულად სწერთ, ქართულად კითხულობთ ლექციებს, საქართველოსთვის გინდათ მეცნიერება. ამას გრძნობს ყველა, ამას აფასებს, ესმის ყველას, რომ ასეთი მუშაობის შედეგი იქნება ნამდვილი ქართული მეცნიერების შექმნა, და ბოლოს და ბოლოს ჩვენ მეცნიერებას გამოეცლება ის შემთხვევითი და ქველმოქმედებითი ხასიათი, რომელიც მას აქამდისა ჰქონდა. მთელი შთამომავლობა უნდა აღიზარდოს ამ აზრით, ამ მიზნით, და საქმეც სასურველად დაგვირგვინდება, თქვენი მოწაფეები ამ აზრისა არიან პეტერბურგში. თქვენგან აქვთ ჩანერგილი ეს დიდი აზრი. მიწერ-მოწერა მაქვს ა. შანიძესთან. ისეთი ბიჭი ყოფილა, რომ ერთი ათიოდე მაგისტანა ბევრ მნიშვნელოვან სერელს აიტანს ჩვენი სამშობლოს სამეცნიერო კვლევის ყანაზე. თორემ გულზედ როგორ არ გასკდები კაცი, ჩვენში მღვდლებიც აღარ კადრულობენ ქართულად წერას და კეკელიძე რუსულად სწერს ქართულ საეკლესიო მეცნიერების შესახებ!

მაგრამ თქვენმა ავადმყოფობამ კი ძლიერ შემაწუხა. ვიცი აგრეთვე რაც უბედურებაც დაგატყდათ თავზე ზედი-ზედ და რა პირობებში. ეს მომწერა ბერიძემაც და ჩემმა ცოლმაც. ჩემს ცოლს თბილისის სადგურზედ ენახეთ საწყალი დათა როცა ჩამოასვენეთ. მწერდა, ძლიერ შეწუხებული არისო. მეც მომერიდა და ველარც სამძიმრის წერილი მოგწერეთ და ველარც ხმა გაგეციოთ. როცა აღამიანი ძლიერ შეწუხებულია, სიჩუმე სჯობია-თქო, ვიფიქრე. მერე კიდევ მამათქვენის გარდაცვალების ამბავი წავიკითხე გაზეთში — თანაც თქვენი პირადი შეუძლოდ ყოფნა. ძნელია ყოველივე ამის ატანა, მაგრამ ქართველებს მართლაც გასაოცარი ძალა გვექონია გაკირვების ატანისა, რუსი ან თავს იკლავს, ან ლოთდება, ან სულ არა სწუხს. ევროპიელს რაც შეეხება, არ ვიცი იქნებ ვცდებოდე, და რამდენადაც ამათ დავეკირვებოივარ, მგონი ამათი ამტანობა უფრო იმით უნდა აიხსნებოდეს, რომ ოჯახის უბედურებას ისე ვერა გრძნობენ, როგორც ჩვენში. მამა, დედა, ძმა და და მათთვის ის არ არის, რაც ჩვენთვის. ჩვენში კი სულ სხვაა, მაგრამ მიუხედავად ამისა არ ვილუპებით, როცა უსაყვარლესი არსება გამოგვეცლება ხოლმე ხელიდან, „ჰირსა შიგან გამაგრება ისე უნდა ვით ქვითკირსაო“ უბრალო სიტყვა არ არის ჩვენთვის, მიუხედავად ჩვენის დიდის გრძნობიერებისა, და ეს დიდ თვისებად უნდა ჩაითვალოს.

მეც ვერა ვარ, ბატონო ვანო, კარგ მდგომარეობაში. შინ დაბრუნების უფლება წამართვეს, ამნისტიამ არაფერი მომცა და ხან და ხან შიშის ზარი ამიტანს ხოლმე, როცა მომავალს შევყურებ. რა უნდა ექნა, არ ვიცი, თუ ვერ მივიღე შინ დაბრუნების უფლება. ესწავლობ აქა და თანაც მიძნელებდა სწავლა, რადგანაც ჭანმრთელობითაც ვერა ვარ კარგად. ნერვები ძლიერ მოშლილი მაქვს, მახსოვრობა აღარ შემწევს და ენების სწავლის დროს ეს დიდი დაბრკოლება არის. რასაც გვასწავლიან, მავიწყდება მყისვე. არ ვიცი, ეგზამენსაც ვერ დავიჭერ მგონი, როცა დრო მოვა. — აქაური განყოფილება აღმოსავლეთის ენათა ვერ არის ისეთი, როგორც ლეიფციგში და სხვაგან, მაგრამ მაინც კარგია. გვასწავლის ასირიოლოგიას პროფ. ბეტოლდი, ძლიერ ნიჭიერი, გამოცდილი მეცნიერი. სხვა სემიურ ენებსაც ის გვასწავლის. ეგვიპტურს ახალგაზრდა ეგვიპტოლოგი რანკე. ისიც ძლიერ კარგია. მაგრამ ერთი არ მომწონს ამ გერმანელი მეცნიერებისა: ერთობ ტრაბახა და შურიანი ხალხია. ჭერ ერთი ყოველი გერმანელი მეცნიერი სხვა ქვეყნის მეცნიერს კაცად არ სთვლის, მერე კიდევ თავის თავი ჰგონია ყველაზედ მეტი და ისევ თავის კოლეგებს ეჩხუბება. ამ მხრით ნამდვილი მოსე ჭანაშვილები არიან, ეს საძაგელ შთაბეჭდილებას ატენს. მეცნიერს როგორ ეკადრება შური, ჭაჭლანი და ტრაბახი. ფრანგ, ინგლისელ მეცნიერებს უფრო ნაკლებად აქვთ ეს თვისება და ძლიერ ძვირად, — ჩემი შედარება ქართულ-სუბერულისა I R A S-ში დაიბეჭდება ივლისში. მაშინ მოუწევს რიგი. დაიბეჭდება პირველი ნაწილი. ამ ორ კვირაში მეორე ნაწილსაც გავაგზავნი და იქნებ ერთად დაბეჭდონ. არ ვიცი, იქნებ ვცდებოდე, მაგრამ სრულიად დარწმუნებული ვარ, რომ სუბერული ახლო მონათესავეა ქართულისა, როგორც გრამატიკულად, ისე სიტყვებით. ამასთანავე შევისწავლე ოდნავ სემიური ენები და მგონია მარსის თეორია სრულიად შემცდარია, როდესაც აღიარებს ქართულ-სემიურის გენეტიკურ ნათესაობას. აგებულება, სული, გრამატიკა, ერთობ ქართულისა სულ სხვაა და პ რ ი ნ ც ი პ უ ლ ა დ განსხვავდება სემიურისაგან, ხოლო ქართულს რაღაც ელემენტი აქვს სემიურისა, რომელიც ალბათ შემდეგ შემოეპარა ქართულს, გავლენის წყალობით, და ეს გავლენა მარსმა გენეტიკურ ნათესაობად მიიღო. და მართლაც, სუბერული, რომელიც ქართულს ისე ძლიე-



რად უახლოვდება, სრულიად არა ჰგავს სემიურსა, — ყოველივე ცდა სუბერულ-სემიურ ნათესაობის გამოძენისა უნაყოფოდ არის აღიარებული, — უნაყოფოდვე ჩაივლის, რადგანაც საკმარისია ერთი თვალის გადავლება, რომ მყისვე დაინახო, რომ არაფერი საერთო ამ ორ ენათა ჯგუფს შორის არ არის. — სუბერულის ქართულთან შედარება უფრო ადვილია, ვიდრე სხვა ლურსმულ წარწერათა ენებისა, რადგანაც სუბერული უკეთ არის ცნობილი. მრავალ სიტყვათა კითხვა და აგრეთვე მრავალი გრამატიკული ფორმა ნ ა მ დ ე ი ლ ა დ ვ ი ც ი თ, რადგანაც დარჩენილი გვაქვს თვით ასურელთაგან შედგენილი სუბერულ-ასურული გრამატიკები და ლექსიკონები. ხოლო ელამურზედ, ქალდურზედ, ხეთურზედ და სხვა, ეს არ ითქმის, იქ ათასნაირი კითხვა შეიძლება და ამიტომ ფერხდება შედარების საქმე. — ფრიალ საინტერესოა მარსის შედარება ქართულმედიურისა. ნეტავ მალე დაიბეჭდებოდეს. მაგრამ მაგის მეშინია იმ მხრით, რომ ეგ ძლიერ დიდ როლს აწერს ფონეტიურ კანონებს და ეს კანონები ნამდვილი მათემატიკური ფორმულები ჰგონია, და ეს ისეთ შეცდომათა წყაროა, რომ მეტი აღარ შეიძლება. ამაში დაერწმუნდი, როდესაც „Осп. Ганл.“-ში მოყვანილი სემიურ-ქართული მაგალითები განვიხილვე შარშან. არც ერთი კ ა ნ ო ნ ი თითქმის და არც ერთი მაგალითი სწორი არ არის. აბა დახედეთ, როგორა ხსნის „სასთუმალს“ და ადარებს სირიულ „ესალას“, ქართულ „მოკოდ-ებს“ და სირიულ „იკოდ-ს“ და მრავალ სხვასა. საქმე ის არის, რომ შედარების დროს ძირითადი ფაქტი უნდა იყოს გამორკვეული — ილენი, სულ პირველ-ყოფილნი ილენი სიტყვის მისია ეთანხმებიან თუ არა ერთმანეთს ორ ენაში? გარეგნულ ფორმასაც რომ მიიღებს მკვლევარი მხედველობაში ძირებისას, მაშინ იდენის იგივეობასთან ერთად ეს ორი საბუთი აძლევს მას საფუძველს ერთსა და იგივედ აღიაროს ორი ძირი და ამაზედ დაამყაროს შემდეგ ფონეტიურ ცვალებადობათა კანონი, თორემ ქართული „მო-კოდ-ება“ სრულიადაც არ აღნიშნავს ცეცხლის იდენს, არამედ იგი იგივეა, რაც კ ი დ > ჰ ი დ ხ ე ლ ი ს მოკიდება, „კ ე ე ხ ლ ი ს მოკიდება“ და სხვა. მაშინ როდესაც სირიულ „იკოდ“ სულ სხვაა. აგრეთვე სირიული ესალას იდეა — უქანალია, ქართული ს ა ს თ უ მ ლ ი ს ა კ ი თავი სულ წინააღმდეგი. და ასეა ბოლომდი თითქმის. სუბერულში კი სწორედ ეს პირველყოფილი იდეები ეთანხმება ერთმანეთს და გარეგნულად სიტყვის ძირები თითქმის იგივეა. — ამას გარდა იცის მარმა ლურსმული კითხვა და შეუძლია ტექსტის გადაწერა და გადათარგმნა? ეს თავი და ბოლოა. განსაკუთრებით ალამურ ტექსტთა. თუ ელონი არ არის ამაში, ნაყოფი ნაკლები იქნება, რადგანაც ეს ელამური ჯერ შეუსწავლელი ენაა და კითხვა ბევრნაირი შეიძლება, მრავალია შესასწორებელი. სუმერულში კი ასურელთაგან დატოვებული მასალა მაინც გვაქვს, უმკველი და სწორი, უმთავრესად მაინც სწორი. გარდა ამისა, თუ მარმა დაამტკიცა ელამურისა და ქართულის ნათესაობა, მაშინ ან ელამურის და სემიურის ნათესაობაც უნდა დაამტკიცოს, რაიც აქამდის შეუძლებლად იყო აღიარებული, ან და ქართულისა და სემიურის ნათესაობა უნდა უარჰყოს. მოუთმენლად მოველი მარის გამოკვლევას, ვნახოთ როგორ შეხედა საკითხს და რა საბუთები აქვს. მე კი, პირადად, ბევრი ვაწვალე ვეისბახის ახალი ტექსტი და ქართული, მაგრამ რამოდენიმე ცალკე ფორმათა (მაგ. მრავლ. რიცხვი ბი და სხვ. ნათესაობ. ბრუნვის ნ ა და სხვ.) და რამოდენიმე საეჭვო სიტყვათა მეტი დანამდვილებით ვერა ვნახე რა. მაშინ, როდესაც სუმერულში უფრო ბევრია მსგავსება გაცილებით. — აგრეთვე ველი როდის გამოვა ლემანის სრული კრებული ურარ-

ტულ ტექსტთა, მინდა ახალი ტრანსკრიპცია და თარგმანი დაევშადო. ის კი გავს ქართულს (მეგრულ-ქანურს უფრო, ვიდრე სვანურს), მაგრამ რაღაც უცნაური ენაა. ეს შეიძლება იმითიც აიხსნებოდეს, რომ სწორედ არ კითხულობდნენ. მაგრამ ყველაზედ უფრო საინტერესო ხეთური ლურსმულია. ჭერ არ არის ტექსტები გამოცემული. ამბობენ სტამბელები, ერთი ახალგაზრდა ასირიოლოგია გაგზავნილი დელიჩის მიერ გადასაწერად და გამოსაცემად, და ველი როდის გამოვა. სრული დარწმუნებული ვარ, რომ იქ კი ნ ა მ დ ვ ი ლ ქართული ან ქანური ენაა, ძველის ძველი, დაცული, იმას უნდა შევეუდგე, როგორც კი გამოვა. თანაც ნელ-ნელა ვიწაფები ლურსმულ კითხვაში. ეს არის ჩემი მიზანი, და თუ ლურსმულ წარწერათა ენები ქართულს შევადარე ისე მაინც, რომ მართალი იყოს საზოგადოდ ფაქტი ნათესაობისა და შემდეგ იგი ნამდვილმა მეცნიერებმა მეცნიერულად შეიმუშავეს, მე მეტი არა მინდა რა და არც მომეთხოვება მეტი. მინდა ყოველისფერი ეს ქართულადაც დაესწერო: სუმერულისა და ქართულის შესახებ ქართულადაც დავსწერე და გავუგზავნე სამსონ ფირცხალაევს კრებულში დასაბეჭდად, მაგრამ ისე აეწყოთ, რომ შეუძლებელი იყო კორექტურის გასწორებაც კი. ეხლა ის კრებული შეჩერებულია, ჭერ ერთი იმიტომ, რომ სამსონს ფული არა აქვს (თვითონაც გადასახლებულია როსტოვში), მერე კიდევ ჩემი წერილი თუ ხელახლა არ ააწყვეს და კორექტურები არ გავასწორე, შეუძლებელია ისე მისი დაბეჭდვა. — მართალს ბრძანებთ, ჩვენში წიგნის დაბეჭდვა წამებაა, მაგრამ უნდა მოვითმინოთ და ვეწაშოთ, სანამ არ გაუმჯობესდება ჩვენი სტამბები.

მაპატიეთ, ბატონო ვანო, ამდენი ყბედობა, მაგრამ ხომ იცით, როგორ მესიამოვნება თქვენთან ლაპარაკი, და მეც ვისარგებლე შემთხვევით. გისურვებთ სრულს განკურნებას სენისაგან. ავადმყოფობას თქვენთან რა უნდა — ბოროტსა და შტერსაც გადასდებია თქვენი სენი და თქვენ კი ჭანმრთელად გვეგულებოდეთ ყველას თქვენს მოყვარულსა და პატივისმცემელსა.

როცა დრო გქონდესთ ცოტაოდენი და ხალისი, ნუ დამივიწყებთ და მეც უაღრესად მადლობელი ვიქნები თქვენი წერილისა.

თქვენი მარად პატივისმცემელი და მოყვარული მიხ. წერეთელი.

P. S. ამას წინად უინიდან მწერდნენ, გიორგი აქ არისო, ჩვენთანაც დადის ხოლმეო. ნუ თუ კიდევ არ მოუხერხდა საქმე გიორგის პეტერბურგში და ის ოხერი ვოლკოვი კიდევ ელობება წინ?

29 ნოემბერი, 1913.

### ღრმად პატივცემულ ბატონო ვანო!

ძლივს გამოვიდა ინგლისურად პირველი წიგნი ჩემი „სუმერულისა და ქართულისა“ და გიგზავნით ერთ ცალს. შეცდომები იქაც შეპარულა საუბედუროდ. ერთ ცალს პრ. მარსაც ვუგზავნი. ა. შანიძის მისამართი კი არ ვიცი. გთხოვთ, თუ სადმე შეხვდით შემთხვევით, გადაეცით მოკითხვა ჩემ მაგიერ და სთხოვეთ მისამართი მისი შემატყობინოს. მე, მართალი მოგახსენოთ, თქვენი აზრი უფრო მაინტერესებს, ვიდრე აქაურებისა, რადგანაც აქაურები ამ საკითხის თაობაზედ ორ ბანაკად არიან გაყოფილნი და ერთმანეთს სუამენ ებრავლები და არაებრაელები (სემიტობის პატრიოტები და „ანტისემიტები“), — სხვა როგორა ბრძანდებით, ბატონო ვანო? ძლიერ მინდოდა თქვენი ნახვა წარ-

სულ ზაფხულს, მაგრამ საუბედუროდ ველარ ჩამოგისწართ თბილისში. ახლა კი ველარ გნახეთ ორი წლის გასვლამდის მაინც. იყავით კარგად და ჯანმრთელად. მარად თქვენი პატივისმცემელი და მოყვარული

მ. წერეთელი.

29/VI 11—1918

ბერლინი

### ქვირზასო ქმარ ვანო

უპირველესად მოგიკითხავთ სიყვარულით და გისურვებთ ჯანმრთელობას და მრავალუამიერ სიცოცხლეს.

მაშინ რომ დამაბარეთ წიგნების საქმე, იმაზედ უნდა გითხრათ, რომ ამ ომის დროს საქმე გართულდა და ისე ადვილად აღარ კეთდება, როგორც წინააღმდეგობა. ამას გარდა ვერაფერს ვერ გავიტანთ დღეს გერმანიიდან და მით უმეტეს წიგნებს. თუ მთავრობისაგან არ გექნა ნებართვა. ამისათვის საჭიროა გამოგზავნოთ აქ კაცი, გამოატანოთ თანხა, (რადგან ნისიად და Contre-remboursement უცხოეთში აღარ იძლევიან საქონელს) განსაზღვრული თანხა იმ წიგნების სასყიდლად, რომელიც ეხლა აუცილებლად გვჭირდება და იმავე კაცმა უნდა წამოიღოს უკანვე ტრანსპორტით. აქ რაც იქნება საჭირო, მთავრობასთან დახმარება, ფირმებთან ლაპარაკი ბერლინში და ლიფციგში წიგნების ეხლა სყიდვისა და შემდეგისათვის დაკვეთის შესახებ, ყველაფერს მე გააკეთებ, როცა კაცი იქნება აქ. გამოგზავნეთ ენის მცოდნე კაცი, სპეციალისტი აგრეთვე, მაგალითად შანიძე, და მე და ეგ, აქ და ლიფციგში საქმეს გააკეთებთ. თანხა კი დიდი უნდა იყოს, რადგანაც წიგნები საშინლად გაძვირდა ქალაქისა და მუშის უქონლობის გამო და ბევრი აღარც კი იშოვება. შეადგინეთ სია უსაჭიროების წიგნებისა. ასირიოლოგიური მწერლობა თუ გინდათ, ამის სიას მე აქ შევადგენ შანიძესთან ერთად, თქვენ შედგენილ სიასაც შეიძლება რამე დაეუმატოთ. — ენის მცოდნე სპეციალისტი მიტომ არის საჭირო, რომ შეიძლება მე აღარც კი ვიყო აქ, ეგ კაცი რომ ჩამოვა: ჩემი მდგომარეობა ძლიერ ძნელია ეხლა აქ. კომიტეტი დაგვამლევინეს, რაღა ჩვენში მთავრობა არის და კანონიერი წარმომადგენლები ჰყავს აქ და ნივთიერად ყოველივე სახსარი მოგვესპო კომიტეტის წევრებს. გერმანიის მთავრობამ რასაკვირველია ადგილივეთა ხელის შეწყობა, საქართველოს მთავრობა არც კი ფიქრობს ჩვენს დახმარებას, არც კი გვეკითხავს, თუ რითი ვცხოვრობთ, და გარდა ამისა, ზოგიერთ ჩვენთაგანზედ, სწორედ იმაზედ, ვინც ყველაზე მეტი იმუშავა, ღმერთმა იცის, რას ლაპარაკობენ — გერმანიის აგენტს ეძახიან და სხვა. — თბილისში შინიდან რაც არა აქვს, რა უნდა გამოგზავნონ და ასეთ მდგომარეობაში ჩემი აქ დარჩენა და დამთავრება საქმისა, ძნელია. ამას წინააღმდეგობა საპირილონ კედია წამოვიდა მანდ და იმას შევეხვეწე, ეშოვნა სესხად ჩემთვის ერთი წლის საცხოვრებელი, და ახლა მის პასუხს ველი, თუ მიშოვნა დავრჩები აქ, თუ არა და უნდა ჩამოვიდე მყისვე შინ.

თავი შეგაწყინეთ პირად მდგომარეობაზედ ლაპარაკით. არ არის სასიამოვნო, რომ მანდ კიდევ რუსული უნივერსიტეტია. უნდა დაახურვინოთ უსათუოდ და გგ რუსებიც უნდა განიდევნონ მანდიდან, თორემ ბუდე შხამისა, რომლითაც მოგვეწამლენ შემდეგ, მანდ არის. ჩვენმა მთავრობამ კი მგონი მაგ რუსებს 60 000 000 მისცა. ასე გავიგე — არ ვიცი რამდენად მართალია. პეტროგრადში რომ ვიყავი, ვნახე პირველად ჩემს სიცოცხლეში პროფ. ნ. მარი. შთაბეჭდილება

იქონია ისეთი, რომ ეგ არის ნამდვილი რუსის მოხელე და სხვა არაფერი. მე სხვა რამ მეგონა. მაგას არც ქართველი და საქართველო სწამს, არც სომეხი და სომეხეთი. არამედ ის დაწესებულება და სახელმწიფო, სადაც იგი ადვილად მსახურობს და საშუალება ეძლევა თავისი მეცნიერული გეგმა შეასრულოს ძლიერადვილად. გერმანიაში რომ ყოფილიყო, გერმანიის პატრიოტი იქნებოდა ამავე მიზეზის გამო.

ჩემს ამბავს თუ იკითხავთ, ძლიერ დამლაღა ამ ოთხი წლის საშინელმა მუშაობამ და ტანჯვამ სულიერმა. ეხლა დაეუბრუნდი ისევ ჩემს საქმეს, მაგრამ გარდა ზემოთქმულ გაჭირვებისა კიდევ უფრო ის მტანჯავს, რომ ჩვენს მთავრობას ისეთი ხალხი უდგას სათავეში, რომლებიც კვლავ დაუთარგუნევენ საქართველოს თავისუფლებას. ენახოთ, რას მოგვეიტანს მომავალი.

თუ შემთხვევა მოგეცესთ, მომწერეთ წერილი.

თქვენი მარად მოყვარული ძმა მიხაკო წერეთელი.

P. S. თანხა თუ გამოატანოთ კაცს, ან მარკებად გადაახურდავეთ მანდვე, ან ძველი რუსის ფული იყოს, კერენსკის ფულებს და ბონებს აქ არ იღებენ.

ა. წ.

17 აგვისტო, 1920.

თელავი

### ქვირფასო ქმარ ვანო

დღეს მივიღე თქვენი წერილი და ვისწრაფი პასუხი მოგცეთ, სანამ დასასვენებლად წახვიდოდეთ.

განა არ ვიცი, რასაც თქვენა მწერთ, განა არ ვიცი, რომ პირდაპირ დანაშაული იყო ჩემის მხრით საქართველოდან წასვლის ფიქრიც კი. მაგრამ უკიდურესმა მდგომარეობამ და სულიერმა ტკივილებმა მაიძულეს მეფიქრებინა ეს. ვიცი, რომ თქვენ იმდენი მუშაობა გაწევთ, რომ მხოლოდ თავგანწირულ იდეალისტსა და მამულიშვილს შეუძლია ამის ატანა და დახმარება თქვენიცა და ჩვენი უნივერსიტეტისაც ვალია ყველასი, ვისაც კი ცოტა რამის გაკეთება მაინც შეუძლია; ამიტომაც ვერც კი გაუბედვრე თქვენთან მოვსულიყავ, მრცხვენოდა თვალეში შემოხედვაც კი, თითქოს საზიზღარ ღალატს ჩავდივარ, ამიტომაც პეტრესა ვსთხოვე აეხსნა თქვენთვის ჩემი მდგომარეობა.

ჯერ ექვსი წლის განმავლობაში უცხოეთში მუშაობამ და გაჭირვებამ ძლიერ დამაძაბუნეს და ველოდი სამშობლოში დავისვენებ და მერმე შევუდგები მუშაობას მეთქი. მაგრამ იმისთანა დასვენება მიეცა მტერს, როგორც მე დავისვენე! ჯოჯოხეთი დამხვდა აქ ჩემს პირად ცხოვრებაში და მძიმე ჩაქუჩივით დამეცა თავზედ უბედურება და ისედაც მისუსტებული გამსრისა. სხვა, უფრო ძლიერი აღამიანი აიტანდა, მე კი ვერ ავიტანე და ვიძლიე. ამიტომ ვიფიქრე — მე ეხლა მაინც ვერას გავაკეთებ, ვერც საქმეს ვუშველი — მეც დავიღუპები სრულიად მეთქი, და გადავწყვიტე დ რ ო ე ბ ი თ ისევ დავბრუნებულიყავ უცხოეთში, ის საშინელი ჭრილობები, რომელიც ჩემს გულსა და სულს აქ მისცეს, გამიმთელდება და მერმე და მერმე დამშვიდებული და გამაგრებული უფრო სინდისიერად შევასრულებ ჩემს მოვალეობას უნივერსიტეტში მეთქი. ეს იყო ჩემი გეგმა, და ეხლაც მგონია, რომ ასე ემჭობინებოდა. მე მაინც მინდოდა თქვენთან ლაპარაკი და გნახავთ კიდევ, როცა ჩამოვალ, თუმცა, როგორც არა ვსთქვი, მრცხვენია — თქვენი წყენინება ჩემთვის, თქვენც ძალიან კარგად იცით და გრძნობთ, ადვილად მისაღები არ არის. უკვე ათი წელიწადია, რაც თქვენთან არაფერი არა დამიფი-

ცავს რა და ახლაც გულწრფელად გეუბნებით ყოველისფერს — ამიტომ შემინდეთ, რომ გაწუხებთ ჩემის პირადის საქმეებით და ამ აღსარებით და ესეც მაშინ, როდესაც დიდი საზოგადო საქმე გვაქვს.

ჯერ ჩემი წასვლის საქმე არც კი გადაწყვეტილა. არაფერი ვიცი, მგზავნიან თუ არა მგზავნიან. თუ არ გამგზავნა მთავრობამ, აბა მე როგორ წავალ ჩემი საშუალებით. ჩემი მდგომარეობა კი ისეთია, როგორცა გწერთ. მე მგონია და ვგრძნობ, რომ დროებით წასვლა და განელეგა ჩემი უბედურებისა მიზეველიდა. ეხლა, იცით რა გითხრათ ძვირფასო ენო? თქვენ ვე მ ი რ ჩ ი ე თ, მირჩიეთ როგორც ამხანაგმა და მეგობარმა, დავრჩე თუ წავიდე? ვინ იცის, იქნებ წასვლა თვით საქმისათვის სჯობდეს, ერთი წლის შემდეგ უკეთ ვიმუშავო, დამშვიდებულმა და გამაგრებულმა.

ველი მოუთმენლად თქვენს წერილს. რასაც მეტყვით, იმას ვიზამ. ამას წინად პეტრეს მოვწერე წერილი, გამიგე როგორ არის ჩემი წასვლის საქმე მეთქი. ჯერ პასუხი არა მაქვს. იქნებ არც უნდათ გაგზავნა ჩემი. მაშინ ხომ ძალაუნებურად უნდა დავრჩე.

გისურვებთ ყოველივე კარგს, მოსვენებასა და ძალების შეკრებას.

თქვენი მოყვარული და პატივისმცემელი ძმა მ. წ ე რ ე თ ე ლ ი.

## პროფ. მიხეილ შირაძე

23 დეკემბერს შეუსრულდა 70 წელი ჩვენს დიდ მამულიშვილს და მეცნიერს მიხეილ წერეთელს.

იმდენად მდიდარია და მრავალფეროვანი მისი მოღვაწეობა ნახევარ საუკუნის მანძილზე, როგორც სამეცნიერო ისე ეროვნული ბრძოლის ასპარეზზე, რომ ამის ვრცლად გადმოშლა „ბედი ქართლისას“ ფურცლებზე შეუძლებელია. უნდა დავემყაროთ მხოლოდ მისი ცხოვრების მთავარ მომენტთა აღნიშვნით.

მიხეილი დაიბადა 23 დეკემბერს 1878 წელს სოფ. ცხრუკვეთში, ზემო იმერეთში. ამ სოფლის წერეთლების ოჯახში, განსაკუთრებით მიხეილის მამისა და მისი ორი ძმისა, დიდი ტრადიცია იყო დაცული ქართული მწიგნობრობისა და საზოგადოდ ქართველობისა, „ვეფხისტყაოსანი“ იქ კაცმა და ქალმა ზეპირად იცოდა, და პატარა მიხეილს, ჯერ კიდევ წერა-კითხვის არ მცოდნეს, ადგილები მოჰყავდა „ვეფხისტყაოსნიდან“ სტუმრების შესაქცევად.

ქ. ქუთაისში კლასიკური გიმნაზიის დამთავრების შემდეგ მიხეილ წერეთელი სწავლობდა კიევის უნივერსიტეტის ბუნების მეტყველების ფაკულტეტზე, საიდანაც 1900 წ. პოლიტიკურ გამოსვლებში მონაწილეობის მიღებისათვის გამოირიცხულ იქნა. ერთი წლის შემდეგ მიხეილი შედის პარიზის უნივერსიტეტში, მაგრამ არც აქ სწავლობს მას ბედი: ერთს საჯარო დემონსტრაციაში მონაწილეობისთვის იძულებულია დასტოვოს პარიზი და გადავიდეს ლონდონში. შემდეგ ის განაგრძობს სწავლას ტენევის უნივერსიტეტში, ამავე დროს უერთდება პარიზში მყოფ გ. დეკანოზიშვილის ჯგუფს და 1904 წ. ესწრება ფედერალისტთა პარტიის კონგრესს ვენევაში, იმავე წელს გ. დეკანოზიშვილის დავალებით მიხეილმა მიემგზავრება საქართველოში, ასრულებს დაკისრებულ მისიას და ბრუნდება უკან. 1905 წ. იგი ისევ საქართველოშია და მუშაობს ფედერალისტებთან ერთად.

1908 წ. მიხეილ წერეთელი აწარმოებს მუშაობას სტამბოლში დიდი გავლენისა და მდგომარეობის მქონე შაჰმადიან ქართველებთან, რომელთაგან ბევრმა დიდი დახმარება გაუწია საქართველოს დამოუკიდებლობის კომიტეტს, როდესაც იგი პირველი დიდი ომის დროს ოსმალეთში მოქმედებდა, იმავე წელს მიხეილი ბრუნდება ტფილისში და პეტრე სურგულაძესთან, ვალერიან გუნიასთან და სხვებთან ერთად აარსებს საიდუმლო ჯგუფს საქართველოს დამოუკიდებლობისა, რომლის ორგანო იყო „ერა“ და რომელიც ცენტურისაგან ხშირად დახურული სხვადასხვა სახელით გამოდიოდა.

1910 წ., როდესაც დიდი დევნა იყო ქართველ ნაციონალისტთა და ბევრი მამულიშვილი გადაასახლეს რუსებმა, მიხეილი მიდის ლონდონში, პ. სურგულა-

<sup>1</sup> ბედი ქართლისა, 1948 წ., № 3.

ქე კი უენევეში, სადაც მან ძმ. კერესელიძეებთან ერთად განააზღვა დამოუკიდებლობის ჭკუფი და გამოსცა გაზეთი „თავისუფალი საქართველო“.

ლონდონში ყოფნის დროს მიხეილი იწყებს აღმოსავლეთის მეცნიერების შესწავლას, რასაც განაგრძობს გერმანიაში ჰაიდელბერგის უნივერსიტეტში. აქ ის ეცნობა ასირიოლოგიას, საზოგადოდ სემიტურ ფილოლოგიას, ეგვიპტოლოგიას, აღმოსავლეთის ისტორიას და კულტურას; ამთავრებს სწავლას და ლებულობს დოქტორის ხარისხს.

1914 წ., ომის გამოცხადებისთანავე „დამოუკიდებლობის ჭკუფი“ გაცხოველებულ მუშაობას იწყებს, არსდება დამოუკიდებლობის კომიტეტი, სადაც მ. წერეთელი დიდ როლს თამაშობს. გერმანიაში მოქმედებენ მასთან ერთად გ. მაჩაბელი და გ. კერესელიძე. დანარჩენი წევრები კომიტეტისა მუშაობენ ოსმალეთში.

1916 წ. ლოზანაში იმართება „ეროვნებათა კავშირის“ კონგრესი. იქ მიხეილია საქართველოს წარმომადგენელი.

1917 წ., ომის ქართველის დროს, მ. წერეთელი მიემგზავრება საქართველოში წყალქვეშა ნავით მელიტონ ქარცივაძესთან ერთად სხვა და სხვა დავალებებით. ერთი წლის შემდეგ ხელმეორედ მიდის იგი ისევ წყალქვეშა ნავით სამშობლოში.

1918 წ. საქართველო თავისუფალია, გერმანიაში ჩამოდის მისი დელეგაცია და აქ თავდება მუშაობა დამოუკიდებლობის კომიტეტისა.

1918—1919 წ. მიხეილს ვხედავთ საქართველოს წარმომადგენლად სკანდინავიაში.

1920 წ. იგი მიწვეულ იქმნა ტფილისის უნივერსიტეტში ასირიოლოგიისა და ძველი აღმოსავლეთის ისტორიის პროფესორად.

დამოუკიდებლობის დაკარგვის შემდეგ, მიხეილი ბრუნდება ევროპაში კათედრაზე ასირიოლოგიისა და ქართული ენისა ბრიუსელის უნივერსიტეტში, ხოლო 1933 წლიდან 1943-მდე ბერლინის უნივერსიტეტში — ქართული ენისა და მწერლობისა.

მეორე მსოფლიო ომის დროს, მეგობრების თხოვნით, მ. წერეთელი კისრულობს გერმანიაში ქართული ეროვნული კომიტეტის თავმჯდომარეობას. რომელშიაც შედიან აგრეთვე განსვენებულნი ზურაბ ავალიშვილი და სპირიდონ კედია. მუშაობის პირობები ახლა გაცილებით უფრო რთულია და ძნელი, ვინემ ეს პირველი ომის დროს იყო. კომიტეტი იცავს ღირსეულად და უკომპრომისოდ საქართველოს უფლებებს, ხოლო მიზანს ვერ აღწევს. მიხეილი შლის მას და თავის თანამშრომლებთან ერთად სწყევტს ყოველგვარ კავშირს გერმანულ ხელისუფლებასთან.

პოლიტიკურ მუშაობასთან ერთად, მიხეილმა საზღვარგარეთ დიდი მეცნიერული მუშაობაც გასწია. ამის შესახებ ჩვენ სხვა დროს გვექნება საუბარი. აქ კი აღვნიშნავთ შემდეგს; როდესაც გამოქვეყნდება ყველა მისი შრომები და გამოკვლევანი, განცვიფრებაში და აღფრთოვანებაში მოვა არა მარტო ემიგრაცია, არამედ მთელი საქართველოც, იმდენად დიდი, ახალი და მნიშვნელოვანი ეს გამოკვლევანი ჩვენი ქვეყნისათვის.

მიხეილი მუდამ არაჩვეულებრივ სიყვარულს და მუყაითობას იჩენდა მეცნიერებისადმი, ხოლო ისიც უნდა აღვნიშნავთ, რომ მეცნიერებას არასოდეს არ დაუჩრდილავს მისი დიდი პატრიოტული შეგნება მოვალეობისა ერის წინაშე. რომელსაც იგი ყოველთვის ყველაფერზე მაღლა აყენებდა. „არაიან მოვალეობანი ადამიანისა უმაღლესნი ყოველმეცნიერულ და მსგავს მოვალეობათა, წერს

მ. წერეთელი, მოვალეობანი მოქალაქისა საზოგადოების წინაშე, მოყვასისა მოყვასის წინაშე და ცხოვრების გზას იგი განვლის სრულის ღირსებით, ვისაც ძალუძს განსაზღვრულ დროს შესაფერი მოვალეობა აღასრულოს, თუ გინდ ეს მოვალეობის აღსრულება მისი სიცოცხლის მსხვერპლად შეწირვასაც მოითხოვდეს“.

სწორედ ამით დაიმსახურა მიხეილ წერეთელმა უსაზღვრო პატივისცემა თანამემამულეთა, რომ სამშობლოს თავისუფლება და წარმატება თავის არსებობის საფუძვლად შიაჩნდა და კლდესავით იდგა ეროვნული აზროვნების სადა-რაჯოზე. წამებით განვლო ნახევარი საუკუნე და ჯოჯოხეთურ პირობებში თქვა სიტყვა, ქართული სული გამოიტანა და დაიცვა. ყოველი მისი მოქმედება და ნაბიჯი ამკობს ჩვენი ქვეყნის თავისუფლებისათვის ბრძოლის ისტორიას.

უფლება აყრილ საქართველოში მისი სიტყვა მეხივით ჰქუხდა და ეროვნულ ბრძოლას ცეცხლის ენერჯიას აძლევდა. განა შეიძლება სხვა რომელიმე ან ვისიმე სიტყვა შეედაროს მის სიტყვას, რომელიც მან ერის წინამძღოლს და ზრახვათა მფლობელს ილიას, ჩვენი წამხდრობისა და სიგიჟის მსხვერპლს, ტფილისში ჩამოსვენებისას რომ უთხრა?!

დამონებულ სამშობლოში, როდესაც ერი თვით უარს ამბობს თავის თავზე, მიხეილის მძლავრი და მკრელი წერილები იბეჭდება ფედერალისტების მაშინდელ პრესაში, იგი იცავს ქართულ დევნილ სულს, გამოდის საუკეთესო თეორეტიკოსად ეროვნულ საკითხში, და შეუდარებელი პოლემისტი, მოურიდებლად ამხელს ერის უღირს შვილთ.

მისი წიგნი „ერი და კაცობრიობა“ უდიდესი ყუმბარა იყო, რომელიც მან ეროვნულ იდეის უარყოფელთ ესროლა. დიდ ილიას მიმდევარმა ერთად ერთ რეალობად ერი აღიარა და ეროვნული პრობლემა მკერამეტიკულურად დაასაბუთა. „ერი და კაცობრიობა“ გადაიქცა მებრძოლი თაობის სახელმძღვანელო წიგნად. მის გამწრთენელად და აღმზრდელად.

მიხეილი საქართველოს სიღიადეს ძველ წარსულში ეძებს, მისი იდეალი არ არის მარტო დამოუკიდებლობის მოპოვება, არამედ აღდგენა ძველი საქართველოსი. „ქართველი ერის ძველი სამკვიდრებელი საუკუნეთა განმავლობაში ბრძოლის ველია საქართველოსა და მის მებრძოლთა, ამბობს იგი ერთერთ წერილში, და მიუხედავად იმისა, რომ ის ხან მტერს რჩება, ხან მის კანონიერ პატრონს, მიუხედავად იმისა, რომ იქ ქართველობამაც იკლო და ნაწილი მისი უცხოს ხელშია, საქართველო მას მაინც დაკარგულად არ ხთვლის, ვერც ჩასთვლის, და მისი დაბრუნება და კვლავ გაქართველება, შექმნა ძველი საქართველოსი არის და იქნება მუდმივი მისწრაფება ქართველისა მუდმივი პოლიტიკური იდეალი მისი, რომელიც მას აძლევს ძალას, სიამაყეს და რწმენას თვისი ერის მომავლისა. ძალა თვით ეს რწმენაა, ეს იდეა ძველი საქართველოს აღდგენისა, უამისოდ თვით საქართველოს იდეა არარაობაა. სინამდვილე რას მოგვიტანს ხვალ, სულ სხვაა, მაგრამ იდეა, იდეალი უკვდავი უნდა რჩებოდეს, როგორც ძალა ქართველთა შთამომავლობათა მამოძრავებელი“. აი ამ დიად იდეის სამსახურშია მიხეილ წერეთელი მთელი თავისი სიცოცხლე, მას ქადაგებს და იცავს.

უმალღეს სისრულემდე მიღწეული კულტურის მატარებელი, იგი აგრეთვე უაღრესად ფაქიზი და სპეტაკი სულის პატრონიც. მიუხედავად უძნელეს საარსებო პირობებისა, მიუხედავად იმისა, რომ გზა მუდამ ეკლიანი და სიმწარით აღსავსე ჰქონდა, მიხეილი შორსაა ცხოვრების ყოველდღიურ სიტლანჭისაგან და სიმახინჯისაგან და დგას ნათელ მაღლობზე ერის ერთგულ მუშაყად და მექომავედ.



როგორც ვიცი, მეტი ნაწილი თავის ცხოვრებისა მან უცხოეთში გაატარა, მაგრამ იგი მუდამ იყო და დარჩა მესაიდუმლედი ქართველი ერის ტანჯული გულისა.

მზარად და ყველგან საქართველო, მე  
ვარ შენთანა,  
შენი სისხლითა გული სრულად  
გარდამებანა“.

მწარეა ხვედრი ქართველ მამულიშვილთა, მაგრამ განსაკუთრებით მწარეა შენი ბედი, საყვარელო მიხეილ!

უცხოეთში, შორს შშობლიურ სახლ-კარიდან, განმარტოვებული ხვედები შენს იუბილეს.

შენი ძვირფასი ერი სალამს ვერ გიძღვნის და შენი დაბადების დღეს ვერ დღესასწაულობს.

ვერც შენი ერთად-ერთი შვილი ოთარი, შენი ხელით სიმწარეში გამოზრდილი, გაგახარებს და დაგიკონის სამშობლოსათვის ფიქრით და დარდით დასერილ სახეს.

ჩვენი, შენი ახლო მეგობრები, შორს ვართ შენგან და არ შეგვიძლია გაგათბოთ ჩვენი შენდამი უსაზღვრო სიყვარულით.

ნუგეშად მაინც მიიღე ის, რომ უცხოეთში მყოფ ქართველმა მოღვაწეებმა ყველა წრისა დიდი პატივისცემით და თბილი გრძნობით 70 წლის შესრულებამოგილოცეს და დღეგრძელობა გისურვებს.

ერთ დღეს საქართველოც გეტყვის სიტყვას.

ბედი ქართლისა ჭერ არ გადაწყვეტილა.

კ. ხალია

## მ ი ხ ე ი ლ წ ე რ ი თ ე ლ ი

### მოგონებათა ბარდული

გაეშურებით „ფერმისაკენ“ ზედა ხიდიდან ქუთაისისა, თვალს მოჰკრავთ მარცხნივ გრძლად გაწვდილ სახლს, ზე რიონის პირას, სანატორიუმის თუ სასტუმროს სახისა. ბენაშვილს ეკუთვნოდა ანდროს. იყო ტანმორჩილი კაცი, ფერმიბინდული და კანმკნარი — („მკნარი“ და არა „მკეცარი“, ასეა ეს კლასიკურ ქართულში, როგორც „ბრჭალი“ და არა „ბრჭყალი“), მშვიდი იყო, წყნარი, ყუდრო, უაღრესად ფაქიზი, ერთი მოხატვით: „გუგული“. ასწავლიდა ქართულს სასულიერო სასწავლებელში, არ მინახავს არც გულმოსული და არც ხმაამაღლებული, ლოტბარობდა მგალობელთა გუნდს გაბრიელ მღვდელმთავარისა. არ გავდა ჩვეულ ლოტბარს, რომელიც ლოტბარობს ვითარ ტორეადორი. ანდრო აქაც ნელი იყო: იღვა ცალგვერდით, უძრავად, მხოლოდ მარჯვენას თუ ააქნევდა ხოლმე, თითქო სიზმარეული, გალობის ხვეველთა რიტმიულ გაყვანისათვის. გუნდი ისე ჰყავდა გაწვრთნილი, რომ ესეც საკმაო იყო. ბენაშვილთან ბინდრობდა ანდრია ტყემალაძე, რომელიც ჩემთან ერთად სწავლობდა ჭერ სასულიერო სასწავლებელში და შემდგომ სასულიერო სემინარიაში, დიდი ხანია, რაც გარდაიცვალა — განუსვენოს უფალმა. ნიჭიერი იყო, თანვე მუყაითი და ბეჭითი: ირიცხებოდა მოწაფეთა პირველ რიგში ყოველთვის, დროდადრო პირველობაც რგუნებშია. ხშირად შემხვევია ხოლმე მასთან. ერთს ნასადილევს, როცა მასთან

ვიყავ, აივანზე ორ გიმნაზიელს მოვკარი თვალი: ახალისებულნი და ჟინაყვანილი ერთიმეორეს „ელლაბუცებოდენ“. ერთი მათგანი მოტრიალდა უეცრად და ჩვენს ოთახში შემოიხედა. მომკრა თვალი — შეჩერდა, მე მსინჯავი თვალით შევხედე — ამ დროს თვალხამხამი არ ვიცი, გიმნაზიელი მყისვე გატრიალდა. გამოხედვაში, ეს შემდეგ ვსცანი, უცხო ფრინველის თვალი კიაფობდა. კიდევ უფრო გამაკვირვა მისმა მიხვრამოხვრამ. ეხლა, როცა უკან ვიხედები, მეჩვენება: თითქო უცხო ყმაწვილი მთავრის შვილი ყოფილიყვეს, ხოლო ისეთი, რომელმაც არ იცის თავის შთამოება. აქედან: მიხვრა-მოხვრა ნებიერი და ჭიშით დაქნილი, გარნა არა „გამომწვევი“ და „ხაზგასმული“. თანვე სახეც აიხაზა მისი ჩემში: სუფთად მოშოთილი, მრავალ მეტყველი და მხვედრი. („მხვედრი“ — ამ სიტყვის გენიალობას ათეული წლების შემდეგ ვწვდი. „მხვედრი“: „მოახვედრა“ ნიშანში აღებულს, „მიხვდა“ საიდუმლოდ გააზრებულს, „ხვედრი“ ბეღისაგან.) „ვინ არის?“ შევეკითხე ანდრიას. „ესაა მიხაკო წერეთელიო“, მომიგო. „ესაა“ — ამით უნდოდა გამოეთქვა: ეს იგია, რომელის ირგვლივ ასე ბევრი გსმენიაო.

მიხაკოს ნიჭიერება მთელს ქუთაისში იყო ხმაგავარდნილი, შემდგომ იგი ქუთაისში აღარ მინახავს, ხოლო ჩემს ოცნებაში ცოცხალი დარჩა.



„ოცნებაში ცოცხალი დარჩა“. ეს რომ „ნამდვილად“ გაიგოს მკითხველმა, საჭიროა ყურადღილოს ქვემოთ, ბავშობიდანვე მჩვევოდა „გაბნეულობა“, პირდაპირ ფანტასტიკური. უამრავი მაგალითებიდან აქ მხოლოდ ერთი. პირველ წლებში ჩემი ქუთაისში ყოფნისა ამბაკო სულაქველიძის ოჯახში ვიყავი აყვანილი. გაგეგონებათ ალბათ: იგი მასწავლებელი იყო სასულიერო სასწავლებელში. „ფილოსოფოსს“ უხმობდენ. შეიძლება ისიც იცოდეს ვინმემ, რომ ვალოდია სულაქველიძე, დღეს პარიზში მყოფი, შვილია ამბაკოსი. თეკლე, დედა ვალოდიასი, ხშირად მვალებდა ხოლმე, რომელიმე მეზობელ ოჯახიდან მომეტანა სანათხოვროდ: თეფში თუ კარდალი თუ კიდევ სხვა რამ. რამდენჯერ გამოვბრუნებულვარ უკან, რათა გამეგო, თუ რა დამაბარა! ასეთი შემთხვევაც ყოფილა ხანდახან: თეკლე მიხსნის უკანდაბრუნებულს სათხოვარს. მივიღივარ და „შუა ზნიდან კვლავ ვბრუნდები უკან, ხელცარიელი და დარცხენილი. ეს „გაბნეულობა“ ჩემს ზრდაში არ კლებულობდა პირიქით: იგი კიდევ მატულობდა. ვიყავ „გაბნეული“, რადგან ვიყავ შინაგან „შებოქვილი“. დღეს ეს „გაბნეულობა“ იქამდე მიდის, რომ ჩემი თანამოსაუბრესთვის იგი ხშირად აუტანელი ხდება. სამაგიეროდ: თუ ჩემს „შუაგულს“ რაიმე „მოხვდა“, ამ სიტყვის ზემო ახსნით — იქნება იგი: შეხვედრა, სიტყვა, სახე, წიგნი, სურათი — მას ველარაფერი ამოშლის იქიდან. მიხეილის სახეც ცოცხლად შერჩა ჩემს „შუაგულს“.

გარეგან-„გაბნეული“ და შინაგან-„შებოქვილი“ მეოცნებეა. მეც ოცნებაში ვიყავ გამუდმებით გადასული. დავდიოდი მარტო: რამდენჯერ მომივლია განმარტოებულს სატურისას ველები ფიქრებში გადასულს! დრო ბევრი მქონდა, რადგან გასაოცარი მეხსიერება მქონდა: „მეცადინეობა“ სულაც არ მჭირდებოდა. ფიქრებში მიხეილის სახეც გაივლებოდა ხოლმე. მსურდა ვაცნობა — არ მოხდა. აქ ერთი დეტალი. წმ. ნინოს ქალთა სასწავლებლის პირისპირ წიგნთსაცავი იყო ტბორაყევსკის სახელობისა, იქ ხშირად დავდიოდი. იქვე ფოტოგრაფია იყო და გარეთ: გამოფენილი დაფა სურათებით. სურათებში ერთი სურათი, რომელიც, რამდენადაც მახსოვს, წლების განმავლობაში არ მოუხსნიათ. იმ სურათზე იყო გადაღებული მიხეილი მის განუყრელ მეგობართან ერთად: ალექ-

სანდრე მიქელაქესთან, რომელსაც „კუჭიას“ ეძახდნენ — რა უხიაგ სახელს არ მიარქმევვენ ხოლმე ვინმეს ქვემო იმერეთში და კიდევ უფრო უხიაგს სამეგრელოში! მეგობრები იღვენ მხრებზე მკლავგადაპლობილნი, ხუთი წუთით მაინც შევიჩერებულვარ ხოლმე ამ სურათის წინ: ვაკვირდებოდი სახეებს. მიხეილი — გვრემანი. ხომ გინახავთ თოვლი, მთის კალთებზე დაფენილი, რომელსაც ლაუვარდის მსუბუქი ციალი გადაპკრავს? ასეთი იყო ფერი მისი სახის კანისა, „კუჭიასი“ კი უფრო „ღია“ ფერისა. მიხეილი შემმართებელს გავდა, მეგობარი მისი შენელებულს: თითქმის მოდუნებულს. თვალში გეჩრებოდათ: პირველი როგორც თაოსანი და გეზის ამკვალავი, მეორე როგორც ამრქმევი და გამყოლი, ორი სახისაგან ერთი სახე იფინებოდა.

• • •

მართებულად ვთვლი: ორიოდ სიტყვით მაინც მოვხაზო აქ ტყუპი-მეგობარი მიხეილის სიყმაწვილისა. იგი 1910 წლის შემოდგომაზე გავიცანი პეტერბურგში. ნათელი პიროვნება იყო: იმდენად ნათელი, რომ სინათლით ანთებული მეჩვენებოდა. ეს „ნათელი“ იფინებოდა ვითარ შარავანდი ირგვლივ ნამდვილი თავადის სახისა. არ წამოეგოს მკითხველი „ფსიქოლოგიზმს“, ასე ვაცრცელებულს დღეს „თავადის“ ხსენებისას „ჯიში“ ჩვენში „თეორია“ კი არაა, როგორც ევროპაში: იგი „სინამდვილე“ თვითონ. აბა დააკვირდით! ვაგინებთ ჩვენ ვისმე, ვიტყვით: „უჯიშო!“ ვკრულვთ ჩვენ ვისმე, ვამბობთ: „მისი: ჯიში ამოვარდა!“ ისიც ვიცი თანვე, რომ „ჯიშის“ დგენისათვის მარტო „სისხლი“ არ კმარა: ვიცი, რომ მისთვის საჭიროა წვართი სულისა და გულისა და ხასიათისა. „თავადი“ ჩვენში ძველისძველად რჩეული არსი იყო: ნათელმგები ხალხისა, მცველი და მმართავი. იგი „რაინდი“ იყო — რა ოქროსიტყვაა! ბატონყმობა ჩვენში არ ყოფილა „კარეპოსტინიჩესტო“. აბა განსჭვრიტეთ: „ყმა“ ქართულში არ ნიშნავს „მონას“ — გადაფურცლეთ რუსთაველი დააკვირდით სიტყვას „ყმაწვილი“ — განა აქ „ყმა“ „მონას“ ნიშნავს? „ბატონ-ყმობა“ „Lelini“-ის სისტემის ხშიერებაა. ეს სისტემა აღმოსავლეთში ქართველებმა შექმნეს, დასავლეთში გერმანელებმა, შექმნეს ერთიმეორის დამოუკიდებლად (საცნაური პარალელი მკვლევართათვის). „თავადობა“ ქართველობაში ბოლო ხანებში გადაგვარდა. ხოლო მის ანარეკლს ჩვენ დრომდეც მოუღწევია. აქ ერთი ზეიმი უნდა ვახსენო, გაგონილი აპოლონ წულაძისაგან, რომელიც მას მოსწრებია და კიდევ დასწრებია მრავალჯერ. ყოველ იანერის მეორე დღეს თავად გურიელებისას თურმე ზეიმი იმართებოდა, საცა „ყმებად“ გურიელები გამოდიოდნენ და „თავადებად“ გლეხები. მინდა მოვიგონო ამ „ანარეკლის“ ერთი გამოშუქებაც კიდევ. 1912 წელს სუფსაში ვარ სადგურზე. ველი ბათუმიდან მომავალ მატარებელს. ვხვდები ვახტანგ გურიელს. ვმუსაიფობთ: ვტკბები მისი ქართული კილოთი: „გურიელურით“. მატარებელი ახლოვდება. მე კასისაკენ ვეშურები ბილეთისათვის. ვახტანგი მეუბნება: „მზადაა უკვე“. მოდის მისი მხლებელი და მაწვდის ბილეთს. მე მიკვირს — მიკვირს ისიც, თუ როგორ ანიშნა ვახტანგმა მხლებელს ბილეთის ყიდვა. ვიგონებ: ჩემთან საუბრისას მან მას რაღაც ჩაურჩურჩულა — ალბათ „ეს“ იყო. ჩემი გაკვირვება გრძელდება. შესმის ვახტანგის სიტყვები: „ჩემს სამფლობელოში, აბა, როგორ გაგაცილოთ სტუმარი, მცირე პატივი მაინც არა გცეთ!“ სიტყვას „სამფლობელოს“ ხაზს უსვამს ღიმილით. ორივეს გვესმის, თუ რა იმალება ამ ღიმილში. დაუვიწყარი სცენა! ვახსენო კიდევ ერთი რამ? ევროპიელნი დამიწუნებენ ამდენ „გადა-

ხვევას“, მაგრამ მე ქართველთათვის ვწერ და ამით ოღონდ „გული მოფხანე“ მო-  
ყოლილით და „არქიტექტურაში“ არ გამოგედავებიან. აი ეს „გულმოსაფხა-  
ნიც“. ტელემაკმა, უმცროსმა ძმამ ვახტანგისა მითხრა ერთხელ: „ვახტანგს  
ისეთი ღონე აქვს, რომ პირისბანა უჭირსო“. განვცვიფრდი. „მკლავთა კუთები  
ისე ეკვრივება ბანისას, რომ ბანას ვერ ახერხებსო“. შემდეგ ესეც მიიყოლა:  
„ვთქვათ, ვახტანგი სადარბაზოდ მივიდა ვინმესთან და შინ არაინ დახვდა —  
მაშინ, თუ მონახა იქვე სადმე რკინა, აიღებს, მოლუნავს და სადარბაზო ბარა-  
თად დასტოვებსო: „ბარათს“ რო ნახვენ, მიხვდებიან ვინ იყოვო“.

• • •

ზედმეტი არ იქნება, „კუჭიას“ „ბოლოც“ აღვნიშნო. ხმა მომესმა: ლუესი  
სჭირსო. „მეტაფიზისი“ ამ საიდუმლო ავადობისა ევროპაში არ იციან: იგი  
„მზის ელემენტის“ დაავადებაა სისხლში. ვერ გამოვუდგები აქ ამის ახსნას:  
შორს წამიყვანდა — უნდა განმეხილა, თუ როგორ იშვა ძველს მექსიკოში „თეთ-  
რი“ მზისაგან „შავი“, თანაც ეგვიპტელთა ერთი გადმოცემაც უნდა მომეშველე-  
ბია. ვიტყვი მხოლოდ: აღმოსავლეთში, დღესაც, ლუესს, დაავადებულ მზიურ  
ელემენტს სისხლისა, მზითვე არჩენენ. აქედან რჩევა: ლუეტიკი უნდა ერიდოს  
ჩრდილოეთს. პეტერბურგის ცივმა ჰავამ, ასე მგონია, გაამძაფრა ავადობა „კუ-  
ჭიასი“. რამოდენიმე თვის შემდგომ ჩემი მასთან გაცნობისა შეიშალა ეს ნათე-  
ლი ადამიანი. ხოლო საკვირველი: „სინათლე“, თუმცა მეტაფიზიური „აბრუნ-  
დით“, არც შეშლილობაში მოსცილებია მას — ქრისტედ მოეჩვენა თავის  
თავი. ერთ კვირაში „მოთავდა“ საცოდავი. „გვირგვინი“, რომელსაც მიხეილი  
თავის წერილში იხსენებს (იხ. „ბედი ქართლისა“ 2), ეს აღმანახი განსვენებუ-  
ლისადმი სამსონ ფირცხალავას მიერ, მისი ინტიმი მეგობრისა, იყო მიძღვნილი.  
იქ მოთავსებულია ჩემი ნარკვევიც „რუსთაველი“.

• • •

გასული საუკუნის მიწურულში ახალი თაობა სოციალიზმს ეტანებოდა,  
მარქსისტულ ჯიშისა საკუთრივ. ხმა მომესმა: მიხაკო წერეთელიც მარქსელიაო.  
აგრეთვე მისი მეგობარიც მიქელაძეო. ვიეთნი იმასაც ამბობდენ: მიხაკომ „კა-  
პიტალის“ პირველი ტომი თარგმნაო. ერთხელ დაბა ჩხარში, ბაზრობისას, რომე-  
ლიც პარასკეობით იმართებოდა, მეთოდე ქათამაძის აფთიაქში“, საცა ჩხარისა  
და მიდამო სოფლების „ინტელიგენცია“ თავსიყრიდა — ჰოი ეს ჩხარი ეს ბაზრო-  
ბა, ეს „აფთიაქი“, ეს მეთოდე: საუცხოვო თემა ბალზაკისათვისაც: არჩილ  
ჯორჯაძეს კი ეგონა, საქართველოში სარომანო მასალა: არ მოიპოვებო—იქ  
ერთხელ „ივერიის“ ერთი ნომერი ჩამიყვარდა ხელში. მოთავსებული იყო ერთი  
ვებერთელა ფელეტონი — მარქსიზმს ეხებოდა — ხელმოწერილი ფსევდონო-  
მით „un camarade“. გავიგე შემდეგ: ფსევდონიმი მიხეილის ყოფილიყო. ჩემმა  
ინტერესმა მისდამი იმატა. გავიგე კიდევ: მიხეილი შესულიყო კიევის უნივერსი-  
ტეტში. იმავე წელს მონაწილეობა მიეღო სტუდენტების დემონსტრაციაში,  
წარმოეთქვა რევოლუციური სიტყვა ცეცხლეული, და, მეფის მთავრობის დევნა  
რომ აეცდინა, გადასულიყო ევროპაში: უენევაში. 1902 წლის შემოდგომა. ეხლა  
მეც ევროპაში ვარ: ლაიფციგში. მსურს გავიგო რაიმე მიხეილის შესახებ. 1903  
წელს თავი ამოყო უენევაში სიმონ ძველაიამ, რომელსაც სემინარიიდან ვიც-  
ნობდი, (ეს შესანიშნავი ყმაწვილი მოითხოვს განსაკუთრებულ ესკიზს; გარდაი-  
ცვალა ლეიზენში კლექით 1906 წელს, ზაფხულში; გაჯნდი მოწმედ მისი უკანა-

სკნელი წუთებისა; დავასაფლავე იქვე.) ღველაიასთან ვმართავ მიწერმოწერას. შიგადაშიგ იგი მატყობინებს მიხეილის აზრებსაც: უკანასკნელი ამ ხანაში უკვე ანარქისტია. 1907 წელი, ზაფხული. ოდესაში ვარ გავლით. „გავლა“ რამოდენიმე თვეს გრძელდება. მიზეზი — „რომანი“. თავზარდამცემი აბზავი: მოკლეს ილია. (ბიოგრაფიისათვის: ილიას სიკვდილი ანგელოზმა მიმხილა სიზმარში, მეორე დღეს მამცნო ვაზეთმა; ერთი დეტალიც; „ქარდუ“ ვიგზნე ჩემში სწორედ მაშინ, ილიას მოკვლა რო გავიგე). ვბრუნდები საქართველოში. შესმის ყოველი მხრით: მიხეილმა ილიას დასაფლავებაზე საქართველოს შინაგან — შემარხველი სიტყვა წარმოსთქვაო. სიტყვა ცეცხლი ყოფილიყო: ამ ცეცხლით წვას ეხლაც გრძნობს ჩემი უფროსი მეგობარი გიგო დიასამიძე, როცა მას მიხეილის სიტყვა მოაგონდება ხოლმე. ტფილისში მოხსენება წაეკითხე „ნაციონის იდეის“ შესახებ. გავბრუნდი პარიზისაკენ — დავბრუნდი ტფილისში 1908 წელს. აი ამ ხანებში შევხვდი მიხეილს. დაუხანლოვდი — დამიახლოვდა. გადის დრო. მიხეილი მიდის კვლავ ევროპაში — ფილოლოგიის შესასწავლად. ყველას უკვირს: პოლიტიკური მებრძოლი და ფილოლოგია? მიკვირს მეც. ირკვევა შემდეგ: თურმე მოწადინებულია იკვლიოს ძირები ქართულისა. წლების სვლაში ჩემთვის სხვა რამეც ირკვევა: რამდენად იფესვები ქართულში, იმდენად ეზიარები ქარდუს არსს. ცხადი ხდება: მიხეილის ფილოლოგად ქცევა მის მამული-შვილობას წარმოეშვა. 1927 წელს ბერლინში ვარ. ვხვდები მიხეილს. „გველის პერანგის“ წაკითხვის შემდეგ, ბერლინშივე წერილობით მამცნო თავისი აზრი რომანის შესახებ („ათას წლებზეც“ იყო სიტყვა — მკითხველმა თვითონ გამოიცნოს: რა აზრით). გავბრუნდი საქართველოში. 1931 წელი. კვლავ ბერლინში ვარ. 1933 წლიდან მოყოლებული 1943 წლის შემოდგომამდე ვხვდებით ერთიმეორეს, თითქმის ხუთჯერ კვირაში — თუ ბერლინიდან არა ვარ გასული, დაახლოვება მეგობრობაში გადავიდა.



ჩემს წინ დევს ერთი ფოტოსურათი, გადაღებული უნდა იყოს 1903 წელს, როცა აქ. უენევაში, კონფერენცია გაიმართა ქართველ ნაციონალისტთა და ანარქისტთა. დგანან, მარცხნიდან მარჯვნივ: სანდრო გაბუნია, კომანდო გოგელია, ვარლამ ჩერქეზიშვილი; სხედან: არჩილ ჭორჯაძე, მიხეილ წერეთელი; ზის ამ ორის შუა, დაბლა: გიორგი დეკანოზიშვილი. ექვსი ქართველი. ტომით: ორი კახელი: ჩერქეზიშვილი და ჭორჯაძე, ერთი ქართლელი: დეკანოზიშვილი, ერთი მეგრელი: გაბუნია, ერთი გურული: გოგელია, ერთი იმერელი: წერეთელი. ამათგან: ნაციონალისტი: დეკანოზიშვილი, ჭორჯაძე; ანარქისტი: ჩერქეზიშვილი, გოგელია, წერეთელი, მგონი გაბუნიაც. ექვსი ქართველი: თვითეული მათგანი დიდი ქარდუს ხალასი ფშანი. ვარლამი: დათუთქული „ქართლის ბედით“, სიმწარეს ოდნავ მონაქროლი ღიმილით იქარევის; გიორგი: ურყევი და უტეზი, სჯერა ყველაფერს გადაიტანს; არჩილი: დაღვნილი უძირო სევდით, ხოლო არა სასომიხდელი; კომანდო: ამაყი შინაგან. თავის თავში დაჯერებული, უზადო უშუბლით, „ჩახედული“; სანდრო: გამჭრიახი; ინტუიტივი; მიხეილი: მოშვილდული, როგორც ჭეირანი ციცაბო კლდის პირას, თუ დასჭირდა, უფსკრულს გადაეველება თავს. ექვსს ქართველს — გრძნობთ ამას — მცველად ქარდუს აჩრდილი აფარებია: მარჯისათვის. ამ ექვსიდან: ვარლამს ვიცნობდი გაკვრით, გიორგი არ მინახავს, არჩილთან დაახლოვებული ვიყავ ფრიად, კომანდოსთან ერთი საღამო გავატარე პარიზში, სანდროსათვის თვალი მომი-

კრავს, მიხეილის მეგობარი გავხვდი. აღარ არიან ამ სოფლად: აღარც ვარლამი, აღარც გიორგი, აღარც არჩილი, აღარც კომანდო, სანდრო თუ ცოცხალია არ ვიცი. „ვა, სოფელო, რა შიგან ხარი!“ დარჩა მიხეილი.

• • •

კონფერენცია ნაციონალისტთა და ანარქისტთა? გავიხსენებ სულს ამ თემაზე? მაშინ შევეკებოდა ეს, გონებით, გული კი სხვას მეუბნებოდა. ეხლა რომ ვუკვირდები ამ უცნაურობას, გულით მონაქროლი გონებითაც მართლდება, მართლაც: თუ მოიშლებოდა სახელმწიფო წყობილება საერთოდ — ანარქიზმის მიზანი ესაა—მაშინ რუსეთიც, რომელიც პრესტორიული მამუტივით თავს აწვა საქართველოს, დაიშობოდა სახელმწიფოებრივი მხრით, და, როგორც შედეგი ამისა, საქართველოც თავისუფლად ამოისუნთქავდა. აი ქვეშეცნეული ხაზი ვარლამ ჩერქეზიშვილის პოლიტიკური ბრძოლისა, ხაზი, რომელიც, ჩემი წვდენით, გეზად გახდა ხსენებული კონფერენციისა. უნდა შევჩერდე ვარლამზე.

• • •

მაოცებს ვარლამის მოვლინება, მსოფლიო ისტორიაში იგი ერთადერთია როგორც ანარქიზმისა და ნაციონალიზმის შემზავებელი. მოწყვეტილი მამულს, მოცილებული დედულს, ბავშობიდანვე უცხოეთში გადახვეწილი, მარტო თავის თავს მიყენებული, იგი, სათნო და გულჩვილი, „ანგრევეს“ წარმოსახვით სახელმწიფოებს. ამავე დროს დარბის თავქუდმოგლეჯილი, ხან ამ სამინისტროში შევარდება, ხან იმ სამინისტროში, არ ასვენებს არც ერთს უწყებას, გაიხსნება რაიმე კონფერენცია, უმაღლე იქ გამოჩნდება, თავს „აწუხებს“ გამოჩენილ პოლიტიკოსებს საფრანგეთში თუ ინგლისში თუ კიდევ სად, აქვეყნებს ყურნალებში და გაზეთებში წერილებს, იბრძვის ქადაგად დეარდნილი — იბრძვის ტრაქტატისათვის, საქართველოსა და რუსეთის შორის 1783 წელს დადებულისა. აღბად „შერევილი“ ეგონათ, „გადაქანებული“, ხანდახან „სასაცილოც“. გარნა სასაცილო არაა სერგანტისის უკვდავი რაინდი, რომელიც იმავე დროს და — ესაა უმაღალითო მსოფლიო ლიტერატურაში — გენით არის აყვანილი! ამავე გენით იყო ატეხილი ვარლამი: იგი კარდუს დონ კიხოტია! გენიის „სიგიჟეს“, „მანიას“, ლომბროზოს ბრიყვეული თეორიით ხსნიან მრავალნი. ავიწყდებათ ან და არ იციან „მანიის“ მეორე მხარე: „წმინდა შეშლილობა“, რომელიც ცნობილი იყო ანტიკურ სამყაროში. ამ „შეშლობის“ გარეშე — შეეკითხონ დიდ პლატონს — იქ ვერ ეგულვათ: ვერც პროფეტული წინჭვრეტა, ვერც პოეტური ხილვა და ვერც საიდუმლოს გადმომშლელი აზრი. ვარლამი იყო „მანიით“ ჰირვეული — პლატონის აზრით. ჰირვეული — ვინაიდან კარდუს მოლანდებით აღვივებული. აღვივებული — რადგან საქართველოს ქვეყნებრიდან სულდგმული. აქ ერთი გასაშტერებელი ამბავი, მეტყველი იმისა, თუ რა ღრმად იყო იგი იმ ძირებში ჩაფხვნილი. ბავშვობიდანვე სამშობლოს გარე მყოფს გადავიწყებული ჰქონდა ქართული. იცოდა: რუსული, ინგლისური, ფრანგული. სიკვდილის ჟამს რუსულიც დავიწყებოდა, ინგლისურიც და ფრანგულიც — თურმე ქართულად იწყო ლულლული.

აი ვინ იყო, ქართველნო, ვარლამ ჩერქეზიშვილი! მარტოდ მარტო „ტრაქტატი“ ეკირა ხელში?! „ტრაქტატი“ აქ მხოლოდ გარე-სახე იყო კარდუს „მზიუ-

რი ელვარისა“, რომელიც — მეწამული და შუაგულ თეთრ-ალ-გაწედილი — ბაგ: რატიონთა ალაშად გაიშალა, (ამ „ალამის“ შესახებ „მესამე საუბარში“ კარლუს-თან.) მიხეილმა იმ „ელვართ“ მიიღო ნათელი ვარლამისაგან. გრძნობს ამას იგი?



ვარლამის „ლულული“ სიკედილის წინ მიხეილმა, ვთქვათ ასე, აამეტყველა როგორც ფესვებმწდომმა ფილოლოგმა. არ იფიქროს მკითხველმა: ვსჯიდე აქ ვითარ „სპეცი“. მე ენათმეცნიერი არა ვარ და კარგად ვიცი, სად თავდება ჩემი საზღვარი. ხშირად ვეხები ენას, საკუთრივ ქართულს — ხოლო ეს შეხება „ფილოლოგიური“ როდია. მაგალითისათვის „მარხვა“ და „ხსნილი“. ფილოლოგები გადაშლიან ამ სიტყვებს ყოველი მათი რადიუსით — დარჩება აუხსნელი მათი შინაგანი საზრისი: ლოგოსი, უკანასკნელის „გამოშვიგნვა“ — ილიას საყვარელი სიტყვა კიდევ ერთხელ რო ვიხმარო—ფილოსოფიის საქმეა. ერთს ნარკვევში კიდევ ვცალდ ვადმომეფინა ქვეფარული დენა „მარხვისა“ და „ხსნილისა“, დენა უნივერსალური მნიშვნელობისა. ლოგოსის ცნაურება ქართულში — (ზემოთმოყვანილი მაგალითი იქ მხოლოდ წვეთია) — ისე ელემენტურია, რომ იგი ენათა შორის სასწაულად მეჩვენება. აი რას ვიკვლევ ქართულში!



მიხეილი „იმპრესიონისტი“ ბუნებით: უშუალოდ აღქმულ შთაბეჭდილებას უშუალო „რეფლექსით“ ხედება. ეს თვისება სახიფათოა განსაკუთრებით მეცნიერისათვის, თუ — თუ მას „აღლო“ აკლია. მიხეილს კი აღლო თანდაყოლილი აქვს. აქ ერთი საოცარი წვლილმანი. ბერლინში მას ხშირად ვეთამაშებოდი ჰადრაკს. თამაშის დაწყებისას იგი ყოველთვის — როცა ის იყო ამრჩევი — თეთრს ფიგურას აგნებდა ჩემს ხელში. შაოცებდა ეს. გავიფიქრე: შესაძლოა ჩემი ცოდნა, თუ რომელ ხელშია დამალული „თეთრი“, ვინაიდან აზრი მძაფრი მაქვს მუდამ, მასზე გადაგის მეთქი, მიემართე ეხლა ასეთს ფსიქოლოგიურ ხერხს: ფიგურებს ისე ვიქერდი, რომ მე თვითონ არ ვიცოდი, რომელ ხელში იყო „თეთრი“ და რომელში „შავი“. ჩემი გუმანი გამართლდა, ხოლო მისი აღლო მაინც ძლიერი რჩებოდა: ხუთს შემთხვევაში სამჯერ მაინც, თუ არა მეტჯერ, „თეთრი“ მიხეილს ხედებოდა. ეხლა მეორე. მიხეილი „სუბიექტივისტიცაა“ ხასიათით. ეს თვისებაც სახიფათოა, განსაკუთრებით მკვლევარისათვის, თუ — თუ მას აკლია „სუბსტანცი“: შინაგანი თვისება. მიხეილის „თვითება“ გურკა-მაგარია, ბირთვ-მტკიცე, ალოიანი იმპრესიონისტი და თვითება-მაგარი სუბიექტივისტი: მიმგნებია, მხვედრი, აღმომჩენი. მიხეილიც მიმგნებია, მხვედრი და აღმომჩენი, იმის დასტურს იძლევა მისი კვლევა ქართულისა და სუმერულის ნათესაობის ირგვლივ.

მართალია თუ არა მისი პოპოთეზი? პირადად ჩემთვის უთუოდ. მხოლოდ ერთი განხრით. მიხეილის პოპოთეზი არღვევს, ცხადია, ნიკო მარის „იაფეტიდურ“ თეორიას. ეს თვითონ მიხეილსაც აღუნიშნავს და ხანდახან მკაცრადაც. მე კი მარის თეორიაში ერთი რამ მაფიქრებს ფრიალ გულისხმიერი. მარი იკვლევს ენებს არა ევროპაში ერთხელ და სამუდამოდ განმტკიცებული მეთოდით — იგი იკვლევს მათ ისე, როგორც ხანათა მკვლევარნი: „ქვის“ ხანას, „ბრინჯაოს“ ხანას და ასე მიყოლებით. ეს ხანანი განვრცობილნია ქვეყანაში რადიუსურ ისე, როგორც კლდის კეცეულნი მთაში. პირველნი ენანი — ლოგოსის მცნაურებელნი

უნივერსალურ — ამგვარად განფენილ კეცეულებად მეჩვენებიან და მათში ყოველის უწინარეს ქართული, ჩემი გზებით: უპირვანდელესი. თუ ეს მართალი გამოდგა — რაიცა მერმისის საქმეა — მაშინ მკვლევარისათვის მარჩის თეორია, თუმცადა მის მიერ ამ მხრით საკმაოდ არანათელყოფილი ერთს მუხლში, რომელიც სხვა მოზომებით, გამართლდება.



ივანე ჭავჭავიძის სსოვნის აღსანიშნავად ბერლინის ქართველთა სათვისტომოში სხდომა გაიმართა — (არ ვხმარებ „კოლონიას“: იგი აქ სრულიად უადგილოა). სხდომას თავმჯდომარეობდა განსვენებული ლადო ახმეტელი. სიტყვები წარმოსთქვეს: განსვენებულმა შალვა ამირეჯიბმა და გიგო დიასამიძემ. მეც ვილაპარაკე. ღერძი სხდომისა მიხეილის მოხსენება იყო. გასაოცარი ცოდნით და კიდევ უფრო საოცარი სიყვარულით გადმოგვიფინა მან ნაშრომი დიდი „მომნივთებლის“ საქართველოს ისტორიისა: ივანესი ალაგალაგ თავისს ნაკვლევებსაც იხსენებდა — ამას საგანი მოითხოვდა. ბოლოს თავმჯდომარემაც ილაპარაკა. მახსოვს. სთქვა მან: „ამდენი ხანია გადმოხვეწილობაში ვიმყოფები და რაც დღეს განვიცადე, ასეთი რამ არ განმიცდიაო“. ეს განცხადება უმთავრესად მიხეილის მიმართ იყო გულუბნული. მიხეილმა ამ მოხსენებაში — რომელიც შემდეგ „ქართველ ერში“ დაიბეჭდა — მოხაზა ამოწურვით ივანეს ადგილი ქართველოლოგიაში და მით: მისი საკუთარიც იქვე. ვიცი — და ეს თვითონ მიხეილმა უკეთ იცის — რომ ივანემ ქართველოლოგიაში გაცილებით უფრო მეტი გააკეთა ვიდრე მან. ხოლო ნუ დაგვაფიწყდება, რომ ივანე უმთავრესად „მხოლოდ“-მეცნიერი იყო, მიხეილი კი თანვე პოლიტიკური მებრძოლიც. საგანი კი როგორც იქ „კვლევაში“, ისე იქ, „ბრძოლაში“, ერთი და იგივე: ხაქართველო. დავისახავთ რა ამას, მივიღებთ: ის, რაც „იქ“ აკლია მიხეილს, ემატება „აქ“ სამაგიეროდ. წონასწორობა იმართება — ყოველ შემთხვევაში ჩემთვის. მიხეილი ივანეს „გვერდით“ დგას. ესაა „ჩემი“ რწმენა. ღრმა.



ეხლა დროა, თვალი მოვაკლო ოდნავ არეს, საცა მიხეილი როგორც პოლიტიკური მებრძოლი იმართება. ჩემი სიტყვა არც აქ იქნება სჯა „სპეცისა“, ვინაიდან პოლიტიკოსი არ ვყოფილვარ და არცა ვარ. არ ვარ: არა იმის გამო. ვითომ პოლიტიკის არა გამეგებოდეს რა. არა ვარ იმის გამო, რომ ღრმად და მკაფიოდ მაქვს შეგნებული: მწერალი, რომელიც პოლიტიკაში ერევა, პოლიტიკას ვერას არგებს, თავის თავს კი, როგორც ხელოვანს, ვნებასაც მიიყენებს. „თქვენი ერთი გერმანული წიგნი, საცა მოხატულია ერთი პოლიტიკური პიროვნება“? მესმის შეკითხვა. ჩემი გადაჭრითი პასუხი. მოახდინოს მკითხველმა ერთი უბრალო ცდა: წიგნის კითხვისას არ გაუშვას გონებიდან ერთი დიად არ თქმული, ხოლო ქვეყნარულად გაყვანილი აზრი — „თუ მოსახლელი პიროვნება აქ მოვლებულ ხაზებში ავლენს თავის თავს“. იგი იქ „დათუებულია“. დაინახავს ერთს რამეს, ვფიქრობ, უფრო გულისხმიერს ვიდრე „პოლიტიკას“, ამ სიტყვის დღევანდელ გაგებით. ჩემი „განმარტება“ მზადაა გამოსაქვეყნებლად.

სულ სხვაა „მამულიშვილობა“. იგი მეტია ვიდრე „პოლიტიკა“ და დაეუმეტებ: მეტია ვიდრე „პარტია“. ნოე ჟორდანიას მარქსელია — მე, არა მარქსელი. ვთვლი მას შესანიშნავ მამულიშვილად. არ მჩვევია „ზადნიმ უმომ“ რაიმეს მტკი-



ცება — წაიკითხონ ჩემი ესკიზი, 1920 წელს გამრქვეყნებული, საცა მოვხაზე  
ეროდანის პიროვნება. მარქსელია აკაკი ჩხენკელი — ვიგულვებ თავდადებულ  
მამულიშვილად. ევგენი გეგეპკორიცი მარქსელია — ძალიან მაგარ მამულიშვი-  
ლად მიმაჩნია. აქ ერთი დეტალიც. პირდაპირ „ისტორიული“ — გამოადგებათ  
ოდესმე ქართველ პოლიტიკოსებს. 1943 წელი, ივნისი. ევგენი გვაცილებს. მიე-  
დივართ საღამორელე. წინ: გიგო დისამიძე და ალ. ქორქია, უკან: ევგენი  
და მე. ევგენი დაბალი ხმით: „გრიგოლი ჩენი ერის ბედს ნუ გადავამბთ. ერთი  
ერის ბედს“ სიტყვასიტყვით. დააკვირდით ამ „ერთს“: იგი აქ მარტო რიცხვს  
არ ნიშნავს! დააკვირდით, თუ „როდის“ იყო ეს თქმული დაინახავთ: პოლიტი-  
კურ გამჭირახობასთან ერთად მამულიშვილურ ზრუნვასაც (და მერე რამხე-  
ლას?). მოვალედ ვრაცხ ჩემ თავს, გარდაცვლილებიცი გავიხსენო: კარლო ჩხეი-  
ძე და ვლასა მგელაძე, ისინიცი მარქსელნი და თანვე გულმბურვალე მამული-  
შვილნიცი. პირველი — ნელი, მყუდრო ცეცხლით აღვივებული, მეორე — შმა-  
გური ალით „ავარდნილი“. შემთხვევა უნდა, გამოვიყენო და კარლოს შესახებ  
ესეც უნდა ვთქვა: გონიერი კაცი იყო, ხოლო ისეთი, რომლის გონი მაინცი და  
მაინცი „თვალში არ გეჩრებოდა“. სტამბოლში ვართ. გაიხსენეთ საქართველოს  
დელეგაცია პარიზისაკენ მიმავალი. შევდივართ ერთხელ „აგია სოფიას“ ტაძარ-  
ში. ვაკვირდები კარლოს — განცვიფრებულია. მესმის თაყვანებით დაშვებული  
სიტყვა: „გრიგოლი „ილიადაა“ ჰომეროსის, ქეებით აგებული“ ერთი მოსხ-  
ლეთით მოხატა ტაძარი.



მიხეილის პოლიტიკური ბრძოლა საქართველოს „თავისთავადობის“ აღდგე-  
ნისათვის საკმაოდ ცნობილია. ნათქვამს აქ არ გავიმეორებ — მით უფრო, რომ  
დღეს სხვებიცი გადმოშლიან, ერთხელ კიდევ, ამ ბრძოლის დრამატიულ ხვეუ-  
ლებს. მე შეეგნები მას როგორცი „თეთრი გიორგის“ რაზმის მესვეურს. და, რა-  
საც ამ მხრით მის შესახებ ვიტყვი, ეხება აკრეთვე მის თანამებრძოლთაცი.  
სახეში მყავს უმთავრესად ლეო კერესელიძე, დაღუპული 22. 11. 1943 ბერლი-  
ნის ყუმბარებით დამეხვისას.

ვინცი საქართველოსათვის საქართველოს შუაგულიდან გამოდის, იგი „თეთრ  
გიორგის“ გვერდს ვერ აუხვევს. „თეთრი გიორგი“ რაინდია ქართველობის და  
რაინდი: „წმინდა“. განიხილეთ ალავერდობის მისტერია, გადმოფინეთ ფენო-  
მენი ლაშარისა — ლაშა: „სხივოსანი“, „ბრწყინვალე“: ლაშარი იგივეა მთაში,  
რაცი ბარში თეთრი გ. — დაინახავთ, რომ ეს ასეა. ეს განიხილვა, ეს გადმოფენა  
მე მიციდია არა ერთხელ: ნათქვამის გამეორება ყოველთვის არაა სათანადო. აქ  
ავამეტყველებ მხოლოდ ორიოდე „წერილმანს“. 1918 წელს საქართველოს ერ-  
გუნა დაკარგული სუვეერენობის აღდგენა. მმართველებათ მას მარქსელნი მოეჭ-  
ცენ თავს და აი: სახელმწიფო ღერბისათვის ინტერნაციონალისტებმა თეთრ  
გიორგის მიმართეს. სხვათა შორის წარწერა ამ ღერბზე ჩემი ხელითაა გაყვანი-  
ლი. დაარსდა მწერალთა კავშირი განსვენებული კოტე მაყაშვილის მეთაურო-  
ბით — (აი კიდევ ერთი შესანიშნავი ქართველი; გული მწყდება, რომ მისი ხსოვ-  
ნა ჭერ კიდევ არ აღმინიშნავს). მწერალთა „დღედ“ ავირჩიეთ მაისის მეხუთე  
დღე: დღე „გიორგობისა“ ახალი სტილით. ამ „დღეს“ საქართველოს გასაბჭოე-  
ბის შემდეგაცი ვდღესასწაულობდით. პირველ წელს დღესასწაულზე მე ავიღე  
სიტყვა: გადმოვშალე „გიორგი“ როგორცი მისტერია ქართველთა (მაშინ კიდევ  
შეიძლებოდა ასეთს საგნებზე საუბარი; მახსოვს მაგალითად: გიორგი ლეონიძემ  
ერთხელ თემად აიღო „საქართველოს მესიანიზმი“). იმავე ხანებში პავლე ინგო-

როცამ გამოსცა ლიტერატურული გაზეთი „ლაშარი“. საცა მეც ვიყავ მონაწილე. გაზეთმა ერთი დღე იტოცხლა. დაახლოებით ამ დროსვე პარიზში წარმოიშვა რაზმი „თეთრი გიორგისა“. არავეითარი „პოლიტიკა“ არ ყოფილა თეთრი გიორგის ხსოვნით აღდგენაში იქ, საქართველოში. არავეითარი კავშირი არ ყოფილა გაბმულ. ამ „ხსოვნის აღდგენისა“ და უცხოეთში მის „რაზმულად“ დგენის შუა. ყველაფერი ეს მოხდა თავისთავად, მოხდა: რადგან ამ ამბებში საქართველოს „შუაგული ფეთქდა. მიხეილის გული ძგერდა და ძგერს სწორედ ამ შუაგულიდან და მისთვის ვაფასებ მას როგორც ნამდვილ ქართველ მამულიშვილს. ეს მამულიშვილობა გადაძლევს თვითონ „ღარაზმულობასაც“, მის ნიადაგზე პოლიტიკურად განრიგებულს.



„გადაძლევს“. ამით ერთი რამ მინდა აღვიარო აქ, რაიცა ხშირად გამიფიქრია, ხოლო არ გამომთქვამს. „თეთრი გიორგი“ ცოცხალი „ხატია“, ქართველთა მისტერიისაგან შობილი. როგორც ასეთი მისი „ყოფადება“ მხოლოდ მისტიური გეზით თუ შეიძლება. ამ „ყოფადებას“, ვფიქრობ, მხოლოდ „ორდენის“ სახით ძალუძს განსხეულდეს. გაიხსენეთ პითაგორელთა ორდენი. იგი რიცხვმრავალი არ ყოფილა — რადგან ყველას, ძალიან მომდომებულსაც კი, არ შეეძლო, გამხდარიყო მისი წევრი. წევრობისათვის საჭირო იყო: მზადება შინაგანი სულითა და გონით. მზადება, არა როგორც „სწავლა“ საიდუმლოთა — ეს ყველას შეუძლია. საჭირო იყო: „ხილვა“ საიდუმლოთა და „ხილვა“ როგორც „წვდენა“ სიღრმესი და „წვდენა“ როგორც უშუალოდ „დგენა“ ხილულისა. (ყველაზე უფრო ღრმად ეს გეზი „ქცევისა“ დიდმა პლატონმა აცნაურა მსოფლიოს.). სულისა და გონის ამ გზით ზრდასთან ერთად საჭირო იყო „ხასიათის“ მტკიცება — (გაიხსენონ ქართველებმა გენიალური ხტილი ქართული სიბრძნისა: „მტკიცება — „გამაგრება“, თანვე — „გაწმენდა“: ფქვილს ვწმენდთ ჩვენ „სამტკიცით“). საჭირო იყო „წვართი“ ხასიათისა: წვართი ყოველი ღვარძლისაგან „განმწმენდი“. ორდენი საიდუმლოებით იყო მოცული — ეს იმისათვის, რომ მისი იდეათა სამთავრო „პროფანებს“ არ წვარყვანათ. ეხლა წარმოისახეთ, რომ საქართველოში ამგვარადვე გაიმართა ორდენი „თეთრი გიორგისა“. დაინახეთ თვალნათლივ, რომ იგი მართლაც შესძლებს გარდაქმნას. შინაგან საქართველოს ყოფა, რაიცა, როგორც ყოველი ყოფა საფრთხესეცენაა განხრითი — (ამას იგივე ქართული სიბრძნე გვასწავლის: ყოფა „ცდაა“, „ცდაში“ „ცდუნებაა“, „ცდუნება“ „ცდენისაკენ“ იხრება, „ცდენა“ „აყდენით“ იხსლიტება). პოლიტიკურად ასეთი ორდენი „ხელმწიფის“ სწორუპოვარ იდეასაგან გამოვა. „ხელმწიფე“. არ გულისხმობს მაინცა და მაინც მეფეს, იგი იგულებს მხოლოდ „ჩვიფე ხელს“: სულ ერთია, იქნება იგი მონარქია თუ რესპუბლიკა თუ კიდევ სხვა რამ. მეტი კიდევ: ამ ორდენის წევრებს შეუძლიათ იყვენ სხვადასხვა პარტიებში პოლიტიკურად, მხოლოდ ერთი განსაზღვრით: თუ ეცდებიან ზეპარტიულ არეში გაიყვანონ ლაშარის ხაზი. ვხედავ: გადავცურდი უტოპიაში, რა ვქნა? ლაშარს თუ შეეხებ, უთუოდ „გადავძლევს“.



მოვაჩუქურთმო დეტალები მიხეილის ხასიათისა? რატომაც არა! ესეც საგულისხმიეროა ფრიალ. 1. მიხეილი ოხუნჯია და უყვარს გახუმრება — „თუ გუნებაზეა“. ვზივართ ყავახანაში. შემოდის დავით ლამბაშიძე. მოგვეკრავს რა

თვალს, წევს მალა წარბებს და აბრღვევადებული იბადრება მზესუმზირას ღიმილით. მოუჩდება ჩვენს მაგიდას. ვისმენ დიალოგს. მიხეილი: „Я им покажу!“ დავითი: „Болваны этакие!“ ეს ვარლამ ჩერქეზიშვილის სიტყვარიდანაა. ორივე „სცინებენ“ ვარლამს. კილო „ყოფილი“ ბატონის, დიდრაჯა შპრძანებლის, რომელსაც საბრძანებელი ოცნებაში შერჩენია. ხმა: ბოხი, ხოლო თითქო „ჩახველებული“. მიხეილი: „Сукина порода!“ დავითი: „Сволочы!“ ანეკდოტ ანეკდოტს მოსდევს. დავითი მოყოლაში მრევობს — აქ ის მანეტროა. სახის მიმოკაში მიხეილი ძლევს — თვითშობილი მსახიობია. ვარლამის აჩრდილი სხეულს ისხამს: თვალწინ იჭრება სერვანტესის რაინდი. რაინდი კიდეც „ისერის“ სიტყვას: სიტყვა „შეკურთხებაა“, კიდეც უფრო მაგარი. „Ну и пошел дядя!“ ამას კრაპოტიკინი აწვევებს — ვარლამს იგი თურმე „Дядя“-ს ეძახდა. დიალოგი გრძელდება. სიცილი მატულობს, რაიცა სიყვარულია მხოლოდ. 2. ეხლა დავითთან ვზივარ იმავ ყავახანაში. შემოდის მიხეილი — გვიერთდება. „რას მიირთმევ, მიხეილ?“ უმასპინძლდება დავითი. „ანსბასხერ“ გენაცვალე“. დავითი დაუკვეთს. მიხეილი გაზეთებს ეძებს. დავითი მიჩურჩულებს: „ჩემს ჩიბეს არ კითხულობს, ლუდს არ კადრულობს“. მიხეილი გვიახლოვდება. „ხშიადი რა დაგიკვეთო?“ ეკითხება დავითი. „პრაგენ შინკენ, შენიჭირიმე“. დავითი ღიმილს მავლებს, უკვეთებს იმასაც. მიხეილი ყავახანის დიასახლისისაკენ მიეშურება მისასალმებლად. დავითი მაწვევებს „რა იქნებოდა, უბრალო ძეხვი აერჩია!“ ეხლა მეც ვიღიმები. და ასე: უყვარს კარგი სმაჰამა მიხეილს — ვის არ უყვარს იგი? მაგრამ: მიხეილი სიმშვილს გადაიტანს და მდარე სასმელს თუ საჭმელს არას გზით არ ინებებს. 3. კვლავ ყავახანაში. მიხეილი დავითს: „როგორ ხარ. ბიჭო?“ დავითი: გარდაქმანივით — „შენ როგორ ხარ?“ მიხეილი: „ძლივს ვაბოგინებ ფეხებს“. დავითი თვალს მიქნევს. მიხეილი სატელეფონესკენ მიდის. დავითი: „შენცა და მეც გავგისტუმრებს იმ სოფელს, დამიჯერე: უყვარს თავისმოკატუნება“. ვიცინით ორივე. „ისულ წუწუნებს“, უმატებს დავითი. 6. მიხეილმა ხანდახან აკვიტება იცის: „აიჩემებს“ რაიმეს და: ვერც რაიმეს დააჯერებ და ვერც გადააჯერებ რაიმეში. ასეთ დროს მე მივმართავ ხოლმე პითაგორელთა ხერხს: არ შევეცილები „პირდაპირ“, მხოლოდ „შორიდან“ მოვუარ საგანს, თითქო მის ირგვლივ არც კი იყოს საუბარი. მიხეილი მისმენს: ჭერ შეეჭვებით, მერე გულდასმით და ბოლოს — ან იმ დღეს ან სხვა დღეს — „არბილებს“ „ანაჩემებს“, ისე, თითქო ეხლა წამოყო თავი უკანასკნელმა. 7. მიხეილს უყვარს ჩვენი საეკლესიო გალობა და გალობს კიდეც 2 თუ 3 კაცისაგან შემდგარ გუნდში — სამწუხაროდ მხოლოდ პანაშვიდის გადახდისას (არც საკვირველია: წირვლოცვა ჩვენთვის, გადმოხვეწილთათვის, „პანაშვიდით“ ისაზღვრება). 8. მუსიკასაც ეტანება იგი. ყველაზე უფრო იპყრობს მას რიხარდ ვაგნერი. იცის კიდეც მისი მუსიკა, იცის ნამდვილი განცდით. ვაგნერის ასეთი „მცოდნე“ ქართველებში არავინ მეგულვება — არც ამ სტრუქონების დამწერი. 9. მიხეილი აღევნებს თვალყურს ლიტერატურას. აქაც დაკვირვებული და ჩახედულია იგი. (აქვე უნდა ვახსენო ზურაბ ავალიშვილიც: დიდი მცოდნე იყო ლიტერატურისა და თანაც ღრმად გაძგები). ხშირად უქია მიხეილს ჩემთან რომენ როლანი. „მუსიკიდან მოდის მის თხრობაო“, უთქვამს. „მუსიკა“ აქ რასაკვირველია არ ნიშნავს „კეთილზმოვანებას“. 10. ისევ ყავახანაში. შემოდის არჩილ გომართელი. „ბოვუშოო“ — ეგებება მიხეილი ღიმილით. ეს „პაროლია“ საპაექრო. იმართება სწორუპოვარი „აკამათლება“ ზემომეტრული კილოსი. აქ არჩილი სკობნის მიხეილს, რომელსაც ეს კიდეც უხარია. ეხლა მეგრელი გამოჩნდება. მიხეილ

აკინებებს ხმას და შემპარავი გლინვით გადადის მეგრულში. „სქანი“ და —პატენი“ ერთიმეორეს ეცილებიან როგორც ყვიჩილები ვარიების წრეში. მიხეილს აქ ვუკოლ ბერიძე თუ გაეტოლებოდა. ანაზღვეულად გურულიც შემოყოფს თავს. მიხეილი სხაპასხუბით: „ასტარანას როგორ ყილი, ძიაუ, ასტარანას კასტარანას? ეს ჩემთვის ესპერანტოა. ნიშნავს თურმე: „ას ტარანს, კარგს ტარანს“. ეხლა მეც მოვდივარ „ეშხშში“. ვყვები აკაკისაგან გაგონილ ანეკდოტს. სოლომონ მეფეს კბილი ასტყვიდა — დარბაისელნი „ართობენ“. ამირეჯიბი თუ ამილანორი: „მაგითანა კბილს კიი“ — ბოლო უცენზურია. ეხლა წერეთელი: „აგრე მოგინთება!“ პაუზა — გაოცების. შემდეგ მოსხლეტი: „აქეთ ოსმალოს ეცი, იქით ვილაყ ძალთაპირს — აბა რა კბილი გაგიძლებდა?“ ვიცინით: იქ „ქართლელია“, აქ „იმერელი“. „ეშხშში მოსვლა აბა მე მკითხეთო!“ — ამას დავითი თუ ფიქრობს და იწყებს მოყოლას, რამაც ცენზურა არ იცის. ქართველ ხალხს „უცენზუროს“ „მოდადვში“ არა მგონია რომელიმე პოეტი შეეღაროს, იყოს იგი თუ გინდ გენოსიც.



ეხლა მიხეილი ბავარიაში იმყოფება, სადღაც მივარდნილ კუთხეში. ზის ალბათ პატარა ოთახში ვითარ განდგეილი სენაკში. სადღაა ის შეხვედრანი? სადღაა ის ხალისი? ზის განმარტოებული და სდუმს როგორც მარტვილი. დადონებულია, დამწუხრებული, სდუმს: მხოლოდ გულისცემას უგდებს ყურს—(გული სასწაულს მოელის ყოველთვის). იღვენთება: აგონდება საყვარელი ვაჟი, ერთადერთი შვილი, ომის ორომტრიალში უკვალოდ დაკარგული, ხმაური მოესმის—კარებისაკენ მიაქცევს თვალს. გული ამოვარდნას აპირებს — (ვინ იცის: ეგებ უეცრად ძველებურად შემოანათოს ოთარმა). არაენაა — სულში ფართოვდება სიცალიერე. „ვაი მე, შვილო!“ აღმოხდება საცოდავ მამას. იწმენდს ცრემლებს, თავს იმაგრებს კიდევ. შემდეგ მაგიდას მიმართავს. იქ ჟურნალი დევს ასიროლოგიისა. ფურცლავს მქნარი თითებით. კითხულობს. გადადის ნელინელ ათასწლებში. ალაგალავ სუმერული სიტყვა ამოყოფს თავს — სიტყვაში ცილობს ცინცხალა ფესვი ქართულისა. ეხლა საქართველოს ძირებში იძირება მკვლევარი. („განდგეილი“ ეხლა „ივერონის“ მარტვილს მაგონებს, გიორგი მთაწმინდელს — სახეც მიუგავს ეხლა, მოხუცებულობაში, შეუღარებელ სახეს ქართველი წმინდანისა, ლოცვებში შინაგან ანათებულისა.) ჟურნალს განზე გადადებს. შემდეგ წვდება ტექსტს „ვეფხისტყაოსნისა“, მის მიერ დაწმენდილს და განმტკიცებულს — („წმენდა“: „სამტკიცო“). ერთხელ კიდევ გადახედავს მას. შემდეგ გადასინჯავს კვლავ ტექსტის გერმანულ პროზაულ თარგმანს, მის მიერვე შესრულებულს. შრომისათვის თავსდაურთვია სიტყვარი — ამასაც ვანიხილავს ხელმეორედ. ბოლოს შეუდგება ტექსტს „უამთაღმწერელისა“ — სწორუბოვარს სამატინაო მწერლობაში. ეხლა იფესვება „ქართლის ცხოვრებაში“: ღრმა ჩახედვით და ნელად აღვივებული სიყვარულით. „ცხოვრებაჲ ქართლისაჲ“ ზედაშია მისთვის—ეზიარების მას, გულდათუთქული იფერფლება საქართველოს მარადულ ქვეყნებში. ფენები იშმუშნებიან მასში — თვითონაც იშმუშნება როგორც შევარნა — („შევარნა: მზისაგან დამქნარი მხალი რა მოირწყოს, აცოცხლდეს“, გვიხსნის საბა). მხრებში იმართება. მამულის ფესვებიდან ამოდის ეხლა ვითარ ახლადშობილი.

და მაინც: გული აღარ უხარის. გულს არჩენს მხოლოდ გული. არის სადმე ასეთი გული, გადაიხსნას პრჩენელად მისი გულისა?

ქართველნი გულმაღვიწყნი არიან: გულმაღვიწყნი — რადგან უღარდელნი; უღარდელნი—ვინაიდან მზიური ჭიშისა. („გულმაღვიწყობა“ არც ისე დასაძრახისია: ეს რომ არ გვქონოდა, შესაძლოა, ვერც გადაგვეტანა ამდენი უბედობა, საუკუნოებში თავსდატეხილი) „მაღვიწყია“ ქართველის გული. ხოლო: თუ ამ გულს ერთი ნაპერწკალი მოხვდა მეორე გულის ცეცხლიდან, მაშინ—მაშინ არც ერთს გულს ქვეყანაზე არ ძალუძს წყაროს ხალასი თვალივით გადაეხსნას სწვა გულს როგორც მას: გადაეხსნას გახარებად და გასახარებლად. (ტყვილად კი არ მოეპოვებათ ქართველთ მათს გენიალურ სიტყვაში ეს, უგენიალესი სიტყვა: „გული“, როგორ ვაღარო მას, შინაგანი პლასტიური ხშიერებით: ლათინური Cor ან ფრანგული Coeur ან გერმანული Herz ან რუსული Сердце;) ამ „ბარდულში მოგონებათა“, ვფიქრობ ხელხლებულია კერა, საცა ყუდროდ ღვივა ქართული ცეცხლი, დარწმუნებული ვარ: ორიოდ ნაპერწკალი მისი ჩემს თანამემამულეთ მოხვდებათ და მჭერა: მათი გულები გადაიხსნებიან დღეს მიხეილის დათუთქული გულის მიმართ. სიტყვა, შესაძლოა, საჭიროც აღარ იქნეს — გული უმართლესი სიტყვაა თვითონ.

ვრიგოდ რიხაქიძე

ნოემბერი 1948  
ქენევა

### ს ა რ ა ი ვ ი

|   |     |
|---|-----|
| შიხ. წერეთელი და მისი ნაშრომი „ერი და კაცობრიობა“                 | 3   |
| წინასიტყვაობა: „ეროვნული საკითხი“ და სოციალიზმი                   | 19  |
| თავი პირველი: რა არის საზოგადოება?                                | 35  |
| თავი მეორე: არსებობს თუ არა კაცობრიობა და როგორ?                  | 64  |
| თავი მესამე: ერი და საზოგადოება — კონკრეტული და აბსტრაქტული ცნება | 73  |
| თავი მეოთხე: საზოგადოება, ერი, სახელმწიფო                         | 83  |
| თავი მესხუთე: ხალხი, ერი, სახელმწიფო                              | 89  |
| თავი მეექვსე: ერი   | 96  |
| თავი მეშვიდე: სამშობლო  | 107 |
| თავი მერვე: საერთაშორისო სამართალი და კაცობრიობა                  | 113 |
| თავი შუცხრე: სოციალიზმი, ერი და კაცობრიობა                        | 126 |
| თავი მეათე: ერის უფლება   | 141 |
| თავი მეთერთმეტე: ერის ღირსება და უპირატესობა                      | 177 |
| თავი მეთორმეტე: „ფონდი კაცობრიობისა“, შესაძლებელი მომავალი        | 175 |
| თავი მეთრამეტე: ერის თეორიები                                     | 204 |
| თავი მეთოთხმეტე: ქართველი ერი                                     | 226 |
| თავი მეთხუთმეტე: დასკვნა: იდეალი და პრაქტიკა                      | 237 |
| დანართი   | 243 |

გამომცემლობის რედაქტორი **კ. ჯიშკარიანი**  
შხატვარი **ო. ვარვარიძე**  
სამხატვრო რედაქტორი **ი. ჩიქვინიძე**  
კორექტორი **ე. გონჭილაშვილი**

სბ 1658

გადაეცა წარმოებას 25.10.89 ხელმოწერილია დასაბეჭდად 7.06.90.

საბეჭდი ქაღალდი 70×108<sup>1</sup>/<sub>16</sub>. პირობითი ნაბეჭდი თაბახი 29,4.

სააღრ.-საგამომც. თაბახი 26,2 ტირაჟი 80 000 შეკვეთის № 139

ფასი 5 მან. 50 კაპ.

თბილისის უნივერსიტეტის გამომცემლობა, თბილისი, 380028, ა. ჯავახიშვილის პროსპექტი, 14.  
Издательство Тбилисского университета, Тбилиси, 380028, пр. И. Чавчавадзе, 14.  
თბილისის უნივერსიტეტის სტამბა, თბილისი, 380028, . ჯავახიშვილის პროსპექტი, 1.  
Типография Тбилисского университета, Тбилиси, 380028, пр. И. Чавчавадзе, 1.

---

დაიბეჭდა და აიკინდა საქართველოს კ ცკ-ის გამომცემლობის შრომის წითელი დროშის  
ორდენოსან სტამბაში, თბილისი, ლენინის, 14.  
Отпечатано и сброшюровано в Ордена Трудового Красного Знамени типографии Издательства ЦК КП Грузии, г. Тбилиси, ул. Ленина, 14.

**Михаил (Михако) Георгиевич Церетели**

**НАЦИЯ И ЧЕЛОВЕЧЕСТВО**

**(Социологический анализ)**

**(на грузинском языке)**

**Издательство Тбилисского университета**

**Тбилиси 1990**